# ةجەللاب ديدجلا دەعلا قيرئازجلا Arabic, Algerian Spoken: Arabe Algerian NT

## الجزائرية باللهجة الجديد العهد Arabic, Algerian Spoken: Arabe Algerian NT

copyright © 2018 United Bible Societies Language: (Arabic, Algerian Spoken) Contributor: SIL International (in Eurasia)

New Testament in Colloquial Arabic of Algeria

All rights reserved.

2020-11-10

PDF generated using Haiola and XeLaTeX on 13 Jul 2024 from source files dated 29 Jan 2022 e1713164-cc45-5459-a790-ee1d918a6d65

## Contents

ū /											. 1
، ، ، ، مبي					 			•		•	
مَرْقُسِ إِنْجِيلٍ					 			•		•	. 39
لُوقًا إِنْجِيلَ					 						. 62
يُوحَنَّا إِنْجِيلُ					 						. 102
ٱلرُّسُلِ أَعْمَالُ					 						. 131
َّرُولِ بُولُسَ رِسَالَةُ رَسُالَةُ	مِيَةَ أَهْلِ إِلَى ٱلْمُ	, 4)			 						. 168
, ,	- / /		<u></u>								
رَّسُولِ بُولُسَ رِسَالَةُ			•		 			•		•	. 183
يَّسُولِ بُولُسَ رِسَالَةُ	ُلِ إِلَى ٱلتَّانِيةُ ٱلرَّا	كُورِنْتُوسَ أَهْ	ĺ.,		 						. 198
يَّسُولِ بُولُسَ رِسَالَةُ	طِيَّةَ أَهْل إِلَى ٱلرَّ	غَلَاه			 						. 208
يَّسُولِ بُولُسَ رِسَالَةُ					 						. 214
َيُّسُولِ بُولُسَ رِسَالَةُ يُسُولِ بُولُسَ رِسَالَةُ					 						. 220
يَّسُوكِ بُولْسَ رِسَالَةُ يَّسُوكِ بُولُسَ رِسَالَةُ	. ' , <del>"</del> /									-	. 224
				• •	 • •	• •	•	•	• •	•	. 227
يَّسُولِ بُولُسَ رِسَالَةُ	يِ إِلَى ٱلأُولَى ٱلر	سالونِيكِي أهلِ	i		 						. 228
َّسُولِ بُولُسَ رِسَالَةُ	َلِ إِلَى ٱلتَّانِيةُ ٱلرَّا	تَسَالُونِيكِي أَهْ			 						. 232
يُسُولِ بُولُسَ رِسَالَةُ	، إِلَى ٱلْأُولَى ٱلرَّ	. تىجُوتَاوُسَ			 						. 234
يُّهُ وَ مُؤْلِقُ وَسَالَةُ وَلَكُونُ وَسَالَةُ وَلَكُونُ وَسَالَةُ وَسَالَةُ					 						. 239
يُّسُولِ بُولُسَ رَسَالَةُ يُسُولِ بُولُسَ رَسَالَةُ					 						. 243
َيُّ رُوِّ بَرِيْسَ رِسَالَةُ يُسُولِ بُولُسَ رِسَالَةُ											. 245
يشون بونس رِكسالة عبْرَانِيَّينَ إِلَى اَلرِّسَالَةُ					 	• •	•	•	• •	•	. 246
2, 1 2 2 2 2 2					 		• •	•		•	. 257
يَعْقُوبُ رِسَالُةُ	مه ءُ ہ م سَا				 			•		•	
سُولِ بُطْرُسَ رِسَالَةُ	. ٱلأُولَى ٱلرِّه				 						. 261
سُولِ بُطْرُسَ رِسَالَةُ	ٱلتَّانِيَةُ ٱلرَّ				 						. 266
رَّسُولِ يُوحَنَّا رِسَالَةُ	<b>`</b> 4				 						. 269
رَّسُولِ يُوحَنَّا رِسَالَةُ رَّسُولِ يُوحَنَّا رِسَالَةُ											. 274
رسون يوحنا رساله	۰ . سیس				 			•		•	. 4/4

ٱلتَّالِيَّةُ ٱلرَّسُولِ يُوحَنَّا رِسَالَةُ													275
يَهُوذَا رِسَالَةُ													
ٱللَّاهُوتِيّ يُوحَنَّا رُؤْيَا													279

# إِنْجِيلُ مَتَّى

إنجيل مَتّى نَكتَب للمَسيحِيِّن اللي آصَلهُم يْهودي واللي يَعَّرفو مْليح كُتوب العَهَد القُديم. مَتَّى يَجبَد بَرَّاف هاد الكُتوب ويُورِّي باللي يَسوع هُو اللي يُحقَّق الشي اللي تُقال فيهُم. كي كُتَب مَتّى هاد الإنجيل، كانو المُسيحِيِّن اللي آصَلهُم يْهود نُّعاوزو من دْيار الصْلاة مْتاع الْيهود وَولاّو يَتلايمو بيناتَهُم ويَستَقبلو حَتَّى اللي ماشي يْهود.

مَتَّى شايَف يَسوع هُوَ السِيَّد اللي يَقدَر يْقول ويامَر بالشي اللي يامَر بيه الله. هاد السِيَّد هُوَ المَسيح اللي كانو الْيهود يَستَنَّاو فيه وجا يْورَّي كيفاش لازَم يَنفَهمو فْرايَض العَهَد القْديم.

لَم مَتَى كُلام يَسوع في خَمس خُطبات: 1. خُطبة مَعروفة بخُطبة الجُبَل (5-7): دار فيها يَسوع قانون يُعيشو عليه التابعين مْتاعو، هاد القانون يُغُص العَلاقة بين بْنادَم وبْنادَم والعَلاقة بين بْنادَم والله. 2. خُطبة فالفَصل 10: يامَر ويَنصَح اللي يُروحو يُبشّرو بالإنجيل. 3. خُطبة فالفَصل 13: يَحكي حْكايات باش يَبيَّن كيفاش تُكون الحَالة كي يُكون الله سَلطان. 4. خُطبة فالفَصل 18: يَبيَّن كيفاش لازَم تُكون العَلاقة بين الخاوة المسيحيّين. 5. خُطبة فالفُصل 26: خُطبة فالفُصول 24 و25: تُقول كيفاش لازَم للتابعين يَستَنّاو نُصرة الله الأخرانيّة، قُبل وبَعد هاد الخُطبات، كاين حْكايات يُفطّنو الناس ويْناقَش شيوخ كاين عُورِّيو كيفاش كان يَسوع يَشفي المَرضي، يُوكِّل الغاشي، يُحكي حُكايات يُفطّنو الناس ويْناقَش شيوخ الْهود.

فالبَدية مْتَاعِ الإنجيل، يَحكِي مَتَّى كيفاش زاد وكيفاش كْبَر يَسوع. في آخَر الإنجيل، سَلطان الْيهود يَتَّكُم عليه بالموت ويَتَسَمَّر في صْليب، بَصَّح الله يَحييه من الموت ويَضهَر للتابعين مْتاعو ويَطلَب منهُم يْبَشَّرو بالإِنجيل لكامَل شُعوب الأرض.

. قُبَل ما يْزَيد، تْسَمّا يَسوع عَمّانويل، يَعني "الله معانا." إنجيل مَتّى يَخلاص بهاد الوَعد من يَسوع: "وأَنا راني معاكم كُل يوم حَتّى لآخَر الزْمان." يَسوع هُو حْضور الله في وَسط بْنى آدَم.

## سُلالة يُسُوع المُسيح

أي المجان ال

<sup>\* 1:11</sup> النّفية لبابل في عام 721 ق.م. ستعمرو الآشوريين السامرة عاصمة المملكة الشمالية )إسرائيل( ونفاو سكانها لبابل وسكنو ناس براوية فيها وفي عام 586 ق.م. ستعمر نبوخد نصر سلطان الكلدانيين أورشليم عاصمة المملكة الجنوبية )يهودا( وهد معبد سليمان ونفا سكانها لبابل.

جاب صادوق وصادوق جاب أخيم وأخيم جاب أليود، <sup>15</sup> أليود جاب أليعازَر وأليعازَر جاب مَتّان ومَتّان جاب يَعقوب، <sup>16</sup> يَعقوب جاب يوسَف راجل مَريَم اللي وَلدَت يَسوع اللي يَنسَمّا المُسيح. <sup>17</sup> كايَن رْبَعطاشَن جيل من إبراهيم لداوَد ورْبَعطاشَن جيل من داوَد للنَفية لبابل، ورْبَعطاشَن جيل من النَفية لبابَل للمُسيح.

زْيادة يُسوع المُسيح

18 زْيادة يَسوع المَسَيح هَكَدا كانَت: مَريَم يَّاه كانَت مخطوبة ليوسَف. قْبَل ما يْعيشو كيف كيف، لْقات روحها بالجوف بالروح القُدّوس، 19 وكان راجَلها يوسَف راجَل صالحَ وما حَبش يَفضَحها، همّالا حَب يَبطَّل معاها فالسَر. <sup>20</sup> وكي كان يُحَمَّم في هاد الشي، هاو وين مْلاك من الرَب شْهَرلو فالمْنام وقاللو: "يا يُوسَف بَن داوَد، ما ثْخَافْش تاخُد مَريَم مَرتَك خاطَر اللي راهي رافدة بيه الجوف من الروح القُدّوس، <sup>21</sup> رايحة تُزيَّد وْلَد وأَنتَ شَمَّيه يُسوع، خاطَر هُو اللي يُسلَّك شَعبو من دُنوبهُم." <sup>22</sup> هاد الشي كامَل صْرا باش يْتَم كُلام الرَب اللي قالو النّبي: <sup>23</sup> هايلك العاتق تَرفَد الجوف وتْزيَّد وْلَد ويْسَمّيوه "تَمَانوئيل"، اللي مَعناه "الله مْعانا.""

<sup>24</sup> كي فْطَن يوسَف من الرْقاد، دار كيما قاللو مْلاك الرَب وأَدّا معاه مَرتو، <sup>25</sup> بَصَّح ما دْخَلش عليها حَتَّى زَيّدت وْلَد وسَمّاه يَسوع.

2

زْيارة المُجُوس

أ بعد ما زاد يَسوع في بيت لحَم اليَهوديّة في يامات هيرودَس السَلطان، هام مجوس من المَشرَق وَصلو لأورشَليم، ويشولو: "وين راه سَلطان اليهود اللي زاد؟ خاطَر شَفنا النَجمة مْتاعو فالمَشرَق وجينا نَشَجدولو." 3 كي شمّع السَلطان هيرودَس، تُقلَق، هُو وكامَل أورشَليم، 4 ولَم كامَل رِيّاس رْجال الدين وكتّاب الشَعب، باش يَعرَف منهُم وين يُزيد المَسيح، 5 جاوبوه: "في بيت لحَم اليَهوديّة، خاطَر ثُعتَب عليه النّبي: 6 "وأنت يا بيت لحَم، بْلاد من اليَهوديّة، ما راكيش كامَل مَهونة ما بين الريّاس مْتاع اليَهوديّة، خاطَر مَنّك يَخرُج قايَد، هُو اللي يَرعا شَعبي إسرائيل.""

<sup>7</sup> هِمّالا، عَيَّط هيرودَس للمَجوس فالسَر وتبَّت مَنهُم على الوَقت الصَّحيح اللي بانَّت فيه النَّجمة، 8 وبْعَتهُم لبيت لَحَم وقال: "روحو، وتبَّتو الخُبر على الصَّغير مُليح، وكي تَلقاوَه، قولولي باش أَنا تاني نْروح نَسجَدلو." 9 بَعدما سَعو واش قال السَلطان، راحو، وهاي وين النَجمة اللي شافوها فالمَشرَق جات تَمَشا سابقَتَهُم حَتَّى وَصلَت وحَبسَت فوق المُكان اللي كان فيه الصْغير. <sup>10</sup> كي شافو النَجمة، فَرحو الجَوس بَرَّاف بَرَّاف، <sup>11</sup> وكي دَخلو للدار، شافو الصُغير مع مَريم يَمّاه وركعو ساجدينلو، وحَلو رْزايَمهُم وعْطاولو هْديّات: دْهَب وبْخور وريحة. <sup>12</sup> ورَجعو لبْلادهُم من طُريق واحَدُخرى بَعدما عَرفو فالمُنام باللي ما لازَمش يُولِّيو عَند هيرودَس.

الهَربة لمَصَر

13 بَعَدما راحو المجَوس، ضْهَر مْلاك الرَب ليوسَف فالمْنام يْقول: "نوض وأَدِّي الصْغير ويَمَّاه وأَهرَب لَمَصر وأَبْقا تُمَّة حَتَّى وين نْقولَك، خاطر هيرودَس رايح يْحَوَّس على الوْلَد الصْغير باش يَقْتلو." <sup>14</sup> ناض يوسَف وأَدّا الوْلَد الصْغير ويَّمَّاه فالليل وراح لمَصَر، <sup>15</sup> وقْعَد تَمَّة حَتَّى مات هيرودَس، باش يُتَم كُلام الرَب اللي قالو النبي: "عَيَّطت لوْليدي بَرَّا من مَصَر."

16 همّالا، كي عْرَف هيرودَس باللي المجَوس تُمَسخرو بيه، تُغَشَّش بَرَّاف وبْعَت يُقْتَل كامَل الدْراري اللي في بيت لَحَم وجْوايَهها من عامين للتَحت، على حْساب الوَقت اللي تَبتو من المجَوس. <sup>17</sup> داك الوَقت ثُحَقَّق كُلام النّبي إرميا اللي يْقول: <sup>18</sup> "صوت اتَّسمَع فالرامة، بُكا وشَكاية بَرَّاف، راحيل تَبكي على وْلادها وما حَبَّتش تَنعَزَّا خاطَر ما وَلاّوش كاينين."

## الرَجعة للناصرة

19 كي مات هيرودَس، شْهَر مْلاك الرَب فالمْنام ليوسَف في مَصَر، <sup>20</sup> يْقول: "نوض وأَدِّي الوْلَد الصْغير ويمَّاه وروح لَبْلاد إِسرائيل خاطر هَدوك اللي كانو يُحَوِّسو يَقْتلو الوْلَد الصْغير ماتو." <sup>21</sup> ناض يوسَف وأدّا الوْلَد ويمَّاه ودْخَل لبْلاد إِسرائيل. <sup>22</sup> بَصَّح كي شْمَع باللي أَرخيلاوَس وَلاَّ سَلطان اليَهودِيّة في مْكان باباه هيرودَس، خاف يُروح لتَمَّة، وراح لجُوايَه الجُليل على حُساب ما أَتُّوحالو فالمُنام، <sup>23</sup> وجا يَسكُن في مُدينة يُسمَّيوها الناصرة، وهَكدا تَمَ كلام الأَنبيا: "رانج يَتسمَّا ناصري."

3

# يوحَنَّا المُعَمَدان يْوَجَّد الطُّريق

أ في هَدوك اليامات، شْهَر يوحَنّا المَعمَدان يْبشَّر فالخْلا مْتاع اليَهوديّة، 2 ويْقول: "توبو، خاطَر قَرَّب مَلكوت السُما" 3 يوحَنّا هُو اللي هْدَر عليه النّبي إشعيا يْقول: "صوت يْعيَّط فالخْلا: "وَجّدو طْرِيق الرّب، سَلسو طُرقانو""
 4 يوحَنّا كانَت عَدو لَبسة مْتاع هْبَر الجُمْلُ ويْحَزَّم الكُلاوي مْتاعو بسَبتة مْتاع الجَلد، ياكُل الجْراد والعُسَل الحُو.
 5 كانو يَخَرُّجو ليه ناس أورشَليم وكامَل اليَهودِيّة وجْوايَه واد الأُردُن، 6 وكان يُعمَّدهُم في واد الأُردُن وهومَ يْستَعرفو بدُوبهُم.

<sup>7</sup> كَي شاف فَريسيّين وصد وقيّين بَرّاف يْجيو باش يَعمَّدهُم قالَلهُم: "يا وْلاد اللْفاعي، شْكون وَرّالكُم تَهرّبو من الزعاف اللي جاي؟ <sup>8</sup> بيّنو فْعال تْليق بالتوبة، <sup>9</sup> وما تَحْسبوش تْقولو في قُلوبكُم: "عَندنا بابانا إبراهيم"، خاطر نْقوللكُم باللي الله يَقدَر مَن هاد الحَجْر يُخرَّج وْلاد لإِبراهيم. <sup>10</sup> الفاس راهو نْحَط عَند عْروق السْجَر، كُل سَجرة ما تُجيبش عَلّة مليحة تَنقطع وتَرَّما فالنار، <sup>11</sup> أنا نْعَمَّدكُم فالما للتوبة، بَصَّح اللي يْجي موراي، قُوي عْليَّ وأنا ما نَستاهلش نَرفَد سَبّاطو. هُو يُعمَّدكُم فالروح القُدّوس وفالنار، <sup>12</sup> شايد المَدرة في يَدّو، يَفرز النادر مْتاعو، ويْلَم القَمح مْتاعو فالحَزن، بَصَّح النْبَن يَحَرقو في نار ما تَطفاش."

# مُعموديّة يُسوع المُسيح

13 داك الساع، جا يَسوع من الجُليل لواد الأردُن عَند يوحَنّا باش يْعَمّدو، 14 يوحَنّا ما قَبَلش وقال: "أَنا اللي نَسحَق تُعَمَّدني وأَنتَ جيت لعَندي؟" 15 جاوَب يَسوع وقاللو: "خَلِّي دُرك، خاطَر هَكدا اللي يُليق بينا نُديرو بالثمّام كُل صْلاح" ويوحَنّا خَلاّه. 16 كي تُعمَّد يَسوع، طُلعَ تَم تَم من الما، وهاو وين غُلَّت على جالو السْما وشاف روح الله هابَط كي الحْمامة وجاي عليه، 17 وصوت جاي من السْما يْقول: "هَدا هُوَ وْليدي الحْبيب اللي هُوَ فَرحتي." أ أومبَعد، ثُقُوَّد يَسوع بالروح القُدّوس للخُلا باش يُجرّبو إبليس. ² وبَعدما صام رَبعين نْهار ورَبعين ليل، مْعَ الأَخَّر جاع. ³ أَتَدَنّا ليه الغاوي وقاللو: "إيلا كُنت بْن الله، قول لهاد الحُجْر يْوَلّيو خُبز" ⁴ جاوبو يَسوع: "مَكتوب: "الإِنسان ما يْعيشش بالخُبز بَرك، بَصَّح بكُل كَلمة تُخرَج مَن فُم الله."" ⁵ أومبَعد، أَدّاه إبليس للمدينة المُقدّسة، وحَطّو فوق العلو مْتاع المَعبَد، ٥ وقاللو: "إيلا كُنت بْن الله، أرمي روحك للتَحت خاطر مَكتوب:

"يُوصَّي الْمَلايكة مْتاعو عليك، ويرَّفدوك عَلى يَدَّيهُم تُعود تَرَدَم رَجلَك في جَرة."" 7 قاللو يَسوع: "مَكتوب تاني: "ما ثُجَرَّبش الرَب إِلْهَك"" 8 زاد أَدّاه إِبليس فوق جْبَل عالي بَرَّاف ووَرَّالو كامَل مَمَلَكات الدَنيا والجَد مْتاعهُم، 9 وقاللو: "هاد الحاجات كامَل نعطيهُملَك لو كان تَركع ساجَد قُدّامي." 10 همّالا قاللو يَسوع: "بعَّد يا شيطان! خاطَر مَكتوب: "تَسَجَد للرَب إِلْهَك وتَعَّبدو غير هُوَ."" 11 داك الساع، خَلاّه إِبليس، وجاو مَلايكة عَندو وْبداو يَخَدَموه.

# البَدية مْتاع خَدَّمتو فالجْليل

12 كي سُمَع يَسوع باللي أَدَّاو يوحَنَّا المَعمَدان للحَبس، راح للجُليل. 13 خَلاّ الناصرة وسْكَن في كَفرناحوم اللي جايّة عَند البْحر في بلاد زَبولون ونَفتاليم، 14 باش يُتم كُلام النّبي إشعيا اللي قال: 15 "بْلاد زَبولون وبْلاد نَفتاليم، طريق البْحر، البْلاد اللي مور واد الأُردُن، الجُليل اللي يَشَكنوها اللي ماشي يْهود، 16 الشّعب القاعَد فالضّلمة شاف نور كُبير، والقاعدين في بْلاد الموت وضَلّها، شْرَق عُليهم نور." 17 من داك الوَقت، بْدا يَسوع يْبَرَّح ويْقول: "توبو خاطر مَلكوت السّما قرَّب."

# دَعوة التابعين الأُولانِيّين

18 كي كان يَسوع ماشي على شَط بْحَر الجِلْيل، شاف زوج خاوة، سَمعان اللي يْعَيَّطُولُو بُطُرُس وخوه أَندراوَس، يَرميو شَبكَة فالبْحَر خاطَر كانو صِيَّادين، <sup>19</sup> وقالَلهُم: "تَبعوني ونْرَجَّعكُم تُصَيَّدُو الناس" <sup>20</sup> تَم تَم، خَلاّو الشْبَك وتبّعوه. <sup>21</sup> زاد بَعَّد من تَم وشاف زوج خاوة واحدُخرين، يَعقوب بَن زَبَدي وخوه يوحَنَّا، فالفُلوكة مع باباهُم زَبّعوه. زُبدي يُرقّعو فالشْبَك مْتاعهُم وعَيَّطَلهُم. <sup>22</sup> تَم تَم خَلاّو الفُلوكة وباباهُم وتبّعوه.

# يُسُوع يْدُرَّس ويشَفي المَرضى

23 أومبَعد، راح يَسوع يْطَوَّف كامَل الجَليل، يْدَرَّس في عْجامَعهُم ويْبرَّح بْشارة المَلكوت ويَشَفي كُل مَرض وكُل عيب فالشَعب. <sup>24</sup> وْصَل خَبرو لكامَل سورِية، وجابولو كامَل المَرضى اللي عَندهُم مَرض وَلاَّ وْجاع مَن كُل نوع، المَسكونين، واللي عَندهُم الصَّريع والمَشلولين وشفاهُم. <sup>25</sup> وراح معاه غاشي عُبير جاي من الجُليل والعَشرمدايَن وأورشَليم واليَهوديّة ومور واد الأُردُن.

5

# الخُطَبة مْتاع الجُبْل – يا سَعد

أو يُساف يَسوع الغاشي، طْلَع للجُبَل. وكي قْعَد، أَدَّناو ليه التابعين مْتاعو، ² وبَدا يْدَرَّس فيهُم وقال: 3 "يا سَعد الفُلالين فالروح خاطر مَلكوت السَّما ليهُم. 4 يا سَعد الحْزانی خاطر رايحين يَتعَزَّاو. 5 يا سَعد الحْنان خاطر رايحين

يوَّرتو الأَرض. 6 يا سَعد الجيعانين والعَطشانين للصْلاح، خاطَر رايحين يَشَبعو، 7 يا سَعد الرُحَما خاطَر رايحين يْنالو الرَحة، 8 يا سَعد اللي قَلبُهُم صافي خاطَر رايحين يْشوفو الله، 9 يا سَعد اللي يْسَبّبو السَّلام خاطَر رايحين يَسَمّاو "وْلاد الله"، 10 يا سَعد اللي راهُم تحقورين على جال الصَّلاح، خاطَر مَلكوت السَّما ليهُم، 11 يا سَعدَكُم كُل ما يُعايروكُم ويَقُولو عليكُم بالكَدَب كُل دوني على جالي، 12 أَقَرحو وأَسَّعدو خاطَر آجَرُكُم كُبير فالسَّما، خاطَر هَكدا حَمُو والأَنبيا اللي كانو قْبَلكُم.

# مُلح الأَرض ونور الدَنيا

13 أُنتومَ المَلح مْتاع الأَرض، لو كان المَلح يُولِّي بلا بَنّة، باش يَتَلَّح؟ ما يْزيد يَصلَح لحَتَّى شي، غير يَتَرما بَرَّا ويَغْفسوه الناس. <sup>14</sup> أنتومَ نور الدَنيا. مُدينة جايّة فوق جْبَل ما تَقدَرش تَتَخَبًا، <sup>15</sup> ما يَشَعلوش شُمعة ويُحَطّوها تَحت ماعون، يُحطّوها فالشَندال وتْضَوِّي على كامَل اللي فالدار. <sup>16</sup> هَكدا لازَم يُضُوِّي نوركُم قُدَّام الناس، باش يُشوفو فْعالكُم المُلاح ويْسَبَّحو باباكُم اللي فالسْما.

# نْكَمَّلُ الشَريعة

17 ما تَحَسبوش باللي جيت باش نْهَد الشَريعة وَلاّ كَلام الأَنبيا. ما جيتش نْهَد، جيت نُكَّل. 18 خاطَر نُقولَلكُم الصَح، قْبَل ما تْزول السْما والأَرض، ما رايح يْزول حَتَّى حَرف وَلاّ نُقطة من الشَريعة، حَتَّى يَصرا كُل شي. 19 على هَدا، لو كان واحَد يْغَيّى واحدة من هاد الفرايض الصْغار ويْعَلَم الناس يْديرو هَكدا، رايج يَتَسَمّا الصْغير في مَلكوت السْما، بَصَّح اللي يْطَبَّق ويْعَلَم، هَداك رايج يَتَسَمّا كُبير في مَلكوت السْما. 20 راني نُقولَلكُم باللي، لو كان ما يْزيدش صْلاحكُم على صْلاح النُكَّاب والفَريسِيّين، ما تَدُّخلوش لمَلكوت السْما.

#### الزعاف

21 شَمَعتو باللي تُقال للقُدَم: "ما تُقتَلش، واللي يُقتَل يَستاهَل يُجوز فالشْرَع" 22 بَصَّح أَنا نُقولَلكُم، كُل واحَد يَتغَشَّش على خوه يَستاهَل يُجوز فالشْرَع، واللي يْقول: يَعغَشَّش على خوه يَستاهَل يُجوز فالشْرَع، واللي يْقول: "مَبول"، يَستاهَل يْجوز فالجُلَس الديني، واللي يْقول: "مَبول"، يَستاهَل نار جَهنَّمة. <sup>23</sup> همّالا، إيلا جيت ثُمَّد الهبة مْتاعَك على المَديَج وثفَكَّرت باللي خوك يُسال حاجة عَندَك، <sup>24</sup> خَلِي ثُمّة الهبة مْتاعَك قُدَّام المَديَج، وروح قُبَل أَتصالحَ مع خوك، داك الساع أرواح وقَدَّم الهبة مْتاعَك. ويُم أَتصالحَ بالخف مع عُدوك، والقاضي، والقاضي يُسلَمَك المُدو للقاضي، والقاضي يُسلَمَك للشُرطي وتَرَّما فالحَبس. <sup>26</sup> نُقولك الصَح، ما تُخرَجش من ثَمَّة حَتى تُخلَّص الصوردي الأُخراني.

#### الزنا

27 شُمَعتو باللي ثقال: "ما تَزنيش"، <sup>28</sup> بَصَّح أَنا نقولَلكُم: كُل واحَد يْشوف مْرا باش يْتشَهّاها، راهو زْنا معاها في قَلبو. <sup>29</sup> وَلاّ كانَت عينَك اليْمنى تُعَتَّرَك، قَلَّعها وأَرميها بْعيد عليك، خاطَر تَنهلَك حاجة من داتَك خير لَك من اللي تَتَّرما داتَك كامَلة في جَهَنَّمة. <sup>30</sup> وَلاّ كانَت يَدَّك اليْمنى تُعَتَّرَك، قَطَّعها وأَرميها بْعيد عليك، خاطَر تَنْهلَك حاجة من داتَك خير لَك من اللي تْروح داتَك كامَلة لِجَهَنَّمة.

31 وثقال: "اللي يُحَاوَز مَرتو، لازَم يَعطيها وَرقة الطْلاق." <sup>32</sup> بَصَّح أَنا نْقُولَلَكُم باللي كُل واحَد يْحَاوَز مَرتو على سَبّة من غير الفَسق، يَتَسَبَّبلها باش تَزني، واللي يَتَزَوَّج بواحدة مُطَلَّقة، راه يَزني.

اليمين

33 وَشَمَّعَتُو تَانِي باللي تُقال للقُدَم: "ما تَحَنَتُش اليمِين، ولازَم تُوثِي بَمِينَك للرَب"، 34 بَصَّح أَنا نُقولَلكُم: ما تَحَلَفوش كَامَل، لا بالسَّما خاطَر هيَّ عَرش الله، 35 لا بالأرض خاطَر عليها يُحْطّ رَجليه، لا بأورشَليم، خاطَر هيَّ مُدينة السَلطان الكُبير. 36 ما تَحَلَفش براسَك خاطَر ما تَقدَرش تُرجَّع شُعرة واحدة بيضة ولاَّ كَلَة. 37 لازَم يُكون كُلامكُم إيه، إيه، لالا، لالا، الزيادة على هَدا من الدوني.

التار

38 سُمَعتو باللي ثقال: "عين بعين وسَنّة بِسَنّة"، <sup>93</sup> بَصَّح أَنا نْقُولَلَكُم ما تْقاوموش المُشرار، بَصَّح اللي يُسَقَلَك على خُدَّك اليمين، وَرّيلو الخِد الآخُر تاني. <sup>40</sup> اللي يُحَب يَدّيك للشْرَع باش يَدّيلك جَلاّبتك، خَلّيلو البَرنوس تاني، <sup>41</sup> واللي يَطلَب منَّك تَمْشِي معاه مْية مِترة، أَمشي معاه ميتين، <sup>42</sup> اللي يَطلَب منَّك أَعطيه، وما تُرَدش اللي يُحَب يْسَلَّف مَنَّك.

## مُحَبَّة العَديان

43 شُمَعتو باللي ثقال: "ثَحَبَ قْريبَك وتَكَرَه عْدوك"، 44 بَصَّح أَنا نْقولَلَكُم: حَبُّو عَديانَكُم، وصَلّيو للي يَحَقّروكُم، 45 باش تُكونو وْلاد باباكُم اللي فالسْما، خاطَر هُوَ يْطَلَّع شَمسو على المَشرارين والمُلاح، ويْطَيَّح الشّتا على الصالحين 45 واللي ماشي صالحين. <sup>46</sup> خاطَر وَلا تُحَبِّو اللي يُحَبِّوكُم، واش من الآجَر عَندكُم؟ المُكَاسين ماشي هومَ تاني يْديرو هَكدا؟ <sup>47</sup> وَلاَ تُسْلَّو غير على خاوَتَكُم، واش من الخير راكم تُديرو؟ الكُفّار ماشي هومَ تاني يْديرو هَكدا؟ <sup>48</sup> هِمَّالا كونو كاملين كيما باباكُم السَّماوي كامَل.

6

#### الصُدقة

أبلاكو تُبيّنو صْلاحكُم قُدّام الناس باش يْشوفوكُم، وَلا ماكاش ما يْكونش عَندَكُم آجَر عَند باباكُم اللي فالسْما.
 كي تْصَدَّق ما تَبَوَّقش قُدّامَك كيما يْديرو المُنافقين فالحجْامَع وفالزْنَق باش يَشْكروهُم الناس. نْقوللكُم الصَح: راهُم أَدّاو الآجَر مْتاعهُم. أَنَّت كي تُصَدَّق، ما لازَمش تَعرَف يَدَّك اليْسرى واش تْدير الْبينى، 4 باش تُكون الصَدَقة مْتاعك فالسَر وباباك اللي يشوف فالسَر يْجازيك.

#### الصّلاة

5 وكي تُصَليو، ما تُكونوش كيما المُنافقين، خاطَر يُحبَّو يَوَّقفو يْصَليو فالجُامَع وفالشُّوك مْتاع الزَّنق باش يْبانو للناس، نُقولَلكُم الصَح: راهُم أَدَّاو الآجَر مْتاعهُم. 6 بَصَّح أَنتَ كي تُصَلِّي، أَدخُل للبيت الدَخلانيّة مْتاعك، وأَغلَق الباب، وصَلِّي لباباك اللي راهو فالسَر، وباباك اللي يشوف فالسَر يُجازيك. 7 وكي تُصَليو، ما تَبقاوش تُعاودو فالكُلام باطَل كيما يُديرو الكُفّار. خاطَر يَحَسبو باللي من كَترة كُلامهُم، يُستَجابَلهُم. 8 ما تُكونوش كيما هومَ، خاطَر باباكُم يعرَف واش تَسَّحقو قَبَل ما تَطَلو مَنَّو،

<sup>9</sup> هِمّالا أُنتومَ صَلّيو هَكدا: "بابانا اللي فالسما، يْتقدَّس آسمَك، <sup>10</sup> يُجِي مَلكوتَك، يَندار مُرادَك كيما راهو فالسما، هَكداكُ تاني على الأَرض. <sup>11</sup> خُبرنا مْتاع اليوم أُعطيلنا اليوم، <sup>12</sup> أَغفَرَّلنا دْنوبنا كيما حْنا تاني نَغْفرو للي يَغْلطو فينا، <sup>13</sup> وما تَديناش للغواية، بَصَّح نُجِّينا من الحيلي." <sup>14</sup> خاطر وَلا شَمَحتو للناس الغلطات مْتاعهُم، باباكُم السماوي يَسمَحَّلكُم تاني، <sup>15</sup> بَصَّح لو كان ما تَسَّمحوش للناس، باباكُم تاني ما يَسمَحَّلكُمش الغلطات مْتاعكُم.

## الصيام

16 كي نُصومو ما تُكونوش كيما المُنافقين، مَغمومين، خاطَر يَبدّلو وْجوههُم باش يْبانو للناس صايمين. نْقُولَلكُم الصَح، راهُم أَدَّاو الآجَر مْتاعهُم، 17 بَصَّح أَنتَ كي تْصوم، أَدهَن راسَك وأَغسَل وَجهَك، 18 باش ما تْبانش للناس صايَم، بَصَّح لباباك اللي راه فالسَر، وباباك اللي راه يْشوف فالسَر يْجازيك.

# ڭنوز فالسْما

19 ما تُلمّوش لروحكُم كُنوز فالأرض وين العَتّة والصْديد يُفَسّدو، ووين السَرّاقين يَتُقبو ويَسَرقو، <sup>20</sup> بَصَّح، لَمَو كُنوز فالسْما وين لا عَتّة وَلا صْديد يُفَسّدو، ووين السَرّاقين ما يَتَّقبو ما يَسَّرقو، <sup>21</sup> خاطر وين يُكون الكَنز مْتاعَك، تُم تاني يُكون قلَبك. <sup>22</sup> قَنديل الدات هي العين. وَلاّ كانت عينك صُحيحة، داتك كامَل تُكون ضاوية، <sup>23</sup> كانت عينك ماشي صُحيحة، داتك كامَل تُكون مُضلامة. وَلاّ كان النور اللي فيك صْلام، شُعال يُكون كُبير هَداك الطَّهلام!

<sup>24</sup> حَتّى واحَد ما يَقدَر يَخدَم زوج سْياد، خاطَر يا يَكرَه واحَد ويْحَب الآخُر، يا يَتعَلَّق بواحَد ويَحقُر الآخُر. ما تَقَدروش تَخَّدمو الله والمال.

## الله يلتها بينا

25 على هَدا نُقُولَكُمُ: مَا تُخَمَّمُوشُ على حْياتَكُمُ واشُ تاكلو وَلاّ واشُ تَشَربُو، وَلاّ على داتكُم واش تَلَبُسُو. الحيْاة ماشي كُتَرَ مِن المَاكلة والدات كُتَرَ مِن اللَبِسَة؟ <sup>26</sup> مَيْزُو طْيور السْما، ما يَزْرعو، ما يَخَصدو، ما يُلبّو فالحُخازَن، وباباكُم اللي فالسْما يْطَعَمهُم. أُنتومَ ما تَسواوش كُتَر مَنهُم؟ <sup>27</sup> شُكُون فيكُم يَقَدَر يْزِيد بالتَخمام مْتاعو ساعة في عَمرو؟ اللي فالسْما يُطَعَمهُم، أُنتومَ ما يَسَج، <sup>29</sup> بَصَّح على اللَبسة؟ أَتَعَلَّمُو مِن السيسان مْتاع الحُواش كيفاش يْبوض؟ ما يَخدَم ما يَسَج، <sup>29</sup> بَصَّح نُقُولِكُمُ: سُليمان في كامَل عَرِّو ما لْبَسش كيما واحَد فيهُم. <sup>30</sup> وَلاّ الحُشيش مْتاع الحُواش اللي اليوم راهو كايَن وَعُدو يَتَرَم افالكوشة، الله يُلبّسو هَكدا، ماشي أُنتومَ كُتَر، يا قُلال الإيمان؟ <sup>18</sup> هيّالا ما تُخَموش وثقولو: "واش ناكلو؟ وَلاَّ واش نَشَربو؟ وَلاَّ واش نَلْبسو؟ <sup>23</sup> خاطر هاد الشي كامَل، الكُفّار هومَ اللي يُحوّسو عليه. خاطر باباكُم السُماوي يَعرَف باللي تَسَحقو هاد الشي كامَل، <sup>33</sup> خوّسو قبل على مَلكوت الله والصُلاح مْتاعو، وهاد الشي كامَل يَنزادَلكُم. <sup>43</sup> هيَّلا ما تُخَمّوش على غُدوة، خاطر غُدوة أَنْ عَلَى على مَلكوت الله والصُلاح مْتاعو، وهاد الشي كامَل يَلادَلكُم. <sup>43</sup> هيَّلا ما تُخَمّوش على غُدوة، خاطر غُدوة أَنْ عَنَّوم على روحو. كُل يوم يكفيه همّو."

#### 7

الحُكُم على الأُخرين

أ ما تَحَّمُوش باش ما يَتَّحَمُش عليكُم، ² خاطر يَتَّحَكُم عليكُم بالحُكُم اللي تَحَّمُو بيه، ويَتَكَيَّلُكُم بالكيلة اللي ثُكَيّلو بيها.
 و وَعلاش نُشوف التَخشة اللي في عين خوك بَصَّح ما نُفيقش المحَطبة اللي في عينَك؟ ⁴ وَلا كيفاش نُقول لخوك:

"خَلَّيْنِ، راَيَح نُخَرَّج التَخشة من عينك وأَنتَ عَندَك حَطبة في عينك" <sup>5</sup> مُنافَق، خَرَّج قُبَل الحَطبة من عينك، داك الساع تُشوف مْليح باش ثْخَرَّج التَخشة من عين خوك. <sup>6</sup> ما تَعطيوش المُقَدَّس للكَّلاب يْعودو يْدورو يْفَطّعوكُم، وما تَرميوش جوهَرُكُم قُدَّام الحُلالَف يْعودو يَعْفسوه برَجليهُم.

أُطَّلبو، حَوَّسو، طَبطبو

<sup>7</sup> أَطَّلبُو يَمَدَّالُكُم، حَوْسُو تَلقاو، طبطبو يَتَفتَحَالُكُم، <sup>8</sup> خاطر كُل واحد يَطلَب يْنال، واللي يْحُوَّس يَلقا واللي يْطبطب منو حوتة يَقتَحلو. <sup>9</sup> شكون فيكُم يا بْني آدَم، اللي لو كان يَطلَب منو وْليدو خُبز يَعطيلو حَجرة؟ <sup>10</sup> ولو كان يَطلَب منو حوتة يَعطيلو حْنَش؟ <sup>11</sup> وَلا أَنتومَ اللي مَشرارين تَعَرفو ثُمَدو حاجات مْلاح لوْلادكُم، شُخال هِمّالا باباكُم اللي فالسُما يُمد حاجات مْلاح للي يَطَّلبو منوّ؟ <sup>12</sup> هِمّالا، كامَل واش ثُحَبّو يْديرولكُم الناس، هكداك أنتومَ تاني ديرولهُم، خاطر هدي هي الشريعة وتعليم الأنبيا.

## الباب الضيقة

أدَّ خَلو من الباب الضيّقة، خاطَر عْريضة الباب وواسعة الطْريق اللي يَدَّيو للهْلاك ويَرَّاف اللي يَدَّخلو منها،
 أفّعال ضِيّقة الباب ومْزِيَّرة الطْريق اللي يَدّيو للحْياة، وقْلال اللي يُلقاوها!

# السَجرة وغَلَّتُها

15 رَدُّو بَالِكُمْ مَن الأَنبيا الكَدَّابِين، يُجِيوكُم بِلَبسة النُعاج، بَصَّح هومَ من الداخَل دْيوبة خَطَّافِين. 16 من فْعالهُم تَعَرفوهُم. الغْنَب يَتَقطَف من الشوك؟ وَلاَّ الكَرموس من العَلاَيْث؟ 17 هَكدا، كُل سَجرة مْليحة بَعطي فاكية مْليحة بَصَّح السَجرة الفاسدة تَعطي فاكية فاسدة وَلا سَجرة فاسدة فاكية مُليحة. 19 كُل سَجرة ما تَعطيم فاكية مُليحة، تَنقطُع وتَرَّما فالنار، 20 همّالا، من فْعالهُم تَعَرفوهُم.

<sup>21</sup> ماشي كُل من يْقوللي: "يا رَب، يا رَب" يَدخُّل لَمَلكوت السْما، يَدخُل غير اللي يْدير مُرادْ بابا اللي فالسْما. <sup>22</sup> بَرَّاف اللي يْقولولي في هَداك النْهار: "يا رَب، يا رَب، ماشي بآسمَك تْنَبَّانا، وبآسمَك خَرَّجنا شْياطَن، وبآسمَك دَرنا مُعجِزات بَرَّاف؟" <sup>23</sup> داك الساع غُخَبَّرهُم: "عَري ما عْرَفتكُم، بَعَدو عِلِيَّ يا خَدّامين الباطَل"

## البَنَّايين العاقلين والبَنَّايين الجايحين

<sup>24</sup> على هَدا، كُل من يَسمَع كُلامي هَدا ويَطبَقو، يْشَبَّه لراجَل عاقَل، بْنا دارو على الحَجْر، <sup>25</sup> صَبَّت الشْتا، وفاضو الويدان وناضو الأرياح وطاحو على هَديك الدار، وما طاحَتش خاطَر أَتَّبنا لْساسها على الحَجْر. <sup>26</sup> وكُل من يَسمَع كُلامي هَدا وما يَطَبَّقوش، يْشَبَّه لراجَل جايج، بْنا دارو على الرْمَل، <sup>27</sup> صَبَّت الشْتا، وفاضو الويدان وناضو الأرياح وضَربو هَديك الدار، وطاحَت وكانت الوَخدة مْتاعها خبيرة"

<sup>28</sup> بَعد ما كَمَّل يَسوع هاد الكَّلام، سْتَعْجَب الغاشي فالتَعليم مْتاعو، <sup>29</sup> خاطَر كان يْدَرَّسُهُم كي اللي عَندو الحُكمة وماشي كيما الكُمَّاب مْتاعهُم. أي هبط يَسوع من الجبَّل، تبعو غاشي عُبير. ² وجا ليه واحد عَندو البُرَص، شَجَدلو وقال: "يا رَب، وَلا حَبيّت، تَقَدَر تُردّني طاهَر" ³ مَد يَسوع يَدّو، مَسّو وقال: "نْحَب، كون طاهَر." تَم تَم، طْهَر الراجَل من البُرَص مُتاعو. ⁴ وقاللو يَسوع: "شوف، ما تُقول لحتى واحد، بَصَّح روح وَرّي روحك لراجَل الدين وأدّي الهِبة اللي آمَر بيها موسى، شْهادة ليهُم"

## إيمان قايَد الميْة

أو كي دْخَل يَسوع لكَفرناحوم، جا لعَندو واحَد قايد المية يَحَلَّل فيه، 6 ويْقول: "يا رَب، الخديم مْتاعي راه راقد فالدار، مَشلول ويتعدَّب برّاف"، 7 قاللويسوع: "غْيي أَنا ونَشفيه" 8 جاوَب قايد المية وقال: "يا رَب، أَنا ما نَستاهَلش باش تَدخُل تَحت السْقَف مْتاع داري، بَصَّح قول كلمة بَرك ويبرا الخديم مْتاعي، 9 خاطر أَنا بْنادَم عَندي اللي يَحَكُم فِيّ، وعَندي عَسكر تَحت يدّي، نقول لهَدا: أَمشي، يَمشي، ولواحَد آخُر: أرواح، يُجي، وللعَبد مْتاعي: دير هَدا، يُدير" 10 كي سَمعو يَسوع سْتعجب وقال للي كانو معاه: "نقوللكُم الصَح، حَتِّى واحَد ما لِقيت عَندو إيمان قَد هَدا في إسرائيل، 11 نقوللكُم: بَرّاف يُجيو من المَشرَق والمَغرَب ويقَعدو على الميدة مع إبراهيم وإسحاق ويعقوب في مَلكوت السْما، 12 بَصَّح وْلاد المَلكوت يَرَّماو برَّا فالضْلام مْتاع بَرَّا وين يُكون البُكا وغَن السْنان" 13 وقال يَسوع للقايد: "روح، يُكون لك على حْساب إيمانك." في هَديك الساعة بالدات، بْرا الخديم مْتاعو.

# نْسيبة بُطرُس وناس أُخرِين يبَراو

14 وكي راح يَسوع لدار بُطرُس، شاف نْسيبتو راقدة بالحمّة. 15 مَس يَدها وراحَتَّلها الحمّة، وناضَت وبْدات تَختَمُهم. 16 كي جات العشية، جابولو ناس مَسكونين بَرَّاف، خَرَّج الأرواح منهُم بكلمة وشْفا كامَل اللي كان عَندهُم المَرض، 17 باش يْتَم الكلام اللي قالو إِشعِيا النّبي: "خْدا عْيوبنا ورْفَد مْراضنا."

# اللي يْتْبَعُ يَسُوع

18 كي شاف يَسوع غاشي دايَر بيه، آمَر باش يَبْعّدو للشَط الآخُر. 19 جا عَندو واحَد الكاتَب وقاللو: "يا سيدي، نَتَبَعَك وين تْروح." <sup>20</sup> جاوبو يَسوع: "التُعالَب عَندهُم غيران، وطْيور السْما عْشوش، بَصَّح أَنا بْن الإِنسان ما عَنديش وين نَتَكِي راسي." <sup>12</sup> واحَدآخُر، من التابعين مْتاعو، قاللو: "يا رَب، أَسمَعلي نْروح قْبَل نَدفَن بابا"، <sup>22</sup> يَسوع قاللو: "تَبْعني وخَلِي الموتى يَدَّفنو الموتى مْتاعهُم"!

# يَسُوع يُهدَّن ريح قْوِي

23 وكي طْلَع يَسوع فالفْلوكة، تَبَعوه التابعين مْتاعو، 24 وهاو وين ضْرَب ريح قْوي بَرَّاف فالبْحر، حَتَّى تُغَطَّات الفُلوكة بالموجات، وهُو كان راقَد. <sup>25</sup> جاو ليه التابعين، نَوضوه وقالو: "يا رَب، سَلَّكَا رانا نُموتو"، <sup>26</sup> قاللَهُم: "وَعلاش رائمُ خايفين يا قُلال الإيمان؟" داك الساع ناض، وهَدَّد الأرياح والبْحَر وَتُهدَنَت الحالة. <sup>27</sup> سْتَعجبو الناس وقالو: "واش يُكون هَدا، خاطر حَتَّى الأرياح والبْحَر يْطيعوه؟"

# الشَّياطَن يَخَزُّجو

28 وكي راح للشَط الآخُر، في بْلاد الجدَريِّين، لاقاَوه زوج مَسكونين كانو خارجين من المْدافَن، كانو واعرين برّاف وعلى جالهُم حَتّى واحَد ما كان يَقدر يُجوز من هَديك الطْريق. 29 بْداو يْعَيَّطو ويْقولو: "واش بيننا وبينك يا بْن الله؟ جيت اللهنا قْبَل الوَقت باش تْعَدَّبنا؟" 30 وكان كاين بْعيد عليهُم قُطيع كُبير مْتاع الحُلالَف يَرعاو، 31 الشّياطَن طَلبو مَنّو وقالو: "وَلا تُخَرَّجنا، أَبعَتنا لهاد الحُلالَف"، 32 قاللهُم: "روحو"! خَرجو هَدوك الشّياطَن وراحو للحُلالَف، وهَدوك الحُلالَف وراحو للمُدينة وهَدوك الحُلالَف وراحو للمُدينة يَحكيو كُل شي ويْغَبَّرو بالشي اللي صْرا للهَسكونين، 34 نَحرجت كامَل المُدينة تْلاقي يَسوع وكي شافوه طَلبو مَنُّو باش يُروح من بلادهُم.

9

## المُشلول يُبرا

الطلع يسوع في فلوكة، قُطع البْحَر وجا لمدينتو. 2 جابولو واحد مَشلول مْكَسَّل على فْراش. كي شاف يَسوع الإيمان مْتاعهُم، قال للمَشلول: "أَسَعَّع يا وْليدي، دْنوبَك مَغفورين." 3 جْماعة من الكُتَّاب قالو في قلوبهُم: "هَدا راهو يكفَر"، 4 عْرَف يَسوع تَخامهُم وقال: "وَعلاش عَندكُم تَخام دوني في قلوبكُم؟ 5 أَما سَاهل باش يَتقال: "دْنوبَك مَغفورين"، وَلا يَتقال: "نوض وأَمشي؟" 6 بَصَّح باش تَعَرفو باللي بْن الإِنسان عَندو على الأرض القُدرة باش يَغفَر الدُنوب، داك الوقت قال للمَشلول: "نوض، أَرفَد فْراشَك وروح لدارك""! 7 ناض المَشلول وراح لدارو. 8 كي شاف الغاشي هاد الشي، خافو وسَبّحو الله اللي عْطا قُدرة كيما هَدي للناس.

## دعوة متى

9 وكي كان يَسوع جايَز من تمّة، شاف واحَد الراجَل قاعَد وين يُخلِّصو الغْرامة واسمو مَتَّى. قاللو: "تَبَعني"، ناض هَداك الراجَل وتبّعو. 10 وكي كان يَسوع على الميدة فالدار، جاو بَرْآف المُكاسين والخاطبين وقَعدو على الميدة معاه هُوَ والتابعين مْتاع. "وَعلاش ياكُل شيخُكُم مع هاد المُكاسين والخاطبين؟" 12 كي شَاغو الفَريسيّين هَداك الشي، قالو للتابعين مْتاع يَسوع: "وَعلاش ياكُل شيخُكُم مع هاد المُكاسين والخاطبين؟" 12 كي شُمَع يَسوع قال: "ماشي الصْحاح اللي يَسَّحقو طبيب، المَرضى هومَ اللي يَسَّحقوه، 13 روحو أَتعلّبو المُغنى مْتاع "نُحَب الرَحمة ماشي الضْحِيّة"، خاطَر ما جيتش نْعَيَّط للصالحين، جيت نْعَيَّط للخاطيين."

# آمَر الصَّيام

14 داك الساع، جاو ليه تابعين يوحَنّا يُقولو: "وَعلاش حْنا والفَرِّيسيِّين نْصومو بَرَّاف والتابعين مْتاعَك ما يُصوموش؟" 15 قاللَهُم يَسوع: "يَقَدرو مُوالين العَرس يَحَزّنو كي يُكون العريس معاهُم؟ يُجيو يامات وين يَتَرفَع العريس من عَندهُم، وداك الوَقت يُصوموه. 16 حَتَى واحَد ما يُبقَّط طَرف قُماش جْديد في لَبسة قْديمة، خاطَر الطَرف الجُديد يُفَزَّر القُماش القُديم وتُوكِّي التُقبة كُتَر من اللي كانَت، 17 وما يُحَطّوش شُراب جْديد في قُربات قُدم، وَلاّ ما كانش يَتَقطّعو القُربات ويْسيل الشراب ويْروحو القُربات، بَصَّح يُحَطّو الشُراب الجُديد في قُربات جُدد وهكَدا يَبقاو في زوج.

18 كي كان يَسوع يَهدَرَّهُم على هاد الحاجات، جا ليه واحَد الرايَس، شَّجَدُلُو وقال: "بَنتي هَدا وين ماتَت، بَصَّح أُرواح، وحَط يَدَّك عليها وهي تَحيا." 19 ناض يَسوع وتبَّعو هُو والتابعين مْتاعو. <sup>20</sup> وكانَت واحَد المُرا يُسيل منها الدَم من طْناشَن سْنة، جاتو من اللور ومَسَّت الجُلال مْتاع لْباسو، <sup>11</sup> خاطَر كانَت تُقول في قلبها: "لو كان بَرك نُمُس لْباسو نَسلَك." وبُرات المُرا من هَديك الساعة. نُمُس لْباسو نَسلَك." وبُرات المُرا من هَديك الساعة، المَّن بُلك يَد دار لِيسوع لدار الرايَس، وشاف الجوّاقين والغاشي دايرين حالة، <sup>24</sup> قالَلهُم: "بَعْدو، خاطَر الطَفلة ما ماتَش، دخل يَسوع، شَد يَد الطَفلة وناضَت، <sup>26</sup> وشاع هاد الخُبر في راهي راقدة." تُمسخرو بيه، <sup>25</sup> كي خَرِّجو الغاشي، دْخَل يَسوع، شَد يَد الطَفلة وناضَت، <sup>26</sup> وشاع هاد الخُبر في كمَل هَديك البْلاد.

# زوج عُميين يُبراو

<sup>27</sup> كي كان يَسوع رايَح من تَمَّة، تَبَعوه زوج عَميين وهومَ يُعيَّطو ويْقولو: "حَن علينا يا وْليد داوَد" <sup>28</sup> وكي دْخَل للدار، جاو ليه العَميين، ويَسوع قالَلهُم: "تامنو باللي نَقَدَر نْدير هاد الشي؟" قالو: "إيه يا رَب." <sup>29</sup> داك الساع، مَس يَسوع عينيهُم وقال: "على حْساب إيمانكم يَصرالكُم"، <sup>30</sup> وغُلَّو عينيهُم. قاللَهُم يَسوع بالوْعارة: "رَدّو بالكُم، حَتَّى واحَد ما لازَم يَعرَف." <sup>31</sup> وهومَ كي خَرجو شَيعو بيه في كامَل هَديك الجيهة.

## العَقُّون يَهدَر

32 كي خَرجو، جابولو واحَد المَسكون عَقُون وطْرَش، 33 وكي خْرَج الشيطان من الأَطرش العَقُون، هدَر وسْتَعجَب الغاشي وقال: "هاد الشي عَمرو ما نْشاف في إِسرائيل." <sup>34</sup> والفَرّيسِيّين قالو: "راهو يْخَرَّج الشْياطَن برايَس الشْياطَن."

## الخدّامين قْلال

35 كان يَسوع يْطَوَّف المُدايَن كامَل والدُشور، يْدَرَّس في عْجامَعهُم ويَبَرَّح بَبْشارة المَلَكوت ويَشفي من كُل مَرض وكُل عيب، 36 وكي شاف الغاشي، حَن عليهُم، خاطَر كانو مَهمومين ومَغبونين كي الغْنَم بْلا راعي. 37 داك الساع، قال للتابعين مْتاعو: "الحُصاد كاتَر بَصَّح الحَدّامين قُلال، 38 هِمّالا، أَطَّلبو من مول الحُصاد باش يَبعَت خَدّامين للحُصاد."

#### 10

## لتابعين ينبعتو

1 عَيَّط يَسوع للتابعين الطْناش مْتاعو، عْطالهُم القُدرة على الأَرواح الناجسين باش يُخَرَّجوهُم وباش يَشفيو من كُل مَرض وكُل عيب. 2 هَدو هومَ أَسمَوات الرُسُل الطْناش: الأَوَّل سَمعان المْسَمِّي بُطرُس وخوه أَندراوَس، يَعقوب وْليد زَبَدي وخوه يوحَنَّا، 3 فيلبِّس وبَرتُلماوَس، توما ومَتّى المُكَّاس، يَعقوب وْليد حَلفي، وتَدّاوَس، 4 سَمعان القانوي ويَهودا الإِسخَريوطي اللي سَلَّم يَسوع.

أمدو هوم الطناش اللي بْعَتْهُم يَسوع بَعد ما وَصّاهُم وقاللهُم: "ما تَدّيوش الطْريق لعَند الأُمّات الأخرين وما تَدُخلوش لمدينة السام يّين، 6 روحو عَند الخرفان الضايعين مْتاع دار إسرائيل. 7 روحو، برّحو وقولو باللي مَلكوت السما قَرَّب، 8 أَشفيو المَرضى، أُحييو الموتى، رَدّو اللي عَندهُم البُرَص طاهرين، وخَرّجو الشياطن. أَدّيتو باطَل،

مَدّو باطَل، <sup>9</sup> ما تَدّيو معاكمُ لا دْهَب لا فَضَّة لا دْراهَم، <sup>10</sup> لا رَزمة للطْريق لا زوج لَبسات، لا صَبَّاط لا عْصا، خاطر الخدّام يَستاهَل قوتو.

المدينة وَلا الدَشرة اللي تَدَخلولها، حَوسو فيها على واحد يَستاهل باش تَدُخلو عَندو وأَقَعدو عَندو حَتى تُروحو.
 وكي تَدُّخلو للدار سَلبو عليها، 13 وَلا كانَت الدار تَستاهل، سْلامكُم يْجِي عْليها، وَلا ما كانتش تَستاهل، سْلامكُم يُجِي عْليها، وَلا المدينة وأَنَفضو الغْبار من يَرجَع ليكُم. 14 لوكان ما يُسْتقبلوكمش وما يَسَّمعوش كالامكُم، أَخْرجو من هديك الدار وَلا المدينة وأَنَفضو الغْبار من رَجليكُم. 15 نقوللكُم الصَح، يوم الحْساب، حالة بْلاد سَدوم وعمورة ما تُكونش واعرة قد حالة هديك البلاد.

16 راني نَبَعَتُكُم كي الحَرفان في وَسط الديوبة، كونو حيليّين كي الحنوشة ونوايا كي الحمام. 17 رَدّو بالكُم من الناس، خاطَر رايحين يْسلّبُوكُم لِجْالَس الدين، ويَجَلّدُوكُم في عُجامَعهُم، 18 على جالي يَدّيوكُم عَند حُكّام وسْلاطَن باش تَشْهُدو قُدّامهُم وقُدّام الكُفّار. 19 كي يُسلّبُوكُم، ما تتَخيّروش كيفاش وواش تَبَّدرو، خاطَر يتَعطالكُم في هَديك الساعة واش تُقولو، 20 خاطر ماشي أنتومَ اللي رايحين تَبَّدرو، الروح مْتاع باباكُم هُو اللي رايح يَهدَر فيكُم. 21 الخو يُسلَّم خوه للموت والباباة وْليدو، يَوَقفو الدْراري ضَد مْواليهُم ويَثْقلوهُم. 22 تُكونو مَكروهين من الناس كامَل على جال خوه للموت اللي يَبقا تابَت حَتَّى للأَخَر، هَداك يَسلَك. 23 كي يَحَقُروكُم في هاد المُدينة، أَهَّر بو للأُخرى، خاطر نقوللكُم الصَح، ما تُكَلُوش مْدايَن إسرائيل حَتَّى يْجِي بْن الإنسان.

<sup>24</sup> التابع ماشي خير من الشيخ مْتاعو وَلا العَبد خير من سيدو، <sup>25</sup> لازَم بَرك التابع يُولِي كيما الشيخ مْتاعو، والخْديم كيما سيدو، وَلا يُسمّيو مول الدار بَعلزَبول، كيفاش ما يُسمّيوش هكدا ناس دارو؟ <sup>26</sup> هِالا ما نُخافوهُمش، خاطَر ما كانش حاجة مْدَرَّقة ما تُنكشَفش وَلا مُخبَّية ما تُنعرَفش، <sup>27</sup> اللي نُقولهولكُم فالضّلام، قولوه فالضو، واللي تَشعوه فالوْدَن، بَرْحو بيه فوق السُطوح. <sup>28</sup> ما نُخافوش من اللي يَقتلو الدات وما يَقَدروش يَقتلو النفس، بَصَّح خافو من اللي يَقدر يَهلك النفس والدات في جَهنَّمة. <sup>29</sup> ماشي زوج زْواوش يَنباعو بصوردي؟ وهكداك واحد فيهُم ما يُطيح فالأرض بلا غَرض بابا كُم. <sup>30</sup> حَتى شُعر راسكُم كامَل محسوب، <sup>31</sup> همّالا ما نُخافوش، تسواس كُتر من زُواوَش بَزّاف، <sup>23</sup> على هذا، اللي يَستَعرَف بِي قُدّام الناس، نَستَعرَف بِيه أنا تاني قُدّام بابا اللي فالسْما، <sup>33</sup> الله عالمُسما، <sup>33</sup> أنه الناس، نتُكرو أنا تاني قُدّام بابا اللي فالسْما.

" <sup>34</sup> ما تَحَسبوش باللي جيت نجيب السّلام على الأَرض، ما جيتش نجيب السّلام، جيت نجيب السيف. <sup>35</sup> خاطَر جيت نفَرَق بين الإِنسان وباباه وبين الطفلة وبمّاها، وبين العْروسة وغجوزتها، <sup>36</sup> ويكونو عديان بنادَم هوم ناس دارو. <sup>37</sup> اللي يُحَب باباه وَلاّ يَمّاه كُترَ مَنّي، ما يَستاهلنيش، واللي يُحَب وْليدو وَلاّ بَنتو كُتَر مَنّي، ما يَستاهلنيش، <sup>38</sup> واللي ما يَرفَدش الصْليب مْتاعو ويتَبَعني، ما يَستاهلنيش، <sup>93</sup> اللي يُعادَر على حْياتو، يَخسَرها، واللي يُحَسَر حْياتو على جالي، يَلقبل بَعْتني، <sup>41</sup> اللي يَستَقبَل بَي خاطَر نَي، على جالي، يُلا الآجَر مْتاع واحَد صالح، واللي يَعطي كاس ما بارَد لواحَد من هاد الصْغار خاطر هُو التابع مْتاعي، نقولَلكُم الصَح، الآجَر مْتاع واحَد ما غيميش."

المارية المارية التابعين متاعو الطناش، بعد من تَمَّة باش يْدَرَس ويْبرَّح في مْداينهُم.

## يُسوع ويوحَنّا المُعمَدان

<sup>2</sup> بَصَّحَ يوحَنّا المَعمَدان كي شُمَع فالحَبَس بفْعال المَسيح، بْعَت التابعين مْتاعو ³ يْقوللو: "أَنتَ هُوَ اللي رايَح يْجِي، وَلاّ نَسَنّاو واحَدآخُر؟" ⁴ جاوَب يَسوع وقالَلهُم: "روحو خَبّرو يوحَنّا واش رائم تَسَّمعو وتْشوفو: ⁵ العَميين راهُم يُعاودو يْشوفو، الكَعوانين يَشيو مُسقَّم، المُراض بالبُرص يَطَّهرو، الطْروشي يَسَّمعو، الموتى يَحياو والبشارة تَوصَل للفُّلالين. 6 يا سَعد اللي ما يَعتَرش فِيً."

7 وكي راحو، بْدا يَسوع يْقول للغاشي على يوحَنّا: "واش خْرَجتو نْشوفو فالخْلا؟ قَصبة يْهَزّها الريج؟ 8 بَصَّح، واش خْرَجتو نُشوفو؟ بْنادَم لابَس لَبسة غالية؟ اللي يَلبَسو اللباس الغالي راهُم في دْيار السْلاطَن. 9 بَصَّح واش خْرَجتو نُشوفو؟ بْنِي؟ إِيه، نْقولَلكُم، وكْتَر من نَبِي. 10 هُوَ اللي مَكتوب عليه: "نَبعَت المَرسول مْتاعي قَبلَك، هُوَ اللي يُوجَّد الطُريق قُدّامَك"، 11 نْقولَلكُم الصَح، ما كانش فاللي وَلدوهُم النْسا واحَد خْبير على يوحَنّا المُعمَدان، بَصَّح الصْغير في مَلكوت السَّما خُبير عليه، 12 من وقت يوحَنّا المُعمَدان حَتّى لليوم ومَلكوت السَّما يُديوه بالقُوّة، وصُّعاب القُوّة هومَ اللي يُخَطفوه، 13 خاطَر كامَل الأنبيا والشَريعة تُنَبَّأُو حَتّى ليوحَنّا، 14 وَلاّ حَبيّتو تَشَهمو، هُوَ إِيليّا اللي كان لازَم يْجِي، 15 اللي عَدو وَدنين، غير يَسمَع.

16 ليمَن نُشَبَّه هاد الجيل؟ يُشَبَّه لدْراري قاعدين فالأُسْواق يُكلّمو واحَدُخرين 17 ويْقولو: "جَوَّقنالكُم وما شُطَحتوش، نَوَّحنالكُم وما بُكيتوش، 18 خاطَر جا يوحَنّا، ما ياكُل، ما يَشرُب وقالو: "فيه شيطان"، 19 جا بْن الإنسان ياكُل ويَشرُب وقالو: "إِنسان مَلهوف وسوكارجي، صاحَب المُكّاسين والخاطيين"، بَصَّح العْقَل يْبان بفْعالو."

# يا ويل المْداينَ اللي ما تابوش

20 داك الساع بْدا يَسوع يْلُوم فالمْدايَن اللي نْدارو فيهُم بَرَّاف من المُعجِزات مْتاعو، خاطَر ما تابوش: 21 "يا ويلك يا كورَزين، يا ويلَك يا بيت صَيدا، خاطَر لو كان جاو في صور وصَيدا المُعجِزات اللي صْراو عَندَكُم، لو كان راهُم تابو من زْمان بالخيشة والرْماد. 22 على هَدا نُقولَلكُم، يوم الحُساب، حالة صور وصَيدا ما تُكونش واعرة كيما حالتُكُم. 23 وأنت يا كَفرناحوم، رايحة تَطَّلعي للسْما؟ لالا، تَبَّبطي حَتَّى لَمسكن الموتى. خاطَر لو كان جاو في سَدوم المُعجِزات اللي صْراو فيك، لو كان بْقات لليوم. 24 بَصَّح نْقُولَلكُم باللي يوم الحُساب، حالة سَدوم ما تُكونش واعرة كيما حالتَك.

# راحة للعَيَّانين

25 في داك الوَقت، تُكلَمَّ يَسُوع وقال: "نُسْبَحَك يا بابا، رَب السَّما والأرض، خاطَر خَبَيْت هاد الشي على الحُكُما والفاطنين وَكْشَفَتو للدَّراري الصْغار، <sup>26</sup> إيه يا بابا، خاطَر هَكدا حَبيّت. <sup>27 كُ</sup>ل شي أتغطالي من عَند بابا، وواحَد ما يَعرَف الإِبن من غير الآب من غير الإبن واللي حَب الإبن يُورِّيهولو. <sup>28 أ</sup>رواحو لِيَّ يا كامَل العَيّانين والحُحمَّلين، وأنا نُعطيلكُم الراحة، <sup>29 أ</sup>رَّقدو المَضمَض مْتاعي عليكُم، وأتعلّمو مَتِّي خاطَر أنا مُليح وقلّبي مَتاعي عليكُم، وأتعلّمو مَتِّي خاطَر أنا مُليح وقلّبي مَتاعي ساهَل وحُمالتي خْفيفة."

1 في هَداك الوَقت، جاز يَسوع على حُواش مَغروسين نهار السَبت، جاعو التابعين مْتاعو وبْداو يَقَطفو فالسُبول وياكلو. 2 شافوهُم الفَريسيّين، وقالو ليَسوع: "التابعين مْتاعَك راهُم يْديرو الشي اللي ماشي جايز يَندار فالسَبت"، قاللهُم هُو: "ما قْريتوش واش دار داود كي جاع هُو واللي معاه؟ 4 كيفاش دْخَل لدار الله وكُلاو الخُبز المُكرَّس اللي ما كان جايز ياكُلو لا هُو وَلا اللي معاه من غير رْجال الدين بَرك. 5 وَلا ما قْريتوش فالشَريعة باللي رْجال الدين فالمَعبَد يُكسّرو السَبت بلا ما يُكونو خاطبين؟ 6 نقوللُكُم، كاين هنا اللي خُترَ من المَعبَد. 7 لو كان عْرَفتو المَعني مْتاع "نُحَب الرَحمة ماشي الضَحيّة"، ما كنتوش تَحُكُمو على ناس ماشي خاطبين، 8 خاطر بْن الإنسان هُو سيد السَبت." و وبعَّد يَسوع من تَمَّة وراح لجَمعهُم، 10 وكان تَمَّة إنسان يَدو مَشلولة. باش يَتَهمو يَسوع سَقساوه وقالو: "يْجوز شفيو المَرضي فالسَبت؟" 11 جاوَبهُم: "شْكون فيكُم الإنسان اللي لو كان تُكون عَندو غير نَعجة واحَدة وتطيح في خُفرة نُهار السَبت، ما يَشَدهاش ويَجبَدها؟ 12 شُحال يَسوا بْنادَم كُتَر من نَعجة. همّالا، يُجوز يَندار الخير فالسَبت." حُفرة نُهار السَبت، ما يَشَدهاش ويَجبَدها؟ 21 شُحال يَسوا بْنادَم عُيتَر من نَعجة. همّالا، يُجوز يَندار الخير فالسَبت." السَاع قال للراجل: "كَسَل يَدَك"، كَسَلها الراجَل وبْرات صُعيحة كيما الأخرى.

# خْديم الله المُختار

14 كي خَرجو الفَريسيّين، بْداو يَتشاورو بيناتَهُم على يَسوع كيفاش يَقْتلوه. 15 عْرَف يَسوع بهاد الشي وبَعَّد من تَمَّة وتَبْعو غاشي كْبير وشْفاهُم كامَل، 16 ووصّاهُم ووَكَّد عليهُم باش ما يْشَيِّعوش بيه، 17 باش هَكدا يْتَم كُلام إشعِيا النّبِي اللي يْقول: 18 "هاوليك الخُديم مْتاعي اللي خَيَّرتو،

حْبيبي اللي سَعدَت نَفسي بيه،

نْحُط روحي عليه،

ويْخَبَّر الأُمَّات بالحَق. 19 ما يْغالَب، ما يْعَيَّط،

وَلا وَاحَد يَسمَع صَوْتُو فَالزُّنْقَ، 20 مَا يُكَسِّرش القَصِبَة الْمُدَفَّدة،

وما يَطَفّيش الْفُتيلة اللي تُكون تُدَخَّن حَتّى يَنصَر الحَق، 21 وكامَل الأُمَّات يَرجاو في آسمو."

# يَسُوع وبَعَلزَبول

22 داك الساع، جابولو واحد ساكنو شيطان، غمى وطْرَش وعَقْون، وشْفاه ورْجَع الأَطرَش العَقْون يَهدَر ويُشوف. 32 كامَل الغاشي دْهَش وقال: "ما يُكونش هَدا وْليد داود؟" 24 كي الفَريسيّين سَمعو هاد الشي قالو: "هَدا ما راهو يُخَرَّج الشَّياطَن غير بَبعلزَبول رايَس الشَّياطَن." 25 عُرَف يَسوع تَنَعامُهُم وقالَلهُم: "كُل مَملكة مَقسومة وفيها اللي خارجين ضَدّها ما تَنبَتش، 26 وَلاّ كان الشيطان يُغَرَّج الشيطان، وكُل مُدينة وَلاّ دار مَقسومة وفيها اللي خارجين ضَدّها ما تَنبَتش، 26 وَلاّ كان الشيطان يُغَرَّج الشياطَن بيعلزَبول، وُلادُمُ بشكون يُغَرِّجوهُم؟ على هَدا هومَ اللي يَحَكُمو عليكُم. 28 وَلاّ بروح الله اللي راني نُخَرَّج الشياطَن بَعلزَبول، وُلادُمُ بشكون يُغَرِّجوهُم؟ على هَدا هومَ اللي يَحَكَمو عليكُم. 28 وَلاّ بروح الله اللي راني نُخَرَّج الشياطَن، همالا مَلكوت الله وْصَل لعَندُكُم، 29 وَلاّ كيفاش يَقدر واحَد يَدخُل لدار واحَد قُوي ويَسرَق مُلاكو لو كان ما يَسبَقش قَبَل يَربَط هاد الراجَل القُوي؟ وداك الوَقت يَسرَق واش كايَن في دارو؟ 30 اللي ما راهوش معايَ راهو ضَد الروح ضَد الروح الله يَعْفَرو للناس، بَصَّح الكُفر ضَد الروح القُدّوس ما يَتَغفَر و مَد الي عَهدَر ضَد الروح الله يَقول كَلهة ضَد بْن الإنسان يَتَغفَرلو، بَصَّح اللي يَهدَر ضَد الروح القُدّوس ما يَتَغفَرو

لا في هاد الزُمان لا فالزُمان الجاي. <sup>33</sup> ديرو السَجرة مُليحة والغَلّة مُتاعها مُليحة، وَلاّ ديرو السَجرة فاسدة والغَلّة مُتاعها فاسدة، خاطَر من الغَلّة تَتَّعرَف السَجرة. <sup>34</sup> يا وُلاد اللْفاعي، كيفاش تَقَدرو تُقولو حاجات مُلاح وأنتوم مَشرارين؟ خاطَر الفَم يَهدَر بالشي اللي يَخرُج من القَلب. <sup>35</sup> البُنادَم المُليح يُخرَّج حاجات مُلاح من كنزو المُليح والبُنادَم الدوني يُخرَّج من كنزو الدوني حاجات دونيِّين. <sup>36</sup> نُقولَلكُم، كُل كَلمة باطلة يْقولوها الناس يَتحاسبو عليها نُهار الحُساب، <sup>37</sup> خاطَر بكُلامَك تُبيَّن صُلاحَك وبكُلامَك يَتَّحَكُم عليك.

#### مارة يونان

38 دَاكَ الساع واجبوه شي كُتَّاب وفَريّسيّين وقالو: "شيخ، حابّين نشوفو مارة مَنَك." 29 جاوَبهُم وقالَلهُم: "جيل دوني وخايَن يُحُوّس مارة، ما تَتَعطالو حَتَى مارة من غير مارة يونان النّبي، 40 خاطَر كيما كان يونان في كُش حوتة كُبيرة تَلَت أيّام وتَلَت لْيالي، هَكداك يُكون بْن الإنسان في قلّب الأرض تَلَت أيّام وتَلَت لْيالي، 41 رْجال ينتوى رايحين ينوضو في وقت الحُساب مع هاد الجيل ويَحَكمو عليه خاطر هوم تابو كي برَّحلهُم يونان، وهاو هنا اللي كُتَر من يونان، 24 سلطانة الجنوب ثنوض في وقت الحُساب مع هاد الجيل وتَحَكمُ عليه، خاطر هي جات من طرف الدَنيا باش شُوف العُقل مُتاع سُليَمان، وهاو هنا اللي كُتَر من سُليَمان، 43 كي يَخرُج الروح الناجَس من بنادَم، يُجوز في مُضارَب الحُلا اللي ما فيهُمش الما، يُوسَّ على الراحة وما يلقاش، 44 هِمَالا يقول: "تَرجَع لداري اللي خُرَجت مَنها." وكي يُجي، يَلقاها فارغة ومَكنوسة ومُسَقِّمة، 45 داك الساع يُروح ويُجيب معاه سَبع أرواح واحَدُخرين مَشرارين كُتَر مَن ويدُّل ويَسَّكنو تَهَة، وتُولِي الحالة الأخرانيّة مْتاع هَداك الإنسان كُتَر من اللي كانت مع الأوَّل. وهكذا يَصرا تاني لهاد الجيل الدوني.

# اللي يْدير مُراد الله

46 وكي كان يَسوع مازالو يَهدَر مع الغاشي، هاو وين يمّاه وخاوتو وَقفو بَرّا يُحوّسو يَهَدرو مْعاه. 47 قاللو واحَد: "هامليك يمّاك وخاوتك راهُم واقفين بَرّا يُحوّسو يَهَدرو معاك"، 48 جاوَب هُو وقال للي هْدَر معاه: "شْكون هي يمّا وشُكون هومَ خاوتي؟" 49 ومَد يَدّو للتابعين مْتاعو وقال: "هامليك يمّا وخاوتي، 50 خاطر اللي يُدير مُراد بابا اللي فالسْما، هَداك هُوَ خوي وخْتي ويمّاً."

#### 13

# مْتَلَ الفَلاّح والتَفسير مْتاعو

أ في هَداك اليوم، خْرَج يَسوع من الدار وقْعَد قُدّام البْحَر، 2 وتْلَم عليه غاشي كْبير حَتَى طْلَع لْفُلُوكَة وقْعَد. والغاشي كامَل بْقا على الشَط. 3 هْدَر معاهُم بَرّاف بالمثال وقال: "واحد الفَلاّح خْرَج باش يزْرَع، 4 وكي كان يزْرَع، طاحَت شْويّة على الطُريق، وجاو الزْواوش وكلاوها؛ 5 وطاحَت شْويّة على مْدارَب فيهُم الحُجْر، وين ما كانش تُراب بَرّاف، وبالخَف ناضَت خاطر ما لْقاتش الأرض غامقة، 6 كي طلعَت الشَمس، غُرقَت، ويبسَت خاطر ما كانش عندها العروق؛ 7 وطاحَت شُويّة منها فالشوك، طْلَع الشوك وخْنَقها؛ 8 وشُويّة منها طاحَت فالأرض المُليحة، وعْطات غُلّة، وكاين اللي عُطات مْية، واحَدُخرى سَتين وواحَدُخرى تُلاتين. 9 اللي عَدو وَدنين، عَد سَمّعة."

10 جاو ليه التابعين وقالولو: "وَعلاش تَهدَر معاهُم بالمْتال؟" 11 جاوَب هُوَ وقالَلهُم: "خاطَر أنتومَ أَتَّعطالكُم باش تَعَرفو سْرار مَلكوت السَّما، بَصَّح هومَ ما أَتَّعطالهُمش. <sup>12</sup> خاطَر اللي عَندو، يَتَكَّلو ويَنزادلو، بَصَّح اللي ما عَندوش، حَتَّى اللي عَندو يَتَنعَّالو. <sup>13</sup> على هَدا نَهدَر معاهُم بالمْتال، خاطَر شايفين ما يُشوفوش، وسامعين ما يَسَّمعوش وما يَقْهموش. <sup>14</sup> وفيهُم ثَمَّت النُبُوة مْتاع إشعِيا اللي تُقول:

"قَد ما تَسَّمعو ما تَقُّهموش،

وقَد ما تَخَّزرو ما تْشوفوش. 15 خاطَر قَلب هاد الشَعب قْسا،

سَدُّو وَدنيهُم،

وغَمَّضو عينيهُم،

يعودو يشوفو بعينيهُم،

ويَسَمعو بوَدنيهُم،

ويَقَّهمو بقْلوبهُم،

ويْتوبو ونَشفيهُم." <sup>16</sup> بَصَّح يا سَعد عينيكُم، خاطَر يْشوفو، ووَدنيكُم خاطَر يَسَّمعو. <sup>17</sup> خاطر نْقولَلكُم الصَح، أُنبيا وصالحين بَرَّاف تُشَهَّاو يْشوفو واش راكم تْشوفو وما شافوش، ويَسَّمعو واش راكمُ تَسَّمعو وما سَمعوش.

18 همّالا أَشَّمُو أَنتُومَ المُتَلَ مْتَاعَ الفَلاّح: 19 كُل مَن يَسمَع كَلمة المُلْكُوت وما يَفَهَمش، يُجِي الدوني ويُخطَف الشي اللي تُنزَرَع في قَلبو، هَدا هُوَ المَزروع على الطْريق؛ <sup>20</sup> والمَزروع فالمُدارَب اللي فيهُم الحُجْر، هُو اللي يَسمَع الكَلمة وبالخَف يَقبَلها بالفَرحة، <sup>21</sup> بَصَّح ما عَندوش فيه العْروق، وما يَبَتَش، وغير ثُجِي الشَدَّة وَلاّ الحُقُرة على جال الكَلمة، يَعتَر؛ <sup>22</sup> بَصَّح المَزروع فالشوك، هُو اللي يَسمَع الكَلمة، وهُم هاد الدَنيا وغُواية خيرها يُخَنَّقو الكَلمة وما تعطيش الغَلّة؛ واحَد مُية، واحَد أَنهُ سَتَين واحَد أَنهُ سَتَين واحَد النَّرِين."

# مْتَل القَمح والزْوال

<sup>24</sup> وزاد عُطالهُم مْتَل واحَدآ خُر وقال: "مَلكوت السْما يْشَبّه لواحَد زْرَع زَرع مْليح فالحوش مْتاعو، <sup>25</sup> وكي كانو الناس راقدين، جا العْدو مْتاعو وزْرَع الزْوال في وَسط القَمح وراح. <sup>26</sup> كي ناضَت الحْشيشة، وجابَت غَلّة، داك الوقت بان الزْوال تاني. <sup>27</sup> جاو الخدّامين مْتاع مول الدار وقالولو: "يا سيدي، ماشي زْرَعت فالحوش مْتاعك زَرع مْليح؟ كيفاش همّالا كاين فيه الزْواك؟" <sup>28</sup> جاوَبهُم: "عْدو اللي دار هاد الشي"، قالولو الخدّامين: "تُحب نُروحو نُلبّوه؟" <sup>29</sup> جاوَبهُم: "لالا، تُعودو وأنتومَ تلبّو فالزْوال، تُقلّعو القَمح معاه تاني، <sup>30</sup> خَليّوهُم يكّبرو في زوج كيف كيف حَتّى للحُصاد، وفي وقت الحُصاد، نُقول للحَصّادين: "لَمّو فَبْل الزْوال وأرَّبطوه رْباطي رْباطي باش يَتّحَوق، بَصَّح القَمح لمّوه فالحَزَن مْتاعي.""

<sup>31</sup> وعْطالهُم مْتَل واحَدآخُر وقال: "مَلكوت السْما يْشَبّه لحبّة مْتاع الخَردَل، أَدّاها بْنادَم وزْرَعها فالحوش مْتاعو، <sup>32</sup> هي الصْغيرة فالزَرِّيعة كامَل، بَصَّح كي تُنوض، هي الكْبيرة فالحْشاوَش، وتُولِّي سَجرة حَتّى طْيور السْما يْجيو يْديرو عْشوش في غْصانها."

<sup>33</sup> قاللهُم مْتَل واحَداآخُر: "مَلكوت السْما يْشْبَه لخميرة، أَداتها مْرا ودارَتها في تَلت كيلات دْقيق حَتَى خْمَر كُل شي. <sup>34</sup> قال يَسوع هاد الشي كامَل للغاشي بالمْتال، وما كانش يَهدر معاهُم بلا مْتال، <sup>35</sup> باش يْتَم كُلام النّبي اللي قال: "خْل فَتَى بْتْدال، وغُنِّين من اللي ثُخْلَقَت الدّنيا."

# تَفَسير مْتَل القَمح والزُّوال

36 داك الساع، خَلاّ يَسوع الغاشي وراح للدار. قَرّبو ليه التابعين مْتاعو وقالو: "فَسَّرلنا الْمُتَل مْتاع زْوال الحوش." 37 جاوَب وقال: "اللي يَزرَع الْمُرح الْمُرح الْمُليح هُو بْن الإنسان، 38 الحوش هُو الدَنيا، الزَرع المُليح هومَ ولاد المَلكوت، الزُوال هومَ ولاد الحيلي، 39 العُدو اللي زَرعو هُو إبليس، والحُصاد هُو الآخرة، والحَصَّادين هومَ المَلايكة، 40 وكيما يَتُمَ الزُوال بالدات ويَتَّحرَق كامَل فالنار، هَكَدا يُكون في الآخرة، 41 بْن الإنسان يَبعَت المَلايكة مْتاعو ويْغَيّبو من المَلكوت مْتاعو كامَل سْبايب العَترة واللي يُديرو الشَر، 42 ويَرميهُم في نار لاهبة قاوية وبن يُكون البُكا وغَر السّنان. 43 داك الوَقت، الصالحين يَبرَقو كي الشَمس في مَلكوت باباهُم. اللي عَندو وَدنين، غير يَسمَع."

# مْتال الكَنز والجوهرة والشَبكة

44 مَلَكُوت الله يُشَبَّه لَكَنز غُنِي في حوش، لقاه بنادَم، خبَّاه، ومن الفَرحة مْتاعو راح وباع كامَل واش عَندو وشرا هَداك الحوش. <sup>45</sup> مَلَكُوت الله يْشَبَّه تاني لتاجَر، كان يُحوَّس على الجوهر الشْباب، <sup>46</sup> كي لْقا جوهرة غالية، راح باع كامَل واش كان عَندو وشْراها. <sup>47</sup> مَلَكُوت السَّما يُشَبَّه تاني لشَبكة مَرمِية فالبْحَر، رَفدَت الحوت من كُل نوع، <sup>48</sup> كي تُعمَّرَت، طَلّعوها للشَط وقعدو يُلبّو الحوت المُليح فالقُفَف والفاسَد يَرميوَه. <sup>49</sup> هَكدا يُكون في الآخرة، يَخُرْجو المُلايكة ويْفَرقو المَشرارين على الصالحين، <sup>50</sup> ويَرميوهُم في نار لاهبة قاوية وين يُكون البُكا وغَن الدُّنان.

أَنْ اللهِ عَلَمُ اللهِ يَعَلَمُ اللهِ عَامَل؟" جاوبوه: "إيه." <sup>52</sup> قالَلهُم: "على هَدا، كُل كاتَب يْوِلِّي تابَع يَعَلَمُ الشي اللي يُخَص مَلكوت السَّما يْشَبَّه لواحَد مولى دار، يَجْبَد من الكَنز مْتاعو حاجات جْدَد وحاجات قْدَم." <sup>53</sup> كي كَبَّل يَسوع هاد المُتال، راح من تَم.

# الناصرة ما تَقبَلش يَسوع

54 وراح لبْلادو، وكان يْدَرَسُهُم في عْجَامَعهُم، حَتَّى دَهشو وقالو: "مْنين جاه هاد العُقَل وهاد المُعجِزات؟ 55 ماشي هَدا وْليد النَجَّار؟ وماشي يَّاه واسَمها مَريَم وخاوتو يَعقوب ويوسَف وسَمعان ويَهودا؟ 56 وماشي خُواتاتو كامَل راهُم عَدنا؟ هِمَّالا مْنين جاه هاد الشي كامَل؟" 57 وكان ليهُم سْبَب عَترة. يَسوع قالَلهُم: "ما يْكون النّبي مَحقور غير في بْلادو وفي دارو"، 58 وما دارش تَمَّة مُعجِزات بزّاف على جال قلّة إيمانهُم.

ً في داك الوَقت، سْمَع هيرودَس حاكم الرُبع بخْبَر يَسوع، ² وقال للخَدّامين مْتاعو: "هَدا يوحَنّا المَعمَدان، راهو قام من بين الموتى، على هَدا راهُم يَندارو على يَدّو المُعجِزات.

<sup>8</sup> خاطر هيرودَس كان حُكم يوحَنّا وكتّفو وحَطّو فالحَبس على جال هيروديّا مَرت خوه فيلبّس، <sup>4</sup> خاطر يوحَنّا كان يثولو: "ما يُجوزلكش باش تُكون مَرتك." <sup>5</sup> حَب هيرودَس يَقْتلو بَصَّح خاف من الغاشي خاطر كانو يشوفو يوحَنّا نَبي. <sup>6</sup> في عيد ميلاد هيرودَس، شَطحَت بَنت هيروديّا وَسط الضياف وعَجبَت هيرودَس، <sup>7</sup> على هَدا حُلفًالها باليمين باللي يَعطيلها واش تَطلَب. <sup>8</sup> هي بَعد ما قَرّاتها يَمّاها قالتلو: "أَعطيني دُرك في طبسي راس يوحَنّا المَعمَدان." <sup>9</sup> حُزن السلطان، بَصَّح على جال اليمين متاعو والضياف، آمَر باش يَعطيولها واش طلبت، <sup>10</sup> وبْعَت يُقطّع راس يوحَنّا فالحبَس. <sup>11</sup> جابو راسو في طبسي وعْطاوَه للطَفلة وهي أَدّاتو ليمّاها. <sup>12</sup> جاو التابعين مْتاعو، أَدّاو داتو ودَفنوه، وراحو يُخبّرو يَسوع.

# خَمس آلاف راجَل ياكلو ويَشَّبعو

13 كي شُمَع يَسوع، بَعَّد من تَمَّة في فْلوكة في مْكان خالي على جيه، وكي شُمَع بيه الغاشي، تَبَعوه على رَجليهُم من الْمدايَن.

14 وكي غُرَج، شاف غاشي كبير وشْفَق عليهُم وشْفا المَرضى مْتاعهُم. 15 كي جات الْعشيّة، جاو ليه التابعين مْتاعو وقالو: "هاد المُكان خالي وراح الحال، سَرَّح الغاشي باش يْروحو للدْشور يَشريو الماكلة لرْواحهُم"، 16 قاللَهُم يَسوع: "ما يَسَحقوش يْروحو، أُعطيولُهُم أُنتومَ ياكلو"، 17 قالولو: "ما عَندنا هْنا غير خَمس خُبزات وزوج حوتات"، 18 قاللَهُم: "جيبوهُملي اللَهنا." 19 آمَر يَسوع الغاشي باش يَقُعدو على الحُشيش، وخْدا الخَمس خُبزات والزوج حوتات وطلَّع عينيه للسْما، بارَك وقْمَم وعْطا الخُبز للتابعين والتابعين عْطاوهُم للغاشي. 20 كُلاو كامَل وشَبعو، ورَفدو الطُراف اللي بْقاو: طْناشَن سَلّة مْعَمّرة، 21 الناس اللي كُلاو كانو واحَد الخَمس آلاف راجَل بلا النسا والدراري.

# مُعجِزة المَشية على الما

<sup>22</sup> تَمَ مَم، سَيَّف يَسوع على التابعين باش يَطَّلعو فالفُلوكة ويَسَّبقوه للجيهة الأُخرى بيدما هُو يُسرَّح الغاشي. <sup>23</sup> بَعدما سَرَّح الغاشي، طْلَع للجُبَل باش يْصَلِّي على جيه. كي طاح الليل، كان وَحدو تَمَّة. <sup>24</sup> كانَت الفُلوكة بَعدَت بَرَّاف على الأَرض، والأمواج يَضَّربو فيها، خاطر كانَت مْعاكسة للربج. <sup>25</sup> وقْبَل ما يْطلَع الفُجر، وْصَل يَسوع ليهم وهُو يَمشي على البُحر، <sup>36</sup> كي شافوه التابعين يَمشي على البُحر، <sup>38</sup> جاوبو بُطرُس وقال: "يا رَب، وَلاّ أنتَ هو، آمَرني بشي على البُحر، <sup>35</sup> تَم كَلَّهُم يَسوع وقال: "تيقو، أنا هُو، ما تُخافوش." <sup>28</sup> جاوبو بُطرُس وقال: "يا رَب، وَلاّ أنتَ هو، آمَرني باش غِي لعَندَك على الما." <sup>29</sup> قاللو يَسوع: "أُرواح." هُبَط بُطرُس من الفُلوكة ومُشا على الما وراح عند يَسوع. <sup>30</sup> باش غِي لعَندَك على الما." <sup>29</sup> فاللو يَسوع: "أُرواح." هُبَط وقال: "يا رَب، سَلَّكني"، <sup>31</sup> تَم تَم، مَد يَسوع يَدّو، شَدو وقالو: "يا قُليل الإيمان، وَعلاش شَكِيت؟" <sup>33</sup> وكي طَلعو للفُلوكة، هُدَن الربي، مَلَّكني"، <sup>33</sup> واللي كانو فالفُلوكة سَجدو ليَسوع وقالو: "عَم أَنت بْن الله."

<sup>34</sup> وكي قَطعو البْحَر، جاو لأَرض جَنِّسارَت. <sup>35</sup> كي عَرفو رْجال هَداك المُكان يَسوع، بَعتو لكامَل الجُوايَه اللي دايرين بتَّة وجابولو كامَل المَرضى، <sup>36</sup> وَطلبو مَنَّو باش يُمسَّو غير الجُلال مْتاع لْباسو وكامَل اللي مَسَّوه بْراو كيما لازَم.

15

## الطاهَر والناجُس

القُدَم، خاطَر ما يغَسلوش يَدِّيهُم قُبلَ ما ياكلو؟" قباوب يَسوع وقاللهُم: "وَعلاش التابعين مْتاعَك يَعَدّاو على عادة القُدَم، خاطَر ما يغَسلوش يَدِّيهُم قُبلَ ما ياكلو؟" قبابك ويَمّاك، واللي يْسَب باباه وَلا يَمّاه يَتعاقَب بالموت"، 5 بَصَع أنتوم على جال عادَتكُم؟ 4 خاطَر الله قال: "كَرَّم باباك ويمّاك، واللي يْسَب باباه وَلا يّماه يَعلاق بالموت"، 5 بَصَع أنتوم تُقولو: "اللي يْقول لباباه وَلا ليّماه: "اللي كُنت قادر نعاونك بيه نمّدو هِبة للرب"، 6 ماشي مَلزوم باش يُكرَّم باباه ولا يمّاه"، وبطلتو كَلهة الله على جال عادَتكُم، 7 مُنافقين، إشعيا تنّباً عليكم مُليح كي قال: 8 "هاد الشعب يُكرَّمني بالنُم، يمّاه"، وبَطلتو كَلهة الله على جال عادَتكُم، 7 مُنافقين، إشعيا تنّباً عليكم مُليح كي قال: 8 "هاد الشعب يُكرَّمني بالنُم، بصّح قابَهُم بعيد علي بَرَّاف، 9 يَعَبدوني في باطل وهوم يُعلّبو حاجات من حكام بني آدَم ماشي من حكام الله."" أللهم، هَدا اللي يُخَس بْنادَم، اللي يَخَس بْنادَم، على من عكم اللهماوي تتقلّع، 14 خارف باللي الفرّيسيّين كي سَمعو كلامك، ما غَجُبُهُمش الحال؟" 13 حارف باللي الفرّيسيّين كي سَمعو كلامك، عَلى يُفَوّد عُمى، في زوج يُطيحو في حُفرة. " 15 قاللو بُطرُس: "فَسَرنا هاد المُتل"، 16 قال يَسوع: "أَنتومَ تاني كَن شي يَدخُل فالفَم يَبط للكرش أومبَعد يَتَرما لبرّا؟ 18 بَصَّح اللي يَخْر من الفَم، يُجِي من القلب وهَدا اللي يُجِيو الفَكاير الدونيّين، القَتل المَن مُغسولين ما تُخَسَّس بْنادَم، بَصَّح الماكلة بَيدين ماشي مُغسولين ما تُخَسَّس بْنادَم، السَرقة، شهادة الزور والنَميمة. 20 هاو واش يُخَس بْنادَم، بَصَّح الماكلة بَيدين ماشي مُغسولين ما تُخَسَّس بْنادَم، السَرقة، السَرقة، شهادة الزور والنَميمة. 20 هاو واش يُخَسَّس بْنادَم، بَصَّح الماكلة بَيدين ماشي مُغسولين ما تُخَسَّس.

# إيمان المرا الكَنعانيّة

<sup>21</sup> غُرَج يَسوع من تَمَّة وجا لَجْوايَه صور وصَيدا، <sup>22</sup> وهاي وين مْرا كَنعانيّة خَرِجَت من هَدوك الجُوايَه تُعيَّط وتُقول: "أَرَحَمني يا رَب، يا وْليد داوَد، بَنتي مَسكونة بشيطان يْعَدَّبها بَرَّاف"، <sup>23</sup> بَصَّح هُو ما جاوَبها بحَتّى كَلمة. أَدَّنَاو ليه التابعين مْتاعو وطَلبو مَنّو وقالو: "سَرَّحها خاطَر راهي غير تْعَيَّط مورانا"، <sup>24</sup> جاوَب يَسوع وقال: "أنا ما جيت مَبعوت غير للخَوفان الضايعين مْتاع دار إسرائيل"، <sup>25</sup> وهي جات، سَجدَتلو وقالَت: "يا رَب، عاونِّي"، مَا جياوَب هُو وقالَلها: "ماشي مُليح ناخدو الخُبز مْتاع الدراري ونَرميوه للكُلاب الصْغار"، <sup>27</sup> قالتلو: "إيه يا رَب، بَصَّح الكُلاب الصْغار ياكلو من الفتات اللي يُطيح من ميدة سْيادهُم"، <sup>82</sup> هِمّالا جاوَب يَسوع وقالَلها: "آه يا مْرا، إيمانك حُبير، يَندارلَك الشي اللي حَبيتيه"، وشَفا بَنتَها في هَديك الساعة.

29 راح يَسوع من تَمَّة وجا لشَط بْحَر الجَليل وطْلَع لِجْبَل وَقَعَد تَمَّة. 30 وجا ليه غاشي عُبير ومعاهُم كعوانين ومَشلولين ومُشلولين وعْقاڤنة ومَرضى واحَدُخرين برَّاف، حَطّوهُم عَند رَجليه وهُوَ شْفاهُم، 31 حَيِّي سُتعجَب الغاشي بَرَّاف وهومَ يَشوفو وسَبَحو إله إسرائيل. 32 عَيَّط يَسوع للتابعين مُتاعو وقاللهُم: "غاضني هاد الغاشي بَرَّاف خاطَر عَندهُم تَلت أيّام وهومَ باقيين معاي وما عَندهُم والله يَاكلو، وما رانيش حاب غُنلَهُم يُروحو صايمين يُعودو يُطيحو فالطريق"، 33 قالولو التابعين: "وين نَلقاو في هاد الخلا خُبر يَكني باش يُشبَّع غاشي كيما هَدا؟" 34 قاللهُم يَسوع: "شُحال من خُبرَة عَندُكُم؟" قالولو: "سَبعة وشُويّة حوت صْغير." 35 وآمَر يَسوع الغاشي باش يَقَعدو فالأَرض. 36 شَد السَبع خُبرَات والحوت، وبَعدما حُدَم، قُسَم الخُبرَ وعْطاه للتابعين سَبع سُلل مُعمّرين بطراف الخُبرَ اللي بْقا. 38 اللي عُلاو كانو رَبع آلاف راجَل بلا النُسا والدُراري. 39 وبَعد ما سَرَّح الغاشي، طلَع يَسوع فالفُلوكة وراح لجُوايَه مَجدان.

#### 16

## مُطلوب آية

أ جاو الفَرّيسِيّين والصدّوقِيّين لعَند يَسوع باش يُجربوه وطلبو مَنو يُورّيلهُم مارة من السَّما. ² جاوَب يَسوع وقاللهُم: "كي تَوصل العْشية تُقولو، الحال رايح يُكون شْباب خاطر السَّما راهي حَمرة، ³ والصْباح، اليوم تُصب الشّتا خاطر لون السَّما حَمر غامَق. من جيهة تَعرفو ثميّزو حال السَّما ومن جيهة أخرى ما تَعرفوش ثميّزو مارات الزّمان، 4 جيل دوني وخايَن يُحوَّس على مارة، ما تتَعطالو حَتى مارة من غير مارة يونان النّبي"، أومبَعد خَلاَّهُم وراح.

# خْميرة الفَرّيسِيّين والصَدّوقِيّين

أو وكي قطعو التابعين للجيهة الأخرى متاع الواد، نساو يَديو معاهُم الخُبز. 6 قاللَهُم يَسوع: "حَلّو عينكُم ورَدّو بالكُم من الخُميرة متاع الفريسيّين والصدّوقيّين"، 7 التابعين خمّمو في قلوبهُم وقالو: "خاطَر ما أَدّيناش الخُبز." 8 عْرَف يَسوع واش كانو يُخمّمو وقال: "وَعلاش راكم تُخمّمو في قلوبكُم يا قلال الإيمان، باللي ما عَندُكُش الخُبز؟ 9 مازال ما تُخمّموش وما تشفاوش الخمّس خُبزات متاع الخمّس آلاف راجل وشخال من سَلة أَدّيتو، 10 وَلاّ السبع خُبزات متاع الربع آلاف وشخال من سَلة أُدّيتو، 10 وَلاّ السبع خُبزات متاع الربع آلاف وشخال من سَلة أُدّيتو، 10 ولا اللهُم من الخميرة متاع الخُبز اللي قائلكُم رَدّو بالكُم من الخميرة متاع الخُبز اللي قال رَدّو بالكُم بَصَّح من التعليم متاع الفرّيسيّين والصَدّوقيّين؟" 12 داك الساع فَهمو باللي ماشي على الخميرة متاع الخُبز اللي قال رَدّو بالكُم بَصَّح من التعليم متاع الفرّيسيّين والصَدّوقيّين.

# شْهادة بُطرُس للمَسيح

13 كي راح يَسوع لجْوايَه قَيصريّة فيليبُّس، سَقسا التابعين مْتاعو وقال: "على حْساب الناس، واش يُكون بْن الإنسان؟" <sup>14</sup> جاوبوه: "كايَن اللي يْقولو يوحَنّا المَعمَدان، واحَدُخرين إيليّا، وواحَدُخرين إرميا وَلاّ واحَد من الأَنبيا"، <sup>15</sup> قالَلهُم: "وأنتومَ، شْكون تْقولو باللي أنا؟" <sup>16</sup> جاوَب سَمعان بُطرُس وقال: "أنتَ المَسيح بْن الله الحيّ"، <sup>17</sup> جاوَب يَسوع وقاللو: "يا سَعدَك يا سَمعان بَن يونا، خاطر ماشي اللَّحَم والدَم اللي بيَّنولَك هاد الشي بَصَّح بابا اللي فالسْما. <sup>18</sup> وأنا نْقوللَك باللي أنتَ بُطرُس )بُطرُس مَعنَها حَجرة ( وعلى هاد الحَجرة بَنني كَنيستي وييبان جَهَنَّمة ما يَقَدروش

عليها. <sup>19</sup> نَعطيلَك مْفاتَح مَلكوت السَّما، اللي تَرَّبطو على الأرض يْكون مَربوط فالسَّما، واللي ثُحَلَّو على الأرض يْكون محلول فالسَّما." <sup>20</sup> داك الساع آمر التابعين مْتاعو ما يْقولو لحتَّى واحَد باللي هُوَ المَسيح.

# يَسُوع يْخُبَرَّ بموتو وقيْامتو

<sup>21</sup> ومن هَداك الوَقت بْدا يَسوع يْدَرَّس التابعين مْتاعو باللي لازَم يْروح لأورشَليم ويتَعدَّب بَرَّاف على يَد الشَيوخ ورِيَّاس رْجال الدين والكُتَّاب، ويْنقتَل وفاليوم التالَت يْقوم. <sup>22</sup> جَبدو بُطرُس على جيه وبْدا يْلوم فيه ويْقول: "يا رَب، حاشا ما يَصرالَك هاد الشي"، <sup>23</sup> دار يَسوع وقال لبُطرُس: "روح عليَّ يا شيطان، أنتَ تُعَرَّني، خاطر تَخامَك ماشي تَخام الله، تَخامَك تَخام بْني آدَم."

24 داك الوَقت قال يَسوع للتابعين مْتاعو: "إيلا حَب واحَد يْجِي يْنَبَّعني، لازَم يَنكُر نَفَسو، يَرفَد صْليبو ويْنَبَّعني، 26 الكون يَكُر نَفَسو، يَرفَد صْليبو ويْنَبَّعني، 26 إيه، خاطَر اللي يْحَبَ يُسَلَّك حْياتو يَخْسَرها، بَصَّح اللي يَخسَر حْياتو على جالي يَلقاها. 26 واش يَستفاد بْنادَم لو كان يَرْبَح الدَنيا كامَل ويُحَسَر نَفسو؟ وَلاَّ واش يَقدَر يُمَد بْنادَم باش يَربَح نَفسو؟ 27 خاطَر بْن الإنسان رائِح يْجِي في مُجَد باباه مع المَلايكة مْتاعو، وداك الوَقت يْجازي كُل واحَد على حْساب فْعالو. 28 نْقوللَكُم الصَح، من اللي راهُم هْنا، كاين اللي ما يْدوقوش الموت قُبَل ما يْشوفو بْن الإنسان جاي فالمَلكوت مْتاعو."

#### 17

## بتَبدُّل

أ سَت أيّام من بَعد، أدّا يَسوع معاه بُطرُس ويَعقوب ويوحَنّا خوه وطَلَّعهُم وَحَّدهُم لَجبُل عالي. 2 وتَبدَّل قُدّامُم، وضْوا وَجهو كي الشّمس ووَلا و حوايجو بيوضا كي النور. 3 وهام وين ضَهرولهُم موسى وإيليّا يَهَّدرو مع يَسوع. 4 نطق بُطرُس وقال ليسوع: "يا رَب، مُليح لو كان نُكونو هنا، وَلا حَبيّت، نْدير هنا تَلت خُيمَ، واحدة ليك، واحدة لموسى وواحدة لإيليّا." 5 ومابيد كان هُو يَهدَر، هاو وين شّعابة ضاوية ضَلّلَت عليهُم وصوت من السّحابة يُقول: "هَدا وْليدي الحبيب اللي هُو فَرحتي، أَسَّمعولو." 6 كي سَمعو التابعين، طاحو ساجدين وخافو بَرَّاف. 7 أدَّنّا يَسوع، مَسّهُم وقال: "نوضو وما ثخافوش"، 8 طَلّعو عينيهُم وما شافو حَتّى واحَد من غير يَسوع وَحدو.

<sup>9</sup> كي كانو هابطين من الجبّل، آمَرهُم يَسوع وقال: "ما تْقولو لحتّى واحد على اللي شَفتوه حَتّى يْقوم بْن الإنسان من بين الموتى." <sup>10</sup> سَقساوَه التابعين: "وَعلاش همّالا يْقولو الكُمّاب باللي إيليّا هُوَ اللي يْجي الأُوَّل؟" <sup>11</sup> جاوب يَسوع وقال: "صَح إيليّا يْجي ويْسَقَّم كُل شي، <sup>12</sup> بَصَّح نْقولَلكُم، إيليّا جا وما عَرفوهش ودارو فيه واش حَبّو، هَكدا تاني بْن الإنسان رايح يَتعدَّب على يدَّهُم." <sup>13</sup> هِمّالا فَهمو التابعين باللي كان يَهدَرَّهُم على يوحَنّا المَعمَدان.

## وْلَدُ مُسكون يَبُرا

14 كي جا ليه الغاشي، جا واحَد الراجَل عَند يَسوع ورْكَعلو، 15 وقال: "سيدي، أَشْفَق على وْليدي، عَندو الصُريع ويَتَعَدَّب بَرَّاف، شُحال من مَرّة يْطيح فالنار وشُحال من مَرّة فالما، 16 جَبتو للتابعين مْتاعَك بَصَّح ما قدروش يَشفيوَه." 17 جاوَب يَسوع وقال: "جيل بْلا إيمان ومْعَوَّج، لوَقتاش نَبقا معاكُم؟ لوَقتاش نَرفَلكُم؟ جيبولي الوْلَد اللَهنا." 18 هَدَّد يَسوع الشيطان وخْرَج الشيطان من الوْلَد، وبْرا الوْلَد في هَديك الساعة بالدات. 19 أومبَعد راحو التابعين عَند يَسوع وقالولو على جيه: "وَعلاش ما قُدرناش حْنا نُخْرَّجو الشيطان؟" 20 قاللهُم يَسوع: "على جال قَلّة التابعين عَند يَسوع وقالولو على جيه: "وَعلاش ما قُدرناش حْنا نُخْرَّجو الشيطان؟" 20 قاللهُم يَسوع: "على جال قَلّة

إيمانكُم. نْقُولَلكُمُ الصَح، لو كان عَندكُم إيمان قيس حَبّة الخَردَل، لو كان تْقُولُو لهاد الجُبْل، روح من هنا للهيه يْروح، وحاجة ما تُكون مُحال عَندكُم.

22 كي تُلَمّو التابعين فالجُلْيل، قاللَهُم يَسوع: "راهو قُريب يَتسَلَّم بْن الإنسان ليَدّين بْني آدَم، <sup>23</sup> ويَقَّتلوه بَصَّح فاليوم التالَت يْقوم." والتابعين حَزنو بَرَّاف.

## غْرامة المُعبدَ

24 كي راحو لكفرناحوم، جاو المكاسين لبُطرُس وقالولو: "سيدكُم ما يُخلَّصش الغْرامة؟" <sup>25</sup> قال: "إيه." وكي راح للدار، سَبقو يَسَوع وقال: "واش رايك يا سَمعان؟ سْلاطُن الأَرض، من عَند من يَدّيو الغُرامة وَلاّ الجَزية؟ من وُلادهُم وَلاّ من البُراويّة؟" <sup>26</sup> جاوبو بُطرُس: "من البُراويّة." قاللو يَسوع: "همّالا وْلاد البْلاد ماشي مَلزومين بيها. <sup>27</sup> بَصَّح باش ما نْعَتّروهُمُش، روح للبْحَر وأَرمي الصَنّارة، والحوتة اللي تَطلَع الأولى أُجبَدها، وغير ثُحَلَّلها فُهّا، تَلقا دْراهَم قيس ما نُخَلِّصو الغُرامة أنا ويّاك. أَدّيهُم وأعطيهُمَّلهُم قيسي وقيسَك"

#### 18

# الكْبير في مَلَكوت السُّما

أَ فِي هَديك الساعة، جاو التابعين ليَسوع وقالو: "شْكُون هُوَ الكُّبير فِي مَلَكُوت السَّما؟" 2 عَيَّط يَسوع لواحَد الوُلدَ الصُغير، حَطَّو فِي وَسطهُم، 3 وقال: "نْقُولَلكُم الصَح، لو كان ما تَبَدّلوش وَتُولِيو كيما الدْراري الصْغار، ما تَدُخلوش لِمَلكُوت السَّما، 4 خاطَر اللي يْصَغَّر روحو كيما هاد الوْليّد يُكُون هُوَ الكُبير فِي مَلكُوت السَّما، 5 واللي يَستَقبَلُ وَلَد صُغير كيما هَدا على جال آسمي، يَستَقبَلنِي أنا، 6 بَصَّح اللي يْطَعَّح واحَد من هاد الصْغار اللي يامنو بيَّ فالحُطِيّة، خيرلو لو كان عَلقولو فِي رَقِّبَو حَجرة الرَّحي وغَرَقوه فِي قاع البُّحر. 7 يا ويل الدَنيا من العَبرات، خاطر لازَم يُكُونُو العَبرات بَصَّح يا ويلو الإِنسان اللي يُكُون السَبّة فالعَبرة. 8 وَلاَ كانَت يَدَّك وَلاَ رَجلَك تُعَبِّرُك يَعني تُطَيِّحك فالخُطيّة، قطَّعها وأرميها بُعيد عُليك، خاطر خيرلَك تَدخُل للحُياة روح رَجلين وتَتَرما فالنار الدايمة. 9 وَلاَ كانَت عينَك تَعَبَّرُك، قلَّعها وأرميها بُعيد عْليك، خاطر خيرلَك تَدخُل للحياة بعين واحدة، وَلا يُكونو عَندَك وَروح عينين وتَتَرما في نار جَهنَّه.

# مْتَل الخُرْوف الضايَع

10 رَدّو بالكُم تَحَقُّرو واحَد من هاد الصْغار، خاطَر نْقولَلكُم المَلايكة مْتاعهُم فالسَّما يْشوفو دايمًا وَجه بابا اللي فالسَّما. 12 واش رايكُم، لو كان يُكون عَند راجَل مْيةن خْروف، ويَتَبَحَّر واحَد مَنهُم، ما يُخلَّيش التَسعة وتَسعين الأُخرين فالجْبال ويْروح يْحَوَّس على اللي تْبَحَّر؟ 13 ولو كان يَلقاه، نْقولَكُمُ الصَح، يَفرَح بيه كْتَر من فَرحتو بالتَسعة وتَسعين اللي ما تُبْحَّروش. 14 وهكدا تاني، ماشي مُراد باباكم اللي فالسَّما باش يْضيع واحَد من هاد الصْغار.

## وَلاَّ غْلُط فيك خوك

أم وَلا عْلَط فيك خوك، روح ولومو بينك وبينو هُو بَرك، وَلا شَمَعلَك راك رْبَحت خوك، أم بَصَّح وَلا ما شَمَعلَكش، أدّي معاك واحد وَلا زوج باش تُكون الدّعوة بشْهادة زوج شُهود وَلا تُلاتة. 17 وَلا ما حَبش يَسمَعَلُهُم، قول للكّنيسة، ولوكان ما يُحبش يَسمَع للكّنيسة تاني، يْوَلِّي عَندُك كي الكافر وَلا المكّاس. 18 نقوللكُم

الصَح، اللي تَرَّبطوه على الأرض يُكون مَربوط فالسْما واللي تُحَلّوه على الأرض يُكون مَحلول فالسْما، <sup>19</sup> ونزيد نْقُولَكُمُ الصَح، إيلا تْفاهمو زوج منكُم على الأرض باش يَطَّلبو حاجة، اللي يَطَّلبوه، يَوصَلَّلهُم من عَند بابا اللي فالسْما، <sup>20</sup> خاطر وين يَتلَمو زوج وَلاَ ثلاثة بَاسمى، نُكون في وَسطهُم."

# مْتَل العَبد اللي ما يَغَفَرش

21 داك الوَقت، جا ليه بُطرُس وقال: "رَبِّي، شُحال من مَرة يَغلَط فِيَّ خويَ ونَسمَحلو؟ حَتَّى لَسْبَع مَرّات؟" وَقَاللو يَسوع: "ما نُقوللَكش حَتَى لَسْبَع مَرّات، بَصَّح حَتَّى لَسَبِعين مَرة شبع مَرّات، <sup>22</sup> على هَدا مَلكوت السَّما يُشبَّه لسَلطان حَب يُحاسَب الخَدّامين مُتاعو، <sup>24</sup> وكي بْدا يْدير فالحُسابات، جابولو واحَد مَديون بعشر آلاف ويزة، يُشبَّه لسَلطان حَب يُحاسَب الخَدّامين مُتاعو، <sup>25</sup> وكي بْدا يُدير فالحُسابات، جابولو واحَد مَديون بعشر آلاف ويزة، وَقَل وَقَل وَقَل اللهِ عَلَى وَنْرَدَلك كُل شي." <sup>27</sup> شُفَق سيد هاد الخُديم وطلقو يَرَّد الدين مُتاعو، <sup>26</sup> رُكع الخُديم وسُجَدلو وقال: "أُصبَر عليَّ ونْرَدَلك كُل شي." <sup>27</sup> شُفَق سيد هاد الخُديم وطلقو وشمَحلو الدين. <sup>28</sup> وكي خُرج هاد الخُديم، تُلاقا مع واحَد من الخَدّامين اللي يَخَدمو معاه وكان يُساللو مُيةن دينار، شَدَّو وخَنقو وقاللو: "أَصبَر عليَّ ونْرَدَلك كُل شي." 30 بَصَّح هُو ما حَبش وراح رْماه فالحَبس حَتَّى يُرَد الدين. <sup>31</sup> وكي شافو الخدّامين اللي يَخَدّمو معاه واش شي." 30 بَصَّح هُو ما حَبش وراح رْماه فالحَبس حَتَّى يُرَد الدين. <sup>31</sup> وكي شافو الخدّامين اللي يَخَدّمو معاه واش شي." 30 مَن كل واصّ صرا، <sup>32</sup> لذاك الساع عَيَّطلو سيدو وقاللو: "يا الخُديم الدوني، شَمَّعتك كامَل دينك كي حَلَّلتني، 33 ماكانش لازَم عليك أنتَ تاني تَشفَق على صاحبك كيما شُفَقت عليك أنا؟" كان كُل واحَد فيكُم ما يَسمَحش من كُل قَلبو لخوه."

19

# الزْواج والطْلاق

1 وكي كَمَّل يَسوع هاد الكُلام، راح من الجُليل وجا لجُوايَه اليَهوديّة مور واد الأُردُن. <sup>2</sup> تَبَّعو غاشي كُبير وشْفاهُم

ق وجاو ليه الفَريسيّين باش يُجرّبوه وقالو: "يُجوز للراجَل باش يُطَلَق مَرتو على كاش سَبّة؟" 4 جاوَبهُم هُو وقال: "على هَدا، يُخيِّي الراجَل باباه ويمّاه ويلصَق في مَرتو الزوج يُولِّيو دات واحدة، همّالا اللي لاقاه الله مالازَمش والزوج يُولِّيو دات واحدة، همّالا اللي لاقاه الله مالازَمش يُفَد قو بْنادَم." 7 قالولو: "همّالا وَعلاش آمَر موسى باش يَتَد للمْرا وَرقة طْلاق وتَطَلَقَ؟" 8 قاللهُم: "على جال قُساوة قُلوبكُم اللي شَمَحَّلكُم موسى باش تُطلقو نُساكُم، بَصَّح فالأَصل ما كانش هكدا، 9 ونقوللكُم، اللي يُطلَق مَرتو من غير سَبّة الزنا ويتَزَوَّج بواحدُخرى راه يَزني." 10 قالولو التابعين مْتاعو: "إيلا كان هكدا آمَر الراجَل مع المُرا، همّالا خيرلو الواحَد ما يَتَزَوَّج بواحدُخرى راه يَزني." 2 مَاشي كامَل يَقَدرو يَفَهمو هاد الكُلام، غير اللي مَعطيَّتَلهُم اللي يَقَهموه، 2 أخاطَر كلين اللي زادو هكدا من كُرش يَاهُم، وكايَن اللي رَدّو ومهم عنصيّين وكايَن اللي رَدّو روحهُم مخصِيّين على جال مَلكوت السْما. اللي يَقدَر ينَهَمَ عن ينهَهَم."

داك الوَقت جابولو دْراري صْغار باش يْدير يَدّيه عليهُم ويْصَلّيلهُم بَصَّح التابعين زْڤاو عليهُم. 14 بَصَّح يَسوع قال: "خَلّيو الدْراري الصْغار وما تَمَّتعوهُمش يْجيو لعَندي خاطَر مَلكوت السَّما للي بحالهُم"، 15 ودار يَدّيه عليهُم وراح من تَمّة.

# الراجَل المْرَفَّه

16 وجا ليه واحَد وقال: "شيخ، واشَن هُوَ المُليح اللي نُديرو باش تُكون لِيَّ الحَيْاة الدايمة؟" 17 قاللو: "وعلاش تُستسيني على المُليح؟ المُليح واحَد بَرك، وَلاَّ حَبِّيت تَدخُل للحَيْاة، طَبَق الفْرايَض"، 18 قاللو: "واش من الفْرايَض؟" قال يَسوع: "ما تُقتَلش، ما تَشرَقش، ما تَشَهَدش شُهادة الزور، 19 كَرَّم باباك ويمّاك وحَب قْريبك كيما نَفسك." 20 قاللو الراجَل: "هَدو كَامَل عُمْلتَهُم، واش مازال يُخصِّني؟" 21 قاللو يَسوع: "إيلا حَبِّيت تُكون كامَل، روح وبيع مْلاكَك وأعطي للفُلالين ويُكون عَندَك كَنز فالسْما، وأرواح تَبَعني." 22 كي شَمَع الراجَل هاد الكَلام راح حْزين خاطَر كان عَندو مُلاك بَزّاف.

25 وقال يَسوع للتابعين مْتاعو: "نْقُولَكُمُ الصَح، صْعيب على الْمُرَفَّه باش يَدخُل لِمَلَكُوت السَّما. <sup>24</sup> ونْقُولَكُمُ تاني، ساهَل على الجُّمَل باش يُجوز من التُقبة مْتاع بْرة كُتَر من الْمُؤَّه باش يَدخُل لِمَلَكُوت الله." <sup>25</sup> وكي سَمعو التابعين هاد الشي، سْتَغربو بَزَّاف وقالو: "هِمَّالا شْكُون اللي يَقدَر يَسلَك؟" <sup>26</sup> شاف فيهُم يَسوع وقاللَهُم: "هاد الشي مُحال عَند الناس بَصَّح عَند الله حَتَّى حاجة ماهي مُحال."

27 داك الوَقَت جاوَب بُطرُس وقاللو: "هانا حْنا خُليْنا كُل شي وتَبَعناك، واش تُكون دَعَوتنا؟" <sup>28</sup> قالَلهُم يَسوع: "نقولَلكُم الصَح، فالوَقت وين يَتَجَدَّد كُل شي، كي يُكون بْن الإنسان قاعَد على عَرش الجَد مْتاعو، أنتومَ اللي تَبَعتوني تُكونو تاني قاعدين على طْناشَن عَرش تُحاكمو الْعشاير الطْناش مْتاع إسرائيل. <sup>29</sup> وكُل من خَلاّ على جال آسمي دْيار وَلاّ خاوة وَلاّ خُواتات وَلاّ بابات وَلاّ يَمّات وَلاّ دْراري وَلاّ حُواش، يْنال قيسهُم مْية مَرّة ويَورَت الحْياة الدايمة، مُن الله يُولّيو الأولانِين اللي يُولّيو الأخرانِين والأخرانِين اللي يُولّيو الأولانِين."

#### 20

## مْتَل خَدَّامين الدالية

أ خاطر مَلكوت السما يُشبَّه لمولى دار، خْرَج من الصباح باش يجيب خَدّامين للدالية مْتاعو، ² ثفاهَم معاهُم عاهُم على دينار فالنهار، وبَعتُهُم للدالية مْتاعو. ³ أومبَعد خْرَج جْوايه التسعة مْتاع الصباح، ولقا واحَدُخرين فالطَحطاحة بلا خَدمة، ⁴ قاللهُم: "روحو أنتوم تاني للدالية مْتاعي ونعطيلكُم حَقَّكُم"، ⁵ وراحو. وزاد خْرَج جْوايه الطْناش وجْوايه التلاتة مْتاع العْشيّة ولْقا واحَدُخرين قاعدين وقاللهُم: "وعلا التلاتة مْتاع العْشيّة ولْقا واحَدُخرين قاعدين وقاللهُم: "روحو أنتوم تاعيلات راكم قاعدين هنا نهار كامل بلا خَدمة؟" ⁵ قالولو: "خاطر حَتّى واحَد ما خَدَّمنا." قاللهُم: "روحو أنتوم تاني للدالية مْتاعي." 8 وكي طاح الليل، قال مول الدالية للوْكيل مْتاعو: "عَيَّط للخَدّامين وأعطيلهُم الخلاص مْتاعهُم، أبدا من الأخرانيّين حَتّى للأوّلانيّين." 9 جاو مْتاع الخَسة مْتاع العُشيّة وأدّاو كُل واحَد دينار، 10 وجاو الأوّلانيّين حاسين يَدّيو كُرَّر، بَصَّح أدّاو هومَ تاني كُل واحَد دينار، 11 وكي كانو يَدّيو فالدْراهَم، كانو يُدَمدمو على مول الدار، عنوسويتهُم بينا حْنا اللي حْمَلنا القَسوة مْتاع النهار والسخانة."
 أو ويقولو: "هَدوك الأخْرانيّين خَدمو غير ساعة واحدة وساويتهُم بينا حْنا اللي حْمَلنا القَسوة مْتاع النهار والسخانة."

أن جاوَب مول الدار وقال لواحد فيهُم: "صاحبي، أنا ما ضْلمتكش، ماشي تْفاهَمت معاي على دينار؟ 14 أدّي شيّل وروح، راني حاب ثمد لهاد الأخّراني كيما أنتَ، 15 وَلاّ ما يُجوزليش ندير بشَيّي واش نْحَب؟ وَلاّ ما عَجبكش الحال اللي أنا مليح؟" 16 هَكدا الأخّرانِيّين يُوليّو الأوّلانِيّين والأوّلانِيّين يُوليّو الأخرانِيّين."

# يَسُوع يُخْبَرُّ بموتو وقيْامتو

17 كي كان يَسوع طالع لأورشَليم، أدّا التابعين مْتاعو في طْناش على جيه وقالَلهُم فالطْريق: 18 "رانا طالعين لأورشَليم، وبْن الإنسان رائح يَتسَلَّم لرِيّاس رْجال الدين والكُمّاب، ويَحَكَمو عليه بالموت، 19 ويْسَلّموه للكُفّار باش يَتَسخرو بيه ويَجَلدوه ويَصَّلبوه، وفاليوم التالَت يْقوم"

## الأوَّل والأخَّر

20 داك الوقت، قرّبَت لعندو يمّاة وْلاد زَبدي مع وْلادها وسَجدَت تَطلَب مَنّو حاجة. 12 قاللها: "واش تُحبِّي؟" قالتَاو: "آمَر باش يَقُعدو وْلادي هَدو في زوج فالمَلكوت مْتاعَك، واحَد على اليْهى مْتاعَك والآخر على اليْسرى." وَاكَد على اليْمي مْتاعَك والآخر على اليْسرى." وَعَدوب يَسُوع وقال: "ما راكُمش عارفين واش راكم تَطَّبو، تَقَدرو تَشْربو الكاس اللي راني رائح نَشَربو؟" قالولو: "نقَدرو." 23 قاللهُم: "صح رايحين تَشَربو كاسي، بَصَّح القُعاد على يْميني وَلاّ على يْساري، ماشي أنا اللي نقدر مُمّدو وقال: وما يَمّد غير للي بابا وَجَدهولو." 24 كي سَمعو التابعين العَشرة، تُغَشَّشو من الخاوة الزوج. 25 عَيَّطَلهُم يَسوع وقال: "راكم عارفين باللي رِيّاس الأمّات يَسَلّطو عليهُم والنّجار يْسيطرو عليهُم، 26 ما لازَمش يُكون هَكدا عَدكُم، بَصَّح اللي يْعَب يُولِي الكُبير فيكُم، لازَم يُكون عَدكُم، 25 واللي يْعَب يُكون الأوَّل فيكُم، لازَم يُكون عَدكُم. 28 كيما اللي يُعب يُولِي الكُبير فيكُم، لازَم يُكون عَدكُم. 28 كيما جا بْن الإنسان ماشي باش يَخَدموه بَصَّح باش هُو يَخدَم ويَعطي حياتو فدية لبزّاف."

# زوج عُميين في أريحا يُبراو

<sup>29</sup> كَي كان يَسوع والتابعين مْتاعو خارجين من أَريحا، تَبَعو غاشي عُبير، <sup>30</sup> وهام وين زوج عَميين كانو قاعدين على طَرف الطْريق، سَمعو باللي يَسوع كان جايز وبْداو يْعَيَّطو ويْقولو: "سيدنا، يا وْليد داوَد، أَشفَق علينا" <sup>31</sup> دْرُقا عليهُم الغاشي باش يَشكتو، بَصَّح هومَ بْداو يْعَيَّطو كُتَر ويْقولو: "سيدنا، يا وْليد داوَد، أَشفَق علينا" <sup>32</sup> حُبَس يَسوع، عَيَّطُلهُم وقال: "واش حَبيّتو نْديرَلكُم؟" <sup>33</sup> قالولو: "سيدنا، يَخَلَّو عينينا"، <sup>34</sup> شْفَق يَسوع، مَس عينيهُم وتَم تَم شافو وتَبعوه.

## 21

# الدَخلة لأورشَليم

1 وكي قَرَّبو لأورشَايِم وجاو لبيت فاجي عَند جْبَل الزيتون، بَعْت يَسوع زوج تابعين، 2 وقالَلَهُم: "أَدُّخلو للدَشرة اللي مْقابلَتُكُم وَتُم تَم تَلقاو حْمارة مَربوطة ومعاها حْمار صْغير، حَلُولُمُم الرباط وجيبوهُملِي. 3 وَلاّ كاش واحَد قاللَكُم حاجة، قولو باللي الرَب يَسحَقَهُم، وتَم تَم يَبعَتُهم." 4 هاد الشي صْرا باش يَتَقَقَّ كُلام النّبي اللي قال: 5 "قولو لبنت صَهيون: هاوليك سَلطانك جاي ليك، مَتواضَع، راكَب على حْمارة، وحْمار صْغير وْليد حْمارة." 6 راحو التابعين ودارو واش آمَرهُم يَسوع، 7 وجابو الحْمارة والحْمار الصْغير وحَطّو عليهُم حْوايَجَهُم ورَكّبو يَسوع، 8 الكُترة من الغاشي كانو واش آمَرهُم يَسوع، 8 الكُترة من الغاشي كانو

يُفَرَّشُو حُوايَجَهُم على الطْريق، وواحَدُخرين كانو يُقطّعو غْصان من السْجَر ويْفَرَّشُوهُم. <sup>9</sup> الغاشي اللي كانو سابقين واللي كانو يْنَبّعو في يَسُوع كانو يْعَيّطو ويْقولو: "أوصَّنا لوْليد داوَد، مْبارَك الجاي بآسَم الرَب، أوصَّنا فالعْلالي" <sup>10</sup> وكي دْخَل يَسُوع لأورشَليم، كامَل المْدينة تُهوَّلَت وكانو يْقولو: "شْكون هَدا؟" <sup>11</sup> والغاشي كان يْقول: "هَدا يَسُوع النّي، من الناصرة فالجُليل."

## تُطهير المُعبَد

12 دْخُل يَسُوع للمَعبَد، وحاوَز كَامَل اللي كانو يْبيعو ويَشريو تَمّة، وقَلَّب الميدات مْتاع اللي يُبدَّلو الدْراهَم والكُراسا مْتاع اللي يْبيعو الحُمَّام، 13 وقالَلهُم: "مَكتوب: داري رايحة تتسمّا دار الصْلاة، وأنتومَ رَدِّيتوها غار للسَرّاقين." 14 جاو ليه عَميين وكَعوانين فالمُعبَد وشْفاهُم. <sup>15</sup> كي شافو ريّاس رْجال الدين والكُمَّاب العجايب اللي دارهُم والدْراري اللي كانو يْعيَّطو فالمَعبَد ويْقولو: "أوصَّنا لوْليد داود"، ما عُجَهُمش الحال، 16 وقالولو: "راك تَسمَع واش راهُم يْقولو؟" قاللهُم يَسوع: "إيه، عْمَرَكُم ما قْريتو باللي: خَرَّجت تَسبيح من فَم الدْراري واللي يَرَّضعو؟" 17 وخَلاَّهُم وخْرَج من المُدينة لبيت عَنيا وبات تمّة.

# الكَرمة تَيبَس

18 الصْباح، كي كان يَسوع راجَع للمُدينة، جاع. 19 شاف كَرِمة واحدة فالطُريق، راح ليها بَصَّح لُقا فيها غير الوَرق وقاللها: "حَتَّى غَلَّة ما تُزيد تُخرُج مَنَّك للدُوام"، وتَم تَم يَبسَت الكَرَمة. <sup>20</sup> كي شافو التابعين هَداك الشي، سُتَعجبو وقالو: "كيفاش يَبسَت السَجرة تَم تَم؟" <sup>21</sup> جاوب يَسوع وقاللَهُم: "نْقوللكُم الصَح، لو كان عَندكُم إيمان وما تُشَكّوش، ماشي بَرك تُديرو واش نُدار لهاد الكَرمة، بَصَّح لو كان تُقولو لهاد الجُبَل، أَتَقلَّع وأتَّرَما فالبْحَر، هاد الشي يَصرا، <sup>22</sup> وكامَل واش تَطَّلو فالصْلاة بالإيمان، تُنالوه."

# آمَر حُكمة يَسُوع

23 راح يَسوع للمَعبَد، وكي كان يْدَرَّس جاو ليه رِيّاس رْجال الدين وشْيوخ الشَعب وقالو: "بواش من الحُكمة راك تْدير هاد الشي، وشْكون عْطالَك هاد الحُكمة؟" <sup>24</sup> جاوَب يَسوع وقاللهُم: "وأنا تاني نْسقسيكُم حاجة واحدة، وَلاّ قُلتولي عليها نْقوللكُم أنا تاني بواش من الحُكمة نْدير هاد الشي، <sup>25</sup> مَعموديّة يوحَنّا، منين جات؟ من السْما وَلاّ من الناس؟" تُشاورو بيناتهُم وقالو: "لو كان نْقولو من السْما، يْقوللنا: وَعلاش هِمّالا ما آمَنتوش بيه؟ <sup>26</sup> بَصَّح لو كان نْقولو من الناس، غْنافو من الغاشي خاطر كامَل يَحَسبو يوحَنّا نَبي." <sup>27</sup> وَجاوبو يَسوع وقالو: "ما راناش عادفين." قاللهُم هُو تاني: "أنا تاني ما نْقولَلكُمش بواش من الحُكمة نْدير هاد الشي."

# مْتُل الزوج وْلاد

28 "واش رايكُم، واحَد الراجَل كان عَندو زوج وْلاد، راح للأَوْلاني وقاللو: "يا وْليدي، روح أُخدَم اليوم فالدالية"، <sup>29</sup> جاوَب الوْلَد وقال: "ما رانيش حاب"، بَصَّح أُومبَعد نْدَم وراح. <sup>30</sup> وراح للتاني وقاللو كيما قال للأَوّلاني، بَصَّح هَدا جاوَب وقال: "ماعليه يا سيدي"، بَصَّح ما راحش. <sup>31</sup> شْكون فيهُم في زوج دار مُراد الله: <sup>32</sup> خاطَر جا الباباة؟" قالو: "الأَوّلاني." قاللهُم يَسوع: "نْقوللكُم الصَح، المُكَاسين والزانيات يَسَّبقوكُم لِللَكوت الله، <sup>32</sup> خاطَر جا

ليكُم يوحَنّا في طْريق الصْلاح وما آمَنتوش بيه، بَصَّح المُكّاسين والزانيات آمنو بيه، وأنتومَ كي شَفتو هاد الشي، ما تَبتوش من بَعد وآمَنتو بيه.

# مْتَل فَلاّحين الدالية

<sup>33</sup> أَسَّمُعُو مْتَلُ وَاحَدَانُمُر: كَانُ وَاحَدَ الرَاجُلُ مُولَى دَار، غُرَس دَالية ودَار زَرِب سايَر دَايَر عليها، وحَفَر فيها مَعصرة ويْنا بُرج وخَلاها لفَلاّحين باش يَديو غَلّة الدَالية. <sup>35</sup> الفَلاّحين حكمو الخَدّامين، واحَد ضَربوه، الآنُمُر قَتَلُوه والتالَت رَجموه. <sup>36</sup> زاد بُعت خَدّامين واحَدُخرين كُتَر مِن الأَوّلانِيّين، ودارولهُم كيف كيف. <sup>37</sup> من بعد، بُعتَّلهُم وْليدو وقال: "وْليدي يْقادروه"، ³³ بَصَّع الفَلاّحين كي شافو الوْلد قالو بيناتُهُم: "هَدا هُوَ اللي يَورَت، هَيَّا نَقْتَلُوه وَنَديو الوَرت مْتاعو"، <sup>39</sup> وحكموه ورْماوَه بَرَّا من الدالية وقَتَلوه. <sup>40</sup> كي يُوكِي مول الدالية، واش يُدير لهَدوك الفَلاّحين؟" أُلُّ قالولو: "رائح يَقتَل هَدوك المشرارين قَتِيلة شينة ويُغَلِّي الدالية لفَلاّحين واحَدُخرين يَعطيولو الغَلّة في وَقتها." <sup>24</sup> قاللهُم يسوع: "غَرُثُم ما قُريتو فالكُتوب: "الحَجرة اللي ما قَبلوهاش البَنَّايين هي اللي وَلاّت حَجرة الوْصَل، هاد الشي جا من عَند الرَب وهُوَ شي غُيب عَندنا" يَتَدَعَالكُم باللي مَلكوت الله رائح يَتَنَعَالكُم ويَتَمَد لأُمَّة تُجيب الغَلّة مْتاعو، <sup>44</sup> اللي يُطيح على هاد الحَجرة على هَدا نقوللكُم باللي مَلكوت الله رائح يَتَنَعَالكُم ويَتَمَد لأُمَّة تُجيب الغَلّة مْتاعو، <sup>44</sup> اللي يُطيح على هاد الحَجرة قدف واللي تُطيح عليه تَدَّرسو."

<sup>45</sup> كي سَمعو رِيّاس رْجال الدين والفَرّيسيّين المْتال مْتاعو، عَرفو باللي كان يَهدَر عليهُم، <sup>46</sup> وكانو يْحَوّسو يَحَكّموه بَصَّح خافو من الغاشي خاطَر كانو حاسبينو نَبي.

22

# مْتَل عُرس وْليد السَلطان

1 زاد يَسَوع هْدَرَّهُم بالمْتال وقال: 2 "مَلكوت السْما يْشَبّه لسَلطان دار عَرس لوْليدو، 3 وبْعَت الخدّامين مْتاعو يُعيّطو للي كانو مَعروضين للعَرس وهومَ ما حَبّوش يُجيو. 4 زاد بْعَت خَدّامين واحَدُخرين وقال: "قولو للمعروضين: "الوّليمة مْتاعي راني وَجَّدتها والفراد والزّوايل السْمان مْتاعي نْدَبحو وكُل شي راهو واجَد، أرواحو للعَرس."" 5 بصَّح المعروضين ما عْباوش بالعَرضة وراحو، واحَد للحوش مْتاعو والآثر للتجارة مْتاعو، 6 والباقيين حَكمو الخدّامين مْتاع السَلطان، هانوهُم وقتلوهُم ، 7 زْعَف السَلطان وبْعَت العَسكر مْتاعو وقْتَل هَدوك القتّالين وحْرَق مُدينتهُم. 8 أومبَعد قال للخَدّامين مْتاعو: "العَرس راهو واجَد بَصَّح اللي كانو مَعروضين ما سْتاهلوهش، 9 همّالا روحو للطُرقان، وكامَل اللي تُقاوهُم أَعَرضوهُم للعَرس." 10 خَرجو هَدوك الخدّامين للطُرقان ولمّو كامَل اللي لْقاوهُم، مَشرارين ومُلاح، وتُعمّر العَرس بالضياف. 11 كي دْخَل السَلطان يُشوف الضياف، شاف تُمّة واحَد الراجَل ماشي لابَس لْباس العَرس؛ "قا الراجَل ماشي لابَس لْباس العَرس؛ "قا الراجَل ساكت. 13 داك العَرس؛ قال السَلطان للخَدّامين: "أَرَّ بطولو رَجليه ويَدّيه وأرميوه فالضْلام بَرَّا وين يُكون البُكا وغَز السْنان." 14 خاطَر السَاع قال السَلطان للخَدّامين: "أَرَّ بطولو رَجليه ويَدّيه وأرميوه فالضْلام بَرَّا وين يُكون البُكا وغَز السْنان." 14 خاطَر السَاع قال السَلطان بُوف بَصَّع المُختارين قلال."

15 داك الساع راحو الفَريسيّين يَتشاورو ما بيناتهُم كيفاش يْزَلقو يَسوع بكلمة، 16 وبَعتولو التابعين مْتاعهُم مع الهيرودوسيّين يْقولو: "شيخ، رَانا عارفين باللي أنتَ حَقّاني، وتْعَلَّم طُريق الله على حْساب الحق، ما تُخاف حَتّى واحَد وما تُديرش الوْجوه. 17 قولكنا همّالا، واش رايك. يُجوز نُخلّصو الجَزية لقيصر وَلا لالا؟" 18 عُرَف يَسوع شَرّهُم وقال: "وَعلاش راكُم ثُجُرّبو فِيَّ يا مُنافقين؟ 19 وَرّيولي الدْراهَم اللي يُخلّصو بيهُم الجَزية." أعطاولو دينار. وقاللهُم: "مْتاع من هاد التَصويرة وهاد الكُتيبة؟" 21 قالولو: "مْتاع قيصَر"، داك الساع قاللهُم: "همّالا، أعطيو لقيصَر شِي قيصَر، ولله شي الله." 22 كي سَمعو ستَعجبو، وخَلاَوه وراحو.

## آمَر قيامة الموتى

<sup>23</sup> في هُداك النَّهَار، جاو ليه الصَدَّوقِيِّن اللي يُقولو باللي ما كانش القيامة وسَقساوَه، <sup>24</sup> وقالو: "شيخ، موسى قال: لوكان يُموت واحَد ما عَندوش الدَّراري، لازَم على خوه يَتزَوَّج بَرَتو ويْدير دَرِيَّة لخوه. <sup>25</sup> كانو عَندنا سْبَع خاوة، وتْزَوَّج الأَوَّل ومات: وكي ما عَندوش الدراري خَلا مَرتو لخوه، <sup>26</sup> وهكدا صْرا للتاني، والتالَت حَقّ للسابَع. <sup>27</sup> بَعدهُم كامَل ماتَت المُرا. <sup>28</sup> فالقيامة، شكون فالسَبعة اللي تُكون هَديك المُرا مَرتو؟ خاطَر كامَل أَدَّاوها." <sup>29</sup> جاوَب يَسوع وقاللَهُم: "راهي تالفَتَاكُمُ خاطَر ما تَعْرفو لا الكُتوب وَلا قُدرة الله. <sup>30</sup> خاطَر فالقيامة، ما يَتزَوَّجو ما يَتزَوَّجو بيهُم، بَصَّح يُكونو كي المَلايكة فالسْما. <sup>31</sup> وعلى قيامة الموتى، ما قْريتوش كُلام الله ليكُمُ اللي يُقول: <sup>32</sup> "أنا إلَه إبراهيم وإله إسحاق وإله يَعقوب؟ الله ماشي إله الموتى، الله إله الحيّين." <sup>33</sup> كي شَع الغاشي، دَهش فالتعليم مُتاعو.

## الفَرض الكُبير

<sup>34</sup> الفَريّسِيّين كي سَمعو باللي يَسوع بَكَم الصَدّوقِيّين، تْلايمو في مَدرَب واحَد. <sup>35</sup> وواحَد فيهُم، شيخ مْتاع الشَريعة سَقساه باشَ يُجَرِّبو: <sup>36</sup> "شيخ، أَما هُو الفَرض الكُبير فالشَريعة؟" <sup>37</sup> جاوبو يَسوع: "ثَحَب الرَب إلهَك من كُل قَلَبُك ومن كُل نَفْسَك ومن كُل تَخامَك. <sup>38</sup> هَدا هُو الفَرض الكُبير والأوَّل. <sup>93</sup> بَصَّح كايَن التاني كيما هُوَ: تُحَب قُرِيبَك كيما نَفسَك. <sup>40</sup> كامَل الشَريعة والأنبيا مَبنيّين على هاد الزوج فْرايض."

## المُسيح وداوُد

41 كي كانو الفَرِيسيِّين مَتلايمين، سَقساهُم يَسوع، 42 وقال: "واش رايكُم فالمَسيح؟ وْليد مَن هُوَ؟" قالولو: "وْليد داوَد." <sup>43</sup> قالَلهُم: "هِمَّالا كيفاش داوَد بالروح يُعيَّطُلو "رَبِيِّ" ويْقول: <sup>44</sup> "قال الرَب لرَبِّي: "أَقَعُد على يْميني حَتَّى غُط عَديانَك تَحَت رَجليك؟" <sup>45</sup> إيلا كان داوَد يْعيَّطلو رَبِّي، كيفاش هِمَّالا يْكون وْليدو؟" <sup>46</sup> وحَتَّى واحَد ما قُدَر يْجاوبو بكَلهة. ومن هَداك اليوم، واحَد ما زاد قُدْر يْسَقسيه في حاجة.

## 23

# رَدُّو بالكُم من الكُتَّابِ والفَرَّيْسِيِّين

أومبَعد، كَلَمْ يَسوع الغاشي والتابعين متاعو، ² وقال: "الكُمَّاب والفَرْيسيّين قَعدو على كُرسي موسى، ³ همّالا ديرو وطَبّقو كُل شي يْقولوهولكُم، بَصَّح ما تْديروش واش يْديرو. خاطر يْقولو وما يْطَبّقوش. ⁴ يُحَزّمو حمال تْقال وواعرين للرْفود ويُحطّوهُم على تُكاف الناس وهوم ما يْحَبّوش يْزَغّدوهُم بضبعهُم، ⁵ وكامَل فْعالهُم، يْديروهُم باش

يشوفوهُم الناس. يْديرو عْصاصَب عْراض ويْطُوّلو جْلال لْباسُهم، 6 ويْحَبّو يَقُعدو مع الأوّلين فالوَليمات وفالكُراسا الأوّلين فالجُامَع، 7 ويْحَبّو يْسَلّمو عليهُم فالأُسواق، ويْعَيّطولهُم الناس: "شيخ، شيخ"، 8 بَصَّح أنتومَ ما ثُخَلّيوش الناس يْعَيّطولكُم: شيخ، خاطَر عَندُكُم شيخ واحَد وأنتومَ كامَل خاوة. 9 وما تُعيّطو لحيّ واحَد على الأَرض بابا خاطَر بابا كُم واحَد بَرك، السْماوي. 10 وما ثُخلّيوش الناس يْعيّطولكُم رُؤَسا خاطَر رايسكُم واحَد، هُوَ المَسيح. 11 الكُبير فيكُون خْديمكُم، 21 خاطر اللي يحسب روحو تُطيح قيمتو واللي ما يحسبش روحو تندارلو القيمة.

# يا ويل الكُتّاب والفَرّيسِيّن

13 يا ويلكُم يا النُكَّابِ والفَرّيسِيّين المُنافقين، خاطَر تَغَلقو مَلكوت السَّما في وَجه الناس، ما تَدَّخلو أنتومَ، ما تُخلّيو اللي يُحبّو يَدُّخلو يَدُّخلو. 15 يا ويلكُم يا الكُتّاب والفَرّيسيّين المُنافقين، خاطَر تْطَوّفو البْحَر والبَر باش تَرَّبحو واحَد يَدخُل فالدين، وكي يَدخُل فالدين، تَرَدُّوه وْليد جَهَنَّمة زوج مَرّات كْتَر مَنكُم. 16 يا ويلكُم يا القُوّادين العَميين، اللي تْقُولُو: "اللي يَحَلَف ببيت المَقدَس ماشي مَلزوم باليمين مْتاعو بَصَّح اللي يَحلَف بالدُّهَب مْتاع بيت المَقدَس مَلزوم بيه." 17 يا الجَّاهلين والعَميين، أَما هُوَ الكُّبير؟ الدَّهَب وَلاَّ بيت المَقدَسُ اللي يْقَدَّس الدَّهَب؟ 18 و: "اللي يَحلَف بالمَدَنج ماشي مَلزوم بالبِّين مْتاعو، بَصَّح اللي يَحَلَف بالهِبة اللي على المَدَنج مَلزوم"، 19 يا العَميين، أَما هُوَ الكُبير؟ الهِبة وَلاَّ المَدَبَحِ اللِّي يُقَدَّس الهِبة؟ <sup>20</sup> اللِّي يَحلَفُ بالمَدَبَح يَحلَفُ بيه وبكامَل الحاجات اللي عليه، <sup>21</sup> واللي يَحلَف ببيت المَقدَس يَحلَفُ بيه وباللي ساكن فيه، 22 واللي يَحلَف بالسَّما يَحلَف بعَرش الله وباللي قاعَد عليه. 23 يا ويلكُم يا الكُمَّابِ والفَرِّيسِيّينِ المُنافقين، خاطر تْعَشّرو على النعناع والبَسباس والكَمّون وخَلّيتو الصَّح فالشَريعة: الحق والرُحمة والإيمان. كان لازَم تَعَملو هاد الحاجات بْلا ما ثْخَلّيو الحاجات الأُخرين. 24 يا القُوّادين العَميين، تُصَفّيو باش تُغَيُّو ناموسة بَصَّح تَبُّعو جْمَل. 25 يا ويلكُم يا الكُتّاب والفَرّيسيّين المُنافقين خاطَر تَنقّيو الكاس والطَبسي من برّا بصَّح من الداخَل مْعَمَّرين بالسْريقة والطْمَع. 2ُ يا الفَرِّيسي العْمَى، نَقِّي الكاس قْبَل من الداخَل باش يُوكِّي من بَرّا تاني نْقي. 27 يا ويلكُم يا الكُتَّابِ والفَرَيْسِيَّينَ المُنافقين خاطَر تُشَبَّهو للقُبُور المْبَيَّضين، اللي يْبانو شَبَّان من بَرَّا ومن الداخَل مُعَمِّرين بعضام الموتى وكُل نجاسة. 28 أتتومَ تاني، من بَرّا ثبانو صالحين للناس بَصَّح من الداخَل مُعَمّرين بالثنوفيق والشَر. 29 يا ويلكُم يا الكُتّاب والفَرّيسِيّن المُنافقين، خاطَر تُبنيو قْبور الأنبيا وتْسُقّمو مْدافَن الصالحين، 30 وتقولو: "لوكان عَشنا في يامات جْدودنا، ما كُنّاش نَتشاركو مْعاهُم باش نْسَيّلو دَم الأَنبيا." <sup>31</sup> هَكدا راكم تَشّهدو على روحكُم باللي أنتومَ وْلاد اللي قَتلو الأَنبيا. <sup>32</sup> وعَمَّرتو الكيل مْتاع جْدودكُم، <sup>33</sup> يا الحْنوشة، يا وْلاد اللْفاعي، كيفاش تَمَّربو منُّ حُكمَ جَهَنَّمة؟ 4 َ على هَدا، راني نَبعَتَلكُم أَنبيا وحُكما وُكتَّاب، كايَن اللي تَقْتلوهُم وتَصَّلبوهُم وكايَن اللي تَجَّلدوهُم في مْجامَعْكُم، تَشَّحنو عليهُم وتَتَبَّعوهُم من مْدينة لْمدينة. <sup>35</sup> باش يْجي على رَقبَتَكُم كامَل الدَم الصالح اللي سال على الأرض، مَن دَم هابيل الصالح حَتَّى لدَم زُكَريًّا بَن بَرَخِيًّا اللي قُتَلتوه بين بيت المَقدَس والمَدبَح. <sup>36</sup> نْقُولَلكُم الصَح، هَدا كَامُل يُصرا في هاد الجيل.

37 يا أورشَليم يا أورشَليم، اللي تُقتَل الأَنبيا وتَرجَم المَبعوتين ليها، شُخال من مَرّة حَبّيت نْلُم وْلادَك كيما تْلُم الجاجة فْلالسَها تَحت جْناحتيها وما حَبّيتوش، <sup>38</sup> هاوليك المَعبَد مْتاعَكُم يَتَخَلاّلكُم خَالي. <sup>39</sup> خاطَر نْقولَلكُم، من دُرك ما نْشوفونيش حَتّى وين تْقولو: "مْبارَك الجاي بآسَم الرَب.""

#### 24

## مارات آخَر الزْمان

أخْرَج يَسوع من المَعبَد وكي كان رايج، أدَنّاو ليه التابعين مْتاعو باش يْورّيولو البَنيان مْتاع المَعبَد. ² جاوَب هُو وقاللَهُم: "راكُم تْشوفو هَدا كامل؟ نْقوللكُم الصَح، ما تَقعُد هْنا حَتّى جَرة فوق حَجرة ما تَتَريّبَش."

قو وكي كان قاعد على جْبَل الزيتون، جاو ليه التابعين مْتاعو وقالولو على جيه: "قولَلنا، وَقتاش يَصرا هاد الشي، وواشَن هي المارة مْتاع رْجوعَك وآخر الزْمان؟" لم جاوَب هُو وقاللهُم: "رَدّو بالكُم يُعود يَغويكُم كاش واحد، 5 خاطر كليَن بَرَّاف اللي رايحين يُجيو بآسمي ويْقولو: "أنا هُو المسيح"، ويُغرّو بَرَّاف من الناس، 6 رايحين تَسَّمعو بحْروب وبحُبْار مْتاع حْروب، رَدّو بالكُم ثُخافو، خاطَر لازَم يَصرا هاد الشي، بَصَّح مازال ما تكونش الآخرة، 7 رايحة تنوض أُمّة ضَد أُمّة، ومُلكة صَد مُلكة، ويُكونو بَجاعات وزْنازَل في مْضارَب بَرَّاف. 8 وهَدا كامَل يُكون غير البَدية مْتاع وْجاع الوُلادة. 9 داك الوقت يُسَلّوكُم للعداب، ويقتلوكُم وتكونو مكروهين من كامَل الأُمّات على جال البي يَعَّرو، ويْبَيعو بَعضُهم بَعض ويكَرَّهو بَعضُهم بَعض. 11 ويْنوضو بَرَّاف أُنبيا كَدَّابين ويْغَرِّو ناس بَرَّاف، 18 اللي يَتَبَت حَتَى الأُخْر، هَداك يَسلَك، 14 هاد البشارة مْتاع المُلكوت، رايَح يَتبرَّح بها في كامَل الدَنيا، وتُكون شُهادة لكامَل الأُمّات وداك الساع ثَجى الآخرة.

15 على هَدا كي تُشوفو نُجاسة الوَخدة اللي هْدَر عليها النّبي دانيال، واقفة فالمُكان الْمُقدَّس، -اللي يَقرا غير يَفهَم-، 16 همّالا اللي يُكونو فاليَهوديّة، غير يَهْربو للجُبال، 17 واللي يُكون فالسُطَح، غير ما يَهبَطش يَدّي الحاجات مْتاع دارو، 18 واللي يُكونو بالجوف واللي يُكونو يُرضّعو في هَدوك اليامات. 20 صَلّيو باش الهَربة مْتاعَكُم ما نُجيش فالشّتا وَلا فالسّبت، 21 خاطر في هَداك الوَقت، تُكون شَدة خبيرة، ما صراتش من اللي بْدات الدّنيا حَتّى لدُرك، وَلا رايحة تَصرا، 22 ولو كان الله ما قصَّرش هَدوك اليامات، لو كان واحد ما يَسلك. بَصَّح على جال الحُتارين، رايحين يَقصارو. 23 داك الوقت، لوكان يُقوللكُم واحد: "هاو هنا المُسيح وَلا لهيك"، ما تامنوهش، 24 خاطر رايحين يُجيو اللي يَدَّعاو باللي هومَ المسيح، وأُنبيا كَدّابين، ويُمدّو مارات ثَبَار وغيْميّب باش يْخُرو لو كان يَقدرو حتّى المُختارين. 25 رافي خيَّرتكُم من قُبَل. 26 همّالا لوكان يْقولولكُم: "راهو فاخلا"، ما تروحوش، وَلا "فالبُيوت"، ما تامنوش، 27 خاطر كيما يَخرُج البُرق من الشَرق ويْضَوّي حَتّى "راهو فاخلا"، ما يُروحوش، وَلا "فالبُيوت"، ما تامنوش، 27 خاطر كيما يَخرُج البُرق من الشَرق ويْضَوّي حَتّى للغَرب، هَكذا يُكون عَبي بْن الإنسان، 28 وين تُكون الميتة، تمّة يَتَلَق العُثبان.

<sup>29</sup> وتَمَ تَمَ بَعَد هَدوك اليامات مْتاع الشَدّة، تَضلام الشَمس، والقُمَر ما يْزيدش يْضَوّي، والنْجوم يْطيحو من السْما، وقُدرات السْما يَتزَعزعو. <sup>30</sup> داك الساع، تْبان مارة بْن الإنسان فالسْما، وكامَل عْشاير الدَنيا يَخَبطو في صْدورهُم، ويْشوفو بْن الإنسان جاي على شحابات السْما بقُدرة ومَجد كُبير، <sup>31</sup> ويَبعَت المَلايكة مْتاعو يْبوّقو بالزور، ويْلَمُو المُخْتارين مْتاعو من الرَبع رْياح من طْراف السْما لطْراف السْما. <sup>32</sup> خودو المُتَل من الكَرمة، اللي كي يَرطاب الغْصن مْتاعها، ويْنوضو وْراقها، تَعَرفو باللي الصيف راهو قْريب، <sup>33</sup> هَكدا أنتومَ تاني، كي تَشوفو هاد الشي كامَل، تَعَرفو باللي بْن الإنسان راهو قْريب، فالباب، <sup>34</sup> نْقولَلكُم الصّح باللي هاد الجيل ما يُجوزش حَتَّى وين يَصرا هاد الشي كامَل. <sup>35</sup> السَّما والأَرض يْزولو بَصَّح كُلامِي ما يْزولش.

## دايمًا واجدين

36 هَداك اليوم والساعة، واحَد ما يَعلَم بيهُم، لا مَلايكة السَّما، لا الإِبن، غير الآب اللي يَعلَم. 37 كيما كان في يامات نوح، كيف كيف يُحون عُجي بْن الإنسان. 38 كيما كانو في هَدوك اليامات اللي قبَل الطوفان، ياكلو ويَشُربو، يَتزَوَّجو ويْزَوَّجو ويْزَوَّجو حَتَّى لليوم اللي دْخَل نوح للفْلك، 39 وما عَرفوش حَتَّى جا الطوفان وأدّاهُم كامَل. هَكدا يُكون تاني عُجي بْن الإنسان. 40 داك الوقت يُكونو زوج فالحوش، واحَد يَتَّرفد وواحَد يَتَخَلاّ، 41 وزوج نُسا يَرحيو فالرحى، واحدة تَتَخَلاّ، 44 هِمَالا رَدّو بالكُم، خاطَر ما تَعْرفوش اليوم اللي يْجي فيه رَبّكُم. 43 تَعْرفو هاد الشي، باللي لو كان يَعرف مول الدار واش من الساعة فالليل يْجي السَرّاق، لو كان يَسهر وما يُخلِّيش دارو تَسرَق. 44 على هَدا، أتنومَ تاني كونو واجدين، خاطَر فالساعة اللي ما تُجيش في بالكُم، يْجِي بْن الإنسان.

# مْتَل العَبد الحْلالي

45 شُكُون هُوَ هِمَالاً الخُديم الحُلالي والفايق اللي دارو سيدو وْكِيل على الخَدّامين مْتاع دارو؟ اللي يَعطيلهُم الماكلة في وَقتها. 46 ين سُعدو هَداك الخُديم، اللي كي يْجي سيدو يَلقاه يْدير هَكدا. 47 نْقولَلكُم الصَح، يْوَكَلو على كامَل مُلاكو. 48 بَصَّح لو كان يْقول هَداك الخُديم الدوني في قَلبو: "سيدي يَبطا"، 49 ويَبدا يَضرَب فالخَدّامين اللي يَخَدّمو مُعاه، وياكُل ويَشرُب مع السوكَرجيّة، 50 يُجي سيد هَداك الخُديم فاليوم اللي ما يُكونش يَستنّا فيه وفالساعة اللي ما يُكونش عارفها، 51 يْعاقبو ويْحَط حَقّو مع المُنافقين. ثَمّة يْكون البُكا وخَر السّنان.

#### 25

# مْتَلَ العَشر عْواتَق

1 ومَلَكُوتُ السَّما يُكُونُ يُشَبَّهُ لَعَشر عُواتَق، اللي أَدَّاوِ كَانَكِيَّاتُهُم وخَرجو يُلاقيو العُريس. 2 خَمَسة مَنهُم كانو مُهابَل وَحَسه عاقلين. 3 المُهابَل أَدَّاوِ كانكِيَّاتُهُم وما أَدَّاوِش مَعاهُم الزيت، 4 بَصَّح العاقلين أَدَّاوِ الزيت في قُرَع مع الكانكِيَّات مُتاعهُم. 5 كي بُطا العُريس، نَعسو كامَل ورَقدو. 6 وفي نَص الليل، واحَد عَيَّط: "هاوِ العُريس، أَتُخْرجو تُلاقيوَه." 7 داك الوَقت، فَطنو كامَل هَدوك العُواتَق ووَجّدو كانكِيَّاتُهُم. 8 المُهابَل قالو للعاقلين: "أَعطيولنا من الزيت مُتاعكُم، خاطَر كانكِيَّاتنا راهُم يَطفاو"، 9 جاوبو العاقلين وقالو: "لالا، ما تَكفيش قيسنا وقيسكُم، روحو عند اللي يُبيعو وأشريو"، 10 وكي راحو يشريو، جا العُريس، واللي كانو واجدين دَخلو معاه للعَرس ونُعُلقَت الباب. 11 من بَعد، جاوِ العُواتَق الأُخْرِين يُقولو: "سيدي، سيدي، حَلَّنا"، 12 جاوَب هُوَ وقال: "فالصَح، ما نَعرَفَكُمش"، 13 من بَعد، خاطر ما تَعرَفُو لا اليوم وَلا الساعة."

14 كيما واحَد كان مُسافَر، عَيَّط لِخَدّامين مْتاعو وخَلاّهُم مْلاكو، 15 عطا لواحَد نَمَس ويزات، ولواحَداَّنُر زوج ويزات، وللآخُر ويزة، لكُل واحَد على حْساب مَقدورو وسافَر. 16 راح اللي أدّا بَعْس ويزات، خْدم بيهُم ورُج خَمسة واحَدُخرين. 17 كيف كيف اللي أدّا زوج، رُبّح زوج واحدُخرين. 18 بَصَّح اللي أدّا واحدة، راح حْفَر فالأرض وخَبّاها، 19 وبَعد مُدّة طُويلة، جا المُعلَّم مْتاع هَدوك الخدّامين وتْعاسَب معاهُم، 20 ثقدَّم اللي أدّا نوم ويزات، عامليك خَمس ويزات واحدُخرين وقال: "سيدي، خلّيتلي خَمس ويزات، هامليك خَمس ويزات واحدُخرين وقال: "سيدي، خلّيتلي خَمس ويزات، هامليك خَمس ويزات واحدُخرين أدت رُبّحتُهم." 21 ثقدًم تاني اللي أدّا زوج ويزات وقال: "سيدي، خلّيتلي زوج ويزات وهامليك زوج ويزات واحدُخرين ويزات واحدُخرين ويزات وهامليك زوج ويزات وقال: "سيدي، خلّيتلي زوج ويزات وهامليك زوج ويزات واحدُخرين ويزات واحدُخرين ويزات وهامليك ورج ويزات واحدُخرين ويزات واحدُخرين ويزات وهامليك ورج ويزات واحدُخرين ويزات واحدُخرين ويزات واحدُخرين ويزات واحدُخرين ويزات واحدُخرين ويزات وهامليك ورج ويزات واحدُخرين ويزات واحدُخرين ويزات وهامليك ورج ويزات واحدُخرين ويزات واحدُخرين ويزات وهامليك ورج ويزات واحدُخرين ويزات واحدة وقال: "عُرفت باللي أنت ويزات واحدة وقال: "عُرفت باللي أنتَ وربع ويزات واليزة مُتاع ويزات، 20 خَلَول الويزة واحدة ويزات، 21 خاطر اللي عَدو بَرّاف يَعْطالو ويْفيض عليه الخير، بَصّح اللي ما عَدوش، وأعطيوها للي عَدو بَنَحُول البيم عَدو بَنَحُول البيم عَدو بَنَحُول البيم عَدو بَنَحُول البيم عَدو بَنَعُول البيم عَدو بَنَعُول البيم وغزات، أو مُن واش عَدو بَنَعُول البيم عَدو بَنَعُول المُعْل عَدو بَنَعُول المُن عَدو بَنَعُول المُنان. واش عَدو بَنَعُول البيم وغز السْنان.

# الخرَفان والعْتارَس

31 كي يُجي بْن الإنسان في بَحدو وكامَل المَلايكة معاه، داك الوَقت يَقَعُد على عَرش الجَد مْتاعو، 32 يَتلَّو فَدّامو كامَل الأُمّات، ويْفَرَّقهُم كيما يْفَرَق الراعي الخَرفان على العتارَس. 33 يُحَط الخَرفان على اليْمنى مْتاعو والعتارَس على اليْسرى. 34 داك الساع، يْقول السَلطان للي على اليْبنى مْتاعو: "أرواحويا المُباركين من عَند بابا، أَدّيو المَللَكوت اللي تُوجَّد لكُم من اللي نْدارَت الدَنيا، 35 خاطَر جَعت وعطيتوني ناكُل، عُطَشت وعْطيتوني نَشرُب، كُنت غريب وسَكَّنتوني، 36 عريان وكسّيتوني، كُنت مْريض وزَرتوني، فالحَبس وجيتو لعندي." 37 داك الساع يُجاوبوه الصالحين ويْقولو: "يا رَب، وقتاش شَفناك جيعان ووكَلناك، ولا عَطشان وعُطيناك تَشرُب؟ 38 وقتاش شَفناك غُريب وسَكَّنّك، ولا عَليس وجينا لعندك؟" 40 ويُجاوبهُم السَلطان ويْقوللهُم: "نقوللكُم الصَح، كُل مَرة درتو هاد الشي لواحَد من هدو خاوتي الصْغار، كي شْغُل دَرتوهولي ليّ."

41 داك الساع يْقول تاني للي على اليْسرى: "روحو بْعيد عليَّ يا المنعولين للنار الدايمة اللي تُوجّدت لإبليس والمَلايكة مْتاعو، 42 خاطَر جُعت وما عْطيتونيش ناكُل، عْطشت وما عْطيتونيش نَشُرُب، <sup>43</sup> كُنت غْريب وما سَكَّنتونيش، عَريان وما كَسّيتونيش، مْريض وفالحَبس وما زَرتونيش." <sup>44</sup> داك الساع يْجاوبوه هومَ تاني ويْقولو: "يا رَب، وَقتاش شَفناك جيعان وَلا عَطشان وَلا غْريب وَلا عَريان وَلا مْريض وَلا فالحَبس وما خُدَمناكش؟" يا رَب، وقتاش شَفناك جيعان وَلا عَطشان وَلا عُريب وَلا عَريان وَلا مُواحَد من هاد السُغار كامَل، أنا تاني ما دَرتوش هاد الشي لواحَد من هاد السُغار كامَل، أنا تاني ما دَرتوليش." <sup>45</sup> ويُروحو هَدوك للعقاب الدايم بَصَّح الصالحين للحياة الدايمة."

## يَتفاهمو باش يُقَتلو يَسوع

الإنسان يَتَسَلَّم باش يَّصلَب." الإنسان يَتَسَلَّم باش يَّصلَب."

3 داك الوَقْت، تْلَمَّو رِيّاس رْجال الدين وشْيوخ الشَعب في قْصَر رايَس رْجال الدين اللي واسمو قيافا، <sup>4</sup> وتْشاورو باش يَحَكُمو يَسوع بالحيلة ويَقُتلوه. <sup>5</sup> بَصَّح قالو: "ماشي فالعيد باش ما يَصراش الهول في وَسط الشَعب."

## الريحة اللي تْفَرغَت على يُسوع

6 وكي جا يَسوع لبيت عَنيا في دار سَمعان البُرَص، <sup>7</sup> جات ليه مْرا عَندها قَرعة ريحة غالية وكُبَّتها على راس يَسوع وهُو قاعَد على الميدة. <sup>8</sup> كي شافو التابعين هَداك الشي، ما عُجَهُمش الحال وقالو: "وَعلاش هاد الحُسارة؟ <sup>9</sup> هاد المرابحة كانت قادرة تتباع بسومة غالية وتَتَمَد للفُلالين." <sup>10</sup> عْرَف يَسوع وقاللهُم: "وَعلاش راكم تُغَبِّر في هاد المُرا؟ دارَتلي حاجة مُليحة، <sup>11</sup> خاطر الفُلالين راهُم دايمًا معاكم، بَصَّح أنا ما نُكونش معاكم دايمًا. <sup>12</sup> هي كي كُبَّت هاد الريحة على داتي، دارَت هَكداك لدْفينتي. <sup>13</sup> نُقولَلكُم الصَح، وين يَتبرَّح بهاد الإنجيل في كامَل الدَنيا، يَتَهدَر تاني على واش دارَت هاد المُرا ويَتفكّروها."

### خْيانة يَهودا

14 داك الوَقت، راح واحد من التابعين الطناش واسمو يَهودا الإسخَريوطي عَند رِيّاس رْجال الدين، 15 وقال: "واش ثُخبّو تَعطيوني وأنا نُسلّمهولكُم؟" أعطاولو تُلاتين دينار مْتاع الفَضّة، 16 ومن تَم، بْدا يْحَوَّس على الوَقت اللي يْوَلَم باش يْسَلّمو.

### عْشا الفُصح مع التابعين

أليوم الأوَّل متاع عيد الفطير، أدَّناو التابعين ليَسوع وقالو: "وين ثْحَب نْوَجدولَك الماكلة متاع الفَصح؟" أقاللهُم: "روحو للمدينة عَند فْلان، وقولولو: "الشيخ راهو يْقول: قَرَّبَت ساعتي، نْدير الفَصح عَندَك مع التابعين مْتاعى." 19 دارو التابعين كيما آمَرهُم يَسوع ووَجّدو الفَصح.

20 وكي طاح الليل، كان على الميدة مع التابعين الطناش، 21 وكي كانو ياكلو، قال: "فالصَح، واحَد فيكُم يُسلَّني"، 22 حَزنو بَرَّاف التابعين وبْدا كُل واحَد فيهُم يقوللو: "أنا سيدي؟" 23 جاوَب يَسوع وقال: "اللي خُمَّس معايَ يَدّو فالطَبسي، هُوَ يُسَلَّني، 24 بْن الإنسان رايَح كيما راهو مَكتوب عليه، بَصَّح يا ويلو هَداك البْنادَم اللي يَسَلَّم بْن الإنسان على يَدّو، خيرلو هَداك البْنادَم لو كان ما نْزادش." 25 جاوَب يَهودا اللي كان رايح يُسلّم وقال: "أنا سيدي؟" جاوبو: "أنتَ قُلُت."

### عْشا الرَب

<sup>26</sup> كي كانو ياكلو، خْدا يَسوع الخُبز وبَعدما بارَك، قَسمو وعْطا للتابعين وقال: "خودو، كولو، هَدي داتي." <sup>27</sup> وخْدا كاس وبَعدما شْكَر، عْطالهُم وقال: "أَشُّربو كامَل من هَدا، <sup>28</sup> خاطَر هَدا دَمِّي، دَم العَهَد اللي يْسيل على جال ناس بَزّاف لغُفران الدْنوب. <sup>29</sup> نْقولَلكُم، من دُرك ما نْزيدش نَشرُب من هاد الغَلّة مْتاع الدالية حَتّى لهَداك اليوم اللي نَشَّربو جْديد معاكم فالمَلكوت مْتاع بابا." <sup>30</sup> وبَعدما رَتّمو، خَرجو لجبْل الزيتون.

## يَسُوع يَخَبَّرَ على نُكران بُطرُس ليه

31 داك الساع قالَلهُم يَسوع: "كامَل في هاد الليلة رايحين تَقَتُرو على جالي، خاطَر مَكتوب: "نَضرَب الراعي ويَتَفرَقو غْمَ الفّطيع"، <sup>32</sup> وبَعد قْيامتي من الموت، نَسبَقَكُم للجُليل." <sup>33</sup> جاوَب بُطرُس وقاللو: "لوكان كامَل يَعَّترو على جالك، أنا عَمري ما نَعرَ"، 34 قاللو يَسوع: "نْقوللَك الصَح باللي في هاد الليلة، قَبْل ما يْعوعَش السَردوك تُنكُرُتني تَلت مَرّات." <sup>35</sup> قاللو بُطرُس: "حَتّى لوكان يَلزَم عليَّ ثموت معاك، ما نَنكركش"، وكامَل التابعين قالو كيما هُوَ.

### في جَتسيماني

36 داك الساع، راح يَسوع معاهُم لواحَد المُكان وَسمو جَتسيماني وقال للتابعين: "أَقُّدو هْنا مابيد نُروح لْهيك نَصَلِيّ"، 37 وأدّا معاه بُطرُس ووْلاد زَبدي في زوج وبْدا يُحس بالحُزن والقُلَق. 38 داك الساع قاللهُم: "نَفسي راهي حْزينه بَرَّاف حَتَّى للموت، أَبقاو هْنا وأَسَّهرو معايَ"، 39 وأَدَّنَا شُويّة للقُدّام ورْكَع ساجَد يصَلّي ويْقول: "بابا، ولا يَمكن، بَعَد عليَّ هاد الكاس، بَصَّح ماشي كيما غُب أنا، كيما غُب أنتَ." 40 وجا للتابعين ولْقاهُم راقدين، وقال لِبُطرُس: "هكدا ما كانتش عَندكُم القُوّة باش تَسَّهرو ساعة واحدة معاي؟ أن أَسَّهرو وصَلّيو باش ما تَدُّخلوش في غُولية، الروح مَتحَمَّس بَصَّح الدات ضْعيفة." 24 وزاد بَعَّد المَرّة التانية، صَلاّ وقال: "بابا، ولا ما يمكنش تَبعَّد عليَّ هاد الكاس ولازَم نَشرَبها، خَلِي مُرادَك يُكون"، 43 وزاد راح للتابعين ولْقاهُم راقدين خاطَر تْقالو عينيهُم بالنعاس. هاد الكاس وزاد بَعَّد، صَلاّ المَرّة التالتة وعاود الكُلام اللي قالو. 45 داك الساع جا للتابعين وقاللهُم: "مازالكُم راقدين ورْمَيّحِين، وبْن الإنسان قَرّبَت الساعة اللي يَسَلَّم فيها ليدّين الخاطيين، 46 نوضو نروحو، هاو اللي يُسَلَّم في اليدّين الخاطيين، 46 نوضو نروحو، هاو اللي يُسَلَّم فيها ليدّين الخاطيين، 46 نوضو نروحو، هاو اللي يُسَلَّم فيها ليدّين الخاطيين، 46 نوضو نروحو، هاو اللي يُسَلَّم فيها ليدّين الخاطيين، 46 نوضو نروحو، هاو اللي يُسَلَّم فيها ليدّين الخاطيون، 48 نوضو نروحو، هاو اللي يُسَلَّم فيها ليدّين الخاصة عليه المَدّين الخاصة علي المُعامى المناب ال

## يقَّبضو على يَسوع

47 كي كان يَهدر، جا يَهودا، واحَد من التابعين الطْناش، ومعاه غاشي حُبير بسْيوفة ومْطارَق، مَبعوتين من رِيّاس رُجال الدين وشْيوخ الشَعب. <sup>48</sup> اللي سَلّمو عْطالهُم المارة وقال: "اللي نْسَلَّم عليه، هَداك هُو، أَحَّكُموه." <sup>94</sup> وَتَم تَم أَدَّنّا عَند يَسوع وقاللو: "سَلام شيخ" وباسو. <sup>50</sup> قاللو يَسوع: "صاحبي، دير الشي اللي جيت عليه." داك الساع، أَدَّنّاو، حَطّو يَدّيهم على يَسوع وحكموه، <sup>51</sup> وواحَد من اللي كانو مع يَسوع مَد يَدّو وجْبَد السيف مْتاعو وضْرَب الخَديم مْتاع رايَس رْجال الدين ونُحّالو وَدنو. <sup>52</sup> داك الساع قاللو يَسوع: "رَد السيف مْتاعك لمُكانو، خاطر كامَل اللي يَرَّفدو السيف يْتوتو بالسيف، <sup>53</sup> عَند بالك ما نقدرش نطلَب دُرك من بابا ويْحَط معايَ تَم تَم كُثرَ من طناشَن جيش مْتاع المَلايكة؟ <sup>54</sup> كيفاش هِمّالا يَحَقَّق المُكتوب باللي لازَم يَصرا هَكدا؟"

<sup>55</sup> في هَديك الساعة، قال يَسوع للغاشي: "خْرَجتو تَحَكَّموني بسْيوفة ومْطارَق كي شْغُل سَرّاق. كُنت كُل يوم قاعَد نْدَرَّس فالمَعبَد وما حْكَمتونيش. <sup>56</sup> هَدا كامَل صْرا باش يَتَحَقَّقو كْتوب الأَنبيا." داك الوَقت، كامَل التابعين خَلاَّوه وهَربو. <sup>57</sup> هَدوك اللي حَكمو يَسوع أَدّاوَه عَند قْيافا رايَس رْجال الدين وين تْلايمو النَّيّاب والشَّيوخ. <sup>58</sup> بُطرُس تَبّعو من بْعيد حَتّى لوَسط دار رايَس رْجال الدين ودْخَل وقَعد الداخَل مع العَسّاسين باش يْشوف كيفاش تخلاص الدَّعوة. <sup>59</sup> ريّاس رْجال الدين والمجلّس الديني كامَل كانو يْحَوّسو شْهادة زور ضَد يَسوع باش يَقْتلوه، <sup>60</sup> بَصَّح ما لْقاوْش، والو جاو شْهود زور بَرّاف. من بَعد، جاو زوج، <sup>61</sup> وقالو: "هاد الراجَل قال: "نَقَدَر ثَريّب بيت مَقدَس الله ونَبنيه والو جاو شْهود زور بَرّاف. من بَعد، جاو زوج، <sup>61</sup> وقال ليسوع: "ما ثُجاوَب والو على واش راهُم هَدو يَشَّهو ضَدَّك؟" في تَلت أيّام." <sup>62</sup> ناض رايَس رْجال الدين قاللو: "غَلَقُك بالله الحي باش تُقولَلنا وَلاَّ أنتَ هُو المَسيح بْن الله." <sup>63</sup> يسوع كان ساكت، ورايَس رْجال الدين قاللو: "غَلَقُك بالله الحي باش تُقولَلنا وَلاَّ أنتَ هُو المَسيح بْن الله." <sup>64</sup> قاللو يَسوع: "راك قُلتها، ونْزيد نْقوللكُم، من دُرك تُسوفو بْن الإنسان قاعَد على يْمِين القُدرة وجاي على شعابات السُّماد." <sup>65</sup> داك الساع، قَطَّع رايَس رْجال الدين حوايجو وقال: "راهو يكفّر، واش نْزيدو نَسَّحقو شْهود؟ راحُم دُرك شُمّتو الكُفر مْتاعو، <sup>66</sup> واش رايكُم؟" جاوبوه: "يَستاهَل الموت." <sup>67</sup> داك الساع، يَرْقو على وَجهو وضَربوه وصَقّلوه، <sup>68</sup> وقالو: "أَتَنَبُّ علينا، يا المَسيح، شُكون اللى ضَربك؟"

## نُكران بُطرُس

69 كان بُطرُس قاعَد بَرًا في وَسط الدار، وأدَّنات ليه واحَد الخَديمة وقالَت: "أنتَ تاني كُنت مع يَسوع الجَليلي." 70 بُطرُس نُكَرَ قُدَّام كامَل الناس، وقال: "ما رانيش عارف علمّاش راكي تَهَّدري." 71 غَرَج عَند الباب، شافتو خُديمة واحَدُخرى وقالَت للي كانو تَهَّة: "هَدا كان مع يَسوع الناصري"، 72 وزاد نُكَر وهُو يَحلَف: "ما نَعرَفش هاد الراجَل." وتم أنتَ واحَد منهُم، بليَن من هَدَّرتَك." 74 داك الساع، بْدا يَدعي ويحَلَف: "ما نَعرَفش هاد الراجَل"، وتَم تَم عوعش السَردوك، 75 وثَفَكَر بُطرُس الكَّلام اللي قالهولو يَسوع باللي "قْبَل ما يْعوعش السَردوك تَنْكَرَبْنى تَلَت مَرّات"، وكي خُرَج بَرًا، بُكا بالمْرارة.

#### 27

### يُهودا يْعَلَقُ روحو

أي طْلَع النّهار، تشاورو كامَل رِيّاس رْجال الدين وشيوخ الشَعب على يَسوع باش يَقتلوه، ² وبَعدما ربطوه،
 أدّاوه وسَلّموه لبيلاطس الحاكم.

دداك الساع، كي شاف يَهودا اللي سَلّمو باللي أُتَّحَكَم عليه بالموت، نُدَم ورَد التّلاتين دينار مْتاع الفَضّة لريّاس رْجال الدين والشيوخ، 4 وقال: "خْطيت كي سَلَّمت دَم واحَد فالباطل." قالولو: "وحْنا عْلاه؟ شوف أنتَ." 5 ورْما دراهَم الفَضّة في بيت المَقدَس، وراح عَلَق روحو. 6 أُدّاو ريّاس رْجال الدين دراهَم الفَضّة وقالو: "ما يُجوزش يَخطّو هَدو في صَندوق المَعبَد خاطر هَدي سومة الدَم." 7 وبعدما تشاورو، شُراو بيهُم حوش الفَخّارجي باش يَدّفنو فيه البْراويّة، 8 على هَدا تُسمّا هَداك الحوش "حوش اللهَم" حَتّى لليوم. 9 داك الساع غُقَّق كلام إرميا النبي اللي يُقول: "خْداو التّلاتين دينار مْتاع الفَضّة، سومة اللي دارولو بْني إسرائيل السومة، 10 وعْطاوهُم لحوش الفَخّارجي كيما آمَرني الرّب."

أن وقف يسوع قُدّام الحاكم اللي سقساه وقال: "أنت هُو سَلطان الْيهود؟" جاوبو يسوع: "راك قُلتها." 12 وكي
 كانو ريّاس رْجال الدين والشيوخ يَتَّهمو فيه، ما جاوب بحتى حاجة. 13 داك الساع قاللو بيلاطس: "ما راكش
 تَسمَع واش راهُم يَشَّهدو ضَدَّك؟" 14 وما جاوبو على حتى كَلمة حَتى سْتَعجَب الحاكم يَزّاف.

15 كان الحاكم عَندو عادة، كان في كُل عيد يَطلَق للغاشي الحيابيي اللي يَطَّبوه، 16 وكان عَندهُم داك الوقت عُجابيي مَشهور وَسمو باراباس، 17 وكي كان الغاشي مَتلايَم سَقساهُم بيلاطَس: "شْكون تَحَبّو نطلَقًلكُم، باراباس وَلاَّ يَعيَّطُولُو المَسيح؟" 18 خاطَر كان عارَف باللي سَلّموه غيرة، 19 كي كان قاعَد على الكُرسي مُتاع الشْرَع، بعتتلو مَرتو ثقول: "ما يُكون والو بينك وبين هاد الصالح خاطر اليوم تُعذَّبت بَرَّاف فالمُنام على جالو." 20 ريّاس رجال الدين والشيوخ قنعو الغاشي باش يَطلبو باراباس ويَنقتل يَسوع، 21 جاوَب الحاكم وقاللهُم: "شكون فيهُم في زوج حَبيتو نَطلَقًلكُم؟" قالو: "باراباس"، 22 قاللهُم بيلاطَس: "واش نُدير مع يَسوع اللي يُعيّطُولُو المَسيح؟" قالو كامَل: "يَقصلَب"، 23 سَقساهُم الحاكم: "واش من شُر دارو؟" زادو عيّطُو كُبَر وقالو: "يَقصلَب." 24 كي شاف بيلاطَس باللي ما كان يَستفاد والو، والهول زاد كُبَرَ، خُدا الما، غُسَل يَدّيه قُدّام الغاشي وقال: "رافي مُبرّي من دَم طلَقَالُهُم، بيلاطَس باللي ما كان يَستفاد والو، والهول زاد كُبَرَ، خُدا الما، غُسَل يَدّيه قُدّام الغاشي وقال: "رقبة وْلادنا." 26 حاوَب كامَل الشَعب وقال: "دَمّو على رَقَبَنا وعلى رَقَبة وْلادنا." 26 داك الوَقت، طلَقَالُهُم بيلاطَس باراباس، ويَسوع جَدو وسَلّمو باش يَتَصلَب.

## العَسكَر يَستَهزاو

<sup>27</sup> داك الساع، أدّاو عَسكر الحاكم يَسوع لدار الحُكومة، ولمّو عليه كامَل الكَتيبة، <sup>28</sup> نَحَّاولو حْوايجو ولبَّسولو لْباس حْمر حامَق، <sup>29</sup> وضَفرو تاج مْتاع الشوك وحَطَّوه على راسو ودارولو قَصبة في يَدّو الْيْمٰى، وبْداو يَرَّكعولو، يَتَسخرو بيه ويْقولو: "يَحيا سَلطان الْيْهود"، <sup>30</sup> ويَرْقو عليه، خْداو القَصبة وضَربوه بيها على راسو. <sup>31</sup> وبَعدما تُمَسخرو بيه، نَحَّاولو النْباس الحَمْر ولِبَّسولو حْوايجو وأدّاوه باش يَصَّلبوه.

#### بَصَّلبوه

- <sup>32</sup> كي خَرجو، لْقاو واحَد الراجَل قيرواني وَسمو سَمعان، وسَيّقو عليه باش يَرفَد الصْليب مْتاع يَسوع. <sup>33</sup> وكي وَصلو لواحَد المُكان يُسْمّيوهَ جُلجُتة، واللي مَعناه مْكان الجُهجُمة، <sup>34</sup> عْطاو ليَسوع يَشرَب شْراب مُخلَّط بالمْرار، وكي داقو ما حَبش يَشرُب. <sup>35</sup> وبَعدما صَلبوه، تقاسمو حُوايجو بالقُرعة، <sup>36</sup> وقَعدو تَمّة يْعَسّوه، <sup>37</sup> ودارو فوق راسو لوحة كتبو عليها السّبة اللي نُصلَب على جالها: "هَدا هُو يَسوع سَلطان اليْهود." <sup>38</sup> صَلبو معاه داك الوقت زوج سَرّاقين، واحَد على اليْمنى وواحَد على اليْسرى.
- <sup>39</sup> واللي كانو جايزين كانو يُسبّو فيه وهومَ يُهزّو في ريسانهُم، <sup>40</sup> ويْقولو: "يا اللي تُهدَ بيت المُقدَس وتَبنيه في تلت أيّام، سَلَّك روحَك وَلاّ كُنت بْن الله، وأهبَط من الصْليب." <sup>41</sup> رِيّاس رْجال الدين مع الكُمَّاب والشيوخ تاني كانو يَتَسخرو بيه ويْقولو: <sup>42 س</sup>سَلَّك الأخرين وما يَقدَرش يْسَلَّك روحو. وَلاّ كان هُو سَلطان إسرائيل، يَهبَط دُرك من الصْليب ونامنو بيه، <sup>43 ت</sup>كَل على الله، يُسلّكو الله دُرك وَلاّ كان مُرادو خاطَر قال: "أنا بْن الله."" <sup>44</sup> السَرّاقين الله كانو مَصلوبين معاه تاني كانو يْعايرو فيه هَكداك.

45 وجا ضْلام على الأرض كامَل من الطْناش حَتَى للتْلاتة مْتاعِ العْشيّة، 46 جْوايَه التْلاتة مْتاع العْشيّة، عَيَّط يَسوع بالزور وقال: "إيلي، إيلي، لما شَبقتني؟" مَعنَتها: "إلهي، إلهي، وعلاش خَلّيتني؟" <sup>47</sup> شُويّة من اللي كانو واقفين تُمّة، كي سَمعو قالو: "راهو يُعيَّط لإيليّا." <sup>48</sup> وتَم تَم، راح واحَد فيهُم يَجري، خْدا سْفَنجة، عَمَّرها بالخَل، لَوّاها على قَصبة وعْطالو يَشرُب، <sup>49</sup> الأُخرين قالو: "خَلّي، نْشوفو إيلا يْجي إيليّا يْسَلّكو"، <sup>50</sup> زاد يَسوع عَيَّط بالزور وسَلَّم الروح،

51 وهاو وين تُقَطَّع حُجاب بيت المَقدَس على زوج من الفوق للتَحت، وتْزَعزعَت الأَرض، ونْشُقَّ الحُجْر، 52 وغُّمَلُو القُبور، ودات بَرَّاف من القَديسين اللي كانو راقدين تَمَة قامو من الموت، 53 وخَرجو من القُبور بعد قُيامة يَسوع، ودَخلو للمُدينة المُقَدسة وشافوهُم ناس بَرَّاف. 54 قايَد المُية واللي كانو يْعسّو يَسوع معاه، كي شافو الزَنزلة والحاجات اللي صُراو خافو بَرَّاف وقالو: "صَح كان هَدا بْن الله"، 55 وكانو تَمَّة بَرَّاف النُسا اللي تَبَعو يَسوع من الجُليل وهومَ يَخْدَموه، يُشوفو من الْبعيد، 56 مَنْهُم مُريَم المَجَدليّة ومَريَم بَمَّاة يَعقوب ويوسي ويَمَّاة وْلاد زَبدي.

#### الدفنة

57 ُوكِي جات العْشيّة، جا راجَل مْرفَّه من الرامّة واسمو يوسَف، هُوَ تاني كان تابَع يَسوع. 58 راح عَند بيلاطَس وطُلَب دات يَسوع، وآمَر بيلاطَس باش يَعطيوهالو. 59 خْدا يوسَف الدات، وكَفْنو في كُفَن نْقي، 60 وحَطّو في قُبُر جْديد، كان حَفرو ليه فالصْخَر وطَبَّع جَرة كُبيرة على الدَخلة مْتاع القْبَر وراح. 61 كانو تَمَّة مَريم المجَدليّة ومَريم الأخرى قاعدين مْقابَل القُبَر.

### العَسَّاسين عَند القْبَرَ

62 غَدُوة مَن داك، كان اليوم اللي بَعد يوم التَوجاد، وتْلايمو ريّاس رْجال الدين والفَريّسِيّين عَند بيلاطَس، 63 وقالو: "سيدي، رانا شافيين باللي هَداك الخدّاع قال كي كان حَي: "بَعد تَلت أيّام نْقوم مَن الموت"، 64 آمر همّالا باش يَبقا القُبر تَحت العَسّة حَتّى لليوم التالَت يْعودو يْجيو التابعين مْتاعو يَسَّرقوه ويْقولو للشَعب: "قام من بين الموق"، وتْكون الكَدبة الأخرانية كُتَر من الأوّلانيّة." 55 قاللهُم بيلاطَس: "هامليك عَسّاسين، روحو عَسّو القُبر كيما غُجَّو." 66 وراحو حَطّو عَسّاسين على القُبر بَعدما شَمّعو الحَجرة.

#### 28

#### القيامة

1 بَعد السَبت، عَند فجَر اليوم الأوَّل مْتاع الجَمعة، راحَت مَريَم المَجدَليّة ومَريَم الأخرى يشوفو القُبرَ، ² وهاي وين ضَربَت زَنزلة كُبيرة، خاطر مُلاك الرَب هُبط من السُما ودَنّا الحَجرة بجيه وقْعَد عليها. ³ الصفة مْتاعو كانت كي البُرق ولْباسو بيّض كي التَلج. ⁴ من الخوف مَنو بْداو العَسّاسين يَتَرعدو ووَلاّو كي الموتى، ⁵ نَطَق المُلاك وقال للنُسا: "ما ثُخافوش أنتوم، خاطر راني عارف باللي رائم ثُحَوّسو على يَسوع المُصلوب، 6 ما راهوش هنا، قام من الموت كيما قال. أرواحو شُوفو المُكان اللي كان مْكسَّل فيه، 7 روحو بالخَف قولو للتابعين مْتاعو باللي قام من بين الموتى، وهاو يَسبَقُكُم لِجُليل وتمّة اللي تُشوفوه، هاني قُلتَلكُم." 8 بَعّدو النُسا بالخَف من القُبَر خايفين وفرحانين بَرَّاف وراحو يَجريو يُخبَرُو التابعين مُتاعو، 9 وهاو وين لاقاهُم يَسوع وقال: "سَلام." أَدَّنَاو ليه، شَدَّو رَجليه وسَجدولو. 10 قاللَهُم: "ما نُتافوش، روحو خَبْرو خاوتي باش يُروحو للْجالِيل وتمّة يُشوفوني."

كْلام العَسّاسين

11 كي كانو رايحين، شي عَسَاسين جاو للمُدينة وخَبَرو رِيّاس رْجال الدين بكامَل الشي اللي صْرا. 12 تُلَمّو رِيّاس رْجال الدين مع الشّيوخ ونُشاورو وشَدّو دْراهَم بَرّاف عْطاوهُم للعَسكَر، 13 وقالو: "قولو باللي التابعين مْتاعو جاو فالليل سَرقوه كي كُمّّا راقدين، 14 ولو كان يَسمَع الحاكم بهاد الشي، نْقَنّعوه ونْبعّدو عليكُم المُشكِل." 15 أدّاو العَسكَر دْراهَم الفَضّة ودارو كيما قالولهُم، وشاع هاد الكُلام عَند اليُهود حَتّى لليوم.

يَسُوع يُبان للتابعين

16 التابعين الحداش راحو للجُلِل للجُبُل اللي قالَلهُم عليه يَسوع، 17 وكي شافوه سَجدو بَصَّح كايَن مَنهُم اللي شَكَو. 18 أَدَّنا يَسوع، كَلَّهُمُ وقال: "كُل حُكمة أَتَعطاتلي فالسَّما وعلى الأرض، 19 روحو وديرو في كُل الأمَّات تابعين وعَدوهُم بآسَم الآب والإبن والروح القُدَّوس، <sup>20</sup> وعَلَّمُوهُم يُطَبِّقُو كامَل واش آمَرتَكُم بيه، وأنا راني معاكم كُل يوم حَتَّى لآخَر الزَّمان."

# إِنْجِيلُ مَرْقُسَ

إنجيل مَرقَص هُوَ الإنجيل الصْغير. مَكتوب لمَسيحيّين ماشي كامَل آصَلهُم يْهود. ما يَحكيش على صْغُر يَسوع، وما يَدكُش الخُطبات الطُوال مْتاعو. يَحكي الكُترة على مُلاقاة يَسوع مع ناس والقُصرة بينهُم وكيفاش كانو الناس يَبراو. ساعات يَدكُر تَفاصيل ماشي مَدكورين فالأناجيل الأخرين.

فالبَدية، مَرقَص يْقَدَّم يَسوع باللي هُوَ ابن الله .1) (1 ومع الأخَّر )15. (39 يُورِّي ابن الله يُموت مَصلوب. فالنَص الأولاني مْتاع النُّكاب .1) 1 – .8 (26 يَسوع يَشفي المَرضى، يُخَرَّج الشْياطَن... ووالو الناس يَستَعجبو ويُسْقسيو "شْكون هاد الراجَل؟" ما يُحَبِّش يُغَبَّرهُم. فالنَص التاني .8) 27 – .16 (20 يُفَسَّر.

هاد الإنجيل يْخَلِّيك مع البَدية شَّقسي "شْكون هُو يَسوع؟" ما كانش اللي يَقدَر يْواجَب بالخَف. الْكتاب يْتَبَّع الطْريق اللي جازها المَسيح ويْفُهَّم بالعْقَل شْكون هُو.

### يوحَنَّا المُعَمَدان يْوَجَّد الطُّريق

البَدية مْتَاعَ إِنجِيل يَسوع المَسيح بْن الله. ² على حْساب ما نَكتَب في مُخّاب إِشعِيا النّبي: "هاني نَبعَت قَبلَك مَرسولي اللي يُوجَّدلَك الطْريق، ³ هُو الصوت اللي يُعيَّط فالخلا: "وَجّدو طْريق الرَب، سَلسو طُرقانو."" 4 هَكدا جا يوحَنّا المُعمَدان يْعَمَّد فالخلا ويْبرَّح بمَعموديّة التوبة لعُفران الدْنوب، ⁵ وكانَت ثْجي ليه كامَل جيهة اليَهوديّة وكامَل ناس أورشَليم وكانو يتَعمدو على يَدو في واد الأردُن وهومَ يَستَعرفو بدْنوبهُم، ٥ وكان يوحَنّا يَلبَس هُبر الجُمَل ويُحَزَّم بالجلد، وياكُل الجْراد والعُسَل الحُر. ² وكان يْبرَّح ويْقول: "يْجي موراي اللي قْوِيّ علِيَّ، اللي ما نستاهلش نطابَس وغُمْل رباط سَبّاطو، ³ أنا عَمَّدتُمُ بالما، بَصَّح هُو يُعمَّدُمُ بالروح القُدوس."

## يَسُوعِ المُسيح يَتَعَمَّد ويَتَجَرَّب

و في هَدوك اليامات جا يَسوع من الناصرة من الجْليل وتْعَمَّد في واد الأردُن على يَد يوحَنَّا، 10 وغير كان خارَج من الما، شاف السماوات يَخَلَّو والروح يَهبَط عليه كي حمامة، 11 وجا صوت من السماوات: "أنت وْليدي الحْبيب، أنت هُو فَرحتي."

<sup>12</sup> تَم َتَم بَعتو الروح للخْلا، <sup>13</sup> وبْقا فالخْلا رَبعين يوم والشيطان يْجَرَّب فيه، وكان مع الوْحوش والمَلايكة يَخَّدمو نيه.

### دُعوة التابعين الأولانِيّين

14 وبَعدما نَحَكَم يوحَنا، جا يَسوع للجْليل يْبَرَّح بإنجيل الله، <sup>15</sup> ويْقول باللي وْصَل الوَقت وقَرَّب مَلكوت الله، توبو وآمنو بالإنجيل."

16 وكي كان جايَز على بْحَر الجْليل، شاف سَمعان وأَندراوَس خوه يَرميو الشَبكة فالبْحَر، كانو صِيّادين، <sup>17</sup> وقالَلهُم يَسوع: "تَبْعوني ونْرَجَّعكُم تْصَيّدو بْنِي آدَم." <sup>18</sup> تَم تَم خَلاّو الشْبَك وتَبْعوه. <sup>19</sup> أَدَّنَا شْوِيّة وشاف يَعقوب بَن زَبدي ويوحَنّا خوه وهومَ فالفْلوكة يْرَقَعو الشْبَك، <sup>20</sup> وبالخَف عَيَّطَّالهُم، وخَلاّو باباهُم زَبَدي فالفْلوكة مع الخَدَّامين وراحو تَبْعوه.

## يَسُوع يُخْرَجُ روح ناجَس

<sup>21</sup> وراحو لكَفرناحوم وتَم تَم، فالسَبت، دْخَل يَسوع لَجَمَع الْيهود وبْدا يْدَرَّس، <sup>22</sup> وكانو داهشين فالتَعليم مْتاعو، خاطَر كان يْدَرَّسهُم كي اللي عَندو الحُمَّة وماشي كيما الكُتَّاب، <sup>23</sup> وكان كاين فالجَمَع مْتاعهُم واحد مَسكون بروح ناجَس، بْدا يْعيَّط، <sup>24</sup> ويْقول: "واش بيننا وبينك يا يَسوع الناصري؟ جيت باش تْضَيَّعنا؟ راني عارَف شكون أنت، أنتَ قُدّوس الله." <sup>25</sup> هَدّدو يَسوع وقال: "أَسكُت وأخرُج مَنّو"، <sup>26</sup> هَزّ الروح الناجَس الراجَل اللي كان ساكنو، عَيَّط بالزور وخرَج مَنّو، <sup>27</sup> وكامَل خافو حَقى بْداو يْسقسيو بَعضُهم بَعض ويْقولو: "واشَن هَدا؟ تعليم جْديد وبالحُمّة، ويامَر الأرواح الناجسين ويْطيعوه." <sup>28</sup> وبالخَف شاع خَبرو في كامَل جهة الجُليل.

## نسيبة سَمعان وناس أخرين يبَراو

<sup>29</sup> وغير خَرجو من المجَمَع، راحو لدار سَمعان وأندراوَس مع يَعقوب ويوحَنّا، <sup>30</sup> وكانَت نْسيبة سَمعان راقدة بالحَمّة، وهَدرو ليَسوع عليها. <sup>31</sup> قَرَّب، شَدّها من يَدّها ونَوَّضها، وراحَتلها الحَمّة وبْدات تَخَدَمُهم، <sup>32</sup> كي جات العْشية، كي غَربَت الشَمس، جابولو كامَل اللي عَندهُم مَرض والمَسكونين بالشياطَن، <sup>33</sup> والمْدينة كانَت كامَل مَتلابِعة عَند الباب. <sup>34</sup> وشْفا بَرَّاف اللي كانو يْعانيو من مْراض مَتنوّعين، وخَرَّج شْياطَن بَرَّاف وما خَلاَّهُمش يَهَدرو خاطَر كانو يَعَرفوه.

### البْشارة فالجْلْيل

35 الصْباح، قُبَل ما يَخلاص الليل، ناض يَسوع وخْرَج وراح لمُكان خالي وبْدا يْصَلِّي تَمَّة. 36 راح سَمعان واللي معاه يُحوَّسو عليه، <sup>37</sup> لْقاوَه وقالولو: "راهُم كامَل يُحَوِّسو عليك"، <sup>38</sup> قالَلهُم: "هَيَّاو نْروحو لجيهة أخرى، للاْشور القُراب باش نْبَشَّر ثَمَّة تاني، خاطر على هَدا اللي جيت." <sup>39</sup> وراح يْبَشَّر فالجُمامَع مْتاع كامَل الجُليل ويُغَرَّج الشْياطَن.

### واحَد بْرُص يَبُرا

40 وجا ليه واحَد مْريض بالبُرْص يُحلَّل فيه، رْكَع على رْكايبو وقاللو: "وَلاَّ حَبِيْت، تَقَدَر تُرَدِّني طاهَر." 41 حَن يَسوع ومَد يَدّو، مَسّو وقاللو: "أغَب، أَطهَر"، 42 تَمَ تَمَ راح عليه البُرْص ورْجَع طاهَر. <sup>43</sup> مَرّحو يَسوع بَعدما وصّاه، <sup>44</sup> وقاللو: "شوف، ما تُقول حَتّى حاجة لحتّى واحَد، بَصَّح روح وَرّي روحَك لراجَل الدين ومَد على تَطهيرَك اللي آمَر بيه موسى، باش تُكون شُهادة ليهُم." <sup>45</sup> وهُو كي خْرَج، بْدا يْبَوَّق ويْشَيَّع فالخْبَر، حَتّى ما وَلاَش يَسوع يَقَدَر يَدخُل لْمَدينة عيناني، وكان يَقعَد في مُضارَب خاليين وكانو يْجيو ليه من كُل جيهة.

2

### واحُد مُشلول يَبرا

اً بَعد يامات، زاد دْخَل يَسوع لكَفرناحوم، وأَتَّسَمَع باللي كان فالدار، ² وتْلايمو عَندو ناس بَرَّاف حَتَّى ما بْقاش مْكان يا لوكان عَند الباب، وكان يْقولَلهُم كُلام الله. ³ وجاو جابولو واحَد مَشلول رافدينو رَبع رْجال، 4 وكي ما قَدروش يْجَوَّزوه على جال الغاشي، عَرّاو السْقَف وين كان يَسوع، تَقبوه ودَلاَّو مَنَّو الفْراش اللي كان المَشلول مُكَسَّل فيه. 5 وكي شاف يَسوع إيمانهُم، قال للمَشلول: "وْليدي، دْنوبَك راهُم مَغفورين." 6 وكانو شي كُتَّاب قاعدين ثَمَّة ويْخَمو في قُلوبهُم: 7 "عْلاش هَدا راه يَهدَر هَكدا؟ راه يكفَر. شكون يَقدَر يَغفَر الدُنوب من غير الله وَحدو؟" 8 تَم تُم، عُرَف يَسوع بالروح مْتاعو باللي كانو يُخَمّو هكدا في نْفُوسهُم وقاللهُم: "وَعلاش راكم مُخَمّو هكدا في قُلوبكُم؟ 9 أما ساهَل؟ يَتقال للمَشلول: "دْنوبك مَغفورين"، وَلاّ يَتقال: "نوض، أَرفَد فْراشَك وأمشي؟" 10 باش يَغفَر الدُنوب، وقال للمَشلول: 11 "ليك نْقول، نوض، أَرفَد فْراشَك وروح لدارك."" 12 ناض وتَم تَم رْفَد الفْراش وخْرَج قُدّامهُم كامَل، حَتّى دَهشو وبْداو يْسَبّحو فالله ويْقولو باللي " عْمَرنا ما شَفنا شي كي هَدا."

### دُعوة لاوي

13 وزاد خُرَج يَسوع لشَط البْحَر وجا ليه الغاشي كامَل وبْدا يْدَرَّس فيهُم، 14 وكي كان جايز، شاف لاوي بَن حَلفي قاعَد وين يُخلَّصو الغْرامة وقاللو: "تَبَعني." ناض لاوي وتبّعو، 15 وكان يَسوع قاعَد على الميدة عَند لاوي هُوَ والتابعين مْتاعو، ويزَّاف المُكَّاسين والخاطيين قاعدين معاه، خاطر كانو بزَّاف وكانو يتبّعوه، 16 والكُلَّاب مُتاع الفَرِّيسيِّين شافو باللي كان ياكُل مع الخاطيين والمُكَّاسين وقالو للتابعين مْتاعو: "وَعلاش ياكُل مع المُكَّاسين والخاطيين؟" 17 كي شُمَع يَسوع قاللَهُم باللي "ماشي الصُحاح اللي يَشَحقو طْبيب، المَرضي هومَ اللي يَشَحقوه، أنا ما جيتش نُعيَّط للصالحين، جيت نُعيَّط للخاطيين."

## آمَر الصَّيام

18 التابعين مْتاع يوحَنّا والفَريّسيّين كانو يْصومو، وجاو قالو ليَسوع: "وَعلاش تابعين يوحَنّا وتابعين الفَريّسيّين يْصومو، والتابعين مْتاعك ما يْصومو شوم" أو قاللهُم يَسوع: "يَقَدرو حْباب العَرس يْصومو والعْريس معاهُم؟ ما دام العْريس معاهُم ما يَقَدروش يْصومو، 20 يْجيو يامات وين يَتَرفَع العْريس من عَندهُم، داك الساع يْصومو في داك اليوم، 21 واحَد ما يُرقَّع لَبسة قْديمة بطَرف قُاش جْديد، وَلاّ ماكاش الطَرف الجُديد يُفَزَّر القُديم وتُولِّي التُقبة كُتَر من اللي كانَت، 22 وواحد ما يُدير شراب جْديد في قُربات قَدَم، وَلاّ ما كاش الشَراب يْقَطَّع القُربات، ويْضيع الشَراب الجُديد يَندار في قُربات جْدَد."

### سيد السُبت

<sup>23</sup> جازيَسوع في يوم سَبت على حْواش مْتاع القَمح، وبْداو التابعين مْتاعويْغَيو فالسْبول وهومَ ماشيين، <sup>24</sup> وقالولو الفَريسيّين: "شوف، وَعلاش راهُم يْديرو الشي اللي ماشي جايز فالسَبت؟" <sup>25</sup> قاللَهُم: "عْمَرُكُم ما قْريتو واش دار داوَد كي حْتاج وجاع هُو واللي كانو معاه؟ <sup>26</sup> كيفاش دْخَل لدار الله في زْمان أبياتار رايَس رْجال الدين، وكُلا خُبز التَقدِمة اللي كان جايز غير لرْجال الدين باش ياكلوه، وعْطا لَلي كانو معاه تاني؟" <sup>27</sup> وقالَلهُم: "السَبت ندار للإِنسان مُو سيد السَبت تاني."

أ وزاد دْخَل يَسوع لمجَمَع الْيهود وكان ثَمَّة راجَل يَدّو مَشلولة، 2 وبْداو يْعَسّو في يَسوع، وَلاّ يَشفيه فالسَبت باش يَّهموه. 3 قال يَسوع للراجَل اللي يَدّو مَشلولة: "أوقف فالوَسط"، 4 وقاللَهُم: "يْجوز فالسَبت يَندار الخير وَلاّ يَندار الخير وَلاّ يَندار الشَر؟ يْسَلّكو حْياة وَلاّ يَقْتلوها؟" هومَ سَكتو. 5 شاف فيهُم كامَل وهُوَ مْغَشَّش وحْزِين على جال قْساوة قلَبهُم وقال للراجَل: "كَسَّل يَدَّك." كَسَّل الراجَل يَدّو وبْرات. 6 خَرجو الفَرِّيسِيّين تَم تَم مع الهيرودُسِيّين وتْفاهمو عليه باش يُتَّلوه.

## الغاشي يتُبَعَّ يَسُوع

7 ويَسوع مع التابعين مْتاعو راحو للبْحَر وغاشي كْبير تَبَعو من الجْليل ومن اليَهوديّة، 8 ومن أورشَليم ومن أدوميّة ومور واد الأُردُن وجْوايه صور وصَيدا. غاشي كُبير، كي سَمعو كامَل واش كان يْدير جاو ليه. 9 وقال للتابعين مُتاعو باش يُحَطّولو فْلوكة صْغيرة على اليّد، على جال الزْحام مْتَاع الغاشي، 10 خاطَر كان شْفا بَرّاف من الناس حَقّ وَلاّ و كامَل اللي عَندهُم مَرض يَتَرماو عليه باش يُمسّوه، 11 والأرواح الناجسين كانو كي يْشوفوه، يَسَّجدولو ويْعيّطو ويْعيّطو ويْعيّطو ويْعيّطو.

## يَسُوع يْغْيَرُّ الرُّسُلِ الطّْناش

13 طْلَع لِلْجَبُل وعَيَّط للي شُّحَقَهُم وراحو ليه. 14 خَيَّر طْناش، باش يُكُونو معاه وباش يَبعَتُهُم يْبرَّحو بالإنجيل، 15 وتُكُون عَندهُم الحُكِمَة باش يُخرِّجو الشْياطَن. 16 وخَيَّر طْناش: سَمعان اللي عْطاه آسَم بُطرُس، 17 ويَعقوب بَن زَبَدي ويوحَنّا خو يَعقوب، اللي عْطالهُم آسَم بُوانَرجِس، ومَعنتَها وْلاد الرَعد، 18 وأُندراوَس وفيلِبس وبَرتُلماوَس ومَعَّقَى وتوما ويَعقوب بَن حَلَق وتَدّاوَس وسَعان القانوي، 19 ويَهودا الإسخريوطي اللي سَلّمو.

## يسوع وبعلزبول

<sup>20</sup> جا يَسوع للدار وزاد تُلُم الغاشي حَتَى ما قُدَروش ياكلو عُسيرة. <sup>21</sup> وكي سَمعو مُوالين يَسوع، راحو يَحَكموه خاطر كانو يْقولو: "راهو غَلَظَر." <sup>22</sup> الكُتّاب اللي هَبطو من أورشَليم، كانو يْقولو باللي راه مَسكون بَبعازَبول، وباللي راهو يُغَرَّج شيطان؟ راهو يُغَرَّج الشياطَن برايَس الشياطَن. <sup>23</sup> عَيَّطَّلهُم يَسوع وقاللهُم بالمُتال: "كيفاش يَقدَر شيطان يُغَرَّج شيطان؟ <sup>24</sup> وَلا كانت بالاد مَقسومة وفيها اللي خارجين ضَدّها، هاد البلاد ما تَقدَرش تَبَت، <sup>25</sup> وَلا كانت دار مَقسومة وفيها اللي خارجين ضَدّها، هاد الدار ما تَقدَرش تَبَت، <sup>26</sup> وَلا ناض الشيطان ضَد نَفسو وخْرَج ضَد روحو، ما يَقدَرش يَتَبَت، وخْلاص أُمرو. <sup>27</sup> واحَد ما يَقدَر يَدخُل لدار راجَل قْري ويَسرَقلو مُلاكو وَلا ما سُبقَش رْبَط هاد الراجَل اللي يكفَر شَد الروح القُدّوس ما يُنالش الغُفران للدْوام، يَبقا مُخَطِّي بدَنب للدْوام." <sup>30</sup> هُدَر هَكدا خاطَر قالو: "راه مَسكون بروح ناجَس."

31 وجاو يَمَّاة يَسُوع وخاوتو وبْقاو بَرَّا وبَعتو يْعيَّطولو. 32 كان غاشي كْبير قاعَد دايَر بيه وقالولو: "هام يَمَّاك وخاوتَك بَرَّا يُحوَّسو عليك"، 33 جاوَبُهم وقال: "شْكون هِيَ يَمَّا وخاوتِي؟" 34 وجَوَّز عينيه على اللي كانو قاعدين دايرين بيه وقال: "هامليك يَمَّا وخاوتِي، 35 خاطَر، اللي يْدير مُراد الله، هُو خويَ وخْتِي ويَمَّا."

4

## مْتَل الفَلاّح والتَفسير مْتاعو

ا وزاد يَسوع ْبدا ْيْدَرَّس على شَط الْبُحَر، وتْلَم عليه غاشي كْبير بَرَّاف حَتَّى طْلَع في فْلوكة وقْعَد، وكامَل الغاشي كان على الأرض عَند البْحَر.

<sup>2</sup> كان يْدَرَّسَّلهُم حاجات بَرَّاف بالمْتال وقاللهُم فالتَعليم مْتاعو: 3 "أَسَّمعو، واحَد الفَلاّح خْرَج باش يَزرَع، <sup>4</sup> وكي كان يَزرَع، طاحَت شْوية من الزريعة على الطريق، وجاو الزواوَش وكلاوها. <sup>5</sup> وطاحَت شْوية فالحَجْر، وين ماكانش بَرَّاف التراب، وتَم تَم ناضَت خاطَر ما لَّقاتش الأرض غامقة، <sup>6</sup> وكي طَلعَت الشَمس، ثَحَرَقَت و يَبسَت خاطَر ما كانش عَندها العُروق. <sup>7</sup> وطاحَت شْويّة من الزَرِّيعة فالشوك، وطْلع الشوك وخْنقها وما عْطاتش الغَلّة. <sup>8</sup> وطاحَت شُوية في تُنوض وتكبَر. كاين من الزَرِّيعة اللي مَدَّت تلاتين واللي مَدَّت سَتِين واللي مَدَّت مُيد يَسمَع."

10 وكي كان وَحدو، سُقساوه اللي كانو دايرين بيه والتابعين الطناش على المثال. 11 قاللهُم: "أتتوم، تُعطالكُم سَر مَلكوت الله، بَصَّح اللي راهُم بَرَّا يَوصَلَّلُهُم كُل شي بالمثال، 12 باش قَد ما يَخْزرو، ما يشوفوش، وقَد ما يَسَّمعو، ما يَفْهموش، يُعودو يُتوبو ويتَعفَرَّهُم." 13 وقاللهُم: "ما فَهمتوش هاد المُتل؟ وكيفاش تَفَّهمو كامَل المثال؟ 14 الفَلآح يُزرَع الكَلهة، 15 هَدو راهُم على الطريق، وين نُزرَعت الكَلهة، وكي يسَّمعو، تم تَم يُجي الشيطان ويُغِي الكَلهة اللي يُزرَعت فيهُم، 16 وهدو اللي نُزرَعو فالحُر، اللي كي يَسَّمعو الكَلهة، يَقَبلوها تَم تَم بالفَرحة، 17 ما عَندهُمش عُروق فيهُم، وما يَبَّبتوش، وكي تُجي الشَدّة وَلاّ الحُقرة على جال الكَلهة، بالحَف يَعْترو، 18 وواحدُخرين يَنزرَعو فالشوك، هدو اللي يَسَّمعو الكَلهة، والشهوات الأُخرين، يَخَتقو الكَلهة وما تُجيبش الغَلَة، 20 وهدوك اللي يُسَّمعو الكَلهة والشهوات الأُخرين، يُخَتقو الكَلهة وما تُجيبش الغَلّة، 20 وهدوك اللي يُسَّمعو الكَلهة والشهوات الأُخرين، يُخَتقو الكَلهة وما تُجيبش الغَلَة، 20 وهدوك اللي يُسَمعو الكَلهة ويقبلوها ويُجيبو الغَلة، واحد ثلاتين وواحد سَتين وواحد مُية.

### مْتَل الشَّمعة

<sup>21</sup> وقالَلهُم: "ثَجِي الشَمعة تُثْخَطَ تَحَت ماعون وَلاّ تَحَت سْرير؟ ماشي تُنْخُط على الشَندال؟ <sup>22</sup> خاطَر حاجة ما تَبقا عُخَبَّية وما تْبانش، وحاجة ما تَصرا فالسَرِ وما تُنْعَرَفِش؟ <sup>23</sup> وَلاّ واحَد عَندو وَدنين باش يَسمَع، غير يَسمَع."

<sup>24</sup> وقالَلهُم: "رَدّو بالكُم على واش تَسَّمعو، يَتكَيَّلُكُم بالكيلة اللي تُنكِّلو بيها ويَنزادَلكُم، <sup>25</sup> خاَطَر اللي عَندُو يَتَعطالو، واللي ما عَندوش، يَتنحَّالو حَتّى اللي عَندو."

### مْتَل الزَرّيعة

<sup>26</sup> وقال: "هَكَدا مَلَكوت الله، كي بْنادَم اللي يَرمي الزَرّيعة فالأرض، <sup>27</sup> يَرقُد ويْنوض ليل ونْهار، والزَرّيعة تُنوض وتَكبَر بلا ما يَعرَف كيفاش، <sup>28</sup> الأَرض وَحَّدها تُجيب الغَلّة، مع الأوَّل الحْشيش، أومبَعد السْبول، أومبَعد القَمح مْعمَّر فالسْبول. <sup>29</sup> وغير يَوصَل القَمح، يَنجبَد المَنجَل خاطَر جا وَقت الحْصاد."

## مْتَل حَبّة الخَرَدَل

30 وزاد قال: "بواش نُشَبّهو مَلَكوت الله؟ وبآما مُتل مُتَلوه؟ <sup>31</sup> كيما حَبّة الخَردَل، اللي كي تَنزرَع، هي الزَرّيعة الصُغيرة اللي فالأرض، <sup>32</sup> وكي تُنزرَع، تُنوض وتُولِّي هي الكُبيرة كامَل فالخُضرة، وتْدير غْصان كْبار حَتَّى يَقَدرو طُيور السْما يْعَشّشو في ضَلّها." <sup>33</sup> كان يَسوع يَهدَرَّهُم كُلام الله بْتال بَزّاف كيما هَدو على حْساب ما كانو يَقَدرو يَسَّمعو، <sup>34</sup> وما كانش يَهدَرَّهُم بلا مْتال، وكي يُكون وَحدو مع التابعين مْتاعو، كان يْفَسَّرهُم كُل شي.

## يَسُوع يُهْدَّن الريح

35 وفي هَداك اليوم، كي جات العشيّة، قاللهُم: "هَيّا نَقَطعو للشَط اللي مْقابَل." 36 وبَعد ما سَرّحو الغاشي، أدّاوَه فالفُلوكة اللي كان فيها، وكانو فْلايَك وَاحدُخرين معاه، 37 وناضَت عَبّاجة عُبيرة وكانو الموجات يَتَرماو على الفْلوكة حَتّى بْدات تَتعمّر، 38 وكان يَسوع راقَد على الْخُدّة فالأخّر مْتاع الفْلوكة. نَوْضوه وقالولو: "شيخ، ماراحلكش فينا لوكان عُموتو؟" وقاناض، هَدَّد الربح وقال للبْحَر: "أَسكُت، أَتهَدَّن." حُبس الربح وتُهدَّنَت الحالة، 40 وقاللهُم: "وَعلاش راكم خايفين؟ مازال ما عَندكُس الإيمان؟" أله وخافو بَزَّاف وقالو لبَعضهُم بَعض: "شْكون يُكون هَدا؟ خاطر حَتّى الربح والبُحر يُطيعوه؟"

5

### واحَد مُسكون يُبرا

1 وراحو للشَط الآخُر مْتاع البُّحَر فِي بُلاد الجِدَرِيِين، 2 وكي غُرَج يَسوع من الفُلوكة، لاقاه واحَد جا من الجبَّانة كان مَسكون بروح ناجَس، 3 وكان يَسكُن فالمُدافَن وواحَد ما كان يَقَدَر يَرَّبطو حَتَّى بالسَّناسَل. 4 خاطَر رَبطوه شُخال من مَرّة بالحُدايَد والسَّناسَل وكان يْدَفَدَ السَّناسَل ويُكَسَّر الحُدايَد وواحَد ما كانَت عَدو القُوّة باش يُطَوّعو، قُخال من مَرّة بالحُدايَد والسَّناسَل وكان يْدَفَد السَّناسَل ويُكَسَّر الحُدايَد وواحَد ما كانَت عَدو القُوّة باش يُطَوّعو، وكان دايمًا ليل ونهار فالمُدافَن وفالجُبال، يُعيَّط ويجَرَح في روحو بالحَجْر، 6 وكي شاف يَسوع من البُعيد، راح يجري شَخدلو، 7 وعيَّط بالزور وقال: "واش بيني وبينك يا يَسوع بْن الله العالي؟ غُخلَفَك بالله ما تُعَدَّبنِي"، 8 خاطر يَسوع قالو: "أخرُج من الراجَل يا الروح الناجَس"، 9 وسَقساه: "واسمَك"، قاللو: "واسمَني جيش، خاطَر حْنا بَرَّاف"، 10 وبْدا غير يُحلَّل فيه باش ما يَبعَتُهُمش خارَج البُلاد. 11 وكان ثَمَّة عَند الجَبَل، قُطيع كبير مْتاع الحُلالَف يرعاو، 12 حَلَلوه وقالو: "أَبعَتنا فالحُلالَف باش مَل يَبعَتُهُمش خارَج البُلاد. 11 وكان ثَمَّة عَند الجَبل، قُطيع كبير مْتاع الحُلالَف يرعاو، وأتَّرما القُطيع من طَرف الجُبل للبُحر. كانو واحَد الألفين وغَرقو. 14 واللي كانو يَرعاو فيهُم هَربو وشَيعو الخُبل فالمُدينة وفالحُواش، وجاو الناس يُشوفو واش صُرا، 15 وجاو عَند يَسوع وشافو هَداك اللي كان مَسكون بجيش فاغَد، لابَس، في عَقلو وخافو. 16 حُكاوَهُم اللي شافو واش صُرا للمسكون ولشَّلالَف، 17 وبُداو يُعلَّلو في يَسوع باش قاعَد، لابَس، في عَقلو وخافو. 16 حُكاوَهُم اللي شافو واش دارلَك الرّب وشُخال رَحمَك." 20 راح الراجَل وبْدا يُرتَح فالعَشر وقاللو: "روح لدارَك ولمُواليك وخَبَرهُم كامَل واش دارلَك الرّب وشُخال رَحمَك." 20 راح الراجَل وبْدا يُرت وكامَل شَعجبو.

## يَسُوع يَحيي بَنت يايرُس ويَشَفي مْرا تْسيل بالدَم

<sup>21</sup> وكي زاد قُطَع يَسوع فالفُلوكة للشَط الآخُر، تُلَم عليه غاشي كْبير وكان على شَط البْحَر، <sup>22</sup> وجا واحَد من رِيّاس الجَمَع واسمو يايرُس، وكي شافو، رْما روحو عَند رَجليه، <sup>23</sup> وحَلّلو وقاللو: "بَنتِي الصْغيرة راهي ثَمُوت، لو كان ثُجِي وتْدير يَدّيك عليها باش تَسلَك وتْعيش." <sup>24</sup> راح يَسوع معاه، وتَبّعو غاشي كْبير وبْداو يْزاحمو فيه من كُل جيهة.

واش عندها بلا حتى فايدة وكانت حالتها ثزيد. 27 كي سَمَت بيَسوع جات في وَسط الغاشي ومَسَت لْباسو من واش عندها بلا حتى فايدة وكانت حالتها ثزيد. 27 كي سَمَت بيَسوع جات في وَسط الغاشي ومَسَت لْباسو من اللور، 28 وقالَت: "لو كان بَرك ثمَس حوايجو نبرا." 29 تم تُم نُشُف الدَم اللي قُوّة خَرجَت مَنّو وقال: "شكون مَس برات من مَرضها. 30 بالخف دار يَسوع للغاشي خاطَر حَس في نفسو باللي قُوّة خَرجَت مَنّو وقال: "شكون مَس حوايجي؟" أقو قالولو التابعين مُتاعو: "راك نشوف الغاشي اللي راهو يْزاحَم فيك وتقول شكون مَسني؟" 32 وبْدا يُخزُر سلير داير عليه باش يُشوف شكون اللي دار هاد الشي. 33 جات المرا خايفة تَتَرعَد، وعارفة واش صْرالها. رْمات روحها قُدّامو وقالتلو الصَح كامَل. 45 قاللها هُو: "بنتي، إيمانك سَلكك، روحي هانية وكوني بارية من مَرضك." عن مَرضك." معاه من غير بُطرُس ويَعقوب ويوحَنّا خو يَعقوب. 38 راحو لدار رايس المَجمَع وشاف يَسوع الهيلولة والناس يَكيو وويَعيّطو، 39 دُخل وقاللهم: "وَعلاش تُديرو الهيلولة وتَنكيو؟ الطَفلة ما ماتَتش، واللهي راهي راقدة." 44 شَدَها يَدها وقاللها: "طاليتا، قوم"، ومَعنتها: "يا طَفلة، نوضي." 42 مَها واللي كانو معاه ودْخَل وين كانت الطَفلة. 4 مَمَها مَن يَعقوب وقاللها: "طاليتا، قوم"، ومَعنتها: "يا طَفلة، نوضي." 42 مَهم ماش واحَد ما يَعرَف بهاد الشي، وطْلَب منهُم يَعطيو وقاد الشي دَهَسُهُم بَرَّاف. 43 وَصَاهُم يَسوع ووَكَد عليهم باش واحَد ما يَعرَف بهاد الشي، وطْلَب منهُم يعطيو وهاد الشي دَهَسُهُم بَرَّاف. 43 وَصَاهُم يَسوع ووَكَد عليهم باش واحَد ما يَعرَف بهاد الشي، وطْلَب منهُم يعطيو وقالكها."

6

## الناصرة ما تَقبَلش يَسوع

1 وخْرَج من تَمَّة وجا لبْلادو، وتبَّعوه التابعين مْتاعو. 2 في يوم السَبت، بْدا يُدَرَّس فالجَمَع وبَرَّاف اللي كانو يَسَمعو فيه سْتَعجبو وقالو: "مْنين جاه هاد الشي، وواشَن هاد العْقَل اللي أتَّعطاتلو وهاد المُعجِزات اللي راهُم يَبدارو على يَدّو؟ 3 هَدا ماشي النَجّار وُليد مَريَم وخو يعقوب ويوسي ويَهودا وسَمعان؟ وخُواتاتو ماشي عليشين في وَسطنا؟" وعَرو فيه. 4 وقاللهُم يَسوع: "النَبي ما يُخَفَّر غير في بْلادو وفي وَسط عايلتو ودارو"، 5 وما قُدر يُدير تَمَّة حَتّى مُعجِزة من غير شي مَرضى دار يَدّيه عليهُم وشْفاهُم، 6 وسْتَعجَّب على جال اللي ما آمنوش، وكان يُطوف على الدُشور اللي دايرين بَمَّة ويُدرَّس.

يَسُوع يَبِعَت الرُسُل الطُّناش

<sup>7</sup> عَيَّط للرُسُل الطْناش وبْدا يَبعَت فيهُم زوج زوج وعْطالهُم الحُكمة على الأرواح الناجسين، 8 ووَصَّاهُم باش ما يَدّيو والو للطْريق من غير عْصا بَرك. لا خُبز، لا رَزمة، لا دْراهَم فالجيب، 9 ويلَّبسو سْبابَط وما يلَّبسوش زوج كَسوات، 10 وقاللهُم: "الدار اللي تَدُّخلولها، أَقُعدو تَمَة حَتَّى تْروحو مَنها، 11 والمُكان اللي ما يَقَبلوكُمش فيه

وما يَسَّمعولكُمش، روحو من تَمَّة وأَنَّفضو التُراب من رَجليكُم شْهادة عليهُم." <sup>12</sup> وراحو يَبَرَّحو باش الناس يُتوبو، <sup>13</sup> وخَرَّجو شْياطَن بَرَّاف ودَهنو بالزيت بَرَّاف من المَرضي وشْفاوهُم.

## موت يوحَنّا المُعمَدان

أن سُمَع السَلطان هيرودَس خاطر نَشهَر آسَم يَسوع وقال: "يوحَنّا المَعمَدان قام من بين الموتى، على هَدا المُعجِزات راهُم يَندارو على يَدّو." 15 وواحدُخرين قالو: "هَدا إيليّا"، وقالو واحدُخرين: "نَبي كيما واحد من الأنبيا." 16 كي شُمّع هيرودَس قال: "هَدا هُوَ يوحَنّا اللي أنا قَطَّعتلو راسو، هُو اللي قام."

آد خاطر هيرودَس هُو بالدات بْعَتْ وحُكُم يوحَنّا وسَنسلو فالحبَس على جال هيروديّا مَرت خوه فيلبّس خاطر كان تْزَوَّج بيها، 18 خاطَر يوحَنّا قال لهيرودَس: "ما يُجوزلكش تَنَزَوَّج بَمَرت خوك." 19 حَقدَت عليه هيروديّا وحَبَّت تَقْتلو وما قُدرَتش، 20 خاطَر هيرودَس كان يُخاف من يوحَنّا وعارفو راجَل صالحَ وقُدُوس، وكان يُعليه، وكان كي يَسمَعلو يَبقا حلير بَصَّح يُحَب يَسمَعلو، 21 لُحق وقت مُوالَم كي دار هيرودَس وَلِيمة في عيد ميلادو وغيه، وكان كي يَسمَعلو يَبقا حلير بَصَّح يُحَب يَسمَعلو، 21 وَدخلت بنت هيروديّا هَدي وشطحت وعَجبَت هيرودَس وَلِيمة في عيد ميلادو وضيافو. قال السَلطان للطفلة: "أَطلبي مَنِي واش غُيّي ونعطيهولك"، 23 وحُلفلها باللي "اللي تطلبيه مَنِي نعطيهولك حَتّى للنص مْتاع مَملكتَي." 24 خَرجَت وقالت ليمّاها: "واش نَطلَب؟" قالتَلها: "راس يوحَنّا المُعمَدان." 25 تَم تَم دخلت للسَلطان، طلبَت وقالت: "غُب دُرك تعطيني في طبسي راس يوحَنّا المُعمَدان." 26 حُزن السَلطان بَرّاف، وعلى جال اليُمين مُتاع وضيافو ما حَبش يُردّها، 27 وتَم تَم بُعت عَسَكري آمرو يُجيب راس يوحَنّا المُعمَدان. ولحي سَعو التابعين وعُطاه للطَفلة والطَفلة عُطاتو لِيمّاها. 29 وكي سَعو التابعين مُتاعو، راحو أَدَاو داتو وحَطّوها في قَبَر.

### خَمس آلاف عَبد ياكلو ويشَّبعو

30 ثلّتو الرُسُل عَند يَسوع وخَبَروه بكامَل واش دارو وواش دَرَسو. 31 قاللَهُم: "أرواحو أنتومَ، أجَّبدو روحكُم في مْكان خالي، ورَيِّو شْوِيَة." خاطَر بَزَاف اللي كانو رايحين جايّين وما كانش عَندهُم الوَقت حَتَّى باش ياكلو. 32 بَعْدو في فْلُوكة لَمُكان خالي، 33 وشافوهُم رايحين وبَزَاف اللي عَقلوهُم، وراحو بالخف كيف كيف لتمة من كامَل المُدايَن على رَجليهُم وسَبقوهُم. 34 وكي خْرَج يَسوع من الفُلُوكة، شاف غاشي عُبير وحَن عليهُم خاطَر كانو كا الخرفان بلا راعي، وبْدا يُدَرَّسَّلُهُم حاجات بَرَاف. 35 جاز وَقت كبير وجاو ليه التابعين مْتاعو يُقولو باللي اللَّكان خالي وراح الحال، 36 سَرَّح هاد الناس يُروحو للمُواش والدُشور اللي فالجُواية ويَشرويو لروحهُم واش ياكلو؟" "المُكان خالي وراح الحال، 36 سَرَّح هاد الناس يُروحو للمُواش والدُشور اللي فالجُواية ويَشرويو لروحهُم واش ياكلو؟" ياكلو." 37 جاوبهُم يَسوع: "أعطيوهُم أنتومَ ياكلو"، قالولو: "نُروحو نَشريوهُم خُبر بميتين دينار ونَعطيوهُم ياكلو؟" الغاشي كامَل جُماعات جُماعات على الحُشيش الأخضر، 40 وقعدو في صْفوف مْتاع مْية ومْتاع خَمسين. 41 خُدا الغاشي كامَل جُماعات على الحُشيش الأخضر، 40 وقعدو في صْفوف مُتاع مْية ومُتاع خَمسين. 41 خُدا يَسوع الخَمس خُبزات والزوج حوتات، وْفَد عينيه للسْما وبارك وقْسَم الخُبز وعْطاه للتابعين باش يُفَرّقوه للغاشي وزاد قُسَمَلُهُم كامَل الزوج حوتات، وقد عليه للسْما وبارك وقْسَم الخُبز وعْطاه للتابعين باش يُفرّقوه للغاشي وزاد قُسَمَلُهُم كامَل الزوج حوتات، وَلَم كامَل كلاو وشَبعو، 43 ورَفدو التابعين طُناشَن قُفّة مُعمّرين بطُراف الخُبز وَلوت اللي بْقا، 44 وكانو اللي ثُها، 44 وكانو اللي ثُمّاه كلاو الخُبز خَمس آلاف راجَل.

مُعجِزة المَشية على البْحَر

45 وتَم تَم سَيَّف يَسوع على التابعين مْتاعو باش يَطَّعو فالفُلوكة ويَسَّبقوه للشَط الآخُر كيما بيت صيدا مابيد هُو يُسرَّح الغاشي، 46 وبعدما سَرَّحهُم، راح للجُبل يْصَلِّي. 47 كي طاح الليل، كانت الفُلوكة في وَسط البْحر وهُو وَحدو على الشَط، 48 وشاف التابعين مْتاعو يَتعَدّبو فالقُديف خاطر الريح كان مْعاكسهُم، وقْبَل ما يَطلَع الفْجر، راح لعَندهُم وهُو يَشي على البْحَر حسبوه روحاني وبْداو يْعيَّطو بالزور، 50 خاطر كامَل شافوه وغْنَلعو. تَم تَم هْدَر مْعاهُم هُو وَقاللَهُم: "كونو هانيين، أنا هُو مَا ثَخافوش"، 51 وطلَع لعَندهُم فالفُلوكة وهْدَن الريح. وهومَ سْتَعجبو في قُلوبهُم بَرَّاف، 52 خاطر ما فَهموش آمَر الخُبز خاطر قَلبهُم كان مَعلوق. 53 وبعدما قَطعو البْحر، وَصلو لبلاد جَنيسارَت وحَبّسو الفُلوكة فالشَط مْتاعها.

54 وكي خَرجو من الفْلوكة، تَم تَم الناس عَقلو يَسوع، 55 طَوّفو كامَل هَدوك الجُوايَه وبْداو يُجيبو المَرضى فالفْراش لكامَل وين يَسَّمعو بيه باللي راهو تمّاك، <sup>56</sup> ووين يَدخُل، فالدْشور وَلاّ فالمْدايَن وَلاّ فالحْواش، كانو يُحَطّو المَرضى فالأسواق ويْحَلّوه باش يُمسّو يا لوكان جْلال لْباسو، وكانو اللي يْمسّوه يَبراو.

7

### الطاهر والناجَس

<sup>1</sup> تُلايمو عليه الفَرّيسيّين وشي كُتّاب جاو من أورشَليم، <sup>2</sup> وشافو شي تابعين مْتاعو ياكلو الخُبز بيَدّين ناجسين يَعني ماشي مَغسولين، 3 خاطَر الفَرّيسيّين وكامَل الْيهود لو كان ما يَغَسلوش يَدّيهُم مْليح ما ياكلوش، حاكمين في عادة الجُدُود. 4 وكي يُجيو من الأسواق، لو كان ما يَعْسلوش ما ياكلوش، وحكمو من العُوايَد في حاجات واحَدُخرين بزَّاف: غْسيل الكيسان والطيصان والسْنيوات مْتاع النْحاس والبْناك. 5 وسَقساوَه الفَرّيسيّين والكُتّاب: "وَعلاش التابعين مْتاعك ما يَمشيوش على حْساب عادة الجْدود وياكلو الخُبز بَيدّين ناجسين؟" 6 قاللَهُم: "إِشعيا تْنَبّأ عليكُم مْليح يا المُنافقين كيما راهو مَكتوب: "هاد الشَعب يَكرَّمني بفَمّو بَصَّح قَلبَهُم بْعيد عْلِيَّ، <sup>7</sup> يَعَّبدوني في باطَل وهومَ يْدَرَّسو فْرايَض مْتاع بْني آدَم"، 8 خَلَّيتو فَرض الله وحْكَمتو في عْوايَد بْني آدَم." 9 وقالَلهُم: "تَعَّرفو مْليح ثّْخَلَّيو فَرض الله باش تُشدُّو في عادَتكُم، 10 خاطَر موسى قال: "كَرَّم باباك ويّماك"، و: "اللي يْسَب الباباة وَلاّ اليّماة لازَم يْموت"، 11 أنتومَ تْقُولُو: "وَلاّ بْنادَم قال للباباة وَلاّ لليّمّاة: "اللي كُنت قادَر نْعاونَك بْيه نْمُدّو هِبة للرَب"، 12 ما تْزيدوش تَخَلِّيوَه يُدير حاجة للباباة وَلاّ لليَمّاة. 13 وتُبطّلو كُلام الله بعادَتكُم اللي تُعَلّموها وتْديرو حاجات بَزّاف كيما هَدو." 14 وعاوَد عَيَّط للغاشي وقالَلهُم: "أُشَّعوني كامَل وأَفَّهمو، 15 حاجة ما تَدخُل من بَرَّا لبْنادَم تَقَدَر تُغَبُّسو، بَصَّح اللي يَخرَج من بْنادَم هُوَ اللي يْنَجَّسو." 17 وكي خَلاّ الغاشي ودْخَل للدار، سَقساوَه التابعين مْتاعو على الْمُتَل. 18 وقاللهُم: "أَنتُومَ تاني راكُم بلا فْهامة؟ ما تَقَهموش باللي كامَل اللي يَدخُل من بَرَّا لبْنادَم ما يَقدَرش يْغَيَّسو، 19 خاطَر ما يَدخُلش لقَلبو، يَدخُل لكَرشو ويَخرَج لبَرّا"، وهَكدا حَلَّل يَسوع كامَل المْواكل. 20 قال: "اللي يَخرُج من بْنادَم هَدا اللي يْغَجَّس بْنادَم، 21 خاطَر من داخَل قلب الناس اللي يَخُّرجو الفْكايَر الدونِيّين: الفَسق، السَرقة، القُتَل، 22 الزِنا، الطْمَع، القْباحة، الخْدَع، العار، العين، السَبّان، التَكَبُّر، الجْهوليّة، 23 كامَل هاد الحاجات الدونيّين يَخَرجو من الداخُل ويْنَجَّسو بْنادَم."

إيمان المرا الكَنعانيّة

24 من تَم ناض وراح لجواية صور، ودْخَل لدار وما حَبّ حَتّى واحَد يَعْرفو بَصَّح ما قَدَرش يُجوز بلا ما يَعْرفوه. 25 بَصَّح واحَد المُرا بَنتها مَسكونة بروح ناجَس، غير سَمَعَت الهَدَرة عليه، وَصلَت لعَندو وطاحَت عَند رَجليه. 26 كانت المُرا يونانيّة، آصَلها فينيقي سوري، وطَلبَت مَنُّو باش يُخَرَّج الشيطان من بَنتها. 27 قاللها: "خَلِّ فَبْل الدُراري يَشَّبعو، خاطر ماشي مْليح يَتّاخُد خُبز الدُراري ويَتَمَد للكُلاب الصْغار"، 28 واجباتو هي: "سيدي، حَتّى الكُلاب الصْغار ياكلو تَحت الميدة من فْتات الدُراري"، 29 قاللها: "على جال هاد الكَلمة روحي، الشيطان راه خُرَج من بَنتَك"، 30 وكي راحَت لدارها، لْقات بَنتها فالفُراش والشيطان خُرَج منها.

طْرش يَهدَر بالسيف يبَرا

31 وزَاد خُرَج من جُوايَه صور وراح من صَيدا لَبْحَر الجُليل في وَسط بْلاد العَشر مْدايَن، 32 وجابولو طْرش يَهَدَر بالسيف، وحَلّوه باش يْدير يَدّو عليه. 33 أَدّاه يَسوع وَحدو على جيه بْعيد على الغاشي ودار صْباعتيه في وَدنين الراجَل وِبْرَق ومَسّلو لْسانو، 34 ورْفَد عينيه للسْما وتْنَهَّد وقال: "إفَّتا" يَعني "أَنحَل." 35 تَم غُكَلّو وَدنيه ونُحَل رْباط لُسانو وبْدا يَهدَر مْسَقَّم، 36 وَصّاهُم يَسوع باش ما يَهدرو لحتى واحَد، بَصَّح قَد ما كان يُوصَّيهُم، قَد ما كانو يْزيدو يُرْحو، 37 وكانو مَدهوشين بَرَّاف ويْقولو: "كامَل واش يْدير مْليح، يَرَد الطُروشة يَسَّمعو والعْقَافَن يَهدرو."

8

## رَبع آلاف راجَل ياكلو ويشَّبعو

1 في هَدوك اليامات، زاد كان غاشي عُبير بَرّاف وما كانش عَندهُم واش ياكلو. عَيَّط يَسوع للتابعين وقالَلهُم: 2 "غاضني هاد الغاشي اللي عَندهُم تَلَت أيّام وهومَ باقيين معاي وما عَندهُمش واش ياكلو، 3 ولوكان نَبعَتُهم على الفْراغ لدارهُم، يَفَّشلو فالطْريق وكايَن منهُم اللي جاو من البْعيد." 4 جاوبوه التابعين مْتاعو: "كيفاش يَقدر واحَد في مَدرَب خالي كيما هَدا يُشَبَّع هاد الناس بالخُبز؟" 5 سَقساهُم: "شُحال عَندُكُم من خُبزة؟" قالولو: "سَبعة." 6 قال للغاشي يَقُعدو على الأرض وخْدا السَبع خُبزات، حُد، قُسَم الخُبز وعْطا للتابعين مْتاعو باش يُفرّقوه ومَدّوه للغاشي، 7 وكان عَندهُم شْوِيّة حوت صْغير، زاد يَسوع باركهُم وقال للتابعين يْزيدو يُمدّوهُم. 8 كُلاو وشَبعو، ورَفدو سُبع قَفَف من الطْراف اللي بْقاو. 9 كانو واحَد الرَبع آلاف نَفس وسَرَّحهُم يَسوع، 10 وتَم تَم طْلَع في فْلوكة مع التابعين مْتاعو وراح لِجْوايَه دَلمَانوتة.

أنجَر جو الفَريسيّين وبداو يَهدرو معاه ويْحوسو على مارة من السما باش يْجرّبوه. 1² تُنهد فالروح متاعو وقال:
 "وَعلاش هاد الجيل يْحَوّس على مارة؟ نْقوللكُم الصَح، ما يتَعطاش لهاد الجيل مارة."

خْميرة الفَرّيسِيّين وخْميرة هيرودَس

13 وخَلاَّهُم وَزاد طْلَع في فْلُوكَة وبَعَد للشَط الآخُر. 14 نْساو التابعين يَدِّيو الخُبز وما كان عَندهُم فالفْلوكة غير خُبزة واحدة. 15 وَصَّاهُم يَسوع وقال: "شوفو، رَدو بالكُم من شميرة الفَريسيَّين وشميرة هيرودَس." 16 خَمّو بيناتَهُم باللي قاللهُم هَكدا كي ما كانش عَندهُم الخُبز. 17 عْرَف يَسوع تَخامُم وقاللهُم: "وَعلاش راكُم تُخْمَّهو باللي ما عَندكُمش الخُبز؟ مازال ما فْهمتوش وما فَقتوش؟ قَلبكُم قاسي؟ 18 عَندكُم عِنين وما تُشوفوش وودنين وما تَسَّمعوش؟

وما تَشفاوش، <sup>19</sup> كي قْسَمت الخَمس خُبزات للخَمس آلاف نَفس، شُحال من قُفّة مُعَمّرة بالطْراف رْفَدتو؟ قالولو: "طْناش"، <sup>20</sup> وكي قْسَمت السْبَع خُبزات للرَبع آلاف نَفس، شُحال من قُفّة أَدّيتو من الطْراف اللي بْقاو؟ قالولو: "سَبعة"، 21 قاللَهُم: "ما زال ما فْهُمتوش؟"

## عْما في بيت صَيدا يُبرا

22 وراحو لبيت صيدا، وجابولو عمى حَلّوه باش يُمسّو. <sup>23</sup> شَد يَد العْمى وأدّاه خارَج الدَشرة، بْزَق في عينيه، ودار يَدّيه عليه وسَقساه: "كاش ما راك تشوف؟" <sup>24</sup> رْفَد الراجل عينيه وقال: "راني نشوف ناس يَمشيو، شايَفهُم كي السْجر"، <sup>25</sup> أومبَعد زاد دار يَسوع يَدّيه على عينين الراجَل وكي حَقَّق وَلاّ يْشوف مْليح وبْرا، <sup>26</sup> وبَعتو يَسوع لدارو وقال: "ما تَدخُلش للدَشرة."

## بُطرُس يَستَعرَف بالمَسيح

27 خُرَج يَسُوع والتابعين مْتاعو للدْشُور مْتاع قَيصَرِيّة فيليبس، وفالطُريق سَقسا التابعين مْتاعو وقاللَهُم: "على حُساب الناس شُكون أَنا؟" <sup>28</sup> قالولو: "يوحَنّا المَعمَدان، واحَدُخرين إيليّا، وواحَدُخرين واحَد من الأَنبيا." <sup>29</sup> سَقساهُم: "بَصَّح أَنتومَ، شُكون تُقولو أَنا؟" جاوب بُطرس وقاللو: "أَنتَ المَسيح"، <sup>30</sup> ووَصّاهُم باش ما يُقولو لحتى واحَد عليه.

## يَسُوع يُخبَّرُ على موتو وڤيامتو

<sup>31</sup> وبْدا يْدَرَّس فيهُم: "لازَم على بْن الإِنسان يَتَعدَّب بَرَّاف، والشْيوخ ورِيّاس رْجال الدين والكُمَّاب ما يَقَبلوهش ويَنْقَتَل وَبَعد تَلت أيّام يْقوم"، <sup>32</sup> وقال هاد الكُلام عيناني. جَبدو بُطرُس على جيه وبْدا يُلوم فيه. <sup>33</sup> دار يَسوع، شاف فالتابعين مْتاعو وزْڤا على بُطرُس وقال: "بَعَّد عْلِيَّ يا شيطان، خاطَر ما عَندَكش تَخام الله، عَندَك تَخام بني آدَم."

34 وعَيَّط للغاشي مع التابعين مْتاعو وقاللهُم: "وَلا حَب واحَد يْتَبَعني، لازَم يَنكُر روحو ويَرفَد صْليبو ويْتَبَعني، 36 خاطر اللي حَب يْسَلَك حْياتو يَخسَرها، بَصَّح اللي يَخسَر حْياتو على جالي وعلى جال الإِنجيل يْسَلَكها، 36 خاطر واش يَستَنفَع بْنادَم لوكان يَربُح الدَنيا كاملة ويَخسَر حْياتو؟ 37 وواش يَقدر يُمَد بْنادَم باش يَربَح حْياتو؟ 38 خاطر اللي يَحشَم بِي وبكُلامي في هاد الجيل الزاني والخاطي، بْن الإِنسان تاني يَحشَم بيه كي يْجي في مَجد باباه مع الملايكة القديسين."

#### 9

ً وقالَلهُم: "نْقُولَلَكُم الصَح، من اللي راهُم واقفين هنا، كايَن اللي ما يْدوقوش الموت حَتَّى يْشوفو مَلكوت الله جا بالقُدرة."

### ؠؗؾؘؠۮۜٙڶ

2 وبَعَد سَت أَيّام، أَدّا يَسوع بُطرُس ويَعقوب ويوحَنّا وطَلَّعَهُم لجَبُل عالي، على جيه، وَحَدهُم، وتَبَدَّل قُدّامهُم. 3 وَلاّو حُوايجو يَبَرقو، بْيوضا بَرّاف، حَتّى سَبّاغ فالأرض ما يَقدَر يْبَيَّضَهُم هَكَدا. 4 وضْهَرَّلُم إِيليّا وموسى يَهَّدرو مع يَسوع. 5 نْطَق بُطرُس وقال ليَسوع: "سيدي، مُليح لينا نُكونو هنا، هَيّا نُديرو تَلت خْيَم، واحدة ليك، واحدة لموسى وواحدة لإيليًا"، 6 ما كانش عارَف واش كان يَهدَر، خاطَر كان حاكَهُم الخوف. 7 وجات سُحابة غَطّاتهُم بضّلّها، وجا منها صوت يْقول: "هَدا وْليدي الحْبيب، أُسَّمعولو." 8 وتَم تَم، خَزرو التابعين مَنّا ومَنّا وما شافو حَتّى واحَد من غير يَسوع وَحدو معاهُم.

<sup>9</sup> وكي كانو هابطين من الجبّل، وَصّاهُم يَسوع ما يَحكيو لحتّى واحَد واش شافو حَتّى يْقوم بْن الإنسان من الموت. 10 وخَلا و هاد الكّلام في قلبهُم وهوم يْسقسيو بَعضهُم بَعض واش حَب يْقول القيامة من بين الموتى؟ 11 وسقساوَه وقالو: "وَعلاش يْقولو الكُمّاب باللي إيليا يْجِي الأُوَّل؟" 12 قاللهُم: "صَح إيليّا يْجِي قْبَل ويْسَقَّم كُل شي: وكيفاش مَكتوب تاني على بْن الإِنسان باللي يَتعَدَّب بَرّاف ويْخَقَر؟ 13 بَصَّح نْقولَلكُم، إيليّا صَح جا ودارو فيه كامَل واش حَبّو، على حساب ما مكتوب عليه."

## وْلَدَ مُسكون يَبرا

14 وَي كَانَ يَسُوع رابَح عَند التابعين، شاف غاشي حُبير داير عليهُم وُكِنَّاب يَهَدرو معاهُم. 15 تَم تَم، كامَل الغاشي كي شافوه، سْتَغربو وراحو يَجريو لعَندو وسَلّمو عليه. 16 سَقساهُم: "على واش رائم تَهَدرو معاهُم؟" 17 جاوبو واحَد من الغاشي: "شيخ، جَبتَكُ وُليدي المَسكون بروح عَقْون، 18 ووين يَحْكُمو، يَرميه فالأرض، يُريَّق ويْتَرَقَى سْنانو ويَيبَس. قُلت للتابعين مْتاعك باش يُخرِّجوه بَصَّح ما قَدروش"، 19 قاللَهُم: "جيل بْلا إيمان، لوقتاش نَبقا معالمُ؟ لوقتاش نَبقا ويَرَيَّق. 12 سَقسا يُسوع باباة الولد: "شُخال عَندو من اللي راه يَصرالو هكدا؟" قاللو: "من صُغرو، 22 وشُخال من مَرّة رْماه الشيطان فالنار وفالما باش يَقْتلو، بَصَّح وَلا كاش ما تَقدَر، عاوننا وحَن علينا." 23 قاللو يَسوع: "وَلا تَقدَر! كُل شي مَقدور للي يامَن." 24 تَم تَم عَيَّط باباة الولدَ وقال: "نامَن، عاوَنيّ في قلّة إيماني." 25 كي شاف يَسوع الغاشي جاي يَجري، آمر الروح الناجَس وقاللو: "يا الروح العَقون والطْرش، نامرَك، أخرُج مَنّو وما ثريدش تَدخُل فيه." 26 عَيَّط الروح وهَز الولدَ هزّة قُويّة وخرَج، ورْجَع كي الميَّت حَتَّى بَزّاف من الناس حَسبوه مات. تَدخُل فيه." 26 عَيَّط الروح وهَز الولدَ هزّة قُويّة وخرَج، ورْجَع كي الميَّت حَتَّى بَزّاف من الناس حَسبوه مات. عليه الم قُدرناش غُزّجوه؟" 29 قاللهُم: "هاد الجنس ما يَغرَج غير بالصْلاة."

## يَسُوع يَخَبَرُّ على موتو وقيْامتو

<sup>30</sup> وخَرجو من ثَمَّة وجازو على الجُليل ويَسوع ما كان حاب حَتَّى واحَد يَعرَف، <sup>31</sup> خاطَر كان يْدَرَّس التابعين مُتاعو ويْقولَلهُم: "بْن الإِنسان رايَح يَتسَلَّم لَيَدّين الناس، ويَقَّتلوه، وبَعدما يَنْقَتَل، يْقُوم فاليوم التالَت." <sup>32</sup> بَصَّح هومَ ما فَهموش هاد الكُلام وخافو يْسَقسيوَه.

### الكبير

33 وراحو لكَفرناحوم، وكي كان فالدار، سَقساهُم يَسوع: "على ماش كُنتو تَهَّدرو فالطْريق؟" <sup>34</sup> هومَ سَكتو، خاطَر كانو يَهَّدرو مع بَعضُهم فالطْريق: شْكون هُوَ الكُبير؟ <sup>35</sup> قْعَد يَسوع وعَيَّط للتابعين الطْناش وقالَلهُم: "وَلاّ حَب واحَد يْكون هُوَ الأَوَّل، لازَم يْكون الأَخراني فالكُل ويَخدَم الكُل"، <sup>36</sup> وخْدا وْلَد صْغير، حَطّو في وَسطهُم، وشَدّو بين دْراعتيه وقالَلهُم: <sup>37</sup> "اللي يَقبَل واحَد من الدْراري كيما هَدا بآسمي يَقبَلني أَنا، واللي يَقبَلني، ما يَقبلنيش أَنا، يَقبَل اللي بْعَتني."

## اللي ماشي ضَدنا معانا

38 قَاللو يوَحْنَا: "شيخ، شَفنا واحَد يْخَرَّج الشْياطَن بآسمَك، ومْنَعناه خاطَر ما راهوش يْنَبَّعنا." <sup>39</sup> قال يَسوع: "ما تَّنعوهش، خاطَر واحَد ما يَقدَر بَعد ما يْدير مُعجِزة بآسمي يْقول الشَر علِيَّ، <sup>40</sup> اللي ماشي ضَدّنا معانا، <sup>41</sup> واللي يْعطيلكُم كاس ما على جال اللي أنتومَ مْتاع المَسيح، نْقولَكُمُ الصَح، ما يْضَيَّعش الآجَر مْتاعو.

## اللى يْسُبَّب العَترة

42 واللي يَعتَّر واحَد من هاد الصْغار اللي يامنو بِيَّ، خيرلو لوكان دارولو حَجرة الرْحا في رَقَّبَتو وأتَّرَما فالبْحَر. 
43 وَلا يَدَّكُ تَعْتَرُكُ، قَطَّعها خاطَر خيرلَك تَدخُل للحْياة بيَد واحدة وَلا تُكون بزوج يَدِّين وتْروح لجَهَنَّمة، فالنار اللي ما تَطفاش، 45 وَلا تُكون بزوج رَجلين وتَثَرَما في جَهَنَّمة، فالنار اللي ما تَطفاش. 47 وَلا عينك تُعتَرَكُ، قَلَّعها، خاطَر خيرلَك تَدخُل للْمَكوت الله بعين واحدة وَلا تُكون بزوج عينين وتتَّرَما في جَهَنَّمة، 48 وين دودهُم ما يُموتش والنار ما تَطفاش، 49 خاطَر كُل واحَد يَمَلَّح بالنار. 
50 المَلح مْليح، بَصَّح وَلا راحتلو البَنَة مْتاعو، باش غُلَّحوه؟ لازَم يُكون عَدَكُم المَلح في نُفوسكُم وعيشو هانيين مع بَعضُكُم بَعض."

#### 10

## الزْواج والطْلاق

أ ناض يَسوع من تَم وجا لجواية اليَهوديّة ومور واد الأُردُن وزاد ثلايم عَندو الغاشي وكي عادتو بْدا يْدَرَّس فيهُم.
 2 قَرَّبو ليه الفَرِّيسِيّن وسَقساوه باش يُجَرِّبوه: "يُجوز للراجَل يْطَاق مَرتو؟" ³ جاوَب يَسوع وقاللهُم: "واش آمَرُكُم موسى؟" 4 قالولو: "موسى شمّح للراجَل باش يكتب وَرقة طلاق ويْطَلَق مَرتو"، 5 بصَّح يَسوع قاللهُم: "على جال قُساوة قُلوبكُم اللي حُتبَّلكُم موسى هاد الفَرض، 6 بَصَّح فالبَدية مْتاع الخلق، دارهُم الله دُكُر ونْتَى. 7 على هَدا، الراجَل يُخلِّي باباه ويمّاه ويلصَق في مَرتو، 8 ويُوليّو في زوج دات واحدة، يَعني ما يُوليّوش زوج، يُوليّو دات واحدة. وهمّالا اللي لاقاه الله، ما يُفرّقوش بْنادَم." 10 وفالدار، زادو سَقساوه التابعين في هاد الآمَر. 11 قاللهُم: "اللي يُطَلَق مَرتو جواحَدُخرى، راه يُخونها، 12 ولو كان هِي تُطَلَق راجَها وتَتَرَوَّج بواحَدَانُحُر، راهي تَرني."

## يَسُوع يُبارَك الدْراري الصْغار

الشعار يْعيو لعندي، ما تَمَّنعوهُمش، خاطر مَلكوت الله للي بْعالهُم. 14 كي شافهُم يَسوع، زْعَف وقاللهُم: "خَلّيو الدْراري الله الصّغار يْعيو لعندي، ما تَمَّنعوهُمش، خاطر مَلكوت الله للي بْعالهُم. 15 نْقوللكُم الصّح، اللي ما يَقبلش مَلكوت الله كي الوْلَد الصّغير، ما يَدَّخلوش." 16 وعَنَّق هَدوك الدْراري، باركهُم ودار يَدّيه عليهُم.

17 وكي جا رايح للطْريق، جا واحَد يَجري، رْكَعلو وسَقساه: "يا الشيخ الْمليح، واش نْدير باش نَورَت الحْياة الدايمة؟" <sup>18</sup> قاللو يَسوع: "وَعلاش تُقوللي مْليح؟ واحَد ما مْليح من غير الله وَحدو." <sup>19</sup> تَعرَف الفْرايَض: "ما تُقتلش، ما تَرْفِش، ما تَشهَدش بالزور، ما تَضلَمش، كَرَّم باباك ويمّاك." <sup>20</sup> جاوبو: "شيخ، هَدو كامَل طَبَقْتَهُم من صُغري"، <sup>21</sup> خْزَر فيه يَسوع، حَبِّو وقاللو: "خَصّاتَك حاجة واحدة، روح بيع كامَل واش تُمَلَك وأعطيه للفُلالين، ويْكونلك كَنز فالسْما، وأرواح تبَّعني." <sup>22</sup> تُغَبَّن هَداك الراجَل كي شُمَع هاد الكَلهة وراح حْزين خاطر كان مْرَفَّه بَرَّاف.

23 شاف يَسوع سايَر داير عليه وقال للتابعين مْتاعو: "شخال واعَر على الْمُرْفَّهِين باش يَدُّخلو لَمُلَكُوت الله"، <sup>24</sup> خافو التابعين من كُلامو. زاد نْطَق يَسوع وقال: "يا وْلادي، شْعال واعَر باش يَدخُل واحَد لَمُلَكُوت الله، <sup>25</sup> ساهَل على الجُمْل باش يُجوز من العين مْتاع بْرة كُتَر من المُرفَّة باش يَدخُل لَمُلكوت الله." <sup>26</sup> دَهشو التابعين بَرَّاف وقالو لَبعضهُم بَعض: "وشْكون يَقدَر يَسَلَك؟" <sup>27</sup> خُرَر فيهُم يَسوع وقاللهُم: "عَند الناس مُحال، بَصَّح ماشي مُحال عَند الله حاجة ماهي مُحال."

28 بْدا بُطِرُس يْقُوللُو: "هانا حْنا خَلِّينا كُل شِي وتَبَّعناك." <sup>29</sup> جاوبُو يَسوع: "نْقُولَكُمُ الصَح، كُل من خَلاّ دار وَلاّ خاوة وَلاّ خُواتات وَلاّ يَبَات وَلاّ بابات وَلاّ دْراري وَلاّ حُواش على جالي وعلى جال البْشارة، <sup>30</sup> يْنال قيسهُم مْية مَرّة دُرك فِي هاد الزْمان دْيار وخاوة وخُواتات ويمّات ودْراري وحْواش مع الحُقُرة وفالزْمان الجاي الحْياة الدايمة. <sup>31</sup> بَزَاف الأَوّلانِين اللي يُولِيو الأخَرانِين والأخَرانِين الأوّلانِين."

## يُسوع يْخُبَرَّ على موتو وقْيامتو

32 كانو فالطْريق طالعين لأورشَليم، وكان يَسوع سابَقَهُم. كانو مَخلوعين واللي كانو يُتَبَّعو خايفين، ويَسوع زاد خْدا التابعين الطْناش وبْدا يَهدَرَّلُهُم على الحاجات اللي رايحين يَصراولو: 33 "هانا طالعين لأورشَليم، وبْن الإنسان رايح يَتسَلَّم لرِيّاس رْجال الدين والكُتَّاب ويَحَكمو عليه بالموت، ويُسلِّموه للكُفّار، 34 يَتَسخرو بيه ويَبَّزقو عليه ويَجَّلدوه ويقُتلوه وبَعد تَلت أَيَّام يْقوم."

## الأوَّل والأخَّر

35 أَدِّنَاو ليه يَعقوب ويوحَنَّا وْلاد زَبَدي وقالولو: "شيخ، حَبِّينا تْديرلنا الشي اللي نَطَّلبوه مَنَّك"، 36 قَالَلهُم: "واش حَبِّيتو نْديرلَكُم؟" 37 قَالولو: "أعطينا باش فالجَد مْتاعك نَقُعدو واحد على الْمِنى مْتاعك والآخُر على الْيسرى مْتاعك"، 38 قاللَهُم يَسوع: "ما راكُمش عارفين واش راكُم تَطَّلبو. تَقَدرو تَشُّربو الكاس اللي نَشرُب، وَلاَ تَتَعَمدو بالمَعموديّة اللي راني رايح نَتَعَمَّد بيها؟" 39 قالولو: "نَقَدرو." بَصَّح يَسوع قاللَهُم: "صَح رايحين تَشُّربو الكاس اللي نَشرُب ورايحين تَتَعمَدو بالمَعموديّة اللي راني رائح نَتعَمَّد بيها، 40 بَصَّح القْعاد على يْميني وَلاَ على يْساري، ماشي لِيَّ بَشُرُب ورايحين عَير للي تُوجَدَّدُهُم."

41 وكي سَمعو التابعين العَشرة، زَعفو من يَعقوب ويوحَنّا. 24 عَيَطَّلهُم يَسوع وقالَلهُم: "راكُم عارفين باللي حُكّام الأُمّات يْسيطرو عليهُم والنّجار يَتسَلّطو عليهُم، <sup>43</sup> ما لازَمش يْكون هَكدا بيناتكُم، بَصَّح اللي حَب يْكون كْبير بينكُم، لازَم يْكُون خْديمُكُم، <sup>44</sup> واللي يْحَب يْكُون الأُوَّل بينكُم، يْكُون عَبد الكُل، <sup>45</sup> خاطَر بْن الإِنسان ماجاش باش يَخَدموه، جا باش يَخدَم ويَعطى حْياتو فَدية لبَرَّاف."

بارتيماوُس

46 راحو لأُريحا، وكي كان يَسوع خارَج من أريحا هُوَ والتابعين مْتاعو وغاشي كْبير، كان بَرتيماوَس وْليد تيماوَس، طَلاّب غْمَى، قاعَد على طَرف الطُريق. 47 وكي شَمَع باللي هَدا يَسوع الناصري، بْدا يْعَيَّط ويْقُول: "يا يَسوع بَن داوَد، حَن عْلِيَّ." 48 بَزَاف زْفَاو عليه باش يَسكُت، وهُو زاد عَيَّط كُتَر: "يا بَن داوَد، حَن عْلِيَّ." 48 حُبَس يَسوع وقال: "عَيَّطولو." عَيَّطو للعْمى وقالولو: "أَتَسَجَّع، نوض، راهو يْعَيَّطلك." 50 رْمَا البَرنوس مْتاعو، نَقْز وجا ليسوع. 15 سَقساه يَسوع وقال: "واش حَبيتني نْديرلَك؟" قاللو العْمى: "سيدي، نُولِّي نْشوف"، 52 قاللو يَسوع: "روح، إيمانك سَلكك." تَم تَم وَلا يْشوف وتَبَع يَسوع فالطُريق.

#### 11

الدَخلة لأورشَليم

1 وكي قرّبو من أورشليم ووصلو لبيت فاجي وبيت عَنيا، عَند جْبَل الزيتون، بْعَت يَسوع زوج من التابعين مْتاعو، ووقاللهُم: "روحو للدَشرة اللي راهي مْقابلتَكُم، وغير تَدَّخلوها تَلقاو هْمار صْغير مَر بوط، عَمرو ما رْكب عليه واحَد. حَلولو الرْباط وجيبوه، 3 وكلا قاللكُم كاش واحَد: "وعلاش راكم تُديرو هَكدا؟" قولو: "مولاه يَسَّحقو"، تَم تَم يَبُعتو اللهنا." 4 راحو ولقاو الْمباط. 5 شي ناس كانو تمّة قالولهُم: "واش رائم تُديرو تُحلّو في رْباط الحُمار؟" 6 قالولهُم كيما قال يَسوع وهدوك الناس خَلاّوهُم، 7 جابو الحَمار الصْغير ليسوع وحَطّو عليه على الطريق، وواحَدُخرين غصان ليسوع وحَطّو عليه حُوايَجهُم على الطريق، وواحَدُخرين غصان قطّعوهُم من الأحواش. 9 اللي كانو سابقين واللي كانو يُتبّعو كانو يُعيّطو: "أوصَّنا، مْبارَك الجاي بآسَم الرَب، ومُبارَك مَلكوت بابانا داوَد الجاي، أوصَّنا فالعُلالي."

#### نعلة الكرمة

الدُّخُل يَسوع لأورشَليم، للمَعبَد ودَوَّر راسو شاف كامَل ثَمَّة. كان راح الحال وراح لبيت عَنيا مع التابعين الطناش. 1² وغَدوة من داك، كي خرجو من بيت عَنيا جاع يَسوع، 1³ وشاف من البُعيد كَرمة ورَّقَت، جا يشوف كاش ما يَلقا فيها ولْقا فيها غير الوْرَق، خاطر ماكانش وقت الكَرموس. ¹¹ نُطَق يَسوع وقال: "واحد ما يَقدَر يْزيد ياكُل مَنَّك فاكية للدْوام." والتابعين مْتاعو سَمعوه.

### تُطهير المُعبَد

15 راحو لأورشَليم وكي دْخَل يَسوع للمَعبَد بْدا يُخَرَّج بَرَّا اللي كانو يْبيعو ويَشريو فالمَعبَد ويْقَلَّب الميدات مْتاع اللي يَبْدَو الدُراهَم والكُراسا مْتاع اللي يْبيعو الحُمام، 16 وما خَلاّ حَتّى واحَد يُجُوَّز حاجة على المَعبَد. 17 وبْدا يدرَّس فيهُم ويْقُول: "ماشي مَكتوب: "داري تَتسَمَّا دار للصْلاة لكامَل الأُمّات؟" وأنتومَ رَدِّيتوها غار للسَرّاقين." 18 سَمعو ريّاس رْجال الدين والكُمَّاب وكانو يُحوَّسو كيفاش يَقُتلوه، كانو يْخافوه خاطَر كامَل الغاشي كان مَستَعجَب فالتَعليم مُتاعو، 19 وكي جات العشيّة، خُرَج يَسوع والتابعين مْتاعو من المُدينة.

الكُرمة بابسة

20 كي كانو جايزين مع الصباح، شافو التابعين الكرمة يابسة حَتى للعْروق، <sup>11</sup> وتُفَكَّر بُطرُس واش صْرا البارَح وقال ليَسوع: "سيدي، شوف، الكرمة اللي نْعَلتها البارَح يَبسَت." <sup>22</sup> جاوَب يَسوع وقاللَهُم: "آمنو بالله، <sup>23</sup> نْقوللَكُم الصَح باللي اللي يُقول لهاد الجبَّل: أَتَّرفَد وأثَّرما فالبُحر، وما يُشكَّش في قَلبو ويامَن باللي واش راهو يُقول يَصرا، يُستَجبلو، <sup>24</sup> على هَدا نْقوللَكُم، كامَل واش تُصَلّيو وتَطَّلبو، آمنو باللي نَلتوه ويُكونلَكُم. <sup>25</sup> وكي تُكونو واقفين تُصَلّيو، أَغْفرو وَلا كانت عَدَدُمُ حاجة ضَد واحَد، باش باباكُم اللي فالسَّماوات يَعْفَرَّلكُم تاني الغَلطات مْتاعكُم، <sup>26</sup> بَصَّح لو كان ما تَسَّمحوش، بابا كُم اللي فالسَّموات تاني ما يَغْفَرَّلكُمش الغَلطات مْتاعكُم."

54

## آمَر حُكمة يَسُوع

<sup>27</sup> وزادو راحو لأورشَليم. وكي كان يَسوع يَمشي فالمَعبَد، جاو ليه رِيّاس رْجال الدين والكُمَّاب والشّيوخ، وقالولو: "بواش من الحُكمة باش تْدير هاد الشي؟" <sup>29</sup> بَصَّح يَسوع قاللَهُم: "أَسْقَسيكُم حاجة واحدة، وجاوبوني ونْقولَلكُم بواش من الحُكمة نْدير هاد الشي، <sup>30</sup> مَعموديّة يوحّنا من السّما وَلا من الناس؟ جاوبوني." <sup>31</sup> نَمّمو بيناتهُم وقالو: "لوكان نْقولو: "من السّما"، يْقول: "وَعلاش هِمّالا ما آمَنتوش بيه؟" <sup>32</sup> لولكان نْقولو: "من الناس؟"" وخافو من الغاشي خاطر كانو كامَل شايفين باللي يوحَنا كان صَح نَبي، <sup>33</sup> جاوبو يَسوع وقالو: "ما راناش عارفين." ويَسوع قاللهُم: "أنا تاني ما نْقولَلكُمْش بواش من الحُكمة نْدير هاد الشي."

#### 12

### مْتَل فَلاّحين الدالية

ا وبْدا يَسوع يَهدَر معاهُم بالمْتال: "واحَد الراجَل غُرَس دالية ودَوَّر عليها الزَرب وحْفَر مَعصرة وبْنا بُرج وَكُراها لَفَلاّحين وسافَر، 2 وكي وْصَل وَقت الغَلّة، بْعَت للفَلاّحين خَدّام باش يَدّي غَلّة الدالية، 3 شُدّوه الفَلاّحين، ضَربوه و بَعتوه يَدّيه فارغين. 4 وزاد مول الدالية بْعَتَّهُم خَدّام واحَداّنُحر، ضَربوه للراس وسَبّوه، 5 وزاد بْعَت واحَداّنُح وقَتلوه، وواحَدُخرين بَرَّاف، كَايَن اللي ضَربوهُم وكايَن اللي قَتلوهُم. 6 وكان عَندو تاني وْلَد عْزيز عليه بَرَّاف، بَعتهولهُم هُو الأخراني، وقال: "وْليدي يْقادروه"، 7 بَصَّح هَدوك الخَدّامين قالو بيناتهُم: "هَدا هُو اللي يَورَت، هَيّاو نَقْتلوه والوَرث يُكون لينا." 8 شَدّوه، قَتلوه ورْماوَه خارَج الدالية. 9 واش يْدير هيّالا مول الدالية؟ يْجِي، يَقتل الفَلاّحين ويَعطي الدالية لواحَدُخرين." 10 قاللَهُم يَسوع: "ما قْريتوش هاد المكتوب: "الحَبرة اللي ما قَبلوهاش البَنّايين وَلاّت حَجرة الوْصَل"، 11 هاد الشي جا من الرَب وهاد الشي غُب عَندنا." 12 فَهمو باللي قال المُتَل عليهُم وحَوّسو يُحَمّوه بَصَّح خافو من الغاشي، وخَلاّوه وراحو.

### الغْرامة لقَيصَر

أن بَعتولو شي فَرِيسِيّين وهيرودوسِيّين باش يْطَيّحوه بكلمة، 14 وكي راحو قالولو: "شيخ، رانا عارفين باللي أنت حَقّاني وما تْديرش الوْجوه، وتَعَلَّم طْريق الله بالحق. يْجوز باش تَتَمد الغْرامة لقيصَر وَلاّ لالا؟ ثْمَدّو وَلاّ ما ثُمْدّوش؟"
 عُرّف يَسوع التّنوفيق مْتاعهُم وقالَلهُم: "وَعلاش راكُم ثُجَرّبو فِيّ، أُعطيوني دينار نْشوفو." 16 جابوهولو وقاللهُم:

"مْتاع من هاد التَصويرة وهاد الكُتيبة؟" قالولو: "مْتاع قَيصر"، <sup>17 هِ</sup>مَّالا قالَلهُم يَسوع: "أعطيو لقَيصَر حاجة قَيصَر، ولله حاجة الله." وسْتَعجبو فيه.

### آمَر القِيامة

18 وجاو ليه الصَدّوقِيّين اللي يُقولو باللي ما كانش القيامة وسَقساوَه وقالو: 19 "شيخ، موسى كَتبَّنا هاد الشي: "لو كان يُموت خو كاش واحَد، ويُخلِّي مَرتو وما يُخلِّيش الدْراري، لازَم خوه يَتزَوَّج بَمرتو باش يْدير الدَرِيّة لخوه." 20 كانو كاينين سَبعة خاوة، الأوَّل تُزوَّج ومات وما خَلاَش دْراري، 21 تُزوَّج التاني بَمرت الأوَّل ومات وما خَلاَش دْراري، 12 تُزوَّج التاني بَمرت الأوَّل ومات كيف كيف. 22 وفي سَبعة تُزوِّجو بيها وما خَلاَوش الدَرِيّة، ومع الأخر فيهُم كامَل ماتَت هِي تاني. 23 فالقيامة، مَرت من فيهُم رايحة تُكون؟ خاطر في سَبعة تُزوَّجو بيها." 24 جاوَبهُم يَسوع: "ما تَقرفو لا الكُتوب، لا قُدرة الله، على هَدا اللي رائم غالطين. 25 خاطر كي يُقومو الموتى، لا الرجال يَتزوَّجو ولا النسا يَتَزوِّجو بيهُم، بَصَّح يُكونو كي المَلايكة فالسماوات. 26 على آمَر الموتى وقيامَتُهم، ما قُريتوش في تُكاب موسى، كيفاش قاللو الله فالعَلاَيْڤ: "أنا إِله إِبراهيم وإِله إِسحاق وإِلهَ يَعقوب"، 27 الله ماشي إِله الموتى، الله إِلهَ الحيّين، رائم غالطين بزَّاف."

### الفَرض الكْبير

28 أَدَّنَّا وَاحَدُ مَن الكُمَّابِ شُمَعُهُم يَهَدرو، وشاف باللي يَسوع جاوَبَهُم مْليح، وسَقساه: "أَما هُوَ الفَرض الكُبير فالفُرايض كامَل؟" 29 جاوَب يَسوع باللي الكُبير هُوَ: "أَسَعَ، إِسرائيل، الرَب إِلهَنا رَب واحَد، 30 وتَّحَب الرَب إِلهَك من كُل قَلْبَك، ومن كُل نَفسك، ومن كُل تَغامَك ومن كُل قَرْبَك"، 31 وهَدا التاني: "شُب قُريبَك كيما نَفسك." ما كانش فَرض عُبير على هاد الزوج." 32 قاللو الكاتب: "مْليح شيخ، قُلت بالحق باللي الله واحَد وما كانش إِله غيرو، 33 ويَتَحَب من كُل القلب، وكُل العُقَل، وكُل القُوّة، وهُبّة القريب كيما نفسك خير بزّاف من كامَل الحَروقات والدْبابَخ." 44 شاف يَسوع العْقَل في وْجاب الكاتب وقاللو: "ما راكش بْعيد على مَلكوت الله"، وواحَد ما زاد قُدُر يُسقسيه.

### المُسيح وداوَد

35 نْطَق يَسوع وقال وهُوَ يْدَرَّس فالمَعبَد: "كيفاش يْقولو الكُمَّاب باللي المَسيح وْليد داوَد؟ 36 داوَد بالدات قال بالروح القُدّوس: "قال الرَب لرَبِّي، أَقعَد على يْميني حَتَّى نُحُط عَديانَك تَحت رَجليك." 37 داوَد بالدات يْقوللو رَبِّي، كيفاش يْكون وْليدو؟" والغاشي كان كاتَر وكانو يْحَبَّو كي يَسَّمعولو.

<sup>38</sup> وفالتَعليم مْتاعو قال: "رَدَّو بالكُم من الكُتَّابِ اللي يُحَبَّو يَمشيو بثْنادَر طُوال، ويْسَلَمو عليهُم فالأَسْواق، <sup>39</sup> ويُحبَّو الكُراسا الأَوَّلين فالجُامَع ويَقَّعدو مع اللأَوَّلين فالوَّيمات، <sup>40</sup> اللي ياكلو دْيار الهَجَّالات ويْطَوّلو فالصْلاة باش يْبانو. هَدو يْنَالو عقاب كُبير."

### صَدَقة الهَجَّالة

<sup>41</sup> وقْعَد يَسُوعُ قُدَّام الخَزنة، وبْدا يْمَيَّز كيفاش كان الغاشي يْحَط الدْراهَم فيها. كايَن بَرَّاف من المْرَفَهين اللي حَطّو بَرَّاف، <sup>42</sup> وجات واحَد الهَجّالة قُلّيلة، حَطَّت زوج دْريهمات قيس زوج دورو. <sup>43</sup> عَيَّط يَسوع للتابعين مْتاعو وقالَلهُم: "نْقُولَلَكُمُ الصَحِ، هاد الهَجَّالة القُلَيلة حَطَّت كْتَر منهُم كامَل اللي حَطَّو فالخَزنة، <sup>44</sup> خاطَر هوْمَ كَامَلَ حَطّو من الشْياطة مْتاعهُم بَصَّح هِيَ حَطَّت كامَل واش عَندها، حَطَّت كامَل قوتها."

#### 13

مارات آخَر الزْمان

1 وكي كان يُسوع خارَج من المُعبَد، قاللو واحَد من التابعين مْتاعو: "شيخ، شوف واش من الحَجْر، واش من البَنيان"! 2 قاللو يَسوع: "راك تْشوف هاد البَنيان الكْبير؟ ما تَقَعَد حَتّى حَجرة فوق حَجرة، كُل شي يَهَد." 3 قُعَد يَسوع على جْبَل الزيتون مْقابَل المَعبَد، سَقساوَه على جيه بُطرُس ويَعقوب ويوحَنّا وأَندراوَس: 4 "قوللنا، وَقتاش يُكون هاد الشي وواشَن هِيَ المارة باللي هاد الشي رايَح يخلاص؟" 5 وبْدا يَسوع يْقوَلَلهُم: "رَدّو بالكُم يْعود يْغَلَّطكُم كاش واحَد، 6 بَرَّاف اللي يْجيو بآسمي يْقولو: "أَنا هُوَ" ويْغَلَّطو ناس بَرَّاف. 7 كي تَشَّمعو بحْروب وبخْبار مْتاع حْروب، ما ثْخافوش، لازَم يَصرا هاد الشي، بَصَّح الآخرة مازال. 8 خاطَر تْنوض أُمَّة ضَد أُمَّة، ومُملَكة ضَد مُملكة، يُكونو زْنازَل في مْضارَب بَزّاف ومجَاعات. هاد الشي هُوَ البَدية مْتاع وْجاع الوْلادة. ° رَدّو بالكُم على روحكُم، يُسلّموكُم للمُجالَس الدينِيّين وللمُجامَع ويْهينوُكُم، تَوَّقفو قُدّام حُكّام وسْلاطَن على جالي باش تَشَّهدولهُم. 10 ولازَم قُبْل يَتبَرَّح بالإنجيل لكامَل الأُمَّات. 11 وكي يَدّيوكُم يُسْلّمُوكُم، ما تَتَحيّروش من قْبَل على واش رايحين تْقولو، بَصّح اللي يتَّعطالكُم في هَديك الساعة قولوه، خاطَر ماشي أنتومَ اللي تُكونو تَهَّدرو، الروح القُدّوس هُوَ اللي يُكون يَهدَر. <sup>12</sup> الخو يْسَلَمَّ خوه للموت، والباباة وْليدو. يْنوضو دْراري ضَد مْواليهُم ويَقُتلوهُم، 13 تْكونو مَكروهين من الكُل على جال آسمي. اللي يَتبَت حَتّى للأخَّر، هَداك يَسلَك. 14 كي تُشوفو نْجاسة الوَخدة تْكون وين ما لازَمش، - اللي يَقرا لازَم يَفهَم -همَّالا مْتاع اليهوديَّة، غير يَهَّربو للجْبال، 15 اللي يُكون فالسْطَح، غير ما يَهبَطش وما يَدخُلش يَدّي كاش حاجة من دارو، <sup>16</sup> واللي يْكون فالحوش، غير ما يُولّيش للور باش يَدّي حُوايجو. <sup>17</sup> يا ويلهُم اللي يْكونو بالجوف واللي يُرضّعو في هَدوك الياْمات. 18 صَلّيو باش ما يُكونش هاد الشي فالشّتا، 19 خاطَر هَدوكُ الياْمات، تُكون شَدّة كْبيرة ما صْراتش بحالها من اللي بْدات الدَنيا اللي خْلَقها الله حَتّى لدُرك وماراهيش رايحة تَصرا. 20 ولو كان الرَب ما قَصَّرس اليامات، لو كان في هَديك الحالة دات ما تَسلَك، بَصَّح على جال المُختارين اللي خَيَّرُهُم، قَصَّر اليامات. 21 وداك الوَقت، وَلاّ كاش واحَد قاللَّكُم: "شوف، المُسيح راه هْنا، وَلاّ راه لْهيك"، ما تامنوش، <sup>22</sup> خاطَر رايحين يْنوضو بَرَّاف اللي يَدُّعاو باللي هومَ المَسيح، وأُنبيا كَدَّابين، ويُمدَّو مارات وعْجايَب باش يُغرَّو لو كان يَقَدرو حَتّى المُختارين. 23 أنتومَ، رَدُّو بالكُم، راني سْبَقت قُلْتَلكُم كُل شي.

<sup>24</sup> بَصَّح في هَدوك اليامات، بَعد هَديك الشَدّة، الشَمس تَضلام والقُمر ما يُزيدش يْضَوِّي، <sup>25</sup> والنْجوم يْطيحو من السْما وقُدرات السْما يَرْعزعو، <sup>26</sup> وداك الساع يْشوفو بْن الإِنسان جاي فالسْحابات بقُدرة كبيرة ومجد. <sup>27</sup> وداك الوقت يَبعَت المَلايكة، ويْلَم المُختارين مْتاعو من الرَبع رْياح ومن طَرف الأرض حَتَّى لطَرف السْما، <sup>28</sup> خودو المُتل من الكَرمة: كي يَرطاب الغْصَن مْتاعها وتُورَّق، تَعرفو باللي الصيف قُريب، <sup>29</sup> هَكدا أنتومَ تاني، كي تُشوفو هاد الشي يُصرا، تَعرفو باللي بْن الإِنسان راه قْريب، على البيبان، <sup>30</sup> نْقولَدَكُمُ الصَح، هاد الجيل ما يُكونش جاز حَتّى يَصرا هاد الشي كامَل. <sup>31</sup> السُّما والأرض يْزولو، بَصَّح كُلامي ما يْزولش.

كونو فاطنين

<sup>32</sup> آمَر هَداك اليوم والساعة، واحَد ما يَعرَف، لا المَلايكة فالسَّما، لا الإِبن، غير الآب اللي يَعرَف. <sup>33</sup> رَدّو بالكُم، كونو فاطنين، خاطَر ما تَعرفش وَقتاش يَوصَل هَداك الوقت. <sup>34</sup> كيما بْنادَم اللي يْسافَى، يْخَلِّي دارو ويَعطي كلافة للخَدّامين مْتاعو، كُل واحَد خَدَّمتو، ويْوصِّي العَسّاس مْتاع الباب باش يْرَد بالو. <sup>35</sup> همّالا كونو فاطنين، خاطَر ما تَعرفوش وَقتاش يْجِي مول الدار، فالعشِيّة وَلاّ في نَص الليل وَلاّ كي يْعوعَش السَردوك وَلاّ الصْباح، <sup>36</sup> يْعود يْجِي على غَفلة ويَلقاكم راقدين. <sup>37</sup> الشي اللي نْقولهولكم، نْقولو للكُل، كونو فاطنين."

#### 14

### الخذيعة

أ عيد الفَصح وعيد الفْطير كانو رايحين يْجيو بَعد يومين، وكانو رِيّاس رْجال الدين والكُمّاب يْحَوّسو كيفاش
 يَحَكّمو يَسوع بالحيلة ويَقْتلوه، ² خاطر قالو: "ماشي فالعيد، يْعود يَصرا الهول فالشَعب."

#### الريحة

<sup>3</sup> وكي كان يَسوع في بيت عَنيا قاعَد على الميدة في دار سَمعان البَّرَص، جات مْرا عَندها فَرعة مْتاع المَرَم فيها ريحة حُرَّة وغالية بَرَّاف، كَسَّرتها وفَرَّغَت الريحة على راس يَسوع. <sup>4</sup> جْماعة من اللي كانو تَمَّة ما غَجْبُهمش الحال وقالو في قُلوبهُم: "وَعلاش هاد الخُسارة؟ <sup>5</sup> هاد الريحة كانَت قادرة تَتباع كُتَر من تَلت مْية دينار يَمَدَّو للفُلالين." ولامو على المُرا. <sup>6</sup> بَصَّح يَسوع قال: "خَلِيوها، وَعلاش راكم تُغَبِّنو فيها؟ دارتلي حاجة مْليحة. <sup>7</sup> خاطر عَندكم الفُلالين دايمًا معاكم، وتَقَدرو تُديرولهُم الخير وَقت ما حَبيّتو، بَصَّح أنا ما نَبقاش دايمًا معاكم. <sup>8</sup> دارَت اللي قَدرَت عليه، سَبقَت دَهنَت داتي لدْفينتي. <sup>9</sup> نُقولَلكُم الصَح، وين يَتبَّح بالإِنجيل في كامَل الدَنيا، يَتَّكَمَا تاني واش دارَت هاد المُرا تفكيرة ليها."

### خْيانة يُهودا

أن يَهودا الإسخريوطي واحد من التابعين الطناش، راح لريّاس رْجال الدين باش يْسَلَمْلُهُم يَسوع. 11 هومَ كي سَمعو، فَرحو ووَعدوه يَعطيولو الدراهَم، وكان يْحوَّس وَقت مْوالَم باش يْسْلَمُو.

### عْشا الفَصح مع التابعين

12 واليوم الأوَّل مْتاع عيد الفْطير كي كانو يَدَّبحو في خْروف الفَصح، قالولو التابعين مْتاعو: "وين حَبِّيتنا نْروحو وَوَحَدُونَكَ باش تاكُل الفَصح؟" أنَّ بُعَت زوج من التابعين مْتاعو وقاللَهُم: "روحو للمُدينة، تَكلاقاو بواحَد رافَد قُلَة مْتَاع الما، تَبْعوه، 14 ووين يَدخُل، قولو لمول الدار: "الشيخ راه يُقول: وين راهي البيت اللي ناكُل فيها الفَصح مع التابعين مْتاعي؟ 15 وهُو يُورِّيلكُم بيت فوقانيّة كُبيرة مْفَرِّشة وواجدة، ثَمَّة وَجَّدولنا الفَصح." 16 خَرجو التابعين وراحو للمُدينة ولقاو كُل شي كيما قاللَهُم يَسوع، ووجَدو الفَصح.

17 كي جات العُشيّة، جا يَسوع مع التابعين الطُناش، <sup>18</sup> وكي كانو قاعدين ياكلو على الميدة، قال يَسوع: "نْقُولَلُكُمُ الصَح، واحَد فيكُم اللي راهو ياكُل معايَ، رايج يْسَلَمْني." <sup>19</sup> بداو يَتغَبّنو ويْقُولُولُو واحَد واحَد: "أَنا؟" <sup>20</sup> قالَلَهُم يَسوع: "واحَد من الطْناش، اللي يْغَمَّس معايَ فالطَبسي، <sup>21</sup> بْن الإِنسان رايَح يْروح على حْساب ماهو مَكتوب عليه، بَصَّح يا ويلو اللي يْسَلَّم بْن الإِنسان، خير لو هَداك البْنادَم لوكان ما نْزادش."

### عْشا الرَب

22 وكي كانو ياكلو، خْدا يَسوع الخُبز، بارَك، قْسَم وعْطالهُم وقال: "خودو، هَدي داتي"، <sup>23</sup> وخْدا الكاس، حْدَ، عْطالهُم وشَربو مَنّو كامَل، <sup>24</sup> وقالَلهُم: "هَدا دَمّي، دَم العَهَد اللي يْسيل على جال ناس بَرّاف، <sup>25</sup> نْقُولَلكُم الصَح، ما نْزيدش نَشرُب من غُلّة الدالية حَتّى لهَداك اليوم كي نَشَّربو جْديد في مَلَكوت الله." <sup>26</sup> وبَعد ما غَنّاو التَرانِع، خَرجو لجبْل الزيتون.

## يَسُوع يْخْبَرُّ باللي بُطرُس راَح يَنُّكُرو

<sup>27</sup> وقالَلهُم يَسوع: "كامَل رايحين تَعَّترو خاطَر مَكتوب: "نَضرَب الراعي والخَرفان يَتزَربعو"، <sup>28</sup> بَصَّح بَعد ما نْقوم، نَسبَقَكُم للجُليل." <sup>29</sup> بَصَّح قاللو بُطرُس: "حَتَّى لو كان كامَل يَعَّترو، أَنا لالا." <sup>30</sup> قاللو يَسوع: "نْقوللَك الصَح، اليوم في هاد الليلة، قْبَل ما يْعوعَش السَردوك زوج مَرّات، أَنتَ تَنكُرُني تَلت مَرّات." <sup>31</sup> بَصَّح بُطرُس زاد وَكَّد كُتر: "لو كان يَلزَملي ثموت معاك، عَمري ما نَنكرَك." وكامَل قالو كيف كيف.

### في جُتسيماني

32 وراحو لواحَد المُكان واسمو جَتسيماني، وقال يَسوع للتابعين مْتاعو: "أُقَّعدو هْنا بيدما نْصَلِّي."

33 وأَدّا معاه بُطرُس ويَعقوب ويوحَنّا وبْدا يُحَس بالخوف وبالقْلَق، 34 وقالَلهُم: "نَفسي راهي حْزينة حَتّى للموت، أَقَّعدو هنا وأسَّهرو." 35 وزاد أَدَّنَا شْوِيّة، وطاح على الأرض وبْدا يْصَلّي باش وَلا يَمكن تَبَعَد عليه هاد الساعة، 36 وقال: "يا آبا الآب، كُل شي مَقدور عَندُك، بَعَد عليَّ هاد الكاس، بَصَّح يُكون ماشي واش غُب أَنّا، واش ثُحَب أنتَ"، 37 وجا لْقاهُم راقدين وقال لبُطرُس: "سَمعان، راك راقد؟ ما قُدرتش تَسهر ساعة معاي؟ أنا، واش ثُحَب أنتَ"، 37 وجا لْقاهُم راقدين وقال لبُطرُس: "سَمعان، واك راقد؟ ما عُدرتش بَهر ساعة معاي؟ كيما صَلاّ المَرة الأولى، 40 وزاد جا ولْقاهم راقدين، خاطر كانو عينيهُم تُقال بالنْعاس وما عَرفوش واش يُعاوبوه، كلام واحد المرة اللهُمَ التَّالَة وقاللهُم: "أَرُّقدو دُرك ورِيّحو. خُلاص، وَصَلَت الساعة، بْن الإِنسان راه ثُسَلَّم ليكيّن الخاطيين، 42 نوخو نُوحو، هاو قَرَّب اللي يُسَلَّني."

## يَسُوع يَقَبَّضو عليه

- 43 وتَم تَم وهُوَ مازالو يَهدَر، جا يَهودا، واحَد من التابعين الطْناش ومعاه غاشي بالسْيوفة والمْطارَق مَبعوتين من ريّاس رْجال الدين والكُتّاب والشّيوخ. <sup>44</sup> اللي سَلّمو كان عْطالهُم مارة تْفاهمو عليها وقاللهُم: "اللي نْبوسو، هَداك هُو، أَحَّكموه وأدّيوَه بالعَسّة." <sup>45</sup> وغير جا، أدَّنا ليَسوع وقال: "سيدي"، وباسو. <sup>46</sup> شَدّوه وحكموه، <sup>47</sup> وواحَد من اللي كانو حاضرين، جُبد السيف وضْرَب خَدّام رايَس رْجال الدين ونُحّالو وَدنو.
- 48 نْطَق يَسوع وقالَلهُم: "خْرَجتو تَحَكَّموني بالسْيوفة والمُطارَق كي السَرّاق، <sup>49</sup> كُنت كُل يوم معاكمُ فالمَعبَد نْدَرَّس، وما حْكَمتونيش. بَصَّح هاد الشي باش يَتحقَّق الشي اللي فالكْتوب." <sup>50</sup> وكامَل التابعين خَلاَّوه وهَربو،

51 وكان واحَد الراجَل يْتَبَّع فيه، عَريان لابَس غير قُماش رْقيق وحَكموه، <sup>52</sup> طْلَق هَداك الراجَل القْماش الرْقيق وهْرَب عَريان.

### عَند جْماعة الْيهود

53 أدّاو يَسوع عَند رايَس رْجال الدين، وتُلبّو كامَل رِيّاس رْجال الدين والشّيوخ والكُتّاب. 54 وبُطرُس كان تَع من الْبعيد حَتّى للداخَل في وَسط الدار مْتاع رايَس رْجال الدين، وقْعَد مع الخدّامين يَتْدَفّا قُدّام النار. 55 رِيّاس رْجال الدين وكامَل المجلَس الديني كانو يُحَوّسو على شُهادة زور على يَسوع باش يَقْتلوه وما لْقاوش، 56 خاطر برّاف اللي شَهدو بالزور عليه بَصَّح الشّهادات مْتاعهُم ما كانوش كيف كيف. 57 وكاين اللي ناضو وجابو عليه شْهادات مْتاعهُم ما كانوش كيف كيف. 50 وكاين اللي ناضو وجابو عليه شْهادات مُتاعهُم ما كانوش كيف كيف. 50 وكاين اللي ناضو وجابو عليه شُهادات ماشي مخدوم بيدّين الناس."" 59 وحَتّى في هدا، شهاداتهُم ما كانوش كيف كيف. 60 ناض رايَس رْجال الدين فالوسط، سقسا يَسوع وقال: "ما تُجاوَب والو هدو اللي راهُم يَشَّهدو عْليك؟" 61 هُوَ سْكَت وما جاوب والو. زاد رايَس رْجال الدين سَقساه وقاللو: "أنت هُو المُسيح بْن الله المْبارك؟" 62 داك الساع قاللو يَسوع: "أنا هُو، ورايحين شوفو بْن الإنسان قاعَد على يُمين القُدرة وجاي مع شعابات السّما." 63 بَصَّح رايَس رْجال الدين قَطَّع حُوايجو وقال: "واش مازَلنا نُسَّحقو شُهود؟ 64 راثم شُعتو الكُفر، واش رايكم؟" كامَل حكمو عليه باللي يَستاهل الموت. 65 وبْداو شوية مَنْهُ مَنْهُ عَليه باللي يَستاهل الموت. 65 وبْداو شُوية مَنْهُ مَنْهُ عَليه باللي يَستاهل الموت. 65 وبْداو شُوية مَنْهُ مَنْهُ عَليه باللي يَستاهل الموت. 65 وبْداو

## بُطرُس يَنكُرُ يَسُوع

66 كي كان بُطرُس التَحت في وَسط الدار، جات واحدة من الخدّامات مْتاع رايَس رْجال الدين، 67 وكي شافَت بُطرُس يَتدفّا، خَرَرَت فيه وقالَت: "أنتَ تاني كُنت مع الناصري يَسوع"، 68 هُو نَكُر وقال: "ما نَعْرفوش وما رانيش فاهَم واش راكي تُقولي"، وخْرَج لبرّا فالساحة وعوعش السَردوك. 69 وكي زادَت شافتو الخديمة، بْدات تُقول للي كانو حاضرين باللي هَدا مَنهُم. 70 زاد هُو نُكَر وشُويّة من بَعد زادو اللي كانو تُمّة قالولو: "صح أنتَ مَنهُم خاطَر أنتَ تاني جَليلي." 71 بْدا هُو يَعَل ويَعلَف: "ما نَعرَفش هاد الراجَل اللي راكُم تَهَدرو عليه." 72 تَم تُم، عوعش السَردوك المَرّة التانية. تُفكّر بُطرُس كُلام يَسوع كي قاللو باللي قُبَل ما يْعوعَش السَردوك زوج مَرّات، أنتَ تنكُن تِلَت مَرّات. ودار وبُكا.

15

#### عُند بيلاطُس

ا غير طْلَع النّهار، تُشاورو رِيّاس رْجال الدين مع الشّيوخ والكُتّاب وكامَل الجَحَلَس الديني ورَبطو يَسوع وأدّاوَه وسَلّموه لبيلاطَس.

2 وسَقساه بيلاطَس: "أنتَ هُوَ سَلطان الْيهود؟" جاوبو وقاللو: "أنتَ قُلت"، 3 ورِيّاس رْجال الدين تَهموه بَرَّاف. 4 زاد بيلاطَس سَقساه وقال: "ما ثَجاوب والو؟ شوف كامَل واش راهُم يَّتَهمو فيك؟" 5 يَسوع ما زاد جاوَب والوحَتّى بيلاطَس نَدهَش. 6 في كُل عيد، كان بيلاطَس يَطلَق للشَعب الحُابسي اللي يَطَّلبوه، 7 وكان كايَن فالحَبس واحَد واسمو باراباس مع صْحابو، على جال قُتيلة في واحَد الهول، 8 وطْلَع الغاشي لبيلاطَس وبْدا يَطلَب باش يْديرهُم كيما مْوالَف. <sup>9</sup> جاوَبهُم بيلاطَس وقالَلهُم: "غُجَّو نَطلَقَّلَكُم سَلطان الْيهود؟" <sup>10</sup> خاطَر كان عارَف باللي رِيّاس رْجال الدين حَرَّشو الغاشي باش يَطلَقَّلهُم باراباس خير، <sup>12</sup> وزاد جاوَبهُم بيلاطَس وقالَلهُم: "واش حَبيّتو نْدير للي تُسمّيوه سَلطان الْيهود؟" <sup>13</sup> هومَ زادو عَيطو: "أَصَّلبو"، <sup>14</sup> قاللهُم بيلاطَس: "واش من الشَر دارو؟" هومَ زادو عَيطو: "أَصَّلبو." <sup>15</sup> حَب بيلاطَس يْرَضّي الغاشي وطْللَقَّلهُم باراباس وسَلَّم يَسوع بَعد ما جَلدوه باش يَتَصلَب.

### العُسكَر يَستَهزاو

16 العَسكر أدّاوَه لداخَل وَسط الدار اللي هِيَ دار الحُكومة وعَيقلو لكامَل العَسكر، 17 ولبّسولو لَبسة لونها حْمر حامَق وضَفرو تاج مْتاع الشوك وداروهولو، 18 وبْداو يْسلّبو عليه: "سَلام يا سَلطان الْيهود"، 19 وكانو يَضَّربوه في راسو بقصبة ويَبْزقو فيه ويَرَّكعو على رْكايَبُهُم قُدّامو، <sup>20</sup> وبَعدما ثَمَسخرو بيه، نَخَاولو اللّبسة اللي لونها حْمر حامَق وعاودو لبّسولو حْوايجو وأدّاوَه بَرّا باش يَصَّلبوه، <sup>21</sup> وسَيقو على واحَد كان جاي من الحوش واسمو سَمعان القيرواني وباباة سُكندر وروفَس باش يَرفَد صْليب يَسوع.

### الصْليب

<sup>22</sup> وأدّاوَه لمَدرَب واسمو جُلجَتة يَعني مْكان الجُمجمة، <sup>23</sup> وعْطاولو شْراب غْنَلَط بالْمرار وهُوَ ما خْداهش. <sup>24</sup> صَلبوه وتْقاسمو حْوايجو بالقُرعة باش يْشوفو كُل واحَد واش يَدّي. <sup>25</sup> كانت التّسعة مْتاع الصْباح كي صَلبوه، <sup>26</sup> وكانت السّبة اللي أتَّصلَب عليها مكتوبة: "سَلطان اليْهود"، <sup>27</sup> وصَلبو معاه زوج سَرّاقين، واحَد على اليْبنى مْتاعو والآخُر على اليُسرى، <sup>29</sup> واللي كانو جايزين كانو يْسبّو فيه وهوم يْهَزّو في ريسانهُم ويْقولو: "يا اللي تْهَد بيت المَقدَس وتَبنيه في اليُسرى، <sup>92</sup> واللي كانو جايزين كانو يْسبّو فيه وهوم يْهَزّو في ريسانهُم ويْقولو: "يا اللي تْهَد بيت المَقدَس وتَبنيه في تَتَل أيّام، <sup>30</sup> سَلَّك روحَك وأهبَط من الصْليب." <sup>31</sup> ريّاس رُجال الدين تاني مع الكُتّاب كانو يَتَسخرو بيه ويقولو لبعضهُم بَعض: "سَلَّك واحَدُخرين وما قْدَرش يْسَلَّك روحو، <sup>32</sup> المَسيح سَلطان إسرائيل! يَهبَط دُرك من الصْليب باش نْشوفو ونامنو." واللي نْصَلبو معاه تاني سَبّوه.

#### الموت

- 33 كي جات الطْناش مْتاع النْهار، طاح الضْلام على كامَل الأرض حَتَّى للتْلاتة مْتاع الْعْشِيَّة. <sup>34</sup> وعلى التْلاتة مْتاع الطْشِيَّة، عَيَّط يَسوع بالزور: "إيلي إيلي، لَما شَبَقتني؟" يَعني: "إِلَهي، إِلَهي، وَعلاش خَلِيتني؟" <sup>35</sup> جْماعة من اللي كانو حاضرين سَمعوه وقالو: "راهو يْعيَّط لإيلِيّا." <sup>36</sup> جا واحد يَجري، عَمَّر سْفَنجة بالخَل ولوّاها على قَصبة وعْطا ليسوع يَشرُب وقال: "خَلَيو، نْشوفو وَلاّ يْجِي إيلِيًّا يَهَبّطو."
- 37 بَصَّح يَسُوع عَيَّطَ عَيطة كُبيرة وسَلَّم الروح، <sup>38</sup> وتُقطَّع حُجاب بيت المَقدَس على زوج من الفوق حَتَّى للتَحت. <sup>39</sup> كي شافو قايَد المُية اللي كان مُقابلو سَلَّم الروح هَكدا قال: "هاد الراجَل كان صَح بْن الله." <sup>40</sup> وكانو تاني نْسا يْشوفو من البْعيد، ومنهُم مَريَم الجَدَليَّة ومَريَم بَمَّاة يَعقوب الصْغير ويوسي وسالومة، <sup>11</sup> اللي كانو يُتَبَّعو فيه ويُخَدموه كي كان فالجنْيل، وواحَدُخرين بَزَّاف طَلعو معاه لأورشَليم.

42 وغير جات العْشيّة، وكان التَوجاد ليلة السَبت، 43 جا يوسَف، واحَد من الرامة، مُستَشار طالَع، وكان يَستَنّا مَلَكُوت الله، قُدَر يَدخُل عَند بيلاطَس يَطلَب مَنّو دات يَسوع، 44 نْدهَش بيلاطَس اللي بالخَف مات يَسوع وعَيَّط لقايَد المُية وسَقساه وَلاَ عَندو بَرَّاف من اللي مات. <sup>45</sup> كي أدّا الخُبْر من قايد المُية، عُطا الدات ليوسَف. <sup>46</sup> شرا يوسَف كُفَن وهَبَّط دات يَسوع، كَفّنو وحَطّو في قُبَر مَحفور فالحُجْر، وكَرَكَر حَجرة باش يْسَد باب القُبَر. <sup>47</sup> مَريَم المُجَلِيّة ومَريَم يَمّا يوسى كانو يْشوفو وين نُحَط.

16

#### القيامة

1 كي جاز السَبت، مَريَم الجَدليّة ومَريَم يَمّاة يَعقوب وسالومة شْراو زْيوت مْعَظّرين باش يْروحو يَدَّهنو دات يَسوع، <sup>2</sup> واليوم الأوَّل فالجَمعة، الصْباح بَكري، مع طُلوع الشَمس، جاو للقْبَر، <sup>3</sup> وكانو يُقولو لبَعضهُم بَعض: "شْكون يُكرَكَّانا الحَجرة من باب القُبر؟" 4 طَلّعو عينيهُم وشافو الحَجرة مْكركرة والو كانت تُعبَّعوش، رائم ثُمَّوَسو على يَسوع الناصري راجَل قاعَد على اليْني ولابَس لَبسة بيضة وغُنَلعو، 6 قاللَهُم المُلاك: "ما تَخَلَعوش، رائم ثُمَّوَسو على يَسوع الناصري المَصلوب. قام، ما راهوش هنا. هاو المُكان وين كان مَحطوط. 7 بَصَّح روحو قولو للتابعين مُتاعو ولبُطرُس باللي راجَع يَسبَعَكُم لِجْليل وتَمَّة نشوفوه كيما قاللَكُم." 8 خَرجو وهربو من القُبَر خاطَر كانو بالرَجفة والخُلعة، وما قالو حَتّى حاجة لحَتّى واحد خاطر كانو خايفين.

## يَسُوع يَضَهُر لَمُريَمُ الْجَدَليَّة

<sup>9</sup> قام يَسوع الصْباح بَكري اليوم الأوَّل مْتاع الجَمعة، سْبق ضْهَر لمَريَم الجَدَليَّة، اللي كان خَرَّج منها سَبع شْياطَن. 10 راحت هِيَ وخَبَرَت اللي كانو معاه وكانو حْزانا ويَبكيو، 11 وهوم كي سَمعو باللي يَسوع راهو حَي وباللي شافتو ما آمنوش.

## يُسوع يُضهَر لزوج تابعين

12 بَعد هَدا، زاد ضْهَر في صفة واحدُخرى لزوج مَنهُم كانو يَمشيو رايحين للبلاد. 13 راحو هاد الزوج أدّاو البشارة للأخرين وتاني ما آمنوهُمش.

## يَسُوع يَضهَر للتابعين

14 مع الأخّر، كي كانو التابعين في حداش على الميدة، ضْهرَّلهُم ولامهُم على اللي ما آمنوش وعلى قْساوة قْلوبهُم خاطر ما آمنوش اللي شافوه حَي، <sup>15</sup> وقاللهُم: "روحو للدّنيا كامل وبرَّحو بالإِنجيل لكامَل الخلق، <sup>16</sup> اللي يامَن ويَتعمَّد يَسلَك، بَصَّح اللي ما يامَنش يَتَّحَمَّ عليه. <sup>71</sup> وهاد المارات يْرافقو المومنين: بآسمي يُخَرَّجو الشياطن، يَهَدرو لنديمُم على المَرضى ويْبراو." لُغات جْدَد، <sup>81</sup> يُشَدّو الحَنوشة في يَدِّيهُم، وَلا شَربو حاجة تُقتل ما تُضَرَّهُمش، ويْديرو يَدْيهُم على المَرضى ويْبراو."

## الرَب يُسوع يُطلَع للسُّما

أبعد ما هْدَرَّهُم الرب يسوع، أتَّرفع فالسما، وقْعَد على يْمين الله. 20 وهوم راحو يْبشّرو في كُل مْكان، والرب كان يَخدَم معاهُم و يْنَبَّت كَلمتو بالمارات اللي يُوافقوها. آمين.

# إِنْجِيلُ لُوقَا

كاتَب واحَد واسمو لوقا كْتَب زوج كْتوب، إِنجيل لوقا وعْمال الرُسُل. كْتَب الإِنجيل لَمَسيحيّين آصَلهُم ماشي يُهود ويَهَّدرو اللُّغة اليونانيَّة. فَسَّرلهُم الكَلمات الواعرين وعْوايَد اليُهود اللي هومَ ما يَعَّرفوهُمش. هَكدا، اللي ماشي يُهود فالدَنيا كامَل وفي كُل زْمان يَقَدرو يَقْهمو باللي يَسوع هُوَ سَلاّ كُهُم.

لوقا يحكي بالتَدقيق على سُفَر يَسوع من الجُليل حَتَّى لأورشَليم وين كان رايَح يُموت . 9) -51 . (28 في هاد الحُكاية، يَجبَد حاجات ماشي مَدكورين فالأناجيل الأُخرين، فالمُتل، حُكاية السامري المُليح . 10) 29-37)، وْيَارة يَسوع لمَرتا ومَريَم . 10) 38-42)، حُكاية الولَد الضايع . 15) 11-32). وبيَّن الشي اللي شافو كُتَر في خَدمة وحْياة يَسوع: • الله بُعَت يَسوع المَسيح باش يُسلَّك كامَل اللي حابين يَقَبلوه، • يَسوع يُلتَها بَرَّاف بالناس المحقورين: الخلطي، الصُغير، الفَيلل، المُريض، الغريب. • حُكا حُكايات بَرَّاف على التَرفيه، فالمُتل في 12. 16-21، وفالفَصل الحاطي، التَرفيه لازَم يُكون لله. • تابعين يَسوع كانو معاه في طريقو، حابين حْياتُهُم تَتَبَدَّل وفاهمين باللي الله مُليح ويُحَب كامَل بُنِي آدَم.

من جيهة أخرى، لوقا يَدَكُر يَسوع بَرَّاف بصِفة الرَب. الإِنجيل مْتاعو يَخلاص في أورشَليم وين بْدا يَسوع وهُوَ مُعَمَّر بالروح القُدَّوس. هاد الروح اللي وْعَد بيه يَسوع التابعين مْتاعو قَبْل ما يَنْفرَق عليهُم ويَطلَع للسْما.

#### يا تاوفيلُس

على حْساب اللي كاين بَرّاف اللي دارو حْكاية على الحاجات اللي صْراو عَندنا، ² على حْساب واش قالولنا اللي كانو من البدية شاهدين ووَلا و خدّامين للكلمة، ³ بانلي مْليح أنا تاني، بَعدما تَبَّعت كُل شي بالتَدقيق من الأوَّل لو كان نكتبلك حْكاية مْرَتبة، يا العْزيز تاوفيلس، ⁴ باش تَعرَف الصَح فالشي اللي سْمَعت بيه.

### البشارة بزيادة يوحَنّا المَعمَدان

- <sup>5</sup> كان في زْمان هيرودَس سَلطان اليَهوديّة، مُقَدَّم واسمو زَكَريّا، من جْماعة أبيّا، مَرتو من بْنات هارون وواسمها أليصابات. 6 كانو في زوج صالحين قُدّام الله، ويثبّعو كيما لازَم كامَل الفرايض والأحكام مْتاع الرَب، 7 وما كانش عَندهُم الدْراري خاطَر أليصابات كانت عافرة وكانو في زوج تُجار فالعْمَر.
- 8 كي لَحقَت دالَة جماعتو فالمعبد، كان زُكريّا يَخدَم خَدَّمتو قُدّام الله، 9 وطاحَت فيه القُرعة على حساب عادة الكَهنوت باش يَدخُل لمعبد الله ويْبَخَّر. 10 كان كامَل الشَعب يْصَلّى برّا في وَقت البْخور.
- 11 شْهَرلو مْلاك الرَب واقَف على بْمِين مَدَجَ البْخور، 12 وكي شافو زَكَريّا نَخلَع وخاف. 13 قاللو المْلاك: "ما تُخافش يا زَكَريّا خاطَر الله سْتَجاب لصْلاتك، ومُرتك أليصابات رايحة تَولَدَلك وْلَد وتُسَمّيه يوحَنّا، 14 يُجيبلَك الفَرح والسَعد، وبَزّاف اللي يَفَرحو بزيادتو، 15 خاطَر يُكون كُبير قُدّام الرَب، ما يَشرَب لا شْراب لا حاجة نُسَكَّر، ويَعَمّر بالروح القُدّوس وهُو مازالو في كُش يَمّاه، 16 ويْرَجَّع بَزّاف من وْلاد إسرائيل للرَب إلهَهُم، 17 يَمشي قُدّام الرَب

بروح وقُدرة النّبي إلِيّا، باش يَرَجَّع قُلوب الوالدين لوْلادهُم والعاصيين لعْقَل الصالحين، باش يُهيّي للرَب شَعب واجَد."

ُ 18 قال زَكَرِيّا للمْلاك: "كيفاش نَعرَف باللي يَصرا هاد الشي؟ خاطَر أنا شيخ ومَرتي عُبيرة فالعُمَر"، 19 جاوَب المُلاك وقاللو: "أنا جَبرائيل الواقف قُدّام الله، جيت مَبعوت باش نُكلّمَك ونْجيبلك هاد الْبشايَر، 20 رايح تُثبَّكَم، وما تَقَدَرش تَهدَر حَتّى لليوم اللي يَصراو فيه هاد الحاجات خاطَر ما آمَنتش كُلامي اللي رايح يَتَحَقَّق في وَقتو."

21 والشَعب كان يَستَنا في زَكريّا، وحارو كي بْطا فالمَعبَد. 22 كي خْرَج، ما كانش قادر يَهدر مْعاهُم، وفَهمو باللي شاف رُؤيا فالمَقدَس، وهُو كان يْديرلهُم فالإشارات وبْقا مْبَكَّم.

23 وكي خْلاصو يامات خَدَّمتو وَلا لدارو. <sup>24</sup> بَعد هَدوك اليامات، رَفدَت أليصابات مَرتو الجوف وثْغنبّات نَمس شهور وقالَت: <sup>25 ا</sup>هكدا دارلي الرَب نْهار شاف لِيَّ باش يْغَى عاري ما بين الناس"

### البشارة بزيادة يَسوع

<sup>26</sup> وكي كانَت في شُهَرها السادَس، بْعَت الرَب الملاك جَبرائيل لواحَد المْدينة من الجُليل واسَمها الناصرة، <sup>27</sup> عَند واحَد العاتق عَنطوبة لراجَل من دار داوَد واسمو يوسَف. وآسَم العاتق مَريَم.

28 دْخُل ليها المْلاك وقال: "السّلام ليك يا اللي الرَب نْعَم عُليك، الرَب مْعاك." <sup>29</sup> تْفُرفشَت من كْلامو وبْقات تُخُمَّم واش يْكون المَعنى مْتاع هاد السّلام. <sup>30</sup> قالَلها المْلاك: "ما ثُخافيش يا مَريَم خاطَر راكي لْقيتي نَعمة عَند الرَب، <sup>31</sup> رايْحة تَرَّفدي الجوف وتَوَّلدي وْلَد وتُسَمَّيه يَسوع، <sup>32</sup> هاد الوْلَد يُكون كُبير ويْسَمَّيوَه بْن العالي، ويَعطيلو الرَب الإلَه عَرش داود باباه، <sup>33</sup> ويَملَك على دار يَعقوب للدُوام وما يْكونش للمَك مْتاعو حَد."

<sup>34</sup> قالَت مَريَم للمُلاك: "كيفاش يْصير هاد الشي وأنا ما تُدنّا لِيَّ حَتَّى راجَل؟" <sup>35</sup> جاوَب المُلاك وقاللها: "يْجي عليك الروح القُدّوس اللي يْزيد عَندَك يَتَسَمّا بْن الله، <sup>36</sup> وهاي عليك الروح القُدّوس اللي يْزيد عَندَك يَتَسَمّا بْن الله، <sup>36</sup> وهاي أليصابات اللي تُكونلَك هِيَ تاني راهي رَفدَت الجوف بوْلَد في كُبرُها، واللي نُسمّات عاڤرة راهي في شْهَرها السادَس، <sup>37</sup> خاطر حاجة ماهي مُحال عَند الله." <sup>38</sup> قالَت مَريَم: "هاني أنا خْديمة الرَب، واللي قُلتو هَداك هُو اللي يْصيرلي." وراح المُلاك من عَندها.

## مُريمُ تُزور أليصابات

<sup>39</sup> في هَدوك اليامات، ناضَت مَريَم وراحَت بالخَف للجُبال، لواحَد المُدينة في يَهودا، <sup>40</sup> ودَخلَت لدار زَكَريّا، وسَلَمَت على أليصابات. <sup>41</sup> كي سَمَعت أليصابات سُلام مَريَم، نَقَّز الصْغير في كَرْشها وتْعَمّرَت بالروح القُدّوس، <sup>42</sup> وعَيّطَت بالزور: "مْباركة أنتِ ما بين النْسا ومْبارك الصْغير اللي يْزيد من كَرْشَك، <sup>43</sup> كيفاش حَتَى نَلت باش تُجيني يَّاة رَيِّي؟ <sup>44</sup> كي جا صوت سُلامَك في وَدنِيَّ، نَقَّز الصْغير من الفَرحة في كَرْشي. <sup>45</sup> يا سَعدها اللي آمنَت خاطر رايح يَصرا كامَل واش تْقَاللها من عَند الرَب."

### تُسبيح مُريمُ

46 وقالَت مَريَم: <sup>47</sup> "نَفسي تُعَشَّم الرَب، وروحي تَفرَح بالله اللي يْسَلَّكني، <sup>48</sup> خاطَر شاف لضَعف خْديمتو. ومن دُرك كامَل الجْيال يْقولو يا سَعدها. <sup>49</sup> خاطَر القَادر دارلي حاجات ثْبَار، قُدّوس آسمو، <sup>50</sup> ورَحَّمتو للي يْخافوه من جيل لجيل. أذ بَيَّن قُوَّة دْراعو، زَربَع اللي عندهُم في قُلوبهُم تَخَام المَتَكَبَّرِين، 52 نَزَّل الحُكَّام من عْروشُهُم وَرْفَع المَتواضعين، 53 فَيَّض الخير على الجيعانين، ورَد المْرَفِّهين بيَدّيهُم فارغين، 54 سَلَّك إسرائيل خْديمو وتْفَكَّر رَحَّمتو، 55 لإبراهيم ودَريّتو للدْوام، كيما قال لجْدودنا." 56 قَعدَت مَريّم واحَد التَلت شُهور عَند أَليصابات أومبَعد وَلاّت لدارها.

### زيادة يوحَنّا المَعمَدان

57 وْصَل وَقَت أَليصابات باش تُزَيَّد وجابَت وْلَد. <sup>58</sup> سَمعو جيرانها ومْواليها باللي رَبِّي فَيَّض عليها رَحَّمتو وفَرحو معاها. <sup>59</sup> واليوم التامَن جاو باش يُختّنو الصْغير وحَبو يُسمّيوه "زَكَريّا" على آسَم باباه، <sup>60</sup> بَصَّح جاوبَت يَمّاه وقالَت: "لالا، يَتسَمّا يوحَنّا." أَهُ قالولها: "واحَد من مُواليك ما نُسمًّا بهاد الآسَم"، <sup>62</sup> سَقساو باباه بالإشارات كيفاش حَب الوُلد يَتسَمّا، <sup>63</sup> طْلَب لوحة وكْتَب يْقول: "يَتسَمّا يوحَنّا"، وكامَل نْدَهشو. <sup>64</sup> تَم تَم، نُحلَ فَق وتْسَرَّح لْسانو وتُكلَّم وبارَك الله. <sup>65</sup> طاح الخوف على كامَل جيرانهُم، ووْصَل هاد الشي لكامَل جْبال اليهوديّة. <sup>66</sup> وكامَل اللي سَعو بهاد الشي خَلاَّوه في قُلوبهُم وقالو: "يا دْرا واش رائح يْوَلِّي هاد الوْلدَ"، وكانَت قُدرة الرَب معاه.

## تَسبيح زَّكُريّا

67 تُعَمَّر زَكَرِيّا باباه بالروح القُدّوس و تُنَبَّأ وقال: 68 "مْبارَك الرَب إلَه إسرائيل خاطَر فاقَد شَعبو وفْداه، 69 دارَلنا سَلاّك عُبير في دار داوَد خْديمو، 70 على حْساب كُلامو اللي قالوهُلنا الأنبيا القَدّيسين مْتاع زْمان: 71 سُلاك من عَدياننا ومن يَد كامَل اللي يَكَرهونا، 72 هَكَدا بَيَّن رَبِي رَحَّمتو لجْدودنا وتْفَكَر عَهدو الْمُقَدَّس، 73 على حْساب اليمين اللي حْلَف بيه لجَدنا إبراهيم، 74 بَعدما يْسَلَّكنا من يَد عَدياننا، نَقَدرو نَعَبدوه بلا خوف، 75 ماشيين قُدّامو فالقداسة والصْلاح طول حْياتنا، 76 وأنت يا وْلَد، رايح تَسَمَّا نَبِي العالي، خاطَر شُير قُدّام الرَب باش تُوجَّد طُرقانو، 77 باش تُوجَّد طُرقانو، 77 باش تُوجَّد عُران دُنوبَهُم، 78 على جال حْنان الرَحمة مْتاع إلهنا اللي فاقدنا بيها النور اللي شُرق علينا من الفوق، 79 باش يْصَوِّي على اللي راهُم قاعدين فالضَلمة وضَل الموت، باش يَهدي خَطوَتنا لطريق السُلام." 80 والصُغبر كان يَكبَر ويتَقَوَّا بالروح وبْقا فالخلا حَتَّى لليوم اللي بان فيه لبْني إسرائيل.

2

## زْيادة يُسوع المُسيح

ا في هَدوك اليامات، خْرَج آمَر من عند أُغُسْطُسُ قَيصَر باش يَندار الحْساب مْتاع كامَل ناس الأَرض. <sup>2</sup> هاد الحُساب الأوَّل نْدار كي كان كيرينيوس حاكم في سورية، <sup>3</sup> والناس كامَل راحو باش يَتسَجَّلو، كُل واحَد في مْدينتو. مْدينتو.

4 يوسَف تاني طُلَع من الجُليل، من مُدينة الناصرة لمُدينة داوَد اللي يُسَمِّيوها بيت لَحم فاليَهوديّة، خاطَر هُوَ من سْلالة داوَد ومن الدشرة مْتاعو، 5 باش يَتسَجَّل مع مَريَم خْطيبتو اللي كانت بالجوف. 6 كي كانو تَمَّة، وْصَل وَقتها باش تَولَد، 7 وزيّدت وْليدها البُكر وَقَطاتو وحَطّاتو فالمَدوَد خاطَر ما لْقاوش مْكان فالفَندَق. <sup>8</sup> في هَداك المُكان كانو كاينين رَعيان عايشين فالأحواش وكانو يَسَّهرو الليل يْعَسَّو على غْنَمهُم، <sup>9</sup> وهاو وين وْقَقَّلهُم مْلاك من الرَب وَمَجد الرَب ضَوَّا عليهُم وخافو بَرَّاف. <sup>10</sup> بَصَّح المْلاك قاللهُم: "ما نُخافوش، خاطر راني غُنَّرَكُم ببشارة، تُكون فَرحة حُبيرة لكامَل الشَعب، <sup>11</sup> اليوم زاد عَندكُم في مْدينة داود سَلاّك هُو المَسيح، الرَب، <sup>12</sup> وهَدى هي المارة: تَلقاو وْليَّد مُقمَّط وراقد في مَدود."

13 وتَم تَم، ضَهرَت مع المُلاَك جماعة كبيرة من عُساكر السَّما يُسبَّحو الله ويْقولو: 14 "الجَحد لله فالعلالي، السَّلام على الأرض للناس الغزاز عليه."

15 وبَعدما راحو من عَندهُم المَلايكة للسْما قالو الرَعيان لبَعضهُم بَعض: "هَيّاو نْروحو لبيت لَحم نْشوفو هاد الشي اللي صْرا واللي خُبَّرنا بيه الرَب." <sup>16</sup> جاو بالخف ولْقاو مَريَم ويوسَف والولِيَّد راقد فالمَدود. <sup>77</sup> كي شافوه عاودو الكَلام اللي تْقاللهُم على هاد الولْدَ، <sup>81</sup> وكامَل اللي سَعو سْتَحجبو من الشي اللي قالوهولهُم الرَعيان. <sup>91</sup> مَريَم من جيهَها، كانت تَحفَض كامَل هاد الحاجات وتُخَمَّم فيهُم في قَلبها.

<sup>20</sup> أومبَعد، رَجعو الرَعيان وهومَ يُعَضمو ويُسَبَّحو فالرَب على كامَل الشي اللي سَمعوه وشافوه واللي كان كيما تُقالَلهُم.

### خْتَانَة يُسُوع

21 كي جازو َ تَمن أيّام باش يُختّنو الصْغير سَمّاوَه يَسوع كيما سَمّاه الملاك قُبَل ما تَرفَد بيه يّماه الجوف.

<sup>22</sup> وكي جازو يامات النْفاس على حْساب شَريعة موسى، طَلعو بيه لأورشَليم باش يْقَدَّموه للرَب، <sup>23</sup> على حْساب واش مَكتوب في شَريعة الرَب باللي كُل دُكَر بُكَرَ يَتكَرَّس للرَب، <sup>24</sup> وباش يْقَدَّمو ضْحَيَّة على حْساب ما تْقال في شَريعة الرَب: زوج يْمامات ولاّ زوج فْراخ حْمام.

25 كان واحَد الراجَل في أورشَليم واسمو سَمعان وهاد الراجَل كان صالحَ وتَقي يَستَنَّا عْزا إسرائيل والروح القُدّوس كان عليه، 26 وكان الروح القُدّوس وْحالو فالمنام باللي ما يُموتش حَتّى يْشوف مَسيح الرّب. 27 أدّاه الروح للمعبَد وكي مُوالين الصْغير يَسوع جابوه باش يْديرولو على حْساب عْوايَد الشَريعة، 28 رَفدو في دْراعتيه وبارَك الله وقال: 29 "دُرك يا سيدي غُنِّلِ عَبدَك يْروح هاني على حْساب كُلامَك، 30 خاطَر عينيَّ شافو سُلاكَك، 31 اللي وَجَّدتو لكامَل الشّعوب، 32 نور يَهدى الأمّات وشان لشَعبَك إسرائيل."

33 وكان باباة ويمّاة يَسوع يَستَعجبو من الكُلام اللي يَتقال عليه. <sup>34</sup> باركهُم سَمعان وقال لمَريَم يمّاة يَسوع: "هاد الصْغير رايح يُكون السَبّة باش يُطيحو بَرّاف ويْنوضو بَراف في إسرائيل ويْكون مارة يَتخالفو عليها الناس، <sup>35</sup> وأنتِ، سيف يْجوز في نَفسَك باش يَنكشفو فُكلير قُلوب بَرّاف."

36 وكانَتُ واحَد النَبيّة واسَمها حَنّة، بَنت فَنوئيل، من دَشرة أشير، كانَت عُبيرة فالعُمَر، عاشَت مع راجلها بَعدما كانَت عاتق سَبع سْنين، 37 وتُهجَّلَت. كان في عُمرها رَبعة وثمانيين سْنة وما كانتَش تْفارَق المُعبَد وهِيَ تَعبَد ليل ونْهار بالصْيام والصْلاة. 38 ووَصلَت هِيَ تاني في هَديك الساعة، وكانَت تُسَبَّح الله وتَهدَر على يَسوع لكامَل اللي كانو يَستَنّاو سْلاك أورشَليم.

<sup>39</sup> كي كَلَّل يوسَف ومَريَم كُل شي على حْساب شَريعة الرَب، رَجعو للجْليل، لمْدينَتُهُم الناصرة. <sup>40</sup> الْولَد كان يكبَر ويَقَوَّا، ويْزيد فالعْقَل ونعمة الله كانت عليه.

## يُسوع الصْغير يَبقا فالمُعبَد

41 كَانُو مُوالين يَسُوع يُروحو كُل عام لأورشَليم في عيد الفَصح، 42 وكي كان في عَمرو طْناشن سْنة، طَلعو لأورشَليم كي العادة فالعيد. 43 بَعدما كَبَّلو يامات العيد رَجعو، وبْقا الوْلَد يَسُوع في أورشَليم ومُواليه مافاقوش. 44 كانو حاسبينو مع الناس اللي سافرو معاهُم، وبَعدما مُشاو قيس يوم كامَل، بْداو يُحَوِّسو عليه عَند مُواليهُم ومُعارَفهُم، 45 وكي ما لْقاوَهش، رَجعو لأورشَليم يُحَوِّسو عليه. 46 وبَعد تَلت أيّام، لْقاوَه فالمَعبَد قاعَد في وَسط الشيوخ يَسَمعَلهُم ويْسَقسيهُم. 45 كامَل اللي سَمعوه، سْتَعجبو في فْهامتو ووْجابو.

48 وكي شافوه مْواليه نْدُهشو، وقالَتلو يَمَّاه: "يا وْليدي، وَعلاش دَرت هَكدا معانا؟ أنا وباباك بْقينا غُوّسو عليك وحْنا مْقَلَقين"، <sup>49</sup> جاوَبَهُم: "وَعلاش كُنتو ثُحَوِّسو عليَّ؟ ما راكُمش عارفين باللي لازَمني نَستكلَف بالشي مْتاع بابا؟" <sup>50</sup> بَصَّح ما فَهموش الكَالام اللي قالهولهُم.

<sup>51</sup> أومبَعد، هْبَط معاهُم وجا للناصرة، وكان ياخُدلهُم الراي. يَمّاه كانَت ثُخْبِّي كامَل هاد الشي في قلبها، <sup>52</sup> ويَسوع كان يْزيد فالعْقَل والقَد والنَعمة عَند الله وعَند الناس.

#### 3

## يوحَنَّا المُعَمَدان يْوَجَّد الطُّريق

أ فَالعام الخُمْسطاشُ مِن مَلكُ طَيباريوس قَيصَر، كي كان بيلاطَس البنطي والي على اليَهوديّة، وهيرودَس حاكم رُبع على الجُليل، وفيلِبُس خوه حاكم رُبع على إيطورية وأرض تْراخونيس، وليسانيوس حاكم رُبع على الأبليّة، ² في زْمان رِيّاس رْجال الدين حَنّان وقْيافا، كُلَّم الله يُوحَنّا بن زَكَريّا فالخلا. ³ وجا يوحَنّا لكامَل الجُوايَه اللي دايرين بواد الأُردُن يُبرَّح بمَعموديّة التوبة لغُفران الدُنوب، ⁴ على حُساب واش مَكتوب في ثُمّاب كُلام إشعيا النبي: "صوت اللي يُعيَّط فالخلا، وَجَدو طريق الرَب ورَدّو طُرقانو مُسلّسين، ⁵ كُل واد يَتعَمَّر، وكُل جْبَل وكُل كُدية يُولّيو نازلين، المُعرَّج يَنسَقَّم، والطُرقان المُحَجرسين يُولّيو مُستويّين، 6 وكُل بْنادَم يُشوف سُلاك الله."

7 وكان يُقول للي كانو يُجيو في غاشي يَتعَمّدو عَندو: "يا زَرَّيعة اللْفاعي، شْكون وَرَالكُم تَهَّربو من الزْعاف اللي جاي؟ 8 أُعَّملو الشي اللي يليق بالتوبة، وما تبداوش ثقولو في قلوبكُم: "عَندنا بابانا إبراهيم"، خاطر نْقوللكُم باللي الله يَقدر من هاد الحُجر يُخَرَّج وْلاد لإبراهيم. 9 دُرك، الفاس راهو نُحَط على عْروق السْجَر، وكُل سَجرة ما تُجيبش غَلّة مْليحة تُنقطَع وتَتَرَما فالنار." 10 كان الغاشي يُسْقسيه: "هِمّالا، واش لازَم نْديرو؟" أأ جاوَب وقاللَهُم: "اللي عَندو زوج كسوات، يَعطي للي ما عَندوش، واللي عَندو ما كلة، كيف كيف." أي الجاو تاني المُكاسين باش يَعمَّدو وقالولو: "شيخ، واش لازَم نْديرو؟" أقاللهُم: "ما تَطّلبوش كُثَر من الشي اللي مَفروض عليكم"، 14 العَسكر تاني كانو يُسقسيوَه: "وواش لازَم نْديرو حْنا تاني؟" قاللهُم: "ما تَضَّلبو حَتَّى واحَد وما تَبَّهو بالزور حَتَّى واحَد وأقَّعو بشَهْرِيّاتكُم."

15 وكي كان الشَعب يَستَنَا وكامَل يُخَمّمو في قُلوبهُم وَلاّ يوحَنَا ماشي هُوَ المَسيح، 16 جاوَب يوحَنَا وقالَلهُم كامَل: "أنا نُعَمَّدُكُم بالما، بَصَّح يُجي اللي قُوي عْلِيَّ، واللي ما نَستاهلش نُحَل حَتّى خْيوط سَبّاطو. هُوَ يْعَمَّدُكُم فالروح القُدّوس والنار، 17 في يَدّو مَدرة، باش يْنَقِي مْليح النادَر مْتاعو ويْلُم القَمح فالمُخزَن مْتاعو، بَصَّح النّبَن يَحَرقو بنار ما تَطفاش." <sup>18</sup> هَكَدَا وبحاجات واحَدُخرين بَرَّاف كان يوحَنّا يْسَجَّع الشَعب ويْبَشِّرو. <sup>19</sup> بَصَّح هيرودَس حاكم الرُبع كي لاَمو يوحَنّا على جال هيرودِيّا مَرت فيلبس خوه وعلى كامَل الشَر اللي كان يْديرو، <sup>20</sup> زاد على كُل هاد الشي كي دَخّل يوحَنّا للحَبس.

## مُعموديَّة يَسُوع المُسيح

<sup>21</sup> كي كان الشَّعب كَامَل يَتعَمَّد، تُعَمَّد يَسوع هُوَ تاني، وكي كان يْصَلِّي غُطَّت السْما، <sup>22</sup> ونْزَل عليه الروح القُدَّوس في صِفة دات كي الحمَّامة، وجا صوت من السْما: "أنتَ وْليدي الحَبيب، فيك فَرحتى."

### سْلالة يُسوع المُسيح

23 كي بدا يَسوع الخدَمة كان في عَمرو واحَد التّلاتين سْنة وكان على حْساب واش مَعروف عليه وْليد يوسَف بَن هالي، 24 بَن مَتتات بَن لاوي، بَن مَلكي، بَن مَلكي، بَن يوسَف، بَن يَهودا، 27 بَن مَتاتيا، بَن عاموص، بَن ناحوم، بَن حَسلي، بَن بَجّاي، 26 بَن مَتات، بَن مَتاتيا، بَن مَتاتيا، بَن شعي، بَن يوسف، بَن يَهودا، 27 بَن يوسي، بَن أليعازَر، بَن يوريم، بن شَالتئيل، بَن نيري، 28 بَن مَلكي، بَن أدّي، بَن قُصَم، بَن ألمودام، بَن عير، 29 بَن يوسي، بَن أليعازَر، بَن يوريم، بن مَتتات، بَن نيري، 30 بَن شعون، بَن يَهودا، بَن يوسف، بَن يونان، بَن ألياقيم، 31 بَن مَليا، بن مينان، بن مَتاتا، بَن ناتان، بَن داوَد، 32 بَن يَسهودا، بَن يوسف، بَن يونان، بَن ألياهيم، 31 بَن عَياداب، بَن أرام، بَن حَصرون، بَن داوَد، 32 بَن يَهودا، 43 بَن يَعقوب، بَن العالى، بَن العور، 35 بَن ناحور، 35 بَن مَتوشالَح، بَن أخنوخ، بَن يارَد، بَن عابَر، بَن شيان، بَن أرفكشاد، بَن سام، بَن نوح، بَن لامَك، 37 بَن مَتوشالَح، بَن أخنوخ، بَن يارَد، بَن عَلَان، بَن أنوش، بَن شيت، بَن آدَم، بْن الله.

4

## إبليس يْجُرَّب يَسُوع

1 رُجَع يَسوع من واد الأُردُن مُعَمَّر بالروح القُدّوس، وقُودو الروح فالحُلا، 2 وين بْقا إبليس يُجَرَّب فيه مُدّة رَبِعين يوم. ما كُلا والو في هدوك اليامات وكي جازو جاع. 3 قاللو إبليس: "إيلا راك بْن الله قول لهاد الحَجرة تُولِّي خُبز"، 4 جاوَبو يَسوع: "مكتوب: "ماشي بالخُبز وَحدو يَحيا الإنسان."" 5 أومبَعد طَلّعو إبليس لمُكان عالي وورّالو في رَمشة عين كامَل مَلكات الدنيا، 6 وقاللو: "نَعطيلك هاد السيطرة كامَل وشان هاد المَملكات خاطر عُطاوهولي وأنا نَعطيه ليمَن غُب، 7 لو كان تَسجَد لي يُكونو كامَل ليك." 8 جاوَب يَسوع وقاللو: "مَكتوب: تَسجد للرَب إلمَك وتَعَدو غير هُو." 9 فُودو لأورشَليم ووققو على حَرف سُطَح المَعبَد وقاللو: "وَلاّ كُنت بْن الله أرمي روحك من هُنا للتَحت، 10 خاطر مَكتوب تاني: "على يَدَّيهُم يَرْفدوك باش ما تَرْدَمش رَجلك في حَجرة."" 12 جاوَب يَسوع وقاللو: "ثقال: "ما تُجَرَّبش الرَب إلهَك." 13 كي كَمَّل إبليس يُعْرَبُ فيه بكامَل هاد الحاجات بَعَّد عليه حَتى لوقت آخَر.

## الناصرة ما تَقبَلش يَسوع

14 ورْجَع يَسوع بقُوّة الروح للجْليل، وشاع عليه الخبر فالجيهة كامل، 15 وكان يْدَرَّس في مجامعهُم، عاجَبهُم كامَل.
 16 أومبَعد جا للناصرة وين تْربَّا، ودْخَل كي عادتو نْهار السَبت للهَجمَع، وناض باش يَقرا. 17 عُطاولو ثُمّاب النّبي

إشعيا وكي حَل النَّمَاب، طاح وين مَكتوب: 18 "روح الرَب عليَّ، خاطَر دْهَنني باش نَبشَر القُلالين، بْعَتني باش نُبرَّح للمَحبوسين بالسْراح وللعَميين بالشوفة، نطاق سْراح المغبونين، 19 ونَبرَّح بعام النَعمة من عَند الرَب." 20 أومبَعد طُوا النُّكاب وعْطاه للخَدّام وقْعَد. وكامَل اللي كانو فالجَمَع بْقاو يُخْزرو فيه. 21 هِبّالا بْدا يْقولَلهُم: "اليوم هاد الكَلام المكتوب اللي سُمَعتوه راه خُقَق." 22 وكانو كامَل يَشَهدولو وهومَ مَستَعجبين من كُلام النَعمة اللي كان يُخرَج من فَحَو، ويْقولو: "هَدا ماشي وْليد يوسَف؟" 33 وَكانو كامَل يَشَهدولو وهومَ مَستَعجبين من كُلام النَعمة اللي كان يُخرَج من وحك، فَحَو، ويْقولو: "هَدا ماشي وْليد يوسَف؟" 33 وَكانو كامَل يَشَهدولو وهوم مَستَعجبين من غُلام المُتب داوي روحك، ودير هنا في بْلادك الشي اللي شُمعنا باللي دَرتو في كَفرناحوم."" 24 قال: "نقولكُمُ الصَح، حَتَى نَبِي ماهو مَقبول في بْلادو، 25 ونْقوللكُم، كانو كاينين هَبّالات بَرَّاف في إسرائيل في زْمان إيليًا كي نُغلقت السَّما تلت سْنين وسَت شهور، كي جات مُجات مُجاته كُبيرة في كامَل الأرض، 26 وما أتَبْعت إيليًا لحَتَى واحدة مَنهُم من غير الهَجَالة اللي في صرفة صيدا، 27 وكانو كاينين بَرَاف اللي عَندهُم البُرَص في إسرائيل في زْمان أليشع النَبي وواحد فيهُم ما طُهر من غير نعمان السوري." 28 تُغَششو كامَل اللي كانو فالجَمَع كي سَمعو هاد الشي، 29 وناضو وخرَّجو يَسوع من المُدينة عير نعمان السوري." 28 تُعَششو كامَل اللي كانو فالجَمَع كي سَمعو هاد الشي، 29 وناضو وخرَّجو يَسوع من المُدينة وأداوه لحرَف الجُبَل اللي كانت مُدينة عليه باش يَرميوه للتَحت، 30 بَصَّح هُو جاز في وَسطهُم وراح.

## يَسُوع والشياطَن

31 وهْبَطَ لَكَفَرَناحُوم، مْدينة من الجْليل وكان يْدَرَّسهُم فالسَبت. 32 وكانو مَدهوشين فالتَعليم مْتاعو خاطَر كُلامو كانَت فيه الهيبة، 33 وكان فالمجَمّع واحَد الراجَل مَسكون بروح شيطان ناجَس. هاد الراجَل عَيَّط بالزور: 34 "آه، واش بيننا وبينك يا يَسوع الناصري؟ جيت باش تْضَيَّعنا؟ نَعْرفك شْكون أنتَ، أنتَ قُدُّوس الله"، 35 رْقا عليه يَسوع وقال: "أسكُت وأخرُج من هاد الراجَل." رْما الشيطان الراجَل اللي كان ساكن فيه في وَسط الغاشي وخْرَج مَنْ هاد الراجَل." وَهَا الشيطان الراجَل اللي كان ساكن فيه في وَسط الغاشي وخْرَج مَنْ والناس كامَل وبْداو يْقُولُو لَبعضُهُم بَعض: "واش هاد الكَلمة اللي بهاد الهيبة وهاد القُدرة؟ يامَر الأرواح الناجسين ويُخَرَّجو." 37 وشاع الخُبر على يَسوع في كُل مْكان في هَدوك الجْوايه.

## يَسُوع يَشَفي نْسيبة سَمعان وناس أخرين

38 كي ناض من الجَمع، راح لدار سَمعان، وكانَت نْسيبة سَمعان بَحَّة قْوِيَّة بَرَّاف، وطَلبو مَنَّو باش كاش ما يْديرلها. <sup>39</sup> طَل عليها وغير هَدَّد الجَمَّة راحَت عليها، وتَمَ تَم ناضَت وبْدات تَخَدَمُهم. <sup>40</sup> وكي غَربَت الشَمس، كامَل اللي كانو عَندهُم ناس مْراض كُل واحَد باش، جابوهُملو وحَط يَدِّيه على كُل واحَد فيهُم وشْفاهُم، <sup>41</sup> وكانو الشَّياطَن تاني يَخُرُجو من ناس بَرَّاف وهومَ يُعَيُّطو ويْقولو: "أنتَ بْن الله." بَصَّح هُو كان يُهَدَّدهُم وما يُخَلِّيهُمش يْقولو هاد الحاجات خاطر كانو عارفين باللي هُو المَسيح.

## يَسُوع يَشَفي نْسيبة سَمعان وناس أخرين

<sup>42</sup> وكي طْلَع النْهار، خْرَج وراح لمَضرَب خالي. بْدا الغاشي يْحَوَّس عليه وجاو حَتَّى لعَندو، حكموه باش ما يْبَعَّدش عليهُم، <sup>43</sup> بَصَّح قاللهُم: "لازَم عليَّ نْبَشَّر المْدايَن الأُخرين بمَلكوت الله خاطر على هاد الشي اللي نَبعَتت." <sup>44</sup> وكان يْبرَّح في مُجامع اليَهوديّة.

### دَعوة التابعين الأولانيّين

1 كان الغاشي يَتزادَم عَلى يَسوع باش يَسمَع كَلمة الله، وكان هُوَ واقَف عَند واد جَنيسارَت، 2 وشاف زوج فلايك حابسين عَند الواد، الصيّادين كانو خَرجو منهُم ويَغَسلو فالشّبك. 3 طْلَعَ يَسوع في واحدة من الفّلايك، اللي كانو مُتاع سَمعان وطْلَبَ منو يُبَعَد شُوية على السّط. أومبَعد قُعْد وبْدا يْدَرَّس فالغاشي من الفّلوكة. 4 كي كَبَّل الهَدرة قال لسّمعان: "أدَّنّا للغامَق وأرميو الشّبك مْتاعكُم للصّيادة"، 5 جاوَب سَمعان وقال: "سيدي، خْدَمنا ليل كامَل وما صَيَّدنا حَتى حاجة، بَصَح على كلمتك نرمي الشّبك." 6 كي رْماوهُم، حكمو حوت بَرَّاف حَتى قُريب تُقطّعو الشّبك مْتاعهُم، 7 رَوَّشو لصْحابُهُم اللي كانو فالفُلوكة الأخرى باش يْجيو يْعاونوهُم، جاو وعَرو الفُلايك في زوج حَتى بْداو يَعَرقو. 8 كي شاف سَمعان بُطرُس هاد الشي، رُكع عَند رْكايَب يَسوع وقاللو: "رَبِّي، بَعَد عليَّ خاطَر أنا إنسان خاطي"، 9 خاطر حَكاتو الخُلعة هُو وكامَل اللي كانو معاه على جال الصْيادة اللي داروها. 10 يمقوب ويوحنّا ولاد زَبَدي اللي كانو شَركة مع سَمعان، هومَ تاني حَكَمتُهُم الخُلعة. وقال يَسوع لسَمعان: "ما ثُخافش، من دُرك تُولِي تُصَيَّد الناس." 11 وكي رَجّعو الفلايك للشَط، خَلاو كُل شي وتبَعو يَسوع.

## يَسُوع يَشَفي واحَد بْرُص

12 كي كان يَسوع في واحَد المُدينة، واحَد الراجَل مْعَمَّر بالبَرَص شافو، طاح ساجَد وطَلبو وقال: "سيدي، لو كان ثُحَب، تَقَدَر ثُرَدّني طاهَر"، 13 مَد يَسوع يَدّو، مَسّو وقال: "غَب، أطهَر"، وتَم تَم راح عليه البَرَص. 14 ووصّاه يَسوع باش ما يْقول لحتى واحَد، بَصَّح قاللو: "روح ووَرّي روحَك لراجَل الدين ومَد على طُهرَك اللي آمَر بيه موسى، شهادة ليهُم." 15 شاع الكُلام عليه كُتَر وتْلَم عليه غاشي كُبير باش يَسَّمعو ويَبراو من مْراضَهُم، 16 بَصَّح هُو كان يَجَد روحو لمُضارَب خاليين ويْصَلِي.

## يَسُوع يَشَفي واحَد مَشلول

17 مَرّة، كان يَسوع يْدَرَّس وكانو قاعدين تَمّة فَرِّيسيِّين وشْيوخ شَريعة، جايِّين من كُل دَشرة من الجُليل واليَهوديّة وأورشَليم. وكانَت قُدرة الرَب حاضرة باش تَشفي المَرضى على يَد يَسوع، 18 وجاو رْجال رافدين فْراش عليه إنسان مَشلول وحَبّو يْدَخّلوه ويْعَطّوه وَيْعَطّوه وَيْعَطّوه وَيْعَطّوه وَيْعَطُوه على جال الغاشي، طَلعو فوق السُطَح ودَلا وَه بَفْراشو من واحَد التُقبة في وَسط الغاشي عَند يَسوع. 20 كي شاف يَسوع إيمانهُم قال: "يا إنسان، دْنوبَك راهُم مَغفورين." 21 بُداو التُكتب والفَريسيِّين يُخَمّو ويْقولو: "شكون هَدا اللي راه يكفَر؟ شكون اللي عَندو القُدرة بالش يَغفو الله وَحدو؟" 22 عُرَف يَسوع تَخامُهم، جاوَب وقاللَهُم: "واش راكم تَخَمّو في قلوبكم؟ باش يَغفو الله وَحدو؟" 22 عُرَف يَسوع تَخامُهم، جاوَب وقاللَهُم: "واش راكم تَخَمّو في قلوبكم؟ أما ساهَل باش يَتقال: "دُنوبَك مَغفورين" وَلاّ يَقال: "نوض وأمشي؟" 24 باش تَعْرفو باللي بْن الإنسان عَندو القُدرة على الأرض باش يَغفو الدُنوب"، وقال للمَشلول: "ليك نُقول: "نوض، خود فْراشَك وروح لدارك."" 25 تم تَم ناض الراجَل اللي كان مَشلول قُدّامُهم ورْفَد الفْراش اللي كان راقَد عليه وراح لدارو وهُو يُسَبَّح فالله.

<sup>27</sup> أومبَعد، بَعد هاد الشي، خُرَج يَسوع وشاف واحَد المُكَاس واسمو لاوي قاعَد وين يُخَلَّصو الغرامة وقاللو: "تَبَغني." <sup>28</sup> خَلاّ المُكَاس كُل شي، ناض وتَبعو. <sup>29</sup> دارلو لاوي ضيافة كبيرة في دارو، وكانو معاه على الميدة مَكَاسين بَرَّاف وناس واحَدُخرين. <sup>30</sup> وبْداو الكُمَّاب مْتاعهُم والفريسيّين يَشتكيو من التابعين مْتاع يَسوع ويْقولو: "وَعلاش تاكلو وتَشَّربو مع المُكَاسين والخاطيين؟" <sup>31</sup> جاوَب يَسوع وقاللهُم: "ماشي اللي صُعاح اللي يَسَّحقو الطبيب، المُرضى هومَ اللي يَسَّحقوه الطبيب، أميَّط للصالحين، جيت نُعيَّط للصالحين باش يْتوبو."

### آمر الصيام

33 وقالولو: "تابعين يوحَنّا يْصومو بَرّاف ويْصَلّيو، تابعين الفَريسيّين تاني، بَصَّح التابعين مْتاعك ياكلو ويَشَربو؟" مُنوع: "تَقَدرو تُصَوّمو المَعروضين للعَرس ما دام العْريس معاهُم؟ 35 يْجيو اليامات وين يَتَرَفَد من عَندهُم العْريس وداك الساع يْصومو في هَدوك اليامات"\*. 36 وزاد قاللهُم مْتل: "واحَد ما يْقَطَّع طَرف من لبسة جْديدة ويلصّقو في لَبسة قْديمة خاطَر يْقَطَّع اللَبسة الجُديدة والطَرف اللي يَدّيه منها ما يُوالمَش فالقُديمة، 37 وواحَد ما يُحَط شراب جُديد في قَربات قُدَم، يُعود الشراب الجُديد يُكَسِّر القُربات القُدَم ويَتَدَفّق الشراب ويْضيعو القُربات، 38 بَصَّح الشراب الجُديد يَخَط في قُربات جُدَد، 39 وواحَد بَعدما يَشرَب القُديم ما يُحَوَّس على الجُديد خاطَر يْقول: "القُديم مْليح."

6

#### رُب السَّبت

أ في واحد السبت، كان يسوع جايز على واحد الأحواش متاع القمح، وكانو التابعين متاعو يُغيّو سبول القمح ويا كلوهُم بَعد ما يُحلّوهُم بيدّيهُم. 2 جماعة من الفريسيّين قالولهُم: "وَعلاش راكُم تْديرو الشي اللي ماشي جايز فالسبوت؟" 3 جاوَبُهم يَسوع وقال: "ما قريتوش واش دار داود كي جاع هُوَ واللي كانو معاه؟ 4 كيفاش دْخَل لدار الله وأدّا الخبر المُقدَّس اللي تجوز ماكلتو غير لرْجال الدين وكلا مَنّو هُوَ وعْطا لرْجالو؟" 5 وقالَلهُم: "بْن الإنسان هُو رَب السبت."

### يَسُوع يَشَفي فالسَبت

6 في سَبت وَحداآخُر دْخَل يَسوع للمَجمَع وبْدا يْدَرَّس، وكان تَمَّة راجَل يَدُو الْيمني مَشلولة. 7 الكُتَّاب والفَريسيّين بِقاو يْفَابرو في يَسوع باش يْشوفو ولا يْداوي فالسَبت باش يَلقاو باش يَتَهموه. 8 هُوَ كان يَعرَف تَخَامُهم وقال للراجَل اللي كانت يَدّو مَشلولة: "نوض وأوقف فالوَسط"، ناض الراجَل ووْقَف. 9 وقاللهُم يَسوع: "نْسَقسيكُم: يُجوز فالسَبت باش يَندار الخير وَلاّ يَندار الشَر؟ الواحَد يْسَلَّك بْنادَم وَلاّ يْضَيّعو؟" 10 وشاف كامَل اللي كانو دايرين بيه وقال للراجَل: "كَسَّل يَدَّك"، دار الراجَل كيما قاللو يَسوع وبْرات يَدّو. 11 كُلاهُم الزْعاف وبْداو يَتشاورو ما بيناتُهم واش يَقَدرو يُبيرو ليَسوع.

يُسوع يْخَيَّرُ التابعين الطّناش

<sup>\* 5:35</sup> الصيام مارة للحزن والمدلة قدام الله. العرس مارة للفرح. ما يقدرش الواحد يحزن فالفرح.

12 في هَدوك اليامات، راح يَسوع للجْبَل باش يْصَلَّى، وجَوَّز الليل كامَل فالصَّلاة لله.

13 كي طْلَع النْهار، عَيَّط لَلتابعين مْتاعو، وخَيَّر مَنْهُم طْناش سَمَّاهُم رُسُلِ. 14 سَمَعان اللي سَمَّاه تاني بُطرُس وأندراوَس خوه، ويَعقوب ويوحَنَّا، وفيلبس ويَرتلَماوَس، <sup>15</sup> ومَتَّى وتوما، ويَعقوب بَن حَلفى وسَمَعان اللي يَسَمَّيوَه الغَيِّور، <sup>16</sup> يَهودا بَن يَعقوب ويَهوداالإسخَريوطي اللي وَلا خايَن.

#### یا سعد ویا ویل

17 وهْبَط معاهُم ووْقَف في مَضرَب نازَل هُو وجْماعة كْبيرة من التابعين مْتاعو وغاشي كْبير من شَعب اليَهوديّة كامَل وأورشَليم وشَط صور وصيدا، 18 جاو باش يَسْمعو ليَسوع ويَبراو من مْراضَهُم، واللي كانو مُعَدبين بأرواح ناجسين بْراو، 19 وكامَل الغاشي كانو يُحَوِّسو يُمسّوه خاطَر قُوّة كانَت تَخرُج مَنّو وتَشفيهُم كامَل. 20 رْفَد يَسوع عينيه للتابعين مْتاعو وقال: "يا سَعدَكُم يا القُلالين خاطَر مَلكوت الله مْتاعَكُم، 21 يا سَعدَكُم يا اللي راكم جيعانين خاطَر رايحين تَشَعوى يا سَعدَكُم كي يَرَّهُوكُم الناس وكي يُعاوزوكُم رايحين تَشَعوى يا اللي راكم تَبكيو خاطَر رايحين تَشَعوى 22 يا سَعدَكُم كي يَرَّهُوكُم الناس وكي يُعاوزوكُم ويُعيروكُم ويَنتكرو آسَمَكُم كي اللي منعول على جال بْن الإنسان، 23 أقَر حو في هَداك اليوم وأسَّعدو خاطَر آجَرُكم كبير فالسُما، خاطَر هَكدا كانو جُدودهُم يُديرو للأنبيا، 24 بَصَّح يا ويلكُم يا المُرقَهين خاطَر رايحين تُحَوِّعو، يا ويلكُم يا اللي راكم تَصَّحكُو خاطَر رايحين تَحَرَّنو وتَبكيو، 26 يا ويلكُم يا ويلكُم يا اللي راكم تَصَّحكُو خاطَر رايحين تَحَرَّنو وتَبكيو، 26 يا ويلكُم كي يَلْكُو كي الله يا الله يا الله يا الكذّابين.

#### مُحبَّة العَديان

<sup>27</sup> بَصَّح نْقُولَلَكُمْ أَنتُومَ يَا اللِي رَاكُمْ تَسَّمعو: "حَبّو عَديانَكُم وحاسنو اللي يَكَرْهُوكُم، <sup>88</sup> باركو اللي يَتْعلوكُم وصَليو للي يَقطّعو فيكُم، <sup>92</sup> اللي يَضَّربَك على خَدَّك، زيد أعطيلو الخَدَ الآخُر تاني، واللي يَدّبلَك بَرنوسَك ما تَمَّتعوش باش يْزيد ياخُد قُندورتَك، <sup>30</sup> اللي يَطَّلِك أعطيلو، واللي يَدّبلُك حاجتَك ما تَطلَبَهاش منو، <sup>31</sup> وكيما شُجَّبو يُديرولكُم الناس، ديرولهُم أنتومَ تاني. <sup>32</sup> وَلا شُجِّبو غير اللي يُحَبِّوهُم، <sup>33</sup> واش من المُزيّة عَندكُم؟ الخاطيين تاني يُحبِّو اللي يُحبِّوهُم، <sup>33</sup> واش عن المُزيّة عَندكُم؟ الخاطيين تاني يُديرو هُكدا، <sup>34</sup> وكل أَشْلَفُو غير للي يُرجَّعلكُم واش من المُزيّة عَندكُم؟ الخاطيين باش يُديرو هُكم كيف كيف. <sup>35</sup> بالعكس، حَبّو عَديانكُم وحاسنو وسَلّفو بلا ما تَستنّاو حاجة. يُكون آجَرُكُم خُبير وتُكونو وْلاد العالي اللي يَنعَم على نَكَارِين الخير والمُشرارين. <sup>36</sup> كونو رُحمَا كيما باباكُم تاني رْحيم.

### الحُكُم على الأخرين

<sup>37</sup> ما ثْحاسبوش باش ما تَتحاسبوش، ما تَحَّمُوش باش ما يَتَّحَكَمش عليكُم، أَغَفرو يَتَّغفَرلَكُم. <sup>38</sup> مَدّو يَتمَّدَّلكُم، تَتَفَرَّغَلكُم في خْجَركُم كيلة مْليحة، مْعَمّرة، مَمخوضة وفايضة خاطَر يَتكَيَّلكُمُ بالكيل اللي تْكَيِّلو بيه."

<sup>39</sup> أومبَعد، زاد قالَلهُم مْتَل: "يَقدَر عْمَى يْقُوَّد عْمى؟ ماشي يْطيحو في زوج في حُفرة؟ <sup>40</sup> التابَع ماشي خير من الشيخ مْتاعو بَصَّح كُل واحَد يُكَمَّل التَعليم مْتاعو يْوَلِّي كيما شيخو. <sup>41</sup> كيفاش تْشوف التَخشة اللي في عين خوك والحَطبة اللي في عينك ما تْفيقَلهاش؟ <sup>42</sup> كيفاش تَقدَر تْقول لخوك: "خويَ، خَلَيني نْفَيّي التَخشة اللي في عينك"، وأنتَ ماشي شايَف الحَطبة اللي في عينك؟ يا مُنافَق، نَحِّي قُبَل الحَطبة اللي في عينك وداك الوَقت تُشوف مْليح كيفاش باش ثْخَرَّج التَحشة اللي في عين خوك.

السَجرة وغَلَّتُها

43 خاطَر حَيِّى ُسَجِرة مُليحة ما ثَمَد غَلَة فاسدة وحَتِّى سَجِرة فاسدة ما ثَمَد غَلَة مُليحة. <sup>44</sup> خاطَر كُل سَجِرة تَنعرَف من غَلَّتها، ما يُغَيِّوش الكَرموس من الشوك وما يَقَطفوش العْنَب من العَلاَيْڤ. <sup>45</sup> الإنسان المُليح يُخرَّج المُلاحة من كَنز قَلبو المُليح، والدوني يُخرَّج الدوني من قَلبو الدوني خاطَر الفُم يَتكَلَّم على حساب واش كاين فالقَلب.

البنَّايين العاقلين والبنَّايين الجايحين

46 وَعلاش تُعَيِّطولِي رَبِيّ، رَبِّي وما تُديروش واش نُقول؟ <sup>47</sup> كُل واحَد يْجِي لَعَندي ويَسَمَع كُلامي ويَعمَل بيه، نُورَيلكُم لِيمَن يْشَبَّه، <sup>48</sup> يْشَبَّه لَبْنادَم بْنا دار، حْفَر وعَمَّق ودار اللْساس على الحُجْر. كي جات الحَملة، حْمَل الواد على هَديك الدار، وما قُدرش يُزَعزَعها خاطر كانَت مَبنِيّة مُليح، <sup>49</sup> بَصَّح اللي يَسمَع وما يَعمَلش، يْشَبَّه لْبنادَم بْنا دار على الأرض بْلا ساس، حْمَل عليها الواد وطاحَت تَم تَم وكانَت وَخدة هَديك الدار كُبيرة."

7

#### إيمان قايد المية

1 وبَعدما كَبَّل يَسوع كامَل كُلامو للشَعب اللي كان يَسمَع دْخَل لكَفرناحوم. 2 واحَد قايَد المَية كان عَدو خُديم عْزيز عليه، وهاد الخُديم كان مْريض وفالمَماة. 3 كي شَمَع بيَسوع، بْعَتلو شَيوخ اليهود يَطلَب منّو يُجي باش يُشفي خْديمو، 4 وكي وَصلو عَند يَسوع، حَلّلوه وقالو: "هاد الراجَل يَستاهَل تُديرلو هاد الشي، 5 خاطَر يُحَب الأُمّة مُتاعنا وهُوَ اللي بْنالنا الجَمَع." 6 كان يَسوع معاهُم فالطُريق، وماشي بْعيد على الدار كي بْعَتلو قايَد المَية صُحابو يْقولولو: "سيدي، ما تُشقيش روحَك، خاطَر أنا ما نَستاهَلش باش تَدخُل تَحت السَّقَف مْتاع داري، 7 على هَدا اللي ما جيتش أنا بداتي لعندك خاطَر شَفت روحي ما نَستاهَلش بْجي ليك، بَصَّح قول كَلمة والخَديم مْتاعي يَبرا، 8 خاطَر أنا اللي عَدي عَسكر تَحت يَدّي، ونقول لهَدا روح، يْروح، وللآخر أرواح، يْجِي، وللخَديم مُتاعي يروع، وللآخر أرواح، يْجِي، وللخَديم مُتاعي دير ويْدير." 9 كي شَمَع يَسوع هاد الشي، عَبو ودار للغاشي اللي كان يُتبَّع فيه وقال: "نْقُولَلكُم، حَتّى في أسرائيل ما لْقيتش إيمان قَد هَدا." 10 رُجعو المراسَل مُتاع قايَد المية للدار ولْقاو الخَديم اللي كان مُتبَّع فيه وقال: "نْقُولَكُمُ، حَتّى في إسرائيل ما لْقيتش إيمان قَد هَدا." 10 رُجعو المراسَل مُتاع قايَد المية للدار ولْقاو الخُديم اللي كان مُريض بْرا.

## قِيامة وْليد الْهَجَّالة مْتَاع نايين

11 من بَعد، راح يَسوع لواحَد المُدينة واسَمها نايين وراحو معاه التابعين مْتاعو وغاشي كُبير. 12 كي قَرَّب لباب المُدينة، الله ناس كانو مَديّين مِيَّت باش يَدَّفنوه وكانَت يَمّاه هَجِّالة وتَسعاه غير هُو وكان معاها غاشي من ناس المُدينة. المُدينة، الله ناس كانو مَديّين مِيَّت باش يَدَّفنوه وكانَت يَمّاه هَجِّالة وتَسعاه غير هُو وكان معاها غاشي من ناس المُدينة. الحَ يَ شافها الرَب، حَن عليها وقاللها: "ما تَبكيش"، 14 وأدَنّا ومَس النْعاش. وَقفو اللي كانو رافدينو وقال يَسوع: "يا مَصغَر، ليك نْقول، نوض." 15 تُقَعَّد الميَّت وبدا يَهدَر ورَدّو يَسوع ليمّاه، 16 طاح الخوف عليهُم كامَل وسَبحو الله وقالو: "جا بيناتنا نَبي كُبير"، وواحَدُخرين قالو: "الله فاقد شَعبو." 17 وشاع عليه هاد الكُلام في كامَل اليَهوديّة وكامَل الجُوديّة

18 التابعين مْتاع يوحَنّا حْكاولو هاد الشي كامَل. عَيَّط لزوج منهُم، 19 وبْعَتُهُم للرَب يْقولولو: "أَنتَ هُو اللَي كان لازَم يْجِي وَلا نَستَناو واحَدآخُر؟" 20 كي جاو المْراسَل عَند يَسوع قالولو: "بْعَتنا ليك يوحَنّا المَعمَدان يْقول: "أَنتَ هُو اللي كان لازَم يْجِي وَلا نَستَنّاو واحَدآخُر؟"" 12 في هديك الساعة شْفا يَسوع بَرّاف من المَرضي والعايين والمَسكونين ورَجَّع الشوفة لعَميين بَرّاف. 22 جاوَب يَسوع وقاللهُم: "كي تُروحو، خَبْرو يوحَنّا باللي شَفتوه وسُمعتوه: العَميين راهُم يْشوفو، المُشلولين يَمشيو، اللي عَندهُم البُرْص يَطَّهرو، الطُروشة يَسَّمعو، الموتى يْقومو والقُلالين يَبَشَرو، 23 يا سَعد اللي ما يعَتَرش على جالى."

<sup>24</sup> كي راحو المراسَل مْتاع يوحَنّا، بْدا يَسوع يْقول عليه للغاشي: "واش رُحتو تْشوفو فالخَلا؟ قَصبة يْهزّها الربي؟ <sup>25</sup> بَصَّح واش رُحتو تْشوفو؟ راجَل لابَس لَبسة العَز؟ اللي عَندهُم اللَبسة الحَطّة وبالطْبَع راهُم في قُصور السلاطَن، <sup>26</sup> واش رُحتو تْشوفو؟ نَبِي؟ إيه نْقولَلكُم وحُمّرَ من نَبِي، <sup>27</sup> هُو اللي مَكتوب عليه: نَبعَت مَرسولي قَبلَك، باش يُؤجَّدلَك الطْريق." <sup>28</sup> نْقولَلكُم: "ماكاش فاللي وَلدوهُم النْسا واحَد حُبير على يوحَنّا، بَصَّح الصْغير في مَلكوت الله حُبير عليه." <sup>29</sup> وكامَل الشَعب كي سَمعو والمُكَاسين سْتَعرفو بصْلاح الله وتْعَمّدو بَمعموديّة يوحَنّا، <sup>30</sup> بَصَّح الفَريسِيّن وشيوخ الشَريعة على حْساب اللي ما تُعَمّدوش على يَد يوحَنّا، نَكوو مُراد الله ليهُم.

31 وقال يَسوع: "باش ثَمَتَّل ناس هاد الجيل وباش نُشَبَّهُم؟ 32 يُشَبَّهو لدْراري قاعدين فالزَنقة يُعيَّطو لَبعضهُم بَعض ويْقولو: "جَوَّفنالكُم وما شُطَحتوش، نَوَّحنالكُم وما بُكيتوش"، <sup>33</sup> خاطَر جا يوحَنّا المَعمَدان، ما ياكُل خُبز، ما يشرُب شُراب وقُلتو: "هاوليك إنسان يُحَب الماكلة ما يَشرُب شُراب وقُلتو: "هاوليك إنسان يُحَب الماكلة والشُراب، حبيب المُكَاسين والخاطيين"، <sup>35</sup> بَصَّح العُقَل بان صْلاحو عَند كامَل مُواليه."

### يَسُوع يَغَفَر لمْرا خاطية

36 واحَد من الفَريسِيِّين عُرَض يَسوع باش ياكُل معاه، وكي دْخَل يَسوع لعَندو أَتَّكا على الميدة. 37 كانت فالمُدية واحَد المُرا خاطِية، كي سَمعَت باللي يَسوع كان مُتَّكِي على الميدة في دار الفَريسي، جابَت قَرعة مْتاع الريحة، 38 ووقفَت مور رَجلين يَسوع وهي تَبكي، وبْدات تُشَمَّخلو في رَجليه بالدْموع وتَمسَح فيهُم بشْعَرها وتْبوس فيهُم وتَدهنَهُم بالريحة. 39 كي شاف الفَرِّيسي اللي عَرضو هاد الشي قال في قلبو: "لو كان جا هاد الراجَل نَبي، كان يَعرف هاد الله اللي مُرا خاطية." 40 جاوَب يَسوع وقاللو: "سَمعان، عَندي حاجة نُقولهالك"، قاللو سَمعان: "قول شيخ"، 41 قال يَسوع: "كان واحَد عَندو زوج يُساللهُم الدُراهُم، الأَوَّل يُساللو خَمس مْية دينار، والآخُر خَمسين، 42 كي ما كانش عَندهُم باش يُردولو، سُمَعَلهُم الدين في زوج، شُكون فيهُم اللي يُحبِّو كُترَ؟" 43 جاوَب سَمعان وقال: "نْضَن اللي سُمَحلو كُتَرَ." قاللو يَسوع: "حُمَّت بالصُواب"، في رَجليً بالدُموع ومَسحَتُهُم بشُعرها، 45 أنت بوسة ما عُطيتنيش بَصَّح هي من اللي دَخلت ما حَبسَتش وهي تُبوس رَجليًّ بالدُموع ومَسحَتُهُم بشُعرها، 45 أنت بوسة ما عُطيتنيش بَصَّح هي من اللي دَخلت ما حَبسَتش وهي تُبوس كانو بَرَّاف تُغَفرو خاطَر حَبَّت بَرَّاف، بَصَّح اللي يَتَغفَرلو شُوية يُعَب شُويّة." 48 أومبَعد قال للمُوا: "دُنوبَك تُغفرو."

<sup>49</sup> وبْداو المَعروضين يْقولو في قْلوبهُم: "شْكون هَدا اللي يَعْفَر حَتَّى الدْنوب؟" <sup>50</sup> وزاد قال يَسوع للمْرا: "إيمانك سَلَكك، روحى هانية."

8

#### نْسَا يَخَدَّمو يَسُوع

أ بَعد هَدا، كان يَسوع يْروح من مْدينة لمْدينة ومن دَشرة لدَشرة يَبْرَّح ويْبَشَّر بمُلكوت الله ومعاه التابعين الطْناش، 2 وشي نسا كانو بْراو من الأرواح الدونيّين ومن الأمراض: مَريم اللي يُسمّيوها الجَدَليّة واللي خَرجو منها سَبع شياطَن، 3 ويوَنّا مَرت خوزي وْكِل هيرودَس، وسوسَنّة وواحَدُخرين بَرّاف كانو يْعاونو يَسوع والتابعين مْتاعو بمُلاكهُم.

### مْتَل الفَلاّح والتَفسير مْتاعو

<sup>4</sup> ثَلَمَ عليه غاشي خُبير جاو من كُل مْدينة، وقال مْتَل: <sup>5</sup> "خْرَج فَلاّح يَزرَع الزَرّيعة مْتاعو، وكي كان يَزرَع طاحَتلو شُويّة على الطْريق، نْعَفسَت وكْلاوها طْيور السْما. <sup>6</sup> وطاحَت شُويّة واحَدُخرى على الحُجْر، كي ناضَت يَبسَت، خاطَر ما لْقاتش النْدى. <sup>7</sup> وطاحَت شُويّة في وَسط الشوك، ناض معاها الشوك وغمّها، <sup>8</sup> وطاحَت واحَدُخرى فالأرض المُليحة، وكي ناضَت عْطات عَلّة قيس مْية مَرّة من هَديك الزَرّيعة." بَعد ما قال يَسوع هاد الشي، قال بالزور: "اللي عَندو وَدنين باش يَسمَع، غير يَسمَع."

<sup>9</sup> سقساوه التابعين متاعو واش معناه هاد المتل. <sup>10</sup> قاللهُم: "أتتوم أتَّعطالكُم باش تَعَرفو سْرار مَلكوت الله، بَصَّح الأُخرين نُكَلَّهُم بالمتال باش يَخْزرو وما يشوفوش ويسَّمعو وما يَنَّهموش، <sup>11</sup> هاد المتل يعني: الزَرِّيعة هِي كلام الله، <sup>12</sup> اللي على الطريق هوم اللي يسَّمعو، أومبعد يجي إبليس ويُنَّي الكلهة من قاوبهُم بلاك يعودو يامنو ويسَّلكو. <sup>13</sup> اللي على الحجَر هوم اللي كي يسَّمعو الكلهة يَقَبلوها بالفَرحة، بصح ما عَندهُمش العروق، يامنو واحد الوقت وكي ثَجي التَجرُبة يَجَدو روحهُم، <sup>14</sup> اللي طاح فالشوك هوم اللي يسَّمعو، بَصَّح هموم الدنيا وخيرها وشهوتها يُغمَّوهُم وما تَوصَلش غَلَّتُهُم. <sup>15</sup> اللي فالأرض المُليحة، هوم اللي يَسَّمعو الكلهة ويَخَفضوها في قلب مُليح وحْلالي ويُجيبو الغَلَة بالصْبَر.

#### مْتَل الشَّمعة

16 واحد ما يَشعَل شَمعة ويْغَطّيها بماعون وَلا يُحُطّها تَحت الفْراش. بالعكس، يُحَطّها فالشانضال باش اللي يَدُّخلو يشوفو الضو، 17 خاطر ما كانش حاجة غَبية ما تْبانش وَلا سَرّية ما تُنعرَفش وما تُنكشفش، 18 هِمّالا رَدّو باللّم كيفاش تَسمعو، خاطر اللي عَندو يَمَدّلو واللي ما عَندوش يَتنَحّالو حَتّى الشي اللي يَحَسبو مْتاعو."

### اللي يْدير مُراد الله

أو يا يكاه وخاوتو بَصَّح ما قدروش يَوَّصلو لعندو على جال الغاشي. 20 خَبْروه: "يكاك وخاوتك راهُم بَرًا حابين يشوفوك"، 21 جاوب هُو وقاللهُم: "يكا وخاوتي هوم اللي يَسَّمعو كلمة الله ويَعَملو بيها."

## يَسُوع يُهدَّن الريح

<sup>22</sup> من بَعد، في واحَد النْهار، طْلَع يَسوع في فْلُوكَة هُوَ والتابعين مْتاعو وقالَلَهُم: "هَيَّا نَقَّطعو للشَط الآخُر مْتاعُو البُّحر"، وراحو للغامَق. <sup>23</sup> كي كانو جايزين فالبُّحر، رْقَد يَسوع. وناض ريح قْوي على البُّحر وبْدات الفْلوكة تَتَعَمَّر بالمَا وقْريب ماتو. <sup>24</sup> تْدْنَّاو ليه ونَوْضوه وقالو: "سيدي، سيدي، رايحين ثموتو." ناض يَسوع، وغير هَدَّد الريح والموجات، حَبسو وتَّهدنت الحالة. <sup>25</sup> قاللَهُم: "وين راهو إيمانكُم؟" خافو وسْتَعجبو وقالو لبَعضهُم بَعض: "شْكُون هَدَا اللي يامَر حَتَّى الأرياح والما ويْطيعوه؟"

## يَسُوع يَشَفي مْرا مُسكونة

26 ووَصلو لُبُلاد الجِراسِيِّن اللي جاية مْقابَل الجُليل. 27 كي هْبَط يَسوع للأرض لاقاه راجَل من المُدينة كان مَسكون بشياطَن بَرَّافَ مَن مُدّة طُويلة وكان ما يَلبَس حُواجِ، ما يَسكُن في دار، وقاعَد غير فالجبَانة. 28 كي شاف يَسوع آمر الروح الناجَس باش يَخرُج من الراجَل، خاطَر شُعال من مَرّة كان هاد الشيطان يَحَكمو وكانو يرَّبطوه يَسوع آمر الروح الناجَس باش يَخرُج من الراجَل، خاطَر شُعال من مَرّة كان هاد الشيطان اللي ساكنو للخلا. 30 سَقساه بالسناسَل والحَديد في رَجليه باش يَجبَسوه بَصِّح هُو كان يُقطَّعهُم ويَدِّيه الشيطان اللي ساكنو للخلا، 30 سَقساه يَسوع: "واسمَك؟" قاللو: "جيش"، خاطَر شياطَن بَرَّاف كانو دَخلو فيه، 31 هاد الشياطَن بْداو يُحلّلو في يَسوع بالسُ ما يامرهُم ش يُروحو للزَرداب. 32 وكان تَمّة قُطيع عُبير مْتاع الحُلالَف يَرعاو فالجُبَل، حلَّلوه الشياطَن بالش عُلَيهُم يَدُّخلو فيهُم، وخلاهُم، 33 خرجو الشياطَن من الراجَل ودَخلو فالحُلالَف واش صْرا، هَربو وراحو يَدّيو الخبُر راحو يَجريو من حرف الجبل للواد وغرقو. 33 يُشافو الرعيان مُتاع الحُلالَف واش صْرا، هَربو وراحو يَدّيو الخبُر فالمُدينة والأحواش. 35 خرجو الناس يُشوفو الشي اللي صْرا، وجاو ليَسوع وكي شافو الراجَل اللي كان مَسكون راحو يَجريو من حرف الجبل للواد وغرقو. 36 وزادو حُكاوَلُهُم اللي شافو كيفاش بْرا المسكون. 37 كامَل فالله يناس بْلاد الجِراسِيْن طَلبو من يَسوع واللي معاه باش يُوعو من عَندهُم خاطَر حُكَهُم خوف عُبير. رُكَب يَسوع ناش يُغلّيه يَبقا معاه، بَصَّح يَسوع رَدّو وقاللو: يَسوع الله فالكون وأحكي كامَل واش دارلَك الله." وراح الراجَل ويَرَّح في كامَل المُدينة بكامَل واش دارلو يَسوع، والله ويَقو كامَل المُدينة بكامَل واش دارلَك الله." وراح الراجَل ويَرَّ في كامَل المُدينة بكامَل واش دارلَك الله." وراح الراجَل ويَرَّ في كامَل المُدينة بكامَل واش دارلَك الله." وراح الراجَل ويَرَّ في كامَل المُدينة بكامَل واش دارلَك الله." وراح الراجَل ويَرَّ في كامَل المُدينة بكامَل واش دارلَك الله." وراح الراجَل ويَرَّ في كامَل واش دارلَك والله."

## قِيامة بَنَت يايرُس ومْرا تْسيل بالدَم تَبرا

40 كي رُجَع يَسوع، لاقاه الغاشي خاطر كانو كامَل يَستنّاو فيه. 41 وجا لعَندو واحَد الراجَل واسمو يايرَس، وكان هاد الراجَل هُو رايَس الجَمَع، رُكَع عَند رَجلين يَسوع وطْلَب منّو باش يْروح لدارو، 42 خاطَر كانَت عَندو طَفلة واحدة، عَندها واحَد الطْناشن سْنة وكانَت فالمَماة. وكي كان يَسوع رايَح لعَند هاد الراجَل، كْتَر عليه الزْحام مْتاع الغاشي. 43 كانَت تمّة واحَد المرا مْريضة يْسيل منها الدّم من طْناشَن سْنة، صَرفَت كامَل واش تَسعا عَند لاطُبّة وواحَد ما قُدَر يَشفيها، 44 تُدنّات ليَسوع من اللور ومَسَّت الجُلال مْتاع لْباسو، وتَم تَم حْبَس الدّم اللي كان يُسيل منها. 45 قال يَسوع: "شُكون مَسني؟ خاطَر حَسيت بقُوّة خَرجَت مَنِي." كي كامَل نكرو، قال بُطرُس: "سيدي، الغاشي راهو مَتزاحَم ومُضَيَّق عليك"، 46 قال يَسوع: "واحَد مَسّني خاطَر حَسيت بقُوّة خَرجَت ميِّ"، 47 شافَت المُرا باللي نُكشفَت، وجات تَرجَف وأتَرمات قُدّامو وخَبّراتو قُدّام كامَل الشَعب عْلاش مَسّاتو وكيفاش بْرات تَم المُد الله يَسوع: "بَنتِي، إيمانك سَلكَك، روحي هانية."

<sup>49</sup> كان مازالو يَهدَر، كي جا واحد من دار رايَس الجَمَع يْقول: "بَنتَك ماتَت، ما نُشَقيش الشيخ"، <sup>50</sup> كي شُمَع يَسوع قال لرايَس الجَمَع: "ما تُخافش. آمَن بَرك وهي تَبرا"، <sup>51</sup> كي وْصَل للدار، ما خَلاّ حَتَّى واحد يَدخُل معاه من غير بُطرُس ويوحَنا ويَعقوب وباباة الطَفلة ويمَّاها. <sup>52</sup> كانو كامَل يَبكيو عليها ويَندبو. قال يَسوع: "ما تَبكيوش، ما ماتَنش، راهي راقدة." <sup>53</sup> سُتَهزاو بيه خاطر كانو عارفين باللي ماتَت. <sup>54</sup> هُو، شَدَّلها يَدها، عَيَّط وقال: "يا طَفلة، نوضي"، <sup>55</sup> رَجعَتَّلها الروح مْتاعها وناضَت تَم تَم، ويَسوع آمَر باش يُمَدِّولها تاكُل، <sup>56</sup> سْتَعجبوا مُواليها، ووَصَّاهُم يَسوع باش ما يْقولو لحَتَّى واحَد واش صْرا.

9

#### يُسوع يَبعَت التابعين الطّناش

1 عَيَّط يَسوع للتابعين الطْناش وعْطالهُم القُوّة والحُكمة على كامَل الشّياطَن والقُدرة باش يَشفيو الأمراض، 2 وبَعْتَهُم باش يَرْحو بِمَلَكوت الله وباش يَشفيو المَرضى، 3 وقاللهُم: "ما تَدَّيو والو للطّريق، لا عْصا، لا رَزمة، لا خُبز وَلا دْراهَم، وما يُكونش عَند واحَد فيكُم زوج كَسوات، 4 الدار اللي تَدَّخلولها، أقَّعدو فيها حَتَّى نْهار تْروحو من هَداك المُدينة وأَنَّفضو الغبار من رَجليكُم شْهادة عليهم." 6 كي من هَداك المُكان، 5 ووين ما يَقَبلوكُمش، أخَّرجو من هَديك المُدينة وأَنَّفضو الغبار من رَجليكُم شْهادة عليهم." 6 كي راحو، جازو على الدشور يَبْشَرو ويَشفيو المَرضى في كُل مُكان.

حيرة هيرودس

<sup>7</sup> كي شَمَع هيرودَس رايس الربع بكامَل واش كان يَصرا حار، خاطَر كاين اللي كانو يْقولو باللي يوحَنّا قام من بين الموتى، 8 وواحدُخرين يْقولو باللي إيليّا ضْهَر، وواحدُخرين تاني باللي نَبي من الأنبيا القْدَم قام. 9 قال هيرودَس: "يوحَنّا، أنا قَطَّعت راسو، هِمّالا شْكون هَدا اللي راني نُسمَع عليه هاد الشي"، وكان يْحَوَّس يْشوفو.

#### خَمس آلاف عَبد ياكلو ويَشَّبعو

10 كي رَجعو الرُسُل، خَبَرُو يَسوعُ بكامَل الشي اللي داروه. أَدّاهُم معاه وراح على جيه في واحَد المُدينة واسَمها بيت صيدا. 11 كي عُرَف الغاشي تبّعو. لاقاهُم يَسوع وبْدا يُكلَّهُم على مَلكوت الله وشْفا اللي كانو محتاجين بالشي يَشفاو. 12 كي بْدا يْطيح الليل، جاو ليه التابعين الطُناش وقالولو: "خَلّي الغاشي يْروح للاُشور والأحواش اللي فالجُوايَه، باش يْباتو وياكلو، خاطَر هْنا رانا فالخُلا." 13 قاللَهُم: "أعطيوهُم أنتومَ ياكلو." قالولو: "عَندنا غير اللي فالجُوايَه، باش يُباتو وواحَد الخَمس آلاف خَمس خُبزات وزوج حوتات، غير إيلا رُحنا نشريو ماكلة لكامَل هاد الشّعب." 14 خاطر كانو واحَد الخَمس آلاف راجَل. قال يَسوع للتابعين مْتاعو: "قَعَّدوهُم في صْفوف مْتاع خَمسين خَمسين." 15 دارو كيما قاللَهُم وقَعَّدوهُم كامَل. 16 شَد يَسوع الخَمس خُبزات والزوج حوتات ورْفَد عينيه للسّما، وباركهُم، أومبَعد قْسَم وعْطا للتابعين باش يُمدّو للناهي، 17 كامَل كُلاو وشَبعو أومبَعد رَفدو طْناشَن قُنّة مْتاع الماكلة اللي بْقات.

## شْهادة بُطرُس فالمَسيح

18 كان يَسوع واحَد المَرَّة يْصَلِّي واحدو وكانو التابعين مْتاعو مَتلايمين معاه. سَقساهُم وقال: "على حْساب الغاشي، واش نُكون أنا؟" 19 جاوبوه وقالو: "يوحَنّا المَعمَدان، واحَدُخرين يْقولو إيلِيّا وواحَدُخرين تاني: نَبي من الأنبيا القْدَم قام من الموت." 20 قاللَهُم: "وأنتومَ، شْكون تْقولو نْكون أنا؟" جاوَب بُطرُس وقال: "مَسيح الله."

<sup>21</sup> وَصَّاهُم يَسوع ووَكَّد عليهُم باش ما يْقولو هاد الشي لحَتّى واحَد، <sup>22</sup> وقال باللي بْن الإنسان لازَم يَتعَدَّب بَرَّاف وما يَقَبلوهش الشْيوخ ورْجال الدين والكُتَّاب ويْنقتَل وفاليوم التالَت يْقوم.

23 قالَلَهُم كَامَلَ: "ولا حَب واحَد يَتَبَعني، لازَم يَسمَح في روحو ويرَفَد صْليبو كُل يوم ويْتَبَعني، <sup>24</sup> خاطَر اللي يُحَب يْسَلَّك نَفسو يَخسَرها، بَصَّح اللي يَسمَح في نَفسو على جالي، هَداك يْسَلَّكها، <sup>25</sup> خاطَر واش من فايدة عَندو يْعَب يْسَلَّكها، <sup>25</sup> خاطَر واش من فايدة عَندو بْنادَم لوكان يَرْبُح الدَنيا كامَل وهُو يُضيع وَلا يُروح للهلاك؟ <sup>26</sup> كُل من يَستحي بيَّ وبكُلامي، يَستحي بيه بن الإنسان كي يْجِي في هيبتو وهيبة الآب والمُلايكة القَديسين. <sup>27</sup> نُقولَكُمُ الصَح: كايَن من اللي راهُم هْنا اللي ما يُدوقوش الموت حتى يْشوفو مَلكوت الله."

#### بتُدُّل

28 واحد التمن أيّام بَعد هاد الكّلام، أدّا يَسوع معاه بُطرُس ويوحَنّا ويَعقوب وطْلَع للجُبُل باش يْصَلّي. 29 وكي كان يْصَلّي، تُبدَلَت الصِفة مْتاع وَجهو ووَلاّ لْباسو بَيض يَشعَل كي البُرَق، 30 وهاو وين زوج رْجال كانو يَهدّرو معاه هوم موسى وإيليّا، 31 اللي ضَهرو بالْبها وتُكلّمو على مَرواحو اللي كان رايح يْصير في أورشَليم. 32 بُطرُس واللي كانو معاه كانو مصروعين بالنعاس، بَصَّح شَدّو روحهُم باش يَبقاو فاطنين وشافو بْها يَسوع والزوج رْجال اللي كانو واقفين معاه. 33 كي كانو هَدوك الزوج رْجال رايحين يْفارقو يَسوع، قال بُطرُس ليَسوع: "سيدي، مْليح لو كان نَبقاو هنا، نْديرو تَلت خْيَم، واحدة ليك، واحدة لموسى وواحدة لإيليّا"، وما كانش عارف واش كان يْقول. 34 وكي كان يْقول هاد الشي، جات سُعابة غَطّات يَسوع وموسى وإيليّا، وخافو التابعين كي شافوهُم يَدُخلو فيها. 35 وجا صوت من السْحابة يْقول: "هَدا هُو وْليدي الحُتار، أَسَّعولو"، 36 وكي أَتَسمَع الصوت، بْقا يَسوع وَحدو. 35 التابعين سَكتو وما خَبْرو حَقّى واحَد في هَداك الوقت بالشي اللي شافوه.

### يَسُوع يَشْفَى واحَد مُسكون

37 غَدُوة من داك، كي هَبطُو من الجَبْل، غاشي عُبير لاقا يَسُوع. 38 واحَد الراجَل من الغاشي عَيَّط وقال: "شيخ، نَتَرَجّاك تُشُوف لُوليدي، خاطَر ما نَسَعاه غير هُو، <sup>39</sup> روح يَحَّمُو، وتَم تَم يَبدا يُعيَّط، ويَغَنَّط ويَخُرَّجو الرُغاوي من فَتّو وما يَطَّلقو الروح حَتَّى يُفَشّلو. <sup>40</sup> طُلَبت من التابعين مْتاعك باش يُخرِّجوه بَصَّح ما قَدروش." <sup>41</sup> جاوَب يَسوع وقال: "جيل عْديم الإيمان ومْعوَّج، لوقتاش نْكون معاكم ونَرفَدكُم. جيب وْليدَك اللَهنا." <sup>42</sup> كي كان جاي، صَرعو الشيطان ووَلا يَغَبَّط. هَدَّد يَسُوع الروح الناجَس وشْفا الوْلَد ورَجّعو لباباه.

43 بَهتو كَامَل في قُدرة الله الكُبيرة، وكي كانو كامَل مَستَعجبين في كامَل واش كان يْدير يَسوع قال هُوَ للتابعين مْتاعو: <sup>44</sup> "أنتومَ، أَسَّمعو هاد الكَّلام، بْن الإنسان رايَح يَنسَلَّم لِيدَين الناس"، <sup>45</sup> بَصَّح هومَ ما فَهموش هاد الهَدرة، خاطر كانَت مَخفِية عليهُم باش ما يَفَهموهاش، وخافو يْسقسيوه على هاد الآمَر.

#### شْكونِ هُوَ الكُّبير؟

46 جاتُهُم واحَد الفَكرة: شْكُون هُوَ الكْبير فيُهُم؟ <sup>47</sup> كِي عْرَف يَسوع واش كانو يُخَمّو في قُلوبهُم، أدّا وْلَد صْغير وحَطّو قُدّامو، <sup>48</sup> وقالَلهُم: "اللي يَستَقبَل هاد الوْلَد بآسمي، سْتَقبَلني أنا واللي يَستَقبَلني، سْتَقبَل اللي بْعَتني، خاطَر الصْغير فيكُم كامَل، هَداك هُوَ الكْبير." <sup>49</sup> جاوَب يوحَنّا وقال: "سيدي، شَفنا واحَد يْخَرَّج الشْياطَن بآسمَك ومْنَعناه خاطَر ما راهوش يْتَبَّع فيك معاناً." <sup>50</sup> قاللو يَسوع: "ما تَمَّنعوهش خاطَر اللي ماشي ضَدنا، معانا."

### دَشرة سامريّة ما تَقبَلَش يُسوع

51 كي وْصَل الوَقت باش يَتَرْفَع يَسوع، عَوَّل يْروح لأورشَليم. 52 وبْعَت مْراسَل قُبَل مَنّو، حكمو الطّريق ودَخلو لواحَد الدَشرة مْتاع السام ِيَّين باش يْوَجَّدولو مَضرَب. 53 بَصَّح ما قَبلوهش تَمَّة خاطَر كان رايَح لأورشَليم. 54 كي شافو التابعين مْتاعو يوحَنّا ويَعقوب هاد الشي قالولو: "رَبِّي، تَحِّب نْقولو للنار تَنزَل من السْما وتاكُلهُم؟" 55 دار ليُهم وزْڤا عليهُم. 56 وراحو لدَشرة واحَدوخرى.

## اللي يْتْبَعّ يَسُوع

57 وكي كانو فالطريق قاللو واحَد: "نَتَبَعَك وين تُروح"، 58 قاللو يَسوع: "التْعالَب عَندهُم غيران وطيور السَّما عشوش، بَصَّح بْن الإنسان ما عَندوش وين يْتَكِي راسو." 59 زاد قال لواحَدآخُر: "تَبَعني"، قاللو: "رَبِّي، خَلَيني قُبُل نُروح نَدفَن بابا"، 60 قاللو يَسوع: "خَلِي الموتى يَدَّفنو الموتى مُتاعهُم، أنتَ روح وخَبَّر بمَلَكوت الله." 61 زاد قاللو واحَدآخُر: "رَبِّي، نَتَبَعَك بَصَّح خَلِيني قَبْل نُروح نُودَّع مُوالِيَّ." 52 قاللو يَسوع: "اللي يُحْط يَدُّو على الحَرات ويُشوف للور ما يَصلَحش لَلكوت الله."

#### 10

## مَرواح السَبعين مَرسول ورْجوعهُم

1 من بَعد خَيَّر الرَب تْنين وسَبعين تابَع واحَدُخرين وبْعَتَهُم زوج زوج باش يَسَبقوه لكُل مْدينة وكُل مَضرَب كان مُعوَّل يْروح ليه. 2 قاللَهُم: "الحُصاد راهو كاتَر بَصَّح الخَدّامين قُلال، أَطَّلبو من مول الحُصاد باش يَبعَت خَدّامين لحُصادو. 3 روحو، راني نَبعَتُكُم كي الخَرفان في وَسط الدْيوبة، 4 ما تَدّيو لا دْراهَم، لا رَزمة، لا صَبّاط، وما تُسلّبو على حَتّى واحَد فالطّريق. 5 والدار اللي تَدَّخلولها قولو قُبَل: "السّلام لهاد الدار." 6 وَلا كان فيها راجَل سُلام، السّلام مُتاعكُم يَرجَعَلكُم. 7 أَقَّدو في هَديك الدار واكلين، شاربين من اللي كين عَندهُم خاطر الخَدّام يَستاهل الخلاص مُتاعو، وما تُروحوش من دار لدار، 8 والمُدينة اللي تَدَّخلولها ويقَبلوكُم ناسها، كولو واش يُمدّولكُم، 9 أشفيو المَرضي اللي فيها وقولولهُم: "قَرَّب ليكُم مَلكوت الله." 10 والمُدينة اللي تَدَّخلولها وما يَقبلوكُم اللي فيها وقولولهُم: "قَرَّب ليكُم مَلكوت الله." 10 والمُدينة والمن تُردّوهولكُم، وما يُضَع في رَجلينا نتَفضوه باش تُردّوهولكُم، بَصَّح أعَّر فو باللي مَلكوت الله قَرَّب ليكُم"، 12 نُقولَكُمُ باللي في يوم المُحاسبة، حالة سَدوم ما تُكونش واعرة قد حالة مَديك المُدينة. هديك المُدينة الله مُلكوت الله قَرَّب ليكُم"، 12 نُقولَكُمُ باللي في يوم المُحاسبة، حالة سَدوم ما تُكونش واعرة قد حالة هديك المُدينة.

أن يا ويلك يا كورزين! يا ويلك يا بيت صيدا! خاطر لو كان صرات في صور وصيدا المُعجِزات اللي صراو فيكُم، لو كان راهُم تابو من بكري وهوم قاعدين على الرْماد بالخيشة. 14 على هدا، في يوم المحاسبة، تُكون حالتُهُم خفيفة على حالتَكُم. 15 وأنتِ يا كفرناحوم، رايحة تَعلاي للسْما؟ تَبَّبطي حَتّى لجَهَنَّم! 16 اللي يُسمَعلَكُم يُسمَعلي واللي ما يَقبَلنيش واللي ما يَقبَلنيش ما يَقبَلنيش ما يَقبَلنيش ما يَقبَلنيش ما يَقبَلنيش ما يَقبَلني الله بْعتنى."

17 رَجعو النَّنين وسَبعين فَرحانين يْقولو: "رَبِّي، بآسمَك حَتَّى الشَّياطن يْطيعونا." <sup>18</sup> قاللَّهُم: "شَفَت الشيطان يْطيح كِي البُرَق من السَّما، <sup>19</sup> راني نَعطيلكُم الحُكمة باش تَعْفسو على اللْفاعي والعْقارَب وعلى كامَل قُوَّة العْدو وحَتَّى حاجة ما تُضَرِّكُم، <sup>20</sup> بَصَّح ما تَقَرَّحوش على جال اللي الشَّياطَن طايعينكُم، أَقَرَّحو على جال اللي أسماواتكُم مَكتوبين فالسَّماوات."

<sup>21</sup> في داك الوقت بالدات، فْرَح يَسوع فالروح القُدّوس وقال: "نُسَبّحك يا بابا، رَب السّما والأرض، خاطر خَبِّيت هاد الشي على الحُكِما والفاهمين وكْشَفتو للدْراري الصْغار. إيه يا بابا، خاطَر هَكدا حَبِّيت، <sup>22</sup> كُل شي أتّعطالي من عَند بابا، وما كانش واحَد يَعرَف شْكون هُو الإبن من غير الآب وَلا شْكون هُو الآب من غير الإبن واللي يُسوفو واش راحم تُشوفو، يُعبَ الإبن يَشوفو واش راحم تُشوفو، "يا سَعد العينين اللي يُشوفو واش راحم تُشوفو، وعم راحم تُشوفو واش راحم تُشوفو واش راحم تُشوفو واش راحم تُسمعو واش راحم تُسمعوش."

### مْتَل السامري المُليح

25 واحد الشيخ مْتاع الشَريعة ناض باش يُجَرَّب يَسوع وقال: "سيدي، واش نْدير باش نَورَت الحْياة الدايمة؟" 26 قاللو يَسوع: "واش تْقول الشَريعة؟ كيفاش تْفَسَّرها؟" 27 جاوَب وقال: "غُبَ الرَب إلَمَك من كُل قَلَك ومن كُل فَقسَك ومن كُل فَقسَك ومن كُل عَقلَك وخُبَ قْريبَك كيما نَفسَك." 28 قاللو يَسوع: "جاوَبت بالصُواب، دير هَكدا، تعيش." 29 بَصَّح هُو حَب يَبرّي نَفسو وقال ليَسوع: "وشْكون هُو قْريبي؟" 30 جاوَب يَسوع وقال: "كان واحَد الراجَل هابَط من أورشَايِم لأربحا، وطاح في يَد السَرّاقين، عرّاوَه وضَربوه وراحو وخَلاّوَه ما بين الحيّاة والموت. 31 جاز راجَل دين على الزّهر من هديك الطريق، شافو وجاز من جيهة أخرى، 23 وواحد اللاوي تاني وصل لهَداك المُكان، شافو وجاز من جيهة أخرى، 33 بَصَّح واحد السامري كان جايز، جا لتمّة وكي شافو حَن عليه، وصو وكب عليهُم الزيت والشّراب وركّبو فوق الهايشة مْتاعو وأدّاه لفَندَق وقام بيه. 35 غَدوة من داك، كي كان رايج، خَرَّج زوج دينارات وعُطاهُم لمول الفَندَق وقاللو: "أَتَهَلا فيه والشي اللي تُزيد تَصَرفو عليه نُردّهولَك كي نَوَلِي." 36 في ميزك، شكون في هاد النّلاتة يُكون قُريب لهَداك اللي طاح في يَد السَرّاقين؟" 37 قال شيخ الشَريعة: "هَداك اللي حَن عليه"، قاللو يَسوع: "روح وأنتَ تاني دير كيف كيف."

### في دار مَرتا ومَريَم

أ كان يَسوع يْصَلّي في واحَد المُكان وكي كَمَّل قاللو واحَد من التابعين مْتاعو: "رَبّي، عَلَمْنا نْصَلّيو كيما عَلَم يوحَنا التابعين مْتاعو." 2 قاللهُم: "كي تُصَلّيو قولو: يا بابانا، يَتقَدَّس آسمَك، يْجِي مَلَكوتَك، 3 أعطيلنا كُل يوم الخُبز اللي يكفينا، 4 وأغفَرَّلنا دْنوبنا خاطَر حْنا تاني نَغْفرو للّي يْضَرنا. وما تْدَخَّلناش فالغْواية."

5 وزاد قالَلهُم: "شُكون مَنكُم يُكون عَندو صاحب، يُروح ليه في نَص الليل ويْقوللو: "صاحبي، سَلَّفلي تلت خُبزات، 6 خاطَر واحَد صاحبي جاني من السَّفَر وما عَنديش واش نَعطيلو"، 7 ويْجاوبو صاحبو من الداخَل ويْقول: "ما تُقلَقتيش، الباب راهو دُرك مَغلوق ووْلادي راهُم مْعايَ فالفْراش، ما نَقدَرش نُنوض نَعطيلك الخُبر؟" 8 نُقوللكُم، وَلاّ ما ناضش يَعطيلو كي جا صاحبو، يْنوض ويَعطيلو كامَل واش يَسحَق على جال السَّماطة مْتاعو، وأنا نقوللكُم، أطَّلبو يَتَدَّلكُم، حَوِّسو تَلقاو، طَبطبو يَتَّفتَحَلكُم، 10 خاطَر اللي يَطلَب يَدِّي واللي يُحَوَّس يَلقا واللي يُطَبطب يَّقتَحلو، 11 شكون الباباة فيكُم اللي كي يَطلَب منّو وُليدو حوتة يَعطيلو حْنَش في عوض الحوتة؟ 12 وَلاّ يَطلَب منّو بيضة يعطيلو عَنش في عوض الحوتة؟ 12 وَلاّ يَطلَب منّو بيضة يعطيلو عَدَش وُلادكُم، كيفاش الآب يَطلَب منّو بيض ما علي عطيش الروح القُدّوس للي يَطلبوه مَنّو."

## يَسُوع وبَعَلَزَبُول

14 خَرَّج يَسوع شيطان عَقُون وكي خُرَج، هْدَر العَقُون اللي كان مُسكون والغاشي سْتَعجَب. 15 كايَن منهُم اللي قالو: "راه يُخَرَّج الشياطَن بَبعَلزَبول رايَس الشياطَن"، 16 وواحَدُخرين طَلبو منّو مارة من السّما باش يُجرّبوه. 17 هُوَ عُرَف تَخامهُم وقاللهُم: "كُل مُملكة مَقسومة وماشي مَتوحّدة تخلا ودار واقفة ضَد نفسها تطبح، 18 وَلاّ كان الشيطان عَندو اللي خارجين ضَدّو، كيفاش تَبَت مَملكتو؟ خاطر را كُم تقولو باللي راني غُخَرَّج الشياطَن بَعلزَبول، همّالا ولادكمُ باش يُخرّجوهُم؟ على هَدا هومَ اللي يَحَكمو عليكُم، 20 بَصَّح وَلاّ راني غُخَرَّج الشياطَن بِعَلزَبول، همّالا ولادكمُ باش يُخرّجوهُم؟ على هَدا هومَ اللي يَحَكمو عليكُم، 20 بَصَّح وَلاّ راني غُخَرَّج الشياطَن بِعَلزَبول، همّالا ولادكمُ باش يُخرّبوهُم. 21 كي يُعَس راجَل قُوي ومُسلَّح دارو، يُكونو ولاّ راني غُخَرَّج الشياطَن بقُدرة الله، مَعنتها مَلكوت الله جا لعَندكُم. 21 كي يُعَس راجَل قُوي ومُسلَّح دارو، يُكونو مُلاكو فالآمان، 22 بَصَح كي يُجي واحَد قُوي كُتَر مَنّو، رائج يَغَلبو ويْنَجَيلو سُلاحو اللي كان تاكل عليه ويْفَرَق الغُنايَم مُعاعو. 23 بيعي واحَد قُوي كُتَر مَنّو، رائج يَغَلبو ويْنَجَيلو سُلاحو اللي كان تاكل عليه ويْفَرَق يُروح للمُدارَب اللي ما فيهُمش الما يُحَوَّس على الراحة، وكي ما يَلقاش يُقول: نُولِي لداري اللي خَرجت منها، 25 وكي يُرجع ليها، يَلقاها مكنوسة ومُخَلَّة، 26 داك الساع يُروح يُجيب سَبع أرواح مَشرارين كُتَر منّو، يَدُخلو لهَديك الدار ويشُكنو فيها، وتُولِي حالة هَداك الإنسان مع الأخر عُبَر من اللي كانت مع الأوّل."

<sup>27</sup> كي كان هُوَ يَهدَر، عَيّطَت واحَد المْرا من وَسط الغاشي وقالَتلو: "يا سَعد الكَرْش اللي رَفداتَك والصْدَر اللي رَضعَك"، <sup>28</sup> بَصَّح هُوَ قال: "أوّاه، يا سَعد اللي يَسَّمعو كُلام الله ويَعَّملو بيه."

#### مارة يونان

<sup>29</sup> كي كان الغاشي يَتلايم، بدا يُقول: "هاد الجيل جيل فاسَد، يَطلَب مارة وما تَتَعطالو حَتَى مارة من غير مارة يونان النبي، <sup>30</sup> خاطر كيما كان يونان مارة لناس نينوى، هكداك يُكون بن الإنسان تاني مارة لهاد الجيل. <sup>31</sup> سَلطانة الجنوب تنوض في يوم الحُساب مع رْجال هاد الجيل وتَحكُم عليهُم خاطَر جات من طَرف الدَنيا باش

تَسَمَع حِكُمَة سُلَيمان وهاو هْنا اللي كْتَرَ من سُلَيمان. <sup>32</sup> رْجال نينَوى يْنوضو فيوم الحْساب مع هاد الجيل ويَحَكَمو عليه خاطر تابو ببْشارة يونان وهاو هْنا اللي كْتَر من يونان.

#### لعين نور الدات

33 حَتّى واحَد ما يَشَعَل شَمعة ويْخَبَّيها وَلاّ يُحَطها تَحت الكيل، يُحَطها على الشَنضال باش اللي يَدُّخلو يُشوفو الضو. <sup>34</sup> نور الدات هِيَ العين. كي تُكون عينَك صْحيحة، داتَك كامَل تُكون مْنَورة، بَصَّح كي تُكون عينَك مْريضة، داتَك تُكون مُضَلامة. <sup>35</sup> رَد بالك يْعود يُكون الضو اللي فيك ضْلام. <sup>36</sup> كي تُكون داتَك كامَل مُنوَّرة، ما فيها حَتِّى جيهة مَضلامة، تُكون كامَل مْنَوّرة كيما كي تْضَوِّي عليك الشَمعة بالضو مْتاعها."

#### يا ويل الفَريسِيّن والكُتّاب

37 كي كان يَهُدر، عَرضو واحَد الفَرِّيسي باش ياكُل عَندو. دْخَل يَسوع وقَعَد على الميدة. 38 بَصَّح الفَرِيسي ستَغرَب كي شاف يَسوع ما غُسلش قَبُل الماكلة. 39 قاللو الرَب: "أتتومَ الفَريسيّين، تُنقّيو الكاس والطبسي من برَّا بَصَّح من الداخَل رائم مُعمّرين بالطْمَع والشَر. 40 يا الجايحين، اللي خْلق بَرَّا ما خْلقش تاني الداخَل؟ 41 صَدّقو واش عَندَكُم، وكُل شي يُولِّيلكُم نُقي. 24 بَصَّح يا ويلكُم يا الفَريسيّين، خاطَر تُعشّرو على النعناع والفيجلة وكامَل الخُصرة وتنساو الحَق وعُبّة الله. كان لازَم تَعَملو هاد الشي بلا ما ثُخلّيو الحاجات الأخرين. 43 يا ويلكُم يا الفَريسيّين خاطر تُعرّ كي القُبورة اللي ما يْبانوش واللي خاطر تُتومَ كي القُبورة اللي ما يْبانوش واللي يَمشيو عليهُم الناس بلا ما يُفيقو."

45 جاوب واحد من شيوخ الشريعة وقاللو: "شيخ، كي راك تقول هاد الشي، عنا تاني راك تُسبّنا"، 46 قال يَسوع: "يا ويلكُم أنتومَ تاني يا شيوخ الشريعة، خاطر تُحمّلو الناس حاجات واعرين للرْفود، وأنتومَ ما تُمسّوهُمش بواحد من صباعتيكُم، 47 يا ويلكُم، خاطر تبنيو قبور الأنبيا اللي قتلوهُم جْدودُكُم، 48 وتَشَهدو هكدا لفعال جْدودُكُم وترضاو عليهُم خاطر هومَ قتلو الأنبيا وأنتومَ تبنيوهُم قبورهُم، 49 على هدا تاني قالَت حكمة الله: "راني نبعتلهُم أنبيا ورُسُل، يَقَتلو اللي يَقَتلوهُم ويَحَقَّرو اللي يَحَقَّروهُم، 50 باش نحاسب هاد الجيل على جال دَم كامَل الأنبيا اللي سال من اللي نُخلقت الدنيا، 51 من دَم هابيل حَتَى لدَم زَكَريّا اللي نقتَل بين المدَبج وبيت المقدس. إيه، نقوللكُم، رايَج من اللي نُخلَف العَلم، أنتومَ ما دْخَلتوش واللي حَبّو يَدُّخلو، منحَتوهُم."

53 كي خْرَج من تَمَّة، بْداو الكُمَّابِ والفَريسِيِّين يْضَيَّقو عليه ويْهَدّروه على حاجات بَرَّاف، 54 ويْديرولو الفَخَّات باش يَحَّكُمو عليه كاش كَلمة تَخرُج من فَمَّو.

12

### اللي يْتْبَعُو يَسُوع

أ في هَداك الوَقت، نُجَّع الغاشي بالأُلوف حَتَّى وَلآو هَدا يَعفَس على هَدا، وقال يَسوع للتابعين مْتاعو: "قْبَل كُل شي، رَدّو بالكُم من خْميرة الفَريسِيين اللي هِي التَّنوفيق، ² خاطَر ما كانش حاجة غُنَّية ما تُنكشَفش وَلاّ سَرّية ما تُنعرَفش، 3 على هَدا، كامَل الشي اللي قُلتوه فالضَلمة رائج يَنسمَع فالضو واللي قُلتوه فالوَدنين فالبْيوت رائج يَتبرَّح بيه فوق السُطُوح، 4 نُقولَكُمُ لِيكُم يا حْبابي، ما تُخافوش من اللي يَقَتلو الدات ومن بَعد ما يَقَدرو يْديرو حَتَى حاجة كُتُر، وَ نُورَيلُكُم شُكُونَ لازَم غُخافو. خافو اللي بَعد ما يَقتَل، يَقدَر يَرمي في جَهَمَّ. إِيه، نُقولَكُمُ، هُوَ اللي لازَم غُخافوه. وما ماهي خَمس زْواوَش يَبَاعو بزوج صوردي؟ وواحد فيهُم ماهو مَنسي عَند الله، 7 وحَتَى شُعَر راسكُم محسوب كامَل. ما نُخافوش، تَسواو كُتَر من زْواوَش بَرَّاف. 8 نُقولَكُمُ، كُل واحَد يَستَعرَف بِيَّ قُدام الناس، يَستَعرَف بيه بْن الانسان قُدّام مالايكة الله، 9 واللي يَنكُرني قُدّام الناس، يَتَنكَر قُدام مُلايكة الله، 10 وكُل من يُقول كَلمة ضَد بْن الانسان يَتَغفَرلو، بَصَّح اللي يكفَر ضَد الروح القُدّوس ما يَتَغفَرلوش. 11 كي يَدّيوكُم للمُجامَع ولعَند الحُكّام والحُكومات ما تَتَغيّروش على كيفاش رايحين تُدافعو على روحكُم وَلاّ واش رايحين تُقولو، 12 خاطر الروح القُدّوس يُعْلَمُون في ديك الساعة واش لازَم تُقولو."

#### مْتُل الْمُرَفَّةُ الْجَايَحُ

13 قال واحَد من الغاشي ليَسوع: "شيخ، قول لخوي يَقسَم معاي الوَرت"، 14 جاوبو يَسوع: "يا راجَل، شُكون حَطني عليكُم قاضي وَلاّ باش نَقسَمَّلكُم"، 15 وقاللهُم: "رَدّو بالكُم وعَسو روحكُم من الطْمع، خاطر والو يُكون الواحَد مْرَقَّه، حْياتو ما تُكونلوش بشيّو." 16 وعْطالهُم هاد المُتل وقال: "كان واحَد الراجَل مْرَقَّه، جابَت الأرض مُتاعو بَرَّاف الغَلَّة، 17 بُقا يُخَمَّم في قَلبو: "واش نْدير، خاطَر ما عَنديش مْكان نْلَم فيه الغَلّة مْتاعي؟" 18 أومبَعد قال: "هاو واش نْدير: "ثُريَّب الحُخازَن مْتاعي ونَبني واحَدُخرين مُجار عليهُم ونْلَم تَم كامَل القَمح وواش نَسعا، 19 ونقول النفسي: "يا نفسي، عَندك خير مُبير مُخبِي لغوام طوال، رَيِّي، كولي وأشَّربي وأقَرَحي."" 20 بَصَّح الله قاللو: "يا الجائح، هاد الليلة بالدات تَرجَع روحَك لعَند مولاها، والشي اللي وَجَّدتو، ليمَن يُولِيَّ؟" 21 هَكَدا اللي يُخبِّي الكُنوز لروحو وما يتَغناش عَند الله."

## الله يلْتَهَا بينا

- <sup>22</sup> وقال يَسوع للتابعين مْتاعو: "على هَدا نْقُولَلَكُم: "ما تَتَخَيَّرُوش على حْياتُكُم واش تاكلو وَلاّ على داتكُم واش تَلَّبسو، <sup>23</sup> خاطَر الحْياة ماشي غير الماكلة، والدات ماشي غير اللَّبسة، <sup>24</sup> شوفو الغَربان، ما يَزَّرعو، ما يَحَّصدو، وما عَندهُم لا مَخزَن لا سَدّة، والله يْطَعَمهُم، وأنتومَ تَسواو كْتَرَ بَزَّاف من الطْيور.
- <sup>25</sup> شُكون فيكُم يَقدَر يْزيد بَخَمامو نَص ساعة لحْياتو؟ <sup>26</sup> وَلاّ ما تَقَدروش للحاجة الصْغيرة، عْلاش تَخَيَّرو على الباقي؟ <sup>27</sup> شوفو كيفاش يْنوض السيسان، ما يُخدَم ما ينسَج، ونْقوللكُم باللي حَتَّى سُلَيمان في كامَل شانو ما لَبسش كيما واحَد فيهُم. <sup>82</sup> وَلاّ الله يُكسّي هُكدا الحُشيش اللي يُكون اليوم فالأحواش وغَدوة يَتَّرما فالكوشة، ماشي يُكسّيكُم أنتومَ كُتَر يا قْلال الإيمان؟ <sup>29</sup> أنتومَ ما تُخمّموش على واش تاكلو وواش تَشَربو وما تَتقلقوش، <sup>30</sup> خاطر هاد الحاجات، ناس الدَنيا هومَ اللي يُحوّسو عليهُم، بَصَّح أنتومَ، باباكُم راهو عارَف باللي تَسَّحقوهُم. <sup>31</sup> حَوّسو على مَلكوت الله وهاد الحاجات كامَل يَنزادولكُم.
- 32 ما ثخافش يا القطيع الصْغير، خاطَر باباكُم حَب يَعطيلكُم المَلكوت، 33 بيعو واش عَندَكُم وصَدقوه. ديرو لروحكُم مال ما يَقدامش وكَنز ما يَخلاصش فالسَّماوات وين السَّرّاق ما يَدَّنَاش والسوسة ما تاكُلش، <sup>34</sup> خاطَر وين يُكون كَنزُكُم، تَم يُكون قَلبكُم تاني.

مْتَل الخَدَّامين الواجدين

35 لاَزَم يُكُونُو كُلاُويكُم عُخَرِّمين وكانكِيَّاتُكُم شاعلين، 36 وأنتومَ كُونُو كيما الناس اللي يَستنّاو سيدهُم يَرجَع من العَرس باش غير يَوصَل ويْطَبطَب يْحَلَّولُو. 37 يا سَعدهُم هَدوك الخَدَّامين اللي كي يْجِي سيدهُم يَلقاهُم سَهرانين، نُقُولُكُمُ الصَح، يَتَحَرَّم ويْقَعَّدهُم على الميدة ويْجِي يَحَدَمُهم، 38 يْجِي بعد المُغرب وَلاَّ فِي نَص الليل، يا سَعدهُم لو كان يُقاهُم سَهرانين، <sup>39</sup> أَعْرفُو مُليح باللي لو كان مول الدار يَعرَف واش من الساعة يْجِي السَرّاق، ما يُخَلّيهش يَدخُل لدارو. <sup>40</sup> أنتومَ تاني، كونو واجدين، خاطَر فالوقت اللي ما تْديروهش في بالكُم يْجِي بْن الإنسان."

### مْتَلَ الوْكيل الحْلالي

41 قاللو بُطرُس: "رَبِيّ، لينا تُقول هاد المُتل وَلاّ للناس كامَل؟" 42 قال الرَب: "شْكون هُو الوْكِيل الحُلالي العاقل اللي يُوكَلو سيدو على ناسو باش يَعطيلهُم حَقهُم مْتاع الماكلة فالوَقت؟ 43 يا سَعدو هَداك الخدّام اللي كي يْجي سيدو يَلقاه يْدِير هَكدا، 44 نْقوللكُم الصَح، رائج يُوكَلو على كامَل مْلاكو. 45 بَصَّح لوكان هَداك الخدّام اللي كي يْجي قلبوذ "سيدي يَبطا باش يْجي، ويَبدا يَضرَب فالخدّامين والخدّامات، وياكُل ويَشرُب ويسَكَر، 46 يْجي سيدو فاليوم اللي ما يُديروش في بالو، وفالساعة اللي ما يُكونش عارَف، ويعطيلو حَقّو مع الخاينين. 47 هَداك الخدّام اللي يَعرَف واش يْحَب سيدو وما يُوجِّدش روحو وما يُديرش واش يْحَب سيدو، هَداك يَتَضرَب بَرّاف، 48 بَصَّح اللي يَعرَف واش يُحَب مارف، ويْدير حاجة يَستاهَل عليها الضَرب، يَتَضرَب شُويّة. اللي يَتَعطالو بَرّاف، يَتَطلَب منّو بَرّاف، واللي يَتوكَل على حاجة حُبيرة، يَتَطلَب منّو حُتَر.

## السْلام والفْراق

49 جيت نَشَعَل نار فوق الأرض، وشُحال ماداييَّ لو كان تُكون شَعلَت، 50 لازَم تَتَعَمَّد بواحَد المَعموديّة وشُحال راني مُقَلَق باش تَكَلَى. 51 تَصَّبو باللي جيت نُجيب السّلام فوق الأرض؟ لالا، نْقولَلَكُم بالعَكس، جيت نُجيب الشّراق. 52 خاطَر من اليوم، خَمسة في دار يُكونو مَقسومين: ثلاتة ضَد زوج وزوج ضَد ثلاتة، 53 يَنقَسمو، الباباة ضَد الوُّلَد وَالوَّلَد ضَد الباباة، اليَّمَاة ضَد البَّباة، المُجوزة ضَد الباباة، اليَّمَاة ضَد البَّباة، المُجوزة ضَد البُّالِة، المُجوزة."

#### مَيزّو الزّمانات

54 قال تاني للغاشي: "كي تُشوفو شحابة طالعة من الغَرب، تَم تَم تُقولو رايحة تُصَب الشّتا، والشّتا تُصَب، 55 وكي تُشوفو الربح يُنوض من الجنَوب، تُقولو رايحة ثُجي السْخانة، ويُجي السْخانة. 56 مُنافقين، تَعَرفو ثُميّزو حال الأرض والسّما، كيفاش هِمّالا ما تَعَرفوش ثَميّزو هاد الزْمان؟ 57 وَعلاش ما ثُميّزوش وَحَدَّكُم وين راه الصْلاح؟ 58 كي تُكون رايح مع عْدوك لعَند الحاكم، دير مجهودك وأنتَ فالطريق معاه باش تَسلَك منّو، يْعود يْكْرَكُ لعند القاضي، والقاضي يُسلّمُك للشُرطي والشُرطي يَرميك فالحبّس، 59 نُقوللك، راك ما تَخرُجش من تَم حَتّى تُرد الصوردي الأخراني."

#### 13

التوبة

ا في ُهٰداك الوَقت، وَصلو ناس خَبَرو يَسوع على واحَد الجْليليّين خَلَّط ببلاطَس دَمُهُم مع دَم دْبايَحهُم. <sup>2</sup> جاوَب يَسوع وقاللهُم: "راكُم حاسبين باللي هاد الجْليليّين كانو خاطيين كُتَر من كامَل الجْليليّين الأُخرين كي تْعَدبو هَكدا؟ لا لا نُقولَلكُم، لو كان ما تُتوبوش، رايحين ثموتو كامَل كيما هوم، 4 وَلا هَدوك الثَّنطاش اللي طاح عليهُم البُرج في سَلوام وقْتَلهُم، راكم حاسبين باللي دارو الدنوب خُتَر من كامَل الناس اللي يَشْكنو في أورشَليم؟ 5 لالا نْقولَلكُم، بَصَّح لو كان ما تُتوبوش، رايحين ثموتو كامَل كيما هومَ."

## مْتَل الكَرمة اللي ما ثْجيبش الغَلّة

٥ زاد قال هاد الْمَتَل: "واحد الراجَل كانت عندو كرمة مغروسة فالدالية متاعو، راح يُجيب منها فاكية بَصَّح ما لْقاش، <sup>7</sup> قال للفَلاّح المَستكلف بالدالية: "عندي تلت سنين وأنا نُجي نَدّي الفاكية من هاد الكرمة وما نلقاش. قَطَّمها، وعلاش راهي حاكمة الأرض بلا فايدة؟" 8 جاوب الفلاّح: "سيدي، زيد خَليها هاد العام تاني، نَحفر ساير داير عليها ونُحَطَّلها الغبار، <sup>9</sup> بلاك تُجيب الفاكية منا للفوق، ولا ما كانش، قَطَّعها.""

#### مْرا تَبرا فالسَبت

10 كَان يَسوع يْدَرَّس في واحَد من الجُمامَع فالسَبت، 11 وكانَت تَمَّة واحَد المُرا عندها روح مَعَيَّبها من تُمَنطاشَن سُنة. كانَت عَندها حَدبة وما تَقَدَرش كامَل تَوقَف مْسَلِّسة. 12 كى شافها يَسوع عَيَّطلها وقاللها: "يا مْرا، راكي سالكة من العيب اللي فيك"، 13 ودار يَّديه عليها وتَمَ تَم شُلِّسَت وسَبحَت الله. 14 بَصَّح، رايَس الجَمَع مُغَشَّش كي داوا يَسوع فالسَبت، قال للغاشي: "كايَن سَت أيام للخَدمة، أرواحو تَدَّاواو فيهُم وماشي في يوم السَبت." 15 جاوبو الرَب وقال: "مُنافقين، ماشي كُل واحَد فيكُم يُحُل الحُبيلة للفَرد وَلاّ للخُمار مْتاعو من المَدود ويَدِّيهُم يَشُّربو، 16 وهاد المُرا اللي هِي بَنت إبراهيم، واللي كان رابطها الشيطان من تُمَنطاشَن سَنة، ما كانش لازَم تَنحَل من الرُباط في يوم السَبت؟" 17 كي هُدر هَكدا، حَشمو كامَل اللي كانو ضَدّو، والغاشي كامَل فُرَح بالحاجات النجار اللي كان يُديرهُم.

## مْتَل حَبَّة الخَرَدَل وحَبَّة الخُميرة

18 وقال يَسوع: "لواش يْشَبَّه مَلَكوت الله وباش نْشَبَّهو؟ 1<sup>9</sup> يْشَبَّه لزَرّيعة خَردَل، أدّاها بْنادَم وغْرَسها في جْنانو، ناضَت ووَلاّت سَجرة كْبيرة وعَشْشو طْيور السْما في غْصانها."

<sup>20</sup> وزاد قال: "باش نْشَبَّه مَلَكوت الله؟ <sup>21</sup> يْشَبَّه لْخيرة أدّاتها مْرا ودارَتها في تَلَت كيلات فَرينة حَتَّى تَخَمَر كامَل الْعجينة."

#### الباب الضّيقة

22 وكَان يَسُوع في طْريقو لأورشَليم يُجوز على المُدايَن والدْشور يْدَرَّس. <sup>23</sup> قاللو واحَد: "رَبِّي، كايَن غير ناس قَلال اللي رايحين يَسَّلكو؟" قاللهُم: <sup>24</sup> "ديرو مجهودكُم باش تَدُّخلو من الباب الضَيقة، خاطَر نْقوللكُم كايَن برَّاف اللي رايحين يُحوسو يَدَّخلو وما يَقَدروش، <sup>25</sup> بَعد ما مول الدار يْنوض ويَغلَق الباب وتَبداو أنتومَ اللي واقفين برَّا تُعْلَطبو فالباب وتُقولو: "رَبِّي، حَل لنا." يُجاوَب ويْقوللكُم: "ما نَعرَفكُمش منين أنتومَ"، <sup>26</sup> داك الوقت تَبداو تْقولو: "كُلينا وشْرَبنا قُدّامك ودَرَّست في طُرقاننا"، <sup>27</sup> يُجاوَب: "نْقولهالكُم، ما نَعرَفكُمش منين أنتومَ، بَعدو عليَّ يا فاعلين الشَرّا، <sup>28</sup> تَم اللي يُكون البُكا وغَن السَّنان. كي تُشوفو إبراهيم وإسحاق ويَعقوب وكامَل الأَنبيا في مَلكوت الله وأنتومَ مَرميّين بَرَّا، <sup>29</sup> ويُجيو من المَشرَق والمَغرَب، من الشَمال والجَنوب، ويَقَعدو على الميدة في مَلكوت الله، <sup>30</sup> ويُكون الله الأخرانيّين يُولّيو الأخرانيّين. والأولانيّين يُولّيو الأخرانيّين."

### يَسُوع يَبَكي على أورشَليم

<sup>15</sup> في هَديك الساعة، جاو واحَد الفَريسِيّين يُقولولو: "أخرُج وروح من هْنا، خاطَر هيرودَس راه حاب يَقْتلَك"، <sup>22</sup> قالَلهُم: "روحو وقولو لهَداك التَعلَب، راني شُخَرَّج الشَّياطَن ونشفي اليوم وغَدوة والنَّهار التالَت نُكَلَّل، <sup>33</sup> خاطَر لازَم نُكَلَّ طْريقي اليوم وغَدوة واليوم اللي من بَعد، خاطر ما والمَنش يُموت نَبي بَرَّا على أورشَليم، <sup>34</sup> يا أورشَليم، يا قَتَّالة الأَنبيا ورَجَّامة المَرسولين ليها، شُّعال من مَرّة حَبيّت نَلَم وْلادَك كيما تُلَم الجَاجة فْلالسَها تَحت جُناحتيها وما حَبيّتوش. <sup>35</sup> هايليك داركم باقيَتَلكُم، ونْقولهالكُم، ما تْزيدوش تُشوفوني حَتّى يُجي الوَقت وين تْقولو: "مُبارَك اللي جاي بآسَم الرَب."

#### 14

#### في دار الفَرّيسي

ا واحَد المَرَّة، في يوم سَبت، دْخَل يَسوع لدار واحَد من رِيّاس الفَرّيِسِيّبن باش ياكُل وكانو الفَريِسِيّين يْعَسّو فيه، وكان قُدّامو واحَد الراجَل عَندو الما في داتو. 3 نُطَق يَسوع وقال لشْيوخ الشَريعة والفَريسيّين: "يْجوز لواحَد يْداوي فالسَبت وَلاّ لالا؟" 4 بَصَّح هومَ بْقاو ساكتين، وشَد يَسوع هَداك الراجَل وشْفاه وخَلاّه يْروح. 5 وقاللهُم: "شْكون فيكُم لو كان يْطيح وْليدو وَلاّ الفَرد مْتاعو فالبير، ما يَجَّبدوش بالخَف في يوم السَبت؟" 6 ما قَدروش يْجاوبوه على هاد الشي.

7 ومَد للضّياف مْتَل كِي شَافَهُم كِيفاش يُخَيِّرُو الكُراسا الأَوّلين وقاللَهُم: 8 "كِي تُكون مَعروض من عَند كاش واحَد لغرس، ما تُروحش تَقعَد فالكُرسي الأوَّل، يُعود يُكون فالناس اللي مَعروضين واحَد خير منَّك، 9 ويُجي اللي عْرضكُم فِي زوج ويْقولك: "خَليو الكُرسي مْتاعك." داك الوَقت، تُروح مَبخوص تَقعَد فالكُرسي الأخراني، الله عْرضكُم فِي يَعَرضوك، روح تَقعَد فالكُرسي الأخراني، باش كي يُجي اللي عَرضك يْقولك: "صاحبي، روح للقُدّام"، هاد الشي يُشَرفُك قُدّام كامَل اللي يُكونو معاك على الميدة. 11 خاطر اللي يَحسَب روحو تُطيح قيمتو، واللي ماشي حاسَب روحو، تندارلو القيمة." 12 وقال تاني للي عَرضوك هوم تاني ويْرَدّولك خيرك، 13 بَصَّح كي تُدير الضّيافة، أعرَض وَلا مُواليك وَلا الجيران المُرفّهين يُعودو يَعَرضوك هوم تاني ويْرَدّولك خيرك، 13 بَصَّح كي تُدير الضّيافة، أعرَض القُلالين، العاييين، الكُعوانين والعَميين. 14 يُكونلك السَعد على جال اللي ما عَندهُمش باش يُردّولك، خاطر يَتَردلك في قيامة الصالحين."

## مْتَل الوَكِيمة الكْبيرة

15 كي شُمَع واحَد من اللي كانو قاعدين على الميدة هاد الكُلام قال ليَسوع: "يا سَعد اللي ياكُل لُقُمة في مَلكوت الله"، 16 قاللو يَسوع: "واحَد الراجَل دار عْشا كُبير وغرَض ناس بَزّاف، 17 في وَقت العْشا، بْعَت الحْديم مْتاعو يُقول للمَعروضين: "أرواحو، راه كُل شي واجَد." 18 بَصَّح، كامَل بْداو يَطَّلُبو السْماح، الأوَّل قاللو: "شْريت حوش ولازَم نْروح نْشوفو، غير أعفيني"، 19 واحَدآنُر قال: "شْريت خَمس زْواج مْتاع الفْراد وراني رايج نُجَرَّبهم، غير أعفيني"، 19 واحَدآنُر قال: "شْريت خَمس زْواج مْتاع الفْراد وراني رايج نُجَرَّبهم، غير أعفيني"، 20 واحَدآنُر قال: "غير كيما تُزوَّجت وعلى هَدا ما نَقَدَرش نُجِي." 21 كي رْجَع الحُديم وخَبَر سيدو بهاد الشي، تُغشَّش السِيَّد وقال لخْديمو: "أَخُرج بالخَف للحُوم مْتاع المْدينة وزْنايقها وجيب اللَهنا الفُلالين، العايبين،

الكَعوانين والعَميين." <sup>22</sup> قال الخُديم: "سيدي، الشي اللي آمَرت بيه نْدار، ومازال كايَن الوْسَع." <sup>23</sup> قال السِيَّد للخْديم: "أخرُج للطُرقان ووين كايَن الزَّرب واللي تَلقاهُم وَكَّد عليُهم باش يَدُّخلو لعَندي حَتَّى تَتَعَمَّر داري، <sup>24</sup> خاطر نْقولَلكُم، حَتَّى واحَد من اللي كانو مَعروضين ما يْدوق عْشايَ.""

## اللي يُوكِيّ تابَعَ يُسُوع

25 غاشي كبير كان يَمشي مع يَسوع، دار وقاللهُم: 26 "لو كان يُجي واحَد لعَندي وما يَكرَهش باباه ويَمّاه ومَرتو ووْلادو وخاوتو وخْواتاتو وحَتّى حْياتو، ما يَقدَرش يُكون التابَع مْتاعي، 27 واللي ما يَرفَدش صْليبو ويْبَبَّعني ما يَقدَرش يُكون التابع مْتاعي، 28 واللي ما يَرفَدش صْليبو ويْبَبَّعني ما يَقدَرش يُكون التابع مْتاعي، 28 خاطر شُكون فيكُم، كي يُحب يَبني بُرج، ما يَقعَدش قْبَل ويحسَب شُعال يَستقاملو ويْشوف وَلاّ عَندو باش يُكَلّو، 29 يْعود بَعد ما يُدير اللساس، ما يَقدَرش يُكَلّ ، ويَبداو كامَل اللي شافوه يَتَسخرو بيه، 30 ويْقولو: "هاد الإنسان بْدا يَبني وما قُدرش يُكَلَّ." 31 وَلاّ واش من السَلطان، كي يُكون رائح يُحارَب سَلطان واحداَنُر، ما يَقعَدش قْبَل ويشوف وَلاّ يَقدَر بعَشر آلاف راجَل يْقابَل اللي راهو جاي يَردَم عليه بعَشرين ألف؟ 32 وَلاّ شاف روحو ما يَقدَرش، يَبعَت مْراسَل للسَلطان الآخُر بيدما راهو بْعيد، يَطلَب مَنّو الصُلح. 33 هَكدا، كُل واحد فيكُم ما يَسمَحش في كُل واش يَسعَا ما يَقدَرش يُكون التابَع مْتاعي.

### مْتَل المُلَح

<sup>34</sup> المَلَح مْليح، بَصَّح لو كان تْروحلو البَّنَّة مْتاعو، باش نْرَجَّعولوهالو؟ <sup>35</sup> يَرميوَه بَرَّا خاطَر ما يُوَلِّي يَصلَح لا للأَرض، لا للغْبار. اللي عَندو وَدنين باش يَسمَع، غير يَسمَع."

#### 15

### مْتُل الخُرْوف الضايَع

أكانو كامَل المُكَاسين والخاطيين يْقَرّبو من يَسوع باش يَسَّمعولو. 2 بْداو الفَريسيّين والكُمَّاب يْدَمدمو ويْقولو: "هَدا يَستَقبَل الخاطيين وياكُل معاهُم." 3 مَدَّهُم هاد المُتَل وقال: 4 "شْكون فيكُم، لو كان يُكونو عَندو مْية خروف و يَتَبَحَّرلو واحَد، ما يُخلّيش التَسعة وتَسعين فالخلا ويْروح يْحَوَّس على هَداك اللي تْبَحَّرلو حَتّى يَلقاه؟ 5 وكي يَلقاه يُخطّو على ثُكافو وهُوَ فَرحان، 6 وكي يُولِّي لدارو، يْعيَّط لصْحابو وجيرانو ويْقوللهُم: "أفَّرحو معاي خاطر راني لْقيت الخروف اللي تُجَرَّلي." 7 نْقوللكُم باللي هَكدا تُكون الفَرحة فالسَّما على جال واحد خاطي يْتوب كُتَر من اللي تُكون النَسعة وتَسعين صالحين ما يَستَحقوش التوبة.

#### مْتَل الفْراك المْبَحَّر

 8 وَلا واش من المْرا اللي يْكونو عَندها عَشر فْراكات ويَتبَحَّرلها فْراك واحَد ما تَشْعَلش الضو وتُكنَس الدار وتُحَوَّس مْليح حَتّى تَلقاه؟ و وكي تَلقاه، تُعيَّط لحْباباتها وجاراتها وتْقول: "أفَّرحو معاي خاطر راني لْقيت الفْراك اللي تُبْحَرْلي." 10 وهكدا نْقولَلـكُم تُكون الفَرحة قُدّام مَلايكة الله كي يْتوب واحَد خاطي."

11 وزاد قال: "واحَد الراجَل كان عَندو زوج وْلاد، 12 قال الصْغير فيهُم لباباه: "بابا، أعطيني نْصيبي اللي راني رايح نَوَّرتو." وقْسَمَّلُهُم باباهُم المَلك مْتاعو. 13 بَعد يامات قْلال، لَم الْوْلَد الصْغير شَيَّو كامَل وسافَر لبْلاد بْعيدة وين رْما دْراهمو وهُوَ عايش بلا راى. 14 بَعد ما صْرَف كُل شي، جات مَجاعة كْبيرة في هَديك البّلاد، وبْدا يَلقا روحو فالحوج. 15 راح يَخدَم عَند واحَد من ناس هَديك البّلاد، بَعتو للأحواش مْتاعو يَرعا الحْلالَف. 16 وكان يَتَشَهّا يْعَمَّر كَرشو من الخرّوب اللي كانو ياكلوه الحْلالُف بَصَّح حَتّى واحَد ما كان يَعطيلو منّو. 17 تُكاكا مع روحو وقال: "شحال من خَدّام عَند بابا عَندو الخُبز بالشّبعة، وأنايَ راني نُموت بالجوع. 18 نُنوض، نُروح عَند بابا ونْقُوللو: "يا بابا، راني غْلطت في حَق السَّما وفي حَقَّك، 19 وما نَستاهَلش نْزيد نَسَمَّا وْليدك، ديرني كي واحَد من الخدَّامين مْتاعك."" <sup>20</sup> ناض وراح لعَند باباه. وكي كان مازالو بْعيد، شافو باباه وحَن عليه وراح يُجري، عَنَّقو وباسو. 21 قاللو وْليدو: "بابا، غْلَطَت في حَق السَّما وفي حَقَّك، وما نَسَتاهلش نْزيد نَسَمَّا وْليدَك"، 22 بَصَّح باباه قال للخَدّامين مْتاعو: "غاولو، جيبو القَندورة المُخيّرة ولبّسوهالو، ديرولو خاتَم في صَبعو وصْبابَط في رَجليه، <sup>23</sup> وجيبو الوَكريف السَّمين وأدَّبحوه. هَيَّا ناكلو ونَقَرحو، 24 خاطَر وْليدي هَدا كان مِيَّت وعاوَد حْيا، كان مْبَعَّر ولْقيناه." وبْداو يَقْرحو. 25 ووْليدو الكْبير كان فالحوش. كي رْجَع ووْصَل قْريب للدار، شُمَع الجوق والغْنا، <sup>26</sup> وعَيَّط لواحَد من الخدَّامين وسَقساه واش كايَن. 27 قاللو هَداك الخدَّام: "خوك رْجَع وباباك دْبَح الوَّكريف السَّمين خاطَر عاوَد شافو بخير." <sup>28</sup> زْعَف الوْلَد وكي ما حَبش يَدخُل خْرَج باباه وحَب يْدَخّلو. <sup>29</sup> جاوَب وقال لباباه: "شحال من عام وأنا نَخدَم فيك، عُمري ما عْصيتَك في حاجة، وعُمرَك ما عْطيتني حَتّي عَتروس باش نَزها مع صْحابي. 30 بَصَّح، كي جا وْليدَك، هَداك اللي كُلا دْراهمَك مع الزانيات، ليه اللي دْبَحَت الوَكريف السْمين." <sup>31</sup> قاللو باباه: "يا وْليدي، أنتَ راك دايمًا معايَ، شِيَّى هُوَ شيَّك، 32 بَصَّح، كان لازَم نَفَّرحو ونزهاو خاطَر خوك هَدا كان ميَّت وعاوَد حْيا، كان مُبَحَّم ولْقيناه."

16

## مْتَل الوْكيل الخايَن

1 زاد قال يَسوع للتابعين: "واحَد الراجَل مْرَفَّه، كان عَندو وْكِل، بَيْعوه باللي كان يُبَدَّرلو دْراهمو. 2 عَيَّطلو وقاللو: "واش هاد الشي اللي شُعتو عليك، جيب الحُساب مْتاع وْكالتَك، خاطر ما تْزيدش تْكون وْكِل على شَيِّي." قال الوْكِل في قلبو: "واش نْدير كي نَحّالي المُعَلَّم مْتاعي الوْكالة؟ نَخدَم الأَرض؟ ما نَقدَرش، نَطلَب؟ نَحشَم. 4 راني عارَف واش نْدير باش يَقَبلوني الناس في دْيورهُم كي نَحّاوَز من خَدَّمتي." 5 عَيَّط لكامل اللي كان المُعلَّم مْتاعي؟" 6 قاللو: "مْية كيلة مْتاع الزيت"، قاللو: "شَد الوَرقة مْتاعك، أقعَد بالخَف وأكتَب خَمسين"، 7 وقال لواحداتُحُر: "وأنت شُحال يْساللك؟" قاللو: "مْية كيلة مْتاع الوَرقة مْتاعك، أقعَد بالخَف وأكتَب خَمسين"، 8 المُعلَّم شُكر الوكيل الخاين على شطارتو، خاطَر ناس الدَنيا شاطرين مع اللي بْحالهُم كُتَر من وْلاد النور. 9 وأنايَ نْقولَلكُم: ديرو الصْحاب بالمال الدوني باش لو كان تَخَصَّو، شاطرين مع اللي يُخون فالقُليل، يُخون فالقُليل، يُخون فالكُتير، والي يُخون فالقُليل، يُخون فالكُتير، والي يُخون فالقُليل، يُخون فالكُتير، والي المُنتوش حُلاليّين فالمال الدوني، شُكون يامَنكُم على المال الحقاني؟ 12 وَلاّ ما كُنتوش حُلاليّين في حاجة

غيركُم، شْكون يَعطيلكُم حاجَتكُم؟ <sup>13</sup> حَتّى خَدّامٍ ما يَقَدَر يَخدَم زوج سْياد، خاطَر يا يَكَرَه واحَد ويْحَب الآخُر، يا يَتعَلَّق بواحَد ويَسمَح في الآخُر. ما تَقَدروش تَخَدَّمو الله والدْراهَم."

#### الطْلاق

القريسيين كانو يَسَمعو هاد الشي كامَل وكانو يَتَسخرو بيه خاطر كانو يُحبّو الدْراهَم. 15 قاللهُم يَسوع: "أنتوم، غُبّو تَبيّنو روَحكُم صالحين قُدّام الناس، بَصَّح الله يَعرَف قُلوبكُم، خاطر اللي عَندو قيمة عَند الناس مَكروه عَند الله، أالشريعة والأُنبيا دامو حَتى لزْمان يوحَنّا، من داك الوقت بْدات البشارة بملكوت الله، وكُل واحد يَستَعمل القُوّة باش يَدخُل ليه. 17 ساهَل خُتر للسَّما والأَرض باش يْزولو، من حَرف صْغير واحد من الشريعة باش يْطيح. 18 كُل واحد بُوري زاني، واللي يَتزوَّج بمرا مُطَلِّقة من راجَلها زاني."

### المْرَفَّة ولِعازَر

19 كان واَحد الراجَل مْرَفّه، يَلبَس غير الحُواجَ الغاليين والحُرير، وكان كُل يوم يَتَنعَّم ويَزها. 20 وكان واحد الطُقلِل، واسمو لِعازَر، مَرمي عَند بابو، مُعمَّر بالقُروح، 21 كان يَتشَهّا يْعمَّر كَرشو بالفُتات اللي كان يُطيح من ميدة المُرفّة، وحَتى الكُلاب كانو يُجيو يَلتحسو القُروح مْتاعو، 22 مات القُلل ورَفدوه المَلايكة لحُضن إبراهيم، المُرفّة عينيه وفالوقت اللي كان هُو يَتعَدَّب شاف إبراهيم من البعيد ولِعازَر في حُسنو، 24 عَيَّط وقال: "يا بابا إبراهيم، أرحمني وأبعت لِعازَر باش يُشَمَّخ طَرف صَبعو فالما ويُبرَّد لي لساني خاطر رأي تتعَدَّب في هاد اللهيب." 25 قاللو إبراهيم: "يا وليدي، أتفكّر باللي أنت أدّيت ملاكك في حياتك، ولعازر أدّا الوْجاع في حياتو، دُرك هُو راهو يَتهنّا، وأنت راك تتعدَّب. 26 وزيد بزيادة، ندار بيننا وبينكم زَرداب عبير، باش اللي يُحبّو يُجوزو من هنا لعَندكم ما يَقَدروش، واللي يُحبّو يقَطعو من عَندكم لعندنا ما يَقَدروش." 27 قال المُرفَّة: "نطلب اللي يُحبّو يُجوزو من هنا لعَندكم ما يقدروش، واللي يُحبّو يقَطعو من عَندكم لعندنا ما يقدروش." 27 قال المُرفَّة: "نطلب مناك يا بابا إبراهيم تبعَت لعازر لدار بابا، 28 خاطر عندي خمس خاوة، يُغبَرَّهُم باش ما يُجيوش لهاد المُضرب مُتاع العُداب." 29 قاللو إبراهيم: "عَدهم موسى والأنبيا، ما عليهم غير يَسَّمعولهُم." 30 قال: "لالا يا بابا إبراهيم، بَصّح لو كان يُوض الودي من الموتى، يتوبو." 31 قاللو إبراهيم: "وَلاً ما سَمعوش لموسى والأنبيا، حَتَى لو كان يُوض ليُهم واحَد من الموتى ما راهُمش رايحين يَتَقَنعو.""

#### 17

#### العَترة والغُفران والإيمان

أ قال يَسوع للتابعين مْتاعو: "محال ما يُكونوش العَترات، بَصَّح يا ويلو اللي يُكون سْبابهُم، 2 لو كان يُحطّولو حَجرة الرْحا في رَقَبْتو ويَرميوه فالبْحر، خيرلو من اللي يْعتَّر واحَد من هدوك الصْغار. 3 رَدّو بالكُم على روحكُم: وَلا غُلط معاك خوك، لومو، وَلا تاب سامحو، 4 وَلا غُلط معاك سْبَع مَرّات فالنْهار، ورْجَع ليك سْبَع مَرّات يُقول: راني تايَب، سامحو، 5 قالو الرُسُل للرَب: "قوّي إيماننا." 6 قال الرَب: "لو كان يُكون عَندكُم إيمان قَد زَرّيعة الخردَل، تقولو لهاد السَجرة مْتاع التوت: "أتقلّعي وأنغرسي فالبْحَر" تطيعكُم.

<sup>7</sup> شْكُون فيكُم يْكُون عَندو خْديم، يحرَت الأرض وَلا يَرعا المال، يْقوللو كي يَرجَع من الحوش: أرواح بالخَف وأقعد على الميدة، <sup>8</sup> ماشي يْقوللو: وَجَّدلي العْشا، أتَحزَّم وأخدَمني حَتَى ناكُل ونَشرَب، ومن بَعد تاكُل وتَشرَب أنتَ. <sup>9</sup> هَداك الخْديم عَندو المْزِيّة كي يْدير الشي اللي مَلزوم عليه؟ <sup>10</sup> أتتومَ تاني، كي تْديرو كامَل الشي اللي مَلزوم عليكُم، قولو: حْنا خَدّامين بلا فايدة، دَرنا غير اللي لازَم علينا."

## العَشرة اللي عَندهُم البّرُص

11 كان يَسوع رايح لأورشَليم، وجايز بين السامرة والجُليل. 12 كي جا داخَل لواحَد الدَشرة، سْتقبلوه عَشر رْجال عَندهُم الْبُرَص. وَقفو مِن الْبُعيد، 13 وعَيْطو وقالو: "يَسوع، سيدي، حَن علينا"، 14 غير شافهُم، قاللهُم: "روحو وَرَّيو روحكُم لرْجال الدين." وكي كانو رايحين طَهرو. 15 واحَد منهُم، كي شاف روحو بْرا، رْجَع وهُو يُسْبَّح فالله بالزور، 16 شَجَد عَند رَجلين يَسوع وشكرو. وكان هاد الراجَل سامري. 17 تُكلَّم يَسوع وقال: "ماشي في عَشرة طَهرو؟ وين راهُم التَسعة الأخرين؟ 18 ما كانش فيهُم واحَد يَرجَع يُمَد التَسبيح لله من غير هاد البرّاني؟" 19 أومبعد قالو: "نوض وروح، إيمانك سَلَكك."

### وَقتاش يْجِي مَلَكوت الله؟

20 كي سَقساو الفَريسيّين يَسوع وقتاش يْجِي مَلكوت الله؟ جاوَبَهُم وقال: "مَلكوت الله ما يْجيش بصِفة باينة، 21 ما يْقولوش: راهو هنا، وَلا راهو لهيك، خاطر مَلكوت الله راهو في وَسطتُم."

22 وقال للتابعين مْتاعو: "يْجيو اليامات وين تَنشَهّاو نشوفو يوم واحَد من يامات بْن الانسان وما نشوفوهش، 23 يْقولولكُم: راهو هنا وَلاّ راهو لهيك، ما تُروحوش وما تُبتعوش، 24 خاطَر، كيما البْرق اللي يَشعَل من جيهة ويْضَوّي في جيهة أخرى فالسْما، هَكدا يْكون بْن الإنسان في نْهارو، 25 بَصَّح لازَم فالأوَّل يَعدَّب بزّاف وما يَقبلوش هاد الجيل. 26 الشي اللي صْرا في وقت نوح، يَصرا كيف كيف في يامات بْن الإنسان، 27 الناس كانو ياكلو وينشّربو، يَتزوّجو ويُزوّجو ويُزوّجو ويُزوّج و ويُذوّج و ويشربو وينيعو، ويغّرسو ويبنيو، 29 بَصَّح نْهار خُرج لوط من سدوم، طاحَت شْتا مْتاع النار والكَبريت من السْما وفناتُهُم كامَل. 30 هَكدا يَصرا نهار يَضهَر بْن الإنسان. 31 داك النهار، اللي يُكون فالموشكح ودوزانو فالدار غير ما يَهكسُ باش يْجيبهُم، واللي يُكون فالحوش تاني غير ما يُولّيش للور، 12 أَتفكّرو مَرت لوط، 33 اللي يُكون فالحوش تاني غير ما يُولّيش للور، 26 أَتفكّرو مَرت لوط، 33 اللي يُحوّس يُسلَّك عياتو يَخسَرها، واللي يُسمَح فيها يُسلَّكها. 34 نُقوللكُم، في ديك الليلة، يُكونو زوج في فراش واحَد، يتاخُد واحَد ويَبقا الآخر، 35 يُكونو زوج نسا يَرحيو كيف كيف، تتاخَد واحدة وتَبقا الأخرى، 37 جاوبوه التابعين مُتاعو وقالولو: "وين يا رَبِي؟" قاللهُم: "وين تُكون الجيفة، تَمّة يَنطَمو العُثبان."

#### 18

## مْتَل الْهَجَّالة والقاضي الضالَم

أ عْطالهُم يَسوع مْتَل يَبَيَّن باللي الواحد لازَم يْداوَم فالصْلاة وما يْلَش. 2 قال: "كان في واحد المدينة، قاضي ما يْخاف الله، ما يْدير القْدَر لبْنادَم، 3 وكانت في هديك المدينة هَجَّالة، تْجي ليه وتْقوللو: "جيبلي حقّى من عْدوي."

4 شُحال وُهُوَ ماشي قابَل، أومبَعد قال في قلبو: "والو ما نُخاف الله وما نْدير حْساب لْبْنَادَم، <sup>5</sup> بَصَّح كي سَمَّطَت عَلَيَّ هاد الهَجَّالة، غْجِيبَلها حَقَّها باش ما تُقعَدش تُكَسَّرلي في راسي."" <sup>6</sup> قال الرَب: "أَسَّمعو واش قال القاضي الضالمَ، <sup>7</sup> وَتَحَسَّبو الله ما يُجِيبش حَق عْبادو المُختارين اللي يَطَّلبوه ليل ونْهار ويَبطا باش يَستاجَبَلهُم؟ <sup>8</sup> نْقُولَلكُم، رايح يُجِيبَلهُم حَقّهُم بالخَف. بَصَّح كي يْجِي بْن الإنسان، رايح يَلقا الإيمان على الأرض؟"

## مْتَل الفَرّيسي والمُكّاس

وزاد قال هاد المُتل لشي ناس شايفين روحهُم صالحين وحاسبين روحهُم على الأُخرين: 10 "زوج رْجال طَلعو للمَعبَد باش يْصَلّيو، واحَد فَرِّيسي والآخُر مَكَاس، 11 الفَرِّيسي كان واقَف ويْصَلّي في قلبو هَكدا: "يا رَبِّي، نَّمَدَك اللي أنا ماشي كيما الناس الأُخرين، السَرّاقين، الضالمين، الزانيين، وَلا كيما هاد المُكَاس، 12 نُصوم زوج مَرّات فالجُمعة، ونْعشَر على كامَل مَدخولي." 13 بَصَّح المُكَاس، كان واقَف من البْعيد، وماشي قادر يَرفَد عينيه للسْما، وكان يُخبط في صدرو ويْقول: "يا رَبِّي، أرحمني أنا الخاطي." 14 نْقوللكُم، هاد المُكَاس هبط لدارو وهُو مُبرّي والفَرِيبي لالا، خاطر اللي يَحسَب روحو، قيمتو تنقُص، واللي يَحقَر روحو، تْزيد قيمتو."

### يَسُوع يُبارَك الدُّراري الصُّغار

15 جابولو تاني الدراري الصغار باش يمستهُم، بصَّح كي شافوهُم التابعين زْقاو عليهُم، 16 بَصَّح عَيَطلهُم يَسوع وقال: "خَلَيو الدراري الصْغار يْجيو لعندي وما تَمَنَعوهُمش، خاطَر مَلكوت الله الي بْحالهُم. 17 نْقوللكُم الصَح، اللي ما يَتَبلش مَلكوت الله كي الولد الصْغير ما يَدَّخلوش."

#### المرُفَّة

- 18 سَقساه واحَد الرايس: "يا الشيخ المُليح، واش لازَم نُدير باش نَورَت الحَياة الدابمة؟" أو قاللو يَسوع: "عْلاش تَعيَّظيي مُليح، ما كَايَن حَتَّى واحَد مُليح من غير الله وَحدو، 20 تَعرَف الأحكام: ما تَزيش، ما تَعتَلش، ما تَسرَقش وما تَشْهَدش بالزور، كَرَّم باباك ويمَّاك." 21 قاللو: "هَدو كامَل دَرتهُم من صُغري" 22 كي سُعَع يَسوع قاللو: "غُخَصَّك حاجة واحدة، بيع كامَل واش عَندَك، وفرَّقو على الفُلالين، ويْكون عَندَك كَنز فالسْماوات، وأرواح تَبعين." على المُون شَعال حُزن الراجل كي شُمَع هاد الشي خاطر كان مُرَفَّه برَّاف. 24 كي شافو يَسوع حُزن بَرَّاف قال: "شُحال واعر على المُرفَّهين باش يَدْخلو لمُلكوت الله، 25 ساهَل على الجُمَل باش يُجوز من العين مُتاع البُرة كُترَ من المُرفَّة باش يَدخُل لمُلكوت الله، 26 قالو اللي سَعو: "شكون هِمّالا يَقدَر يَسلَك؟" 27 جاوَب يَسوع: "اللي مُحال عَند الناس، ماشي مُحال عَند الناس، عُمال عَند الناس، عُمال عَند الله."
- 28 قال بُطرُس: "رانا حْنا خَلّينا شَيّنا وتَبَعناك"، <sup>29</sup> قالَلهُم يَسوع: "نْقولَلكُم الصَح، كُل واحَد خَلاّ دار وَلاّ مْرا وَلاّ خاوة وَلاّ مْوالين ولا دْراري على جال مَلكوت الله، <sup>30</sup> يَدّي في هاد الدَنيا كْتَر وفي الآخرة الحْياة الدايمة."

31 أدّاً يَسُوع التابعين في طْناش وقالَلهُم: "رانا طالعين لأورشَليم، ورايَح يَتَحَقَّق كامَل الشي اللي كَتبوه الأُنبيا على بْن الإنسان، <sup>32</sup> خاطَر رايح يَتَسَلَّم للكُفّار ويَتَمَسخرو بيه ويْسَبّوه ويَبَّزقو عليه، <sup>33</sup> وبَعد ما يَجَّلدوه، يَقَّتلوه وفاليوم التالَت يْقوم." <sup>34</sup> بَصَّح التابعين ما فَهمو والو خاطَر هاد الكُلام كان مَخْفى عليهُم وما فَهموش واش ثقال.

#### عْمَى في أريحا يُبرا

35 كي قرَّب يَسوع لأَريحا، كان واحَد العْمى قاعَد يَطلَب في طَرف الطْريق. 36 كي شُمَع الغاشي جايز، سَقسا واش كاين؟ 37 قالولو باللي يَسوع الناصري راهو جايز، 38 وبْدا يُعيَّط ويْقول: "يَسوع، يا بَن داوَد، أرحمني." 19 اللي كانو يَمشيو من القُدّام ذْقاو عليه باش يَسكَت، بَصَّح هُو زاد عَيَّط كْتَر: "يا بَن داوَد، أرحمني." 10 مُبس يَسوع وآمَر باش يُجيبوهولو، وكي قرَّب سَقساه: 41 "واش ثُحَب نْديرلَك؟" قال: "رَبِّي، نْوَيِّي نْشوف." 42 قاللو يَسوع: "وَلِّي نُشوف، إيمانَك سَلّمَكك." 43 تَم تَم وَلا يُشوف وتَبَّع يَسوع وهُو يُسَبَّح فالله، وكامَل الشَعب كي شاف هاد الشي سَبَّح الله.

#### 19

### زُكّا رايس المُكّاسين

1 أومبَعد دْخَل يَسوع وجاز على أريحا. 2 كان واحَد الراجَل واسمو زَكَا، كان رايَس المُكَاسين وكان مْرَقَّه، 3 كان حاب يْشوف شْكون هُو يَسوع بَصَّح ما قْدَرش على جال الغاشي خاطَر كان قْصير. 4 راح يَجرى للقُدّام وطْلَع فوق واحَد السَجرة باش يْشوفو خاطَر يَسوع كان جايز من تَم. 5 كي وْصَل يَسوع لهَداك المَضرَب، طَلَّع عينيه وقال لزكّا: "زكّا، غاوَل أهبَط، لازَم اليوم نْضيف عَندك"، 6 زكّا هْبَط يَجري وسْتقبلو بالفَرح. 7 كي شافو هاد الشي، كامَل الناس بْداو يْدَمدمو ويْقولو: "راح يْضيف عَند راجَل خاطي." 8 بصَّح زكّا وْقَف وقال للرَب: "رَيِّي، هاني نعطي نص مْلاكي للقُلالين، وَلا دْعُلت كاش واحَد، نْرَجَّعلو قيس رْبَع مَرّات واش أدّيتلو"، 9 قاللو يَسوع: "اليوم جا السُلاك لهاد الدار خاطَر هَدا تاني وْليد إبراهيم، 10 خاطَر بْن الإنسان جا باش يْحَوَّس على اللي كان ضايع ويْسَلّكوه." 11 كي سَمعو هاد الشي، زاد قاللهُم مْتَل خاطَر كان قُريب لأورشَليم وكانو حاسبين باللي مَلكوت الله دُرك يَضَهَر.

#### مْتُلُ الويز

12 قالَلَهُم: "واحَد الراجَل من عايلة بالطْبَع راح لبْلاد بْعيدة باش يَدِّي المُلُك ويُولِّي سَلطان ويرجَع. 13 عَيَّط لَعْشَر خَدَّامين وعْطالهُم عْشَر ويزات وقالَلهُم: "تاجرو بيهُم حَتَّى نَرجَع." 14 ناس المْدينة كانو يَكَرهوه وبَعتو موراه مُراسَل يْقولو: "ما نُحَبّوش هاد الراجَل يُكون السَلطان مْتاعنا." 15 كي رْجَع بَعد ما أدَّا المُلك، آمَر باش يُعَيَّطولو للخَدّامين اللي عْطالهُم الويز باش يَعرَف واش دارو بيهُم. 16 جا الأوَّل وقال: "سيدي، الويزة مْتاعك جابَت عْشَر ويزات." 17 قاللو: "مُليح يا الخَدّام المُليح، خاطَر كُنت حْلالي فالحاجة القُليلة، رايح تُولِّي حاكم على عَشر مْدايَن." 18 أومبَعد جا التاني وقال: "سيدي، هايليك الويزة مْتاعك، خَبيتها في طَرف قُاش، حاكم على نَحْد راه اللي ما خَطيتوش وتحصد اللي ما زْرَعتوش." 22 قاللو: "عد خاطَر كُنت خايف منَّك، أنت بْنادَم قاسي، تاخُد اللي ما حَطيتوش وتَحَصد اللي ما زْرَعتوش." 23 قاللو:

"غُاسبَك بكْلاَمَك يا الخَدَّام الدوني، كُنت عارَف باللي أنا بْنادَم قاسي، ناخُد اللي ما حَطِّيتوش ونَحَصَد اللي ما رُرَعتوش، <sup>23</sup> همّالا وَعلاش ما حَطَّيتش الويز مُتاعي فالبانكة؟ وأنا كي نَرجَع ثُخَرَّجو بالفايدة." <sup>24</sup> وقال للي كانو حاضرين: "كُيِّولُو الويزة وعْطيوها للي عَندو عْشَرة"، <sup>25</sup> قالولو: "سيدي، عَندو عْشَر ويزات"، <sup>26</sup> قاللَهُم: "نْقولَلُمُ، اللي عَندو، يَنزادلو، واللي ما عَندوش، يَتَنَحَّالو حَتَّى اللي عَندو، <sup>27</sup> وعَدياني اللي ما حَبَّونيش نُكون السَلطان مُتاعهُم، جيبوهُم اللهنا وأدَّ عوهُم قُدَّا مي."

## الدَخلة لأورشَليم

28 بَعد ما قال يُسوع هاد الشي، سُبق وطْلَع لأورشَليم، <sup>29</sup> وكي قرَّب من بيت فاجي وبيت عَنيا عَند الجبّل اللي يُسَمّيوه جْبَل الزيتون، بُعت زوج من التابعين، <sup>30</sup> وقال: "روحو للدَشرة المُقابلة، كي تَدَّخلو تلقاو شمار صْغير مربوط، ما رْكَب عليه حَتّى بنادَم، حَلّولو الرُباط وجيبوه، <sup>31</sup> لو كان كاش واحَد يُسقسيكُم: "عْلاش راكُم تُحُلّولو الرُباط وجيبوه، ألا لو كان كاش واحَد يُسقسيكُم: "عُلاش راكُم تُحُلّو الرُباط الله الرُباط الله عنه يَستحقو." <sup>33</sup> راحو اللي كانو مُبعوتين ولقاو كُل شي كيما قاللهُم يَسوع، <sup>33</sup> ي كانو يُحلّو فالرُباط الله عار؛" <sup>34</sup> قالوله مُ واليه: "وَعلاش راكُم تُحَلّو فالرُباط الله عار؟" <sup>34</sup> قالوله مُن الرَب يَستحقو." <sup>35</sup> جابو الحُمار ليسوع وركّبوه عليه بَعدما حَطّو حوايجهُم عليه، <sup>36</sup> وكي كان ماشي كانو الناس يُفرَّشولو حوايجهُم على الطريق، <sup>37</sup> ليسوع وركّبوه عليه بعدما حَطّو حوايجهُم عليه، <sup>38</sup> وكي كان ماشي كانو الناس يُفرَّشولو حوايجهُم على الطريق، <sup>38</sup> وكي قرَّب لأورشليم، عند الهَبطة مُتاع جُبل الزيتون، كامَل الغاشي مُتاع التابعين بُدا يُسَبَّح فالله بالزور من الفرحة على جال كامَل المُعجزات اللي شافوهُم، <sup>38</sup> وكانو يُقولو: "مُبارَك السَلطان الجاي بآسَم الرَب، سُلام فالسُما وعَجد فالعُلالي." <sup>39</sup> ووْجماعة من الفريسيين من الغاشي قالولو: "شيخ، سَكَت التابعين مُتاعك." <sup>40</sup> جاوب وقال: "شيخ، سَكَت التابعين مُتاعك." <sup>40</sup> جاوب وقال: "ثولكُم، لو كان يُستُكتو هومَ، الحَجَّر يُعيَّطو."

## يُسُوع يُبكي على أورشُليم

41 وكي كان قْريب من المُدينة، شافها وبُكا عليها، 42 وقال: "لو كان عْرَفتي أنتِ تاني في هاد اليوم الشي اللي فيه هْناك، بَصَّح دُرك راهو مَخْفي على عينيك، 43 خاطَر يُجيو عليك يامات وين يْدورو بيك عَديانك بالخْنادَق ويَغْلقو عليك ويما عُرفتيش عليك ويُعاصروك من كُل جيهة، 44 ويْهَدّوك ووْلادَك فيك وما يُخلّيوش فيك حَجرة فوق حَجرة خاطَر ما عْرَفتيش الزُمان اللي تْفاقَدْتِي فيه."

#### تُطهير المُعبَد

<sup>45</sup> وكي دْخَل للمَعبَد، بْدا يْحاوَز اللي كانو يْبيعو، <sup>46</sup> ويْقولَلهُم: "مَكتوب: "داري رايحة تُكون دار للصْلاة وأنتومَ رَدّيتوها غار مْتاع السَرّاقين.""

47 كان كُل يوم يْدَرَّس فالمَعبَد وكانو رِيّاس رْجال الدين وشْيوخ الشَريعة مع رِيّاس الشَعب يْحَوَّسو يَقَتلوه، 48 بَصَّح ما عَرفوش كيفاش يْديرو خاطَر الشَعب كامَل كان مَتعَلَق بيه باش يَسمَعلو. 1 في يوم من هَدوك اليامات، كي كان يَسوع يْدَرَّس الشَعب فالمَعبَد و يَبْشَر، جاو ريَّاس رْجال الدين والكُتَّابِ
مع الشْيوخ، ² هَدرو وقالولو: "قوللنا بآما حُكمة راك تْدير هاد الشي وَلاّ شْكون اللي عْطالَك هاد الحُكمة؟" ³ جاوَب
وقاللهُم: "أنا تاني نْسَقسيكُم حاجة وقولولي، ⁴ مَعموديّة يوحَنّا جات من السْما وَلاّ من عَند بْني آدَم؟" ⁵ تُشاورو
ما بيناتُهُم وقالو: "لو كان نْقولو من السْما، يْقول عُلاش ما آمَنتوش بيه، 6 ولو كان نْقولو من بْني آدَم، كامل
الشَعب يَرجَمنا خاطر راهُم مَقتَنعين باللي يوحَنّا نَبي." 7 جاوبوه باللي ما يَعرفوش منين، 8 ويسوع قاللهُم: "وأنا تاني
ما نْقولَلْكُمش بآما حُكمة نْدير هاد الشي."

### مْتُل فَلاّحين الدالية

9 وبدا يُقول للشَعب هاد المُتل: "واحَد الإنسان غْرَس دالية وخَلاّها لفَلاّحين يَستَكلفو بِيها وسافَر لمُدّة طُويلة، 10 كي لحُق موسَم العْنب، بُعَت خَدّام لهَدوك الفَلاّحين باش يُعطيولو نُصيب من غَلّة الدالية، بَصَّح هومَ ضَربوه وبَعتوه بلا ما يَعطيولو والو. 11 زاد بُعَت خَدّام واحَدآخُر، وزادو ضَربوه وسَبّوه وبَعتوه بلا ما يَعطيولو والو. 12 وزاد بُعَت خَدّام تالَت، جَرحوه وحاوزوه. 13 همّالا قال مول الدالية: "واش نْدير؟ نَبعَت وَليدي الحبيب، بَلاك يُقادروه." 14 بَصَّح غير شافوه تفاهمو ما بيناتُهُم وقالو: "هَدا هُو اللي يَورَت، هيّا نقَتلوه باش يُعتَدّلنا الوَرت." 15 خَرّجوه من الجُنان مُتاع الدالية وقتلوه. دُرك واش يُديرهُم مول الدالية؟ 16 يُجي، يُقتَل هَدوك الفَلاّحين ويَعطي الجُنان مُتاع الدالية لواحَدُخرين." كي سَمعو هاد الشي قالو: "لهَلا يُصِير هاد الشي." 17 خَرَر فيهُم يَسوع وقال: "همّالا، واش مَعنتَها هَديك الآية اللي تُقول: "الحَجرة اللي ما قَبلوهاش البَنايّين، هي اللي وَلاّت جَرة الوْصَل، 18 اللي يُطيح عليها يَتَكَسّر، واللي تُطيح عليه تُكسّرو؟" 19 ف هَديك الساعة، حَبّو النُكَاّب ورِيّاس رْجال الدين يَحَكموه خاطر عَرفو يَتكسّر، واللي تُطيح عليه بلي المُتَل كان عليهُم بَصَّع خافو من الشَعب.

### الغْرامة لقَيصَر

<sup>20</sup> بْداو يْعَسّو فيه وبَعتو ناس رَدّو روحهُم صالحين باش يَحَّكُمو عليه كَلمة يْقولها ويْسَلّموه للقاضي وللحاكم. <sup>12</sup> هاد الناس سَقساوَه وقالو: "شيخ، رانا عارفين باللي أنتَ تَهدَر وتْدَرَّس الحَق وما تْديرش الوْجوه وتْعَلَّم طْريق الله على حُساب الصَح. <sup>22</sup> يُجوزَلنا نُخلّصو الغرامة لقَيصر وَلاّ لالا؟" <sup>23</sup> فاق يَسوع بالحيلة مْتاعهُم وقالَلهُم: <sup>24</sup> "ورّيولي دينار. مْتاع من هاد التَصويرة وهاد الكُتيبة اللي فالدينار؟" قالو: "مْتاع قيصر"، <sup>25</sup> قالَلهُم: "هِمّالا، أعطيو شِيّ دينار. وشِيّ الله لله." <sup>26</sup> وما قَدروش يَحَّكُمو عليه كَلمة قُدّام الشَعب، وسْتَعجبو من وْجابو وسَكتو.

## آمَر قِيامة الموتى

27 جات جْماعة من الصَدّوقِيّين اللي ما يامنوش بالقِيامة وسَقساوَه: 28 "شيخ، كُتَبَّنا موسى باللي لو كان كاش واحَد يُموت خوه ويُكون هَدا اللي مات مَتزَوَّج وما عَندوش الدْراري، لازَم على خوه يَتزَوَّج بَمرتو وبْجيبلو الدَرّيّة. 29 كانو كاينين سْبَع خاوة، الأوَّل تُزَوَّج ومات بلا ما يُخلِّي الدْراري، 30 تُزَوَّج التاني، 31 وبَعدو التالَت بالمْرا اللي خَلاها هَجِّالة وَكِمَّلو هَكَدا في سَبعة، وماتو بلا ما يُخلِّيو الدَرِّيّة. 32 ومع الأخر ماتَت المْرا تاني. 33 فالقيامة شكون اللي تُكون هاد المْرا مَرتو؟ خاطر في سَبعة تُزَوِّجو بيها." 34 قاللهُم يَسوع: "ولاد هاد المْرامن، الرْجال يَتزَوِّجو والنسا يَتَزَوَّجو بيهُم، 36 وما والنسا يَتَزَوَّجو ما يَتزَوَّجو بيهُم، 36 وما

يَّقَدروش يْعَاودو يُموتو خاطَر يْوَلّيو كي بُحال المَلايكة، ويْوَلّيو وْلاد الله على حْساب اللي هومَ وْلاد القيامة، <sup>37</sup> وُعلى اللي الموتى يْقومو، هاد الشي هْدَر عليه موسى فالعَلايَڤ كي قال: "الرَب إلَه إبراهيم وإلَه إسحاق وإلَه يَعقوب، <sup>38</sup> الله إله الحيِّين ماشي إلَه الموتى، خاطَر عَندو كامَل راهُم حَيِّين." <sup>39</sup> جاوبوه جْماعة من الكُتَّاب وقالو: "شيخ، هْدَرت مُليح." <sup>40</sup> وحَتى واحَد ما زاد قْدر يْسَقسيه على كاش حاجة.

#### المُسيح وداوُد

<sup>41</sup> زاد قالَلهُم يَسوع: "كيفاش يْقولو باللي المَسيح وْليد داوَد، <sup>42</sup> وداوَد بداتو يْقول في نْݣَاب المَزامير: "قال الرَب لرَبِيّ، أَقعَد على يْميني، <sup>43</sup> حَتَّى نُحَط عَديانَك تَحَت رَجليك." <sup>44</sup> ولا داوَد يْعَيَّطلو رَبِّي، كيفاش هِمّالا يْكون وْليدو؟"

#### الكُتّاب

45 وكي كان كامَل الشَعب يَسمعلو قال للتابعين مْتاعو: 46 "رَدّو بالكُم من الكُمَّاب اللي يُحبَّو يَمشيو بقُنادَر طُوال، والناس يْسَلّبو عليهُم فالأَسواق، ويُحبِّو الكُراسا الأَوّايين فالجُامَع والمُضارَب الهُخيّرين فالوَليمات، 47 ياكلو دْيار الهَجّالات وقُدّام الناس يْطَوّلو فالصْلاة. هَدوك عقابُهُم حُبير."

#### 21

#### صُدُقة الهُجَّالة

أخْرَر يَسوع للفوق وشاف المَرفّهين يُحطّو الصَدقة فالخَرنة مْتاع المَعبَد، ² وشاف تاني واحد الهَجّالة ڤَليلة حَطَّت عُرَر يَسوع للفوق وشاف: "نقولَلكُم الصَح، هاد الهَجّالة القُليلة حَطَّت كُتَر من الأُخرين كامَل، ⁴ خاطَر هَدو حَطَّو الصَدقة من الشّياطة مْتاعهُم، بَصَّح هِيَ من القُلة مْتاعها حَطَّت كامَل واش عندها باش تعيش."

#### هْلاك المُعبَد ومارات آخَر الزْمان

<sup>5</sup> كاين اللي كانو يْقولو على المُعبَد باللي مْزَيَّن بِحْجَر شْباب ومْشَبَّح بالهْدِيات اللي وَهبوهُم الناس للمَعبَد، وقال يَسوع: 6 "يُجيو يامات وين من هاد الشي اللي راكم نشوفوه، ما تَبقاش حَجرة فوق حَجرة ما تَبَدش." 7 سقساوه وقالو: "ربّي، وقتاش يَصرا هاد الشي؟ وواش تُكون المارة كي يُكون رايح يَصرا؟" 8 قال يَسوع: "ردّو بالكُم تَقَلطو، خاطَر يْجيو بَرّاف بآسمي ويْقولو: "أنا هُو، والوقت راهو قْريب." ما تُنَبّعوهُمش. 9 وَلاَّ شُعتو بالحَرب والتورة، ما تَغلعوش خاطر هاد الشي لازَم يَسبَق مع الأوَّل، بَصَّح ما زال ما جاتش الآخرة." 10 أومبَعد قاللهُم: "ننوض أُمّة ضَد أُمّة وَمُملكة ضَد مُملكة، 11 ويْجيو زْنازَل ثَجَار في مْضارَب بَزّاف والأمراض والمَجاعات وحاجات يُخوّقو وعَلامات بْجار من السْما، 12 بَصَّح قْبَل هَدا كامَل، يَحْكُوكُم ويَحَقّروكُم، يْسَلّوكُم للمُجامَع وللحُباس ويُكركوكُم عَند شلاطن وحُكَام على جال آسمي، 13 هاد الشي يَصرالكُم باش تَشَهدولي. 14 ديرو في بالكُم باللي ما لازَمش تَعَيّرو من ويُحلّر من قبل كيفاش رايحين ثحاميو على روحكُم، 15 خاطر أنا نعطيلكُم كلام وعقل ما يَقَدروش عَديانكُم يْقاوموهُم وَلا يُواجبو عليهُم، 16 يُسلّموكُم حَتّى مُواليكُم وخاوَتكُم واللي قُراب ليكُم وصْعابكُم ويَقتلو شي ناس منكُم، 17 وتُكونو مكروهين من عَند كامل الناس على جال آسمي، 18 بصّح شعرة من راسكُم ما تُضيع، 19 بالصّبر مُتاعكُم، تُسلّكو نفوسكُم. من عَند كامل الناس على جال آسمي، 18 بَصَّح شَعرة من راسكُم ما تضيع، 19 بالصْبَر مُتاعكُم، تُسلّكو نفوسكُم. من عَند كامل الناس على جال آسمي، 18 بَصَّح شَعرة من راسكُم ما تضيع، 18 بالي يُكونو فاليَهودية، غير يَبَّربو للْجُبال، من كُونو فاليَهودية، غير يَبَّربو للْجُبال، 20 وكي تُشوفو الجُيوش يُعاصرو أورشليم، أصَّرفو باللي وَخدَتها قَرَبَ. 12 تَمَ، اللي يُكونو فاليَهودية، غير يَبَّربو للْجُبال، 20 مَلْ الناس على جال المورشليم، أصَّر وهبالي وخدَتها قَرَبَ. 12 تَمَ، اللي يُكونو فاليَهودية، غير يَبَربو للْجِبال، 20 مَلْ فَسْدِي على مُعْلَم باللي يُكونو فاليَهودية، غير يَبْربو للْجُبال، 20 مِن مُن مُنْ نُعْلِي مُعْلِونُها فَيْروي مُن راسكُم. اللي يُكونو فاليَهودية، غير يَبْربو للْجُبال، 20 مُن مُنْ في الله عُلْم المُنوس عَديانكُم الله عُلْم المُنوبولي المينوبولي المُنْسولي المُنوبولي

واللي في أورشَليم، غير يْروحو منها، واللي يْكونو فالأحواش، غير ما يَدَّخلوش للمْدينة، <sup>22</sup> خاطَر هَدوك يامات التار باش يَتَحَقَّق كامَل الشي اللي مَكتوب. <sup>23</sup> يا ويل النْسا اللي يْكونو بالجوف واللي يْكونو يْرَضّعو في هَدوك اليامات خاطر رايحة تُكون شَدَّة كبيرة فالبْلاد والله يَزْعَف على هاد الشّعب. <sup>24</sup> رايحين يْطيحو موتى بحَد السيف ويْروحو مَسبِيّين عَند كامَل الأُمّات وأورشَليم تُنعفَس برَجلين الأُمّات حَتّى يَككِل وَقَتُهم.

25 ويْكونو مارات فالشَمس والقَّمَر والنْجوم، وثْجي غُمَّة فالأرض عَند الأُمَّات وهومَ خايفين من صوت البْحر والموجات، <sup>26</sup> والناس يَقَشلو مالخوف ن وهومَ يَستَنّاو واش رايَح يَصرا فالدَنيا، خاطَر قُوَّات السَّما يَتَزَعزعو. <sup>27</sup> داك الوَقت، يُشوفو بْن الإنسان جاي فوق سُعابة بقُوَّة وهيبة تُجيرة. <sup>28</sup> كي يَبدا هاد الشي يَصرا، سَلسو روحكُم وأرَّفدو راسكُم خاطَر سُلاككُم يُكون قُريب."

<sup>29</sup> وقالَلهُم مُتَل: "شوفو الكَرمة وكامَل السْجور، <sup>30</sup> غير يُورّقو، نُشوفو وتَعَرفو باللي الصيف راهو قْريب، <sup>31</sup> هَكدا أتتومَ تاني، غير نُشوفو هاد الشي يَصرا، أعَّرفو باللي مَلكوت الله راهو قْريب، <sup>32</sup> نْقولَلكُم الصَح، ما يْزولش هاد الجيل حَتَّى يَصرا كامَل هاد الشي. <sup>33</sup> السْما والأرض يْزولو بَصَّح كُلامي ما يْزولش.

#### السُهرة والصُّلاة

<sup>34</sup> رَدُّوْ بِالْكُمُ على روحكُم تُعودو ثُخَلِّيو قُلوبكُم يَتقالو من الشْراب والسَكرة وهْموم الدَنيا حَتَى يْطيح عليكُم هَداك النّهار على غَفلة، <sup>35</sup> خاطَر هَداك النّهار يُطيح كي الفَحّة على كامَل اللي يَشْكنو فوق الأرض. <sup>36</sup> هِمّالا رَدّو بالكُمُ وصَلّيو في كل وَقت باش تَقَدرو تَشَلكو من كامَل الشي اللي رايج يَصرا وتَوَّقفو قُدّام بْن الإنسان."

<sup>37</sup> وكان يَسوع فالنّهار يْدَرَّس فالمَعبَد ويْجَوِّز الليل فالجَبْل اللي يْسَمّيوَه "جْبَل الزيتون"، <sup>38</sup> وكان الشَعب كامَل يُبَكَّر يْروح لعَندو فالمَعبَد باش يَسمَعلو.

#### 22

#### الخديعة وخْيانة يَهودا

أقرَّب عيد الفطير اللي يُسمِّيوه عيد الفصح، 2 وكانو رِيّاس رْجال الدين والكُمَّاب يْحَوَّسو كيفاش يَقَتلو يَسوع بَصَّح كانو خايفين من الشَّعب.

3 ودْخَل إبليس في يَهودا، واحَد من الطّناش تابَع يْسَمّيَوه الإسخريوطي، 4 وراح هْدَر مع رِيّاس رْجال الدين ورِيّاس العَسكَر مْتاع المَعبَد على كيفاش يْسَلَّمُهُم يَسوع. 5 فَرحو ووَعدوه باللي يَعطيولو الدْراهَم. 6 هُو قَبْل وبْدا يُحَوَّس على الوَقت اللي يْوالَم باش يْسَلَّموهولهُم بالتْنَخبية على الغاشي.

#### تُوجاد الفُصِح

<sup>7</sup> لَحْقَ عيد الفُطير اللي يَدَّبِحو فيه خُروف الفَصح، <sup>8</sup> وبَعْت يَسوع بُطرُس ويوحَنّا وقال: "روحو ووَجّدولنا الفَصح باش ناكلوه." <sup>9</sup> قالولو: "وين حَبيتنا نُوجّدوه؟" <sup>10</sup> قاللَهُم: "كي تَدَّخلو للمْدينة، تتلاقاو مع راجَل رافَد قُلة مْتاع الما، تَبْعوه للدار اللي يَدخُل ليها، <sup>11</sup> وقولو لمول الدار: "الشيخ راهو يْقوللَك: "وين راهي بيت الماكلة اللي ناكُل فيها الفَصح مع التابعين مْتاعي؟"" <sup>12</sup> ويْوَرّيلكُم بيت فوقانيّة واسعة ومْفَرّشة وتمّة اللي تُوجّدو." <sup>13</sup> راحو ولْقاو الشي كيما قاللَهُم ووَجّدو الفَصح.

14 وكي وْصَل الوَقت، قَعَد يَسوع على الميدة مع الرُسُل. 15 قاللهُم: "شَّخال ثَشَهَيت ناكُل هاد الفَصح معاكم قبُل ما نتعَدَّب، 16 خاطَر نقولَكُم، ما نزيدش ناكلو حتى يَتَحَقَّق في مَلكوت الله." 17 رْفَد كاس، حْمَد وقال: "خودو هاد الكاس وأتقاسموه ما بيناتُكُم، 18 خاطَر نقولَكُم، ما نزيدش نَشرُب من غَلَة الدالية حَتى يْجى مَلكوت الله." 19 أومبَعد، رْفَد الخُبز، حْمَد، قُسَم وعْطالهُم وقال: "هَدي داتي اللي تتَّوهَبَّلَكُم، ديرو هَكدا تفكيرة لِيَّ." 20 وزاد عُطالهُم الكاس بَعد العُشا وقال: "هاد الكاس هُو العَهَد الجُديد بدَعي اللي يْسيل على جالكُم، 21 بَصَّح هاي يَد اللي يُسلَمو." يُسلَمني معاي على الميدة. 22 بْن الإنسان راهو رايح كيما راهو مَلزوم، بَصَّح يا ويلو هَداك الإنسان اللي يُسَلّمو." 23 وبْداو يُستَقسيو بَعضُهُم بَعض شُكون فيهُم اللي رايح يُدير هاد الشي.

## شْكون هُوَ الكْبير؟

<sup>24</sup> وصْرا بيناتهُم خْلاف على شْكون فيهُم اللي يَحَسبوه الكْبير. <sup>25</sup> قالَلهُم يَسوع: "سْلاطَن الأُمَّات هومَ اللي يُسطو عليهُم واللي يَحَمَّمو فيهُم يُسمّيوهُم ناس يْديرو الخير، <sup>26</sup> بَصَّح أنتومَ، ماشي هَكدا. بالعكس، لازَم الكْبير فيكُم يُكون كيما اللي يَحَدَم، <sup>25</sup> خاطَر شْكون هُوَ الكْبير؟ اللي يُقعَد على الميدة وَلاّ اللي يَخدَم؟ ماشي اللي يُقعَد على الميدة ؟ وأنا راني في وَسطتُم كي اللي يَخدَم. <sup>28</sup> أنتومَ اللي تُبتتو معايَ في مُحاييٰ، <sup>29</sup> على هَدا، كيما عُطاني بابا المَلكوت، أنا نَعطيلتُم، <sup>30</sup> باش تاكلو وتَشُّربو على ميدتي فالمَلكوت مْتاعي وتُقَعدو على العْروش وغُاكمو قُبايل إسرائيل في طْناش.

### تنكرني

31 سَمعان، سَمعان، الشيطان طْلَب عليكُم باش يْغَرِبَلَكُم كِي القَمح، 32 بَصَّح أنا صَلَيْتَلَك باش ما يَضَعَفش إيمانك، وأنتَ كِي تُنَهدا، تَبَّت خاوتَك." 33 قاللو سَمعان: "رَبِّي، راني واجَد باش نْروح معاك للحَبس وحَتَّى للموت"، 34 قال يَسوع: "نْقوللك يا بُطرُس، ما يْعوعَشش اليوم السَردوك حَتَّى تَنكُر تَلَت مَرَّات باللي تَعرَفنِي."

35 أومبَعد قاللهُم: "كي بْعَتتُكُم بلا رَزمة وَلا شْكارة وَلا صَبّاط، كاش ما خَصُّكُم؟" قالولو: "حَتَّى حاجة." 36 قاللهُم: "بَصَّح دُرك اللي عَندو رَزمة غير يَدِّيها، واللي عَندو شْكارة يَدِّيها، واللي ما عَندوش سيف، يْبيع بَرنوسو ويَشري سيف، <sup>37</sup> نْقولَلكُم تاني باللي لازَم يَحَقَّق فِيَّ الكُلام اللي نَكتَب: "حَسبوه مع الخاطيين"، والشي اللي يُخَصِّني راهو قُرِيب يْصير." <sup>38</sup> قالولو: "رَبِّي، كايَن زوج سْيوفة"، قاللهُم: "بَرَكات."

## يَسُوع يْصَلِّي فِي جْبَلَ الزيتون

39 خُرَج يَسوع وراح كي العادة لجَبْل الزيتون، وتَبَعوه التابعين مْتاعو. 40 وكي وْصَل لهَداك المُكان قاللهُم: "صَلّيو باش ما تُطيحوش في تَجَرُبة"، 41 بَعَّد عليُهم شْوِيّة، رُكع وصَلاً، <sup>42</sup> وقال: "بابا، وَلاَّ حَبِّيت بَعَّد عليَّ هاد الكاس، بَصَّح مُرادك هُو اللي لازَم يُكون ماشي مُرادي." <sup>43</sup> واحَد المُلاك ضُهرَلو من السْما باش يْقوِّيه، <sup>44</sup> وكان في شَدّة كبيرة وبْدا يْصَلِّي كُتَر وكْتَر، حَتَّى وَلاَّ العُرق مْتاعو يْطيح كي حَجرات مْتاع الدَم على الأرض. <sup>45</sup> وبَعد ما صَلاً،

ناض وراح لعَند التابعين مْتاعو ولْقاهُم راقدين من الحْزُن. <sup>46</sup> قالَلهُم: "واش، راكُم راقدين؟ نوضو وصَلَّيو باش ما تَدُّخلوش فِي تَجِرُبة."

### يَسُوع يَقَبَضو عليه

47 كان مازالو يَهدَر كي بانَت جْماعة، سابَقها اللي واسمو يَهودا، واحَد من التابعين الطْناش وقرَّب لعَند يَسوع باش يْسَلَّم عليه. <sup>48</sup> قاللو يَسوع: "يَهودا، ببوسة تُسَلَّم بْن الإنسان؟" <sup>49</sup> اللي كانو مع يَسوع، كي شافو واش رايح يَصرا قالو: "رَيِّي، نَضَّربو بالسيف؟" <sup>50</sup> واحَد منهُم ضْرَب الخديم مْتاع رايَس رْجال الدين وقَطَّعلو وَدنو الْيمنى، <sup>51</sup> بَصَّح يَسوع نْطَق وقال: "حَبِّسو، ما تُزيدوش"، ومَس بَيدو وْدن الخديم وشْفاه.

52 أومبَعد قال يَسوع لريّاس رْجال الدين وريّاس العَسكرَ مْتاع المَعبَد والشّيوخ اللي جاو ليه: "جيتو ليَّ بالسّيوفة والعْصي كي اللي جيتو لواحَد سَرّاق، <sup>53</sup> كُنت كُل يوم معاكمُ فالمَعبَد وما حَطّيتوش يَدَكُم عليَّ، بَصَّح هاد الساعة ليكُم ولحُكم الضّلام."

### بُطرُس يَنكُرُ يَسُوع

54 حَكُمُوهُ وأَدَّاوَهُ وَدُخَّلُوهُ لدار رايَس رْجال الدين، وبُطُرُس كان يُتَبَّع فيه من البْعيد. 55 شَعلو النار في وَسط الدار وقَعدو كيف كيف وفْعَد بُطرُس معاهُم. 56 شافتو واحَد الخُديمة قاعَد قُدَّام الضو مْتاع النار، مَيِّزاتو وقالَت: "هَدا تاني كان معاه"، 57 نُكْر بُطرُس وقال: "يا مْرا، ما نَعَرفوش." 58 شُوية من بَعد، شافو واحَداَّخُر وقال: "أنتَ تاني منهُم"، قاللو بُطرُس: "يا راجَل، أنا مارانيش منهُم." 59 واحَد الساعة من بَعد، بْدا واحَداَّخُر يُوكَّد ويْقول: "بلا شَك هَدا تاني كان معاه خاطَر هُو تاني جُليلي." 60 قال بُطرُس: "يا راجَل، مارانيش عارَف واش راك "بلا شَك هَدا تاني كان ما زالو يَهدَر، عوعَش السردوك. 61 ودار الرَب يَسوع وخْزَر في بُطرُس، وَتُمَكَّر بُطرُس كُلام الرَب كي قاللو: "قْبَل ما يْعوعَش السَردوك اليوم، تَنكُرنِي تلت مَرّات"، 62 وغْرَج بُطرُس بَرّا وبُكا بالمْرارة.

### العَسكَر يَستَهزاو

63 الرْجال اللي كانو حاكمين يَسوع كانو يَتَسخرو بيه ويَضّربو فيه، 64 ويَغَطّيولو وَجهو ويْسَقسيوَه: "أَتْنَبَّا، شْكون اللي ضَربَك؟" 65 وكانو يْسَبّو فيه بڭلام واحَدآخُر بَرّاف.

66 وكي طْلَع النْهار، تُجَمَّعو شْيوخ الشَعب، رِيَّاس رْجال الدين والكُمَّاب وجابو يَسوع للمَجلس الديني مْتاعهُم، 67 وقالو: "وَلاَّ أَنتَ هُوَ المَسيح قوللنا"، قاللَهُم: "لو كان نْقولَلكُم، ما تامنوش، 68 ولو كان نْسَقسي، ما تُجاوبوش، 69 من دُرك يْكون بْن الإنسان قاعَد على يْمين قُدرة الله." 70 وكامَل قالو: "هِبّالا، أنتَ هُوَ بْن الله؟" جاوَبهُم: "أنتومَ قُلتو باللي أنا هُوَ." قالو: "واش مازَلنا نُسَّحقو فالشْهود؟ رانا حْنا بالدات سْمَعناه من فَمَّو."

#### 23

### قُدَّام بيلاطَس وهيرودَس

اً الصَّبَاح، ناضو كَامَل وأدَّاو يَسوع عَند بيلاطَس، ² وبْداو يَتَّهمو فيه ويْقولو: "لْقينا هاد الراجَل يُحَرَّش فالأُمَّة ويَمْنَعها باش تُخَلَّص الغْرامة لقَيصَر ويْقول باللي هُوَ يْكون مَسيح وسَلطان." 3 سَقساه بيلاطَس وقال: "أنتَ هُو سَلطان اليُهود؟" جاوبو يَسوع وقال: "أنتَ قُلت." <sup>4</sup> قال بيلاطَس لرِيّاس رْجال الدين وللغاشي: "ما لْقيت حَتَّى سَبّة باش نَحَكُم هاد الإنسان"، <sup>5</sup> هومَ وَكَّدو وقالو: "راهو يْبَيَّج فالشَعب وهُو يُدَرَّس في كامَل اليَهوديّة، من الجُليل وين بْدا حَتَّى اللَهنا." <sup>6</sup> كي شُع بيلاطَس سَقسا وَلاّ هاد الراجَل جُليلي، <sup>7</sup> وكي عْرَف باللي هُو من الجيهة اللي تَحت يَد هيرودَس بْعتهولو وكان هيرودَس في هَدوك اليامات في أورشَاجِم.

<sup>8</sup> كي شاف هيرودَس يَسوع، فْرَح بَرّاف خاطر كان حاب يْشوفو من زْمان على جال واش شَمَع عليه وكان مَتمَني يْشوفو يْدير كاش مُعجزة. <sup>9</sup> سَقساه على حاجات بَرّاف بَصَّح يَسوع ما جاوبو على والو. <sup>10</sup> رِيّاس رْجال الدين والكُمّاب كانو تَمّة وكانو يَتّهمو فيه بالقساوة. <sup>11</sup> هيرودَس والعسكر متاعو حَشروه وسْتَهزاو بيه ولبّسولو لبسة تَبرق ورَجّعوه لعند بيلاطس. <sup>12</sup> في هداك اليوم، رَجعو بيلاطس وهيرودَس حباب بعد ما كانو عديان من قبّل.

#### حُكم الموت

13 لَم بيلاطَس رِيّاس رْجال الدين والحُكّام والشَعب، 14 وقالَلهم: "جَبتولي هاد الراجَل وقُلتو باللي راهو يُحرَّش فالشَعب، أنا راني بُحتتو قُدّامكُم وما لْقيتو دار حَتّى حاجة من اللي قُلتولي عليها، 15 وهيرودَس كيف كيف، خاطر عاود بَعتو لعَندنا. هاد الراجَل ما دار حَتّى حاجة يَستاهَل عليها الموت، 16 همّالا نَجَّلدو أومبَعد نَطَّلقو." 17 وكان لازم عليه يطلق مسجون واحد كل عيد، 18 بصَّح بْداو يْعَيّطو كامَل كيف كيف ويْقولو: "أقتل هاد الراجَل وأطلقًلنا باراباس." 19 هَدا باراباس كان دْخَل للحَبس على جال هول صْرا فالمْدينة وعلى جال فَتيلة، 20 زاد هْدر معاهُم بيلاطَس مَرّة أخرى خاطَر كان حاب يَطلق يَسوع، 21 هومَ بْداو يْعيّطو ويْقولو: "أصَّلبو، أصَّلبو"، 22 قاللهُم بيلاطَس المَرّة التالتة: "واش من الشَر اللي دارو؟ ما لُقيت فيه حَتّى حاجة يَستاهَل عليها الموت، نَجَّلدو أومبَعد نَظلقو." 23 هومَ زادو وَكَدو بالعياط بالزور وطَلبو باش يَتْصلَب يَسوع وغَبو بعياطهُم، 24 وقْبَل بيلاطَس واش طَلبو منّو، 25 طُلق الراجَل اللي طَلبوه واللي كان فالحَبس على جال هول وقْتيلة وسَلَمْ يَسوع مُرادهُم.

#### الصَلب

- 26 وكي كانو مَديين يَسوع، حكمو واحَد من مْدينة قيروان كان راجَع من الحوش واسمو سَمعان، وحَمَّلُولُو الصَّليب باش يَرَّفُدُو مور يَسوع، 2<sup>7</sup> وكان يَتَبَّع في يَسوع غاشي كُبير من الشّعب ونْسا كانو يَخَبُّطو في صْدورهُم ويَتُوّحو عليه. <sup>28</sup> دار ليهُم يَسوع وقال: "يا بْنات أورشَليم، ما تَبكيوش عليَّ، أبكيو على روحكُم وعلى وُلادكُم، <sup>29</sup> خاطَر يُجيو اليامات وين يَتقال: يا سَعد العاڤرات، يا سَعد الكُوش اللي ما وَلدوش والصَّدور اللي ما رَضَّعوش. <sup>30</sup> داك الوَقت يَبداو الناس يْقولُو للجِّبال طيحو علينا وللكُديات خَبيّونا، <sup>31</sup> خاطَر وَلاّ دارو هَكَدا للحُطَب الخُضَر واش يُصرا هِمّالا لليابَس؟" <sup>23</sup> كانو جايين تاني زوج مجَرمين واحَدُخرين باش يَقْتلوهُم مع يَسوع.
- 33 وكي وَصلو لواحَد المُكان يُسمَّيوَه "الجُمجمة"، صَلبوه تَمَّة مع هَدوك الجَرَمين الزوج، واحَد على البُمنى والآخُر على اليْسرى. 34 قال يَسوع: "بابا، أغفَرَّلُهُم خاطَر ما راهُمش عارفين واش راهُم يْديرو." ودارو القُرعة باش يَتقاسمو حُوايجو ما بيناتَهُم.
- 35 وكان الشَعب قاعَد تَمَّة يْشوف. الرِيّاس تاني كانو يَتَسخرو بيه ويْقولو: "كيما سَلَّك الأُخرين يْسَلَّك روحو وَلاّ كان هُوَ المَسيح مُختار الله." <sup>36</sup> العَسكَر تاني تُمَسخرو بيه، أَدَّناو ليه وعْطاولو الخَل، <sup>37</sup> وكانو يْقولو: "وَلاّ كُنت

سَلطان اليْهود، سَلَّك روحَك." <sup>38</sup> وكانَت فوق منّو هاد الكْتيبة: "هَدا سَلطان اليْهود." <sup>39</sup> واحَد من الجَرَمين اللي كانو مَصلوبين كان يْسَب فيه ويْقول: "ماشي أنتَ هُوَ المَسيح؟ سَلَّك روحَك وسَلَّكاً." <sup>40</sup> زَفًا عليه الآخُر وقال: "ما تُخافش الله، وأنتَ نَحَكَم عليك كيما هُو؟ <sup>41</sup> كيما حْنا نَحَكَم علينا بالحق، خاطَر رانا نُجَوِّزو واش نَستاهلو على جال الشي اللي دَرناه، بَصَّح هَدا ما دار حَتَّى حاجة دونيّة"، <sup>42</sup> وقال: "يَسوع، أَتفَكَّرني كي ثَجِّي في مَلكوتك." <sup>43</sup> قاللو يَسوع: "نُقوللَك الصَح، اليوم تُكون معايَ فالجنّة."

#### الموت

44 كانت الساعة قُريب الطُّناش، وطاحَت واحَد الضَلمة على كامَل الأرض حَتَّى للثّلاتة مْتاع العُشيَّة. 45 ضْلامَت الشَّمس وثَقَطَّع الحُجْاب مْتاع المَعبَد مالوَسط. <sup>46</sup> عَيَّط يَسوع بالزور وقال: "بابا، نُسَلَّم روحي بين يَديك"، وكي قال الشَّمس وثقطَّع الحُجْاب مْتاع المَية واش صْرا، سَبَّح الله وقال: "بلا شَك، هاد الراجَل كان صالحً"، <sup>48</sup> وكامَل الغاشي اللي كان مَلموم باش يَحَضرو كي يَنصَلبو المَحبوسين، بَعد ما شافو واش صْرا، رَجعو وهومَ يَخَبطو في صْدورهُم. <sup>49</sup> كامَل مُعارَف يَسوع والنسا اللي تَبعوه من الجُليل وَقفو يُشوفو من البُعيد.

#### الدْفينة

50 كان واحَد المُستشار فالجَلَس الديني واسمو يوسَف، راجَل مْليح وصالحَ، 51 ما كانش مْوافَق الأُخرين على رايمُم وعلى العملة اللي داروها. كان من مْدينة مْتاع الْيهود واسَمها الرامة وكان يَستنّا في مَلكوت الله. 52 راح عَند بيلاطَس وطْلَب منّو دات يَسوع، 53 وهَبّطو من الصْليب وكَفّنو وحَطّو في قُبَر كان تَحفور فالحُجَر، حَتّى واحَد ما نَدفَن فيه من قُبل. 54 كان هَداك النّهار نْهار التَوجاد والسَبت رايج يَبدا. 55 النّسا اللي كانو جاو من الجُليل مع يَسوع، تَبعو يوسَف وشافو القُبر وكيفاش نُحَطَّت فيه دات يَسوع، 56 رَجعو، وَجّدو زُيوت ورْوابَح، ورِيّحو نْهار السَبت على حُساب الشَريعة.

#### 24

#### القيامة

أ فاليوم الأَوَّل مْتاع الجَمعة، راحو النسا صباح بكري للقُبر وأدّاو معاهُم الزيوت اللي كانو وَجّدوهُم. 2 لقاو الحَجرة مْنَحّية على القُبر، 3 دَخلو وما لقاوش دات الرَب يَسوع. 4 وفي حيرتُهم، وقفولهُم زوج رْجال بلبسة تَبرَق. 5 خافو النسا وهَبَطو وَجههُم للأَرض، وقالولهُم الزوج رْجال: "وَعلاش راكم ثُحُوّسو على الحيّ ما بين الموتى؟ 6 ما راهوش هْنا، قام. أتفكّرو واش قاللكُم كي كان مازالو فالجْليل، 7 وقال باللي لازَم يَتسَلَّم بْن الإنسان ليدّين الخاطيين ويتَصلّب وفاليوم التالَت يْقوم." 8 وتفكّرو النسا كلام يَسوع، 9 وكي رَجعو من القُبر، خَبرو بهاد الشي كامل الحداش تابع وكامَل الأُخرين. 10 النسا كانو: مَريَم الجَدليّة ويونّا ومَريَم يَمّاة يَعقوب وواحَدُخرين معاهُم وهومَ اللي خَبرو الرُسُل. 11 بَصَّح الرُسُل حَسبو هاد الكُلام تُهَريف وما آمنوهُمش. 12 ناض بُطرُس وراح يَجري للقُبَر، وكي طابَس شاف الكُفَن محطوط وَحدو، ورْجَع لدارو مَستعجَب من اللي صْرا.

10 وفي هَداك اليوم، كانو زوج تابعين رايحين لدَشرة بْعيدة على أورشَليم قيس واحَد العَشرة كيلومتر واسَمها عُمواس، 14 وكانو يَهَدرو بيناتَهُم على كامَل الشي اللي صْرا. 15 وكي كانو يَهَدرو ويْفُصّرو، قَرَّب لعَندهُم يَسوع بالدات وبْدا يَمشي معاهُم، 16 بصَّع عينيهُم ما كانوش قادرين يَعَرفوه. 17 قاللَهُم: "واش هاد الكَلام اللي راكم تَهَدرو فيه وأنتومَ ماشيين حْزانين؟" حَبسو وكانو يْبانو مَهمومين، 18 واحَد فيهُم واسمو كليوباس جاوب وقاللو: "غير أنت اللي راك برّاني ساكن في أورشَليم اللي ما عَرفتش بالشي اللي صْرا فيها هاد اليامات؟" 19 قاللهُم: "وواش صُرا؟" قالولو: "اللي صْرا ليسوع الناصري، اللي كان راجَل نَبي قادَر فالفعال والقُوال قُدّام الله والشعب كامَل، وكوكيفاش رِيّاس رْجال الدين والحُكّام مُتاعنا سَلّموه باش يَتَّكَمَ عليه بالموت وصَلبوه، 21 كُمّا نَمّنّاو يْكون هُو اللي يُسلّك إسرائيل بصَّح اليوم يُعوز النهار التالَت من اللي صرا هاد الشي. 22 صَح، كاين شي نُسا من عَدنا حَيّرونا، يُسلّك إسرائيل بصَّح اليوم عُبوز النهار التالَت من اللي صرا هاد الشي. 22 صَح، كاين شي نُسا من عَدنا حَيّرونا، والحولم باللي راهو حَي، 24 وراحَت جُماعة من اللي كانو معانا للقُبر، ولْقاو الشي كيما قالو النُسا، بَصَّح هُو ما شافوهش." وكامَل واش قالو الأنبيا، 26 ماشي كان لازَم على المَسيح يَتعَدَّب هَكدا ويَدخُل في مَجدو؟" 27 أومَبعد بْدا من موسى ومن كامَل الأنبيا وفَسَّرهُم كامَل واش مكتوب عليه.

28 وَصلو قُريب للدَشرة اللي كانو رايحين ليها، وهُو بان كي اللي كان حاب يْزيد يْبَعَد كْتَر. 29 وَكَدو عليه وقالو: "أَقَعُد معانا خاطَر راهو قُريب الليل والنّهار جاز"، ودْخَل يُقعَد معاهُم، 30 وكي كان قاعَد معاهُم على الميدة، خُدا الخُبر، بارك، قُسَم وعْطالهُم، 31 وغُلَّو عينيهُم وعَقلوه بَصَّح تَم تَم هُو غاب عليهُم. 32 وقالو لبَعضهُم بَعض: "ماشي كان قَلبنا لاهَب فينا كي كان يَهدر معانا فالطُريق ويْفَسَّرنا فالكُتوب؟" 33 وناضو في هَديك الساعة ورَجعو لأورشَليم ولْقاو الحُداش واللي معاهُم مَتلايمين، 34 ويْقولو باللي صَح الرَب قام وضْهَر لسَمعان." 35 وهومَ حْكاو واش صَرا فالطُريق وكيفاش حَتَى عَقلو يَسوع كي كان يَقسَم فالخُبرَ،

### يَسُوع يَضهَر للتابعين

- 36 وكي كانو يَهَّدرو في هاد الشي، وْقَف يَسوع في وَسطهُم وقال: "السّلام ليكُم." 37 نُخَلَعو وخافو وحسبو روحهُم شافو روحاني. <sup>38</sup> قاللهُم: "عْلاش راكُم تخلوعين وعْلاش جا الشّك في قْلوبكُم؟ <sup>99</sup> شوفو يَدِيَّ ورَجليًّ، أنا هُو، مَسّوني وشوفو، الروحاني ما عَندو لا خْمَ لا عْضام كيما راكُم تشوفو باللي عَندي." <sup>40</sup> وكي كان يْقول هاد الشي وَرَّالهُم يَدِّيه ورَجليه، <sup>41</sup> كانو ما زال ما آمنوش من الفَرحة ومَستَغربين. قالَلهم: "عَندكُم هْنا ماكلة؟" ها عْطاولو شْوِيّة حوت مَشوي، <sup>43</sup> أذّا منّو وكُلا قُدّامُهم.
- 44 قالَلهُم: "هَدا هُوَ كُلامي اللي قُلتهولكُم كي كُنت مازالني معاكُم، باللي لازَم يَتَحَقَّق كُل شي مكتوب عليً في شَريعة موسى وكْتوب الأنبيا والمزامير"، <sup>45</sup> أومبَعد حلَّلهُم عْقولهُم باش يَقَهمو الكْتوب، <sup>66</sup> وقاللهُم: "هَكدا مَكتوب باللي المَسيح لازَم يَتَعَدَّب ويْقوم ما بين الموتى فاليوم التالَت، <sup>47</sup> ويَبَرَّح في آسمو بالتوبة لغُفران الدْنوب في

كَامَلِ الْأُمَّاتِ وَيَبداو بأورشَليمٍ. <sup>48</sup> أنتومَ راكمُ شهود على هاد الشي، <sup>49</sup> وأنا نَبعَتَلَكُمُ اللي وْعَد بيه بابا. بَصَّح أَقَّعدو فالْمدينة حَتِّى تَتلبَّسو بِقُوَّة مالفوق."

يَسُوع يَطلَع للسَّما

50 وخَرَّجُهُم لَبَرًا من الْمدينة وأدّاهُم قُريب لبيت عَنيا ورْفَد يَدّيه وباركهُم. 51 وكي كان يْبارك فيهُم، نفرق عليهُم ونَرفَد للسْما. <sup>52</sup> سَجدولو، ورَجعو لأورشَليم بفَرحة كْبيرة، <sup>53</sup> وكانو دايمًا فالمُعبَد يْسبّحو فالله.

# إِنْجِيلُ يُوحَنَّا

بلا شُك، نَكتَب إنجيل يوحَنّا لكْنايَس عايشين في سوريا وَلاّ في آسيا الصُغرى اللي دُرك يْسَمّيوها التُرك.

هاد الإنجيل يْحَب بَرَّاف يُورَّي المَعنى المَخني مْتاع كْلام وفْعال يَسوع ماشي كَيما الأناجيل الأخرين، بَصَّح الحُكاية اللي ثُخُص موت يَسوع فيها حاجات بَرَّاف كيما الحُكاية مْتاع مَتّى ومَرقَص ولوقا.

إنجيل يوحَنّا ما يَحكيش على زْيادة يَسوع وَلا على البَدية مْتاع حْياتو. يْدير مُقَدّمة كْبيرة يَبيَّن فيها باللي يَسوع هُو كَلمة الله اللي كانت مع الله من الأوَّل. يَسوع، كلمة الله، جا يْعيش مع بْني آدَم باش يَقَدرو يُولّيو وْلاد الله. كانت علاقة يَسوع قْرِيّة مع الآب كي كان عايش على الأرض، وهُو المُبعوت من عَند الآب للدَنيا وكامَل اللي يُحوِّسو على الله بالحُبّة، يَقَدرو يَعَرفوه بيَسوع. واليُهود في مَقصود يوحَنّا هومَ عَديان يَسوع، الكُترة مَنهُم الرِيّاس مْتاع الدين اللهي وَقفو ضَدّو. يَسوع هُو بالدات يْهودي والتابعين الأولانِين مْتاعو تاني، بَصَّح يوحَنّا ما يَقصَدش الجَنسِيّة.

الفُصول من 1 ل 12 يَحكيو سُبَع عُمال هايلين مْتاع يَسوع. هاد العْمال يْعَيِّطولهُم مارات خاطَر يْبَيَّنو باللي يَسوع هُوَ بن الله. يَحكيو تاني على مُلاقاة يَسوع مع ناس كيما الرايَس الديني، والمُرا السامرية وشي مَرضى. فالتَعليم مُتاعو، يَسوع يُقَدَّم نَفسو باللي هُوَ الخُبز اللي يُمَد الحياة، نور الدنيا، باب الخرفان، الراعي اللي يُقُوَّد بْني آدَم لله الآب، القيامة والحياة، الطريق والحياة، وهو الكَرمة.

الفُصول من 13 ل 21 يَحكيو كيفاش حَتَّى وْصَل الوَقت وين كان لازَم ليَسوع باش يُخلِّي الدَنيا ويْروح لباباه. يَهْدَر للتابعين مْتاعو، يَنصَحهُم للوَقت وين يْغيب عليهُم، أومبَعد، يْصَلِّي ويْوَصِّي الله باباه عليهُم.

كاتَب الإنجيل يْقول باللي كَتبو باش اللي ما شافوش يَسوع يامنو هومَ تاني بيه.

#### الكُلمة وَلاّت دات

ا فالبَدية كانَت الكَلمة، والكَلمة كانَت مع الله، والكَلمة كانَت الله. 2 كانَت فالبَدية مع الله، 3 كُل شي كان بِيها، وحَتّى شي من اللي كان ما كان بلا بيها، 4 فيها كانَت الحْياة، والحْياة كانَت النور لْبني آدَم، 5 النور يْضَوّي فالضْلام والضْلام ما حكموش.

<sup>6</sup> كان راجَل مَبعوت من عَند الله، واسمو يوحَنّا، <sup>7</sup> جا باش يُكون شاهَد، باش يَشَهَد للنور، باش كامَل يامنو على يَدّو. <sup>8</sup> ما كانش هُو النور، كان شاهَد للنور. <sup>9</sup> هاد النور كان هُو النور الحقّاني اللي جا للدَنيا يُنوَّر كُل بُنادَم، <sup>10</sup> كان فالدَنيا، وبيه اللي نُدارَت الدَنيا، والدَنيا ما عَرفاتوش. <sup>11</sup> جا لمَلكو، وناسو ما قَبلوهش. <sup>12</sup> بَصَّح كامَل اللي قَبلوه، اللي آمنو بآسمو، عُطالهُم القُدرة باش يُوليّو وْلاد الله، <sup>13</sup> نُولدو من الله، ماشي من الدَم وَلاّ بمُراد الدات وَلاّ بمُراد الدات.

الكلمة وَلاّت دات، وسكنت بيناتنا، وشفنا الجَد متاعها، مجد كيما الجَد متاع الوْحيد اللي من الآب، مُعَمَّر بالنَعمة والحق. <sup>15</sup> شُهَدَّلها يوحَنَّا وعَيَّط وقال: "هَدا هُو اللي قُلت عليه، يْجِي من بَعدي وهُو سْبَقني، خاطر كان

قُبَل مَنِيّ"، <sup>16</sup> ومْتاع الصَح، كامَل نَلنا من كْالو نَعمة فوق نَعمة، <sup>17</sup> خاطَر الشَريعة نَعطات بموسى، النَعمة والحَق وَصلو بيَسوع المَسيح. <sup>18</sup> واحَد ما شاف الله، المَزيود الوْحيد، الله اللي في حُضن الآب، هُوَ اللي عَرّفو."

## يوحَنَّا المُعَمَدان يَستَعَرَف باللي هُوَ ماشي المُسيح

19 وهَدي هِي شُهادة يوحَنّا كِي بَعتولو اليُهود من أورشَليم رْجال الدين واللاوِيّين باش يْسَقسيوَه: "شْكون أنتَ؟" 20 سْتَعَرَف وما نُكُرْش، سْتَعَرَف: "ماشي أنا المسيح"، 21 سَقساوَه: "واش؟ أنتَ إيليّا؟" قال: "ماشي أنا"، "أنتَ النّبي؟" واجَب: "لالا"، 22 همّالا قالولو: "شْكون أنتَ؟ باش نْجاوبو اللي بَعتونا، واش تْقول على روحك؟" 23 قال: "أنا صوت اللي يْعَيَّط فالخلا، سَقِّمو طْريق الرَب كيما قال إشعيا النّبي." 24 المْراسَل كانو فَرِّيسيّين، 25 سَقساوَه وقالولو: "وَعلاش همّالا تْعَمَّد وَلاّ أنتَ ماشي المسيح، وَلا إيليّا، وَلا النّبي؟" 26 جاوَبَهُم يوحَنّا وقال: "أنا نُعَمَّد فالمُ أن واحَد ما تَعَرفوهش، 27 يُجِي من بَعدي وأنا ما نَستاهَلش نُحَل حتى خْيوط سَبّاطو." 28 هاد الشي صْرا في بيت عَنيا، مور واد الأردُن، وين كان يوحَنّا يْعَمَّد.

### يَسُوع خْرُوف الله

<sup>29</sup> غَدُوة من داك، شاف يوحَنّا يَسوع جاي ليه وقال: "هاوليك خْروف الله اللي يْخَي الخُطِيّة من الدَنيا، <sup>30</sup> هُو الله اللي يُخَي الخُطِيّة من الدَنيا، <sup>30</sup> هُو الله اللي قُلت عليه، يُجي من بَعدي راجَل، هُو سُبقني، خاطر كان قُبل مَني، <sup>31</sup> وما كُنتش نَعَرفو، بَصَّح باش يضهر هُو لإسرائيل، على جال هَدا اللي جيت أنا نْعَمَّد فالما." <sup>32</sup> وشْهَد يوحَنّا وقال: "شَفت الروح هابَط كي الحُمامة من السُما، وبثقا عليه، <sup>33</sup> ما كُنتش نَعَرفو، بَصَّح اللي بْعَتني نْعَمَّد فالما، هُو قاللي، اللي تُشوف الروح هابَط وباقي فوق مَنّ الله."
مَنّو، هُو اللي يُعمَّد فالروح القُدّوس. <sup>34</sup> وأنا شَفت وشْهَدت باللي هَدا هُو بُن الله."

#### التابعين الأولانيين

35 غَدوة من داك تاني، كان يوحَنّا ومعاه زوج من التابعين مْتاعو، 36 وكي شاف يَسوع جايَز قال: "هاوليك خُروف الله." 37 كي سَمعوه الزوج تابعين مْتاعو يَهدر، تَبّعو يَسوع، 38 داريسوع، شافهُم يَتّبعو فيه وقالَلهُم: "واش رائم ثُحَوّسو؟" قالولو: "رَبّي، اللي معناه شيخ، وين تَسكُن؟" 39 قالَلهُم: "أرواحو، نشوفو." راحو وشافو وين كان ساكن وقَعدو معاه هَداك اليوم، وكانت الساعة جُوايَه الرَبعة مْتاع العشِيّة. 40 أندراوس خو سَمعان بُطرُس كان واحَد من الزوج اللي سَمعو كُلام يوحَنّا، واللي تَبّعو يَسوع، 41 أندراوس لَقا قَبَل خوه سَمعان وقاللو: "لْقينا المُسِيّا" ومعناه المُسيّع، 42 وأدّاه لعَند يَسوع، مَيْز فيه يَسوع وقال: "أنتَ سَمعان بن يَونّا، رايَح تَسَمّا "صَفا" ومعناه بُطرُس.

#### دُعوة فيلبس ونتَّنائيل

43 غَدوة من داك، حَب يَسوع يْروح للجُليل، ولْقا فيلِبُّس وقاللو: "رَانا لْقينا اللّي كْتَب عليه موسى فالشَريعة وكَتبو عليه مُدينة أندراوَس وبُطرُس. <sup>45</sup> ثلاقا فيلِبُّس بنَتنائيل وقاللو: "رانا لْقينا اللّي كْتَب عليه موسى فالشَريعة وكَتبو عليه الأَنبيا، يَسوع بَن يوسَف مْتاع الناصرة"، <sup>46</sup> قاللو فيلبِّس: "تَقدَر تُكون حاجة مْليحة من الناصرة؟" قاللو فيلبِّس: "أرواح وشوف."

<sup>47</sup> شاف يَسوع نَتَنائيل جاي ليه، قال عليه: "هاو صَح إسرائيلي ما فيه حَتَى دْغُل"، <sup>48</sup> قاللو نَتَنائيل: "كيفاش تَعَرَفني؟" واجبو يَسوع: "قُبَل ما يْعَيَّطَكَ فيلِبُّس، كي كُنت تَحت الكَرمة، شَفتَك"، <sup>49</sup> جاوبو نَتَنائيل وقال: "شيخ، أنتَ بْن الله، أنتَ سَلطان إسرائيل." <sup>50</sup> جاوبو يَسوع وقاللو: "كي قُلتلك باللي شَفتَك تَحَت الكَرمة آمَنت؟ رايَح شُموف كُتَر من هَكدا"، <sup>51</sup> وقاللو: "نْقولَلكُم الصَح الصَح، رايحين نُشوفو السَّما مَحلولة، ومَلايكة الله يَطَّلعو ويَبطو على بْن الإنسان."

2

## العُرس في قانا الجُلْيل - المُعجِزة الأولى

1 بَعد تَلَت أَيّام، كان كايَن عُرس في قانا فالجاْيل، وكانَت تَمّة يَمّات يَسوع. 2 يَسوع والتابعين مْتاعو تاني كانو مَعروضين للعُرس، 3 خَص الشْراب، وقالتلو يَمّاه ليَسوع: "ما عَندهُمش الشْراب" 4 قاللها يَسوع: "يا مْرا، واش كَلَن بيني وبينك؟ مازال ما جاتش ساعتي" 5 قالَت يَمّاه للخَدّامين: "ديرو كامَل واش يْقولَلكُم" 6 داك الوَقت، كانو كاينين تَمّة سَت قُساط مْتاع الحَجْر، عُنلينهُم لليُهود باش يَطَهرو، كُل قَسط تَرفَد قِيس زوج وَلا تَلَت كِلات بُكار، 7 قاللهُم يَسوع: "عَمّرو القُساط بالما"، عَمّروهُم حَتّى للفُم. 8 وقاللهُم: "عَمّرو دُرك وأدّيو للي مُوكَّل باش يْقوم بالوَيمة." دارو هَكَدا 9 كي داق المُوكَّل عالوَيمة الما اللي وَلاّ شُراب، وهُو ماشي عارف منين جا هاد الشْراب، بَصَّح الحَدّامين اللي عَمّرو الله كانو عارفين، عَيَّط للعربس، 10 وقاللو: "كُل إنسان يَسبَق يْسَربِي قْبَل الشُراب المُليح وبَعدما المُولاني، وأنتَ خَلَيت الشُراب المُليح حَتَّى لدُرك." 11 هَدي يَسَكُرو الشُراب المُليح حَتَّى لدُرك." 11 هَدي يَسَكُرو الشُراب المُليح حَتَّى لدُرك." 11 هَدي كَلَّت الشُراب المُليح حَتَّى لدُرك." 11 هَدي كَانَت في قانا فالجُليل البَدية مُتاع المارات مْتاع يَسوع، و وَيَن مَجدو، وآمنو بيه التابعين مُتاعو.

## تُطهير المُعبَد

- 12 بَعد هَدا، هْبَط لكفرناحوم مع يمّاه وخاوتو، والتابعين مْتاعو، وقَعدو تَمّة غير يامات. 13 عيد الفَصح مْتاع اليُهود كان قْريب، وطْلَع يَسوع لأورشَليم، 14 ولْقا فالمَعبَد اللي يْبيعو الفْراد والغْنَم والخْمام واللي يْبدّلو الدْراهَم قاعدين عالميدات مْتاعهُم. 15 غُدَم مَشحَط بالحْبيلة، وحاوَزهُم كامَل مالمَعبَد بالغْنَم والفْراد، وزَربَع الصَرف مْتاع اللي يُبدّلو الدْراهَم وقُلَب الميدات، 16 وقال للي يْبيعو الحْمام: "نُحَيّو هَدا من هنا، ما تُردّوش دار بابا دار للتِجارة." 17 تُفكّرو التابعين مْتاعو باللي مُكتوب: "تاكلني الغيرة على دارك"
- 18 جاوبو الْيهود وقالولو: "واشَن هِي المارة اللي تُورَّيلنا، باش تُدير هكدا؟" 19 واجَب يَسوع وقالَلهُم: "هَدّو هاد المَعبَد وفي تَلت أيَّام نْعاَود نُوقَقُو" <sup>20</sup> قالو الْيهود: "أتَّبنا هاد المَعبَد في سَتّة ورَبعين سْنة، وأنت تْعاَود تَبنيه في تَلت أيَّام؟" <sup>21</sup> هُو كان يَهدَر عالمَعبَد مْتاع داتو. <sup>22</sup> كي قام من بين الموتى، تُفكّرو التابعين مْتاعو باللي قال هاد الشي، وآمنو بالكُتوب والكَلمة اللي قالها يَسوع.
- <sup>23</sup> وكي كان في أورشَليم في عيد الفَصح، بَرَّاف آمنو بآسمو كي شافو المارات اللي كان يْديرهُم، <sup>24</sup> بَصَّح يَسوع ما كانش مَآمَنُهم، خاطَر كان يَعرَفهُم كامَل، <sup>25</sup> وماكانش يَسحَق باش واحَد يَشْهَدلو على بْنادَم، كان يَعرَف هُو واش كايَن في بْنادَم.

## حْديت يَسُوع مع نيقوديموس

1 كان واحد الراجَل مالفَرِّيسِيِّن واسمو نيقود بموس، كان رايس الْيهود، <sup>2</sup> جا لعند يَسوع فالليل وقاللو: "سيدي، رانا عارفين باللي أنتَ شيخ جاي من عَند الله، خاطر واحد ما يَقدر يْدير هاد المارات اللي راك تْدير إيلا ماكانش الله معاه." 3 واجَب يَسوع وقاللو: "نْقولَك الصَح الصَح: لو كان الواحد ما يَنزادش مالفوق، ما يَقدَرش يشوف مَلكوت الله." 4 قاللو نيقود يموس: "كيفاش يَنزاد الراجَل وهُو كُبير فالعُمر؟ يَقدَر يَدخُل مَرّة تانية لكرش يمّاه ويَنزاد؟" 5 واجَب يَسوع: "نْقولَك الصَح الصَح: لو كان الواحد ما يَنزادش مالما والروح ما يَقدَرش يَدخُل لمَلكوت الله. 6 اللي نْزاد مالروح هُو روح. 7 ما تَستَغرَبش كي قُلتلك: "لازَم أنتوم تَنزادو مالفوق، 8 الربح يْصَفَّر وين يْروح، هَكدا كُل مالفوق، 8 الربح يْصَفَّر وين يْروح، هَكدا كُل من يَنزاد مالروح."

9 جاوَب نيقوديموس وقاللو: "كيفاش يَقدر يْكون هاد الشي؟" 10 جاوَب يَسوع وقاللو: "أنتَ شيخ إسرائيل وما تَعرَفش هاد الشي؟ 11 نُقولك الصَح الصَح، نَهدرو واش نَعرفو، ونَشَهدو بواش نُشوفو، وما تَقَبلوش شهادتنا،
 12 نُقوللكُم الحاجات مْتاع الأرض وما تامنوش، كيفاش رايحين تامنو لوكان نْقوللكُم عالحاجات مْتاع السْما؟
 13 واحد ما طْلَع للسْما من غير اللي هْبَط مالسْما، بْن الإنسان،

14 وكيما رْفَع موسى الحَنْش فالخُلا، هَكدا لازَم يَتَرْفَع بْن الإنسان، 15 باش كُل من يامَن بيه يْنال الحَياة الدايمة. 16 خاطَر هَكدا حَب الله الدَنيا، حَتَى عْطا بْنو الوْحيد، باش كُل من يامَن بيه ما يْضيعش، وتْكونلو الحَياة الدايمة. 17 والله ما بْعتَش وْليدو للدَنيا باش يُعاكم الدَنيا، بَعتو باش بيه تَسلَك الدَنيا، 18 اللي يامَن بيه ما يَتَحَكَمش عليه، بَصَّح اللي ما يامَنش بيه راهو ثُعاكم، خاطر ما آمَنش بآسَم بْن الله الوْحيد. 19 وهَدا هُوَ الحُكم، النور جا للدَنيا، وبْني آدَم حَبّو الضّلام في عوض النور، خاطر فْعالهُم كانو دونيّين، 20 خاطَر كُل من يُدير الشَر، يكرَه النور، وما يُجيش للنور باش ما يَدكشفوش فْعالو، 12 بَصَّح اللي يُدير الحَق يْجي للنور، باش يْبانو فْعالو، خاطَر نْدارو فالله.

## شْهادة يوحَنّا المُعمَدان فالمَسيح

22 بَعَد هَدا، راح يَسوع والتابعين مْتاعو لأَرض اليَهوديّة، وقْعَد تُمّة معاهُم وكان يُعمَّد. <sup>23</sup> وكان يوحَنّا تاني يُعمَّد في عين نون، قْريب من ساليم، خاطَر كان بَرَّاف الما تَمّة وكانو يُجيو يَعمَّدو، <sup>24</sup> ويوحَنّا كان مازال ما نَجَبسش. <sup>25</sup> صْرات هَدرة بين التابعين مْتاع يوحَنّا وواحَد يُهودي على آمَر التَطهير، <sup>26</sup> وراحو لعَند يوحَنّا وقالولو: "شيخ، هاو اللي كان معاك من الجيهة الأخرى مْتاع واد الأُردُن واللي شُهدتلو، راهو يُعمَّد وكامَل راهُم يُروحو ليه." <sup>27</sup> جاوَب يوحَنّا وقال: "ما يقدرش بْنادَم يَدّي حاجة وَلا ما نَعطاتلوش من السْما، <sup>28</sup> أتتومَ بالدات تَشَهدو باللي قُلت أنا ماشي المسيح، أنا مَرسول قَبلو. <sup>29</sup> اللي عَندو العروسة هُو العريس، بَصَّح حْبيب العريس اللي يُكون هنا ويسَمعلو، يَفَرَح بَزّاف وهُو يَسمَع صوت العريس، وفَرحتي هَدي هي وراهي كاملة، <sup>30</sup> لازَم هُو يَكبَر وأنا نَنقُص. ويسَمعلو، يُفرَح بَزّاف وهُو فوق الكُل، واللي من الأرض، هُو من الأرض ويَهدر على حْساب الأرض. اللي جا من السْما، هُو فوق الكُل، واللي من الأرض، واحد ما يَقبَل شْهادتو، <sup>38</sup> اللي يَقبَل شْهادتو، يَستَعرف باللي السُما، هُو فوق الكُل، والش شاف وسْمَع، وواحَد ما يَقبَل شْهادتو، <sup>38</sup> اللي يَقبَل شْهادتو، يَستَعرف باللي السُما، هُو فوق الكُل، <sup>31</sup> يَشهَد بواش شاف وسْمَع، وواحَد ما يَقبَل شْهادتو، <sup>38</sup> اللي يَقبَل شْهادتو، يَستَعرف باللي

الله حَق، <sup>34</sup> اللي بَعتو الله يُقول كُلام الله، خاطَر الله ما يُمدش الروح بالحْساب، <sup>35</sup> الآب يُحَب الإبن وعْطالو كُل شي في يَدّو، <sup>36</sup> اللي يامَن بالإبن، عَندو حْياة دايمة، بَصَّح اللي ما يَقبَلش يامَن بالإبن، ما يْشوفش حْياة ويْكون عليه زْعاف الله."

4

# حْديت يَسُوع مع المْرا السامريّة

 أي عْرَف يَسوع باللي الفَريسيّين سَمعو باللي راهُم يُولّيو عَندو تابعين وراهو يُعَمَّد كْتَر من يوحَنّا، <sup>2</sup> والويسوع ما كانش هُو اللي يْعَمَّد، التابعين مْتاعو هومَ اللي كَانو يْعَمَّدو، 3 خَلاّ اليَهودِيَّة وعاوَد وَلاّ للجْليل، 4 وكان لازَم يْجوز على السامرة. 5 وْصَل هِمَّالا لواحَد المدينة مْتاع السامرة واسَّمها سوخار، قْريبة من الأرض اللي عْطاها يَعقوب ليوسَف وْليدو، 6 وتَم كان كاين البير مْتاع يَعقوب، وعلى حْساب اللي كان يَسوع عَيّان من السْفَر، قْعَد قُدّام البير، وكانَت جْوايَه الطْناش مْتاع النّهار. <sup>7</sup> جات واحَد المْرا سامرِيّة تْعَمَّر اللا، وقاللها يَسوع: "أعطيني نَشرُب"، <sup>8</sup> التابعين مْتاعو كانو راحو للمُدينة ۖ يَشريو الماكلة. 9 قالتَلو المُرا السامرِيّة: "كيفاش أنتَ اللي يْهودي تَطلَب منّي أنا مْرا سامرية نَعطيك تَشرُب؟" خاطَر الْيهود ما كانش عَندهُم عَلاقات مع السامرِيّين. 10 جاوَب يَسوع وقالَلها: "لوكان تَعّرفي هِبة الله وشْكُون اللي راهو يْقُولُك أعطيني نَشرُب، كُنتي طْلَبتي منَّو وهُوَ يَعطيك ما حَيِّ"، 11 قالتَلو المرا: "سيدي، ما عَندكش بيدون والبير غامَق، منين هِمّالا يْكون عَندك هاد الما الحَي؟ 12 مُحسوب أنتَ كْبير على بابانا يَعقوب اللي عُطالنا هاد البير وشْرَب منّو هُوَ ووْلادو والقُطيع مْتاعو؟" 13 واجَب يَسوع وقاللَها: "كُل من يَشرُب من هاد الما يْزيد يَعطَش، 14 بَصَّح اللي يَشرُب من الما اللي أَنا نَعطيهولو، ما يْزيدش يَعطَش على الدْوام، والما اللي نَعطيهولو يُوكِّي فيه عَنصَرُ تَفيض منو الخَّياة الدايمة." <sup>15</sup> قالتّلو المْرا: "سيدي، أعطيني هاد الما باش ما نزيدش نَعطَش وما نْزيدش نْجِي اللَّهَنا نْعُمَّر." <sup>16</sup> قاللها: "روحي عَيّطي لراجلَك وأرواحي اللَّهَنا"، <sup>17</sup> واجبَت المْرا وقالتَلو: "ما عَنديش راجَل"، قالَلها يَسوع: "عْمَلَتِي مْليح كي قُلتِي ما عَنديش راجَل، 18 خاطَر تْزُوَّجتِي بَخَمس رْجال، ودُرك اللي راهو عَندك ماشي راجلَك. في هَدي قُلتي الصَح." <sup>19</sup> قالَتلو المْرا: "سيدي، راني نْشوف باللي أنتَ نَبي، <sup>20</sup> جُدودنا عَبدو فوق ُهاد الجُبُل، وأنتومَ تْقُولُو بَاللي أورشَليم هِيَ المُكان اللي لازَم نَعَبدو فيه." <sup>21</sup> قاللها يَسوع: "صَدقيني يا مْرا، يْجِي وَقت وين ما رايحين تَعَبدو الآب لا على هاد الجبْلُ وَلا في أورشَليم، <sup>22</sup> أنتومَ ما تَعَرفوش اللي راكمُ تَعْبدو فيه، حْنا الْيهود نَعَرفو اللي نَعَبدوه، خاطَر السُّلاك يْجِي من الْيهود. 23 بَصَّح يْجِي الوَقت، وراهو وْصَل، وين العابدين الحَقّانيّين يَعَّبدو الآب فالروح وفالحَق، خاطَر هَدو هومَ العابدين اللي الآب يُحوَّس عليهُم. 24 الله روح، واللي يَعْبَدوه لازَم يَعَبدوه فالروح وفالحَق." 25 قالتلو المرا: "راني عارفة باللي المِسِيّا اللي يُعَيّطولو المَسيح رايَح يْجي، كي ْيجى يْخَبَّرْنا بكُل شي"، <sup>26</sup> قالَلها يَسوع: "المَسيح هُوَ اللي راهو يَهدَر معاك."

27 داك الوَقت جاو التابعين مْتاعو وسْتَغربو كي كان يَسوع يَهدَر مع مْرا، بَصَّح واحَد ما قال: "واش راك ثُمُوَّس"، وَلاّ "واش راك تَهدَر معاها؟" <sup>28</sup> خَلاّت المْرا القُلّة مْتاعها، وراحَت للمُدينة وقالَت للناس: <sup>29</sup> "أرواحو تُشوفو واحَد الإنسان قاللي كامَل واش دَرت، بَلاك يُكون هُوَ المَسيح؟" <sup>30</sup> خَرجو من المُدينة وراحو لعَندو. 31 في هَدَاك الوَقت، كانو التابعين يَطَّبو من يَسوع ويْقولو: "شيخ، كول"، 32 هُو قالَلهُم: "أنا راني رايح ناكُل ماكلة أنتومَ ما تَعْرفوهاش." 33 بْداو التابعين يْقولو لَبعضُهُم بَعض: "يُكون كاش واحَد جابلو ياكُل؟" 34 قاللَهُم يَسوع: "نْدير مُراد اللي بْعَتني ونْكُلَّ الخَدمة مْتاعو، هدي هي ماكلتي، 35 ماشي تْقولو أنتومَ مازال رَبع شُهور ويْجي الحُصاد؟ هاني نْقوللَكُم: أَرَّقدو عينيكُم وشوفو الحصايد، راهُم واجدين للحُصاد. 36 الحَصّاد يَدّي خْلاصو، ويْلَم الغَلة للحياة الدايمة، باش اللي يَرْرَع واللي يَحصَد يَشَرحو كيف كيف، 37 خاطر في هاد الشي، صحيح المُتل اللي يْقول: "واحَد يَرَع وواحَد يَحصَد"، 38 أنا بْعَتتكُم أنتومَ تَحَّصدو في اللي ما تْعَبتوش فيه، واحَدُخرين تَعبو وأنتومَ دْخَلتو في خَدَمَهُم."

## سامرِيتين بزَّاف يامنو

<sup>39</sup> بَرَّاف من السام ِيِّين اللي آمنو بيه في هاد المُدينة على جال كُلام المُرا اللي شَهدَت: "قاللي كامل واش دَرت"، <sup>40</sup> كي جاو ليه السام ِيِّين، طَلبو منّو يَبقا عَندهُم وبثقا تَم يومين. <sup>41</sup> بَرَّاف زادو آمنو على جال كُلامو، <sup>42</sup> وكانو يُقولو للمُرا: "ماشي على حُكايتَك اللي آمننا، خاطَر حْنا بالدات شَعنا ورانا عارفين باللي صَح هَدا هُوَ سَلاّك الدَنيا."

## وْليد خُدَّام السَلطان يَبَرا

43 بَعَد اليومين، خُرَج يَسوع من تَم وراح للجُليل، 44 هُو بالدات شُهَد باللي النّبي ما يَتَكَرَّمش في بُلادو. 45 كي وْصَل للجُليل، سْتَقبلوه الجُليليّين كي شافو كامَل واش دار في أورشَليم فالعيد، خاطَر هومَ بالدات راحو يَحَضرو العيد. 46 زاد راح لقانا مْتاع الجُليل وين رَد الما شْراب، وكان في كفرناحوم واحَد من العَسكرُ مْتاع السَلطان وْليدو مْريض. 47 سُمَع باللي يَسوع وْصَل من اليَهوديّة للجُليل، وراح ليه يَطلَب منّو يَهبَط ويَشفي وْليدو خاطَر كان فالمُماة. 48 همّالا قاللو يَسوع: "لو كان ما نشوفوش مارات وعجايَب، ما تامنوش"، 49 قاللو العسَّكري مُتاع السَلطان: "سيدي، أهبَط قُبل ما يُموت وْليدي"، 50 قاللو يَسوع: "روح، وْليدَك راهو حَي." آمَن الراجَل بالكُلام اللي قالهولو يَسوع وراح. 51 كي كان هابَط، جاو لاقاوه الخدّامين مُتاعو يقولو باللي وْليدو راهو حَي. 52 سُتَخبَر منهُم واش من الساعة وَلاَ وْليدو خير من اللي كان، قالولو: "البارح على الواحدة مْتاع النّهار راحتلو الحَمّى." 53 عُرَف الباباة باللي في هَديك الساعة اللي قاللو يَسوع: "وْليدَك راهو حَي"، وآمَن هُو وكامَل دارو. 54 وزاد دار يَسوع هاد المُعجِزة النائية بَعد ما جا من اليَهوديّة للجُليل.

5

## واحَد في بيت حُسدا يَبرا

أ بعد هَدا، كان كاين عيد مْتاع الْيهود، وطْلَع يَسوع لأورشَايِم، 2 وكايَن في أورشَليم قُدّام باب الغْنَم واحد الفَّلتة سَمّاوها بالعَبرِيّة بيت زاتا، كانو دايرين بيها خمس سطوانات، 3 كانو مْكَسّاين فيهُم بَرَّاف من المَرضى عَميين، كعوانين ومَسْلولين. 5 وكان تُمَّة واحد الإنسان مْريض مَن ثَمْنية وتْلاتين سْنة. 6 كي شافو يَسوع مُكَسَّل، وكان عارَف باللي طال عليه الوَقت، قاللو: "راك حاب تَبرا؟" 7 واجبو المُريض: "سيدي، ما كان حَتى واحد يَرميني للقُلتة كي يَتَحَرَّك الما، وكي نُكون رايَح نَبَط، يَهبَط واحد قْبَل منيّ." 8 قاللو يَسوع: "نوض، أرفَد فْراشك وروح." 9 تَم تَم بْرا الراجَل، رْفَد فْراشو ومْشا، وداك اليوم كان سَبت.

10 هِمَّالا قالو اليُهود للي بْرا: "اليوم السَبت، ما يُجوزلَكش تَرفَد فْراشَك"، 11 هُوَ جَاوَبَهُم: "اللي شْفاني، هداك قاللي أرفَد فْراشَك وأمشي؟" 13 هَدا اللي بْرا ما كانش يَعرَف شْكون هُو الإنسان اللي قالك أرفَد وأمشي؟" 13 هَدا اللي بْرا ما كانش يَعرَف شْكون هُو خاطَر يَسوع غاب من الغاشي اللي كان في داك المُكان. 14 بَعد هَدا لْقاه يَسوع فالمُعبَد وقاللو: "هاك بْريت، ما تْزيدش تدنّب باش ما يَصرالَكش تُحتَر من هَكدا." 15 بَعَد الراجَل وخَبَّر اليُهود باللي يَسوع هُو اللي شَفاه.

## خُدمة الآب والإبن

19 جاوَبَهُم يَسوع وقاللَهُم: "نْقُولَلَكُم الصَح الصَح، الإبن ما يَقَدَر يْدير حَتَّى حاجة من عَدو، من غير واش يْدير يُشوف الآب يْدير، واش يْدير هَداك، الإبن تاني يْديرو، <sup>20</sup> خاطَر الآب يْعَب الإبن، ويْوَرّيلو كامَل واش يْدير هُو، ورايَح يُورّيلو عْمال بْجَار على هَدو باش تَدَّهشو. <sup>21</sup> كيما الآب يْوَض الموتى ويَحييهُم، الإبن تاني يَحيي اللي يُحب. <sup>22</sup> الآب ما يْحاكم حَتَّى واحَد، عْطا للإبن باش يْحاكم، <sup>23</sup> باش كامَل يُكرّمو الإبن كيما يُكرِّمو الآب، اللي ما يُكرَّمش الآب اللي بعتو.

<sup>24</sup> نُقُولُكُمُ الصَح الصَح، باللي اللي يَسمَع كُلامي ويامَن باللي بْعَتني عَندو الحيْاة الدايمة، وما يَتَحاكَمش خاطر جاز من الموت للحياة. <sup>25</sup> نُقُولُكُمُ الصَح الصَح، تُجي الساعة وراهي جات وين الموتى يَسَّمعو صوت بْن الله، واللي يَسَمعوه يَحياو، <sup>26</sup> خاطر كيما الآب عندو الحيْاة فيه، هَكدا تاني عْطا للإبن باش تُكون عَندو الحيْاة فيه، <sup>27</sup> وعْطاه القُدرة باش يُحاكُم، خاطر هُو بْن الإنسان. <sup>28</sup> ما تَستَغربوش من هاد الشي، خاطر تُجي الساعة وين كامَل اللي القُدرة باش يُحاكُم، خاطر هُو بْن الإنسان. <sup>28</sup> ما تَستَغربوش من هاد الشي، خاطر تُجي الساعة وين كامَل اللي راهُم فالقُبور يَسَّمعو صوتو، <sup>29</sup> ويْروحو اللي دارو الخير لقيامة الحيْاة، بَصَّح اللي دارو الشَر لقيامة الحُحاسبة. <sup>30</sup> أنا ما نَقَدر نُدير حَتَّى حاجة من عَندي، كيما نُسمَع نُحاسَب، والمُحاسبة مْتاعي حَقِّية، خاطر ما نُحَوَّسش على مُرادي، نُحَوَّس على مُراد اللي بْعَنني.

## شْهادة الآب للإبن

<sup>31</sup> لوكان نَشَهَد لروحي، شُهادتي ماشي صحيحة، <sup>32</sup> واحَدآخُر اللي يَشهَدلي، وراني عارَف باللي شُهادتو عليَّ صحيحة، <sup>33</sup> انتومَ بُعتتو ليوحَنّا وشْهَد للحق. <sup>34</sup> أنا ما نَستَنّاش شُهادة بْنادَم، بَصَّح نقول هاد الشي باش تَسَّلكو. <sup>35</sup> يوحَنّا كان الشَمعة الشاعلة والضاوية، وحَبّيتو تَمتّعو ساعة فالنور مْتاعو، <sup>36</sup> أنا عَندي شُهادة كُبيرة على شُهادة يوحَنّا، خاطَر الأَعمال اللي عْطاهُملي الآب باش نُكَّالهُم، هاد الأَعمال بالدات اللي نُديرهُم يَشَّهدولي باللي الآب بُعتني، <sup>37</sup> والآب اللي بُعتني هُو يَشهَدلي، ما في غَمْرُمُ سُمعتو صوتو، ما شَفتو وجهو، <sup>38</sup> وما عَندَمُش الكَلهة مْتاعو تابتة فيكُم، خاطر ما تامنوش اللي بَعتو هُو. <sup>39</sup> ثَدَققو فالكُتوب خاطر حاسبين تُكون عَندكُم الحيّاة الدايمة بيهُم، وهومَ يَشَّهدولي، <sup>40</sup> بَصَّح ما غُنْبُوش مُغْتَو في يَشْهدولي، <sup>40</sup> بَصَّح

<sup>41</sup> أنا ما نُحَوَّسش الجَحد من عَند الناس، <sup>42</sup> وراني نَعرَفَكُم باللي ما عَندكُمش مُحبَّة الله فيكُم، <sup>43</sup> أنا جيت بآسَم بابا وما قْبَلتونيش، لوكان واحَدآخُر يْجِي بآسمو، هُو تَقَبلوه، <sup>44</sup> كيفاش تَقَّدرو تامنو وأنتومَ ثَحَّوسو تْنالو الجَحد من بَعضكُم بَعض، والجَحد اللي من الله وَحدو ما تُحَوِّسوش عليه.

<sup>45</sup> بَلاكو تَحَسبو باللي أنا نَتَهَمُكُم قُدَّام الآب، اللي يَتَهَمَكُم هُوَ موسى اللي رْجيتو فيه، <sup>46</sup> خاطَر لوكان تامنو بموسى، تامنو بِيَّ، خاطَر هُوَ كْتَب علِيَّ، <sup>47</sup> بَصَّح وَلاّ ما تامنوش بواش كْتَب هُوَ، كيفاش تامنو بكْلامي؟"

6

## خَمس آلاف عَبد ياكلو ويَشَّبعو

1 بَعد هَدا، بَعَد يَسُوع للجيه الأخرى مْتاع بُحَر الجُليل، البُحر مْتاع طَبَرِيّة، 2 وتَبَعو غاشي حُبير خاطَر كانو يُشوفو المبارات اللي كان يُديرهُم على المرضى. 3 طُلع يَسوع فوق الجُبَل وقْعَد تَمّة مع التابعين مْتاعو. 4 الفَصح، عيد اليهود كان قريب، 5 وكي رْفَد عينيه، شاف يَسوع غاشي حُبير جاي ليه، وقال لفيلبُس: "منين نَشريو الخُبز باش ياكلو هَدو؟" 6 قال هاد الشي باش يُجَرّبو، خاطَر هُو كان عارَف واش رايح يُدير. 7 واجبو فيلبُس: "حتّى ميتين دينار مُتاع الخُبز ما يكفيوش باش كُل واحَد يَدي شُويّة"، 8 قاللو واحَد من التابعين مُتاعو، أندراوَس خو سَمعان بُطرُس: 9 "كايَن وْلَد صُغير هُنا عَدو خَمس خُبزات مُتاع الشَّعير وزوج حوتات، بَصَّح واش يَكفي منهُم هَدو كامَل؟" والله يَسوع: "قَعَدو الناس." كان بَرَّاف الحُشيش في هَداك المُكان والناس قَعدو، كانو واحَد الخَس آلاف. الله واش يُخير وبَعد ما حُمَد، فرَّقو للناس مع الحوت وعُطاهُم قَد ما حَبّو. 12 وكي شَبعو، قال للتابعين مُتاعو: "لَمّو واش فَضَل من الخُبز باش ما يُضيع والو." 13 لمَّو وعَمّرو طُناشَن قُنَة من الطُراف اللي فَضلو بَعد ما حُلاو الله عَبي للدَنيا"، مَناع اللهي يبي للدَنيا"، مَناع اللهي رايحين يُجيو يَخَطفوه باش يُديروه سَلطان، وزاد جُبَد روحو وَحدو فالجَبل.

# مُعجِزة المَشية على الما

- 16 كي جات الْعْشِيّة، هَبطو التابعين مْتاعو للبْحَر، 17 رَكبو في فْلوكة وراحو للجيهة الأخرى مْتاع البْحَر اللي في كَفرناحوم، وطاحَت الضّلمة ويَسوع كان ما زال ما لْحَقّهُمش. <sup>18</sup> ناض ريح قْوي هَيَّج البْحَر، <sup>19</sup> كانو بَعْدو قيس خَمسة وَلاّ سُتّة كيلومَتر كي شافو يَسوع يَمشي على البْحَر ويْقَرَّب للفْلوكة وخافو. <sup>20</sup> قالَلهُم هُوَ: "أنا هُوَ، ما تُخْلفوش"، <sup>21</sup> حَبَّو يَدّيوَه فالفْلوكة بَصَّح تَم تَم تَم مَم وصلو للأرض اللي كانو رايحين ليها.
- <sup>22</sup> غَدوة من داك، الغاشي اللي كانو فالجيهة الأخرى متاع البُحر، شافو باللي ما كانتش كاينة فلوكة واحدوخرى، كانت غير فلوكة واحدة، وباللي يسوع ما رْكبش مع التابعين متاعو في هديك الفلوكة، والتابعين راحو وَحَدهُم.
  <sup>23</sup> فلايك واحدُخرين جاو من طبَريّة في يب من المكان اللي كلاو فيه الخبُز بَعدما الرّب يَسوع شكر الله. <sup>24</sup> همّالا كي شاف الغاشي باللي يَسوع ما كاشو تمّة لا هُو، لا التابعين متاعو، طلعو فالفلايك وراحو لكفرناحوم يُحوّسو عليه.

### أنا هُوَ خُبز الحيَّاة

وكي لْقاوَه فالجيهة الأخرى مْتاع البْحَر قالولو: "شيخ، وَقتاش جيت اللَهنا؟" <sup>26</sup> واجبهُم يَسوع وقال: "نْقوللكُم الصَح الصَح، راكمُ ثُحوَّسو علي ماشي على جال اللي شَفتو مارات، على جال اللي كْليتو الخُبز وشْبَعتو، <sup>27</sup> أُخَّدمو

ماشي على جال القوت الفاني، أخَّدمو على جال القوت الباقي للميْاة الدايمة، اللي يَعطيهولكُم بْن الإنسان، خاطر هَدا الله الآب طَبعو بالطابع مْتاعو." 28 همّالا قالولو: "واش نديرو باش نَخَّدمو في خَدمة الله؟" 29 واجَب يَسوع وقاللهُم: "هَدي هي الخَدمة مْتاع الله، كي تامنو باللي بَعتو هُوّا، 30 قالولو: "همّالا واشن هِي المارة اللي تُديرها باش نشوفو ونامنو بيك؟ واش تُدير؟ 31 جُدودنا كُلاو المَن فالخُلا على حُساب ماهو مَكتوب "عُطاهُم ياكلو خُبز السّما"، 32 همّالا قاللهُم يَسوع: "نقوللكُم الصَح الصَح، ماشي موسى اللي عُطالكُم خُبز السّما، بابا يَعطيلكُم خُبز السّما الحِقّاني، 33 هَالله قالولو: "سيدي، أعطيلنا دايمًا الحقّاني، 33 فأطلا قالولو: "سيدي، أعطيلنا دايمًا هاد الخُبز"، 35 قاللهُم يَسوع: "أنا هُو خُبز الحيْاة، اللي يُجي لعَندي ما يُجوعش، واللي يامن بِيَّ عَمرو ما يَعطش. 36 بَصَّح قُلتهالكُم، شَفتوني وما آمَنتوش، 37 اللي يَعطيهولي الآب كامل يُجي لِيَّ، واللي يُجي لِيَّ ما نَرميهش برّا، 36 خَطر والو من كامل واش عُطاني، بالعكس نَجيه فاليوم الأخَّر. 40 هَدا هُو مُراد بابا: كُل من يُشوف الإبن ما نُجيّر والو من كامَل واش عُطاني، بالعكس نَجيه فاليوم الأخَّر. 40 هَدا هُو مُراد بابا: كُل من يُشوف الإبن ويامَن بيه يْنال الحَياة الدايمة، وأنا نَحيه فاليوم الأخَّر."

41 بداو البيود يْدَمدمو عليه خاطر قال: "أنا هُو الخُبز اللي هْبَط من السَّما"، 42 وكانو يْقولو: "هَدا ماشي يَسوع وْليد يوسَف اللي نَعَرفو باباه ويمّاه؟ كيفاش دُرك يْقول: هْبَطت من السَّما؟" 43 واجَب يَسوع وقالَلهُم: "ما تُدمدموش مع بَعضكُم بَعض، 44 واحَد ما يَقَدَر يْجي لعَندي غير لو كان الآب اللي بْعَنني يَجَبْدو، وأنا نَحيه فاليوم الأغرَّم عن بعضكُم بَعض، 44 واحَد ما يُقدر يْجي لعَندو عن الله، كُل من شَمَع وتْعَلَّم من الآب يْجي لِيَّ، 46 مانيش نقول باللي كُن واحَد شاف الآب من غير اللي من الله، هُو شاف الآب، 47 نقوللكم الصَح الصَح، اللي يامَن عَدو الحيَّاة كُل من ها أنا خُبز الحيَّاة به بُدودكم كُلاو المَن فالخُلا وماتو، 50 هاو الخُبز اللي يَبَيط من السَّما، باش اللي ياكُل من هاد الخُبز يَجيا على الدُوام، والخُبز من من هاد الخُبز يَجيا على الدُوام، والخُبز اللي نعطيه أنا هُوَ داتى لحيُّاة الدَنيا."

<sup>52</sup> بداو اليْهود يَدّاوسو بيناتَهُم ويْقولو: "كيفاش يَقدَر هَدا يَعطينا داتو ناكلوها؟" <sup>53</sup> همّالا قاللَهُم يَسوع: "نْقوللَّكُم الصَح الصَح، لو كان ما تاكلوش دات بْن الإنسان وما تَشَربوش دَمّو، ما عَندَكُمش الحيْاة فيكُم، <sup>54</sup> بَصَّح اللي ياكُل داتي ويَشرَب دَمِّي عَندو الحيَّاة الدايمة وأنا نحييه فاليوم الأخَّر، <sup>55</sup> خاطَر داتي هي القوت الحقّاني، ودَمِّي يَبقا في وأنا فيه، <sup>55</sup> وكيما الآب الحي بْعَتني كيما أنا نحيا بلآب، هكدا اللي ياكُل داتي يَعيا بِيَّ، <sup>58</sup> هَدا هُو الخَبز اللي هْبَط من السْما، ماشي كيما المَن اللي كُلاوَه بُدودكُم وماتو، اللي ياكُل هاد الخُبز يَعيا على الدُوام." <sup>59</sup> قال هاد الكُلام فالجَمَع وهُوَ يْدَرَّس في كَفرناحوم.

# تابعين بَزَّاف يْخَلّْيُو يَسُوع

60 كي سَمعوه، بَرَّاف من التابعين مْتاعو اللي قالو: "هاد الكُلام صْعيب، شْكون يَقدَر يَسَّمعو؟" 61 عْرَف يَسوع في روحو واش كانو التابعين مْتاعو يْدَمدمو على هاد الشي وقالَلهُم: "هاد الشي يْعَمَّرُكُم؟ 62 همّالا لو كان تُشوفو بْن الإنسان طالَع وين كان من قْبَل؟ 63 الروح هُو اللي يَحيي، الدات ما تَنفَع في والو، والكُلام اللي قُلتهولكُم روح وحْياة، 64 بَصَّح كايَن فيكُم اللي ما يامنوش." خاطَر يَسوع كان عارَف من الأوَّل شْكون هومَ اللي ما يامنوش وشْكون اللي رايح يُسْلّبو، 65 وقال: "على هَدا قُلتَلكُم، واحَد ما يَقدَر يُجي لِيَّ غير وَلاَّ أَتَّعطالو هاد الشي من الآب." 66 من تَم، بَرَّاف من التابعين مْتاعو جَبدو روحهُم وما وَلاَّوش يَمشيو معاه. 67 همّالا قال يَسوع للرُسُل الطْناش: "ما راكُمش حابّين أنتومَ تاني تَجَبَّدو روحكُم؟" 88 واجبو سَمعان بُطرُس: "سيدي، لعند من نُروحو؟ كُلام الحيّاة الدايمة عَدك، 69 حْنا آمَنًا وعْرَفنا باللي أنت قُدّوس الله." 70 جاوَبهُم يَسوع: "ماشي أنا خَيَرتُكُم أنتومَ الطّناش؟ وواحَد فيكُم شيطان"، 71 كان يَهدَر على يَهودا وْليد سَمعان الإسخريوطي، خاطَر هُوَ اللي كان رايح يُسَلّبو، وهُوَ واحَد من الطّناش."

7

# يَسُوع يُروح لأورشُليم

1 بَعد هَدا، كان يَسوع يَمشي فالجْليل خاطَر ما حَبش يَبقا فاليَهودِيّة، على جال اللي النّهود كانو يْحَوّسو يَقْتلوه.

<sup>2</sup> كان عيد الخيم، عيد اليهود قريب، ³ هِمّالا قالولو خاوتو: "بعَّد من هنا وروح لليهوديّة باش التابعين مْتاعك تاني يشوفو عُمالك اللي تُديرهُم، ⁴ خاطر واحد ما يَخدَم بالتُنخبية وَلا حَب يْبان. وَلا تُدير هاد الحاجات، بيَّن روحك للناس"، ⁵ خاطر حَتى خاوتو وخُواتاتو ما كانوش يامنو بيه. ٥ هِمّالا قاللهُم يَسوع: "ما زال ما راهوش وَقتي، بَصَّح وَقتَكُم دايمًا واجَد، 7 الدّنيا ما تَقَدَرش تَكَرَهكُم، بَصَّح أنا تَكرَهني خاطر نَشهَد عليها باللي عْمالها دونيّين، ³ أنتوم، روحو أحضرو العيد، أنا ما نُروحش لهاد العيد، خاطر ما وْصَلش وَقتي." 9 بَعد ما قال هَكدا بْقا فالجْليل.

10 كي طَلعو خاوتو للعيد، داك الوَقت هُوَ تاني طْلَع ماشي عيناني، كي اللي بالتْخَبية. 11 كانو الْيهود يْحُوّسو عليه فالعيد ويْقولو: "وين راهو هَداك؟" 12 وكان الغاشي يْدَمدَم عليه بَرّاف. كايَن اللي كانو يْقولو: "هُوَ مْليح"، واحَدُخرين كانو يْقولو: "لالا، راهو يْضَيَّع فالغاشي." 13 واحَد ما كان يَهدَر عليه عيناني من الخوف من الْيهود.

14 في نَص العيد، طْلَع يَسوع للمَعبَد وبْدا يْدرَّس. 15 سْتَغربو الْيهود وقالو: "كيفاش هَدا يَعرَف الكْتوب وهُو ما قْراش؟" 16 جاوَبهُم يَسوع وقال: "التَعليم مْتاعي ماشي من عَندي، من اللي بْعَتني، 17 وَلا واحَد حَب يْدير مرادو، يَعرَف من هاد التَعليم وَلا من عَند الله وَلا راني نَهدَر من عَندي. 18 اللي يَهدَر من عَندو، يُحَوَّس على الجَد مْتاع اللي بَعتو، هَداك حَقّاني وما فيهش الدْغُل. 19 ماشي موسى عْطاللُم الشَريعة؟ وواحَد فيكُم ما راهو يْطَبَق فالشَريعة، عْلاش راكم ثَحَوَّسو تَثْتلوني؟"

20 واجبو الغاشي: "فيك شيطان، شْكُون يُحُوَّس يَقْتَلَك؟" <sup>11</sup> واجَب يَسوع وقالَلهُم: "دَرت خَدمة واحدة وكامَل راكمُ داهشين، <sup>22</sup> على جال اللي موسى عْطالكُم الخْتانة، والو ما جاتش من موسى، خاطَر جات من الجْدود، تُختَّو راجَل بالسَبت، <sup>23</sup> وَلاَّ كان راجَل يَتَغَتَّن فالسَبت باش ما ثخالفوش شَريعة موسى، عْلاش زْعَفتو علي كي شَفيت إنسان بْݣَالو في يوم سَبت؟ <sup>24</sup> ما تَحَكموش على حْساب الوْجوه، أَحَكمو بالحَق."

<sup>25</sup> كانو شي ناس من أورشَليم يْقولو: "ماشي هَدا اللي راهُم يْعَوَّسو يَقَّتلوه؟ <sup>26</sup> هاوليك يَهدَر عيناني وما قالولو والو، يْكونو الرِيّاس سْتَعرفو باللي صَح هُوَ المَسيح؟ <sup>27</sup> هَدا نَعَّرفو منينو، بَصَّح المَسيح كي يْجِي واحَد ما يَعرَف منين هُو.َ"

28 عَيَّط يَسوع وهُو يْدَرَّس فالمَعبَد وقال: "وأنا تَعَرفوني وتَعَرفو منين أنا، أنا ما جيتش من عَندي، بَصَّح اللي بُعْتني حَقّاني، وأنتومَ ما تَعَرفوهش، <sup>29</sup> أنا نَعَرفو، خاطَر أنا من عَندو، وهُو اللي بْعَتني." <sup>30</sup> كانو يْحَوَّسو يَحَكموه، بَصَّح واحَد ما رْما يَدّو عليه خاطَر كانَت مازال ما وصلتش ساعتو، <sup>31</sup> بَرَّاف من الغاشي اللي آمنو بيه وكانو يْقولو: "المَسيح كي يْجي، رايج يْدير مارات كْتَر من اللي دارهُم هَدا؟"

32 سَمعو الفَرَّيسِيِّين الغاشي يْدَمدَم هَكدا عليه، وبَعتو رِيَّاس رْجال الدين والفَرَيسِيِّين خَدَّامين باش يَحُكُموه. 33 قال يَسوع: "مازاللي وَقت قُصير معاكُم ونُروح للي بْعَتني، 34 ثُحِّسو علي وما تَلقاونيش، ووين نُكون ما تَقَّدروش تُجيو." 35 قالو النَّهود بيناتهُم: "وين راهو رايج يُروح هَدا وين ما نَقَّدروش نَلقاوَه؟ ما يُكونش رايج يُروح عَند اللي راهُم مْرَربعين عَند اليونانيِّين ويْدَرَّس عَندهُم؟ 36 واش هاد الكَّلام اللي قال، ثُحَوِّسو علي وما تَلقاونيش، ووين نُكون أنتومَ ما تَقَدروش ثَجيو؟"

<sup>37</sup> فاليوم الأخَّر، اليوم الكُبير مْتاع العيد، وْقَف يَسوع وعَيَّط وقال: "وَلا واحَد راهو عَطشان، غير يُجي لِيَّ وَيَشرُب، <sup>38</sup> اللي يامن بِيَّ، كيما يْقول النُّكاب، يْفيضو من صَدرو ويدان مْتاع الما الحي." <sup>99</sup> قال هاد الشي على الروح اللي كانو رايحين يْنالوه اللي يامنو بيه، خاطر الروح كان مازال ما نَعطاش، على جال اللي يَسوع كان مازال ما دُخَلش فالجَد مْتاعو. <sup>40</sup> كاين من الغاشي اللي سَمعو هاد الكُلام وقالو: "صَح هَدا هُوَ النَبِي"، <sup>41</sup> وواحَدُخرين قالو: "هَدا المُسيح." واحَدُخرين قالو: "عْلاش، المَسيح يْجي من الجُليل؟ <sup>42</sup> ماشي النُّكاب يْقول باللي من دَرِيَّة داوَد، من دَشرة بيت لَحم، منين كان داود، اللي يُجي المَسيح؟" <sup>43</sup> ونْقَسمو الغاشي بسْبابو، <sup>44</sup> كاين منهُم اللي حَبو

## قِيَّاد الْيُهود ما يامنوش بالمَسيح

45 راحو الخدّامين لريّاس رْجال الدين والفَرّيسيّين وقالولهُم: "وَعلاش ما جَبتوهش؟" 46 واجبو العَسّاسين: "عَرو ما بْنادَم هْدَر هَكدا"، 47 واجبوهُم الفَرّيسيّين: "أنتومَ تاني غَذَدَعتو؟ 48 كاين واحد من الحُكّام وَلاّ من الفَرّيسيّين اللي آمَن بيه؟ 49 بَصَّح هَداك الغاشي اللي ما يَعرَفش الشَريعة مَنعولين." 50 قالَلهُم نيقوديموس اللي راح عَند يُسوع من قُبل وكان واحد منهُم، أن "الشَريعة مْتاعنا تَحكُم على بْنادَم قُبل ما تَسمَعلو وتَعرَفو واش دار؟" عند يُسوع من قُبل وكان واحد منهُم، أن "وقس وشوف باللي من الجُليل ما يَخرُجش نَبي." 53 وكُل واحد راح لدارو.

8

#### المرا الزانية

ا راح يَسوع لجبَّل الزيتون، ² مع الفْجَر، زاد راح للمَعبَد، وكامَل الشَعب جا ليه. قْعَد وبْدا يَدَرَّس فيهُم. ³ جابو الكُتَّاب والفَرَّيسِيَّين مْرا حكموها وهِيَ تَزنِي، وحَطّوها فالوَسط. ٩ قالولو: "شيخ، هاد المْرا نْحُكمَت وهِيَ تَزني، <sup>5</sup> كُتب موسى فالشريعة مْتاعو باللي اللي بْحالها يَترَجمو، وأنتَ واش تْقول؟" <sup>6</sup> قالو هاد الشي باش يْجَرّبوه، باش يَقدرو يَتَّهموه. بَصَّح يَسوع طابَس للتَحت وكان يكتب بصْباعو على الأرض. <sup>7</sup> وكي بْقاو غير يْسَقسيو فيه، ناض وقاللهُم: "اللي بالا دْنوب فيكم يَرمي الأوّلاني الحجرة"، <sup>8</sup> وزاد طابَس وبْدا يكتب على الأرض. <sup>9</sup> هوم كي سَمعو، بْداو من الكُبير للصْغير يَخُرُجو واحد واحد وبْقا يَسوع وَحدو والمرا فالوسط. <sup>10</sup> عاود يَسوع ناض وقاللها: "يا مْرا، وين راهُم؟ واحد ما حُكم عليك؟" <sup>11</sup> قالت هِيَ: "حَتّى واحد سيدي." قال يَسوع: "وأنا ما نَحكَمش عليك، روحي ومن دُرك ما تزيديش تَدنبي."

## أنا هُوَ نور الدَنيا

12 زاد هْدَر معاهُم يَسوع وقال: "أنا نور الدَنيا، اللي يَتبَّعني ما يَشيش فالضَلمة، يُكون عَندو نور الحياة"، 13 قالولو الفَريسيّين: "أنتَ تَشهَد على روحك، شهادتك ماشي صحيحة"، 14 واجَب يَسوع وقاللهُم: "والو أنا نَشهَد لروحي، شهادتي صحيحة، خاطَر راني نعرف منين جيت ولوين نروح، بَصَّح أنتومَ ما تَعرفوش منين جيت وَلا لوين نروح، 15 أنتومَ مَا تَعرفوش منين جيت وَلا لوين نروح، 15 أنتومَ مَتَّكُم بعقليّة بْنادَم، بَصَّح أنا ما نَحَكُم على حَتّى واحد. 16 وَلا حُكمت، الحُكم مْتاعي صحيح خاطر مارانيش وحدي، راني مع الآب اللي بْعَتني، 17 مكتوب فالشريعة مْتاعكم باللي شهادة زوج بْنِي آدَم صحيحة، 18 أنا نَشهَد لروحي والآب اللي بْعَتني يَشهدلي." 19 قالولو: "وين راه باباك؟" واجَب يَسوع: "ما تَعرفوني لا أنا لا بابا، لوكان جيتو تَعرفوني كنتو تَعرفوني لا أنا لا بابا، لوكان جيتو تَعرفوني كنتو تَعرفوني الا أنا لا بابا، لوكان جيتو تَعرفوني كنتو تَعرفوني الا أنا لا بابا، لوكان الميتوني المناسوة الله المؤلفة المؤلفة

20 قال يَسوع هاد الكُلام في بيت الخَزنة وهُو يُدرَّس فالمَعبَد، وواحَد ما حَكُو خاطَر مازال ما كانتش ساعتو. 
1 وزاد قاللهُم: "أنا راني رائيج، ورايحين غُوّسو علي، وتُموتو في دُنوبكُم. ما تَقَدروش نُجيو؟" <sup>23</sup> وين راني رائيج"، 
2 وقالو الْيهود: "رانج يُقتل روحو، خاطَر راهو يُقول، وين نُروح، أنتومَ ما تَقَدروش تُجيو؟" <sup>23</sup> قاللهُم: "أنتومَ من شاد الدَنيا، <sup>24</sup> على هَدا قُلتَلكُم، تُموتو في دُنوبكُم. خاطَر وَلا ما تامنوش باللي أنا هُوَ، تُموتو في دُنوبكُم." <sup>25</sup> قالولو: "أنتَ شُكون؟" قاللهُم يَسوع: "واش في دُنوبكُم. خاطَر وَلا ما تَعرفو باللي أنا هُوَ، تُموتو في دُنوبكُم وواش نُعاكَم، بَصَّح اللي بُعتني حَقّاني، وأنا اللي شُمعتو راني نُقول للدَنيا." <sup>25</sup> ما عَرفوش باللي كان يَهدَرَّهُم على الآب، <sup>28</sup> على هَدا قاللهُم يَسوع: "كي تَرَّفعو بْن الإنسان، داك الساع تَعرفو باللي أنا هُوَ، وباللي ما نُدير حَتّى حاجة من عَندي، بَصَّح الشي اللي يُعلَّمهولي الآب هُذاك اللي نُقول، <sup>29</sup> اللي بُعتني راهو معاي وما خَلاّنيش وَحدي، خاطَر نُدير دايمًا الحاجات اللي يَعَجبوه." 
عَداك اللي نُقول، <sup>29</sup> اللي بُعتنى راهو معاي وما خَلاّنيش وَحدي، خاطَر نُدير دايمًا الحاجات اللي يَعجبوه."

### ولاد إبراهيم

30 كي قال هاد الشي، بَرَّاف آمنو بيه. <sup>31</sup> قال يَسوع لليْهود اللي آمنو بيه: "لوكان تَبقاو في كُلامي، تُكونو صَح التابعين مْتاعي، <sup>32</sup> وتَعَرفو الحَق والحَق والحَق يُحَرَّرُكُم." <sup>33</sup> جاوبوه: "حْنا دَرِيَّة إبراهيم، وغَمْرنا ما كُمَّا عْبيد لحَقَّى واحَد. كيفاش أنتَ تُقول باللي رايحين تُولِّيو حْرار؟" <sup>34</sup> واجَبُهم يَسوع: "نْقولَلكُم الصَح الصَح، كُل من يْدير الدْنوب عَبد للدْنوب عَبد للدُنوب، <sup>35</sup> العَبد ما يْدومش دايمًا فالدار، وْليد الدار يْدوم دايمًا، <sup>36</sup> وَلاّ حَرَّرُكُم الإبن، تُولِّيو حْرار مْتاع الصَح. <sup>37</sup> راني عارَف باللي أنتومَ وْلاد إبراهيم، بَصَّح حَبيّتو تَشَّتلوني خاطَر كُلامي ما لْقاش مْكان فيكُم، <sup>38</sup> نَهدَر بالشي اللي

شَفتو عَند بابا، وأنتومَ تْديرو الشي اللي شَمَعتوه من عَند باباكُم." <sup>39</sup> جاوبو وقالولو: "بابانا هُوَ إبراهيم"، قالَلهُم يَسوع: "لوكان كُنتو وْلاد إبراهيم لوكان دَرتو عْمال إبراهيم، <sup>40</sup> دُرك راكُم تُخوَّسو تَقُتلوني، وأنا راجَل يْقولَلكُم الصَح اللي شَمَعتو من عَند الله. هاد الشي إبراهيم ماداروش، <sup>41</sup> أنتومَ تْديرو عْمال باباكُم." قالولو: "حْنا ما زَدناش من الزِنا، عَندنا باباه واحَد، الله."

### وْلاد إبليس

42 قاللَهُم يَسوع: "لو كان الله باباكم كُنتو غُجَّروني، خاطَر أنا خُرَجت من الله وجيت، ما جيتش من راسي، هُوَ اللي بْعَتني. <sup>43</sup> عْلاش ما تَعَرفوش لُعني؟ خاطَر ما تَقدروش تَسَمعو كُلامي، <sup>44</sup> أنتومَ وْلاد باباكُم إبليس، وتُّحَبّو تُديرو واش يْحَب باباكُم، هَداك كان قتّال من الأوَّل وما تُبتش فالحَق خاطَر ما كاش فيه حَق. كي يكدَب، كُلامو يُجي منّو خاطَر هُو كَدّاب وباباة الكُدَب، <sup>45</sup> بَصَّح أنا كي نقول الصَح ما تامنونيش. <sup>46</sup> شكون فيكُم يَقدر يَبيَّن فِيَّ الدُنوب؟ وَلاَ نقول الصَح، وَعلاش ما تامنونيش؟ <sup>47</sup> اللي من الله يَسمَع كُلام الله، على هَدا أنتومَ ما تَسَمعوش، خاطَر أنتومَ ماشي من الله؟"

### يسوع وإبراهيم

48 جاوبو اليُهود وقالولو: "ماشي عَندنا الحَق كي نقولو باللي أنتَ سامري وفيك شيطان؟" 49 واجَب يَسوع: "أنا ما فيّاش شيطان، أنا نُكَرَّم بابا وأنتومَ هَنتوني، 50 أنا ما غُوَّسش المجَد مْتاعي، كابَن اللي راهو يُحُوَّس عليه ويُحاسَب. أنْ فَهُولَكُمُ الصَح الصَح، وَلا واحَد حْفَض كُلامي، ما يشوفش الموت للدوام." 52 قالولو اليُهود: "دُرك عُرَفنا باللي فيك شيطان، إبراهيم مات، والأنبيا تاني، وأنتَ تُقول: وَلا واحَد حْفَض كُلامي، ما يُدوقش الموت للدوام، أن عُبير على بابانا إبراهيم اللي مات؟ والأنبيا ماتو، واش راك حاسَب روحَك؟" 54 واجَب يَسوع: "وَلا كُنتَ أنا نَعطِي المجَد لروحي، المجَد مْتاعي والو، بابا هُو اللي يعطيني المجَد، هُو اللي رائم تُقولو عليه إلهنا. 55 أنتوم ما تعَرفوهش، بصَّح أنا نَعْرفو ومَحَفَض كُلامو، ما تعَرفوهش، بصَّح أنا نَعْرفو ومَحَفَض كُلامو، ما تعَرفوهش، بصَّح أنا نَعْرفو ومَحَفَض كُلامو، وشفت إبراهيم باش يُشوف نُهاري وشافو وفْرَح." 57 قالولو اليُهود: "مازال ما عَندكش خمسين سُنة وشَفت إبراهيم؟" 58 قاللهُم يَسوع: "نقولَلكُم الصَح الصَح، قُبَل ما كان إبراهيم، أنا راني." 59 رَفدو الحَجَر باش وشَفت إبراهيم؟ وخرَج من المَعبَد.

9

# اللي نْزِاد عْمَى يَبُرا

أ كان يسوع جايز وشاف واحد عمى من اللي نزاد. 2 سقساوه التابعين متاعو وقالو: "شيخ، شكون اللي دْنَب؟ هَدا وَلا مُواليه باش نزاد عمى؟" 3 واجَب يسوع: "لا هَدا دْنَب وَلا مُواليه، بَصَّح نزاد عمى باش يْبانو عُمال الله فيه، 4 لازَمنا نديرو عُمال اللي بْعتني مادام النهار، يْجي الليل وين واحد ما يَقدَر يَخدَم، 5 مادامني فالدَنيا، أنا نور الدَنيا."

ُ بَعد ما قال هَكدا، بْزَق فالتْراب، ودار طين بالْبْزاق ودْهَن عينين العْمى بالطين، 7 وقاللو: "روح، أغسَل في قُلتة سَلوام )سَلوام مَعنتَها المَرسول."( راح العْمى، غُسَل وجا يُشوف. 8 الجيران واللي كانو يشوفوه يَطلَب قالو: "ماشي هَدا اللي كان يَقعُد يَطلَب؟" <sup>9</sup> كايَن اللي قالو: "هَدا هُوَ"، وواحَدُخرين قالو: "لالا، يْشَبَّهُو"، وهُو كان يْقول: "أنا هُو.ً" <sup>10</sup> وكانو يْقولولو: "كيفاش همّالا نْحَلّو عينيك؟" <sup>11</sup> واجَب هُوَ: "الإنسان اللي يْسَمَّيُوه يَسوع دار الطين ودْهنلي عينيَّ وقاللي، روح لسَلوام وأغسَل، كي رُحت وغْسَلت وَلَيْت نْشوف"، <sup>12</sup> قالولو: "وين راهو هَدا؟" قاللهُم: "ما رانيش عارَف."

# الفَرّيسيّين يَعَتو في آمَر اللي نْزاد عْمى وبْرا

13 أدّا و اللي كان عمى عَند الفَريسيّين، 14 كان يوم سَبت نهار دار يَسوع الطين وحَلّو عينينه. 15 زادو سَقساوَه هاد المَرّة مع الفَريسيّين كيفاش وَلا يُشوف، قاللهُم هُوز "حَط الطين على عينيَّ وغْسَلت وراني نْشوف." 16 قالو شي فَرّيسيّين: "هاد الإنسان ماشي من عَند الله، خاطر ما يْطَبَّقش السّبت"، بَصَّح واحَدُخرين قالو: "كيفاش يُقدر بْنادَم خاطي يْدير مارات كي هَدو؟" وغُخالفو ما بيناتهُم، 17 زادو قالو للعمى: "واش تْقول أنتَ عليه، أنتَ اللي حلَّك عينيك؟" قاللهُم باللي هُو نَبي. 18 ما آمنوش اليُهود باللي كان عمى ووَلا يْشوف حَتى عَيْطو لمُواليه، والو وسَقساوهُم وقالو: "هَدا وْلِيدُمُ اللي تُقولو باللي نُزاد عمى؟ كيفاش دُرك راهو يْشوف؟" 20 جاوبو مُواليه وقالو: "رانا عارفين باللي هَدا وْليدنا وباللي نْزاد عْمى، 21 كيفاش دُرك راهو يْشوف ما راناش عارفين، وشْكون حَلو عينيه اراناش عارفين، سَقسيوه هُو، راهو كبير، يَهدر على روحو." 22 مُواليه قالو هاد الكُلام من الخوف من اليُهود، خاطر اليُهود تْفاهمو باللي لو كان واحَد يَستَعرَف بيه باللي المَسيح يَتَحاوَز من الجَمَع، 23 على هَدا اللي قالو: "راهو كبير، سَقسيوه."

<sup>24</sup> هِمّالا زادو عَيطو للراجَل اللي كان عُمى وقالولو: "سَبَّح الله، رانا عارفين باللي هاد الإنسان خاطي"، <sup>25</sup> هِمّالا واجَبُهُم هُوَ: "وَلا هُو خاطي، أنا ما رانيش عارف، نعرف حاجة واحدة، باللي كُنت عُمى ودُرك راني نشوف." <sup>26</sup> قالولو: "واش دارلك؟ كيفاش حَلَّك عينيك؟" <sup>72</sup> واجَبُهُم: "قُلتَكُمُ وما شَمَعتوش. وَعلاش راكُم حابَّين تْزيدو تَسْمعو؟ أنتومَ تاني حابين تْوليّو تابعين مْتاعو؟" <sup>83</sup> سَبّوه وقالو: "أنتَ التابع مْتاع هَداك، حْنا التابعين مْتاع موسى، <sup>29</sup> حْنا رانا عارفين باللي الله هُدر مع موسى، بَصَّح هَدا ما نَعَرفوش منينو." <sup>30</sup> واجَب الراجَل وقاللهُم: "هَدي موخريبة، ما تَعَرفوش منينو وهُو حَلّلي عينيّ، <sup>31</sup> نَعَرفو باللي الله ما يَسمَعش للخاطيين، بَصَّح لو كان يُكون واحَد تَقي، ويْدير مُرادو يَسمَعلو، <sup>32</sup> عَمرو ما نَسمَع باللي كاش واحَد حَل عينين واحَد زاد عْمى، <sup>33</sup> لوكان هاد الراجَل ما كانش من الله، ما يَقدَر يُدير والو." <sup>34</sup> ما يَقدر وأولولو: "أنتَ بْكَاكَلُ زَدت فالدُنوب وثْجِي تْعَلَّنا"، ورْماؤه بَرَا.

### الغمى الروحي

35 شَمَع يَسوع باللي رْماوَه بَرَّا وكي لْقاه قاللو: "تامَن بإبن الإنسان؟" 36 واجَب هُوَ وقال: "وشْكون هُو يا سيدي باش نامَن بيه؟" 37 قاللو يَسوع: "شَفتو، وهُو اللي راهو يَهدَر معاك"، 38 قال الراجَل: "نامَن يا رَبِّي"، وشْجَدلو. 39 قال يَسوع: "باش نَفرَز اللي جيت أنا لهاد الدَنيا، باش العَميين يْشوفو، واللي يْشوفو يُوَلِّيو عَميين." 40 شي فَرِّيسيِّين اللي كانو معاه سَمعو وقالولو: "وحْنا تاني عَميين؟" 41 قالَلهُم يَسوع: "لوكان جيتو عَميين ما يُكونش عَندكُم دَب، دُرك راكُم تَقُولُو باللي تُشوفُو، على هَدا يَبقا الدَنب مْتاعكُم."

# أنا هُوَ الراعي المُليح

1 وقال: "نْقُولَلَكُمُ الصَح الصَح، اللي ما يَدخُلش من باب المَرعى، ويَطلَع من جيهة أخرى، هَداك سَرّاق وخَطّاف، 2 بَصَّح اللي يَدخُل من الباب هُو راعي الخَرفان. 3 البَوّاب يَفتَعلو، والخَرفان يَسَمعو صوتو، يُعيَّط للخَرفان مْتاعو بآسَمهُم ويَدّيهُم بَرّا. 4 كي يُخرَّج كامَل الخَرفان مْتاعو، يَسبَق يَشي قُدّامُم وهومَ يَتَبَعوه خاطَر يَعْرفو صوتو، وَبَصَّح البَرّافِية." 6 قالَلهُم يَسوع هاد المُتَل بَصَّح هومَ ما فَهموش واش كان يْقولَلهُم.

<sup>7</sup> همّالا زاد قال يَسوع: "نْقُولَلكُم الصَح الصَح، أنا هُو بَاب الخَرفان، 8 كامَل اللي جاو قبل مني سرّاقين وخطّافين، بَصَّح الخرفان ما سَمعولهُمش. 9 أنا هُو الباب، اللي يَدخُل مني يَسلَك، يَدخُل ويَخرُج ويَلقا وين يَرعا، 10 السَرّاق يُجي غير باش يَسرَق ويَدبُح ويَهلَك، أنا جيت باش تُكون ليهُم حْياة، وتْكون ليهُم فايضة، 11 أنا هُو الراعي المليح، الراعي المليح يُمَد حْياتو للخَرفان، 12 الخدّام اللي ماشي هُو الراعي واللي الخرفان ماشي مْتاعو يْشوف الديب جاي، يُغلِّي الخرفان ويَهرَب والديب يَخطَفهُم ويَزرَبعهُم، 13 خاطَر هُو خَدّام وما يْهمّوهش الخرفان. 14 أنا الراعي المليح، نعرف الخرفان مُتاعي وهوم يَعَرفوني، 15 كيما يعرفني الآب وأن انعرفو، وحْياتي نُمدّها على جال الخرفان مُتاعي، ومَدوك لازَم غْيبهُم ويَسَّمعو صوتي، ويُولِي قطيع واحد وراعي واحد، 17 على هذا اللي الآب عُبنّي، خاطَر أنا نُمد حْياتي باش نعاود نَدّيها، 18 واحد ما يْغَيهالي، أنا نُمَدها وراعي واحد، 17 على هذا اللي الآب عُبنّي، خاطَر أنا نُمد حْياتي باش نعاود نَدّيها، هَذا هُو الفَرض اللي آمَرني بيه بابا."

أن زادو ثخالفو الْيهود على جال هاد الكلام، 20 بَرَّاف منهُم قالو: "فيه شيطان ومَهبول، وَعلاش تَشَمعولو؟" واحدُخرين قالو: "هاد الكلام ماشي متاع واحد ساكنو شيطان، الشيطان يَقدر يُحل عينيين العَميين؟"

## الیْهود ما یامنوش

22 وْصَل الوَقت باش يَحتَفلو بعيد المَعبَد الجُديد، كانو فالشّتا، 23 وكان يَسوع يَمشي فالمَعبَد في سطوان سُليَمان. 24 دارو بيه اليُهود وقالولو: "لوَقتاش نَبقاو مْعَلَّقين؟ وَلا كُنت أنتَ المَسيح، قوللنا"، 25 واجَبهُم يَسوع: "قُلتَلكُم وما آمَنتوش، والأَعمال اللي نْديرهُم بآسَم بابا هومَ يَشَّهدولي، <sup>26</sup> بَصَّح أنتومَ ما تامنوش خاطَر ما راكُمش من الخرفان مُتاعي. <sup>27</sup> الخَرفان مْتاعي يَسَّمعو صوتي، أنا نَعرفهُم وهومَ يَتَبَّعوني، <sup>28</sup> وأنا نَعطيلهُم الحيْاة الدايمة، للدُوام ما يُوتوش وواحَد ما يُغَيِّهُم من يَدّي. <sup>29</sup> بابا اللي عْطاهُملي هُو الكْبير كامَل، وواحَد ما يَقدَر يْخَي حاجة من يَد الآب، <sup>30</sup> أنا والآب واحَد."

<sup>15</sup> زادو اليهود رَفدو الحَجْر باش يَرَّجموه. <sup>32</sup> جاوَبهُم يَسوع: "وَرِّيَتَلَكُمُ بَرَّاف عْمال مْلاحٍ من عَند الآب، على آما فيهُم تَرَّجموني؟" <sup>33</sup> واجبوه اليهود: "ما راناش نَرَّجمو فيك على جال خَدمة مْليحة، رانا نَرَّجمو فيك على جال الكُفر خاطَر أنتَ اللي بْنادَم داير روحَك الله"، <sup>34</sup> جاوَبهُم يَسوع: "ماشي مَكتوب فالشَريعة مْتاعكُم، أنا قُلت أنتومَ آلهة؟ <sup>35</sup> وَلاَّ صَح سَمَات آلِمة هَدوك اللي كان ليهُم كُلام الله، والنَّمَاب ما يَقدَرش يَبطَل، <sup>36</sup> أنتومَ تَقولو للي قَدَّسو الآب

وبَعتو للدَنيا، راك تَكفَر، خاطَر قُلت أنا بْن الله؟ <sup>37</sup> لو كان ما نْديرش عْمال بابا، ما تامنونيش، <sup>38</sup> بَصَّح لو كَان نْدير عْمال بابا، حَتَّى لو كان ما تامنونيش، آمنو هَدوك الأعمال، باش تُكونو عْرَفتو وتَعَرفو باللي الآب فِيَّ وأنا فيه." <sup>38</sup> زادو حَبّو يَحَّكُوه وفْلَت من بَدّيهُم، <sup>40</sup> وزاد بَعَّد للجيهة الأخرى مْتاع واد الأردُن فالمُكان اللي كان يوحَنّا يُعمَّد فيه من قْبَل وبْقا تَمَّة. <sup>41</sup> بَرَّاف جاو ليه وكانو يْقولو باللي يوحَنّا ما دار حَتَّى مارة بَصَّح كامَل واش قال على هَدا كان صَح، <sup>42</sup> وبَزَاف آمنو بيه تَمَّة.

#### 11

## موت لِعازَر

1 كان واحَد المُريض واسمو لِعازَر من بيت عَنيا، من الدَشرة مْتاع مَريمَ وخُتها مَرتا، <sup>2</sup> مَريمَ هِي اللي كانت دَهنت الرَب بالريحة ومَسحَتلو رَجليه بشْعَرها، وخوها لِعازَر كان مْريض، <sup>3</sup> بعتو الخواتات ليَسوع وقالو: "سيدي، شوف، هَداك اللي ثَحَبّو راهو مْريض." <sup>4</sup> كي شُمَع يَسوع، قال: "هاد المَرض ماشي للموت، هاد المَرض لجَد الله، باش بْن الله يْنال بيه المجَد." <sup>5</sup> همّالا، والو كان يَسوع يُحب مَرتا وخُتها ولِعازَر، <sup>6</sup> كي شَمَع باللي لِعازَر كان مْريض، بْقا فالمُكان اللي كان فيه يومين. <sup>7</sup> أومبَعد، بَعد هَدا قال للتابعين: "هَيّا نعادو نْروحو للبَهوديّة"، <sup>8</sup> قالولو التابعين: "رَبِّي، غير كيما الْيهود كانو يُحوّسو يَرَّجموك، وتْزيد نُروح لتمّة؟" <sup>9</sup> قال يَسوع: "ماشي كاين طُناشَن ساعة فالنهار؟ لو كان واحَد يَمشي فالنهار ما يَعتَرش، خاطَر يشوف النور مْتاع هاد الدَنيا، <sup>10</sup> بَصَّح لو كان يَمشي فالليل يَعتَر، خاطَر ما فيهش النور." <sup>11</sup> قال هَكدا أومبَعد قاللهُم: "حْبيبنا لِعازَر رُقَد بَصَّح راني رايح نَنوضو"، <sup>12</sup> قالولو التابعين مْتاعو: "سيدي، وَلا راهو راقَد، يَسلَك." <sup>13</sup> يَسوع كان يَقصَد موتو بَصَّح هومَ حَسبوه يَهدَر على راحة الرُقاد. <sup>14</sup> همّالا "سيدي، وَلا راهو راقَد، يَسلَك." <sup>13</sup> وعلى جالكُم راني فَرحان اللي ما كُنتش ثمّة باش تامنو، هَيًا نُروحو ليه." قاللهُم يَسوع عيناني: "لعازَر مات، <sup>15</sup> وعلى جالكُم راني فَرحان اللي ما كُنتش ثمّة باش تامنو، هَيًا نُروحو ليه."

## أنا هُوَ القِيامة والحيَّاة

17 كي راحو، لقا يَسوع لِعازَر فالقُبرَ من رَبع أيّام، 18 كانَت بيت عَنيا قُريبة من أورشَليم بواحَد التَلَت كيلومِترات، 19 كانو جاو بزّاف من اليْهود عَند مَرتا ومريَم باش يُعزّيوهُم في خوهُم. 20 كي سَمَعَت مَرتا باللي يَسوع راهو جاي، 19 جات باش تُلاقيه، بَصَّح مَريَم كانَت قاعدة فالدار، 21 قالَت مَرتا ليَسوع: "سيدي، لو كان كُنت هنا، ما كانش خوي يُموت، 22 بَصَّح دُرك تاني راني عارفة باللي كامَل واش تَطلَب من الله، الله يَعطيهولك." 23 قاللها يَسوع: "خوك رايج يْقوم من الموت"، 24 قالتلو مَرتا: "راني عارفة باللي رايج يْقوم من الموت فالقيامة فاليوم الأنتُّر"، 25 قاللها يسوع: "أنا هُو القيامة والحياة، اللي يامَن بيَّ حَتّى لو كان يُموت يَحيا، 26 وكُل حَي يامَن بِيَّ ما يُموتش للدُّوام، تامني بهاد الشي؟" 27 قالتلو: "إيه سيدي، نامَن باللي أنتَ هُو المَسيح بْن الله اللي يْجي للدَنيا."

## قيامة لِعازَر مالموت

<sup>28</sup> بَعدما قالَت هَكدا، راحَت وعَيطت لمريم خُتها بالتْخبية وقالَت: "السِيَّد راهو هْنا وراهو يْعيَّطلَك." <sup>29</sup> مَريم غير سَمعَت ناضَت بالخَف وجات لعندو. <sup>30</sup> يَسوع كان مازال ما جاش للدَشرة، كان فالمُكان اللي لاقاتو فيه مَرتا، <sup>31</sup> واليُهود اللي كانو مع مَريَم فالدار وكانو يْعزَيو فيها، كي شافوها ناضَت وخَرجَت بالخَف، راحو معاها حاسبينها

38 زَاد نْقَاس يَسوع بَرَّاف في روحو وجا للقْبَر، كان غار وكانَت مَحطوطة جَرة فالدَخلة مْتاعو، 39 وقال يَسوع: "نَحِيّو الحَجرة"، قالتَلو مَرتا خُت المَيْت: "سيدي، راهو يْريح، خاطَر عَندو رَبع أيّام." 40 قالَلها يَسوع: "ماشي قُلتلك باللي لو كان تامني تَشوفي مجَد الله؟" 41 نَحَّاو الحَجرة ورْفَد يَسوع عينيه للفوق وقال: "بابا، نَشُكرَك كي شمّعتلي، 42 أنا راني عارَف باللي تَسمَعلي دايمًا، بَصَّح على جال الغاشي اللي راهو داير بِيَّ اللي هْدَرت، باش يامنو باللي أنتَ بْعَتنني." وهُو مَربوط في يَدّيه ورَجليه بطُراف فَقاش ووَجهو مُغَلَّف بمُعيرمة. قاللَّهُم يَسوع: "حَوَّلو الرْباط وخَليّوه يْروح."

# يَتفاهمو على يَسُوع باش يَقُتلوه

45 بَرَّاف مَنَ الْيُهُود اللي جاو عَند مَريَم كي شافو واش دار داك الساع آمنو بيه. 46 كايَن منهُم اللي راحو عَند الفَرِّيسِيّين وقالولهُم واش دار يَسوع. 47 جَمّعو رِيّاس رْجال الدين والفَرِيسِيّين الجَلَس الديني وقالو: "واش نْديرو خاطَر هاد الإنسان راهو يْدير مارات بَرَّاف، 48 لو كان غُخَلَيوه هكدا، كامَل يامنو بيه ويْجيو الرومان ويفنيونا عنا والمَعبَد والأُمّة." 49 قيافا، واحَد منهُم، كان هَداك العام رايَس رْجال الدين، قاللهُم: "ما تَعَرفو والو، 50 وما راكُش شايفين باللي خيرَلكُم لو كان يُموت إنسان واحَد على جال الشَعب وما تُنهَلكش كامَل الأُمّة؟" 51 قيافا ما قالش هاد الشي من عَندو، بَصَّح على حُساب اللي كان رايَس رْجال الدين داك العام، تُنبًا باللي يَسوع كان رايَح يُموت على جال الأُمّة، يَصَّح باش يْلَم ويْوَحَد وْلاد الله اللي كانو مْرْربعين.

53 من هَداك النْهار، عَوَّلو يُقُتلو يَسوع، <sup>54</sup> ويَسوع ما وَلاّش يَمشي عيناني في وَسط الْيهود، وبَعَّد من تَمَّة لواحَد الجيهة قْريبة للخْلا في مْدينة واسَمها أفرايَم، وقْعَد تَمَّة مع التابعين.

55 قَرَّب عيد الفَصح مْتاع اليُهود ويَزَّاف طَلعو من الدُشور لأورشَليم قْبَل الفَصح باش يَتطَهّرو، <sup>56</sup> وكانو يُعوَّسو على يَسوع ويْقولو لبَعضهُم بَعض فالمَعبَد: "واش رايكُم، بلا شَك ما يْجيش فالعيد؟" <sup>57</sup> كانو رِيّاس رْجال الدين والفَرِّيسِيِّين آمرو باش اللي يَعرَف وين راهو يْبِيَّع باش يَحَّكموه.

#### 12

الريحة ليَسوع

أَ سَت أَيَّام قُبَل الفَصح، راح يَسوع لبيت عَنيا، وين كان لعازَر اللي حْياه يَسوع من الموت، 2 ودارولو تَمَّة عْشا. مَرتا كانَت تُقدَش ولِعازَر كان بين اللي كانو على الميدة مع يَسوع. 3 شَدَّت مَريَم نَص ريتلة مْتاع ريحة ناردين حُرَّة وغالية بَرَّاف، ودَهنَت رَجلين يَسوع ومَسحَتُهملو بشْعَرها حَتّى تُعَبَّقَت الدار بالريحة. 4 وقال يَهودا الإسخريوطي، واحَد من التابعين مْتاعو، اللي كان رايح يُسْلّمو: 5 "وَعلاش هاد الريحة ما نْباعَتش بتلَت مْية دينار، وتْفَرّقو على الثَّلالين؟" 6 قال هاد الشي ماشي على جال اللي كان يُخَمَّم على الثَّلالين، بَصَّح كان سَرَّاق وكان حاكم صَندُوق الدْراهَم ويَدّي واش فيه. 7 قال يَسوع: "خَلِّيها، خَلاّت هاد الريحة ليوم دْفينتي، 8 خاطر الثَّلالين دايمًا عَندُكُم، بَصَّح أنا ما نُكونش معاكُم دايمًا."

<sup>9</sup> عُرَف غاشي كُبير من الْيهود باللي يَسوع كان تَمّة وجاو ماشي بَرك على جالو، بَصَّح تاني باش يْشوفو لِعازَر اللي حْياه يَسوع من الموت. <sup>10</sup> عَولو رِيّاس رْجال الدين باش يَقْتلو لِعازَر تاني، <sup>11</sup> خاطر بَرّاف من الْيهود كانو يْروحو ويامنو بيسوع.

## الدَخلة لأورشَليم

12 غَدوة من داكَ، الغاشي الكْبير اللي جا للعيد شُمَع باللي يَسوع راهو جاي لأورشَليم. 13 همّالا، خْداو غُصان مُتاع النْخَل وخَرجو يْلاقيوَه وكانو يْميّطو: "أُوصَّنا! مْبارَك الجاي بآسَم الرَب، مْبارَك سَلطان إسرائيل." 14 لثّا يُسوع بَحْش وقُعَد عليه كيما مَكتوب: 15 "ما تُخافيش يا بَنت صَهيون: هاوليك السَلطان مْتاعك جاي، قاعَد على بَحش وْليد مُمارة." 16 هاد الشي، التابعين مْتاعو ما فَهموهش مع الأوَّل، بَصَّح بَعد ما دْخَل يَسوع في مجدو، تُفكّرو باللي هاد الشي نكتب عليه، وباللي ندارلو هاد الشي، <sup>71</sup> شُهدلو الغاشي اللي كان معاه كي عَيَّط للعازر يُخرُج من القُبر وحْياه من الموت. 18 على هَدا تاني اللي راح الغاشي يْلاقيه، خاطَر سَعو هاد الشي، سَعو باللي دار هاد المارة. 19 همّالا قالو الفرّيسِيّين بيناتُهم: "شَفتو باللي ما عَندَكُش الفايدة، هاي الذنيا راحَت تُنَبَّع فيه."

## يَسُوع يُخْبَرُّ على موتو وقيْامتو

20 كانو شي يونانيّين من اللي طُلعو لأورشُليم باش يَعَبدو يامات العيد، 21 هَدو راحو لفيلبُّس مْتاع بيت صيدا فالجُيل، سَقساوَه وقالو: "سيدي، حَبيّنا نْشوفو يَسوع"، 22 جا فيلبُّس وقال لأندراوَس، وجاو فيلبُّس وأندراوَس وقالو ليَسوع. 23 واجَب يَسوع وقال: "جات الساعة اللي يْنال فيها بْن الإنسان الجَد، 24 نْقولَلكُم الصَح الصَح، لو كان ما تُطيحش زَرِّيعة القَمح فالأَرض وثموت، تَبقا وحَدها، بَصَّح لو كان ثموت، ثَبيب بَرَّاف الغَلة، 25 اللي يُحدَ مني، يَنَبَّعني، ووين نكون يُحبَ حْياتو يَحْسَرها، واللي يكرَه حْياتو في هاد الدَنيا، يَحفَضها للحياة الدابِمة، 26 اللي يَخدَمني، يَنَبَّعني، ووين نكون يُحبَ حْياتو يُعسَرها، واللي يكرَه حْياتو في هاد الدَنيا، يَحفَضها للحياة الدابِمة، 26 اللي يَخدَمني، يَنَبَّعني، ووين نكون مَقاد الساعة؟ بَصَّح على هَدا اللي جيت، على هاد الساعة. 28 بابا، عَجَّد آسمَك." جا صوت من السُما: "عَجَّدتو ونزيد مُجدو." 29 الغاشي اللي كان ثَمَة وسُمَع قال: "هدا رَعد"، وواحدُنورين قالو: "ملاك هذر معاه." 30 جاوب يَسوع وقال: "ماشي على جالي كان ثمّة وسُمَع قال: "هدا رَعد"، وواحدُنورين قالو: "ملاك هدا يُعني على الموت اللي كان واجَع على من الأرض، نَجبَد الكُل لِيَّ." 33 قال هكدا يُمعني على الموت اللي كان والجي كان راجَع عيم من الأرض، نَجبَد الكُل لِيَّ." 33 قال هكدا يُمعني على الموت اللي بن الانسان يموع المؤمن هذا يعرفش وين راهو رايج، 36 ما دام عَددُمُ النور، آمنو بالنور باش ما يُحبَسَّكُمُش الضُلام، اللي يَمشي فالضَلمة ما يَعرَفش وين راهو رايج، 36 ما دام عَددُمُ النور، آمنو بالنور باش تُولِو ولاد النور." قال يَسوع هكدا وبعَد وغُنبًا منهُم.

الْيْهُود يْيْبَسُو راسهُم وما يامنوش

37 كامَل المارات اللي دارهُم قُدَّامُهُم وما آمنوش بيه، 38 باش يْتَم كُلام إشعيا النّبي كي قال: "يا رَب، شُكون آمَن بواش شَمّع منّا؟ وليمن بانت قُدرة الرّب؟" 39 على هَدا اللي ما قَدروش يامنو، خاطَر إشعيا زاد قال: 40 "عُما عينيهُم وقَسّا قُلوبهُم، باش ما يشوفوش بعينيهُم وما يَقْهموش بقْلوبهُم يْعودو يْتوبو ونَشفيهُم." 41 قال إشعيا هكدا خاطَر شاف المجَد مْتاعو وتُكلِّم عليه. 42 بَرّاف من الرّيّاس اللي آمنو بيه بَصَّح ما بيّنو وال على جال الفَريّسِيّين، خاطَر خافو يَجَاوزو من الجَمَع، 43 وحَبّو يْرَضّيو الناس كُتر ما يُرضّيو الله.

44 عَيَّط يَسوع وقال: "اللي يامن بِيَّ، ما يامَنش بِيَّ، يامَن باللي بْعَتني، <sup>45</sup> واللي يْشوفني، يْشوف اللي بْعَتني، <sup>46</sup> أنا جيت نور للدَنيا، باش كُل من يامَن بِيَّ، ما يَبقاش فالضّلمة، <sup>47</sup> واللي يَسمَع كُلامي وما يَحَفضوش، ماشي أنا نُحاسبو، خاطَر ما جيتش نُحاسَب الدَنيا، جيت نُسلَّك الدَنيا، <sup>48</sup> اللي ما يَقبَلنيش وما يَقبَلنيش كُلامي، عَندو اللي يُحاسبو اللي عُلسبو فاليوم الآخَر، <sup>49</sup> خاطر ما هدرتش من عندي، بَصَّح اللي بْعتني، الآب بالدات آمَرني بواش نُقول وعلى ماش نَهدَر، <sup>50</sup> وراني عارف باللي الآمَر مْتاعو حْياة دايمة، هِمّالا الشي اللي نُقولو، كيما قالهولي الآب نُقولو."

#### 13

## يَسُوع يَغْسُل رَجلين التابعين

1 قَبْل عيد الفَصح، عْرَف يَسوع باللي وَصلَت ساعتو باش يُجوز من هاد الدَنيا للآب، وهُوَ اللي كان يُحب ناسو اللي كانو فالدَنيا، زاد حَبُّهم حَتَّى لَتَم، 2 مع العشا، كي كان إبليس وَسوَس ليَهودا بَن سَمعان الإسخريوطي باش يُسلَم يَسوع، 3 ويَسوع اللي كان عارَف باللي الآب دارلو كُل شي في يَدِّو، وباللي جا من عَند الله ويْروح لعند الله، 4 ناض من الميدة، نَحَّا حُوايجو الفوقانيّين وخْدا فوطة ثُعزَّم بيها، 5 وفَرَّع الما في ماعون وبْدا يَعسَل في رَجلين التابعين ويَسحَلهُم بالفوطة اللي ثُعزَّم بيها، 6 كي جا لسَمعان بُطرُس قاللو: "رَبِّي، أنتَ تَعسَيِّي رَجلِيَّ؟" 7 واجَب يُسوع وقاللو: "ماراكش عارَف واش راني نْدير دُرك، بَصَّح من بَعد رائج تَفهَم." 8 قاللو بُطرُس: "مُحال تَعسَيِّي رَجلِيًّ"، واجبو يَسوع: "لوكان ما نَعسَلَّكش، ما عَندكش نُصيب معايَ"، 9 قاللو سَمعان بُطرُس: "سيدي، ماشي رَجليً"، واجبو يَسوع: "لوكان ما نَعسَلَّكش، ما عَندكش نُصيب معايَ"، 9 قاللو سَمعان بُطرُس: "سيدي، ماشي عَل رَجليً، حَتَّى يَدِّي وراسي"، 10 قاللو يَسوع: "اللي غُسَل، ما يَسحَق يُزيد يَعسَل غير رَجليه، خاطر هُو كامَل طاهر، وأتنوم طاهرين بَصَّح ماشي كامَل"، 11 خاطر كان عارَف اللي رائج يُسْلَمو، على هَدا قال: "ماشي كامَل"، "

<sup>12</sup> كي غْسَلَهُم رَجليهُم، عاوَد خْدا حْوايجو وقْعَد على الميدة وقاللهُم: "راكُم عارفين واش دَرتلكُم؟ <sup>13</sup> أنتومَ تاني تُعيّطولي شيخ وسيّد وشيخ غْسَلتَلكُم رَجليكُم، أنتومَ تاني لازَم تَغْسلو رَجلين بَعضكُم بَعض <sup>15</sup> هَدا مْتَل اللي عْطيتَلكُم، باش كيما أنا دَرتلكُم أنتومَ تاني تْديرو. <sup>16</sup> هُوللكُم الصّح الصّح، العَبد ماشي خير من سيدو، وَلا المَبعوت خير من اللي بَعتو، <sup>17</sup> وَلاّ عْرَفتو هاد الشي، يا سَعدكُم لو كان تَعَملو بيه.

18 مارانيش نَهدَر عليكُم كامَل، أنا نَعرَف اللي خَيَّرتهُم، بَصَّح باش يْتَم واش مَكتوب: "اللي كْلا مَلحي، دار عليَّ، واث نُقولَلكُم من دُرك، قُبل ما الشي يَصرا، باش كي يَصرا تامنو باللي أنا هُو، <sup>20</sup> نْقولَلكُم الصَح الصَح، اللي يَقبَل اللي نَعتو يَقبَل عَتى اللي يَقبَل اللي بَعتنى."

<sup>21</sup> بَعَد ما قَال هَكَدًا، تُهُوَّل يَسُوع فَالروح وشْهَد وقال: "نْقُولَلَكُمُ الصَح الصَح، واحَد فَيكُم يُسْلَمني." <sup>22</sup> بْداو التابعين هَدا يُخزَر في هَدا وهومَ ماشي عارفين عليمن كان يَهدَر. <sup>23</sup> واحَد من التابعين، اللي يُحبَّو يَسُوع، كان على الميدة مُتَكِّي على صْدَر يَسُوع، لليدة مُتَكِّي على صْدَر يَسُوع، لليدة مُتَكِّي على صْدَر التابع على صْدَر يَسُوع وسَقساه: "سيدي، شْكون هُوَ؟" <sup>26</sup> واجَب يَسُوع: "اللي نُغَمَّس اللَّقمة ونَعطيهالو"، ثَمَّس اللَّقمة وعُطاها ليَهودا بَنُ سَمَعان الإسخريوطي، <sup>25</sup> غير كُلاها دْخَل فيه الشيطان وقاللو يَسُوع: "اللي مُعوَّل تُديرو، ديرو بالخَف." <sup>28</sup> حَتِّى واحَد من اللي كانو قاعدين على الميدة ما فْهَم وَعلاش قاللو يَسُوع هَكدا، <sup>29</sup> وكايَن اللي حَسبو باللي كي كان يَهودا شايد صَدوق الدراهم، وَسَاه يَسُوع باش يَشري واش يَسَحقو للعيد وَلا كاش ما يَعطى للفُقَرا.

الفَرض الجُدْيد

30 ويَهودًا غير كُلا اللَّقمة اللي عُطاهالو يَسوع، خْرَج وكان الليل. <sup>31</sup> كي خْرَج قال يَسوع: "دُرك، تُمَجَّد بْن الإنسان وثْمَجَّد الله فيه، <sup>32</sup> وَلاّ الله ثُمَجَّد فيه، الله تاني يُمَجِّدو فيه، ويُمَجِّدو بالخَف. <sup>33</sup> يا الدْراري الصْغار، ما زَاللني شُوية معاكم أومبَعد ثُحَوِّسو عليَّ وكيما قُلت لليهود ما تَقَدروش ثَجيو وين نْروح، وأنتومَ تاني نُقولَلكُم دُرك، <sup>34</sup> نَعطيلكُم فَرض جْديد، حَبِّو بعضكُم بَعض، كيما حَبيّتكُم أنتومَ تاني حَبِّو بَعضكُم بَعض، <sup>35</sup> بهَدا كامَل يَعَرفو باللي أنتومَ التابعين مْتاعي، وَلاّ عَندُكُم الْحُبَّة لَبُعضكُم بَعض."

# يَسُوع يُخْبَرُّ على نُكْرَان بُطرُس ليه

36 قالَّلُو سَمَعان بُطرُس: "سيدي، وين راك رايَح؟" واجبو يَسوع: "وين راني رايَح، ما تَقَدَرش تُتَبَّعني دُرك، بَصَّح من بَعد تَتَبَّعني." <sup>37</sup> قاللو بُطرُس: "وَعلاش ما نَقدَرش ثَنَبَّعَك دُرك؟ ثَمَّد حْياتي على جالك"، <sup>38</sup> واجَب يَسوع: "ثَمَّد حْياتَك على جالي؟ نْقولَك الصَح الصَح، ما يْعوعَشش السَردوك حَتَّى تَنكُونِ تَلت مَرّات."

#### 14

أنا هُوَ الطّريق وِالحَقّ وِالحَيْاة

أ "ما لازَمش يَهَوَّل قلبكُم، آمنو بالله وآمنو بِيَّ تاني، ² في دار بابا كاين بْيوت بَرَّاف، لوكان ماشي هَكدا، كُنت نُقوللكُم راني رايح نُوجَّدًالكُم مُكان، نْعاوَد نُوكِّي ونَدِّيكُم لعَندي، باش وين نُكون أنا تُكونو أنتومَ تاني، ⁴ وتَعَرفو وين نُروح وتَعَرفو الطْريق."

5 قاللو توما: "سيدي، ما راناش عارفين وين راك رايج، كيفاش نَقَدرو نَعَرفو الطْريق؟" 6 قاللو يَسوع: "أنا هُو الطْريق والحيّاة، واحَد ما يُجي للآب غير بِيَّ، 7 وَلاَّ عْرَفتونِي تْكُونو عْرَفتو بابا، ومن دُرك رائم تَعَرفوه وشَفتوه." 8 قاللو فيليِّس: "سيدي، وَرّينا الآب وهَدا يَكفينا." 9 قاللو يَسوع: "كامَل الوَقت اللي راني معائم وما زال ما عْرَفتنيش يا فيلِيِّس؟ اللي شافني شاف الآب، كيفاش أنتَ تْقول، وَرّينا الآب؟ 10 ما تامَنش باللي أنا فالآب والآب والآب الله ساكن فيَّ هُو اللي يُدير عْمالو،

أا آمنوني باللي أنا فالآب والآب فيَّ، وَلا ما كاش آمنوني على جال هاد الأعمال، 1² نْقولَلكُم الصَح الصَح، اللي يامَن بِيَّ، الأعمال اللي نْديرهُم هُوَ تاني يْديرهُم ويْزيد يْدير كْتَر منهُم، خاطَر أنا راني رائيح للآب، ¹³ واللي تَطَّلبوه بآسمي نْديرو، باش يَتَعَبَّد الآب فالإبن، ¹³ وَلا طْلَبتو حاجة بآسمي نْديرها.

# الوَعد بالروح القُدّوس

15 وَلاّ ثُحْبَونِي، تُطيعو فْرايضي، <sup>16</sup> وأنا راني رايَح نَطلَب من الآب ويَعطيلكُم شْفيع واحَدآخُر باش يَبقا معاكُم للدُّوام، <sup>17</sup> روح الحَق اللي الدَّنيا ما تَقَدَرش تَقَبلو خاطَر ما تُشوفو ما تَعَرفو، أنتومَ تَعَرفوه خاطَر يَبقا معاكُم وراهو فيكُم، <sup>18</sup> ما غُخَلِيكُمُش يْتامى، نُجي ليكُم، <sup>19</sup> مازال شْوِيّة والدَنيا ما تْزيدش تُشوفني بَصَّح أنتومَ تُشوفوني خاطَر أنا حَيّ وأنتومَ فَيْ وأنا فيكُم، <sup>12</sup> اللي عَندو فْرايضي ويْطيعهُم، وأنتومَ فِيَّ وأنا فيكُم، <sup>13</sup> اللي عَندو فْرايضي ويْطيعهُم، هَداك اللي يُحْبَّني يُحَبِّو بابا وأنا نُحْبَو وَنَعرفو بِيَّ."

<sup>22</sup> قاللو يَهودا ماشي الإسخَريوطي: "سيدي، كيفاش باش حْنا تْعَرَّفنا بيك والدَنيا لالا؟" <sup>23</sup> واجَب يَسوع وقاللو: "وَلاّ كان واحَد يْحَبِّنِي، يْطيع كْلامي ويْحَبِّو بابا، نْروحو ليه ونَشْكنو عَندو، <sup>24</sup> واللي ما يْحَبَنيش، ما يْطيعش كْلامي والكُلام اللي تَشَمعوه ماشي كُلامي، كُلام الآب اللي بْعَنني. <sup>25</sup> قُلْتَلَكُم هاد الشي وأنا مازَلني معاكم، <sup>26</sup> الشّفيع، الروح القُدّوس اللي يَبَّعتو الآب بآسمي، هُو يُعْلَمَكُم كُل شي ويْفُكَرَّكُم بكامَل واش قُلْتَلكُم،

<sup>27</sup> السّلام غُخَلِيلكُم، سْلامي أنا نَعطيلكُم، أنا ما نَعطيلكُمش كيما تَعطي الدَنيا، ما لازَمش يَتهَوَّل قَلبكُم وما لازَمش يُغاف، <sup>28</sup> يُغاف، <sup>28</sup> شَمَعتو باللي قُلتَلكُم، نُروح ونُجي ليكُم، وَلاّ جيتو تُحَبّوني تَقَرحو اللي راني رانج للآب، خاطر الآب <sup>ث</sup>مبير عليَّ، <sup>29</sup> دُرك راني هْدرتلكُم قُبْل ما يَصرا الشي، باش كي يَصرا تامنو، <sup>30</sup> ما نْزيدش نَهدَر معاكُم بِزّاف، خاطر راهو جاي أمير الدَنيا وما عَدو والو فِيَّ، <sup>31</sup> بَصَّح لازَم تَعرَف الدَنيا باللي غُبُ الآب وباللي نْدير كيما آمَرني الآب، نوحو منّا."

#### 15

#### أنا الدالية الحقّانيّة

أنا أهُو الدالية الحقّانيّة وبابا هُو فلاّح الدالية، 2 كُل غْصَن فِيَّ ما يُجيبش الغَلّة يُخَيه، وكامَل اللي يُجيب الغَلّة يُنقيه باش يُجيب غلّة كُتَر، 3 أنتومَ رائم نقايا على جال الكُلام اللي قُلتهولكُم، 4 أبقاو فِيَّ وأنا فيكُم. كيما الغْصَن ما يُجيبش الغَلّة من عندو لوكان ما يَبقاش فالدالية، أنتومَ تاني لوكان ما تَبقاوش فِيَّ ما تُجيبوش الغُلّة، 5 أنا الدالية وأنتومَ الأغصان، اللي يَبقا فِيَّ وأنا فيه يُجيب غَلّة فايضة خاطَر بلا بِيَّ ما تَشَدرو تديرو والو، 6 لوكان الواحد ما يَبقاش فِيَّ، يَتَرما برَّا كيما الغصَن، ويَبيس وينلس وينلس الأعصان اليابسين ويتَرَّماو فالنار ويتُحرقو. 7 لوكان تبقاو فِي ويبقا كلامي فيكُم، واش ثُحبو أطَّلبو ويكون ليكُم. 8 في هاد الشي اللي يَتَجَد بابا، باش تُجيبو غَلّة فايضة وتُولِّيو لِيَّ تابعين، 9 كيما حَبي الآب أنا حَبيتكُم، أبقاو في عُجبّتي، 10 ولا طعتو فرايض بابا وبثقيت خَبيّو، 11 قُلتلكُم هاد الشي باش يُكون فَرحي فيكُم وفرَحتكُم تُكون كاملة.

12 هَدا هُوَ الفَرض مْتاعِي، حَبَّو بَعضكُم بَعض كيما حَبَيْتكُم أنا، 13 ماكاش عُبَّة كُتَر من هدي، اللي الواحَد يُمَّد حْياتو على جال اللي يُحَبَّمُم، <sup>14</sup> تُكونو حْبابي لوكان تْديرو واش نامَرُكُم، <sup>15</sup> ما نْزيدش نْعيَّطَلكُم خَدّامين، خاطَر الخَدّام ما يَعرفش واش يْدير سيدو، بَصَّح أنتومَ سَمِّيتكُم حْبابي، خاطَر خَبَّرتكُم كامَل واش شَمَعت من عَند بابا، <sup>16</sup> ماشي أنتومَ اللي خَيَّرتوني، أنا اللي خَيَّرتكُم وكَلَّفتكُم باش واش تُوصو ونْجيبو غَلَّة ونْدوم غَلَّتكُم، باش واش تَطَّبو من الآب بآسمي، يَعطيهولكُم، <sup>17</sup> هَدا واش نُوصَيكُم، حَبّو بَعضكُم بَعض.

## الدَنيا تُكره يُسوع والتابعين

18 وَلاّ كَوْهَتَكُمُ الدَنيا، أَعَرفو باللي كَوْهَتني أنا الأوَّل، 19 وَلاّ كُنتو من الدَنيا، الدَنيا ثُحَب شِيّها، بَصَّح كي ما جيتوش من الدَنيا خاطَر أنا فْرَرْتَكُم من الدَنيا، على هَدا تَكَرهكُم الدَنيا، 20 أَتَفَكّرو الكَّلام اللي قُلتهولكُم، الخدّام ماشي كبير على سيدو. وَلاّ شَخو عليّ، أنتومَ تاني يَشَّحنو عليكُم، وَلاّ طاعو كُلامي، يْطيعو كُلامكُم، 12 بَصَّح يْديرولكُم هاد الشي كامَل على جال آسمي، خاطر ما يَعَرفوش اللي بْعَتني. 22 لوكان ما جيتش وهْدَرت معاهُم، ما يُكونش عَندهُم دَنب، بَصَّح دُرك ماكاش واش يَعدَرهُم على دْنهُم، <sup>23</sup> اللي يكرَهني يكرَه بابا، 24 لوكان ما دَرتش في وَسطهُم عْمال واحد ما دارهَم، لو كان ما عَندهُمش دْنب، بَصَّح دُرك شافو، وكرَهوني وكرهو بابا، 25 بَصَّح هاد الشي يكون باش يُم الكُلام اللي مَكتوب في شَريعَتُهم "كرهوني بلا سَبّة."

<sup>26</sup> كي يْجي الشْفيع اللي نَبعَتهولكُم من عَند الآب، روح الحَق اللي يْجي من عَند الآب، هُوَ يَشهَدلي، <sup>27</sup> وأنتومَ شهود خاطَر راكُم من الأوَّل معاي.

16

أَ قُلتَكُمُ هاد الشي باش ما تَعتروش، ² ماشي بَرك يُحاوزوكُم من الجْامَع، ثْجي الساعة وين اللي يَقتَلَكُم يحسبها عْبادة لله، ³ ويْديرو هاد الشي خاطَر ما عَرفو لا الآب لا أناي، ⁴ بَصَّح قُلتَلُكُم هاد الشي باش كي يْجي وَقتهُم تَنفَكّرو باللي قُلتَلكُم هكدا، ما قُلتَلكُمش هاد الشي من الأوَّل خاطَر كُنت معاكم.

## خَدمة الروح القُدّوس

5 ودُرك راني رايج لعَند اللي بْعَتني، وواحَد فيكُم ما يْسَقَسيني وين راك رايَج؟ 6 بَصَّح كي قُلْتَلَكُم هاد الشي تعَمَّر قَلَبُكُم بالله بْعَتني، وواحَد فيكُم ما يُسَقَسيني وين راك رايَح؟ 6 بَصَّح في قُلتَلكُم الصَح، خيرَلكُم لوكان نْروح، خاطَر لوكان ما نْروحش ما يْجيش الشْفيع لعَندكُم، بَصَّح لوكان نْروح نَبعَهولكُم، 8 وكي يْجِي يْقَنَّع الدَنيا بالشي اللي يْخَص الخُطيّة واللي يْخَص الصْلاح واللي يُخَص الحُاسبة، 9 من جيهة أخرى فاللي يْخَص الصْلاح خاطَر راني رايح للآب وما تْزيدوش تُشوفوني، 11 وفاللي يْخَص الحُاسبة خاطَر أمير هاد الدَنيا نَحَكُم عليه.

12 ما زال عَندي حاجات بَرَّاف نْقُولْهُمَّلَكُم، بَصَّح دُرك ما تَقَدروش تَرَّفدوهُم، 13 كي يْجِي هُوَ، روح الحق، يْقُوَّدُكُم فِي كَامَل الحَق، خاطَر ما يَهدَرش من عَندو، بَصَّح كامَل واش يَسمَع يَهدَر، ويْخَبَّرُكُم بواش رايح يَصرا، 14 هُو يَمَجَّدني خاطَر يَدّي منّي ويْخَبَّرُكُم، 15 كامَل واش عَندو الآب مْتاعي، على هَدا قُلْتَلَكُمُ باللي يَدّي منّي ويْخَبَّرُكُم، 16 مازال شُويَّة وما تْزيدوش تْشوفونِي، أومَعِد شُويَة تْشوفونِي."

حُزِنكُم يُولِيّ فَرَح

15 قالو شي تابعين مْتاعو لَبَعضُهُم بَعض: "واش راهو يُقولَلنا، شْوِيّة وما تْريدوش تُشوفوني، أومبَعد شْوِيّة وما وتُشوفوني؟" و"راني رايج للآب؟" 18 قالو: "واش مَعنتها کي قال مازال شْوِيّة؟ ما راناش عارفين علمّاش راهو يَهدَر." 19 عْرَف يَسوع باللي حَبّو يْسَقسيوه وقاللَهُم: "رائح تُسقسيو بَعضُكُم بَعض واش قُلت: شْوِيّة وما تْزيدوش تُشوفوني، أومبَعد شْوِيّة وتُشوفوني؟" 20 نُقولَلكم الصَح الصَح، باللي تَبكيو وتُنوّحو بَصَّح الدَنيا تَفَرَح، رايحين تَحَّرُنو بَصَّح حُرْنَكُم يُولِي فَرَح، 12 المُراكي تَولَد تَحَزَن خاطَر وَصلَت ساعتها باش تولد، بَصَّح كي ثُمِيب صْغير ما تُريدش تَشفا على الشَدّة، على جال فَرحَتها باللي نْزاد بْنادَم فالدَنيا، 22 وأنتومَ دُرك رائحُ حْزنانين، بَصَّح نْعاود نُشوفَكُم ويَفرَح قلبُكُم، وفَرحَتُكُم واحَد ما يُخَيهالكُم، 23 وفي هَداك اليوم ما تُسقسيوني على والو، نْقوللكُم الصَح الصَح، الشي اللي تَطَيوه من الآب بآسي يَعطيهولكُم، 42 حَتّى لدُرك ما طُلَبَتو حَتّى شي بآسي، أَطَّلبو مُنالو باش يَكَل فَرحَكُم.

124

25 هاد الشي قُلتهولَّكُم بالمتال، ثَجي الساعة وبن ما نزيدش نَهدَر مُعاكُم بالمتال وغُخَبَّرُكُم عيناني على الآب، 26 في هداك اليوم تطلبو بآسمي وما نقولككش باللي نُصَلِّي للآب على جالكُم، 27 خاطر الآب هُو بالدات يُحَبِّكُم، خاطر حَبيّتوني وآمَنتو باللي خُرَجت من الله، 28 خُرجت من عَند الآب وجيت للدّنيا، نعاود نُخلِّي الدّنيا ونروح للآب." 29 قالو التابعين مُتاعو: "هاك دُرك راك تَهدَر عيناني وما راك تُقول حَتّى مُتال، 30 دُرك رانا عُرَفنا باللي تَعرَف كُل شي، وما تسَحقش واحد يُسقسيك، على هدا نامنو باللي خُرجت من الله." 31 جاوَبهُم يَسوع: "دُرك تامنو؟ لكن شي، وما تسَحقش واحد يُستقسيك، على هدا نامنو باللي خُرجت من الله." 31 جاوَبهُم يَسوع: "دُرك تامنو؟ الرّب راهو معاي، قَلَتُلكُم هاد الشي باش يُكونلكُم السّلام فِيَّ، رايحين تُعانيو فالدَنيا بَصَّح أَتسَجعو، راني غُلَبت الدّيا."

#### 17

## صْلاة يَسُوع

ا قال يَسوع هاد الشي ورْفَد عينيه للسْما وقال: "بابا، جات الساعة، مَجَّد الإبن باش يُمَجَّدك، <sup>2</sup> على حْساب اللي عْطيتلو القُدرة على كُل دات باش يَعطي لكامَل اللي عْطيتهوملو الحيْاة الدايمة، <sup>3</sup> هَدي هِيَ الحيْاة الدايمة، كي يَعَرفوك أنت الإله الوَحيد الحَقّاني ويَسوع المُسيح اللي بَعْتتو. <sup>4</sup> أنا مَجَّدتك فالأرض كي كَمَّلت الخدمة اللي عْطيتهالي باش نْديرها، <sup>5</sup> ودُرك، مَجَّدني أنت يا بابا قُدّامَك باش نْديرها، <sup>5</sup> ودُرك، مَجَّدني أنت يا بابا قُدّامَك بالهي كان عَندي قُدّامَك قُبَل ما تُكون الدَنيا.

## صْلاة يَسُوع للتابعين مْتاعو

<sup>6</sup> وَرّيت آسَمُكُ لَبْنِي آدَم اللي عُطيتُهُملي من وَسط الدَنيا، كانو مْتاعك وعْطيتُهُملي وطاعو كُلامَك، <sup>7</sup> دُرك عَرفو باللي كامَل واش عُطيتني من عَندك، <sup>8</sup> خاطر عْطيتَلَهُم الكُلام اللي عُطيتني وهومَ قَبلوه وعَرفو مْتاع الصّح باللي أن غُرَجت منَّك وآمنو باللي أنتَ بْعَتْنِي، <sup>9</sup> أنا نُصَلِّي على جالهُم، ما نُصلَيش على جال الدَنيا، نُصلِّي على جال اللي عُطيتُهُملي خاطَر هومَ مْتاعك، <sup>10</sup> كامَل شِيِّي شِيَّك وشَيَّك شِيِّي، وأنا تُمَجَّدت فيهُم، <sup>11</sup> أنا ما نزيدش نُكون فالدَنيا بَصَّح هومَ فالدَنيا، وأنا راني جاي لعَندك. يا بابا القُدّوس، أحفَضهُم في آسمَك اللي عُطيتهولي، باش يُكونو واحَد كيهُم ما ضاع من كيما حْنا واحَد، <sup>12</sup> كي كُنت معاهُم حْفَضَتُهُم في آسمَك اللي عُطيتهولي، عَسيت عليهُم وواحَد فيهُم ما ضاع من

غير اللي حَب يْضيع وهَكَدَا يُتُم واش جا فالكُتوب، 13 دُرك راني جاي لَعَندك ونَهَدَر هاد الشي فالدَنيا باش تُكون فَرحتي كاملة فيهُم، 14 عْطيتلهُم كُلامَك والدَنيا كَرهَتُهُم خاطَر هومَ ماشي من الدَنيا كيما أنا ماشي من الدَنيا، 15 مارانيش نْصَلِّي باش تُغَيَّهُم من الدَنيا، بَصَّح باش تَحفَضهُم من الدوني، 16 هومَ ماشي من الدَنيا كيما أنا ماشي من الدَنيا، 17 قَدَّسهُم بالحَق، كُلامَك هُو الحَق، 18 كيما بْعَتّني للدَنيا، أنا تاني بْعَتْهُم للدَنيا، 19 وليهُم نَتقَدَّس باش يُكونو هومَ مَتقَدَّسين بالحَق.

صْلاة يَسوع لكامَل المومنين

20 ماشي ليُهُم بَرك اللّي نْصَلّي تاني للي رايحين يامنو بِيّ بكْلامُهُم، 21 باش يُكونو كامَل واحَد، كيما أنتَ يا بابا فِيَّ وأنا فيك، وهومَ تاني يُكونو فينا، باش تامَن الدَنيا باللي أنتَ بْعَتْني، 22 وأنا الجَد اللي عْطيتهولي عْطيتهولهُم، باش يُكونو واحَد كيما عْنا واحَد، <sup>23</sup> أنا فهُم وأنتَ فِيَّ، باش يُكونو مَتوحَدين مْليح، باش تعرف الدَنيا باللي أنتَ بْعَتّني وباللي غُنَّهُم كيما غُنَّني، <sup>24</sup> بابا، هدي هِي هبتك ليَّ، مادابِيَّ وبن نْكون يُكونو هَدو تاني معاي، باش يشوفو المَجد مُتاعي اللي عْطيتهولي خاطر حَبيّتني قُبُل مَا تَتَأَسَّس الدَنيا، <sup>25</sup> يا بابا الصالح، الدَنيا ما عَرفاتكش، بَصَّح أنا عُرفتك وهدو عَرفو باللي أنتَ بْعَتْني، <sup>26</sup> وأنا عَرَفتَلُهُم آسمَك ونْزيد نْعَرّفو باش تُكون الحَبّة اللي حَبيّتني فيهُم وأنا فيهُم."

18

## يَسُوع يَقَّبضو عليه

ا بَعد ما قال يَسوع هَكدا خُرَج مع التابعين مْتاعو، وراح للجيهة الأُخرى مْتاع واد قَدرون وين كانت كاينة جُنينة دُخلَّها هُوَ والتابعين مْتاعو. <sup>2</sup> يَهودا اللي سلّهو تاني كان يُعرف هَداك المُكان، خاطر يَسوع كان يَجتَمع مَّة بَرَّاف مع التابعين مْتاعو. <sup>3</sup> أَدّا يَهودا العَسكَر مع العسّاسين مْتاع ريّاس رْجال الدين والفَريسيّين وجاو لتمّة بالمُصابح والمُشاعَل والمُسلاح. <sup>4</sup> يَسوع اللي كان عارف واش رائح يَصرالو، خْرَج وقاللهُم: "على من رائم ثُحَوِّسو؟" <sup>5</sup> واجبوه: "يَسوع الناصري"، قاللهُم: "أنا هُو." يَهودا اللي سَلّمو تاني كان واقف معاهم، <sup>6</sup> وكي قاللهُم يَسوع "أنا هُو" رَجعو للور وطاحو على الأرض. <sup>7</sup> زاد سَقساهُم: "على من رائم ثُحَوِّسو؟" هومَ قالو: "يَسوع الناصري"، <sup>8</sup> جاوَب يَسوع: "قُلتكُمُ أنا هُو، همّالا وَلا رائم ثُحَوِّسو عليّ، خلّيو هَدو يُروحو"، <sup>9</sup> باش يْتم الكُالام اللي قالو: "ما ضَيَّعت حَتّى واحَد من اللي عْطيتَهُملي."

10 كان عَند سَمعان بُطرُس سيف، جَبدو وضْرَب الخديم مْتاع رايَس رْجال الدين وقَطَّعلو وَدنو الْيمنى، وكان السَّم الخديم مَلخس، 11 قال يَسوع لبُطرُس: "رَد السيف للغْمَد، ما نَشرَبش الكاس اللي عْطاهالي الآب؟"

عَند حَنَّان

أَلَّهُ سَكُرٌ وَقَايَد الأَلْف وخَدَّامين الْيهود حَكمو يَسوع وكتَّفوه، أَنَّ وأَدَّاوَه قُبَل لعَند حَنَّان، وكان حَنَّان نُسيب أَنَّ وأَلَا وَعُيافا هُوَ اللي كان نُصَح الْيهود باللي خير لو كان يُموت واحد على جال كامل الشّعب.

15 وكان سَمعان بُطرُس وتابَع واحَدآخُر يَتَبَعو في يَسوع، وكان هاد التابَع مَعروف عَند رايَس رْجال الدين، ودْخَل مع يَسوع لوَسط الدار مْتاع قُصر رايَس رْجال الدين، 16 بْقا بُطرُس بَرّا عَند الباب، هِمّالا خْرَج التابَع الآخُر اللي يَعْرفو رايَس رْجال الدين وهْدَر مع العَسّاسة مْتاع الباب باش دْخَلَت بُطرُس، 17 وقالَت العَسّاسة لبُطرُس: "وأنت ماشي من التابعين مْتاع هاد الإنسان؟" قال هُوز: "مارانيش منهُم." 18 الخَدّامين والعَسّاسين اللي كانو تُمّة شَعلو النار بالحُطّب باش يَدفاو خاطر كان البَرد وكان معاهُم بُطرُس يَدفا.

### عَند رايَس رْجال الدين

19 سَقسا رايس رْجال الدين يَسوع على التابعين وعلى التعليم مْتاعو، 20 واجبو يَسوع: "أنا هْدَرت للناس عيناني، وكُنت دايمًا نُدَرَّس عيناني فالجَمَع وفالمَعبَد وين كامَل الْيهود يَتلبّو، وما هْدَرت والو بالتُخبِية، 21 وَعلاش راك تُستسي فِيَّ؟ سَقسي اللي سَمعو واش قُلتَلهُم، هام هومَ عارفين واش قُلت." 22 كي قال هَكدا، واحد من العَساسين عْطا صَقلة ليَسوع وقال: "هَكدا عُباوَب رايس رْجال الدين؟" 23 واجبو يَسوع: "وَلا قُلت حاجة غْلاط، بَيَن اللهٰلاط، بَصَّح وَلاً هْدَرت مْليح، عْلاش تَضرَبني؟" 24 بَعتو حَنّان مْكَتَّف لرايس رْجال الدين قيافا.

## نُكران بُطرُس التاني والتالَت

25 كان سَمعان بُطرُس واقَف تَمَّة يَدفا وقالولو: "ماشي أنتَ تاني من التابعين مْتاعو؟" نُكَر هُوَ وقال: "مانيش منهُم"، <sup>26</sup> قال واحَد من الخدَّامين مْتاع رايس رْجال الدين، وكان من العايلة مْتاع اللي قَطَّعلو بُطرُس وَدنو: "ماشي شَفتَك معاه فالجْنان؟" <sup>27</sup> وزاد نُكَر بُطرُس، وتَم تَم عوعَش السردوك.

## عَند بيلاطَس

28 أدّاو يَسوع من عَند قيافا لقْصَر الحاكم، وكان الصْباح وهومَ الْيهود ما حَبّوش يَدُّخلو للفَّصَر باش ما يَتَنجّسوش وياكلو الفَصح. 29 خُرَج ليُهم بيلاطَس بَرّا وقال: "باش تَتَّهمو هاد الإنسان؟" 30 واجبو وقالولو: "لوكان ما كانش مجرّم ما كُناّش سَلَّمناهولَك" أن قالَمُهم بيلاطَس: "أدّيوَه أنتومَ وحاسبوه على حْساب الشَريعة مْتاعَكُم"، واجبوه: "ما يُجوزَلناش نَحَّكُمو على كاش واحَد بالموت"، 32 باش يُتمَ الكُلام اللي قالو يَسوع باش يَبيَّن بواش من الموت كان رايَج يُموت.

كن عاود دْخُل بيلاطَس للقُصَر وعَيَّط لِيَسوع وقاللو: "أنتَ سَلطان اليُهود؟" 34 واجَب يَسوع: "راك تُقول هاد الشي من عَندك وَلاَّ واحَدُخرين قالولَك عليَّ هاد الشي؟" 35 واجَب بيلاطَس: "أنا يُهودي؟ الأُمَّة مْتاعك وريّاس رُجال الدين سَلّموك ليَّ. واش دَرت؟" 36 واجَب يَسوع: "المَملكة مْتاعي ماشي من هاد الدَنيا، لوكان الخدّامين مُتاعي يُحاربو عليّ باش ما نَتسَلَّمش لليُهود، بَصَّح دُرك المَملكة مُتاعي ماشي منا." 37 قاللو بيلاطَس: "هيّالا أنتَ سَلطان؟" واجَب يَسوع: "أنتَ قُلت باللي أنا سَلطان، أنا على هَدا اللي ماشي منا." 38 قاللو بيلاطَس: "واشَن هُو نُرْدت وعلى هذا اللي جيت للدَنيا، باش نَشْهَد للحَق، اللي من الحَق يَسمَع صوتِي." 38 قاللو بيلاطَس: "واشَن هُو الحَد في الحَق؟" قال هكذا وعاود خُرَج عَند اليُهود وقاللهُم: "ما لُقيت فيه حَتى عَلطة، 39 عَندكُم عادة، نَطلَقَلكُم واحد في عيد الفَصح، راكم حابين نَطلَقَلكُم سَلطان اليُهود؟" 40 عَيّطو وهومَ يُقولو: "ماشي هُو، أطلَقَلنا باراباس"، وباراباس عيد الفَصح، راكم حابين نَطلَقَلكُم سَلطان اليُهود؟" 40 عَيّطو وهومَ يُقولو: "ماشي هُو، أطلَقَلنا باراباس"، وباراباس كان سَرّاق.

يُسوع يَنحكمَ عليه بالصَلب

ا همّالاً خُدا بيلاطَس يُسوع وآمَر باش يَجَلدوه، 2 ضَفرو العَسكر تاج بالشوك وحَطّوه على راسو ولبّسولو أباس حُمر حامَق، 3 وكانو يُجيو ليه ويْقولو: "السّلام يا سَلطان اليُهود"، ويْعطيولو فالصْقالي. 4 زاد خْرَج بيلاطَس برّا وقاللهُم: "هاني غُزَّجهولكُم برّا باش تَعْرفو باللي ما لُقيت فيه حَتَّى غَلطة." 5 خْرَج يَسوع برّا وهُو رافَد تاج الشوك واللباس الحَمْر وقاللهُم بيلاطَس: "هاو الراجَل." 6 كي شافوه ريّاس رْجال الدين والعَسّاسين بْداو يُعيّطو ويْقولو: "أصَّلبو، أصَّلبو." قاللهُم بيلاطَس: "أدّيوه أنتومَ وأصَّبوه خاطَر أنا ما لُقيت فيه حَتَّى غَلطة." 7 واجبوه اليُهود: "حْنا عَندنا شريعة، وعلى حْساب الشّريعة لازَم يُموت، خاطر دار روحو بْن الله"، 8 كي شَمّع بيلاطَس هاد الكُلام زاد خاف مُرتبع، 9 ودْخَل للقُصَر وقال ليَسوع: "منين أنتَ؟" بَصَّح يَسوع ما عْطالو حَتَى وْجاب. 10 قاللو بيلاطَس: "أنا ما تَهدُرش معاي؟ ما راكش عارف باللي عَندي القُدرة باش نَطلقك وعَندي القُدرة باش نَطلك؟" 11 واجبو يُسوع: "ما كانت تُكون عَندك حَتَى قُدرة عليَّ لوكان ما نعطاتلكش من الفوق، على هَدا اللي سَلَيْ ليك عليه دُنوب عُتَر." 12 من داك الوقت، حَوَّس بيلاطَس باش يَطلقو، واليُهود عَيْطو وقالو: "لوكان تَطلَق هَدا، ماراكش حْبيب قَيصَر، اللي يْدير روحو سَلطان يُكون عْدو لقيصَر."

13 كي شُمَع بيلاطَس هاد الكُلام خَرَّج يَسُوع لَبَرًا وقْعَد على الكُرسي مْتاع القاضي فالمُكان اللي يَتَسَمَّا البُلاط وبالعَبريَّة جَباتا. <sup>14</sup> كان وَقت التَوجاد مْتاع الفَصح وكانَت جْوايَه الطُّناش مْتاع النْهار وقال لليْهود: "هاو السَلطان مْتاعَكُم"، <sup>15</sup> هومَ عَيَّطو: "يُموت، يُموت، أصَّلبو"، قالَلهُم بيلاطَس: "نصَلَب السَلطان مْتاعَكُم؟" واجبو رِيّاس مْتاعَكُر"، <sup>16</sup> سَلَّهولهُم باش يَتَصلَب. همّالا أدّاو يَسوع. رُجال الدين: "ما عَندنا حَتَّى سَلطان من غير قَيصر"، <sup>16</sup> سَلَّهولهُم باش يَتَصلَب. همّالا أدّاو يَسوع.

الصَلب

17 وخْرَج وهُوَ رافَد الصْليب للمْكان اللي يْسَمّيوه الجُمُجُمة واللي يْعَيّطولو بالعَبرِيّة الجُلُجُتة. <sup>18</sup> وتَمّة صَلبوه ومعاه زوج واحَدُخرين، واحَد من وواحَد من ويسوع فالوَسط.

19 كُتَب بيلاطَس لوحة وحَطّها على الصْليب وكان مكتوب فيها: "يَسوع الناصري سَلطان الْيهود." 20 بَرَّاف من الْيهود اللي قُراو هاد اللوحة، خاطَر المُكان اللي نَصلَب فيه يَسوع كان قُريب من الْمدينة وكانَت الكُتبية بالعبريّة واللاتينيّة واليونانيّة. <sup>12</sup> قالو رِيّاس رْجال الدين لبيلاطَس: "ما تكتبش سَلطان الْيهود، أكتب هدا قال أنا سَلطان الْيهود"، <sup>22</sup> واجَبهُم بيلاطَس: "اللي كُتبتو كُتبتو كُتبتو." <sup>23</sup> العَسكر كي صَلبو يَسوع خْداو حْوايجو وقسموهُم على رَبعة، كُل واحَد أدّا رْبَع، وزادو القُندورة، والقُندورة كانت بلا خياطة، قُماش واحَد على مَرّة. <sup>24</sup> همّالا قالو لبَعضهُم بعض: "ما نُقطّعوهاش، نُشوفو بالقُرعة ليمن تُكون"، باش يُتم واش تُقال فالكُتوب: "تُقاسمو حُوايجي، ودارو القُرعة على قُندورتى." وهداك واش دارو العَسكر.

25 كانو ُقُدَّام الصْليب يَمَاة يَسوع، وخُت يَمَّاه ومَريَم مَرت كُلوبا ومَريَم الجَدَليَّة، 26 شاف يَسوع يَمَّاه وقُدَّامها التابَع اللي كان يُحَبِّو، وقال ليمَّاه: "يا مْرا، هاو وْليدَك"، 27 أومبَعد قال للتابَع: "هَاي يَمَّاك"، ومن هديك الساعة، أدّاها التابَع لدارو. <sup>28</sup> بَعد هَدا، يَسوع اللي كان عارَف باللي كُل شي تُحقَّق قال باش يْتَم واش مَكتوب: "راني عَطشان"، <sup>29</sup> كان يَّمة طاص مْعَمَّر بالخل، عَمَّرو سْفَنجة بالخل وداروها على غْصَن مْتاع الزوف ودَنّاوهالو لفَمّو. <sup>30</sup> كي خْدا يَسوع الخل قال: "راهو كُلل"، ومَيَّل راسو وسَلَّم الروح.

<sup>31</sup> على حُساب اللي كان التَوجاد للفَصَح، وباش ما تَبقاش دات الموتى على الصْليب فالسَبت، خاطَر هَداك السَبت كان عُبير، طَلبو اليُهود من بيلاطَس باش يُكسِّرو رُكايَب المَصلوبين ويُثيِّيوهُم من الصْليب. <sup>32</sup> راحو العَسكر وكسِّرو رُكايَب المَصلوبين ويُثيِّيوهُم من الصْليب، <sup>32</sup> راحو العَسكر وكسِّرو رُكايَب الأَوَّل، والتاني اللي نَصلَب معاه، <sup>33</sup> كي وَصلو لعَند يَسوع لقاوه ميَّت وما كَسّرولوش رُكايبو، <sup>34</sup> بَصَّح واحَد من العَسكَر، ثُقَبلو جَنبو بالرَمِ مُتاعو، وتَم تَم نْرَج من جَنبو الدَم والماً. <sup>35</sup> اللي شاف شُهَد وشْهادتو صُحيحة، هُو راهو عارف باللي راهو يُقول الصَح، باش أنتومَ تاني تامنو، <sup>36</sup> خاطَر صْراو هاد الحاجات باش يُتم واش مَكتوب: "عْضَم ما يَتكَسَّر منو"، <sup>37</sup> ومَكتوب تاني: "يُشوفو للّي تَقبوه."

الدْفينة

38 بُعَدَ هَدا، يوسَف الرامي اللي كان تابع يَسوع بالتُخبية على جال الخوف من اليهود، طْلَب من بيلاطُس باش يَدِّي دات يَسوع من الصْليب. خَلاَه بيلاطُس وراح خُاها. <sup>93</sup> نيقوديموس تاني اللي كان جا ليه المرَّة الأولى فالليل، راح وجاب معاه واحد التَّلاتين كيلو مْتاع المر والصْبَر عُخَلَّطين، <sup>40</sup> وأَدَّاو دات يَسوع ولَقُوه بالريحة فالكُفَن كيما كانت عادة اليُهود للدْفينة. <sup>41</sup> كان فالمُكان اللي نَصلَب فيه يَسوع جْنان وفالجُنان قُبَر جْديد ما نَدفَن فيه حَتَّى واحَد، <sup>42</sup> حَطّو يَسوع ثَمَّة على حُساب اللي كان قُريب على جال تَوجاد اليُهود للفُصح.

20

القْبَرَ فارَغ

أ اليوم الأوَّل مْتاع السْمانة، جات مَريَم الجَدَليَّة للقْبَر الصْباح بَكري كي كان مازال الضْلام، وشافَت الحَجرة مْنَحية على القْبَر. ² جات تَجري عَند سَمعان بُطرُس والتابَع الآخُر اللي كان يَسوع يْحَبو وقالتَّلهُم: "أدّاو سيدنا من القَبَر وماراناش عارفين وين حَطّوه"، ³ نْحَج بُطرُس والتابَع الآخُر وجاو للقْبَر، ⁴ كانو يَجريو بَصَّح التابع الآخُر سُبَو بُطُوس ووْصَل الأولاني للقْبَر، ⁵ طابَس وشاف الكُفَن مَحطوط بَصَّح ما دْخَلش. ٥ وْصَل سَمعان بُطرُس تاني ودْخَل للقْبَر وشاف الكُفَن محطوط ثَمَّة، ² والحيرمة اللي كانت على راس يَسوع ماكانتش مع الكُفَن، كانت مَلفوفة ومحطوطة على جيه، 8 التابع الآخُر اللي وْصَل الأولاني دْخَل تاني للقْبَر وشاف وآمَن، و خاطر كانو مازال ما فَهموش وين مَكتوب باللي يَسوع كان لازَم يْقوم مالموت، 10 وعاودو راحو لديارهُم.

يَسُوع يَضَهَر لمَريَمَ المَجَدَليَّة

11 مَريَم وَقَفَت بَرَّا عَند القُبَر تَبَكِي، وكي كانَت تَبَكِي طابسَت جيهة القُبَر، 12 وشافَت زوج مَلايكة وهم لابسين الأَبْيض قاعدين وين كان يَسوع مَحطوط، واحَد عَند الراس والآخر عَند الرَجلين. 13 قالولها هومَ: "يا مْرا، وَعلاش راكي تَبَكِي؟" قالَتلهُم: "سَرقو سيدي ومارانيش عارفة وين حَطّوه"، 14 كي قالَت هاد الشي، دارَت للور وشافَت يَسوع واقَف وما عَرفاتوش باللي هُو. 15 قالَلها يَسوع: "يا مْرا، وَعلاش راكي تَبَكِي؟ على من راكي تُحَوَّسي؟" حَسابتو الفَلاّح مْتاع الجْنان وقالَتلو: "يا سِيَّد، وَلا كُنت أنتَ اللي أَد يَتِو، قوللي وين حَطَّيتو وأنا نَدَيه." 16 قالَلها

يَسوع: "مَريَم"، دارَت هِيَ وقالتَلو بالعبرِيّة: "رَبّونِي"، ومَعنَتها شيخ، <sup>17</sup> قالَلها يَسوع: "ما تُمسَّينيش خاطَر مازال ما طُلعتش للآب، بَصَّح روحي عَند خاوتي وقوليلهُم راني طالَع عَند بابا وباباكُم، عَند إلهَي وإلهَـكُم"، <sup>18</sup> جات مَريَم الجَدليّة للتابعين وقالتَلهُم: "شفَت الرَب"، وخَبَرْتَهُم بواش قالَلها.

## يَسُوع يَضَهَر للتابعين مْتاعو

19 هَداك النّهار مع العْشيّة، كان النّهار الأوَّل مْتاع السّمانة، كانو التابعين غالقين البيبان من الخوف من اليّهود، وجا يَسوع وْقَف فالوَسط وقاللهُم: "سْلام ليكُم"، <sup>20</sup> قال هاد الشي وورّالهُم يَدّيه وجَنبو وفَرحو التابعين بَرَّاف كي شافو الرَب. <sup>12</sup> زاد قاللهُم: "سْلام ليكُم، كيما بْعَتني الآب، أنا تاني نبَعتكم"، <sup>22</sup> وبَعد ما قال هاد الشي، نْسَف فيهُم وقاللهُم: "نالو الروح القُدّوس، <sup>23</sup> اللي تَغَفرولوهُم دْنوبهُم يَتغفرولهُم، واللي تَحَمَّو عليهُم دْنوبهُم يَتَحَمَّو عليهُم."

## يَسُوع يَضهَر لتوما

<sup>24</sup> وكان توما واحد من الطناش ويْعيقطولو "التومي"، وماكانش معاهُم كي جا يَسوع. <sup>25</sup> قالولو التابعين الأُخرين: "شَفنا الرَب"، هُوَ قاللهُم: "لوكان ما نشوفش في يَدّيه الشامة متاع المُسامَر وغْعَط فيها صَبعي، وغْعَط يَدّي في جَنبو ما نامَنش."

<sup>26</sup> بَعَد تَمَن أَيَّام، زادو كانو التابعين فالدار وكان توما معاهُم. جا يَسوع وكانو البيبان مَغلوقين، وْقَف فالوَسط وقال: "سْلام ليكُمِّ"، <sup>27</sup> أومبَعد قال لتوما: "جيب صَبعَك اللَهنا وشوف يَديَّ وجيب يَدَّك وحَطَّها في جَنبي وما تُشكش، آمَن." <sup>28</sup> واجَب توما وقاللو: "رَبِّي وإلَهي"، <sup>29</sup> قاللو يَسوع: "كي شَفتني آمَنت؟ يا سَعد اللي ما شافوش وآمنو."

<sup>30</sup> دار يَسوع قُدَّام التابعين مْتاعو مارات واحَدُخرين بَزَّاف ماراهُمش مَكتوبين في هاد النُّئاب، <sup>31</sup> هَدو اللي راهُم مَكتوبين، نُكتبو باش تامنو باللي يَسوع هُوَ المَسيح بْن الله، وباش كي تامنو تْنالو الحْياة بآسمو.

#### 21

### مُعجِزة صْيادة الحوت بزَّاف

1 أومبَعد زاد ضْهَر يَسوع للتابعين على شَط بْحَر طَبَرِيَّة. ضْهَرَّهُم هَكدا: 2 كان سَمعان بُطرُس وتوما اللي يُعَيَّطولو "التومي" ونَتَنائيل اللي آصلو من قانا مْتاع الجُيل ووْلاد زَبدي وزوج واحَدُخرين من التابعين مْتاعو، 3 وقاللهُم سَمعان بُطرُس: "راني رايح نْصَيَّد"، قالولو: "حْنا تاني نُجيو معاك." خَرجو وطَلعو فالفُلوكة وفي هَديك الليلة ما صَيّدو والو. 4 كان طُلع الفَجَر كي وْقَف يَسوع على الشَط بَصَّح التابعين ما عَرفوهش باللي هُو يَسوع. 5 قاللهُم يَسوع: "يا دْراري، كاش ما عَندكم ماكلة؟" جاوبوه: "لالا"، 6 هُو قاللهُم: "أرميو الشَبكة من الجيهة البُمني مْتاع الفُلوكة تقاو." أرماو الشَبكة وما قَدروش يَجَّدوها من كَترة الحوت. 7 قال التابع اللي كان يَسوع يُحبَّو لبُطرُس: "هَدا الرَب." كي شُع سَمعان بُطرُس باللي هُو الرَب، لُبَس حُوايجو خاطَر كان عَريان ورْما روحو فالبُحر. 8 جاو التابعين الأخرين بالفُلوكة الصْغيرة يَجَدو الشَبكة مُتاع الحوت خاطر ما كانوش بْعاد على الشَط، كانو على واحَد المية ميترة المن من الشَط، 9 وكي هَبطو للشَط، ثقاو تُمّة نار مْتاع الجُمر وفوقو حوت و خُبز. 10 قاللَهُم يَسوع: "جيبو شُويّة حوت من اللي صَيّدتوه دُرك"، 11 طُلَع سَمعان بُطرُس وجْبَد الشَبكة للشَط مُعَمّرة بثية وثلاتة وخَمسين حوتة كُبيرة، ووالو من اللي صَيّدتوه دُرك"، 11 طُلَع سَمعان بُطرُس وجْبَد الشَبكة للشَط مُعَمّرة بثية وثلاتة وخَمسين حوتة كُبيرة، ووالو

كان الحوت بَرَّاف الشَبكة ما تُقطَّعتش. <sup>12</sup> قالَلهُم يَسوع: "أرواحو تاكلو." واحَد من التابعين ما قُدَر يْسَقسيه شْكون أنتَ وهومَ عارفين باللي هُوَ الرَب. <sup>13</sup> جا يَسوع، أدَّا الخُبز وعْطالهُم وزادلهُم الحوت. <sup>14</sup> كانَت هَدي هِيَ المَرَّة التالتة اللي يَضَهَر فيها يَسوع للتابعين من اللي قام مالموت.

بُطرُس تَرجَعلو قيمتو

15 كَي كُلاو، قَالَ يَسُوع لسَمعان بُطرُس: "سَمعان بَن يُونّا، ثُحَّنِي كُتَر من هَدو؟" قاللو: "إيه يا رَب، أنتَ تَعرَف باللي غُبَّك"، قاللو يَسوع: "أرعا الخَرفان مْتاعي." 16 زاد قاللو المُرَّة التانية: "سَمعان بَن يُونَّا، ثُحَبِّي؟" قاللو سَمعان: "إيه يا رَب، أنتَ تَعرَف باللي غُبَّك"، قاللو يَسوع المُرَّة التالتة "وَلاَّ تُحَبِّي؟" وقاللو: "يا رَب، أنتَ تَعرَف كُل شي، بَن يُونَّا، ثُحَبِّي؟" وقاللو: "يا رَب، أنتَ تَعرَف كُل شي، وَتَعرَف باللي غُجَبُك"، قاللو يَسوع: "أرعا النُجاش مْتاعي، 18 نُقولك الصَح الصَح، كي كُنت صْغير، كُنت غُزَّم وتَعرَف باللي غُجَبُك"، قاللو يَسوع: "أرعا النُجاش مُتاعي، 18 نُقولك الصَح الصَح، كي كُنت صْغير، كُنت غُزَّم ووحك و تُروح وين غُجَب، بَصَّح كي تُولِّي شيخ تُكَسَّل يَديك وواحدآ أخر يُحزَمَك ويدِّيك وين ما تُحَبش." 19 قال ورحك وتُروح وين غُجَب يَبَق بَهُم، وهُو اللي مال على صُدر يَسوع وقت العشا وقال: "سيدي، شكون اللي رائج يُسَلَك؟" كان يَسوع يُحبو يُنبَّع فيهُم، وهُو اللي مال على صُدر يَسوع وقت العشا وقال: "سيدي، شكون اللي رائج يُسَلَك؟" كي شافو بُطرُس قال ليَسوع: "ولا حَبيتو يَبقا حَتَى نُولِّي، واش عَندك؟ والا حَبيتو يَبقا حَتَى نُولِّي، واش عَندك؟" ولا خَبيتو يَبقا حَتَى نُولِّي، واش عَندك؟" ولاً حَبيتو يَبقا حَتَى نُولِّي، واش عَندك؟"

<sup>24</sup> هَدا هُوَ التابع اللي يَشهَد بهاد الشي واللي كتب هاد الشي، ونعَّرفو باللي شْهادتو صحيحة. <sup>25</sup> كاين حاجات واحدُخرين بَرَّاف دارهُم يَسوع، لوكان نُكتبو واحدة بواحدة، ما نْضَنش الدَنيا تكفي باش تَرفد الكتوب اللي يَنكتبو.

# أَعْمَالُ ٱلرُّسُل

في نُكَاب عْمال الرُسُل يُكَمَّل لوقا الحُكاية اللي حْكاها فالإِنجيل مْتاعو. يَحكِي كيفاش شُيّعو الرُسل بْشارة الإِنجيل. بْداو قْبَل فِي أُورشَليم، وزادو فالمْدارب اللي قُدّامها، أومبَعد بَلدان البْحَر البَّيْض المَتَوسَّط، وهَكدا دارو الخَدَمة اللي كَلَّهُمُ بِهَا يَسُوع.

فالبَّدية مْتاع النُّمَاب، يَسوع طْلَع للسْما عَند الله. دُرك ما راهوش حاضَر كيما كان، بَصَّح بْعَت للرُسُل من عَند الله الروح القُدَّوس.

حَتَّى للفَصل 12، وبُطرُس هُو اللي بايَن كُتَر في حُكاية النُمّاب. تابعين يَسوع يْهود، ما زالهُم يْروحو لَمعبَد أورشَليم يَهَدرو على سيدهُم، وريّاس الدين يْوَعَصولهُم كيما كانو يْديرو ليَسوع. المومنين يْروحو لكُل مْكان فاليَهوديّة، فالسامرة والبَلدان الأُخرين. في داك الوقت، غير اليُهود اللي كانو يَعْرفو الله الواحَد وكانو حاسبين باللي الأخرين ما يَقَدروش يَعْرفوه. بَصَّح يَسوع يَسمَح لكامَل الناس باش يُكونو في عَلاقة مع الله، والرُسُل مْتاعو يْديرو شي جْديد: يَبشَرو اللي آصلو ماشي يْهودي. آصَلهُم ماشي يْهود. تُكايَس جْدَد بْداو يَخُرجو، المومنين غير يْزيدو وفيهُم اللي آصلو يْهودي واللي آصلو ماشي يْهودي. فالفَصل 13، يْبان الرَسول بولَس. تُجيه دَعوة من عَند يَسوع المَسيح وكنيسة أنطاكية في سوريا تُخَيِّرو باش يْروح بْعيد يُبشَر بإنجيل المَسيح.

الْفُصول الباقيين يَحكيو على السْفَر مْتاعو وكيفاش وَصَّل الإِنجيل لبَلدان البْحَر البْيَض المَتَوسَّط وحَتَّى لروما عاصمة الإِمبراطورِيَّة.

إِنجيل لوقا يَحكي على وَقت يَسوع، وفي نُكَاب عْمال الرُسُل يَبدا وَقت الكَنيسة. هَدا هُوَ الوَقت وين المومنين المَسيحيِّين يَبشَّرو دايًا وفي كُل مْكان بيَسوع المَسيح. يَهَّدرو عليه للناس من كُل جَنس وكُل دين، للنُّجار والصْغار، للقاريين واللي ماشي قاريين، للمُرفِّهين والقُلالين.

# طْلُوع الرَب يُسُوع للسُّما

أد هُدَرت في نُخابي الأوَّل يا تاوفيلُس، على كُل واش بْدا يَسوع يْدير وواش يْعَلَّم تاني، ² حَتَى لليوم اللي نَوفَع فيه بَعدما وَصًا بالروح القُدّوس الرُسُل اللي خَيَرهُم، ³ واللي ضُهَرَّهُم حَيَّ بَعد عْدابو وعْطالهُم على هاد الشي مارات بَرَّاف وبْقا يْضَهَرَّهُم مُدَّة رَبعين يوم وهُو يُكلَّم فيهُم على الحاجات مْتاع مَلكوت الله. ⁴ ومَرة، كانو مَلمومين وهُو مُعاهُم، ووَصَّاهُم باش ما يُبعدوش على أورشَليم ويَستَنّاو وَعد الآب اللي قاللهُم شَعَتوه مَنِي، ⁵ خاطر يوحَنّا عَمَّد بالما بصَّح أنتومَ رايحين تُتعمدو بالروح القُدّوس، ماشي بَعد مُدّة طُويلة من هاد الوَقت. 6 كي كانو كيف كيف، سَقساوه الرُسُل وقالو: "رَبِّي، ماشي في هاد الوَقت اللي رايح تُرَجَّع المُلك لإسرائيل؟" 7 قاللهُم: "خاطيكُم أنتوم باش تَعْرفو الوْقات والزْمانات اللي حَدَّدهُم الآب بالحُكمة مْتاعو، 8 بَصَّح رايحين ثنالو قُدرة كي يْجي عليكُم الروح القُدّوس، وتُكونو شهودي في أورشَليم وفي كامَل اليَهوديّة والسامِرة وحَتّى لطَرف الدَنيا."

<sup>9</sup> وكي قاللهُم هاد الشي، نَرفَع وهومَ يشوفو، وحَجباتو شعابة على عينيهُم. <sup>10</sup> وكي كانو يَخُررو فالسما وهُو رايَج، وَقفولهُم زوج رْجال بلباس بيّض، <sup>11</sup> وقالولهُم: "يا ناس الجليل، واش بيكُم حابسين نشوفو للسما؟ هَدا يَسوع اللي نَرفَع من بينكُم للسما، رايح يُولِي كيما شفتوه يْروح للسما." <sup>12</sup> داك الوقت، رَجعو لأورشَليم من الجبّل اللي يُسمّيوه "جبّل الزيتون"، واللي جاي قْريب لأورشَليم وبيناتهُم قيس الطريق المسموح يَمشيوها فالسبت. <sup>13</sup> وكي وَصلو، طلعو للبيت الفوقانيّة وين مْوالفين يُكونو بُطرُس ويوحنّا ويعقوب وأندراوَس، فيلبس وتوما، برتولماوَس ومَتَى، يَعقوب بن حَلفى وسَمعان الغيّور ويَهودا بَن يَعقوب، <sup>14</sup> وكانو كامَل تابتين بقلب واحَد فالصْلاة ومْعاهُم نُسا ومَريَم يَعقوب وَاللهِ عنوو.

## تَخيار مُتياس في مْكان يَهودا

15 وفي هَدوك اليامات، ناض بُطرُس في وَسط الخاوة وكان في هَداك المُكان غاشي مَتلايَم، واحَد المَية وعَشرين نَفَس، وقال: 16 "يا الخاوة، كان لازَم يَحَقَّق الشي اللي مَكتوب واللي سْبق قالو الروح القُدّوس بلْسان داود على يَهودا اللي كان القُوّاد للّي حَكمو يَسوع، 17 خاطر كان واحَد منّا ونال النْصيب في هاد الخدَمة مْتاعنا، 18 بَصَّح هُو شُرا حوش بدْراهَم الشَر، وطاح وتُكسَّر من وَسط داتو وخرجو كامَل مُصارنو. 19 هاد الشي سَمعو بيه كامَل ناس أورشَليم، حتى نُسَمّا هَداك الحوش في لُغَتُهُم "حَقل دَعَج" يَعني "حوش الدّم." 20 خاطر مَكتوب في ثكاب المَزامير: "غَلا دارو وواحَد ما يَسكُن فيها، وواحَد آخُر يَدّي مُكانو." 21 لازَم همّالا، من الناس اللي كانو مُعانا كامَل الوَقت اللي عاش فيه يَسوع بيناتنا، 22 من مَعموديّة يوحَنّا حتى لليوم اللي نَفعَ من بيناتنا، واحَد منهُم يُولِي شاهَد معانا على قيامتو." 23 قَدّمو زوج: يوسَف اللي يَتسَمّا بُرسابا ويُكنّيوه يُستُس ومَتيّاس، 24 وصَلاّو وقالو: "أنتَ يا رَبِي اللي تَعرَف قُلوب الكُل، بَيْنَ اللي خَيْرتو في هاد الزوج، 25 باش ياخُد النْصيب في هاد الخدمة وهاد الرسالة اللي خَلاَهُم يَولُل شَود وراح لمَضَّربو." 26 ودارو القُرعة وطاحَت في مَتيّاس، ودْخَل مَتيّاس مع الحُداش رسول.

2

# مْجِي الروح القُدّوس في يوم الخَمسين

أ كي جا يوم الخَمسين، كانو كامَل كيف كيف في مَدرَب واحَد، 2 وتَم تَم، جا صوت من السَّما كي الريح القَّوي كي يَدرَب وعَمَّر كامَل الدار اللي كانو قاعدين فيها، 3 وضَهرولهُم لْسانات كي اللي مْتاع النار، مْفَرَّقين وغُطّو على كُل واحَد فيهُم، 4 وتُعمَّرو كامَل بالروح القُدَّوس وبْداو يَهَّدرو بلُغات واحَدُ خرين على حْساب ما عْطالهُم الروح باش يَعطقو.

5 وكانو ساكنين في أورشَليم يْهود تاقيين جايِّين من كامَل الأُمَّات اللي تَحت السَّما، 6 وكي كان الصوت، تُلمَّ الغاشي وحارو خاطَر كُل واحَد كان يَسمَعهُم يَهَّدرو بلُغتو. 7 نُخَلعو وسْتَعجبو وقالو: "هاد الناس اللي راهُم يَهَّدرو، ماشي كامَل جْليلِيّن؟ 8 كيفاش رانا نَسَّمعو كُل واحَد فينا لُغتو اللي نْزاد بيها، 9 فَرِتيِّين ومادِيِّين وعيلامِيِّين وناس مَسبوطَميا واليَهوديَّة وكَبدوكيّة وبُنتُس وآسيا، 10 وفَريجيّة وبَمُفيلِيّة ومَصَر وجُوايَه ليبيا اللي جاية كيما القيروان واللي يَشْكنو في وَسط الرومانِيِّين، 11 من اليُهود واللي دَخلو في دين اليَهوديّة، كَرِتِيِّين وعْرَب، رانا نَسَّمعو فيهُم يَهَّدرو

بلُغاتنا على غُجايَب الله." <sup>12</sup> كانو كامَل حايرين ومَستَغربين ويْقولو لبَعضهُم بَعض: "واش حَب يْقول هاد الشي؟" <sup>13</sup> وكانو واحَدُخرين يَتَسخرو ويْقولو: "هادو راهُم سَكرانين."

# بُطرُس يْكَلَّمُ الغاشي

14 وْقَف بُطرُس مع الحْداش رْسول، طَلَّع صوتو وقاللهُم: "يا رْجال الْيهود وأنتومَ كامَل اللي ساكنين في أورشَليم، أعَّر فو هاد الشي وأسَّمعو لكُلامي، <sup>15</sup> هاد الناس ما راهُمش سَكرانين كيما راكم حاسبين، خاطر راهي غير التَسعة متاع الصْباح، <sup>16</sup> بَصَّح هَدا هُوَ الشي اللي قالو النّبي يوئيل: <sup>17</sup> "يْقول الله: فاليامات الأخرانيّين، نْفَرَّغ من روحي على كُل بْنادَم، وْلادَكُم وبْناتكُم يْتنبّؤو، شُبّانكُم يشوفو رُؤيات وشْيوخكُم يْنومو مْنامات، <sup>18</sup> إيه، نْفَرَّغ على الخدّامين والخدّامات مْتاعي في هَدوك اليامات من الروح مْتاعي و يَتنبّؤو، <sup>19</sup> ونْدير مُعجزات الفوق فالسْما ومارات التَحت على الأرض، دَم ونار وفوار مْتاع الدُخّان، <sup>20</sup> الشَمس تُولِّي ضَلمة والقْمَر يُولِّي دَم قْبَل ما يْجِي يوم الرَب، هَداك اليوم الكُبير والجَيد، <sup>12</sup> ويْكون اللي كُل من يَدكُر آسَم الرَب يَسلَك."

22 يا الرجال الإسرائيليين، أسمّعو هاد الكلام: يَسوع الناصري، هاد الراجَل اللي شُهَدلو الله قُدّامكُم بالمُعجِزات، والمُعجايَب والمارات اللي دارهُم الله على يَدّو في وَسطكُم، كيما رائم عارفين، 23 هاد الراجل اللي سَلّمتوه بقُصد الله الحُجيّة وبعَلمو السابق، وصْلَكو من وْجاع الموت خاطَر كان مُحال باش يَتَّكَم برباطها، 25 خاطر قال عليه داود: "كُنت نشوف الرَب قُدّامي في كُل وَقت، خاطر هُو على يُميني باش ما نَتَزَعَرَعش، 26 على هَدا فْرح قَلمي وزْها لُساني وحَتّى داتي تْرَجَّ فالرْجا، 27 خاطر ما شخّليش نفسي في مُسكن الموتى وما تُخلّيش دات القُدّوس مُتاعك تفسد فالقُبر، 28 وَرّيتلي طُرقان الحياة ورايح تُعمَّرني بالهُنا وَدُدامَك." 29 يا الخاوة، أسمّحولي نقوللكُم عيناني باللي جَدنا داود مات وندفن وقبرو مازالو عندنا حتّى لليوم. 30 على حساب اللي كان نَبي، وعارف باللي الله حُلفلو باليمين باللي يُقعَّد واحد من دَرّيتو على عَرشو، 31 شبق وهُدر على عُسام اللي كان مَوعود بيه، وفَرّغو كيما شاهدين على هاد الشي، 33 نَرفع بيمين الله ونال من عند الآب الروح القُدّوس اللي كان مَوعود بيه، وفَرّغو كيما شاهدين على هاد الشي، 33 نَرفع بيمين الله ونال من عند الآب الروح القُدّوس اللي كان مَوعود بيه، وفَرّغو كيما ما عُنكنا كُمَل وَبَسَمعو. 34 خاطر داود ما طُلعش للسماوات، وهُو بداتو قال: "قال الرَب لرَبِي، أَقعَد على يُميني، صُلبَتوه، رَب ومُسيح."

37 كي سَمعو هاد الكّلام، نْقاسو بَرَّاف في قَابَهُم وقالو لبُطرُس ولكامَل الرُسُل: "واش لازَم نْديرو يا الخاوة؟" <sup>38</sup> جاوَبهُم بُطرُس: "توبو وكُل واحَد فيكُم يَتعَمَّد بآسَم يَسوع المَسيح لغُفران دْنوبكُم وتْنالو هِبة الروح القُدّوس، <sup>38</sup> جاطَر الوَعد راهو ليكُم ولوُلادكُم ولكامَل اللي راهُم بْعاد، كامَل اللي يْعَيَّطَلُهُم الرَب إِلهَنا." <sup>40</sup> وكان بُطرُس يَشَهَدَّهُم ويْسَجَّعهُم بكْلام آخُر بَرَّاف ويْقول: "أَسَّلكو من هاد الجيل المْعَوَّج." <sup>41</sup> اللي قَبلو كُلامو، تُعَمَّدو وداك اليوم زادو واحَد التَلَت آلاف نَفس.

42 كانو مْداومين على التَعليم مْتاع الرُسُل والشَرِكة وقَسمة الخُبز والصْلاة. 43 طاح الخوف على كُل نَفس وكانو عَجْايَب ومُعجِزات بَرَّاف يَدارو على يَد الرُسُل، 44 والمومنين كامَل كانو كيف كيف ومَتشاركين في كُل شي، 45 وكانو يُبيعو مْلاكهُم ورْزاقهُم ويتقاسمو السومة بيناتهُم كامَل على حْساب ما يَسحَق كُل واحَد، 46 وكانو كُل يوم مْداومين براي واحَد فالمَعبَد، يَقَسمو الخُبز فالديور وياكلو بالفَرحة والنيّة، 47 يُسبحو الله والشُعب كامَل راضي عليهُم. الرَب كان كُل يوم يْزيد للكَنيسة اللي كانو يَسَلكو.

3

# بُطْرُس يَشْفَى الطَّلاّبِ الكَعوان

1 بُطرُس ويوحَنّا طَلعو للمَعبَد في وَقت الصْلاة مْتاع النّلاتة مْتاع العْشيّة. 2 وكانو ناس رافدين واحَد الراجَل كعوان من اللي نْزاد، كانو يُجيبوه كُل يوم ويُحطّوه قُدّام باب المَعبَد اللي يُسَمّيوها "الباب الشابّة" باش يَطلَب الصَدَقة من الناس اللي يَدُّخلو للمَعبَد، 3 وكي شاف بُطرُس ويوحَنّا داخلين للمَعبَد، طْلَب مَنهُم الصَدَقة. 4 خُزر فيه بُطرُس ويوحَنّا مُليح وقال: "شوف فينا"، 5 شاف فيهُم خاطَر كان يَستنّا كاش ما يَعطيولو. 6 قاللو بُطرُس: "ما عَندي لا فَضّة لا دْهَب، بَصَّح اللي عَندي نعطيهولك، باسم يَسوع المَسيح الناصري، نوض وأمشي." 7 وشَدّو من يَدُو الْيمني ونَوْضو وتَم تَم تَثْوَّا و رَجليه والخُلاخَل مْتاعو، 8 ونَقَّز ووْقَف وبْدا يَمشي ودْخَل معاهُم للمَعبَد وهُو يَمشي ويُنتَّز ويْسَبَّح فالله، 10 وعَرفوه باللي هُو اللي كان يُقعَد يَطلَب عَند الباب الشابة مْتاع المَعبَد وكامَل الشَعب شافوه يَمشي ويْسَبَّح فالله، 10 وعَرفوه باللي هُو اللي كان يُقعَد يَطلَب عَند الباب الشابة مْتاع المَعبَد وكانو مَدهوشين وحارين فالشي اللي صُرا.

## خُطبة بُطرُس فالمُعمَد

11 وكي كان الكعوان اللي برا لاصَق في بُطرُس ويوحَنّا، جُرا ليهُم الشَعب وهُوَ مَدهوش للسطوان اللي يُقولولو سطوان سُليَمان. 12 كي شاف بُطرُس هاد الشي، قال للشَعب: "يا رْجال إسرائيل، وَعلاش راكُم مَستَعجبين في سطوان سُليَمان. 15 كي شاف بُطرُس هاد الشي، قال للشَعب: "يا رْجال إسرائيل، وَعلاش راكُم مَستَعجبين في هاد الشي ووَعلاش راكُم تَغْزُرو فينا كي اللي بقُوتنا وبالتقوى مُتاعنا اللي رَجَّعنا هاد الراجَل يَمشي؟ 13 إلَه إبراهيم وإسحاق ويعقوب، إلَه جْدودنا عَضَّم خْديمو يَسوع اللي سَلَّمتوه ونْكَرَتوه قُدَّام بيلاطس اللي كان حاب يَطلقو، 14 بَصَح أَنتومَ نُكرَتو القُدّوس والصالح وطلبَتو باش يَعفيوَلكُم على راجَل قَتّال، 15 وقْتلتو رايَس الحياة اللي حياه الله مالموت وحْنا شاهدين. 16 بالإيمان بيه هُو اللي رَد الصَحّة طاد الراجَل قُدّام في الإيمان بيه هُو اللي رَد الصَحّة طاد الراجَل قُدّام عُدَام الله عَلم المَل عُدَام الله عَلم الله عَلم المَل عَلم المَل الله عَلم المَل عَلم المَل الله عَلم المَل الله عَلم المَل الله عَلم المَل الله عَلم المَل عَلم الله عَلم المَل عَلم المَل عَلم المَل عَلم المَل الله عَلم المَل الله عَلم المَل عَلم المَل عَلم المَل عَلم المَل الله عَلم المَل المُل عَلم المَل الله عَلم المَل الله عَلم المَل عَلم المَل الله المَل الله عَلم المَل عَلم المَل الله عَلم المَل الله المَل المَل المُل عَلم المَل المُل المَل المُل المَل المُل المَل المُل المَل المَلْت المَل المَل

17 ودُرك يا الخاوة، راني عارَف باللي دَرتو هاد الشي خاطَر كُنتو جاهلين كي أنتومَ كي رِيّاسَكُم. 18 الله حَقَّى الشي اللي سْبَق وخَبَّر بيه بفُم كامَل الأنبيا، باللي المسيح رائج يَتعَدَّب، 19 همّالا توبو وأرَّجعو باش يَتَّحاو دْنوبكُم، 20 باشي يْجَو وْقات وين يُفَرَّج الرّب من عَندو، ويَبعَت يَسوع المَسيح اللي خَيَّرهولكُم من قُبَل، 21 واللي لازَم يبقا فالسُما حَتَّى للوقت اللي يَنسَقَّم فيه كُل شي كيما قال الله من زْمان بفُم الأنبيا مْتاعو القَديسين. <sup>22</sup> وقال موسى باللي الرب إلهَكُم يُخَرَّج من بين خاوَتكُم نَبي كيما هُو، تَسَّمعولو في كُل شي يْقولهولكُم، <sup>23</sup> وكُل واحَد ما يَسمَعش لهاد النبي يَتَّعا من الشَعب. <sup>24</sup> وكامَل الأنبيا من صَموئيل واللي جاو موراه هَدرو وخَبرو على هاد اليامات. <sup>25</sup> أنتومَ

وْلاد الأنبيا، والعَهد اللي عاهَد بيه الله جْدودنا وقال لإبراهيم: "وفي دَريَّتك تَتبارَك كامَل عْشايَر الأرض"، <sup>26</sup> ليكُم أنتومَ مع الأوَّل. الله حيا وْليدو يَسوع وبَعتو باش يْبارَككُم كي يْرَد كُل واحَد من شَرو.

4

## بُطرُس ويوحَنّا قُدّام رِيّاس الْيهود

أ وكي كانو يَهَّدرو مع الشَعب، جاو ليهُم رْجال الدين ورايَس المَعبَد والصَدَّوقِيَّين، ² وهومَ مْغَششين على جال اللي كانو يْعَلَمو فالْحَبس حَتَّى لغَدوة من داك خاطر كانو مع الشِيَّة. 4 كاين بَزَّاف من اللي كانو سَمعو الكَلهة، اللي آمنو وولا و واحد الخَمس آلاف راجَل.

<sup>5</sup> وغَدوة من داك، تُلَّو رِيَّاسَهُم وشْيوخَهُم والكُمَّابِ مْتَاعَهُم في أُورشَليم، <sup>6</sup> مع حَنَّان رايَس رْجال الدين وقيافا ويوحَنَّا وسْكَندَر وكامَل اللي من سْلالة رِيَّاس رْجال الدين. <sup>7</sup> وبعد ما حَطّو بُطرُس ويوحَنَّا فالوَسط بْداو يْسَقسيو فيهُم: "بواش من القُدرة وبآسَم شْكون دَرتو هاد الشي؟" <sup>8</sup> داك الوقت، قاللَهُم بُطرُس وهُو مُعَمَّر بالروح القُدّوس: "يا رِيَّاس الشَعب ويا شْيوخ إسرائيل، <sup>9</sup> ولّا رائحُ تَجَّتو فينا على خير دَرناه لراجَل مْريض باش نْقولولكُم كيفاش بْرا؟ <sup>10</sup> يْكون في مَعلومكُم أُنتومَ كامَل وكامَل شَعب إسرائيل، باللي بآسَم يَسوع المَسيح الناصري اللي صْلَبتوه أُنتوم واللي صْلَبتوه أُنتوم البَّنايين واللي ولاّت راس واللي عْفَرتوها أُنتوم البَنَّايين واللي وَلاّت راس الزوية. <sup>12</sup> ماكانش السْلاك بواحَد آخُر غيرو، خاطَر ماكانش آسَم آخُر تَحَت السْما نَعطا بين الناس بيه نَسَّلكو."

13 كي شافو التقة مْتاعهُم، سْتَعجبو خاطَر كانو عارفين باللي بُطرُس ويوحَنّا ماشي قاريين وماشي مَتعلّمين، وعَقلوهُم باللي كانو مع يَسوع، 14 وعلى حْساب اللي شافو الراجَل اللي بْرا واقَف معاهُم، ما لْقاوش واش يْقولو، 15 وآمروهُم باش يُخَرَّجو من الجَلَس الديني باش يَتشاورو عليهُم ما بيناتهُم، 16 وقالو: "واش نْديرو لهاد الناس؟ خاطَر شاع الخُبَر عند كامَل ناس أورشَليم باللي مُعجِزة مَعروفة نْدارَت على يَدّهُم وما نَقَدروش نَتْكرو، 17 بَصَّح، باش هاد الشي ما يْزيدش يْشيع كْتَر عَند الشَعب، هَيّا نَجَّلَفو فيهُم باش ما يْزيدو يَدُكُرو هاد الآسَم لحتّى واحَد." 18 وبَعد ما عَيَّطولهُم، وَصَّاوهُم باش ما يْزيدوش يَهْدرو وَلاّ يْعَلّمو بآسَم يَسوع.

19 بُطرُس ويوحَنّا جاوبو وقالولهُم: "شوفو وَلاّ حَق قُدّام الله باش نَسَّمعولكُم أنتومَ وغُخَلّيو الله؟ <sup>20</sup> خاطَر حْنا ما نَقَدروش ما نَهَدروش على الشي اللي شَفناه وشَمَعناه." <sup>21</sup> وبَعد ما زادو حَلفو فيهُم، طَلقوهُم خاطَر ما لْقاوش سَبّة باش يْعاقبوهُم على جال الشَعب، خاطَر كانو كامَل يْعضّمو فالله على اللي صْرا. <sup>22</sup> والراجَل اللي صارَت فيه المُعجزة وبْرا، كان عَندو كْتَر من رَبعين سْنة.

صْلاة المومنين

23 كي خَرجو بُطرُس ويوحَنّا، راحو عَند صُحابُم وحْكاوَلهُم كامَل واش قالولهُم رِيّاس رْجال الدين والشّيوخ. 24 كي سَمعوهُم، رَفدو صوتهُم كامَل كيف كيف لله وقالو: "سيدنا، أنتَ هُو اللي دَرت السّما والأرض والبّحر وكُل ما فيهُم، <sup>25</sup> وهَدا كُلامَك اللي قالو الروح القُدّوس بفَم جَدنا داوَد عَبدَك: "وَعلاش تُهوّلو الأُمّات ووَعلاش خَمو الشّعوب بالباطَل؟ <sup>26</sup> شلاطن الأرض ناضو والرِيّاس تُحاماو على الرّب وعلى المَسيح مْتاعو، <sup>27</sup> خاطر صَح، هيرودَس وبيلاطَس البُنطيّ تُحاماو في هاد المدينة مع الأُمّات، وشْعوب إسرائيل على خْديمَك القُدّوس يَسوع اللي دْهَنتو، <sup>28</sup> باش يْديرو كامَل واش عَوَّلت بِيَدَّك وقْصَدت من قْبَل باش يَصرا، <sup>29</sup> ودُرك، شوف يا رَب كيفاش راهُم يَحَّلفو فينا، وأعطي لعْبادَك باش يُهَّدرو بكُلامَك بِتِقة كاملة، <sup>30</sup> ومَدّ يَدَّك باش يَبراو الناس ويَصراو مُعجِزات وعُجْايَب بآسَم خْديمَك القُدّوس يَسوع." <sup>31</sup> وكي صَلاَّو، تْزَعزَع المُكان اللي كانو مَتلَّسِن فيه وتَعَمَّرو كامَل بالروح القُدّوس وكانو يَهَّدرو بكُلام الله وهومَ واتقين.

## المومنين يَتقاسمو مْلاكهُم

<sup>32</sup> وكان عَند الجُماعة اللي آمَنت قلب واحد ونَفَس واحدة، وحَتى واحَد ما كان يْقول على رَزقو باللي مْتاعو وكانو مَتشاركين في كُل شي، <sup>33</sup> وكانو الرُسُل يَشَّهدو لقيامة الرَب يَسوع بقُدرة ثبيرة، وكانت عليهم كامَل نعمة ثبيرة، <sup>34</sup> وحَتى واحَد فيهُم ما كان مَتاج خاطَر كامَل اللي كانو عَندهُم تْراب وَلا ْديور، كانو يْبيعوهُم ويْجيبو سومَتهُم، <sup>35</sup> ويْعَطّوها عَند رَجلين الرُسُل، وكان هاد الشي يَتفَرَّق على حْساب ما يَسَحَق كُل واحَد. <sup>36</sup> ويوسَف اللي سَمَّاوَه الرُسُل بَرنابا ومَعنَتها "وْليد العْزا" لاوي من قُبُرُص، <sup>37</sup> كان عَندو تْراب، باعو وجاب الدْراهَم وحَطهُم عَند رَجلين الرُسُل.

5

## حَنانِيّا وسَفّيرة

1 واحَد الراجَل واسمو حَنانيّا مع مَرتو سَفّيرة باع مَلك، 2 ونَقَص، وهُوَ مَتفاهَم مع مَرتو، من الدْراهَم اللي كُسَبُهُم من البيع وجاب الباقي وحَطّو عَند رَجلين الرُسُل. 3 قال بُطرُس: "حَنانيّا، عْلاش عَمَّر الشيطان قَلبَك باش تَخلَع الروح القُدّوس وتَدّي من سومة الحوش؟ 4 قَبْل ما يَنباع، ماشي كانَ مْتاعك؟ وبَعد ما نْباع، سومتو ماشي كانَت عَندَك؟ كيفاش عَوَّلت في قَلبَك تْدير هاد الشي؟ ماشي على الناس اللي كُدَبت، كُدَبت على الله." 5 غير سُمّع حَنانيّا هاد الكُلام طاح ومات، وطاح خوف عُبير على كامَل اللي سَعو بهاد الشي، 6 وناضو مُصاغَر، كَفّنوه وأدّاوه، دَفنوه.

<sup>7</sup> واحد التكت سُوايَع من بَعد، دَخلَت مَرتو وهِيَ ماشي عارفة واش صْرا. 8 كَلَّمها بُطرُس: "قوليلي، بَعتو الحوش بهاد السومة؟" قالَت هِيَ: "إيه، بهاد السومة"، 9 قاللها بُطرُس: "كيفاش تْفاهَمتو باش ثُجرَّبو روح الرَب؟ هامليك، اللي دَفنو راجلُك عَند الباب، يَدّيوُك." 10 وتَم تَم طاحَت عَند رَجليه وماتَت. كي دَخلو المْصاغَر، لْقاوها مِيِّتة، رَفنو ها ودَفنوها قُدّام راجَلها. 11 طاح خوف عُبير على كامَل الكنيسة وعلى كامَل اللي سَععو بهاد الشي.

## الرُسُل يَشِفيو ناس بَرَّاف

12 صْراو مُعجِزات وغْجايَب بَرَّاف في وَسط الشَعب على يَد الرُسُل، وكانو كامَل كيف كيف عَند سطوان سُلَيمان، 13 وحَتَّى واحَد من الأخرين ما كان يَقدَر يْخالَطهُم بَصَّح الشَعب كان يَستَعرَف بيهُم. <sup>14</sup> اللي كانو يامنو بالرَب كانو يْزيدو كْتَر وكْتَر، غاشي من الرْجال والنْسا، <sup>15</sup> حَتَّى وَلاَّو يَدَّيو المَرضى للزْنَق ويُحَطّوهُم على فْراشات وبْناك باش كي يْجوز بُطرُس، يا لو كان الضَل مْتاعو يْغَطّي واحَد فيهُم. <sup>16</sup> كان الغاشي يَتلَم من المُدايَن اللي في جُوايَه أورشَليم، يُجيبو المَرضى والناس المُعدِّبين بالأرواح الناجسين، وكانو كامَل يَبراو.

الرُسُل يَنحَقُرو

17 ناضُ رايَس رْجال الدين وكامَل اللي معاه من مَلّة الصَدّوقِيّن وهومَ مْعَمّرين بالغيرة، 18 وحكمو الرُسُل ورْماوهُم في حَبس الحُكومة. 19 فالليل، حَل مْلاك من الرَب بيبان الحَبس وخَرَّجهُم وقال: 20 "روحو، أُوَّقنو وأُهَّدرو للشَعب فالمَعبَد كامَل كُلام هاد الحَياة." 21 كي سَمعو هاد الشي، صَبّحو من الفْجَر فالمَعبَد وبْداو يْدَرّسو، وَصلو رايَس رْجال الدين واللي معاه وعَيّطو للمَجلَس الديني وشيوخ بْني إسرائيل وبَعتو يْجيبو الرُسُل من الحَبس. ورَجعو يُخَبِّرو، 23 وقالو باللي لْقاو الحَبس مَعلوق مْليح، العَسّاسين واقنين برّا فَدّام البيبان وكي حَلّينا ما لْقينا حَتّى واحَد الداخَل.

<sup>24</sup> كي رايَس عَسكر المَعبَد ورِيّاس رْجال الدين سَمعو هاد الكُلام، حارو في هاد الشي واشن هُوَ. <sup>25</sup> جا واحَد وخَبَرهُم باللي الرْجال اللي حَطّيتوهُم فالحَبس، راهُم فالمَعبَد واقفين يُدرّسو فالشَعب، <sup>26</sup> داك الوَقت، راح رايَس العَسكر مع الحُدّامين، وجابوهُم، وَقَنوهُم قُدّام الجَلَس الديني وسَقساهُم رايَس رْجال الدين <sup>28</sup> وقال: "ماشي آمرناكم ومْنعناكم باش ما تْزيدوش تُدرّسو بهاد الآسَم، الديني وسَقساهُم رايَس رْجال الدين <sup>28</sup> وقال: "ماشي آمرناكم ومْنعناكم باش ما تْزيدوش تُدرّسو بهاد الآسَم، وأنتوم عَمَّرتو أورشَليم بالتَعليم مُتاعكم وراكم حابين تُردّو موت هاد الراجَل على رَقبَتنا." <sup>29</sup> جاوَب بُطرُس والرُسُل وقالو: "لازَم نُطيعو الله ماشي الناس، <sup>30</sup> إله جُدودنا حْيا يَسوع اللي قُتَلتوه بَيدّيكم وعَلَّقتوه فالحُطَب، <sup>13</sup> الله طَلّعو ليْمينو ودارو رايَس وسَلاك باش يَعطي لإسرائيل التوبة وغُفران الدْنوب، <sup>22</sup> وحْنا شُهودو في هاد الشي، حْنا والروح المُدوس اللي عُطاه الله للي يُطيعوه."

33 كي سَمّعو هاد الكَّلام، تُغَشَّشو وحَبِّو يَقُتلوهُم، 34 بَصَّح ناض فالجَلَس الديني واحد الفَرِّيسي واسمو مَمَالائيل، شيخ مْتاع الشَريعة ومحبوب عَند كامَل الشَّعب، وآمَر باش يَخُرجو الرُسُل شُويّة، 35 وقاللَهُم: "يا رْجال إسرائيل، رَدّو بالكُم على روحكُم واش رايحين تُديرو لهاد الناس، 36 خاطَر غير كيما، ناض توداس حاسب روحو حاجة، وتبّعوه واحَد الرَبع مْية راجَل. أَتَّمَتل وكامَل اللي تبّعوه تُزربعو وما بْقا منهُم والو. 37 من بَعد، زاد ناض يَهودا الجُليلي في وقت الحُساب وجْبَد الشَّعب لجيهتو. مات هُو تاني وتْزَربعو اللي تبّعوه، 38 ودُرك نُقوللكُم، بَعَدو على هاد الخليل الله عنه عند الناس وخَليوهُم، وَلا جا هاد الآمَر وَلاّ هاد الخَدمة من عَند الناس، رايحة تَبطَل، 39 بَصَّح وَلاّ جات من عَند الله، ما تَقَدروش تَبطّلوها، بَلاكو تَلقاو روحكُم تُحاربو فالله." تُقنّعو بكُلامو، 40 وعَيطو للرُسُل، جَلدوهُم ومَنعوهُم يُريدو يَهَدرو باسَم يَسوع وطَلقوهُم.

<sup>41</sup> راحو الرُّسُل من المجَلَس الديني، وهومَ فَرحانين كي سْتاهلو يَنهانو على جال آسَم يَسوع، <sup>42</sup> وبْقاو كُل يوم يْدَرَّسو فالمَعبَد وفالدْيور ويْبَشّرو بيَسوع المَسيح.

6

## تَخيار سَبعة باش يْعاونو الرُسُل

أ في هَدوك اليامات، كانو التابعين يْزيدو، وشَتكاو اليونانيّين من العبرانيّين خاطَر كانو يَنساو الهَجّالات مْتاعهُم كي يْفَرّقو الصَدقة مْتاع كُل يوم.
 2 عَيطو الرُسُل الطْناش جْمَاعة التابعين وقالو: "ما والمَتش غْلَيو حْنا كَلمة الله بالله باله

ونُكَلَّفُوهُم بهاد الخَدَمة، 4 وحْنا، نْداومو فالصْلاة وخَدمة الكَلهة." 5 هاد الكُلام عُجْب الجُماعة كامَل وخَيْرو سْتفانوس، راجَل مْعَمَّر بالإيمان والروح القُدّوس وفيلبَّس وبُروخورس ونيكانور وتيمون ويَرميناس ونيقولاوس الأنطاكي اللي وَلاَ يُهودي، 6 وقَدّموهُم للرُسُل اللي بَعَد ما صَلاّو، دارو يَدّيهُم عليهُم. 7 كَلمة الله كانت نَشيع والتابعين يَكَّترو بَرَّاف في أورشَايِم وغاشي كْبير من رْجال الدين نُطاعو للإيمان. 8 سْتِفانوس كان مْعَمَّر بالنَعمة والقُوّة وكان يُدير عُجايَب ومُعجزات نُجار ما بين الشَعب.

# يقَّبضو على سْتِفانوس

<sup>9</sup> ناضو شي ناس من الجَمَع اللي يْقولولو بَجَع الحْرار والقيروانيّين والسْكَندريّين واللي من كيليكيّا وآسيّا وبْداو يَتناقشو مع سْتفانوس، 10 وما قدروش يْقاومو العْقَل والروح اللي كان يَهدَر بيه، 11 همّالا، خَلّصو ناس باش يْقولو: "شَعَناه يْسَب موسى والله." 12 حَرَشو الشَعب والشيوخ والكُتّاب وجاو حكموه وأدّاوه للهَجلس الديني، 13 وجابو شُهود زور يْقولو: "هاد الراجل ما يْحبَسش وهُو يْسَب فالمُكان المُقدَّس وفالشَريعة، 14 خاطَر سْمَعناه يْقول باللي يُسوع، هَداك الناصري، يْرَيَّب هاد المُكان ويَبدَّل العوايد اللي خَلاّهُملنا موسى." 15 كامَل اللي كانو قاعدين فالجَلَس الديني خَرو فيه، وبانلَهُم وَجهو كي وَجه المُلاك.

7

# سْتِفانوس يْجُوز فالشْرَع عَند الْيهود

أ قال رايَس رْجال الدين: "هاد الشي صح؟" 2 قال ستفانوس: "يا الخاوة ويا الوالدين، أَسَّمُعو. إلَه الجَد ضُهَر لِجَدّنا إبراهيم كي كان في مسبوطميا، قُبَل ما يَسكُن في حاران، 3 وقاللو: "أَخرَج من بُلادك ومن عَند مُواليك وروح للبُلاد اللي نُورّيهالك." 4 غُرَج داك الوقت إبراهيم من بُلاد الكَلدانيّين وسْكَن في حاران، ومَن تَم، بَعد ما مات باباه، رَحّلو الله لهاد البُلاد اللي رائم ساكنين فيها دُرك. 5 ما عُطالو فيها حَتّى مَلك، ما عُطالوش حَتّى وين تعفّس رَجلو، بَصَّح وَعدو بأش يُمَلّكهالو ليه ولدّريتو من بَعدو والو ما سُعاش الدْراري. 6 قاللو الله باللي دَريّتو رايحة تسكُن فالغُربة، ويُولّيو عُبيد ويَنهانو مُدّة رَبع مْية سْنة، 7 وقاللو باللي الأُمّة اللي رايحين يُكونو فيها عُبيد، أنا الله اللي غُلسَبُها، أومبَعد يَخُرجو ويَعْبدوني في هاد المُكان. 8 وعُطالو عَهد الخُتانة وهَكدا جاب إسحاق وخَتّنو فاليوم التامَن، وإسحاق جاب يعقوب وجاب يعقوب الريّاس الجُدود في طُناش. 9 غارو الجُدود الأولين من يوسَف وباعوه لمَصر وعلى دارو.

11 وجات مجَاعة في بْلاد مَصَر كامَل، وفي كَنعان وكانَت المَحنة كْبيرة وجْدودنا ما لْقاوش واش ياكلو. 12 كي شُعَ يعقوب باللي كايّن الماكلة في مَصر، بْعَت جْدودنا المَرّة الأولى، 13 والمَرّة التانية، كُشف يوسَف روحو لخاوتو وعُرُف فَرعون مْواليه وكانو نَحمسة وسَبعين نَفس، وعُرُف فَرعون مْواليه وكانو نَحمسة وسَبعين نَفس، أدا هُبُط يَعقوب لمَصر ومات هُو وجْدودنا. 16 أَدَّاوِهُم لشّكيم وحَطّوهُم فالمَدفَّن اللي شْراه إبراهيم بالدْراهَم من ولاد حَمّور باباة شّكيم، 17 كي قرَّب الوقت باش يَتَحَقَّق الوَعد اللي حْلَف بيه الله لإبراهيم، كان الشّعب يكترّ ويْزيد

في مَصَر، <sup>18</sup> حَتَّى وين جا سَلطان واحَدآخُر في مَصَر ما كانش يَعرَف يوسَف. <sup>19</sup> هاد السَلطان غْدَر بسْلالَتنا وهان جْدودنا وحَتَّم عليهُم يْسَلّمو وْلادهُم للموت.

<sup>20</sup> في هَداك الوَقت، زاد موسى وكان شْباب عَند الله. تُربّا مُدّة تَلت شُهور في دار باباه، <sup>12</sup> وبَعد ما خَلاَوَه، أَدّتو بَنت فَرعون ورَبّاتو كي وْليدها. <sup>22</sup> ثُربّا موسى على كامَل العْقَل مْتاع المَصريّين وكان قادر فالقُوال والفْعال. <sup>23</sup> كي وَلاّ في عَمرو رَبعين سْنة، جا في بالو يْروح يْفاقَد خاوتو بْني إسرائيل. <sup>24</sup> شاف واحَد مَضلوم، حاما عليه وجابلو حَقّو وقتَل المَصري. <sup>25</sup> حُسَب خاوتو يَقَهمو باللي الله رائح يُسلَّكُهُم على يَدّو بَصَّح هومَ ما فَهموش. <sup>26</sup> فاليوم اللي من بَعد، زاد راح عَند خاوتو ولْقا زوج مَنهُم يَتضاربو، حَب يَصلَح بيناتهُم وقال: "يا رْجال، ياخي أنتومَ خاوة، عُلاش تَضَّلمو بَعضكُم بَعض؟" <sup>27</sup> اللي كان يَضلَم في خوه دَفّعو وقاللو: "شْكون حَطَّك رايس وقاضي علينا؟ علينا؟ <sup>28</sup> راك حاب تَقتَلني كيما قُتَلت المَصري البارَح؟" <sup>29</sup> على هاد الكَلمة، هْرَب موسى وتْغَرَّب في بْلاد مَديان وين سُعا زوج دراري.

30 رَبِعين سْنة من بَعد، ضْهَرلو مْلاك الله فالصَحرا مْتاع جْبَل سينا في نار لاهبة فالعَلاَيْڤ. <sup>31</sup> كي شاف موسى، سْتَعجَب فالشي اللي كان يشوف فيه، وثَدَّنَا باش يُحقَّق، وشَمَع صوت الرَب: <sup>32</sup> "أنا إلَه جُدودك، إلَه إراهيم وإسحاق ويَعقوب." بْدا موسى يَتَرعَد وما قُدَرش يُخزَر، <sup>33</sup> قاللو الرَب: "نَحِّي سَبّاطك من رَجليك خاطر المُكان اللي راك واقف عليه أرض مُقَدّسة، <sup>34</sup> راني شَفت عْداب شَعبي اللي راهو في مَصر، وسْمَعت النزاع مْتاعهُم، ومُبَطت باش نُسْلَكُهُم. هَيّا دُرك بَبَّعَتَك لَمَصر."

35 هدا موسى اللي نكروه وقالو: "شكون حَطَّك رايس وقاضي؟" هُوَ اللي بَعتو الله رايس وسَلاَك على يد الملاك اللي ضْهرلو فالعَلاَيْڤ، 36 وهُوَ اللي خَرَّجهُم وهُوَ يْدير فالعْجايَب والمُعجِزات في بْلاد مَصر وفالبْحَر الحُمر وفالصَحرا مُدة رَبعين سْنة.

<sup>37</sup> هَدا موسى اللي قال لبيني إسرائيل: "الله رايح يُخرَّج من خاوتكُم نبي كيما أنا"، <sup>38</sup> هُو اللي كان فالجُماعة فالصَحرا مع المُلاك اللي كان يُكلّمو في جْبَل سينا ومع جْدودنا، هُو اللي جاب كُلام حَي باش يَعطيهولنا، <sup>39</sup> هُو اللي ما حَبّوش جْدودنا يْطيعوه، وبعّدوه ورَجعو بقْلوبهُم لمَصر، <sup>40</sup> وقالو لهارون: "أَخدَمَّلنا آلِمة تَمشي قُدّامنا، خاطَر موسى هَدا اللي خَرَّجنا من بلاد مَصر ما راناش عارفين واش صرالو." <sup>41</sup> وخَدمو وكريف في هَدوك اليامات ودَبحو للصَمْ وفَرحو بخَدمة يَدّيهُم، <sup>42</sup> همّالا، دار عليهُم الله وسَلَّمهُم باش يَعَبدو جيش السَّما كيما راهو مَكتوب في ثمّاب الأنبيا: "يا بني إسرائيل، وْهَبَتولِي ضُحِيّات ودْباَيحُ مُدّة رَبعين سُنة فالصَحرا؟ <sup>33</sup> (فَدتو الخيمة مُتاع مولوك، والنَجمة مُتاع أَلُهُم رَمُفان، هَدوك الصَّنام اللي خُدَمتوهُم باش تَعَبدوهُم، وأنا نَنفيكُم بْعيد على بابَل."

44 خيمة الشُهادة كانَت عَند جُدودنا فالصَحرا كيما آمَر بيها اللي قال لموسى يُخدَمها على حْساب الصِفة اللي كان شافها، <sup>45</sup> جُدودنا مَلكوها وأدّاوها مع يَشوع كي عَرّاو الأُمّات اللي خَرَّجهُم الله بَرّا قُدّام جُدودنا وبْقات حَتّى لزُمان داوَد، <sup>46</sup> اللي لُقا نَعمة عَند الله وطْلَب يَلقا مَسكَن لإلَه يَعقوب. <sup>47</sup> سُليَمان هُو اللي بْنالو الدار، <sup>48</sup> بَصَّح العالي ما يَسكُنش فاللي مُخدوم بَيدّين العْباد، كيما يْقول النّبي: <sup>49</sup> "السْما عَرشي والأرض وين نُحْط رَجِليَّ. واش من مدرَب تُكون فيه راحتي؟ <sup>50</sup> ماشي يَدي اللي دارَت هاد الشي كامَل؟"

أد يا خشان الراس، يا اللي قلوبكم وودنيكم ماشي غنتنين، أنتومَ دايمًا ثقاومو الروح القدّوس. كيما كانو جْدودكم، هكدا أنتومَ. 52 شْكون فالأنبيا اللي جْدودكم ما حَڤروهش؟ قَتلو اللي خَبْرو من قْبَل بمْجي الصالح اللي دُرك أنتومَ كُنتو الخدّاعين والقَتّالين مْتاعو، 53 أنتومَ اللي أدّيتو الشَريعة اللي وَصّلوهالكم الملايكة وما شتحفَضتوش عليها."

# سْتِفانوس يَتَّرَجَم ويَسَتَشهَد

54 كي سَمعو هاد الشي، تُغزّلو وبْداو يُغزّو في سْنانهُم عليه. 55 بَصَّح هُو خُزَر للسْما وهُو مُعَمَّر بالروح القُدّوس وشاف مَجد الله ويَسوع واقف على يُمين الله، 56 وقال: "هاني نشوف السْماوات محلولين وبْن الإنسان واقف على يُمين الله." 57 كي قال هَكدا، عَيْطو بالزور وسَدّو وَدنيهُم وهجمو عليه كامَل على مَرّة، 58 وكركروه لخارَج المدينة ورَجموه، والشهود حَطّو حُوايَجهُم عَند رَجلين واحَد الراجَل واسمو شاوَل، 59 وكانو يَرَّجمو في سُتفانوس، اللي كان يَدَّكُر ويْقول: "رَبِّي يَسوع، أدِّي روحي"، 60 ورْكَع على رْكايبو وعَيَّط بالزور: "رَبِّي، ما تَحَسَبش عليهُم هاد السِيّة." وغير قال هكدا، رْقَد.

8

## الكَنيسة تُخفَّر وتَنفرَق

ا شاوَل كان رَاضي على قْتيلتو. وصْرات في هَداك الزْمان حُڤرة كْبيرة ضَدّ كَنيسة أورشَليم وكامَل من غير الرُسُل تْزَربعو فاليَهوديّة والسامرة. 2 ناس تاقيين دَفنو سْتِفانوس ودارو عليه مْنوحة كْبيرة، 3 بَصَّح شاوَل، كان يَحْفَر فالكَنيسة وكان يَدخُل للدْيور، يُكْرَكُر منهُم رْجال ونْسا ويَرميهُم فالحَبس.

# فيرلبش فالسامرة

4 وهَدوك اللي تُزَرِبعو، كانو يُروحو من مَضرَب لَمضرَب وهومَ يَبْشَرو بالكَلمة، 5 وهْبَط فيلبِّس لواحَد المُدينة فالسامرة وكان يَبْشَر بالمُسيح، 6 كان الغاشي كامَل يَسمَع مُليح لكَّلام فيلبِّس كي عَرفو وشافو المُعجِزات اللي كان يُديرهُم، 7 خاطر بَزّاف من اللي كانو مَسكونين، خَرجو مَنهُم الأرواح الناجسين وهومَ يُعيَّطو بالزور، وبَزّاف من اللي كانو مَسلولين وكعوانين براو، 8 وكانَت فَرحة خُبيرة في هَديك المُدينة.

#### سيمون السحار

و وكان من قُبل فالمدينة واحد الراجل واسمو سيمون، هاد الراجل كان يدير السْحَر، ويْدَهَش شَعب السامرة وحاسب روحو حاجة خبيرة، 10 وكانو كامَل من الصْغير للكْبير يَسَّمعولو مْليح ويْقولو: "هَدا هُوَ قُدرة الله الكْبيرة." 11 وكانو يُتبعوه خاطر زْمان طويل وهوم داهشين فالسْحَر مْتاعو، 12 بَصَّح كي آمنو فيلِبُس اللي كان يُبشَّرهُم بالحاجات مْتاع مُلكوت الله وبآسَم يَسوع المَسيح، تْعَمدو رْجال ونْسا. 13 سيمون بالدات آمَن تاني وبعد ما تُعَمَّد، بْقا لاصَق في فيلِبُس وكي شاف المارات والمُعجِزات اللي كانو يَندارو، دْهَش.

14 كي سَمعو الرُسُل في أورشَليم باللي ناس السامرة قبلو الكَلمة، بَعتولهُم بُطرُس ويوحَنّا. 15 وكي وَصلو لعَندهُم، صَلاّولهُم باش يْنالو الروح القُدّوس، 16 خاطَر كان مازال ما جا على حَتى واحد فيهُم، وكانو متعمّدين غير باسم رَبّي يَسوع. 17 داك الوَقت، دارو بُطرُس ويوحَنّا يَدّيهُم عليهُم ونالو الروح القُدّوس. 18 وكي شاف سيمون باللي

الروح القُدّوس يَنعطا للناس كي يُديرو عليهُم الرُسُل يَدّيهُم جابَلهُم الدْراهَم، 19 وقال: "أعطيوني أنا تاني هاد القُدرة باش اللي نْدير عليه يَدّيَ يْنال الروح القُدّوس." <sup>20</sup> همّالا قاللو بُطرُس: "أفنا بانتَ بدْراهمَك كي حْسَبت باللي هِبة الله تُنكسَب بالدْراهَم، <sup>21</sup> ما عَندَك لا نْصيب لا قَسمة في هاد الآمر خاطر قلبَك ما راهوش قْبالة قُدّام الله، <sup>22</sup> توب على شَرَّك وأُطلَب من الله بَلاك يَغفَرلَك تَخام قَلبَك، <sup>23</sup> راني نشوف فيك في مْرارة المُر ورْباط الضَمْ." <sup>24</sup> جاوَب سيمون وقال: "أُطَّلبو أنتومَ رَبِّي على جالي باش ما يَصرالي حَتِّى شي من اللي قُلتوه." <sup>25</sup> وبَعد ما شَهدو وهَدرو بكَلهة رَبِّي، رَجعو لأورشَليم وبَشَرو في دْشور بَزّاف مْتاع السام ِيّين.

### فيلِبس والمَخَصي الحَبَشي

<sup>26</sup> كُلِّم مْلاك رَبِّي فِيلِبُّس وقال: "نوض وروح من جيهة الجنوب، على الطْريق الخالية اللي تُهبَّط من أورشَليم لغَزّة." <sup>27</sup> ناض فِيلِبُّس وراح، واحَد الحَبَشي، مخصي، وَزير عَند كَنداكة سَلطانة الحَبَشة ومُوكَّل على كامَل مُوالها، كان جا لأورشَليم يْحَج، <sup>28</sup> وكان راجَع لبْلادو، قاعَد على الكاليش، كان يقرا في ثكّاب النبي إشعيا وقاللو: "راك تَفهَم لفيلِبُس: "أَدَّنا وأَلحَق هاد الكاليش"، <sup>30</sup> جُرا فيلِبُس وشَمَع المَخصي يقرا في ثكّاب النبي إشعيا وقاللو: "راك تَفهَم واش راك تَقرا؟" أقراء أو عَرض فيلِبُس باش يَطلَع يُقعَد واش راك تَقرا؟" أقراء أو بو الحَبَشي: "كيفاش نفهَم بْلا ما كاش واحَد يُورِّيلي؟" وعْرَض فيلِبُس باش يَطلَع يُقعَد معاه. <sup>32</sup> الحَبشي كان يقرا وين مكتوب: "كركوه كي الشاة للديحة، وكي الكبش الساكت قُدّام اللي يجَزّوه، هكداك ما حَلش فَوّ، <sup>33</sup> فالدَل مْتاعو، غُنَّاولو حَقّو، شُكون يُخَبَّر على دَرِيِّتو، خاطَر تُنْخَات حْياتو من الأرض." <sup>34</sup> جاوَب المَخصي فيلِبُس وقال: "نَسْقسيك، على من راهو النبي يْقول هاد الشي؟ على روحو ولاّ على واحَد آخُر؟" <sup>35</sup> نُطَق فيلِبْس وبْدا من هاد النُكاب وبَشَرو بيسوع.

36 وكي كانو يَمشيو فالطريق، لُقاو الما. وقال المُخصي: "هاو الما، واش يَمنَع باش نَتَعَمَّد؟" 38 وآمَر باش يُحبَّسو الكاليش وهَبطو في زوج للما وعَمَّدو فيلِبُّس. <sup>39</sup> وكي طَلعو من الما، روح الرَب خْطَف فيلِبُّس، وغاب على عينين المُخصي اللي راح في طريقو فَرحان. <sup>40</sup> وفيلِبّس، لُقا روحو في أَشدود وجاز يُبشَّر في كامَل المُدايَن حَتَّى وْصَل لَقَيْصِرِيَّة.

9

#### توبة شاوَل وحْياتو الجْدْيدة

1 شاوَل كان مازالو شاحَن يَحلَف في تابعين الرَب ويَقتَل فيمُم، وراح لرايس رْجال الدين، <sup>2</sup> يَطلَب مَنّو بْراوات للمُجامَع مْتاع دِمَشق، باش لو كان يَلقا ناس، رْجال وَلاّ نْسا يَتبّعو هاد الطْريق، يْجِيبهُم مَكتّفين لأوْرشَليم. <sup>3</sup> وفي طُريقو، كي وْصَل قْريب لدِمَشق، تَم بْرُق سايَر داير عليه ضو من السْما، <sup>4</sup> طاح على الارض وسُمَع صوت يْقوللو: "شأول، شأول، غلاش راك شاحَن عليَّ؟" <sup>5</sup> قال شاوَل: "شْكون أنتَ يا رَب؟" قال الرَب: "أنا يَسوع اللي راك شاحَن عليه، <sup>6</sup> بَصَّح نوض وأدخُل للمُدينة ويَتقاللك واش لازَم تُدير." <sup>7</sup> الرْجال اللي كانو مُسافرين مع شاول وقفو مُنجين من الدَهشة، كانو يَشَمعو الصوت بَصَّح ما شافو حَتِّى واحَد. <sup>8</sup> ناض شاوَل من الأرض، ووالو عينيه كانو مَعلولين، ما كان يُشوف والو وقَودو من يَدّو ودَخّلوه لدِمَشق. <sup>9</sup> بُقا تَلت أيّلم بلا ما يُشوف وما ياكُل ما يَشرُب.

10 كان في دَمَشق تابَع واسمو حَنانيّا، قاللو الرَب في واحَد الرُؤيا: "حَنانيّا"، قال حَنانيّا: "هاني يا رَب"، 11 قاللو الرَب: "نوض وروح للزنقة اللي يْقولولها الْمُسَلّسة، وسَقسي في دار يَهودا على واحَد واسمو شاول من طَرسوس، خاطر راهو يْصَلّي، 12 وشاف في رُؤيا راجَل واسمو حَنانيّا يَدخُل ويْدير عليه يَدّيه باش يُوكِّي يْشوف." 13 جاوَب حَنانيّا: "رَبّي، شَمَعت من ناس بَرّاف على هاد الراجَل شُخال دار الشَر فالقَدّيسين مْتاعك في أورشَليم، 14 وهْنا، عَندو التَسريح من عَند رِيّاس رْجال الدين باش يُكتَّف كامَل اللي يَدُّكُوو آسمَك." 15 قاللو الرَب: "روح، خاطر هاد الراجَل خَيْرتو لِيَّ باش يُوصَّل آسمي عَند أُمّات وسلاطَن وعَند بْني إسرائيل، 16 ورايَح نُورّيلو شُحال لازَم يَتعدَّب على جال آسمي." 17 راح حَنانيّا ودْخَل للدار اللي كان فيها شاوَل ودار يَدّيه عليه وقال: "خوي شاوَل، الرَب يَسوع اللي ضْهَرلَك فالطريق اللي جيت منها بْعَتني باش تُولّي تُشوف وتَتعَمَّر بالروح القُدّوس." 18 تَم تَم، طاحو من عينه كي الفُشور ووَلا يُشوف وناض وتُعمَّد، 19 وبَعد ما كُلا ثقوّا.

### شاوَل في دِمَشق وأورشَليم

بْقا شاوَل يامات مع التابعين مْتاع دَمَشق، <sup>20</sup> وبالخَف بْدا يْبَشَّر فالجْامَع بيَسوع باللي هَداك هُوَ بْن الله. <sup>11</sup> كامَل اللي سَمعوه حارو وكانو يْقولو: "ماشي هَدا هُوَ اللي كان شاحَن على اللي كانو يَدَّكُرو هاد الآسَم في أورشَليم، وجا اللهنا باش يَدِّيهُم مَكَتَّفِين لرِيّاس رْجال الدين؟" <sup>22</sup> وشاوَل كان يَقوا كْتَر وكْتَر وكان يْغالَب الْيهود اللي كانو ساكنين في دِمَشق وهُو يَثَبَّت باللي يَسوع هُوَ المَسيح.

<sup>23</sup> جازو يامات بَرَّاف، أومبَعد عَوَّلو الْيهود باش يَقَتلوه. <sup>24</sup> عْرَف شاوَل بالشَرية مْتاعهُم وكانو يْعَسَّو حَتَّى البيبان نْهار وليل باش يَقَّتلوه. <sup>25</sup> وفي واحَد الليلة، أدَّاوَه التابعين وهَبَّطوه على الصور وهومَ مْدَلَّيينو في قُقّة.

26 كي جا لأورشَليم، حَبِّ يُكون مع التابعين بَصَّح كامَل خافوه وما آمنوش باللي وَلاَ تابَع. <sup>27</sup> هِمَّالا، حَكمو بَرنابا، أَدّاه للرُسُل وحْكالهُم كيفاش شاف شاوَل الرَب فالطْريق وهْدَر معاه الرَب وكيفاش بَشَر عيناني في دمشق بآسَم يَسوع. <sup>28</sup> وَلاَ شاوَل يَدخُل ويُخرَج مع الرُسُل في أورشَليم ويَهدَر عيناني بآسَم الرَب. <sup>29</sup> وكي كان يَهدَر ويتناقَش مع اليونانيِّين، حَبَّر يَقُتلوه. <sup>30</sup> كي سَمعو بيه الخاوة، هَبِّطوه لقيصريّة وبَعتوه لطَرسوس. <sup>31</sup> كانَت الكَنيسة هانية في كامَل اليَهوديّة والجُليل والسامرة، وكانَت تَبَت وتَمشي فالخوف مُتاع الرَب وتكتَر بمْعاونة الروح القُدّوس.

### إينياش يبَرا وطابيتا تْقوم

- 32 كان بُطرُس يْروح لكُل مْكان، وهْبَط عَند القَدّيسين اللي كانو ساكنين في لدّة، <sup>33</sup> لْقا تَمّة راجَل واسمو إينياس، راقَد فالفْراش من تَمن سْنين وهُو مَشلول. <sup>34</sup> قاللو بُطرُس: "إينياس، يَسوع المَسيح يَشفيك، نوض وسَقَّم فْراشَك"، تَم تَم ناض. <sup>35</sup> شافوه كامَل اللي كانو يَشكنو في لدّة وفي شارون وتابو للرَب.
- 36 وكان في يافا، من بين التابعين، مْرا واسَمها طابيتا ومَعنَتها غْزالة. كان عَندها بَرَّاف فْعال الخير وتْصَدَّق بَرَّاف. <sup>37</sup> مَرضَت في هَدوك اليامات وماتَت، غَسَّلوها وحَطّوها فالبيت الفوقانيّة. <sup>38</sup> لَدَّة كانَت قْريبة من يافا، وكي سَمعو التابعين باللي بُطرُس كان تَمَّة، بَعتولو زوج رْجال يَطَّلبو مَنّو يْجي ليهُم بْلا ما يْطَوَّل. <sup>39</sup> ناض بُطرُس وراح معاهُم، وكي وْصَل، أدَّاوَه للبيت الفوقانيّة ووَقفو عَندو كامَل الهَجّالات يَبكيو ويْوَرّيولو القَّمانِج والبْرانَس اللي كانت تْديرهُم

غْزالة كي كانَت معاهُم. <sup>40</sup> خَرَّجهُم بُطرُس كامَل، ورْكَع وصَلاّ، أومبَعد دار للدات وقال: "طابيتا، نوضي." حَلَّت طابيتا عينيها وكي شافَت بُطرُس تُقعَّدت. <sup>41</sup> عْطالها بُطرُس يَدّو ونَوَّضها، أومبَعد عَيَّط للقَدّيسين والهَجّالات وقَدَّمهالهُم حَيّة. <sup>42</sup> نَعرف هاد الشي في كامَل يافا وبَزّاف آمنو بالرَب، <sup>43</sup> وقْعَد بُطرُس يامات بَرَّاف في يافا عَند واحَد الدَّبَاغ واسمو سَمعان.

10

كَرنيليوس يَطلَب يْشُوف بُطرُس

أ كان في قيصرية واحد الراجَل واسمو كرنيليوس، قايد المية فالكتيبة اللي يُسميوها الطاليانية. 2 كان تقي ويْخاف الله هُو وكامَل ناس دارو، يْصَدَّق بَرّاف للشَعب ويْصَلِي لله في كُل وَقت. 3 جُوايه التُلاتة مْتاع العْشية، شاف مليح في واحد الرؤيا مْلاك مَن عند الله داخل عندو يْقوللو: "كرنيليوس"، 4 خْرَر فيه كرنيليوس وهُو خايف وقال: "واش يا رَبِي؟" قاللو الملاك: "صَلواتك وصَدقاتك طلعو تفكيرة قُدّام الله، 5 ودُرك، أبعت رْجال ليافا وجيب واحد الدبّاغ واسمو سَمعان ويْعيطولو بُطرُس، 6 راهو ساكن عند واحد الدبّاغ واسمو سَمعان، دارو جاية عَد البْحَر." 7 غير راح الملاك اللي كُلمو، عَيَّط كرنيليوس لزوج من الخدّامين مْتاعو وواحد العَسَّكري تقي من اللي كانو يْضَلّو معاه، 8 فَهَمَّلهُم كُل شي وبْعَتُهُم ليافا.

### بُطرُس يشوف رُؤيا

<sup>9</sup> غَدوة مَن داك، كانو هومَ فالطْريق، وقرّبو للمدينة، كي طْلَع بُطرُس للسْطَح باش يْصَلِي جُوايَه الطْناش مْتاع النّهار، <sup>10</sup> وجاع بَرّاف وحب ياكُل. بيدما كانو يُوجّدولو الماكلة، غَيَّب، <sup>11</sup> وشاف السْما محلولة، وحاجة هابَطة عليه كي شْغُل طَرف قُاش عُبير محكوم من رَبع طْراف ومْدَلِّي على الأرض، <sup>12</sup> وكان فيه كامَل هُوايَش الأرض والوْحوش والزّواحَف وطيور السْما. <sup>13</sup> وجا ليه صوت: "نوض بُطرُس، أديَح وكول"، <sup>14</sup> قال بُطرُس: "لالا يا رَبِّي، خاطَر عُمري ما كُليت حاجة خامجة وَلا ناجسة"، <sup>15</sup> جا ليه الصوت مَرّة تانية: "اللي رَدّو الله طاهر، ما تَحَسبوش أنتَ خامج." <sup>16</sup> تُعاود هاد الشي تَلت مَرّات أومبَعد نْرفَعت الحاجة للسْما. <sup>17</sup> بْقا بُطرُس حاير مع روحو واش مَعنتها الرُّويا اللي شافها، حَتَّى هاو وين جاو الرْجال اللي بْعَبُهُم كُونيليوس. كانو سَقساو على دار سَمعان، ووقفو عَند الباب، <sup>18</sup> وعَيّطو يُستقسيو وَلا سَمعان المُكنِّي بُطرُس ساكن تَمّة. <sup>19</sup> كان بُطرُس مازالو يُخَمَّم فالرُويا كي قاللو الروح: "هام تَلت رْجال يُحوّسو عليك، <sup>20</sup> نوض، أهبَط وروح معاهُم بلا ما نُشَك خاطَر أنا اللي بْعَتَهُم." كي قاللو الروح: "هام تَلت رُجال فَو اللي رائم تُحوّسو عليه، واش من السَبّة اللي جيتو عليها؟" <sup>22</sup> قالو: "قايد المُية ويليوس، راجل صالح ويُخاف الله، وكامَل أُمّة اليُهود تَشَهَدلو، أتَّوحالو بمُلاك قَدّوس باش يَبعَت يُجيبَك لدارو ويَسمَع كلام مَنَّك." <sup>23</sup> لام مَنَّك." <sup>23</sup> في والوق الله، وكامَل أُمّة اليُهود تَشَهَدلو، أتَّوحالو بمُلاك قَدّوس باش يَبعَت يُجيبَك لدارو ويَسمَع كلام مَنَّك." <sup>23</sup> لام مَنَّك." <sup>23</sup> في وافق وافق الله وضَيَّعَهُم، وغَدوة من داك، راح معاهُم وراحو معاه ناس من الخاوة اللي ما فافا.

### بُطرُس يْلاقي كَرنيليوس

<sup>24</sup> غَدوة من داك، وَصلو لقَيصَريّة وكان كَرنيليوس يَستَنّا فيهُم وكان عْرَض مُواليه وحْبابو اللي قْراب ليه.
<sup>25</sup> وكي وْصَل بُطرُس، لاقاه كَرنيليوس وطاح ساجَد عَند رَجليه. <sup>26</sup> نَوْضو بُطرُس وقال: "نوض، أنا تاني بْنادَم."

27 أومبَعد دْخَل وهُو يَهدَر معاه، ولْقا ناس بَرَّاف مَتلايمين، <sup>28</sup> وقالَلهُم: "راكُم عارفين باللي غُرَّم على الْيهودي باش يُخْلَط البَرَّاني وَلاّ يُجي لَعَندو، بَصَّح أنا وَرّالي الله باش ما نْقول على حَتَّى بْنادَم باللي خامج وَلاّ ناجَس، <sup>29</sup> على هَدا، كي بَعتتولي جيت بْلا ما نْقول لالا، وراني حابكُم تْقولولي عْلاش بَعتتو تْجيبوني." <sup>30</sup> قال كرنيليوس: "من رَبع أيّام، في هاد الساعة، كُنت نُصلي في داري على التْلاتة مْتاع العُشيّة، وهاو وين وْقَفلي راجَل بلبسة تَبرَق، <sup>31</sup> وقال: "كرنيليوس، صْلاتك سْتُجابَت والله شْفا على الصَدقات مْتاعك، <sup>28</sup> أَبعَت ليافا وعَيَّط لسَمعان المُكنّي بُطرُس باش يْجي. راهو ساكن في دار الدّبّاغ سَمعان عَند البْحَر." <sup>33</sup> تَم بْعَتتك، وأنتَ عْمَلت مْليح كي جيت. دُرك همّالا، رانا كامَل حاضرين قُدّام الله باش نَسَمعو كامَل واش آمرَك بيه الرّب."

### خُطبة بُطرُس في دار كَرنيليوس

<sup>34</sup> عَل بُطرُس فَمَّو وقال: "فالصَح، نَسَعَرَف باللي الله ما يْديرش الوْجوه، <sup>35</sup> بَصَّح، في كُل أُمّة، يَرضا على اللي يُخافو ويْدير الصْلاح، <sup>36</sup> بُعَت الكَلهة لبْني إسرائيل يْبَشَّر بالسْلام بيَسوع المَسيح، اللي هُو رَب الكُل، <sup>37</sup> وراكُم عارفين بالشي اللي صْرا فاليَهوديّة كُلها بَعد ما بْدا فالجُليل بَعد المَعموديّة اللي بَرَّح بيها يوحَنّا، <sup>38</sup> كيفاش الله دْهَن بالروح القُدّوس وبالقُدرة يَسوع الناصري، اللي كان يُروح من مَضرَب لمَضرَب لمَضرَب يُدير الخير ويَشفي اللي كانو تَحت السيطرة مْتاع إبليس خاطر الله كان معاه، <sup>39</sup> وحْنا شاهدين على كُل اللي دارو في اليَهوديّة وفي أورشَليم، هُو تاني اللي قتلوه وهومَ مْعَلِّقينو فالحُطَب، <sup>40</sup> وحْياه الله فاليوم التالَت وسْمَح باش يَضهَر، <sup>14</sup> ماشي للشَعب كامَل، بَصَّح الشَهود اللي خَيَّرهُم الله من قْبَل، حْنا اللي كُلينا وشْرَبنا معاه بَعد قيامتو من الموت، <sup>42</sup> ووَصَانا باش نُبرَّحو للشَعب وَنَشَهدو باللي هُو اللي عامَن بيه يْنال بآسمو غُفران الدُنوب."

## مْجي الروح القُدّوس على الأُمّات

44 كي كان بُطرُس يَهدَر في هاد الكُلام، هْبَط الروح القُدّوس على كامَل اللي كانو يَسَّمعو فالكَلهة. 45 دَهشو كامَل المومنين اللي راحو مع بُطرُس واللي كانو من صُعاب الختانة، خاطَر الروح القُدّوس تُفَرَّع تاني على اللي ماشي يُهود، 46 خاطَر كانو يَسَّمعو فيهُم يَهَّدرو بلُغات ويْعَضمو فالله. 47 همّالا قال بُطرُس: "قادَر واحَد يَمنَع باش يَتعَمّدو بالله هادو اللي نالو كيما حْنا تاني الروح القُدّوس؟" 48 وآمَر باش يَتعَمّدو بآسَم يَسوع المَسيح، وداك الوَقت، طَلبو منو يْبقا يامات عَندهُم.

#### 11

### بُطُرُس يْفْسَر خَدَّمتو للأُمَّات

أ سَمعو الرُسُل والخاوة اللي كانو فاليَهوديَّة باللي اللي ماشي يْهود تاني قَبلو كلمة الله، ² وكي طْلَع بُطرُس لأورشَليم،
 لاموه ناس الخْتانة، ³ وقالو: "دْخَلت عَند اللي ماشي غُتتَنين وكْليت معاهُم." 4 بْدا بُطرُس يْفَهَّم فيهُم حاجة بحاجة وقال: 5 "كُنت في مْدينة يافا نْصَلِّي، وغَيَّبت وشَفت رُؤيا: حاجة كي شْغَل طَرف قَاش كْبير محكوم من ربع طُراف هبط من السْما وجا حَتّى لعَندي، 6 بثقيت نُخِزر فيه وغُقَّق وشَفت هْوليَش الأرض والوْحوش والزْواحَف طُراف هبط من السْما وجا حَتّى لعَندي، 6 بثقيت نُخِزر فيه وغُقَّق وشَفت هْوليَش الأرض والوْحوش والزْواحَف

وطْيور السَّما، 7 وسْمَعت صوت يُقوللي: "نوض بُطرُس، أديج وكول." 8 قُلت: "لالا يا رَبِّي، خاطَر عُمري ما دَخلَت في فَي حاجة خامجة وَلا ناجسة." 9 جاوَبني الصوت المُرَّة التانية من السْما: "اللي طَهّرو الله، ما تَحَسبوش أنتَ خامج." 10 صْرا هاد الشي تلت مُرّات أومبَعد كُل شي غُبد للسْما، 11 وتَم تَم، تلت رْجال وَقفو عَند الدار وين كُنّا، كانو مَبعوتين لِيَّ من قَيصَرِيّة، 12 وقالي الروح نروح معاهُم بلا ما نشك. جاو معاي هاد الخاوة في سَتة ودْخَلنا لدار الراجَل. 13 حْكالنا كيفاش شاف المُلاك واقف في دارو يْقول: "أبعَت ليافا وجيب سَمعان المُكنِّي بُطرُس، 14 وهُوَ يْقولك: "أبعَت ليافا وجيب سَمعان المُكنِّي بُطرُس، 14 وهُوَ يُقولك كُلام نسَك بيه أنت وكامَل دارك"، 15 وكي بْديت نَهدَر، هُبط الروح القُدّوس عليهُم كيما هُبط علينا حْنا تاني فالبَدية، 16 وتُفَكَّرت كُلام الرَب كي قال: "يوحَنا عَمَّد بالما، بَصَّح أنتومَ تَتَعَمَّدو فالروح القُدّوس"، 15 وكلّ الله عْطالهُم الموهِبة اللي عُطاهالنا حْنا اللي آمَننا بالرَب يَسوع المَسيح، شكون أنا باش مَمَنَ الله؟" 18 كي سَمعو هاد الكُلام، سَكتو وعَضَمو الله وقالو: "هِمّالا الله وْهَب التوبة للي ماشي يْهود تاني باش تُكونلهُم الحيْاة."

#### الكَنيسة في أنطاكية

اللي تُزربعو على جال المحنة اللي صرات بسباب ستفانوس، راحو حَتى لفينيقية وقُبرُص وأنطاكية وما كانو يهدرو بالكلمة لحتى واحد من غير البهود. 20 بَصَّح كان كاين منهُم شي ناس، رْجال قُبرصِيّين وقيروانيّين اللي كي جاو لأنطاكية، كانو يَهدرو لليونانيّين ويبُشّرو بالرّب يسوع، 21 وكانت يَد الرّب معاهم وبزّاف من الناس آمنو وسْتَرجعو للرّب.

22 وْصَلَ خْبَرَهُم لناس الكَنيسة اللي في أورشَليم، وبَعتو بَرنابا لأنطاكِية. 23 كي وْصَل وشاف نَعمة الله، فْرَح وَسَجَّعهُم كامَل باش يْشَدّو فالرَب بقَلب تابَت، <sup>24</sup> خاطَر بَرنابا كان راجَل صالحَ ومْعَمَّر بالروح القُدّوس والإيمان، وغاشي كْبير زاد آمَن بالرَب.

<sup>25</sup> أومبَعد راح بَرنابا لطَرطوس يْحَوَّس على شاوَل، وكي لْقاه، جابو لأنطاكية. <sup>26</sup> عام كامَل وهومَ يَتلَمّو فالكَنيسة ودَرّسو غاشي كْبير، وفي أنطاكية اللي المَرَّة الأُولى ثْسَمّاو التابعين مَسيحِيّين.

<sup>27</sup> وفي هَدوك اليامات، هَبطو أنبياً من أورشَليم لأنطاكية، <sup>28</sup> وناض واحَد منهُم واسمو أغابوس، وعُلَمهُم بالروح باللي رايحة ثَجي مجَاعة ثبيرة في كامَل الأرض، وجات في زْمان القَيصَر كُلوديوس. <sup>29</sup> عَوَّلو التابعين باش يَبْعتو، كُل واحَد على حُساب مَقدورو، مْعاونة للخاوة اللي يَشُكنو فاليَهوديّة، <sup>30</sup> ودارو هَكداد وبَعتو المْعاونة للشّيوخ مع بَرنابا وشاوَل.

#### 12

يَعَقُوب يَسَتُشْهَد وبُطرُس يَنحُط فالحَبُس

أ في هَداك الوَقَت، كان السَلطان هيرودَس يَحقَر ناس من الكَنيسة، ² وقْتَل بحَد السيف يَعقوب خو يوحَنّا،
 وكي شاف هاد الشي عاجب اليهود، زاد حُكم بُطرُس، وكانو يامات عيد الفطير. ٩ وكي حكمو وحَطّو فالحبس،
 دارو تَحت العَسّة مْتاع رَبع رْباعات، كُل رْباعة فيها رَبع عْساكر وكان مْعَوَّل يُحاكمو قُدّام الشَعب بَعد عيد الفَصح.
 قمّالا، كان بُطرُس تَحت العَسّة فالحبَس، وكانت صْلاة الكَنيسة لله حارة على جالو.

6 ليلة قُبَل النّهار اللي كان مْعَوَّل هيرودَس يُحاكَم فيه بُطرُس، كان هُوَ راقَد بين زوج عْساكَر، مَربوط بزوج سُناسَل والعَسّاسين عَند الباب يْعَسّو فالحَبَس. <sup>7</sup> وهاو وين وْقَف مْلاك من الرّب وشْعَل ضو فالبيت. شْرَب الْملاك بُطرُس في جَنبو ونَوضو وقال: "خَف نوض." طاحو السّناسَل في زوج من يَدّيه، <sup>8</sup> وقاللو المُلاك: "أَتُحَرَّم وألبَس صَبّاطَك." دار بُطرُس هَكداد وزاد قاللو المُلاك: "ألبَس عْبايتَك وتَبَعني." <sup>9</sup> غْرَج بُطرُس يَتَبَع فيه وما كانش عارَف باللي الشي اللي كان يُديرو المُلاك صَح وكان حاسب روحو يُشوف في رُؤيا. <sup>10</sup> بَعد ما جازو على العَسّاسين الأَوّلانيّين والتانيين، وَصلو عَند باب الحُديد اللي تَدّي للمُدينة، وغُعَلَتَلُهُم الباب وَحَدها وخَرجو وكَبّلو لواحَد الزَقَة وتَم تَم فارقو المُلاك.

11 فاق بُطرُس مع روحو وقال: "دُرك عُرَفت بالنّبوت باللي الرَب بْعَت مْلاكو وسَلّكني من يَد هيرودَس وكامَل الشي اللي كان يَستنّا فيه شَعب اليْهود." 12 تبَّت روحو وجا لدار مَريَم يَّاة يوحَنّا المْكَنّي مَرقَس وين كانو بَرَّاف مَتلايمين يْصَلّيو على جالو. <sup>13</sup> كي طَبطَب في باب السُقيفة، جات خْديمة واسَمها رودا تتَصنَّت، <sup>14</sup> وكي عَرفَت صوت بُطرُس، من الفَرحة ما حَلَّتلوش الباب وراحَت تَجَري للداخَل ثُخَبَّر باللي بُطرُس راهو عَند الباب. أقلو ها: "مَدك مُهولة"، بَصَّح هِي بْقات تُو كَدَّهُم باللي الشي كان هَكداك. قالو هومَ: "هَداك المُلاك مْتاعو." أقا بُطرُس يُطبطب وكي حلّو وشافوه نْدَهشو. 17 شَرَّهُم بيدّو باش يَسُّكتو وحْكالهُم كيفاش خَرَّجو الرَب من الحَبس وقال: "خَبّرو يَعقوب والخاوة بهاد الشي." أومبَعد خُرَج وراح لمَضرَب واحَدانخُر.

18 كي طْلَع النْهار، صْرات هيلولة كْبيرة ما بين العَسكر: "يا دْرا واش صْرا لبُطرُس؟" 19 وهيرودَس، كي حَوَّس عليه وما لْقاهش، بْحَت العَسّاسين وآمر باش يَدّيوهُم يُقتلوهُم، أومبَعد هْبَط من اليَهوديّة لَقيصَريّة وقْعَد تَمّة.

موت هیرودس

20 كَان هَيرودَسَ مُغَشَّش على الصورِيِّين والصيداوِيِّين، هِمَالا جاو ليه براي واحَد ورَبحو من جيهَهُم بْلاستَس الوْصيف المُكَلَّف بدارو وطَلبو يَتصالحو خاطَر بْلادهُم كانَتَ ثَجْيب القوت من بْلاد السَلطان. <sup>21</sup> وفي يوم كانو مُحدِّدينو، لْبس هيرودَس لْباس السْلاطَن وقَعَد على العَرش وخْطَبَّلُهُم، <sup>22</sup> وبْدا الشَّعب يْعَيَّط: "هَدا صوت إلَه ماشي صوت بْنادَم." <sup>23</sup> تَم تَم، ضْرَبو مْلاك الرَب خاطَر ما عْطاش المجَد لله، وبْدا الدود ياكُل فيه ومات.

<sup>24</sup> كَلمة رَبِّي كَانَت تَكَبَر وتْزيد، <sup>25</sup> ووَلاَّ بَرنابا وشاوَل من أورشَليم بَعدما كَبَّلو خَدَمَتُهُم وأَدَّاو معاهُم يوحَنَّا المُكَنَّى مَرقَس.

#### 13

دَعوة برَنابا وشاوَل

أ كان فالكنيسة في أنطاكية أنبيا ورجال يعلبو: برنابا وسَمعان اللي يُسميوه الأكل ولوكيوس القيرواني ومناين اللي تْرَبّا مع هيرودَس رايس الربع وشاوَل. 2 وكي كانو يَخَدمو فالرب ويْصومو قال الروح القُدّوس: "حَطّولي بجيهة بَرنابا وشاوَل للخَدمة اللي عَيَّطتَهُم عليها." 3 داك الوقت، صامو وصَلاّو ودارو يَدّيهُم عليهُم أومبعد طَلقوهُم يُروحو.

4 هوم، كي بْعَتُهُم الروح القُدّوس، هَبطو لسُلوكية ومن تَم قَطعو البْحَر لقُبرُص. 5 وكي وَصلو لسَلاميس، بْداو يُبرَّحو بكَلهة الله في عُجامَع اليْهود وكان معاهُم يوحَنَّا يْعاون، 6 وكي قَطعو الجزيرة لبافوس، لقاو واحد الراجَل سَخَار، وَنَي كَدّاب يْهودي واسمو باريَشوع. 7 كان مع الوالي سَرجيوس بولَس، راجَل فاطَن. عَيَّط هاد الراجَل لبَرنابا وشَهوا وطلَب يَسمَع كَلهة الله، 8 بَصَّح عَليم السَحَّار، خاطر هدا هُوَ المُعنى مْتاع آسمو، بْدا يْغالَب فيهُم خاطر كان حاب يْتَلَّف الإيمان للوالي. 9 بَصَّح شاوَل اللي هُو بولَس، مْعَمَّر بالروح القُدّوس، خْزَر فيه، 10 وقال: "يا المُعَمَّر بكُل عَش وكُل خُبت، يا بْن إبليس، يا عُدو كُل صلاح، ما تُحبَّسش وأنت تُعَوَّج في طُرقان الله المُسلسين؟ بكُل عَش وكُل خُبت، يا بْن إبليس، يا عُدو كُل صلاح، ما تُحبَّسش وأنت تُعوَّج في طُرقان الله المُسلسين؟ الشّمين يَد الرب عليك، رايح تُولِي عْمى وما نشّوفش الشّميس حَتَى لواحَد الوقت." تَم تَم، طاحَت عليه الضّبابة والضّلة وبْدا يُحَوَّس وهوَ يُدردَس على ناس يُفَوّدوه. 12 كي شاف الوالي داك الوَقت واش صْرا، آمَن وهُو داهَش في تعليم الرب.

### في أنطاكية بيسيدية

13 قلَّع بولس واللي معاه من بافوس وراحو لبَرجة في بَمفيلية، وتَمّة فارَقَهُم يوحَنّا ورْجَع لأورشَليم. 14 هومَ راحو من بَرجة ووَصلو لأنطاكية بيسيديّة ودَخلو للمَجمَع في يوم السَبت وقعدو. 15 بَعد قُراية الشَريعة وكتوب الأنبيا، بَعتولهُم رِيّاس الجَمَع يْقولولهُم: "يا الخاوة، وَلاّ كان عَدكُم كَلمة نُسَجَّع الشَعب، قولوها." 16 ناض بولس، رَوَّش بيدّو وقال: "يا بْني إسرائيل ويا اللي غُخافو الله، أُسَّعو، 17 إله شَعب إسرائيل هَدا خَيَّر جْدودنا وكَبَّر الشَعب كي بيدّو وقال: "يا بْني إسرائيل ويا اللي غُخافو الله، أُسَّعو، 18 واحد الرَبعين سْنة وهُو رافَدهُم فالصَحرا، 19 أومبَعد كان ساكن في بْلاد كُنعان وورَّتهالهُم، 20 دام هاد الشي واحد الرَبع مْية وخَمسين سْنة. وبَعد هَدا، عُطالهُم قاضيين، حَتَّى للنبي صَموئيل الأخرّاني فيهُم، 21 من تَم، طَلبو سَلطان وعْطالهُم الله شاوَل بَن قيس، راجَل من عُشيرة بَنيامين اللي كان سَلطان عليهُم مُدّة رَبعين سُنة، 22 أومبَعد، عزلو وعَيَّنَهُم باش يُكون سَلطان داود اللي عُشيرة بَنيامين اللي كان سَلطان عليهُم مُدّة رَبعين سُنة، 22 أومبَعد، عزلو وقال: "لْقيت داوَد بَن يَسّى، راجَل على حُساب قَلبي، هُو اللي يُحَقِّق كُل مُرادي"، 23 ومن دَرّيتو، على حُساب الوَعد، خَرَّج الله لإسرائيل السَلاك يَسوع، 24 خاطر قَبل ما يْجي، سْبَق يوحَنّا وهْدَر على مَعموديّة التوبة لكمل شَعب إسرائيل. 25 وكي قَرَّب يوحَنّا يُكَل طريقو، قال: "شُكون رائمُ حاسبيني أنا؟ أنا ماشي هَداك اللي رائم حاسبينو، بَصَّح رايَح يْجِي موراي هَداك اللي ما نَستاهَلش غُل خيوط سَباطو."

26 يا الخاوة، يا وْلاد سْلالة إبراهيم ويا اللي يُخافو الله فيكُم، لينا اللي نَبعتَت هاد الكَلهة مْتاع السْلاك، 27 خاطَر اللهي يَسَّكنو في أورشَليم وريّاسهُم حَقّقو قُوال الأنبيا اللي يَتَقراو كُل سَبت كي حَكمو على يَسوع خاطَر ما عَرفوهش، 28 ووالو ما لقاو فيه حَتَى سَبّة يَستاهَل عليها الموت، طَلبو من بيلاطَس باش يَنقَتَل. <sup>29</sup> وكي دارو كامَل الشي اللي نكتَب عليه، هَبطوه من الحُطَب وحطّوه في قُبر، 30 بَصَّح الله حْياه من الموت، <sup>31</sup> وضهر يامات بَرّاف للي طلعو معاه من الجُليل لأورشَليم، واللي راهُم دُرك يَشَّهدولو عَند الشَعب. <sup>32</sup> حْنا نَبشَّروكُم بالوَعد اللي ندار لجُدودنا، 36 واللي حَقَّقهولنا الله كامَل، حْنا وْلادهُم، كي حْيا يَسوع كيما راهو مَكتوب تاني فالمزمور التاني: "أنتَ وْليدي، أنا اليوم وْلدَتَك." <sup>34</sup> حْياه من الموت باش ما يُوليش للفُساد، وهَدا هو الشي اللي خَبَّر بهه كي قال: "نعطيلكُم

الحاجات المُقدَّسين والحَقَّانِيِّين مْتَاعِ داَود"، <sup>35</sup> وعلى هَدا، قال تاني في مَزمور آخُر: "ما ثُخَلَيش دات القُدّوس مُتاعك تَفَسَد"، <sup>36</sup> خاطَر داَود، بَعد ما خْدَم مُراد الله في وَقتو، رْقَد ولْحَق جْدودو وفَسدَت داتو، <sup>37</sup> بَصَّح اللي حُياه الله ما وَصلوش الفْساد. <sup>38</sup> يُكون في مَعلومكُم يا الخاوة، باللي بيه اللي يَتبرَّحَلكُم بغُفران الدْنوب، <sup>39</sup> بيه يَنصلَح كل من يامَن من الشي اللي ما قُدرتوش تَنصَلحو منّو بشَريعة موسى. <sup>40</sup> همّالا، رَدّو بالكُم باش ما يُجيش عليكُم الشي اللي تُقال في كُتوب الأنبيا: <sup>41</sup> "شوفو، أنتومَ يا اللي تَستَهزاو، أستَعجَبو وأفناو، خاطَر راني نُدير خَدمة في ياماتُكم، خَدمة ما تامنوش لو كان يُخبَرَّكُم بها كاش واحَد.""

<sup>42</sup> وكي خَرجو اليهود، بْداو الناس يَطَّلبو منهُم باش يَهَّدرولهُم على هاد الكُلام فالسَبت الجاي. <sup>43</sup> وكي تُفَرقَت الجُماعة، بَرَّاف من اليهود واللي دَخلو في دين اليهود التاقيين تبّعو بولَس وبَرنابا اللي كانو يَهَّدرو معاهم ويقَنعو فيهُم باش يَتَّبتو في نعمة الله. <sup>44</sup> السَبت اللي من بعد، قريب كامل المُدينة تلايمَت باش تَسمَع كُلهة الرَب، <sup>45</sup> وكي شافو اليهود الغاشي، غارو بَرَّاف بَرَّاف وبْداو يْغالبو في كُلام بولَس ويْسَبّو فيه. <sup>46</sup> بولَس وبَرنابا قالولهُم عيناني: "أنتوم الأيهود الغاشي، غارو بَرَّاف بَرَّاف وبْداو يْغالبو في كُلام بولَس ويْسَبّو فيه. <sup>46</sup> بولَس وبَرنابا قالولهُم عيناني: "أنتوم الأولون اللي كان لازم يَبَرَّحَلكُم بكلهة الله، بَصَّح كي دَفَّعتوها وحُكمتو باللي ما تَستاهلوش الحياة الدايمة، رانا ندورو الدين اللي ماشي يهود كانو يَقَرحو كي يَسَّمعو هاد الشي وكانو يُعَضّمو كُلهة الرَب، وكامَل اللي كانو مُختارين الحياة الدايمة آمنو. <sup>48</sup> اللي ماشي يهود كانو يَقَرحو كي يَسَّمعو هاد الشي وكانو يُعضّمو كُلهة الرَب، وكامَل اللي كانو مُختارين الحياة المدايمة آمنو. <sup>49</sup> شاعَت كُلهة الرَب فالبُلاد كامَل، <sup>50</sup> بَصَّع اليهود حَرَّشو النسا المُدينين اللي بالطُبع والمسؤولين مُتاع المُدينة ونَّضو الشَحنة على بولَس وبرنابا حَتِّي حاوزوهُم من بُلادهُم. <sup>51</sup> بولَس وبرنابا نَفضو عليهُم غُبار رَجليهُم وراحو لايقرضو القروم. <sup>52</sup> والتابعين كانو يَعَصّرو بالفَرحة وبالوح القُدوس.

#### 14

#### في إيقونية

1 وفي إيقونية، دَخلو بولَس وبَرنابا لَجَمَع اليْهود وهَدرو حَتَى آمَن غاشي عُبير من اليْهود واليونانيّين، 2 بَصَّح اليُهود اللي ما آمنوش حَرَّشُو اللي ماشي يْهود وفَسَّدولهُم نَيَّتُهم من جيهة الخاوة. 3 بولَس وبَرنابا بْقاو مُدَّة طُويلة في إيقونية، يَهَدرو وهومَ واتقين، تاكلين على الرَب اللي كان يَشَهَد لكُمه نَعْمتو ويْخَلِّي المارات والعجايب يَندارو على يَدَّهُم، 4 نُقَسمو ناس المُدينة، منهُم اللي كانو مع اليُهود والأخرين مع الرُسُل، 5 وكي عَوَّلو اللي ماشي يْهود والْهود مع ريّاسهُم باش يْهينو ويَرَّجمو بولَس وبَرنابا، 6 وسَمعو بولَس وبَرنابا، هَربو لمْدايَن ليكأونية لِسترة ودَربة وجُوايَههُم، 5 وكانو يُبَشّرو تَمَّة.

### في لِسترة ودُربة

8 وكان يَقَعُد في لِسترة راجَل عايَب من رَجليه، كَعوان من اللي نْزاد من كَرْش يَمَّاه، وعَمرو ما مْشا. 9 هاد الراجَل كان يَسمَع بولَس يَهدَر، وخْزَر فيه بولَس وكي شاف عَندو الإيمان باش يَبرا، 10 عَيَّط بالزور: "نوض وأوقَف مْسَلَّس على رَجليك"، ونَقَّز الراجَل وبْدا يَمشي. 11 كي شافو الناس واش دار بولَس، طَلَّعو صوتَهُم باللُغة الليكَأُونيّة وقالو: "الآلِحة هَبطو لينا في صِفة الناس." 12 كانو يْسَمِّيو بَرنابا "زَفس" وبولَس "هَرمَس" خاطر هُوَ اللي كان يَهدَر. 13 كاهن "زَفس" اللي كان المَبدَ مْتاعو فالدَخلة مْتاع المُدينة جاب فراد وسُوالَف قُدّام بيبان

المُدينة وحَب يَدَبَح هُوَ والغاشي. <sup>14</sup> كي سَمعو الرُسُل بَرنابا ويولَس، قَطّعو حُوايَجهُم وراحو يَجريو وهومَ يُعيّطو، 
<sup>15</sup> ويْقولو: "يا رْجال، عْلاش راكم تُديرو هاد الشي؟ حْنا تاني عْباد كيما أنتومَ، رانا نَبشّرو فيكُم باش تُخلّيو هاد الحوانج الجوانج الباطلين وتَستَرجعو لله الحيّ اللي خلق السْما والأرض والبُحر وكُل ما فيهُم، <sup>16</sup> اللي فالجيْال اللي جازو، خلاّ كامَل الأُمَّات يَمشيو في طُرقانهُم، <sup>17</sup> والو ما حَبَّسش وهُوَ يَشهَد لروحو ويْدير الخير، ويَعطيلكُم من السْما الشّتا ومُواسَم الغَلّة، ويُمدَّلكُم القوت زاكي ويْعمَّر قُلوبكُم بالفَرحة." <sup>18</sup> وبالسيف باش بكْلامهُم هَدا مَنعو الغاشي باش يَدبَّعَلَهُم، <sup>19</sup> وجاو يْهود من أنطاكية وإيقونيّة وقنّعو الغاشي حَتّى رَجمو بولس وكركروه خارَج المُدينة وهومَ حاسبينو مِيّت. <sup>20</sup> بصّح كي دارو بيه التابعين، ناض ودْخَل للمُدينة، وغَدوة من داك راح مع بَرنابا لدَربة.

#### الرَجعة لأنطاكية في سوريا

<sup>21</sup> وبَعد ما بَشَرو في هَديك المُدينة، ورَدّو ناس بَرّاف تابعين، وَلاّو للِسترة وإيقونيّة وأنطاكِية، <sup>22</sup> يَقَوّيو نُفوس التابعين ويْسَجّعو فيهُم باش يَتَبتو فالإيمان وباللي لازَم نُجوزو في شْدايَد بَرَّاف باش نَدُّخلو للمَكوت الله. <sup>23</sup> حَدّدولهُم في كُل كَنيسة شْيوخ، وبَعد ما صَلاّو وصامو خَلاّوهُم في يَد الرَب اللي آمنو بيه. <sup>24</sup> وبَعد ما قَطعو على بيسيديّة، راحو لَبفيليّة، <sup>25</sup> وبَشَرو بالكَلمة في بَرجة وهَبطو لأَتّالِية. <sup>26</sup> ومن تَم، قَطعو البْحَر لأَنطاكية وين تُسلمو لنَعمة الله للخَدمة الله كَلوها. <sup>27</sup> كي وَصلو، لمَّو الكَنيسة وحْكاو كامَل واش دار الله معاهُم وباللي حَل باب الإيمان للي مامي يُهود، <sup>28</sup> وقَعدو تَمّة مُدّة ماشي قُليلة مع التابعين.

15

### اجتِماع الكَنيسة في أورشَليم

1 هَبَطُو ناس من اليَهوديّة وبْداو يُعلّبو فالخاوة باللي لو كان ما تُختّنوش على حْساب عادة موسى ما تَقَدروش تَسَكُو. 2 كِي تُحاكمو معاهُم بولَس وَبرنابا وضرات شَقلالة خُبيرة بيناتهُم، شافو باللي بولَس وبَرنابا وناس واحدُخرين مَنهُم يَطَّلعو للرُسُل والشَّيوخ فِي أورشَليم على هاد الآمَر. 3 بَعد ما بَعتتُهُم الكَنيسة، قطعو على فينيقيّة والسامرة وهوم يُغبّرو باللي اللي ماشي يُهود آمنو. هاد الشي فرَّح الخاوة كامَل فَرحة خُبيرة، 4 وكي وَصلو لأورشَليم، لاقاتهُم الكَنيسة والرُسُل والشَّيوخ وخَبَروهُم بولَس وبَرنابا بكامَل واش دار الله مُعاهُم. 5 بَصَّح ناضو شي ناس من اللي آمنو واللي كانو من قُبَل على ملَّة الفَريسيّين، وقالو باللي اللي كانو ماشي يُهود لازَم يُتختّنو ونُسيّفو عليهُم باش يْتبّعو شَريعة موسى. 6 تُلبّو الرُسُل والشَّيوخ باش يُشوفو في هاد الآمَر، 7 وبَعد ما كَتّرو وهوم يُتشاورو، ناض بُطرُس وقال: "يا الخاوة، راكُم عارفين باللي من بكري الله خَيَرفي ما بيناتكُم باش اللي ماشي يُهود يَسَمعو البشارة من فَي ويامنو، 8 والله اللي يَعرَف القُلوب شُهَدَّهُم وعُطاهُم الروح القُدّوس كيما عُطالهولنا خنا تاني، 9 وما فَرَّق بيننا وبينهُم في حَتّى شي وصَفّا قُلوبُهم بالإيمان. 10 دُرك، عُلاش راكُم تُجَرّبو فالله وتُحَطّو على رُقابي التابعين المَضماض اللي ما قَدرو شي وصَفّا قُلوبُهم بالإيمان. 10 دُرك، عُلاش راكُم تُجَرّبو فالله وتُحَطّو على رُقابي التابعين المَضماض اللي ما قَدرو كيما هوم بَنعمة الرَب يَسوع." 12 سَكتَت الجُماعة كامَل وكانو يَسَّمعو لبَرنابا وبولَس يَحكيو على كامَل المُعجِزات والعجايَب اللي دارهُم الله عَند اللي ماشي يُهود على يَدَّهُم.

13 كي سَكتو، جاوَب يَعقوب وقال: "أَسَّمعوني يا الخاوة، 14 حْكالنا سَمعان كيفاش مع الأوَّل فاقَد الله اللي ماشي يْهود باش يَدِّي منهُم شَعب يَرفَد آسمو، 15 وْكلام الأنبيا راهُم مع هاد الشي كيما راهو مكتوب: 16 "بَعد هاد الشي، نُولِّي وْنعاود نَبني خيمة داوَد الرايبة، نُرقَّع اللي أَتَّرَدَم منها وْنُوقَفها من تارة وجْديد، 17 باش الناس الباقيين يُحوِّسو على الرَب، هومَ وكامَل الأمَّات اللي نَدكَر عليهُم آسمي، هَكدا يُقول الرَب اللي دار هاد الحاجات، المعروفين من الدُوام." 19 وعلى هاد الشي، راني نُشوف باللي ما لازَمش نُديرو مَشاكُل للي يَرَّجعو لله من اللي ما كانوش يْهود، 20 بَصَّح نَكَّتبوهُم باش يْبعدو على نُجاسة الأصنام، والفَسق والجيفة والدَم، 21 خاطر موسى عندو مَن بكري في كُل مُدينة اللي يُبشَرو بشَريعتو، على حُساب اللي يُقراوها فالجُامَع كُل سَبت."

#### بْرِيَّة الكَنيسة للمومنين اللي ما كانوش يُهود

<sup>22</sup> داك الوَقت، شافو الرُسُلَ والشَّيوخ مع كامَل الكَنيسة باش يُخَيِّرو رْجال مَنهُم ويَبَّعتوهُم لأنطاكية مع بولَس وبرَنابا وخَيِّرو يَهودا اللي يُسَمِّيوه بَرسابا وسيلا وهاد الزوج كان شانهُم خُبير عَند الخاوة، <sup>23</sup> وعْطاوَهُم هاد البْرِيّة: "من الرُسُل والشَّيوخ والخاوة، لخاوة المومنين من غير اليْهود في أنطاكية وسورية وكيليكيّة، سَلام، <sup>24</sup> شَمّعنا باللي شي ناس من عَندنا، جاو قلقوكُم بكلامهُم، وهَولو نُفوسكُم بلا ما نامروهُم، <sup>25</sup> وتْفاهَمنا وحْنا على راي واحد باش تُخيّرو رْجال ونبَّعتوهُمَّلكُم مع حْبابنا برنابا وبولس. <sup>26</sup> هاد الرجال سَبلو حْياتهُم على جال آسَم رَبّنا يَسوع المَسيح. <sup>27</sup> بَعْمَنالكُم يَهودا وسيلا وهومَ يُخَبِّروكُم بهاد الحاجات بفَمَّهُم. <sup>28</sup> خاطَر، الروح القُدّوس وحْنا، بائلنا مُليح لو كان مَخْلوكُمُش خُتَر من هاد الحاجات تعمَّلو مُلين من الدْبائح اللي يَدبحو للأصنام والدَم والجيفة وتُبعّدو على الفَسق، هاد الحاجات تعمَّلو مُليح لو كان تَحَقَّفو روحكُم منهُم. أنتها وفي روحكُم."

30 الرُسُل بَعد ما راحو من الكَنيَسة، هَبطو لأنطاكية وُلَمَّو الْجُماعة وعْطاوَلهُم الْبُريَّة. 31 وكي قْراوها، فَرحو بيها خاطَر كانَت تُسَجَّع بَزَّاف، <sup>32</sup> ويَهودا وسيلا على حْساب اللي كانو هومَ تاني أنبيا، سَجِّعو الخاوة بكْلام بَزَّاف وقوَّاوهُم. <sup>33</sup> وبَعد ما جَوْزو وَقَت، طَلقوهُم الخاوة باش يَرَّجعو للرُسُل بالسْلامة. <sup>35</sup> بولَس وبَرنابا، بْقاو في أنطاكية يُدرَّسو ويْبَشِّرو بكَلمة الرَب مع ناس واحدُخرين بَرَّاف.

#### بولَس وبرَنابا يَتفارقو

36 بَعَد يامات، قال بولَس لَبرنابا: "هَيّا نُولّيو ونْفاقدو خاوتنا في كُل مْدينة بَشَّرنا فيها بكَلمة الرَب، نْشوفو كيفاش راهُم." <sup>37</sup> حَب بَرنابا لو كان يَدّيو معاهُم تاني يوحَنّا اللي يُسمّيوه مَرقَس، <sup>38</sup> بَصَّح بولَس شاف خير لو كان ما يَدّيوش معاهُم هَداك اللي خَلاّهُم في بَفيلية وما راحش معاهُم للخَدمة. <sup>39</sup> صْرا بيناتهُم دْواس حَتَّى تْفارقو. بَرنابا أَدّا مَرقَس وقْطَع البْحَر لقُبرُص، <sup>40</sup> وبولَس خَيَّر سيلا وراح بَعد ما حَطّوه الخاوة في نَعمة الله، <sup>41</sup> وجاز على سورية وكيليكية يُقوّي النَّايَس.

#### 16

#### تيموتاوُس مع بولُس وسيلا

ا ووْصَل بولَس لدَربة ولِسترة، وكان تَمَّة تابَعِ واسمو تيموتاوَس، يَمَّاه يْهوديّة مومنة بَصَّح باباه يوناني، ² وكانو يَشَّهدولو الخاوة اللي في لِسترة وإيقونية بالخير. ³ حَب بولَس يَدّيه معاه، أدّاه وخَتَنو على جال الْيهود اللي كانو في هَدوك الجُوايَه، خاطَر كامَل كانو يَعَرفو باللي باباه يوناني. <sup>4</sup> وكانو يْجوزو فالمْدايَن يَعطيو للخاوة الأُمور اللي آمرو بيهُم الرُسُل والشْيوخ اللي في أورشُليم، <sup>5</sup> وكانو التُخايَس يَتقَوّاو فالإيمان ويْزيدو يوم بَعد يوم.

### بولَس يْشُوف راجَل مُقدوني في رُؤيا

<sup>6</sup> جازو على فَريجيّة وبْلاد غَلاطيّة، ومنعهُم الروح القُدّوس يْبشّرو بالكَلهة في آسيا، <sup>7</sup> وكي وَصلو لميسيّا، حَبّو يُروحو لبتينيّة بَصَّح روح يَسوع ما خَلاَهُمش. <sup>8</sup> جازو على ميسيّا وهَبطو لتَرواس. <sup>9</sup> فالليل، شاف بولَس رُؤيا: وْقَقَلو راجَل مَقدوني يَطلَب منّو ويْقول: "جوز لمقدونية، سَلَّكَا." <sup>10</sup> كي شاف بولَس هاد الرُؤيا، تَم تَم حَوّسنا نروحو لمقدونية، خاطَر فْهَمنا باللى الله عَيَّطلنا باش نَبشّرو المقدونيين.

#### إيمان ليدِيّة في فيلِيّي

11 من تَرواس، قُطَعنا البُّحر قُبالة لساموتراكي وغَدوة من داك لنيابوليس. 12 ومن تَم، رُحنا لفيليّي وهِي المُدينة الأُولى في مَقدونية ومَستَعمرينها الرومان. جَوَّزنا يامات في هاد المُدينة، 13 وفي يوم السَبت، خُرَجنا بَرًا على المُدينة عَند واحَد الواد وين كُمَّا حاسبين نَلقاو مُكان للصْلاة، وقُعَدنا وبْدينا نَبَّدرو مع نُسا كانو مَتلايمين ثَمَّة. 14 واحدة فيهُم واسَمها ليديّة، من مُدينة تياتيرا، كانَت تُبيع قُاش غالي، وثخاف الله. وكانَت تَسمَع خاطَر الرَب حَلَّها قَلبها بش تتعلَّق بكُلام بولَس. 15 كي تُعَمَّدت هِي ومُواليها، طَلبَت منّا وقالَت: "وَلاّ شَفتوني مومنة بالرَب، أَدَّخلو لداري وبْقاو"، ووَكَدَت علينا.

### بولَس وسيلا فالحبَس في فيلِيّي

أو واحد المرّة، كي كُمّا رايحين للصْلاة، لاقاتنا خْديمة صْغيرة مَسكونة بروح القْزانة وكانَت تَرَبح دْراهَم بْجار لسْيادها كي تُفَرَّن، 17 وكانَت تَنْبَع فينا حْنا وبولس وهي تْعيَّط: "هاد الناس هومَ خَدّامين الله العالي، هومَ اللي يْبشّروكم بطريق السْلاك." 18 يامات برّاف وهي تْدير هاد الشي، حَتّى كُرَه بولس ودار وقال للروح: "نامرَك باسم يَسوع المسيح تَخرُج منها"، وفي ديك الساعة خْرَج منها الروح.

19 وكي شافو سيادها الشي اللي كان يُجيبَلهُم المال راح، حكمو بولَس وسيلا وكركروهُم للساحة الشَّعبِيّة عَند القاضيين، 20 وكي جابوهُم للقاضيين قالو: "هاد الرْجال راهُم يْهَوّلو في مْدينتنا. هومَ يْهود، 21 وراهُم يْعَلّمو عُوايَد اللي ما يْجُوزُكنا حْنا الرومان لا نَقَبلوهُم وَلا نَتَبَعوهُم"، 22 وثْخاما عليهُم الغاشي وقطّعولهُم القاضيين حُوايَجهُم وآمرو باش يَجَّدوهُم. <sup>23</sup> بَعد ما ضَريوهُم بَرَّاف، رْماوهُم فالحَبس ووَصّاو العَسّاس باش يْعَسَّهُم مْليح. <sup>24</sup> العَسّاس كي شَمّع هاد الوصاية، رْماهُم فالحَبس الدَخلاني وحَطّ رَجليهُم في قالَب مْتاع الحُطَب.

25 في نَص الليل، كَان بولَس وسيلا يُصَلِّيو ويْسَبَّحو فَالله بالغْنا والحُحالِسِيّة كانو يَسَّمعو فيهُم، <sup>26</sup> وهاي وين، ضَرَبَت زُنزلة قُوِيّة حَتَّى زَعزَت اللْساس مُتاع الحَبس وَتَم تَم غُلُو كامَل البيبان والسْناسَل مْتاع كامَل المُحالِسِيّة. وَم بَع فَطُن العَسَّاس وكِي شاف بيبان الحَبس مُحلولين، جْبَد السيف باش يُقتَل روحو خاطَر حْسَب المُحالِسِيّة هَربو، <sup>28</sup> فَطُن العَسَّاس الضو، ودْخَل يَجري للداخَل <sup>28</sup> عَيَّط بولَس بالزور وقال: "ما تُضَرش روحك، رانا كامَل هْنا." <sup>29</sup> طْلَب العَسَّاس الضو، ودْخَل يَجري للداخَل ورما روحو عَند بولَس وسيلا وهُو يَرعَش، <sup>30</sup> ونَرَّجهُم وقال: "يا سْيادي، واش لازَم نْدير باش نَسلَك؟" اق قالولو "آمَن بالرَب يَسوع، تَسلَك أَنت وناس دارَك"، <sup>32</sup> وبَشَروه بكلهة رَبِّي هُو وكامَل اللي كانو في دارو، <sup>33</sup> وأدّاهُم

في هَديك الساعة مْتاع الليل، نَقَالهُم جْروحهُم، وتَم تَم ْتَعَمَّد هُوَ وكامَل ناسو. <sup>34</sup> وكي طَلَّعهُم لدارو، عْطالهُم ياكلو وفْرَح مع كامَل ناس دارو كي آمَن بالله.

35 كَي طُلَع النّهار، بَعتو القاضيين مْراسَل يْقولو للعَسّاس: "أَطلَق هَدوك الرْجال." 36 خَبَّر العَسّاس بولَس بهاد الكّلام، باللي القاضيين بَعتو باش نَطَّلقوكُم، "أغَرجو همّالا دُرك وروحو هانيين." 37 قال بولَس للمْراسَل: "بَعد ما جَدونا قُدّام الناس بلا ما يُحاكمونا وحْنا رومانيين، ودَخّلونا للحَبس، دُرك يَطَّلقونا فالسَر؟ لالا، لازَم يُجيو هومَ بداتُهُم يَطَّلقونا." 38 كي أدّاو العَسكر هاد الكّلام للقاضيين، خافو كي عَرفو باللي بولَس وسيلا رومانيين، 39 وجاو يُحلّلو فيهُم وطَلقوهُم وطَلبو منهُم يَخُرُّجو من المُدينة، 40 كي خَرجو من الحَبس، راحو عَند ليديّة، وبَعد ما شافو الخاوة وسَجّعوهُم، راحو.

#### 17

#### في تيسالونيكي

1 بَعد ما جازو على أمفيبوليس وأبولونيّة، وَصلو لتيسالونيكي وين الْيهود كان عَندهُم بَجَعَ، <sup>2</sup> ودْخَل بولَس عَندهُم كي عادتو، وتلَت سْبوت وهُو يَهدر معاهُم على حْساب الكُتوب، <sup>3</sup> ويْفُهَّم ويْبَيْنَ باللي المَسيح كان لازَم يْتعدَّب ويْعاود يحيا من الموت، وباللي يَسوع اللي راني نَبشَّرُكُم بيه هُو المَسيح، <sup>4</sup> قْتَنعو ناس منهُم وتبّعو بولَس وسيلا ومعاهُم عاشي حُبير من اليونانيّين التاقيين ويزّاف من النسا اللي بالطبّع، <sup>5</sup> عارو اليهود وجابو ناس مَشرارين من صُحاب الزَنقة وتلايمو وهيّجو المُدينة وراحو لدار ياسون يَطلبو بولَس وسيلا باش يَدّيوهُم للشّعب، <sup>6</sup> وكي ما لْقاوهُمش، كَركرو ياسون وشي خاوة عند الحُكّام وهومَ يُعيّطو باللي هاد الناس اللي قلّبو الدَنيا راهُم جاو اللَهنا تاني، <sup>7</sup> وياسون ضَيَّهُم، وهومَ كامَل يُخالفو القُوانَن مْتاع قَيصَر ويْقولو باللي كايَن سَلطان واحَدآنُر هُو يَسوع." <sup>8</sup> بهاد الكُالام هَوّلو الغاشي وحُكّام المُدينة، <sup>9</sup> اللي حَقّى أدّاو كَفالة من عَند ياسون واللي مُعاه باش طَلقوهُم.

#### في بيرية

أن تَم تُم، بَعتو الخاوة بولَس وسيلا فالليل لبيريّة، وكي وَصلو، راحو للهَجمَع. أأ الْيهود مْتاع بيريّة كانو خير من الْيهود مْتاع تيسالونيكي، قبلو كلمة الله بالهَمّة وكانو كُل يوم يْقلبّو الكْتوب باش يْشوفو وَلا الشي اللي كان يَتقاللهُم صَح. 1² بَرّاف مَنهُم آمنو، بَرّاف من النسا اليونانيّات اللي بالطبّع ورْجال بَرّاف.

13 كي عَرفو يْهود تيسالونيكي باللي في بيريّة تاني بولَس راهو يْبَشَّر بكلمة الله، جاو لتمّة وبْداو يْهَيّجو ويْحَرَّشو فالغاشي. 14 تَم تَم، بَعتو الخاوة بولَس باش يْروح على طريق البْحر بَصَّح سيلا وتيموتاوَس فَعدو تمّة. 15 اللي راحو مع بولَس وصّلوه حَتّى لأتينا، وصّاهُم بولَس باش سيلا وتيموتاوَس يَلَّحقوه بالخَف وراحو.

#### في أتينا

16 في أتينا، كي كان بولَس يَستَنّا فيهُم، حَس الروح يَتقَلَّق فيه كي شاف المْدينة مْعَمّرة بالأصنام. 1<sup>7</sup> بْدا يَهدَر فالمَجَمّع مع اليْهود ومع اللي يَعَبدو الله، وكُل يوم مع اللي يُكونو فالساحة الشَعبيّة. <sup>18</sup> واحَد الفَلاسِفة الأبيقورِيّين والرِواقِيّين بْداو يَهْدرو مْعاهم وكايَن اللي كانو يْقولو: "واش حَبّ يْقول هاد الهَدّار؟" وواحَدُخرين: "على حْساب الشوفة، راهو يْبرَّح بآلِهة غْريبة"، خاطَر كان يْبشَّر بيسوع والقِيامة. <sup>19</sup> حَكموه وأدّاوَه لكُدية أريوس باغوس

وَسَقَسَاوَه: "نَقَدَرُو نَعَرَفُو وَاشَ هَادَ المَدَهَبِ الجُدْيِدِ اللّي رَاكَ ثَعَلَّم فِيه؟ <sup>20</sup> خَاطَر رَانَا نَسَّمَعُو فِيكَ ثَجِيبِ حاجات موغريبة ومادابينا نَعَرفو واش حَبِّ يْقُول هاد الشي." <sup>21</sup> كامَل الأَتينِيِّين والبْراوِيّة اللّي يَسُّكنو في آتينا كانو يُجَوِّرُو وَقَتُهُم غِيرِ باش يَهَّدُرُو وِيَسَّمَعُو حاجات جْدَد.

<sup>22</sup> وْقَفْ بولَس فِي وَسط أَريوس باغوس وقال: "يا ناس أتينا، راني نشوف فيكُم بَرَّاف مْدَيَّين فِي كُل حاجة، 
<sup>23</sup> وَي كُنت جايز على مْدينَتكُم وشَفت المُقامات المُقَدسين مُتاعكُم، لقيت تاني مَدَّجَ مكتوب عليه: "للإلَه اللي ماشي مَعروف"، هاد الإلَه اللي رائم تَعَبدو فيه بْلا ما تَعَرفوه، هَداك هُو اللي راني نُخَبَّر فيكُم بيه، <sup>24</sup> الإله اللي خُلق الدَّنيا وكُل ما فيها، على حساب اللي هُو رَب السَّما والأرض، ما يَسكُنش في مُعابَد مَبنيّين بيَدّين الناس، 
<sup>25</sup> ماشي يَدّين الناس اللي يَخَدَّموه، كي اللي راهو يَسحَق كاش حاجة، خاطر هُو يَعطي لكامَل الخَلق الحياة والنَفس وكُل شي، <sup>26</sup> خْلَق كامَل الأُمّات من بنادَم واحَد وسَكَّبُهم في كامَل الأَرض وحَدَّدهُم الوْقات ودارلُهُم حُدود وكُل شي، <sup>26</sup> باش يُحَوِّسو على الله وهومَ يْدَردسو بَلاك يَلقاوَه، هُو اللي فالصَح ما راهوش بْعيد على كُل واحَد فينا، للسُكنان، <sup>27</sup> باش يُحَوِّسو على الله وهومَ يْدَردسو بَلاك يَلقاوَه، هُو اللي فالصَح ما راهوش بْعيد على كُل واحَد فينا، <sup>28</sup> خاطر بيه نحياو وتَحَرَّكو ونُكونو. كيما قالو شي شُعرا منكم: "خاطر حْنا تاني دَريّيّو." <sup>29</sup> هيالا، كي رانا دَريّة الله، ما لازَمناش نَحَسبو الأُلوهية تُشَبَّه لَدْهَب وَلا لَفَضّة وَلا خَجِّر، هاد الحاجات المُنقوشين بَفَن وخَدمة بْنادَم، <sup>30</sup> دُرك، الله بْلا ما يْدير على زْمان الجَهل، يامَر كامَل الناس في كُل مْكان باش يُتوبو، <sup>18</sup> خاطر حَدَّد يوم وين وَل يُحاكم الدُنيا بالحَق، بالراجَل اللي خَيْرو، واللي عُطا عليه البَرهان للجُميع كي حياه من الموت."

32 كي ُسَمعو بالقيامة من الموت، كايَن اللي ُسْتَهزاو وكايَن اللي قالو: "نَسَّمعوك على هاد الشي مَرّة أخرى"، 33 وهكدا خْرَج بولَس من وَسطهُم. <sup>34</sup> كايَن ناس شَدّو فيه وآمنو، منهُم ديونيسيوس الأريوباغي، ومْرا واسَمها داماريس وواحَدُخرين معاهُم.

#### 18

#### في كورَنتوس

أ بعد هاد الشي، راح بولس من أتينا وجا لكورتنوس. ² لقا تمّة واحد اليْهودي واسمو أكيلا أصلو من بَعطَس، كان غير كيما وْصَل من الطاليان مع مَرتو بْريسكلا، خاطَر القيصَر كُلوديوس آمر باش كامَل اليْهود يُخْرجو من روما، وبولس راح لعندهُم. ³ وعلى حساب اللي كانت عندو صَنعة كيما متاعهُم، قُعد يُخدَم معاهُم، كانو يُخَدّمو الخيم. ⁴ وكان بولس في كُل سَبت يَهدَر مع الناس فالمُجمَع ويْقَنَع يْهود ويونانيّين. ⁵ وكي هَبطو سيلا وتيموتاوس من مُقدونية، مَد بولس وَقتو كامَل للتَبشير وبْقا يَشْهَد لليْهود باللي يَسوع هُو المَسيح. ⁶ بَصَّح كي بْقاو هوم يْقاومو فيه ويْسبّو، نْفَض بولس حُوايجو وقاللهُم: "دَمَّكُم على رَقبَتكُم، أنا راني مُبرّي مَنو، من دُرك نُروح للي ماشي يْهود." وخُريسبس لهَجَمع من تُم وراح لدار واحَد الراجل يَعبَد الله واسمو يوستس وكانت دارو لاصقة مع الجَمع، 8 وكُريسبس رايس المُجمع آمَن بالرب هُو وكامَل ناس دارو وبرَّاف من الكورَنيّين كي سَمعو لبولَس، آمنو وتُعمّدو.

<sup>9</sup> قال الرَب في واحَد الليلة لبولَس في رُؤيا: "ما ثخافش، أهدَر وما تَسكُتش، <sup>10</sup> خاطَر راني معاك وواحَد ما يَقدَر يْضَرَّك، خاطَر عَندي شَعب كْبير في هاد المْدينة." <sup>11</sup> قْعَد بولَس عام وسَت شْهور يْدَرَّس عَندهُم في كَلمة الله. 12 وكي كان غاليون حاكم على بُلاد أخائية، ثفاهمو اليهود براي واحَد على بولَس وأدَّاوَه لدار الشُرَع، 13 وقالو باللي هاد الراجَل راهو حاب يُقنَّع الناس باش يَعَّبدو الله بسيرة مُخالفة للشَريعة." 14 وكي كان بولَس رايح يَهدَر، قال غاليون لليهود: "يا اليهود، وَلاّ كانَت حاجة مْتاع جْريمة وَلاّ عَملة دونيّة، نَسمَعَّلكُم على حْساب المَنطَق، 15 وَلاّ كانَت مُشكلة على مُدهَب وأسماوات وعلى الشَريعة مْتاعكُم، شوفو أتتوم، ما رانيش حاب نُكون قاضي في هاد الحوائج"، مُشكلة على مُدهَب وأسماوات وعلى الشَريعة مُتاعكُم، شوفو أتتوم، ما رانيش حاب نُكون قاضي في هاد الحوائج"، 16 وَحاوَرُهُم من دار الشْرَع، 17 كامَل حكمو سوستان رايس الجَمَع وضَربوه قُدّام دار الشْرَع وما ثُحَرواش غاليون في هاد الشي.

### بْرِسكِلاّ وأكيلا وأبولوس

18 بُقا بولَس يامات بَزَاف، أومبَعد وَدَّع الخاوة وقطَع البْحَر لسوريَّة ومعاه بْريسكلاً وأكيلا بَعدما حَقَّف شَعرو كامَل في كَنخريا خاطَر كان دار عَهَد. <sup>19</sup> كي وَصلو لأَفسُس، خَلاَّهُم بولَس فيها وَدْخَل للمَجمَع وبْدا يَهدَر مع اليُهود. <sup>20</sup> وطَلبو مَنّو باش يْزيد يْطَوَّل مْعاهُم في أَفسُس، بَصَّح هُوَ ما قْبَلش، <sup>21</sup> ووَدَّعهُم وقال: "راني نَرجَع ليكُم نُشا الله"، وراح من أفسُس. <sup>22</sup> كي وْصَل لقَيصَرِيّة، طْلَع وسَلَّم على الكَنيسة وهْبَط لأنطاكية، <sup>23</sup> وقْعَد فيها شْوِيّة وارح لهَل المَّاعِين.

<sup>24</sup> واحد اليهودي واسمو أبتوس من سْكندرية، راجل يعرف يهدر ويعرف الكتوب مليح، جا لأفسس، وأكو وكان عَندو علم عُبير على طريق الرب وكان يَهدر على يسوع وهُو مَتحمَّس بالروح، وكان يعرف غير مَعمودية يوحنّا، <sup>26</sup> وبدا يهدر عيناني فالجَمع وكي سَمعوه أكيلا وبريسكلا أدّاوه معاهُم وفهموه مليح طريق الرب. <sup>27</sup> وكي كان حاب يروح لأخائية، كتبو الخاوة للتابعين يُوصّيوهُم يرَحبو بيه، وكي وْصَل عاون بَرّاف بنعمة الله اللي كانو آمنو، <sup>28</sup> خاطر كان يْغالب اليهود عيناني ويْسكتهُم بجواب صحيح وهُو يَبيّن بالكتوب باللي يسوع هُو المسيح.

#### 19

## بولَس في أَفسُس

1 وكي كان أَبْلُوس في كورَتتوس، هْبَط بولَس لأفسُس بَعدَما جاز على المُضارَب العاليين ولْقا واحد التابعين، وقاللهُم: "نلتو الروح القُدّوس كي آمَنتو؟" واجبوه: "ما شَعناش حَتَى باللي كايَن روح قُدّوس." قَاللَهُم: "همّالا، واش من المَعموديّة اللي تُعمّدتو بهها؟" جاوبوه: "بَعموديّة يوحَنّا،" 4 قال بولَس: "يوحَنّا عَنَّد بَعموديّة التوبة وكان يُقول للشَعب باش يأمن باللي يُجي بَعدو، يَعني يَسوع." 5 كي سَمعولو، تُعمّدو بآسَم الرب يَسوع. 6 وكي دار بولَس يَدّو عليهُم، جا الروح القُدّوس عليهُم، وبْداو يَهدرو بلُغات ويتَنَبَّو، 7 وكانو كامل واحد الطُناشُن راجل. 8 ودْخَل للمَجمَع وين بْقا تلت شهور وهُو يَهدر عيناني وينَبَّت ويْقَنَّع فالناس بآمَر مَلكوت الله، 9 بَصَّح كايَن فيهُم اللي قسّاو رحعهُم، وما حَبّوش يامنو وبْداو يْقولو الشَر على طُريق الرب قُدّام الغاشي، همّالا، جْبَد بولَس روحو مَنهُم وفُرْز التبعين وكان يَهدَرَّهُم كُل يوم في مُسيد مْتاع واحَد واسمو تيرانوس. 10 دام هاد الشي مُدّة عامين حَتّى وَصلت كله الرب لكامَل اللي كانو يَشَكنو في آسيا، يُهود ويونانيّين. 11 وكان الله يُدير مُعجزات هايلين على يَد بولَس، كله الرب لكامَل اللي كانو يَشَكنو في آسيا، يُهود ويونانيّين. 11 وكان الله يُدير مُعجزات هايلين على يَد بولَس، كله الرب لكامَل اللي على المَرضى الحُوانِج والمُشاوَر اللي مَسّو داتو ويَبراو ويَثَرُجو منهُم الأرواح الدونيّين.

13 وَلاَّتُ جُماعة من اليُهود العَزّامين الجَوّالين يُسَمّيو على اللي كانو مَسكونين بالأرواح الدونيّين بآسَم الرَب يَسوع ويْقُولو: "نَحَّلفو عليكُم بآسَم يَسوع اللي يُبَرَّح بيه بولَس." 14 والناس اللي كانو يْديرو هاد الشي، كانو سَبع رْجال، وْلاد واحَد اليُهودي واسمو شكاوا وهاد الراجَل كان رايَس الكاهنين. <sup>15</sup> جاوَبهُم الروح الشَرّاني وقال: "نعرَف يَسوع ونَعرَف بولَس بَصَّح أنتومَ شكون؟" <sup>16</sup> وهجَم عليهُم الراجَل اللي فيه الروح الدوني، كان أقوى منهُم وغُلَبهُم حَتى هربو من الدار اللي كانو فيها عَريانين ومجروحين. <sup>17</sup> نعرَف هاد الشي عَند كامَل اليُهود واليونانيّين اللي يَسَّكنو في أفسس وطاح الخوف عليهُم كامَل وكان آسَم الرَب يَسوع يْتَعَشَّم، <sup>18</sup> وكانو بَزّاف من اللي آمنو يُجيو يُقرّو ويستعرفو بُغماهُم وحَرقوهُم قُدّام الناس. وحَسبو سومَتُهُم ولْقاوها قيس خَسين ألف ويزة، <sup>20</sup> وهَكدا بقُوة الرب، كانت كلمة الله تكبَر وتقوا،

### الشُعب في آفسُس

<sup>21</sup> وكي صْرا هاد الشي، دار بولَس في بالو باش يُجوز على مَقدونية وأخائيّة ويْروح لأورشُليم، وقال باللي بَعد ما نكون تُمّة لازَم عليَّ نزيد نشوف روما. <sup>22</sup> بُعَت لمَقدونية زوج من اللي كانو يْعاونوه، تيموتاوَس وأرسطوس وقْعَد مُدّة في آسيا. <sup>23</sup> وفي هَداك الوَقت، صْرات هيلولة كُبيرة على جال طْريق الله. <sup>24</sup> واحَد الصيّاغ واسمو ديمتريوس، كان يَخدَم مْعابَد مْتاع الفَضّة لأرطاميس وكان يَربَح دْراهَم كُبار هُوَ والخَدّامين مْتاعو. <sup>25</sup> كُم الخَدّامين مْتاعو واللي كان يَخدَم مْعابَد مْتاع الفَضّة لأرطاميس وكان يَربَح دْراهَم لم الله هاد الصّنعة هي اللي رَفّهَتنا، <sup>26</sup> ووالحُر أشوفو وتَسَّمعو باللي ماشي بَرك في أفسُس بَصَّح في قُريب كامَل آسيا، هَدا بولَس جْبَد ودَوَّر غاشي كُبير وهُو يُقول باللي الآلهة اللي عَدومين بيّدين العباد ماشي آلهة متاع الصّح، <sup>27</sup> وهاد الشي ما راهوش رايح يُضَر صَنعتنا بَرك، بَصَّح رايح يُغَي الهيبة لمَعبَد إلَمُتنا الكُبيرة أرطاميس، ويُبطَّل القيمة الكُبيرة مْتاعها، هي اللي يَعْبَدوها في كامَل آسيّا وفي كامَل آلدنيا." <sup>28</sup> كي سَمعو هاد الكلام، تُغششو بَرَّاف وبْداو يْعيَّطو ويْقولو: "خُبيرة هي أرطاميس إلهة الأفسُسيّن." <sup>29</sup> شهولَت المُدينة وهَجمو براي واحَد للمَسرَح وكَركو معاهُم غايوس وأرسترخُس المَقدونيِّين اللي كانو مْسافرين مع بولَس.

30 حَب بولَس يْقابَلِ الشَعب بَصَّح التابعين ما خَلاَّوهش. <sup>31</sup> شي ناس من المَسؤولين اللي في آسيا تاني كانو وَلاَّو صُحابو، وبَعتولو يَطَّلو منّو باش ما يْروحش للمسرح. <sup>32</sup> كاين اللي كانو يُعيطو بحاجة، وواحدُخرين بحاجة أخرى، خاطر تُخَلَّط الغاشي وبرَّاف اللي ما كانوش عارفين عْلاش راهُم مَتلايمين. <sup>33</sup> جَبدو من الغاشي سْكَندُر اللي كانو اليُهود يْطَبّعو فيه للقُدّام، ورَوَّشَلهُم سْكَندُر بيَدَّو خاطَر كان حاب يَهدَر مع الشَعب، <sup>34</sup> وكي عَرفوه باللي يُهدي، بداو كامَل كيف كيف يُعيطو مُدَّة ساعتين: "كْبيرة هِي أرطاميس الأفسُسِيّين."

35 هَذَن كَاتَب المَّدينة الغاشي وقال: "يا رْجال أفسُس، شْكُون هُوَ اللي ما يَعرَفش باللي مُدينة أفسُس هِي عَسّاسة مَعبَد أرطاميس الإلَّهة الكْبيرة والصَنَم اللي هْبَط من زَفس؟ <sup>36</sup> على حْساب اللي ما كاش اللي يَنكُر هَاد الشي، لازَم تَتَهدّنو وما تُديرو حَتَّى حاجة بالزَربة، <sup>37</sup> خاطَر جَبتو هاد الرْجال اللي ما سَرقو المُعابَد، ما سَبّو إلْمَتنا، <sup>38</sup> وَلاّ كان عَند دِمتريوس والصْنايعيّة اللي معاه حاجة يَشتكيو عليها، كاين يامات للشْرَع وحُكّام، يْروحو يَشتكيو من بَعضهُم بَعض. <sup>36</sup> وَلاّ رائمُ ثُحَوَّسو على حاجة أخرى، كُل شي يَفرا في جَلسة قانونيّة. <sup>40</sup> خاطَر دُرك، نَقَدرو

نجوزو فالشْرَع على جال الهيلولة مْتاع اليوم وما عَندنا حَتّى سَبّة نْبَيّنو بيها عْلاش تْلاَيْمَنا." <sup>41</sup> وبَعد ما قال هكدا، سَرَّح الغاشي.

#### 20

#### في مُقدونية واليونان

أ وكي تُهدَّنَت الحالة، عَيَّط بولَس للتابعين، سَجَّعهُم ووَدَّعهُم وحُكُم الطْريق لمَقدونية، 2 وجاز على هَدوك الجُوايَه وهُو يُسَجَّع بكُلام بَرَّاف، ووْصَل لليونان، 3 وقُعد فيها تَلت شُهور. وكي كان يُوجَّد في روحو باش يَقطَع البُحر للسوريّة، شَع باللي اليُهود دارولو فَقة. همّالا، شاف باللي ياخُد الطُريق على مَقدونيّة، 4 وراحو معاه لآسيا سوباترُس بَن بِرُّس البيري وأرِستَرخوس وسُكوندُس من ناس تسالونيكي، وغليوس الدَربي وتيموتاوس وتيخيكس وتُروفيمس من آسيا. 5 هَدو سَبقو وسْتَنّاونا في تَرواس، 6 بَصَّح حُنا، قُطَعنا البُحر بَعد يامات عيد الفُطير من فيليتي ولحُقَناهُم لتَرواس بَعد خَمس أيّام وتمّة جَوَّزنا سَبع أيّام.

#### قِيامة أفتيخوس من الموت في تُرواس

<sup>7</sup> وَفَالنّهار الأوَّل مْتاع الجَمعة، كي كانو التابعين مَتلايمين باش يَقَسمو الخُبز، هْدَر مْعاهُم بولَس وكان مْعَوَّل يْروح غَدوة من داك وطَوَّل معاهُم فالهَدرة حَتَّى لنَص الليل. 8 وكانو برَّاف الكانكيَّات شاعلين فالبيت الفوقانيّة اللي كُنّا مَتلايمين فيها، 9 وكان واحد المَصغَر واسمو أفتيخوس، قاعَد على الطاقة وطايَح عليه النْعاس، وكي طَوَّل بولَس فالهَدرة، غَلبو النْعاس وطاح من الطَبقة التالتة للتَحت ورَفدوه ميَّت. 10 هْبَط بولَس، وطابَس عليه وشَدّو بين دُراعتيه وقال: "ما تَتَحيَّروش، نَفسو مازالها فيه." 11 عاود طلع وقْسَم الخُبز وكلا وهَدَر برَّاف حَتَّى للفْجَر، أومبعد راح. 12 جابو الولد اللي طاح من الطاقة حَي وفَرَّحهُم هاد الشي بَرَّاف.

#### من تُرواس لمالطا

13 وَحْنَا سْبَقَنَا للبابور، وقلَّعنا لأسّوس، مْعَوَّلين نَدّيو بولَس معانا من تَمَّة، خاطَر هَكدا تْفاهَم معانا وهُو راح يَمشي، 14 وكي لُحْقَنا لأسّوس، رْفَدناه ورَحنا لميتيليني. <sup>15</sup> ومن تَم، قُطَعنا الْبِحَر ولُحْقَنا غَدوة من داك مْقابَل خيّوس، فاليوم اللي بعدو جَزنا على ساموس وفاليوم اللي من بَعد وْصَلنا لمالطا. <sup>16</sup> عَوَّل بولَس يُجوز على أفسُس بْلا ما يَحبَس ويْخَوَن ويْضَع الوَقت في آسيا، خاطَر كان يْغاوَل باش يْكون، وَلاّ قُدر، في أورشَليم يوم الخَمسين.

### بولَس يْوَدَّع كَنيسة أفسُس

17 ومن مالطا، بْعت بولَس يُعَيَّط لشْيوخ الكَنيسة، 18 وكي وَصلو لعَندو، قالَلهُم: "راكُم عارفين كيفاش كُنت معاكم في كُل وَقت من اليوم الأولاني اللي حَطِّيت فيه رَجلي في آسيا، <sup>19</sup> نَخَدَم فالرَب، وأنا مَتواضَع وبالدْموع والحْايَن اللي صْراولي على جال الفْخَخ اللي داروهُملي الْيهود، <sup>20</sup> ما خَلِّيت حَتَّى حاجة تْفيد ما خَبَّرَتَكُمْش بيها وعَلَّمتُم عيناني وفي كُل دار، <sup>21</sup> وشْهَدت لليهود واليونانيِّين بالتوبة لله والإيمان برَبنا يَسوع المَسيح. <sup>22</sup> ودُرك راني راجَح لأورشَليم وأنا مَربوط بالروح، وماشي عارَف وأش راجَح يَصرالي ثَمَّة، <sup>23</sup> بَصَّح الروح القُدّوس، يَشهَدلي في كُل مُدينة ويْقول الحَبس والحُعايَن راهُم يَستَناو فِيَّ. <sup>24</sup> بَصَّح أنا ما راني داير حْساب لحَتَّى حاجة، ونفسي ماراهيش

غالية عَندي. هات بَرك نُكَّل الجري مْتاعي والخَدمة اللي كَلَّفني بيها الرَب يَسوع وهِي الشّهادة لإنجيل نَعمة الله. وَدُوك، راني عارَف باللي ما را كُمش رايحين تُريدو تشوفو وَجهي، أنتوم كامَل اللي جَزت في وَسطكُم وأنا نَبرَّح بالمَلكوت. 26 وعلى هَدا، نُشَّهدُمُ اليوم باللي راني مُبرّي من دَمكُم كامَل، 27 خاطر خَبرتكُم بكامَل مُراد الله بْلا ما غُنيِّي حاجة. 28 رَدّو بالكُم على نُفوسكُم وعلى كامَل القُطيع اللي داركُم الروح القُدّوس مَسؤولين عليه، باش تَلَهاو بكنيسة الله اللي جابها بدَمّو. 29 أنا راني عارَف باللي بَعدما نُروح، رايحين يَدُّخلو في وَسطكُم ديوبة خطّافين ما يَرَّحوش القُطيع، 30 ورايحين يَخُرجو من وَسطكُم ناس يْعَلمو العُوج باش يَجَبدو التابعين ليهُم، 31 على هَدا، رَدّو بالكُم وتُفكّرو باللي مُدّة تلت سْنين ما حُبستش ليل ونهار وأنا بالدُموع غُدَّر في كُل واحَد فيكُم. 32 ودُرك، غُغَلَيكُم يا لا الدَهَب وَلا اللبسة مْتاع كاش واحَد، 34 رائم عارفين باللي هاد اليَدّين هومَ اللي خَدمو على الشي اللي نَسَّحقو أنا واللي معاي، 35 وفي كُل حاجة، بيَّنتلكُم باللي هَكدا لازَم تَعبو وتْعاونو القُلالين، وتَنفكّرو كلام الرَب يَسوع اللي واللي معاي، 35 وفي كُل حاجة، بيَّنتلكُم باللي هاد الازَم تَعبو وتْعاونو القُلالين، وتَنفكّرو كلام الرَب يَسوع اللي كامل، 37 وكامل بُكاو بَرَّاف وهومَ مَرميّين على بولَس، يْعَنقو ويبوسو فيه، 38 وكانو مَوجوعين بَرَّاف، الكُترة على حال الكَلمة اللي قالها باللي ما يُزيدوش يُشوفو وَجهو، أومبَعد، وصَّلوه للبابور.

21

### لأورشَليم

أوكي فارقناهُم، قلَّعنا ورُحنا قبالة لكوس، وغَدوة من داك لرودَس ومن تَم لباتَرا، ² وكي لْقينا تَمّة بابور رايح لفينيقية، رْكبنا فيه ورُحنا. ³ باتتكنا قبرُص، وخلّيناها على اليسرى وكمَّانا طريقنا لسورية وحَبسنا صور خاطر تمّة اللي البابور يْفَرَّغ السّلعة مْتاعو. ⁴ وكي لْقينا التابعين، قْعَدنا تمّة سبع أيّام. وكانو يْقولو لبولس بالوَحي مْتاع الروح باش ما يَطلَعش لأورشليم. ⁵ بَصَّح كي كَمَّنا هَدوك اليامات، خْرَجنا باش نْكَيلو طْريقنا، وهوم كامل وَصّلونا مع نساهُم وولادهُم حَتّى لبرّا من المدينة، ورْكعنا على شَط البْحر وصَلّينا. 6 أومبَعد، تُوادَعنا وطلَعنا فالبابور وهوم وَلاّو لديورهُم.

<sup>7</sup> كَتَّلنا الطْرِيق فالبْحَر، ورُحنا من صور لبتوكمايَس، وسَلَمْنا على الخاوة تَمَّة وجَوَّزنا معاهُم يوم واحَد. <sup>8</sup> وغَدوة من داك، رُحنا لقيصريّة، ودْخَلنا لدار فيلبُّس اللي يَبَشَّر، وكان هُو واحَد من السَبعة، وقْعَدنا عَندو، <sup>9</sup> وكانو عَندو رَبع بنات عُواتَق يَتَنبَّأُو. <sup>10</sup> وكي بقينا عَندو يامات بَرَّاف، واحَد النبي واسمو أغابوس هُبط من اليهوديّة، <sup>11</sup> وجا لعَدنا، شَد الحُزام مْتاع بولَس ورْبَط رَجليه ويَدّيه وقال: "هاو واش يْقول الروح القُدّوس، مولى هاد الحُزام، هكدا رايحين يَرَّبطوه اليهود في أورشَليم ويْسلّموه ليَدّين الكُفّار." <sup>12</sup> وكي شمّعنا هاد الشي، حْنا والناس اللي من هَداك المَدرَب، طلبنا من بولَس باش ما يَطلَعش لأورشَليم، <sup>13</sup> وواجَب بولَس: "واش راكم تُديرو وأنتوم تَبكيو وتَقَسمولي في قَليي؟ أنا، راني واجَد ماشي غير باش نَتكَتَّف بَرك، نُزيد مُوت في أورشَليم على جال آسَم الرَب يسوع." <sup>14</sup> وكي

ما تُقَنَّعشُ، سْكَتنا وقُلنا: "مُراد الرَب هُو اللي يُكون." <sup>15</sup> بَعد هَدوك اليامات، وَجَّدنا روحنا وطْلَعنا لأورشُليم، <sup>16</sup> وجاو مْعانا تاني واحَد التابعين من قَيصَريّة وأدّاونا عَند مناسون القُبرُصي، واحَد التابَع قْديم، باش نُقَّعدو عَندو.

### بولَس يُوصَل لأورشَليم

17 وكي وْصَلنا لأورشَليم، سْتَقبلونا الخاوة بالفَرحة، 18 وغَدوة من داك، راح مْعانا بولَس عَند يَعقوب وحَضرو كامَل الشَّيوخ، 19 وبَعد ما سَلَّم عليهُم، بْدا يُخَبَّر فيهُم حاجة بحاجة على كل واش دار الله بين اللي ماشي يْهود على يَدّو، 20 وكي سَمعولو، سَبحو الله وقالولو: "راك تشوف يا خونا شُّعال من آلَف ماليْهود اللي آمنو، وهوم كامَل يُغيرو على الشَريعة، 21 وراهُم سَمعو عليك باللي راك تُعلَّم كامَل اليْهود اللي راهُم عايشين في وَسط اللي ماشي يْهود باش يُخرِّجو على طريق موسى وتْقولَلهُم ما يُختّنوش وْلادهُم وما يَمشيوش على حساب العُوايَد. 22 واش نديرو همّالا؟ بْلا شَك رايحين يَسَّمعو باللي راك هْنا. 23 همّالا دير واش نقولولك، عَندنا رُبع رْجال عليهُم عَهَد، 24 أَدّيهُم معاك، وطَهَّر روحك معاهُم وخَلَّصلُهُم باش يُحقّفو شُعَرهُم، وهَكدا كامَل يَعَرفو باللي الشي اللي سَمعوه عليك ماشي معاك، وطَهَّر روحك معاهُم وخَلَّصلُهُم باش يُحقّفو شُعَرهُم، وهَكدا كامَل يَعَرفو باللي الشي اللي سَمعوه عليك ماشي معو وباللي أنتَ تاني راك تَمشي على حساب الشَريعة. 25 ومن جيهة، اللي ماشي يُهود اللي آمنو، رانا بْعَتنالهُم حنايا بريّا الشي اللي حمّنون بالي الله ماشي نهود اللي آمنو، رانا بْعَتنالهُم ونكل المُعبَد باش يُسَجَّل وقتاش يُغلاصو يامات التَطهير وتَمَد تَقدِمة الرّجال غَدوة من داك، وطَهَّر روحو معاهُم ودْخَل للمَعبَد باش يُسَجَّل وقتاش يُغلاصو يامات التَطهير وتَمَد تَقدِمة كل واحَد.

بولس ينحبس

<sup>22</sup> وكي قرّبو يخلاصو السبع أيّام، شافوه الْيهود مْتاع آسيا فالمَعبَد، وحَرَّشُو الغاشي وحكموه، <sup>28</sup> وهومَ يُعيّطو: "يا رُجال إسرائيل، عاونونا، هَدا هُوَ الراجل اللي راهو يُعلَّم الناس كامَل في كُل مَدرَب ضَد الشَعب، ضَد الشَريعة وضَد هاد المُكان، وزاد دَخَّل اليونانيّين للمَعبَد ونَجَّس هاد المُكان المُقَدَّس." <sup>29</sup> خاطر كانو شافو معاه فالمُدينة تُروفيمَس الأفسُسي وحَسبو باللي بولَس دَخَلو للمَعبَد، <sup>30</sup> هاجَت المُدينة كامل، وتُلم الشُعب وحكمو بولَس وخرِّجوه وهوم يُكركو فيه مالمَعبَد وتَم تَم عَلقو البيبان مُتاع المُعبَد، <sup>11</sup> وكي كانو حابين يُقْتلوه، وْصَل الخُبرَ لقايَد الكتبية باللي أورشَليم كامَل تُهَوَّلَت. <sup>23</sup> تَم تَم، أدّا العَسكرَ وقيّاد المُية وراح يَجري ليهُم، وكي شافو اليهود القايَد والعَسكر، حَبسو يَشَّر بو في بولَس.

33 هِمَّالاً، قَرَّب القايَد الألف وحكمو وآمَر باش يَرَّبطوه بزوج سْناسَل وبْدا يْسَقسي عليه واش يُكون وواش دار. <sup>34</sup> بَصَّح الغاشي، شْوِيّة كان يْعَيَّط يْقُول حاجة وشْويّة حاجة أخرى، وكي ما قْدَرش يَعرَف الصَح على جال الشُقلالة، آمَر باش يَدّيوه لبُرج العَسكَر. <sup>35</sup> وكي وْصَل بولَس للدْروج، كان لازَم يَرَّفدوه العَسكَر على جال قْباحة الغاشي، <sup>36</sup> خاطَر الشَعب كان يْتَبَّع فيه ويْقول: "أقتَّلوه."

#### بولَس يْحامي على روحو

<sup>37</sup> وكي كان بولَس قْريب يَدخُل لبُرج العَسكَر، قال لقايَد الألف: "نَقَدَر نْقولَك حاجة؟" قاللو القايَد: "تَعرَف اليونانيّة؟ <sup>38</sup> همّالا، ماشي أنتَ هَداك المَصري اللي دار الهول فاليامات اللي فاتو وأدّا للخْلا رَبع آلاف راجَل مالقَتّالين؟" <sup>39</sup> قال بولَس: "أنا راجَل يْهودي، طَرسوسي من مْدينة ماشي مَهيونة في كليكيّة. أُسمَحلي مَن فَضلَك نَهدَر مع الشَعب." <sup>40</sup> كي شُمَحلو القايَد، وْقَف بولَس عالدْروج ورَوَّش بَيدّو للشَعب. طاح سْكات كُبير وهْدَر بولَس باللُغة العبريّة وقال:

22

1 "يا الخاوة ويا الوالدين، أسَّمعو للشي اللي رابَح نقولهولكُم دُرك باش نْدافَع على نَفسي"، 2 كي سَمعوه يَهدَر معاهُم باللغة العبريّة، زادو سَكتو وقال: 3 "أنا يُهودي، زَدت في طَرسوس، في كيليكيّة، وكْبَرت في هاد المدينة، وتْربّيت على هاد عَما لائيل اللي عَلَّمني مُليح شَريعة والدينا، وكُنت نغير لله كيما راكم أنتوم كامَل اليوم، 4 وشُحنت على هاد الطريق حَتى للموت، وأنا نُسنسَل ونَدي للحباس رْجال ونُسا، 5 رايس رْجال الدين وعَبلس الشيوخ تاني يَشَّهدولي، أَدِّيت من عَدهُم بْراوات ضَد الخاوة مُتاع دِمَشق، وين رُحت باش غِيب كامَل اللي نلقاهُم مَّة مُكتفين لأورشليم ونعاقبُهم، 6 وكي كُنت فالطريق، قُريب نلَحَق لدِمَشق، تَم تَم وفي وَسط النهار، بْرَق سايَر داير عليَّ ضو حُبير مالسْما، 7 طَحت فالأرض، وشمَعت صوت يُقوللي: "شاوَل، شاوَل، عُلاش راك شاحَن عليَّ؟" 8 جاوَبتو: "شكون أنت يا رَب؟" قاللي: "أنا يَسوع الناصري اللي راك شاحَن عليه" 9 اللي كانو معايَ، شافو الضو بَصَّح ما سَمعوش صوت يُقولولك يارَب؟" قاللي كان يَهدَر معايَ. 10 ووَلَيت ما نُشوفش على جال الشوع مُتاع الضو، حَتَى اللي كانو معايَ قُوّدوني من يَدي كامَل واش لازَم تُدير." 11 ووَلِيت ما نُشوفش على جال الشوع مُتاع الضو، حَتَى اللي كانو معايَ قُوّدوني من يَدي وصوف لومولوني لدمشق.

12 وواحَد واسمو حَنانِيّا، راجَل تَقي على حْساب الشَريعة، وكامَل الْيهود اللي ساكنين ثمّّة، يَشَّهدولو بالخير، 13 جا لِيَّ وقاللي: "شاوَل خويَ، شوف." في ديك الساعة رَجعَتلي الشوفة وشَفت فيه، 14 وقاللي: "إلَه جْدودنا خَيْرَكُ من قُبُل باش تَعرَف مُرادو وتشوف الصالح وتسمَع كُلام من فَق، 15 خاطَر رايح تُكون شاهَد ليه قُدَّام كامَل الناس على واش شَفت وشَمَعت. 16 ودُرك وَعلاش تَعطَّل؟ نوض وأتعَمَّد وأغسَل روحَك من دْنوبَك وأنتَ تَدَكُر في آسَم الرَب."

17 كي وَلِيْت لأورشَليم، كُنت نُصَلِّي فالمَعبَد حَتَّى غَيَّبت، 18 وشَفت الرَب يْقوللي: "غاوَل، وأخرُج بالخَف من أورشَليم خاطَر ما راهُمش رايحين يَقَبلو شْهادتك ليَّ"، 19 قُلت: "يا رَب، راهُم عارفين باللي كُنت نْدَخَّل للحَبس ونْعاقَب بالفْساوة اللي يامنو بيك في كامَل الجُمامَع، <sup>20</sup> وكي سال دَم سْتِفانوس الشّهيد مْتاعك، كُنت أنا واقَف وراضي على فْتيلتو وعَسّيت الحُواجِ مْتاع اللي قَتلوه"، <sup>21</sup> وقاللي: "روح، راني نَّبعتَك بْعيد للأُمّات."

<sup>22</sup> سَمعولو حَتَّى لهاد الكَلهة، أومبَعد طَلَعو صوتهُم وهومَ يْقولو: "غَيِّو هاد الإنسان من الأرض، خاطَر ما يَستاهلش يْعيش"، <sup>23</sup> وبْداو يْعيَّطو ويَرميو في حُوايَجهُم ويَطَّلقو الغْبار فالهْوا. <sup>24</sup> آمَر قايَد الأَلف باش يْدخَّلو بولَس لبُرج العَسكر ويَجَّتوه بالضَرب باش يَعرَف واش من السبَّة كانو يْعيَّطو عليه هَكدا.

#### بولَس واحَد روماني

<sup>25</sup> كي كَتَفُوه العَسكَر باش يَجَّلدوه، قال بولَس لقايَد المَّية اللي كان واقَف قُدَّامو: "يُجوزَلكُم بَجَّلدو إنسان روماني قُبَل ما يُجوز فالشُرَع؟" <sup>26</sup> كي شمَع قايَد المُية هاد الكُلام، راح للقايَد الكُبير وخَبَّرو وقال: "واش رايَح تْدير؟ هاد الراجَل روماني"، <sup>27</sup> راح قايَد الألف لبولَس وسَقساه: "قوللي، أنتَ روماني؟" جاوَب بولَس: "إيه"، <sup>28</sup> وقال قايَد الأَلف: "أنا خَلَّصت دْراهَم كْبار باش كْسَبت هاد الجَنسيّة"، قال بولَس: "وأنا زَدت بيها." <sup>29</sup> تَم تَم، اللي كانو رايحين يَعَّتوه جَبدو روحهُم، وخاف قايَد الأَلف كى عُرَف باللي بولَس روماني وكى آمَر باش يْكَتَّفوه.

#### قُدَّام ريَّاس الْيهود

<sup>30</sup> غَدوة من داك، حَبّ يَتَعَقَّق على واش كانو الْيهود يَتَّهمو في بولَس، وطْلَب يْغَيُّولو السْناسَل وآمَر ريّاس رْجال الدين والجَلَس الديني باش يَتلايمو وهَبُّط بولَس باش يَوقَف في وَسطهُم.

23 ونْعْرَر بولَس فالمجَلَس الديني وقال: "يا الخاوة، حَتَّى لليوم مْشيت بضَمير مْهَنِي قُدَّام الله"، ² رايَس رْجال الدين 1 حَنانيّا آمَر اللي كانو واقفين قُدّام بولَس باش يَضَّربوه على فَمَّو. 3 داك الساع، قاللو بولَس: "الله يَضَّربَك يا الصور الْمُبَيَّض، راك قاعَد باش تْشارَعني على حْساب الشَريعة وأنتَ ثْخَالَف الشَريعة كونَك تَآمَر باش يَضَّربونى؟" 4 اللي كانو حاضرين قالو: "تْشَب رايَس رْجال دين الله؟" 5 قال بولَس: "ما كُنتش عارَف يا الخاوة باللي هُوَ رايَس رْجال الدين، خاطَر مَكتوب: "ما تْقولش كْلام دوني على رايس شَعبَك."

6 وكى عْرَف بولَس باللي شُويّة من الجَلَس صَدوقيّين والأُخرين فَرّيسيّين، عَيَّط فالجَلَس الديني: "يا الخاوة، أنا فَرِّيسي وْلِيد فَرِّيسي، راني نَتشارَع على جال رْجاي فالقيامة من الموت"، 7 كي قال هاد الشي، ناضَت الشَقلالة بين الفَرّيسيّين والصَدّوقِيّين ونْقُسمَت الجْماعة، 8 خاطَر الصَدّوقِيّين يْقولو باللي ما كان لا قِيامة، لا مْلاك ولا روح بَصّح الفَرّيسيّين يامنو بهَداك الشي كامَل. 9 قُوا العْياط وشي كُتّاب من اللي تابعين للفَرّيسيّين ناضو وبْداو يْغالبو بالحْرارة وقالو: "ما لْقينا حَتّى حاجة دونيّة في هاد الراجَل، بَلاك هْدُر معاه روح وَلاّ مْلاك؟"

10 كى بْدات الشّقلالة تَكتَر، خاف قايَد الأَلف يْعودو هَدوك الناس يْقَطّعو بولَس طْراف طْراف، وآمَر العَسكر باش يَتَّبطو يَخَّطفوه من يَدَّهُم ويَدّيوَه لبُرج العَسكَر. 11 الليلة اللي مَن بَعد، وْقَف الرَبِّ لبولَس وقال: "أَتَسَجُّع، خاطَر كيما شْهَدتلي في أورشَليم، لازَم تْزيد تَشْهَدلي في روما."

#### يَتفاهمو على بولَس باش يَقَّتلوه

12 كي طْلَع النْهار، تْفاهمو شي يْهود وحَرّمو على روحهُم الماكلة والشْراب حَتّى يَثَّتلو بولَس، 13 واللي تْفاهمو على هاد الشي كانو كُتَر من رَبعين، 14 وراحو لريّاس رْجال الدين والشّيوخ وقالو: "حَرَّمنا على روحنا الماكلة والشّراب حَتّى نَقُتلو بولَس، <sup>15</sup> همّالا، أُطّلبو أنتومَ والمَجلَس الدينى من قايَد المية باش يْجيبَلَكُم بولَس كي شْغُل باش تْزيدو تَبَّعتوه كْتَر، وحْنا رانا واجدين باش نَقُتلوه قْبَل ما يْقَرَّب اللّهنا." <sup>16</sup> كي سْمَع وْليد خُت بولَس بالفَخّة، راح لبُرج العَسكرَ وخَبَّر بولَس. 17 عَيَّط بولَس لواحَد من قيّاد المية وقال: "أُدّى هاد المَصغَر لقايَد الأَلف خاطَر عَندو حاجة يُخبّرو بيها." <sup>18</sup> أَدّا المُصغَر ووَصّلو لقايَد الأَلف وقال: "عَيّطلى المحبوس بولَس وطْلَب مَنّى نجيبلَك هاد المَصغَر خاطَر عَندو حاجة يْقولهالك." <sup>19</sup> شَد قايَد الأَلف المُصغَر من يَدّو، وجَبدو وَحدو على جيهة وسَقساه: "واش حَبّيت تْخَبَّرْنِي؟" 20 قال: "الْيهود تْفاهمو يَطَّلبو مَنَّك تُهبُّط بولَس غدوة للمَجلَس الديني كي شْغُل رايح يْجوز فالبَحت كْتَر، 21 ما تَقبَلش، خاطَر كُتَر من رَبعين واحَد مَنهُم دارولو فَخّة وحَرّمو نْفوسهُم من الماكلة والشْراب حَتّى يَقْتلوه ودُرك راهُم واجدين ويَستَنَّاو غير باش تَقبَل."

بولَس يَترَحَّل لفيلكس في قَيصَرية

<sup>22</sup> طْلَقَ قَايَد الأَلْفَ هَداكَ المَصغَر ووَصّاه: "ما تُقول لحتّى واحَد باللي راك عُلمتني بهاد الشي"، <sup>23</sup> أومبَعد، عَيَّط لزوج من قِيَّاد المُية وقال: "وَجَّدو من التَسعة مْتاع الليل ميتين عَسَّكري وسَبعين فارَس وميتين قُوّاس باش يُروحو لقيصَريّة، <sup>24</sup> ووَجَّدو زُوايَل باش تُركّبو بولس وتُوصّلوه بخير للوالي فيلكس"، <sup>25</sup> وكْتَب بْريّة، هاو واش فيها: <sup>26</sup> "كُلوديوس ليسياس للغزيز فيلكس الوالي، سَلام: <sup>27</sup> هاد الراجَل، حكموه الْيهود وكانو مْعَوّلين يَقْتلوه كي وْصَلت أنا مع العَسكر وسَلَّكتو خاطر عْرفت باللي هُو روماني، <sup>28</sup> حَبِّيب نَعرَف واش من السَّبة اللي تَهموه وهَبَّطتو للمَجلس الديني مْتاعهُم، <sup>29</sup> وتَبَيَّنلي باللي كان مَهوم على جال حاجات مُتاع شَريعَتُهم، بَصَّح ما دار حَتّى شي يَستاهَل عليه الموت وَلاّ الحَبس. <sup>30</sup> أومبَعد، كي عْرَفت باللي الْيهود دارولو فَقَة، بْعَتهولَك تَم تَم وآمَرت اللي شيكاو بيه يُبيو يَشتكيو بيه عَدَك."

<sup>31</sup> العَسكَر أَدّاو بولَس على حْساب الآمَر اللي جاهُم وراحو بيه فالليل لأنتيباتريس. <sup>32</sup> وغَدوة من داك، خَلاّو الفَرسان يُكَيّلو الطْريق مع بولَس ووَلاّو لبُرج العُسكَر، <sup>33</sup> وكي وَصلو لقيصَريّة، مَدّو الفَرسان البْرِيّة للوالي وسَلمولو بولَس. <sup>34</sup> الوالي بَعد ما قُرا البْرِيّة، سَقسا من واش من الوِلاية بولَس، وكي عَرفو باللي من كيليكيّة، <sup>35</sup> قاللو: "راني نَسَمَعكُ كي يُجيو اللي شتكاو بيك"، وآمَر باش يَدّيو بولَس لقْصَر هيرودَس.

#### 24

#### شُكاية الْيهود ببولَس

أ بعد خمس أيّام، هبط حنانيًا رايس رجال الدين مع الشيوخ وواحد المحامي واسمو ترتلُس وشتكاو ببولس عند الوالي. 2 عَيقو لبولَس وبْدا تَرتلُس يَهَم فيه ويْقول: "الآمان الكْبير اللي رانا فيه بيك، والحاجات اللي تُبدّلو للفايدة متاع هاد الأُمّة بالتَدبير مْتاعك، 3 يا العْزيز فيلكس، نَقَبلوهُم وحْنا شاكرين في كُل زْمان وكُل مْكان، 4 بَصَّح، باش ما نُطَولش عليك، نَترَجّاك تَسمَع بخاطرك الواسع واش رانا حابين نقولولك بالخف. 5 عُرَفنا باللي هاد الراجَل يْضَر ويْدير الفراق بين كامَل اليهود اللي فالأرض، وهُو رايس بَدعة الناصريّين، 6 وكي لحق باش يْزيد يْنَجَس المَعبَد، حُكَناه. 8 وأنت تَقدر تَجَتو وتعرف منو كامَل الشي اللي نشتكيو بيه مَنو." 9 اليهود تاني جاو في صف اللي كان يَهَم في بولَس وقالو باللي هاد الشي صح صْرا هكداك.

### بولَس يْدافَع على نَفسو قُدَّام الوالي فيلِكس

10 شَر الحاكم لبولَس باش يَهدَر وقال بولَس: "عْرَفت باللي من عُوام بَرَّاف وأنتَ قاضي في هاد الأُمّة، على هَدا رايح نْدافَع على نَفسي وأنا مُهنّي، 11 وأنتَ تَقَدَر تَتَحَقَّق باللي ما عَنديش كُتَر من طْناشَن يوم من اللي طُلَعت لأورشَليم باش نَعبَد، 12 ما شافوني لا فالمُعبَد، لا فالجُامَع وَلا فالمُدينة نْناقَش في كاش واحَد وَلا نَلُم فالغاشي باش نُدير الهُم يَتَّموني بيه، 14 نَستَعرَفلَك بهاد الشي، نَعبَد إلَه جُدودنا على حُساب الطُريق اللي يُقولولها بَدعة ونامَن بكامَل واش مَكتوب فالشَريعة وكتوب الأنبيا، 15 وعَدي رْجاي فالله كيما عَدهُم هومَ تاني، باللي تُكون قيامة للصالحين والخاطيين، 16 على هَدا، نُدير مَجهودي أنا تاني باش يُكون ضَميري دايمًا صافي قُدّام الله والناس. 17 بَعد سُنين بَرَّاف، جيت نُمَد صَدقة وتَقدِمات للشَعب مْتاعي، 18 هَكَدا

اللي لْقاوني مَتطَهَّر فالمَعبَد، بلا غاشي وَلا هول، <sup>19</sup> شي يْهود مْتاع آسيا وهومَ اللي لازَم يَوَّقفو قُدَّامَك يَشتكُيو بيَّ وَلاَّ عَندهُم حاجة ضَدِّي. <sup>20</sup> وَلاَّ ما كاش، يْقولو هَدو بالدات، واش من الفَعل الدوني اللي لْقاوَه فِيَّ كي وْقَفَت قُدَّام الجَلَس الديني، <sup>21</sup> غير وَلاَّ كان على جال الكُلام اللي سَغت بيه في وَسطهُم: "على جال قِيامة الموتى اللي راني اليوم نَتشارَع قُدَّامَكُم؟"

### بولَس فالحَبَس في قَيَصَريّة

<sup>22</sup> فيلِكس اللي كان يَعرَف مُليح الشي اللي يُخُص هاد الطْريق، عَطَّلهُم وقال: "كي يْجِي قايَد الأَلف ليسياس، نَعِتَ في دَعوَتُكُم"، <sup>23</sup> وآمَر قايَد المْية باش يْديرو العَسّة على بولَس ويْسَهّلولو وما يَمَّنعو حَتَّى واحَد من صْحابو باش يَخَدَمو.

24 بَعَد يامات، جا فيلكس مع دْروسِلا مَرتو، اللي كانَت يْهوديّة وبْعَت يْجِيب بولَس وسْمَع مَنّو على الإيمان بالمَسيح، <sup>25</sup> بَصَّح كي كان بولَس يَهدَر على الصْلاح، وباللي واحد لازَم يَتَحَمَّم في نَفسو وعلى الحْساب مْتاع الله الله جاي، خاف فيلكس وقال لبولَس: "روح دُرك وكي نَلقا الوَقت، نْعاوَد نْعيَّطلَك." <sup>26</sup> ومن جيهة أخرى، كان فيلكس مَتمنّي لو كان بولَس يَعطيلو الدْراهَم باش يطلقو، وعلى هَدا كان مَنّا اللَهنا يَبعَت يْجِيبو ويَهدَر معاه. <sup>27</sup> جازو عامين هَكدا، وخْلَف فيلكس بوركيوس فَستوس. وباش يَرْضّى الْهود، خَلاّ فيلكس بولَس فالحَبس.

#### 25

### بولَس يُجوز فالشْرع قُدَّام فَستوس

أ بَعد تَكَ أَيّام من اللي جا فَستوس للوِلاية، طْلَع من قَيصَريّة لأورشَليم. ² رِيّاس رْجال الدين والنّجار مْتاع اليهود جاو يَشتكيو ضَد بولَس، وطلبو مَنّو ³ وحَللوه باش يْدير فيهُم مْزِيّة ويْجيب بولَس لأورشَليم خاطَر كانو مُوجّدينلو خَة باش يَقْتلوه فالطريق. ⁴ جاوَبهُم فَستوس باللي بولَس راهو تَحت العَسّة في قَيصَريّة وباللي هُو بالدات راهو قْريب يْروح لتّمة، ⁵ وقال: "يَبّطو مْعاي النّجار منكم ولا كان في هاد الراجل حاجة دونيّة، يَشتكيو بيه."

6 فَعْد فَستوس فِي أُورشَلِيم مُدّة ما تُزيدش على ثَمْنية وَلاّ عَشر أيّام، أُومَبَعد هْبَط لقيصَريّة وغَدوة من داك، وَقَعد على كُوسي الحُكم مْتاعو وآمر باش يُجيبو بولس. <sup>7</sup> كي وْصَل، دارو بيه اليْهود اللي هَبطو من أورشَليم، وتَهموه بحاجات بزّاف وُبُجار ما يَقَدروش يُجيبو عليهُم النّبوت. <sup>8</sup> بْدا بولس يْدافَع على نَفسو وقال: "ما غْلَطت في حَتى شي، لا في حَق المُعبَد وَلاَ في حَق قَيصَر." <sup>9</sup> فَستوس، باش يْرَضِي اليْهود، جاوَب بولَس وقال: "أُن واقف في دار الشَّرع مْتاع "ثَجَب تَطلَع لأورشَليم تَتشارَع قُدّامي على هاد الحاجات؟" أن جاوَب بولَس: "أنا راني واقف في دار الشَّرع مْتاع قيصَر، وين لازَم نُجوز فالشَّرَع، راك عارَف مُليح أنتَ تاني باللي ما صْلَمت اليُهود في حَتى حاجة، <sup>11</sup> خاطَر، ولا ضَلَمت ولا دَرت حاجة نَستاهَل عليها الموت، ما نَهرَبش من الموت، بَصَّح وَلاّ الشي اللي تَهموني بيه كُدَب، حَتى واحَد ما عَدو الحَق باش يُسَلّني لِيهُم، نَطلَب غُوز فالشْرَع قُدّام قَيصَر." <sup>12</sup> فَستوس، بَعد ما شاور المُستَشارين اللي معاه، جاوَب: "طْلَبَ الشَّرَع عَدد قَيصَر، تُروح لقيصَر،"

13 يامات من بَعد، جا السَلطان أغريباس وبَرنيكي لقيصَرِيّة باش يُسلّو على فَستوس. 14 كي بْقاو تُمّة يامات بَرَّاف، هْدَر فَستوس للسَلطان على دَعوة بولَس وقال: "فيلكس خَلاّ واحَد الراجَل مَحبوس هْنا، 15 وكي كُنت في أورشَليم، شْتكاولي بيه رِيّاس رْجال الدين وشْيوخ اليُهود وطَلبو مَنيّ نَحَكُم عليه. 16 جاوَبَتُهم باللي ماشي من عادة الرومان باش يَحَكمو على واحَد فَبْل ما يْقابَل اللي شْتكاو بيه ويَقدَر يْدافَع على نَفسو من الشي اللي راهو مَتهوم بيه، 17 وكي جاو اللهنا، قَمْدت بالا ما نُعطَّل عَدوة من داك على كُرسي الحُمُ وآمَرت باش يُجيبو هاد الراجَل، 18 وكي قابلوه اللي شتكاو بيه، ما قالو عليه حَتّى شي من اللي كان في بالي، 19 كانو يُلومو فيه على حاجات مْتاع الدين مْتاعهُم وعلى واحَد الراجَل واسمو يَسوع، مات وكان بولس يْقول باللي راهو حَي. 20 وكي حَرت واش نُدير في هاد الدعوة، سَقسيتو وَلاّ يْحب يْروح لأورشَليم ويْجوز ثَمّة فالشّرَع على هاد الحاجات، 21 بَصّح بولَس كي طُلَب باش تُجوز دَعَّوتو عَند الإمبراطور، آمَرت باش تَندار عليه العَسّة حَتَّى نَبَّعتو لقَيصَر." 22 قال أغريباس لفستوس: "باش تُعدار عليه العَسّة حَتَّى نَبَّعتو لقَيصَر." 22 قال أغريباس لفستوس: "راني حاب أنا تاني نَسَمَع هاد الراجَل"، جاوبو فَستوس: "غَدوة تَسَمعو."

### بولَس قُدَّام أغريباس

<sup>23</sup> غَدوة من داك همّالا، جا أغريباس وبَرنيكي في حَطّة خُبيرة، ودَخلو لدار الشُرَع ومعاهُم قِيّاد الأَلف وْبَار المُدينة وآمَر فَستوس باَش يُجيبو بولَس. <sup>24</sup> قال فَستوس: "السَلطان أغريباس، وكامَل اللي حاضرين معاكمُ، راكُم شُوفو هاد الراجَل اللي طَلبوني عليه كامَل اليُهود في أورشَليم وهْناي وهومَ يْعَيّطو باللي ما لازَمش يْزيد يْعيش، <sup>25</sup> أنايَ، كي شَفت باللي ما دار حَتّى حاجة يَستاهَل عليها الموت وهُو زاد طْلَب باش تُجوز دَعَّوتو للإمبراطور، عَوَّلت نَبَّعتو، <sup>26</sup> بَصَّح ما عَندي حَتّى حاجة باينة نكتبها عليه للقَيصَر. على هَدا جَبتهولكُم، وبخْصاص ليك أنتَ يا سَلطان أغريباس باش نَلقا واش نكتب بَعد ما يُجوز فالبَحت، <sup>27</sup> خاطَر، نُشوف باللي ما جاتتش لو كان نَبعَت عَبوس بلا ما نَبَيْن باش راهو مَتهوم."

26

1 قال أغريباس لبولس: "مَسموحلَك تَهدَر باش تُدافَع على روحَك." داك الوقت، رْفَد بولَس يَدّو وبْدا يْدافَع على نفسو: 2 "السَلطان أغريباس، راني فَرحان اليوم اللي راني نْدافَع على روحي قُدّامَك من كامَل الحاجات اللي تَهموني بيهُم اليْهود، 3 خاطَر أنتَ تَعرَف مُليح كامَل عُوايَد اليْهود والحاجات اللي يَهدّرو فيهُم، وعلى هَدا نطلب مَنَك تَسمَعني بتَسعة الخاطَر، 4 كامَل اليْهود يَعرفو كيفاش كانَت حْياتي من بْداية صُغري في وَسط أُمتي وفي أورشليم، 5 راهُم عارفين من زْمان، وَلا حَبّو يْستَعرفو، باللي عَشت فَرّيسي على حْساب المَدهَب المَتشَدَّد كامَل فالدين مُتاعنا، 6 ودُرك، راني غُوز فالشُرَع على جال رُجاي فالوَعد اللي وْعَد الله بهه جْدودنا، 7 واللي عْشايرنا في طْناش راهُم يَرجاو يَوَّصلولو وهومَ دايرين كامَل مَجهودهُم عابدين الله ليل ونْهار، على جال هاد الرْجا يا سَلطان اللي راني مَتهوم من عَند اليهود. 8 بانتَلكُم حاجة ما تتّامَنش باللي الله يَحيي الموتى؟ 9 أنا، كُنت شايف باللي لازَم ندير حاجات من عَند اليهود، 8 بانتَلكُم حاجة ما تتّامَنش واش درت في أورشَليم، رْميت فالحَبس بَرَّاف من القَديسين كي جَبت شينين ضَد آسَم يَسوع الناصري، 10 وهَدا واش درت في أورشَليم، وميت فالحَبس بَرَّاف من القَديسين كي جَبت الله بينين ضَد رُجال الدين اللي يَعطيني الحق في هاد الشي، وكي كانو يُحَمّو عليهُم باللي يَقْتلوهُم، كُنت أنا نَدعَم التَسريح من عَند رْجال الدين اللي يَعطيني الحق في هاد الشي، وكي كانو يُحَمّو عليهُم باللي يَقْتلوهُم، كُنت أنا نَدعَم

هاد الشي. <sup>11</sup> شُحال عاقَبَتُهم في كامَل الجُامَع وكُنت نْحَتَّم عليهُم يَكُّفرو، وعلى حْساب حُقدي الزايَد عليهُم، كُنت نَبَّعَهُم حَتَّى للمْدايَن اللي خارَج البْلاد.

12 على جال هاد الشي اللي أدّيت التسريح والوْكالة من عَند ريّاس رْجال الدين ورُحت لدِمَشق. 13 في نَص النّهار، يا سَلطان، شَفت فالطّريق ضو من السَّما قُوي على الشوع مُتاع الشّمس، بْرَق ساير داير علينا أنا واللي راحو مُعاي. 14 طَحنا كامَل على الأرض وسُمَعت صوت يُقوللي باللّغة العبريّة: "شاوَل، شاوَل، شاوَل، علاش راك شاحَن عليّ، صْعيب عليك باش تُركَّل المَهمَز"، 15 قُلت: "شْكون أنتَ يا سيدي؟" قال الرّب: "أنا يَسوع اللي راك شاحَن عليه، 16 نوض وأوقف على رَجليك، خاطَر على هَدا اللي ضُهرَتلك. خَيَّرتك باش تُكون خَدّام ليَّ وشاهَد بالشي اللي شَفتو واللي نْزيد نَضهرلك بيه، 17 نُسَلّكك من هاد الشّعب ومن اللي ماشي يْهود اللي أنا رايح نَعْفران الدُنوب ونْصيب عُعْلَهُم عينيهُم، ويَرَّجعو من الضّلام للضو ومن سيطَرة الشيطان لله، باش يْنالو بالإيمان بيَّ عُفران الدُنوب ونْصيب مع المُقدّسين."

19 على هَدا، يا سَلطان أغريباس، ما عُصيتش الرُويا السَّماوِيّة، <sup>20</sup> بالعكس، سُبَقَت فاللي في دَمَشق وفي أورشَليم تاني أومبَعد في كامَل اليَهوديّة وعَند اللي ماشي يُهود، بَرَّحتَلَهُم باش يُتوبو ويرَّجعو لله ويْديرو اَلفْعال اللي يُليقو بالتوبة. <sup>21</sup> على جال هاد الشي اللي حكوني اليُهود فالمَعبَد وحَبّو يَقُتلوني، <sup>22</sup> بَصَّح بمْعاونة الله، عَشت حَتَّى لليوم وأنا نَشَهَد للصْغير والكُبير وما نُقول حَتَّى شي من غير الشي اللي قالو الأُنبيا وموسى باللي لازَم يْصير، <sup>23</sup> باللي المَيع يَتعَدَّب، يُكون الأوَّل اللي يُقوم من الموت، ويُبرَّح بالنور للشَعب وللأُمَّات."

<sup>2</sup> وكي كان بولَس يَهدَر هَكُدا ويْدافَع على روحو، قال فَستوس بالزور: "هْبَلت يا بولَس، قْرِيت حَتَّى قْريب تَوْلِي مَهبول"، <sup>25</sup> قال بولَس: "ما رانيش مَهبول يا الغزيز فَستوس، راني نقول كُلام الحَق والصْواب، <sup>26</sup> والسَلطان راهو يَعرَف هاد الحاجات، وراني نَهدَر عليهم معاه عيناني. راني مَتيَقَّن باللي ما يَخفا عليه مَنهُم حَتَّى شي خاطر هاد الشي ما صْراش في شوكة بالتنخبيّة. <sup>27</sup> تامَن بالأنبيا يا سَلطان أغريباس؟ راني عارَف باللي تامَن"، <sup>28</sup> قال أغريباس لولَس: "شْوِيّة ، ثُقَنَّعني باش نُولِّي واحَد تابَع للمسيح"، <sup>29</sup> وقال بولَس: "شْوِيّة وَلاّ بَرَّاف، صْلاتي لله باش ماشي غير أنتَ، بَصَّح كامَل اللي راهُم يَشَععو فِيَّ اليوم يُولِّيو كيما أنا من غير هاد السْناسَل."

30 ناض السَلطان والحاكم وبَرنيكي وكامَل اللي كانو قاعدين معاهُم، 31 وراحو وهومَ يْقولو لَبَعضُهُم بَعض باللي هاد الراجَل ما دار حَتَّى شي يَستاهَل عليه الموت وَلاّ السْناسَل، 32 وقال أغريباس لفَستوس: "هاد الراجَل كان ها شُلَبش تْروح دَعوتو لقَيصَر."

#### **2**7

#### بولَس يَقطَع البْحَر لروما

ا وكي نَحَكَم باش نُشَدّو البْحَر للطاليان، سَلّمو بولَس ومُحابِسِيّة واحَدُخرين لواحَد قايَد المْية من كتيبة أوغَسطَس واسمو يوليوس. <sup>2</sup> طْلَعَنا في واحَد البابور مْتاع أُدراميت، وقَلَّعنا وحْنا مْعَوّلين نْجوزو على المْدارَب اللي على شُط آسيا وكان مُعانا أرِستَرخُس، واحَد المُكدوني من تِسالونيكي. 3 اليوم اللي من بَعد، وْصَلنا لصَيدا، وكان يوليوس يْدير المُليح مع بولَس وخَلاّه يْزور حْبابو باش يَهَلاَّو فيه. 4 من تَم، قَلَّعنا وَجَزنا على شُط قُبرُص خاطَر الريح كان يُجي

مُعاكس لينا، 5 وبَعد ما جَزنا على البُحر اللي قُدّام كيليكيّة وبَمفيليّة، وْصَلنا لميرا في ليكيّة، 6 وكي لْقا تَمّة قايَد الميّة بابور سْكَندراني رايح للطاليان، رَكَّبنا فيه. 7 يامات بَرَّافَ وحْنا نَمشيو بالعْقَل وما جينا نَوَّصلو قْريب لكْنيدس حَتّى بالسيف بَصَّح الريح ما خَلاّناش نَحَبّسو فيها وجُزنا على شَط كُريت قُدّام سَلموني، 8 اللي جَوَّزناه بَعد مجَهود كْبير، ووْصَلنا لواحَد المُكان واسمو "المَرسات الشّبّان" قْريب من لسائيّة.

<sup>9</sup> جاز وَقت كبير ووَلا السْفَر واعر خاطر حَتى وَقت الصْيام كان فات، \* هِمّالا بْدا بولس يْشور عليهُم، 10 وقاللَهُم: "يا رْجال، راني نشوف باللي هاد السْفَر ما راهوش رايح يْجوز بْلا ما يْضَر ويْجيب خسارة كبيرة ماشي غير للسلعة والبابور، بَصَّح لحْياتنا حْنا تاني"، 11 بَصَّح قايَد المْية كان يَسمَع لكُلام البَحري ومول البابور كُتر من بولس. 1² وعلى حْساب اللي المرسى كان ما يَصلَحش باش يْجَوّزو فيه الشّتا، الكَترة مَنهُم حَبّو يْقلّعو من تَم بَلاك يَقَدرو يُوصلو لفينكس، مَرسى في كُريت تْقابَل الجنوب الغَربي والشّمال الغَربي ويْجَوِّزو فيها الشّتا، 13 كي ضْرَب ريح خْفيف من الجنوب، حَسبو روحهُم نالو مُرادهُم، وطلّعو المخطاف ومْشاو على شَط كُريت.

الريح

14 بَصَّح، شْوِيّة من بَعد، هاج على الجَزيرة ريح قْوي واسمو أوروكليدون. 15 نَخطَف البابور وما قْدَرش يْقاوَم الرح، وحْنا خَلَيْنا الربح يَدّينا. 16 جُزيا على جَزيرة صْغيرة يْقولولها كودا وبالسيف باش قْدَرنا نَلقاو فْلوكة السلاك، 17 وبَعد ما رَفدوها للبابور، شَدّو البابور بالحبيلة باش يَضَّمنو سلاكو وكي خافو نْعودو نَزَّدمو في شَط الرْمَل عَند سرتَس، هَبطو القَّلوع وخَلاو الرجح يَدي البابور. 18 كي قُوا علينا الربح بَزَاف، غَدوة من داك بْداو يَرميو السلعة للبَحر، 19 وفاليوم التالَت، رْماو بيَدّيهُم دوزان البابور. 20 يامات بَزَّاف والشَمس والنْجوم ما بانوش، وبْقا الربح قَوي حَتى قَطَعنا لِيّاس باللى نَسَلكو.

<sup>21</sup> كُمَّا ما كَاليناش من مُدَّة، همّالا وْقَف بولس في وَسطهُم وقال: "يا رْجال، كان لازَم تَسَّمعوني وما تُروحوش من كُريت، باش تَسَّلكو من هَاد الضَر والخُسارة، <sup>22</sup> دُرك نُقولكُم، أَتَسَجّعو خاطَر واحَد فيكُم ما يُضيع من غير البابور، <sup>23</sup> خاطر هاد الليلة، وْقَفلي مُلاك الله اللي أنا ليه واللي نَعَبدو، <sup>24</sup> وقال: "ما تُخافش يا بولَس، يَلزمَك تَوقَف قُدَّام قَيصَر، والله هاو وْهَبَك عُياة كامَل اللي راهُم مُسافرين مُعاك"، <sup>25</sup> على هَدا، أَتَسَجّعو يا رْجال، خاطر نامَن بالله بالله يُكون الشي كيما تُقاللي، <sup>26</sup> بَصَّح، لازَم نُطيحو في كاش جَزيرة."

البابور يتَكَسَّر

<sup>27</sup> في اليلة الرْبَعطاش، كي كُنَّا ضايعين في بُحَر أُدرِيّا، شَكُو البَحرِيّة في نَص الليل باللي بْدينا نْقَرّبو للأَرض، <sup>28</sup> قاسو الغامَق ولْقاو عَشرين قامة، بَعْدو شْوِيّة وزادو قاسو ولْقاو خُمسطاشن قامة، <sup>29</sup> خافو يْعود البابور يْقيس الصْخور ورْماو من اللور رْبَع مُخاطَف وتْقَلّقو بأش يَطلَع النَّهار، <sup>30</sup> حَبّو البَحريّة يَهَربو من البابور وهَبّطو الفُلوكة مْتاع السُلاك للبْحَر ولْقاو السَبّة باللي يَرميو المُخاطَف من القُدّام، <sup>31</sup> وقال بولَس لقايد المُية والعَسكر: "وَلاّ هاد الرْجال ما

\* 27:9 الكاتب هنا يهدر على "صيام عيد الغفران" واللي يسميوه تاني "عيد الكفارة" واللي يجي فالنص الأول متاع شهر أكتوبر وكان الشعب يصوم ويندل قدام الله باش يبين شخال راهو حزين على جال دنوبو. وكانو البابورات يحبسو بين سبتمبر وفيراير على جال الشتا والعواصف. وكي قال الكاتب " حَتّى وَقَت الصّيام كان فات"، حب يبين شحال كان الوقت اللي كانو مسافرين فيه صعيب. بقاوش فالبابور، ما تَقَدروش تَسَلكو." <sup>32</sup> هِمّالا، قَطّعو العَسكر الحبيلة مْتاع الفْلوكة وخَلاّوها تُطيح. <sup>33</sup> وكي كان قريب يَطلَع النْهار، طْلَب بولَس مَنْهُم كامَل باش ياكلو وقال: "عَندَكُم رْبَعطاشَن يوم من اللي راكم تَستَنَاو وأنتوم صايمين وما تاكلوش، <sup>34</sup> على هَدا، نُشور عليكُم باش تاكلو خاطر هاد الشي لازَم ليكُم باش تَسَلكو وشَعرة ما تطيح من راس واحَد فيكُم"، <sup>35</sup> كي قال هاد الشي، خْدا خُبز، شْكر الله قُدّامُهم كامَل، قَسمو وبْدا ياكُل، <sup>36</sup> وكامَل شَجّعو وكْلاو تاني. <sup>37</sup> كُمّا ميتين وسَتة وسَبعين نَفس فالبابور.

38 كي شَبعو من الماكلة، بْداو يَرميو القَمح فالبْحَر باش يَخفاف البابور، 39 وكي طْلَع النْهار، ما عَرفوش الأَرض اللي وَصلو ليها بَصَّح شافو خَليج بالشَط وعَولو يْطَبّعو البابور ليه وَلاَّ قَدرو. 40 قَطّعو المخاطف وطَلقوهُم يْروحو فالبُحر وحَلو الحَبال مْتاع الدْمانات، وطَلّعو القُلوع اللي من القُدّام للريح وراحو للسَط، 41 بَصَّح طاحو في واحَد المُدرَب بين زوج بْحور، همّالا حَبّسو البابور فالشَط، وتُركَّ القُدّام مْتاعو وما وَلاَّش يَزغُد ومن اللور بْدا يَتكَسَّر من قُوّة الموجات. 42 العَسكَر حَبِّو يُقتلو الحُابِسِيّة يْعود كاش واحَد فيهُم يْروح يْعوم ويَهرَب. 43 بَصَّح قايَد المَية، كي كان حاب يْسَلَّك بولس ما خَلاهُمش يْديرو رايهُم وآمَر اللي يَعَرفو يْعومو يَنْفزو للما هومَ الأولين باش يَوَّصلو للشَط، 44 والأخرين يَطَلعو على اللوح وَلاَ على الحُطَب اللي تُكسَّر من البابور وهَكدا كامَل وَصلو للشَط بخير وعافية.

28

#### في مالطة

1 بَعدما سْلَكَا، عْرَفنا باللي الجَزيرة واسَمها مالطة. 2 دارو معانا ناسها واحَد المْلاحة ما كاش بْحالها، رَحّبو بينا وشَعلولنا النار خاطر الشّتا كانَت تُصَب والحال بارَد.

لا يَم بولَس بَرَّاف من الحُطَب ورْماه فالنار وخَرجَت لَفعة من السْخانة ولَصقَت في يَدو. 4 كي شافو ناس مالطة الهايشة مْعَلَقة في يَدّو، قالو لَبعضهُم بَعض: "هاد الراجَل ما يُكون غير قتّال، خاطَر الحَق مْتاع رَبِي ما خَلاَهش يعيش والو سْلَك من البْحَر." 5 بولس نْفض اللّفعة فالنار وما نْضَر بحَتّى شي. 6 هَدوك الناس بْقاو يَستَنّاو يْشوفوه يَتنَفَّخ وَلا يْطيح مِيَّت على غَفلة، بَصَّح بَعد ما سْتَنّاو بَرَّاف، وشافو باللي ما صْراتلو حَتّى حاجة دونيّة، بَدلو رايهُم وقالو باللي هُو إلَه.

<sup>7</sup> كانو في هَدوك الجواية، حْواش مْتاع حاكم الجزيرة اللي واسمو بوبليوس، هاد الراجَل عْرَضنا وضَيَّفنا مُدّة تَلت أيّام وكان مْليح مْعانا، 8 وكان باباة بوبليوس طايح فالفراش مْريض بالحَي والتَعصار. دْخَل ليه بولس وصَلا ودار يَدّو عليه وشْفاه. 9 بَعد هاد الشي، جاو ليه كامَل المَرضى الأخرين مْتاع الجزيرة وبْراو. 10 كَرمونا هَدوك الناس بَهْديّات بَرّاف وكي كُنّا رايحين، عْطاولنا كامَل واش نَشَحقو.

في روما

11 بَعد تَلت شُهور، طْلَعَنا في واحَد البابور سْكَندراني، كان جَوَّز الشْتا فالجْزيرة، وكان مَرسوم عليه الرَسم تع ''الزوج تُوام''، 1² وكي وْصَلنا لسراكوسا، جَوَّزنا فيها تَلت أيّام، 1³ أومبَعد، تَبْعنا الشَط حَتَّى وْصَلنا لريغيون، وبَعد يوم واحَد، ناض ريح الجَنوب وجَوَّزنا يومين فالطَّريق باش وْصَلنا لبوطيولي، 1⁴ ولْقينا ثَمَّة خاوة عَرضونا نُجُوّزو معاهُم سَبع أيّام، وهكدا رُحنا لروما. 15 من روما، كي سَمعو بينا الخاوة جاو حَتَّى لساحة أبيّوس والتَلت تُبرنات باش يْلاقيونا وكي شافهُم بولسَ شْكَر الله ونُسَجَّع.

16 كي دْخُلنا لروما، أدّا بولَس التَسريح باش يَسكُن وَحدو ومعاه عَسَّكري يْعَسُّو.

#### بولَس يَخطُب وهُوَ تَحَت العَسّة

17 وبَعد تَلَت أَيَّام، عَيَّط للْجَار مْتَاع الْيهود، وَكِي ثَلايمو قَالَلَهُم: "يا الخاوة، والو ما دَرت حَتَّى شي ضَد الشَعب وَلا ضَد عْوايَد الجُدود، نُحَطِّيت في يَدِّين الرومان، 18 اللي بَعد ما بَحَتوني، حَبَّو يَلْ ضَد عْوايَد الجُدود، نُحَطِّيت في يَدِّين الرومان، 18 اللي بَعد ما بَحَتوني، حَبَّو يَطُلقوني خاطر ما لْقاو فِيَّ حَتَّى شي نَستاهَل عليه الموت، 19 بَصَّح الْيهود كان رايهُم ضَد هاد الشي وتُحَمَّم عليَّ باش نَطلَب تُروح دَعوتي لقيصَر، ماشي باش نَشتكي مالأُمّة ن مْتاعي. 20 هاو عُلاش طْلَبتُكُم باش نُشوفَكُم ونَهدَر معاكُم، خاطَر على جال الرْجا مْتاع إسرائيل اللي راني مْكَتَّف بهاد السَنسلة." 21 قالولو: "حْنا ما جاتنا حَتَّى بْرِيّة عليك من اليهوديّة، وحَتِّى أخ ما جاب خُبر وَلا قال حاجة دونِيّة عليك، 22 بَصَّح، رانا حابِّين نَعَرفو مَنَّك واش تُحَمَّم، خاطَر عرفا الله هاد المَدهَب يُقاوموه في كُل مْكان."

23 دارولو نهار، وبرّاف راحو لعَندو وين يَسكُن، وبْدا بولَس من الصْباح حَتّى للعْشِيّة وهُو يُخْبَرهُم على مَلكوت الله ويَشْهَد ويْحُوّس بشَريعة موسى وبكْتوب الأنبيا يُقنَّعهُم بالشي اللي يُخُص يَسوع. 24 كايَن اللي قُتنعو بكْلامو والأخرين ما آمنوش، <sup>25</sup> وكي كانو رايحين وهومَ مَتخالفين بيناتهُم، زاد بولَس كَلمة واحدة: "صْدق الروح القُدّوس كي قال لجْدودكُم بلْسان النبي إشعيا: <sup>26</sup> "روح لهاد الشّعب وقول: "تَسَّمعو بوَدنيكُم وما تَفَّهموش، وتَخْرُرو بعينيكُم وما تُشوفوش، <sup>27</sup> خاطَر قلب هاد الشّعب قساح، واعر باش وَدنيهُم يَسَّمعو، وغَلقو عينيهُم، خايفين يُشوفو بعينيهُم ويشّعو بوَدنيهُم ويفّهمو بقُلوبهُم ويُولّيو لِيَّ ونَشفيهُم"، <sup>28</sup> يكون في مَعلومكُم باللي سُلاك الله نَبعَت للي ماشي يهدد ورايحين يَسَّمعولو." <sup>29</sup> كي قال هدا الكلام خرجو اليهود من عنده وهم يتناقشو بقوة.

30 فْعد بولَس عامين كاملين في دار كان كاريها، وكان يَستَقبَل كامَل اللي يْجيو ليه، <sup>31</sup> وكان يَبرَّح بمَلكوت الله ويُدرَّس الشي اللي يْخُص الرَب يَسوع المَسيح بتقة كاملة وبْلا ما تَمَنعو حاجة.

# رِسَالَةُ بُولُسَ ٱلرَّسُولِ إِلَى أَهْلِ رُومِيَةَ

بَعد السْفَر مْتاعو التالَت، حَب بولَس يْروح لروما ويْزيد يْكَمَّل طْريقو لَلغَرب ُحَتَّى لسْبانيا باش يْبَشَّر بالإنجيل. وباش يْوَجَّد مَرواحو لعَند الرومانيِّين ويْبَيَّن التَعليم مْتاعو للمَسيحِيِّين مْتاع تَمَّة، سَبَّقَلهُم هاد الْبِريّة.

هاد الْبُرِيَّة تُلَخَّص مُليح الشي اللي كان بولَس يُبَرَّح بيه: "الله يَستَعرَف بصْلاح بْني آدَم كي يآمنو بيه، وهاد لإيمان يَكفَى."

- فالفُصول من 1 ل8 هْدَر بولَس على العَلاقة بين طاعة الشَريعة والإيمان بالله بيَسوع المَسيح. الكُترة مْتاع المَسيحيّين اللي في كنيسة روما آصَلهُم ماشي يُهود، بَصَّح كانو كاينين بَرَّاف من الْيهود في روما وكاين منهُم اللي وَلاَّو مَسيحيّين وكانو مازالهُم يُطبّقو فْرايض الشَريعة اليَهوديّة. والمَسيحيّين اللي آصَلهُم ماشي يُهود، هومَ تاني لازَمَّلهُم يُطبّقو الشَريعة؟ هاد الشي حَط النُكايَس الجُدد في حيرة حُبيرة. بولَس قال باللي كامَل بْني آدَم خاطيين، اليهود واللي ماشي يُهود، وحَتّى فَرض من الشَريعة ما يُسلَّك من الخُطِيّة، بَصَّح الناس يَقَدرو يَسَّلكو بمُعاونة الروح القُدّوس خاطر يَسوع المُسيح هُو اللي يَديهُم لله.
- الفُصول من 9 ل 11 يَبْيَنُو كيفاش تُكون المُعيشة في كَنيسة يَسوع المَسيح، كيفاش تُكون عِبادة الله والسْلام مع الناس. يُوصِّي بولَس اللي إيمانهُم قْوي باش يَقْهمو اللي إيمانهُم ضْعيف. الله يُسَلَّك كامَل بْني آدَم من الخُطِيّة والموت ويَقَدرو يْعيشو مَتوحَّدين بيناتهُم ومَتوحَّدين مع المَسيح بمْعاونة الروح القُدَّوس.
- فالفَصل 16 يَبعَت بولَس السَّلامُ لناس بَرَّافَ وَيَدَّكُرُ السَّاوات مْتاع رْجال ونْسا. المَسيحِيِّين مْتاع دُرك كي يَقراو هاد الْبِريَّة، يُشوفو روحهُم قُراب من المَسيحيِّين مْتاع زْمان.

1 بولَس خْديم يَسوع المَسيح، مَدعو باش نُكون رَسول ومُكرَّس لإِنجيل الله، 2 اللي وْعَد بيه من قُبَل على حْساب قول الأنبيا فالكْتوب المُقَدّسين، 3 واللي يُخَص وْليدو اللي نْزاد على حْساب الدات من سْلالة داوَد، 4 وعلى حْساب روح القَداسة. تُبيَّن بُقُوّة باللي هُوَ بْن الله من اللي قام مالموت، يَسوع المَسيح رَبّنا. 5 بيه نَلنا نَعمة الرُسولِيّة باش، لجَد آسمو، نُجيبو لطاعة الإيمان كامَل الأُمّات، 6 اللي أنتومَ تاني منهُم، أنتومَ اللي دْعاكُم يَسوع المَسيح. 7 لكامَل حْباب الله اللي راكمُ في روما، المُدعَوِّين باش تُكونو قَدِّيسين. نَعمة وسْلام ليكُم من عند الله بابانا والرَب يَسوع المَسيح.

شوق بولُس لزْيارة روما

8 فالأوَّل نَشكُر إلهي بيسوع المسيح على جالكُم كامَل، خاطَر إيمانكُم مَعروف في كامَل الدَنيا. 9 ويَشهَد عليَّ الله اللي نَعَبدو بروحي في إنجيل وْليدو باللي دايمًا نَدكُرُكُم، 10 ودايمًا نَطلَب في صْلاتي وَلا نَقدَر كاش مَرَة بمُراد الله نْجي لعَندكُم، 11 خاطَر راني حاب بَرَّاف نشوفكُم باش نَعطيلكُم كاش موهبة تُقوِّيكُم، 12 وباش نتسجَّع معاكم وعندكُم بالإيمان مْتاعنا أنا وأنتوم.

13 وراني حابكُم تَعَرفو يا الخاوة، باللي شُّعال من مَرّة نْويت نْجيكُم، بَصَّح للآن ما تُوَقَّقتش. حَبيّتكُم تَستفادو مَنِّي كيما سْتفادو الأَمّات الأُخرين. <sup>14</sup> خاطَر أنا مَلزوم لليونانِيّين وللبَربَر، للعُلاما وللجُهالا، <sup>15</sup> وعلى هدا، راني حاب نْبَشَّرُكُمْ بالإنجيل، أنتومَ تاني اللي راكُم في روما، <sup>16</sup> خاطَر أنا ما نَحَشَمش بالإنجيل، قُوَّة الله لسْلاك كُل مومَن، الْيهودي قْبَل واليوناني من بَعد. <sup>17</sup> بيه بان صْلاح الله بالإيمان وللإيمان، كيما راهو مَكتوب: "الصالح يَحيا بالإيمان."

### زْعاف الله على جَنس بنادَم

18 وبان زْعاف الله من السّما على كُل كُفر وكُل ضَلَم مْتاع بْنِي آدَم اللي حَبسو الحَق والصْلاح. 19 الشي يَقدَر يَعرَف على الله باين عَدهُم، والله بيَّنهوهُم، 20 خاطَر، من اللي غُلَقَت الدَنيا، وصِفات الله الحَفيِين، يعني قُدَّرتو الدايمة وألوهيّتو، باينين في عْمالو، وعلى هدا اللي بْني آدَم ماشي مَعدورين. 21 خاطر كي عَرفو الله ما سبّحوهش وما شكروهش كيما يَدار لله، وكان تَخامُهم باطل وقلبُهم الجائج طاح فالضّلام، 23 حَسبو روحهُم فاهمين وهومَ ولا و مْهابَل، 23 بدّلو مجد الله اللي ما يَفناش بصورة بنادَم الفاني وصورة الطيور والهوايش والزّواحَف، فاهمين وهومَ ولا و مْهابَل، 34 بدّلو الخلوق في عوض الخالق المبارك للدّوام، آمين. 26 على هدا، سَلّمهُم الله للشّهوات حَق الله بالكُدَب وكرّمو وعَبدو الحَلوق في عوض الخالق المبارك للدّوام، آمين. 26 على هدا، سَلّمهُم الله للشّهوات حَق الله بالكُدَب وكرّمو وعَبدو العَلوق الطبيعيّة بعلاقة ماشي طبيعيّة، 27 والرجال تاني خَلاو العَلاقة الطبيعيّة مع المرا، وشُعلو في شَهوتُهُم لبعض، ودارو الفَسق رْجال مع رْجال ونالو في نفوسهُم الشي اللي سُتاهلوه على جال ضُياعهُم، 28 وعلى حُساب اللي ما حَوسوش يَعْمَو الله، سَلّمهُم لفساد عْقولهُم باش يُديرو اللي ما يُلقش، 29 وهوم عُديان الله، عُدايسيّين، مَتكبرين، حاسبين روحهُم، شاطرين للشّر، عاصيين الوالدين، 31 ما عندهُم لا فهامة، لا عَديان الله، عُدايتين، لا رَحمة، 28 والو يَعْرفو باللي الله حُكم بالموت على اللي يُديرو كيما هاد الفُعال، ماشي بَرك يُديروهُم، يُزيو يَعطيو الحَق للي يُديروهُم،

2

#### حُكُمُ الله الحَقَ

1 على هَدا، أنتَ يا بْن آدَم، يا اللي تُحاسب، مَهما تُكون ما راكش مَعدور، خاطَر كي تُحاسَب الأخرين راك تَحَكُم على روحك، خاطَر أنتَ تاني تُدير هَدوك الحاجات اللي تُحاسَب عليهُم. 2 رانا عارفين باللي الله يُحاسَب اللي يُديرو، رايح هاد الحاجات على حُساب الحق. 3 واش عَند بالك، وأنتَ تُحاسَب الناس على الشي اللي أنتَ تاني تُديرو، رايح تَسلَك من حُساب الله ؟ 4 وَلا كي شَفت الله مُليح بَرَّاف وخاطرو واسَع وَكُريم، حُقَرت هاد الشي وما عُرَفتش باللي مُلاحة الله لازَم تَديك للتوبة؟ 5 بالقُساوة مُناعك وقلبَك اللي ما يُحبَش يُتوب، راك تُخبِّي لروحك زُعاف الله ليوم زُعاف الله واليوم اللي يَضهَر فيه حُساب الله الحَق، 6 اللي يُجازي كُل واحَد على حُساب فْعالو، 7 الحياة الدايمة للي صَبرو وهومَ يُديرو فالخير ويُحَوِّسو على المَجد والكَرامة والدُوام، 8 والزُعاف والشَحنة على اللي كانو يُغالبو، يُعصيو الحَق، طايعين للباطل، 9 الشَدّة والغُمّة لكُل نَفس إِنسان يُدير الشَر، الهُودي قُبَل واليوناني من بَعد، 10 المَجلد والكَرامة والسُلام للي يُدير الخير، الهُودي قُبَل واليوناني من بَعد، 11 خاطر الله ما يُديرش الفُراق.

12 كامَل اللي دارو دْنوب وهومَ ماشي فالشَريعة يَهَّلكو بلا الشَريعة، وكامَل اللي دارو الدْنوب وهومَ فالشَريعة، يَتَحاسبو بالشَريعة، 13 خاطَر ماشي اللي يَسَّمعو الشَريعة هومَ الصالحين عَند الله، بَصَّح اللي يُطَبقوها يْنالو الصْلاح. 14 كي يْطَبقو الأُمَّات اللي ما عَندهُمش الشَريعة فْرايَض الشَريعة بالطْبيعة مْتاعهُم، على حْساب اللي ما عَندهُمش الشَريعة، يُكونو هومَ شَريعة لرُواحهُم، 15 ويُبيّنو باللي عَمَل الشَريعة مُكتوب في قُلوبهُم، ضَميرهُم يَشَهَدَّهُم وعْقولهُم من الداخل يَتَهموهُم كي يُديرو الفواب، 16 فاليوم اللي يُحاسَب فيه الله بيسوع المَسيح من الداخل يَتَهموهُم كي يُديرو الفواب، 16 فاليوم اللي يُحاسَب فيه الله بيسوع المَسيح سرار الناس على حْساب إنجيلي.

#### اليهود والشَريعة

17 وَلاّ أَنتَ اللِي تَسَمّا يُهودي، وتَتكُل على الشَريعة، وتَفتَخَر بالله، 18 وتَعرَف مُرادو، وثُمَيَّز الصَح على حُساب ما تُعلَّب من الشَريعة، 19 وراك واتق باللي أنتَ قُوّاد العَميين ونور للي راهُم فالضْلام، 20 تُعلَّم الجاهلين، وتُقرِّي الدُراري، خاطر حُسَبت فالشَريعة صِفة المَعرِفة والحق، 12 أنتَ اللي تُعلَّم غيرَك، ما تُعلَّش روحك؟ تُبرَّح باللي ما لازَمش الواحَد يَزني وأنتَ تزني؟ تَكرَه الصْنام وتَسرَق المُعابَد؟ 23 تُقتِي وأنتَ تَرني؟ تَكرَه الصْنام وتَسرَق المُعابَد؟ 33 تَفتَخر بالشَريعة وثهين الله بعَصيان الشَريعة، 24 خاطر "آسَم الله راهو يَسَب ما بين الأمَات على جالكُم" كيما راهو مَكتوب. 25 الختانة تَنفَع لوكان تُطبَّق الشَريعة، هُو اللي بلا ختانة يَخَسَب غُتَن، 27 والجيهة اللي ماشي غُتَنة في داتو واللي تُطبع الشَريعة، عُما اللي عندك النُكاب والختانة وتعصي الشَريعة. 28 خاطر اليهودي ماشي في داتو واللي تُطبع الشَريعة، عُلسبك أنتَ اللي عندك النُكاب والختانة وتعصي الشَريعة. 28 خاطر اليهودي ماشي ختانة اللي يُبان من بَرًا يهودي، والختانة ماشي المارة اللي تُبان فالدات، 29 بَصَّح اليُهودي يُهودي من الداخَل، والختانة القلب، بالروح ماشي بالنُكاب، اللي يَشهَدُهُ الله ماشي بني آدَم.

3

#### أمانة الله

أ همّالا، واش قيمة اليهودي، وواش فايدة الختانة؟ 2 كبيرة في كُل حال. الأوَّل خاطر الله آمَنهُم على قوالو،
 أ ومبعد؟ وَلا كلين اللي ما آمنوش؟ هاد الشي رايح يبطَّل أمانة الله؟ 4 حاشا، الله حَق وكُل إِنسان كَدَّاب، كيما
 مَكتوب: "باش تُكون صالح في كُلامَك، وتَغلَب كي تَتحاسب."

أَ بَصَّح وَلا كَانَت خُطِيَّتنا تَبَيَّن صْلاح الله، واش نْقولو؟ باللي الله ضالَم كي يُخرَّج زْعافو؟ راني نَهدَر بالمنطَق متاع بْنِي آدَم. 6 حاشا، خَاطَر كيفاش همّالا رايح يْعاسَب الدّنيا؟ 7 إدا كان بالكْدَب مْتاعي يَضَهر حَق الله للمَجد مُتاعو، وَعلاش يْخَكَم علِيَّ باللي رانا نْقولو، وَعلاش كيما راهُم شي ناس يْجَرَّمو علينا باللي رانا نْقولو، وَعلاش ما نْديروش الشَر باش يْجي الخير؟ هاد الناس يَستاهلو يْخَكَم عليهُم.

#### واحُد ماهو عاقُل

<sup>9</sup> كيفاش هِمّالا؟ حْنا خير؟ لالا، خاطَر سْبَق وقُلنا باللي كي اليْهود كي اليونانيين، كامَل راهُم تَحت سيطرة الخطيّة، 10 كيما مكتوب: "واحد ما راهو صالح، حَتّى واحد، 11 واحد ماراهو عاقل، واحد ما راهو يُحوَّس على الله، 12 كامَل بَعدو وفَسدو كيف كيف. واحد ما راهو يُدير المليح، حَتّى واحد. 13 الثُوزي مْتاعهُم قْبَر مَحلول،

لْسانَهُم َ خَدَّاعٌ، سَم اللَّفَاعِي َتَحت شُوارَبهُم، <sup>14</sup> فَهُم مْعَمَّر بالنَعلة والمُرار، <sup>15</sup> رَجليهُم مَزَروبيَّنَ باش يُسَيَّلُو الدَم، <sup>16</sup> الهُلاك والشَر في طُرقانهُم، <sup>17</sup> وما عَرفوش طْريق السُّلام، <sup>18</sup> وقُدَّام عينيهُم، ماكانش خوف الله." <sup>19</sup> رانا عادفين باللي كامَل واش تُقول الشَريعة، تُقولو للي راهُم تَحت الشَريعة، باش كُل فَم يَنغلَق، ويْبان غُلاط كامَل الدَنيا قُدَّام الله. <sup>20</sup> على هَدا، واحَد ما يْنال الصْلاح قُدَّام الله بعْمال الشَريعة، خاطَر الشَريعة هِيَ اللي تَبَيَّنَ الخُطِيّة.

#### الصْلاح والإيمان

<sup>21</sup> دُرك، بلا شَريعة بان صْلاح الله، اللي تَشهَدلو الشَريعة والأَنبيا، <sup>22</sup> صْلاح الله بالإيمان بيَسوع المَسيح لكامَل المومنين بلا فْراق. <sup>23</sup> خُاطَر كامَل خُطاو وغُحَرمو من مجَد الله، <sup>24</sup> ونالو الصْلاح بالنعمة، بالسْلاك اللي في يَسوع المَسيح، <sup>25</sup> هُو اللي مَدّو الله ضُحِيّة يُكفَّر على المُنوب بدَمّو للي يآمنو، باش يُبيَّن صْلاحو زْمان كي ما حاسَبش على المُنوب، <sup>26</sup> وباش يَبيَّن صْلاحو دُرك، على حُساب اللي هُو صالحَ ويْشوف كُل مومَن بيَسوع صالحَ. <sup>27</sup> واش من السَبّة بْقات باش الواحَد يَقدر يَحسَب روحو؟ ماكاش. بآما شَريعة؟ شَريعة العْمال؟ لالا. بشَريعة الإيمان. <sup>28</sup> خاطر رانا شايفين باللي الإنسان يْنال الصْلاح بالإيمان بلا عْمال الشَريعة. <sup>29</sup> وَلاّ الله إله اليهود بَرك؟ ماشي إله الله ماشي يْهود، <sup>30</sup> خاطر الله واحَد، هُو اللي رائح يُبرِّي الحُقَّنَ بالإيمان واللي ماشي غُنَّن بالإيمان. <sup>31</sup> شَريعة بالإيمان؟ بالعكس، ثَبَّتَة الشَريعة.

4

#### إيمان إبراهيم

ا هِمّالا واش نُقُولو في إبراهيم بابانا على حُساب الدات؟ واش لُقا؟ أيه، وَلاّ إِبراهيم نال الصْلاح بالأفعال، يَقَدَر يَوحو، بَصَّح ماشي قُدّام الله، قَ خاطَر واش يُقول الكّاب: "آمَن إِبراهيم بالله، ونحَسَبلو هاد الشي صَلاح." أمَن إللي يَبرَي الخاطي، يَتَّعَسَبلو إيمانو صْلاح. أن الخلاص تاع الخدّام حَق ماشي مْزيّة، وَبَصَّح اللي ما يَخذَمش ويامَن باللي يَبرَي الخاطي، يَتَّعَسَبلو إيمانو صْلاح. وداود يُقول يا سَعدو الإنسان اللي يَحَسبو الله صالح بلا فعال: 7 "يا سَعد اللي نَففرو دُنوبهُم ونُستَرو عَلطاتهم، هيا سَعد الإنسان اللي ماشي بَعتبين تاني؟ خاطر وان نُقولو: إيمان إبراهيم نحسبلو صلاح. 10 كيفاش نحسبلو؟ بَعد وَلاّ قَبْل الختانة؟ لالا، ماشي بَعد الختانة، قَبْل. وان المارة مُتاع الختانة باش يَبَتَ الصلاح بالإيمان اللي نالو قُبل ما يَختَنّى، باش يُكون باباة المومنين، اللي ماشي عَرك عَنتنين، هَدوك اللي عاشي بَو كَعَتنين، هَدوك اللي يقرو على طُريق إيمان بابانا إبراهيم قَبْل ما يَختَنَّن. 11 لوَعد اللي ندار لإبراهيم ولدَريّيو باش يُورَت الكون ما جاش من الشريعة، جا من صلاح الإيمان. 14 إيه، ولا اللي يَوَّرتو هومَ ناس الشريعة، همّالا الإيمان بلا فايدة والوَعد باطل. 15 إيه، الشريعة تُجيب الزعاف، وبلا شَريعة، ما كانش عصيان. 16 على هذا، الوعد قايم على الإيمان، باصل يكون بالنعمة، ويكون الوعد مَضمون لكامل الدَرِيّة، ماشي غير لناس الشريعة، يُكون تاني للي عَندهُم إيمان بالمَق يُقيل المارة لأمّات بَرَاف"، قُدّام اللي آمَن بيه، الله اللي يكيي المارة لأمّات بَرّاف"، قُدّام اللي آمَن بيه، الله اللهي يكيي بابرة المَّم وينسه المؤمّات من ما شافش داتو مِيّتة والو المؤمّات برّاف، كيما يُقول النُكاب: "هَكَذا تُكون دَرِيّتَك"، 19 إيمانو ما ضَعَفش، وما شافش داتو مِيّتة والو بابنا المُوس وينّه والو

كان عَندو قُريب مْية سْنة وسارة عاڤرة. <sup>20</sup> ما شَكش في وَعد الله وما قَلش إيمانو، تُقَوَّا بالإيمان وَجَّد الله، <sup>21</sup> وهُو واتَّق باللي الشي اللي يَوعَد بيه الله، قادَر باش يْديرو، <sup>22</sup> على هَدا، نَحسَبلو هاد الشي صْلاح. <sup>23</sup> ماشي غير ليه اللي نَكتَب: "هاد الشي أَنحَسَبلو"، <sup>24</sup> حْنا تاني لازَم يَخَسَبَّلنا، حْنا اللي نامنو باللي حْيا يَسوع رَبِّنا مالموت، <sup>25</sup> سَلّمو على جال دْنو بنا وحْياه لصْلاحنا.

5

#### الهْنا والفَرح

أ همّالا، كي نَلنا الصْلاح بالإيمان، عَندنا السَّلام مع الله برَبّنا يَسوع المَسيح، 2 اللي بيه تاني نقَّدرو نَوَّصلو بالإيمان لهٰ الله النعمة اللي رانا فيها، وحْنا نَقَخرو بالرْجا مْتاع مجد الله. 3 ماشي بَرك هكدا، نزيدو نَقْخرو بالشْدايَد، وحْنا عارفين باللي الشَّدة تُجيب الصْبَر، 4 والصْبَر يُجيب التبات فالتَجرُبة والنبات فالتَجرُبة يُجيب الرْجا، 5 الرْجا ما يخليش بمولاه، خاطَر عُجبّة الله تُفَرَغَت في قُلوبنا بالروح القُدّوس اللي نعطالنا. 6 وزيد بزيادة، كي كُمَّا ضْعاف، فالوَقت اللازَم، مات المَسيح على جال الخاطيين، 7 الواحَد بالسيف باش يُموت على جال واحَد صالحَ، بكرك واحَد يُموت على جال إنسان مْليح. 8 بهاد الشي الله بَيْنَ عُببّتو لينا: كي كُمَّا مازَلنا خاطيين، مات المَسيح على جالنا. 9 دُرك، كي نَلنا الصُلاح بدَمّو، رايحين نَسَّلكو بيه من الزعاف. 10 خاطر بَعد ما كُمَّا عَديان، تُصالحَنا مع الله بموت وليدو، وكي تُصالحَنا، رايحين نَسَّلكو بياتو، 11 وماشي بَرك هكدا، نُزيدو نَقَخرو فالله برَبّنا يَسوع المَسيح اللي بيه من دُرك نَلنا المُصالحة.

### الموت بآدَم والحيَّاة بالمَسيح

12 وكيما دَخلَت الخُطِيّة للدَنيا بإنسان واحَد، آدَم، وبالخُطِيّة دَخلَت الموت، وقاسَت كامَل الناس خاطَر كامَل خُطاو، 13 إيه، خاطر قُبَل الشَريعة، الخُطيّة كانَت كاينة فالدَنيا، بَصَّح ماكانَتش تُخَسَب كي ما كانَتش كاينة الشَريعة، 14 والو الموت كانَت مُسيطر من آدَم لموسى، حَتّى على اللي ما غَلطوش كيما آدَم، اللي هُو صِفة اللي كان جاي. 15 بَصَّح هِبة الله ماشي كيما الخُطِيّة. خاطَر وَلا خُطيّة واحَد أدّات بزّاف للموت، نَعمة الله كبيرة كُتَر، وفي واحَد اللي هُو يَسوع المُسيح فاضَت نَعمة الله وهِبتو لناس بزّاف، 16 ماشي كيف كيف بين الهِبة وخطيّة إنسان واحَد، خاطَر خُطيّة واحَد جُبيب الحُكم بالموت على بزّاف، والهِبة ثُمّد الصلاح بَعد دُنوب بزّاف. 17 وَلا خُطيّة واحَد جابَت سيطَرة الموت، اللي يُنالو النَعمة الفايضة وهِبة الصُلاح يَلكو فالحَياة بواحَد، يَسوع المَسيح، 18 هَكَدا واحَد جابَت سيطَرة الموت، اللي يُنالو النَعمة الفايضة وهِبة الصُلاح يَلكو فالحَياة بواحَد، يَسوع المَسيح، 18 هَكدا واحَد جابَت المُعلقة واحَد، جاز الحُم على كامَل الناس، كيف كيف، بخدمة صالحة واحدة، جاز الصُلاح اللي يُعيي كامَل الناس. 19 خاطَر، عَصيان واحَد اللي هُو آدَم، رَد الكُل عاصي، هكذا، طاعة واحدة، جاز الصُلاح اللي عُي كامَل الناس. 19 خاطَر، عَصيان واحَد اللي هُو آدَم، رَد الكُل عاصي، هكذا، طاعة واحد رَدَّت الكُل صالح. 10 الشريعة دَخلَت باش بيّنت كُترة الدُنوب، بَصَّح وين كُتَر الدَنب فاضَت النَعمة. 21 باش كيما شُميطَر الخُطيّة بلموت، شيطَر الخُعية بيُسوع المُسيح رَبنا.

1 هَكدا هِمّالا، واش نْقولو؟ نَبقاو فالخُطِيّة باش تْفيض النَعمة؟ 2 لالا، حْنا اللي مَتنا للخُطِيّة، كيفاش نْزيدو نْعيشو فيها؟ 3 ما راكُش عارفين باللي حْنا كامَل اللي تْحَمَّدنا فالمَسيح يَسوع، تْحَمَّدنا في موتو؟ 4 يَعني نَدفَننا معاه بالمَعموديّة في موتو، باش كيما المَسيح قام مالموت بالجَد مْتاع الآب، هَكدا حْنا تاني نَمشيو في حْياة جْديدة، 5 إيه، وَلاّ شُركا معاه في موتو، رايحين تاني نَشَركو معاه في قيامتو، 6 عارفين باللي الإنسان القَّديم فينا نَصلَب، باش تَمنا دات الخُطيّة وباش ما نْزيدوش نْكونو عْبيد للخُطيّة، 7 خاطَر المَيّت تُبرّا من الخُطيّة، 8 وَلاَ مَتنا مع المَسيح، نامنو باللي نَحياو تاني معاه. 9 رانا عارفين باللي المُسيح بعد ما قام من الموت، ما راهوش رايح يْزيد يْموت، الموت ما وَلاتش تَقَدَر عليه، ما خاطَر كي مات، مات للخُطيّة مَرّة واحدة، وكي حْيا، حْيا لله. 11 أنتومَ تاني، شوفو روحكُم ميّتين للخُطيّة، وحَيّن لله في يَسوع المَسيح، 12 همّالاً ما لازَمش تُزيد الخُطيّة تُسيطر على داتكُم الفانية وتُطَوَّعكُم لشَهواتكُم. 13 ما تُسلّموش طُرافكُم كي سُلاح طُرافكُم ليُنطيّة كي سُلاح الباطل، بَصَّع أَوَّهبو روحكُم للله وأنتومَ جايّين من الموت للخياة وخَدّمو طُرافكُم كي سُلاح السَّمار عليكُم، خاطر ما راكُش تَت الشريعة، راكم تَتَ النَعمة.

#### عْبيد للصْلاح

15 كيفاش هِمَالا؟ نُديرو دْنوب خاطر ما راناش تَحت الشَريعة، بَصَّح تَحت النَعمة؟ حاشا! 16 ما راكُمش عارفين باللي كي تَوَّهبو روحكُم لكاش واحَد باش تْطبعوه، تُولِيّو عْبيد لهَداك اللي تْطبعوه، وياإما للخطية اللي تدي للموت ولا للطاعة اللي تدّي للصلاح. 17 الحَمد لله، خاطَر كُنتو عْبيد للخُطِيّة، ووَلِيتو طايعين من كُل قَلبكُم للمدهَب اللي تُعلَّمتوه، 18 وتَتَحَرَّرتو من الخُطِيّة ووَلِيتو عْبيد للصلاح. 19 راني نَهدَر معاكم بمنطَق بْني آدَم على جال صَعفكُم، خاطَر كيما وْهَبَتو طْرافكُم عْبيد الصلاح للقَداسة، 20 خاطَر كيما وْهَبتو طْرافكُم عْبيد الصلاح للقَداسة، 20 خاطَر كي كُنتو عْبيد للخُطيّة، كُنتو حُرِّين من الصلاح، 12 واش كانت الغلّة مْتاعكُم؟ هَديك اللي دُرك تَحَسمو بيها، هَديك اللي تَدّي للموت. 22 بَصَّح دُرك، بعدما ثُحَرَّرتو من الخُطيّة، ووَلِيتو عْبيد لله، رائمُ تَجْيبو عَلَة للقَداسة، عَلَة تَدّي للموت. 25 خاطَر آجَر الخُطيّة هُو الموت، وهِبة الله هِي الحياة الدايمة فالمسيح يَسوع رَبنا.

7

#### المومَن والشَريعة

أ ما راكمش عارفين ياالخاوة، راني نَهدر مع ناس يَعَرفو الشَريعة، باللي الشَريعة تَتَحَكَّم فالإنسان ما دامو حَي؟ المُرا المُزوَّجة مَربوطة بالشَريعة لراجَلها مادامو حَي، بَصَّح لوكان يُموت، تَتَحَرَّر من الشَريعة اللي تَربَطها ليه. 3 يَعني، مادامو حَي، تَسَمَّا زانية لوكان تُكون لراجَل واحداتنُر، بَصَّح وَلا مات تَتَحَرَّر من الشَريعة، وما تَسَمَّاش زانية لوكان تُكون لراجَل واحداتنُر، 4 حَب يْقول، يا خاوتي، أنتومَ مَتَو للشَريعة في دات المَسيح، باش تُكونو لواحداتنُر، للي قام مالموت، باش نُجيبو غَلَة لله. 5 خاطر كي كُنّا فالدات، كانو شَهوات الخُطيّة بالشَريعة يَخَدمو في طُرافنا باش يُجيبو غُلة لله كان حاكمنا، باش مَنّا للشي اللي مَتنا للشي اللي كان حاكمنا، باش مَنّا للفوق نَخَدمو على حُساب اللي مَتنا للشي اللي كان حاكمنا، باش مَنّا للفوق نَخَدمو على حُساب الوق القُديم.

7 وَاشَ نُقُولُو هِمَّالاً؟ الشَّرِيعة خُطِيّة؟ حاشا! بَصَّح ما عْرَفت الخُطِيّة غير بالشَرِيعة. ما كُنتش قادَر نَعرَف الشَهوة لوكان الشَريعة ما قالتش: "ما تُتشَهَّاش"، 8 والخُطِيّة، لقات السَّبة بالفَرض وخَلقَت فِيَّ الشَهوة. خاطَر بلا الشَريعة، الخُطِيّة ميّة. 9 أنا بالدات، كُنت عايش من قُبَل بلا شَريعة، وكي جا الفَرض، حْيات الخُطِيّة، 10 ومَت أنا، والفَرض اللي نَعطا للحياة، أدّاني للموت. 11 خاطَر الخُطِيّة لْقات السَبّة بالفَرض، غُواتني وقَتلتني، 12 الشَريعة مُقدّسة، والفَرض مُقدَّس، صالح ومُليح، 13 واش مَعنتها؟ المُليح جالمي الموت؟ حاشا! بَصَّح باش تُبان الخُطِيّة بالله هِي خُطِيّة، جابَتي الموت بالشي اللي مُليح، وبالفَرض بانت الخُطِيّة شُحال خاطية.

14 رانا عارفين باللي الشَريعة روحِيّة، بَصَّح أنا دات مَبيوعة للخُطِيّة، 15 خاطَر ما نَعرَفش واش نْدير، وما نَقدَرش نُدير واش غُبّ، ونَكرَه واش نْدير، 16 وَلاّ نْدير الشي اللي ما غُبّوش، راني نَستَعرَف باللي الشَريعة مْليحة. 17 ودُرك ماشي أنا اللي نْدير هاد الشي، بَصَّح الخُطِيّة اللي تَسكُن فِيّ، 18 خاطَر راني عارَف باللي ماشي الخير اللي ساكن فِيّ، يعني في داتي، خاطر نُحب الخير بَصَّح ما نْديرش الخير، 19 وما نْديرش الخير اللي غُبّو، ونْدير الشَر اللي ما غُبّوش. 20 وَلاّ الشي اللي ما غُبّوش، هَداك هُو اللي نْديرو، مَعنتها ماشي أنا اللي راني تتصرَّف، الخُطيّة اللي ساكنة في هِي اللي راهي تتصرَّف، الخُطيّة اللي ساكنة في أهي من الداخل، 23 بَصَّح نَلقا في داتي شَريعة واحَدُخرى تُحارَب الشَريعة اللي في عَقلي، وتُطوَّعني لشَريعة الخُطيّة اللي ساكنة في داتي. 24 مَسكين أنا! شُكون يُسَلَّكني من دات الموت هَدي؟ 25 الحَمَد لله بيَسوع المَسيح رَبّا. أنا نَخْدَم شَريعة الخُطيّة.

8

#### الحْيَاة على حْساب الروح

1 ما كاين دُرك هِمّالا حَتّى حُكم على اللي فالمسيح يَسوع، <sup>2</sup> خاطَر شَريعة روح الحيْاة اللي في يَسوع المَسيح حَرّراتَك من شَريعة الخطِيّة والموت. <sup>3</sup> خاطَر اللي كان مُحال للشَريعة كي كانت الدات كاسرَتَلَها قُوَّتها، الله دارو كي بُعت وليدو في دات ثُشَبَّه لدات الخطِيّة، وحُكم على الخطِيّة فالدات، <sup>4</sup> باش يْتم فينا صلاح الشَريعة، حْنا اللي تَمشيو على حْساب الروح ماشي على حُساب الدات، <sup>5</sup> اللي يُعيشو على حْساب الدات يُحبّو حاجات الدات، <sup>5</sup> اللي يُعيشو على حُساب الدات يُحبّو حاجات الدات، بَصّح اللي يعيشو على عُساب الروح يُعبّو حاجات الروح، <sup>6</sup> خاطر تَحمام الدات يُوصَّل للموت، بَصَّح تَممام الروح يُوصَّل للحيّاة والسُّلام، <sup>7</sup> تَحمام الدات عُداوة لله، الدات ماشي منطاعة لشريعة الله، وما تَقدَرش تُكون. <sup>8</sup> هِمّالا اللي يُعيشو على حُساب الدات ما يَقدروش يَرضيو الله. <sup>9</sup> بَصَّح أتتومَ ما را كُمش فالدات، را كُم فالروح وَلا كان روح الله ساكن فيكُم، اللي عيشب بسبب فيكم، اللي ما عَندوش روح المسيح، ماشي مُتاع المسيح، 10 بَصَّح وَلا كان الموت ساكن فيكُم، اللي حيا المسيح الخطيّة، والروح حياة بسباب الصلاح، <sup>11</sup> وَلا كان الروح اللي حيا يَسوع من الموت ساكن فيكُم، اللي حيا المسيح من الموت ساكن فيكُم، اللي حيا المسيح من الموت ساكن فيكُم، اللي حيا المسيح من الموت الدات، دائم الفائية بروحو الساكن فيكُم، <sup>11</sup> وهم على الدات، رائم ولاد الله، <sup>13</sup> خاطر ما نلتوش روح العُبوديّة الدات، راحيين تَحياو، ولا كنتو بالروح تَقتُلو عُمال اللي يُسَيَرهُم روح الله، هومَ ولاد الله، <sup>15</sup> خاطر ما نلتوش روح العُبوديّة الدات، راحيين تَحياو، <sup>14</sup> خاطر كامَل اللي يُسَيَرهُم روح الله، هومَ ولاد الله، <sup>15</sup> خاطر ما نلتوش روح العُبوديّة

باش تُولِّيو للخوف، نَلتو روح التَبَنِّي اللي بيه نُعَيِّطو: "آبا، الآب." <sup>16</sup> الروح بالدات يَشهَد لروحنا باللي حْنا وْلاد الله. <sup>17</sup> وَلاَ كُنَّا وْلاد، يَعني حْنا وارتين، وارتين الله وشاركين في وَرت المَسيح وَلاَّ تُعَدَّبنا معاه باش نَمَجَّدو تاني معاه.

#### المُجَد الجاي

18 وراني مَقَتَعَ باللي العداب مْتاع هاد الوَقت ما يَسوا والو قُدّام الجَد اللي رايح يْبان فينا، 19 الخَلق راهو يَستَنَا وهُو مُقَلَق وَقتاش يْبانو وْلاد الله، 20 خاطَر الخَلق نطاع للباطل، ماشي بمْحبة خاطرو، نطاع بسْباب اللي طَوعو. هاد الخلق راه يَستَنَا بالرْجا، 21 باش يَحَرَّر هُو تاني من عُبوديّة الفُساد لحُرِيّة بجَد وْلاد الله. 22 ورانا عارفين باللي الخلق كامَل راهو دُرك يْنازَع ويَععَدَّب بوْجاع الوْلادة، 23 وماشي بَرك الخَلق، حْنا تاني اللي عَندنا باكورة الروح، حنا تاني رانا ننازعو من الداخل وحْنا نَستَنّاو التَبَنِي وسُلاك داتنا. 24 عَندنا الرْجا باللي نَسلكو، بَصَّح الرْجا اللي نَشوفوه، نَقَدرو نْزيدو نَرجاوَه؟ 25 بَصَّح كي نَرجاو الشي اللي ما نشوفوهش، نَستَنّاوه وحْنا صابرين. 26 ومن جيهة أخرى، الروح يْعاوننا في ضَعفنا، خاطر ما نَعرفوش كيفاش نْصَليو كيما لازَم، بَصَّح الروح يشفَعُ للقَدّيسين وحْنا صابرين. 26 ومن جيهة أخرى، الروح يْعاوننا في ضَعفنا، خاطر ما نَعرفوش كيفاش نْصَليو كيما لازَم، بَصَّح على حساب مُراد الله. 28 رانا عارفين: الله يُسَيَّر كُل شي لخير اللي يُحبّوه، اللي دْعاهُم على حساب القَصد مْتاعو، 29 خاطر اللي عْرَفهُم من قُبَل، سْبَق وخَيَرهُم باش يُكونو في صفة وْليدو، باش يُكون وْليدو هُو البُكر بين خاوة بيزاف. 30 وهَدوك اللي سْبَق خَيْرهُم، دْعاهُم، واللي دْعاهُم، عطاهُم الصُلاح، واللي عْطاهُم الصُلاح، واللي عْطاهُم الصُلاح، نالو مَنو الجُد. 30 نوني.

#### شكون يَفرَقنا على مُحْبَّة المُسيح

<sup>31</sup> دُرك، واش نُزيدو نُقولو؟ مَا دام الله معانا، شُكون يُكون ضَدنا؟ <sup>32</sup> هُوَ اللي سَبَّل وْليدو، وضَحَّا بيه على جالنا كَامَل، كيفاش ما يُزيدش يَعطيلنا كُل شي معاه؟ <sup>33</sup> شُكون يَهَم مُختارين الله؟ الله هُو اللي يَشَهُم، <sup>34</sup> وشْكون يَهَم مُختارين الله؟ هُو اللي يَشَفَعَّلنا. <sup>35</sup> شُكون اللي يَعَمُ عليهُم؟ المَسيح يَسوع اللي مات، واللي زاد قام، واللي راهو على يُمين الله، هُو اللي يَشَفَعَّلنا. <sup>35</sup> شُكون اللي يُفرَّقنا على عُبَّة المَسيح؟ الشَدّة وَلاّ الغُمّة وَلاّ الحُمُّرة وَلاّ الجُوع وَلاّ العُرا وَلاّ الخَطر وَلاّ السيف؟ <sup>36</sup> وكيما راهو مُكتوب: "رانا على جالك نُقاصيو الموت طول النُهار، حاسبيننا غُمَّ مُتاع الدَّبِيحة." <sup>77</sup> بَصَّح، في هاد الشي كامَل، حُنا كُثرَ من مَنصورين باللي حَبّنا. <sup>38</sup> وراني مَتيَقَّن باللي لا الموت وَلا الحِياة، لا المَلايكة وَلا الرِيّاس، لا الحاضر وَلا الجاي، لا القُوّات، <sup>39</sup> لا اللي الفوق وَلا اللي التَحت، وَلا خُليقة واحَدُخرى يَقَّدرو يُفرِّقونا على عُبّة الله الله فلكسيح يسوع رَبّا.

9

#### تَخيار الله

أنقول الصَح فالمَسيح، ما نَكدَبش والضَمير مْتاعي يَشهَدلي فالروح القُدّوس، ² عَندي حْزَن كْبير ووَجعة دايمة في قَلِي، ³ خاطر ثُمنّيت لو كان كُنت أنا بالدات محروم من المَسيح على جال خاوتي، خاوتي اللي من زَرّيعتي على حُساب الدات، ⁴ اللي هومَ إسرائيليّين، وليهُم التَبنيّ والمجَد، والعْهود، وهِبة الشريعة، والعِبادة والوْعود، ⁵ والجْدود ومَنهُم جا المَسيح على حْساب الدات، اللي هو فوق كُل شي، إله مْبارَك للدْوام، آمين.

6 ما رانيش حاب نقول باللي كَلمة الله طاحَت، خاطَر ماشي كامَل دَرِيّة إسرائيل هومَ إسرائيل، 7 وماشي كي هومَ من سُلالة إبراهيم، كامَل وْلادو، خاطَر مكتوب: "من إسحاق تَنَسَمَالُك الدَرِّيّة"، 8 مَعنتَها وْلاد الدات ماشي هومَ وْلاد الله، بَصَّح وْلاد الوَعد هومَ اللي يَخسبو الدَرِّيّة مْتاعو، 9 خاطَر كَلمة الوَعد هدي هيَ: "نجي في هاد الوَقت ويْكُون عَند سارة وْلَد"، 10 وماشي هَكدا بَرك، بَصَّح رَفقة تاني، اللي رَفدَت من واحد هُوَ إسحاق بابانا، هاد الوَقت ويْكون عَند سارة وْلَد"، 10 وماشي هَكدا بَرك، بَصَّح رَفقة تاني، اللي رَفدَت من الله التختيار مْتاع الله، 11 خاطَر، وباش تَبَت خُطّة التَختيار مْتاع الله، 12 ماشي على حْساب الفْعال، بَصَّح على حْساب دَعوة الله، تُقال لرَفقة: "الكْبير يْكُون خْديم الصْغير"، 13 كيما راهو مكتوب: "حَبِّيت يَعقوب وَلْمُرَّمت عيسو."

14 واش نقولو هِمّالا؟ كايَن الضُلم عَند الله؟ حاشا، 15 خاطر يقول لموسى: "نرحَم اللي نَرحَم ونَشَفَق على اللي يَشَفَق"، 16 هِمّالا، الشي ما راهو لا على حساب اللي يُحب وَلا اللي يَسعا، بَصَّح على حساب الله اللي يرحَم. 17 خاطر يقول النُّكاب لفَرعون: "على هاد الشي بالدات دَرتك، باش نَبيَّن فيك قَوِّتي وباش يَبرَّح باسمي في كامَل الأرض." 18 هِمّالا يَرحَم اللي يُحب ويْقَسِّي اللي يُحب. 19 تقوللي: "همّالا عْلاش يلوم؟ خاطر شكون يقدر يقاوم مرادو؟" 20 شكون أنت يا بنادَم باش تُحاسب الله؟ ماعون الطين يقدر يقول للي خَدمو عْلاش خْدَمتني هكدا؟ الفَخّارجي ما يَحكُمش فالطين ويَحَدَم من عُينة واحدة ماعون للشان وماعون للههائة؟ 22 وَلاّ الله كي حَب يُورِّي زُعافو ويَبيَّن فَوْتو، حُمَل بصْبَر عُبير مُواعَن مُتاع الزُعاف رايحين للهلاك، 23 وحَب يُبيَّن غْنا المَجد مُتاعو لمُواعَن أرعاف ويَبين يوكوب بي الله على المُجرية على المُحرف الله علي وعَبوبة اللي ما كانتش محبوبة، 26 ويكون فالمكان اللي يقول في تُكاب هوشُع: "نسمي شعبي اللي ما كانش شعبي، ومحبوبة اللي ما كانتش محبوبة، 26 ويكون فالمكان اللي يقول في أمّر إسرائيل: "كي يكونو بني يقول في أمّر إسرائيل: "كي يكونو بني إسرائيل كي رْمَل البُحر، شُوية منهُم بَرك اللي يَسَلكو، 28 خاطر الرَب يُحقَّق بالنَّم وبالخَف كلمتو على الأرض." وكو وكيما قال إشعيا من قَبْل: "لو كان رَب الجُنود ما خَلاَنَاش دَرِّية، لو كان وَلِينا كيما سَدوم، مَتشابهين مع عَمورة."

#### إسرائيل ما آمَنش

30 واش نُقولو هِمَالا؟ باللي الكُفّار اللي ما كانوش يُحوّسو على الصْلاح نالو الصْلاح، الصْلاح اللي يُجي من الإيمان، <sup>31</sup> وإسرائيل اللي كان يُحوَّس على شَريعة الصْلاح ما وْصَلش لهاد الشَريعة. <sup>32</sup> وَعلاش؟ خاطَر إسرائيل ما حَوَّسش بالإيمان، وحَسبو روحهُم يَوَّصلو بعْمال الشَريعة وعلى هَدا زَدمو في حَجرة الزَدمة، <sup>33</sup> كيما راهو مَكتوب: "نْحَط في صَهيون حَجرة زَدمة وصَخرة عَترة، وكُل من يامَن بيه ما يُخيبش."

#### 10

أيا الخاوة، الشي اللي يَتَمَنّاه قلبي واللي نَطَلبو في صْلاتي لله هُو سْلاك بَني إسرائيل، ² خاطر نَشَهَدّ لهُم باللي عَندهُم غيرة لله بَصَّح ماشي على حساب عَلم متاع الصح، ³ خاطر ما عَرفوش صلاح الله، وحَوسو يَبيّنو صلاحهُم، وهوم ماشي منطاعين لصلاح الله. ⁴ خاطر المسيح هُو اللي يُتَمَّم قَصد الشريعة بصلاح كامَل اللي يامنو.

<sup>5</sup> موسى كُتَب على الصْلاح اللي بالشَريعة: "الإنسان اللي يُطَبَّقها يْعيش بيها"، <sup>6</sup> بَصَّح الصْلاح اللي بالإيمان يْقول: "ما تقولش في قلبك شكون يَبيَط للسْما؟ خاطر هكدا راك تُهبَّط المسيح"، <sup>7</sup> وَلاّ "شْكون يَبيَط للزَرداب؟ خاطر هكدا راك تُهبَّط المسيح"، <sup>7</sup> وَلاّ "شْكون يَبيَط للزَرداب؟ خاطر هكدا راك تُعاود تُطلَّع المسيح من بين الموتى"، <sup>8</sup> بَصَّح واش يْقول: "الكَلهة راهي قْريبة ليك، في فَلَك باللي الله حْياه مَعنتها كَلهة الإيمان اللي رانا نُبرَّحو بيها. <sup>9</sup> خاطر لو كان تَستَعرَف بفُمَّك بالرَب يَسوع وتامَن في قَلبَك باللي الله حْياه ما لموت، تَسلَك، <sup>10</sup> خاطر نامنو بالقلب باش نئالو الصْلاح، ونَستَعرف بفُمَّك بالرَب يَسوع وتامَن في قَلبَك باللي الله حْياه ما لموت، تَسلَك، <sup>11</sup> خاطر المثلب باللي الله عُيل باللي يامَن بيه ما يُخيبش"، <sup>12</sup> ما كاش فرق بين اليهودي واليوناني خاطر رَبَّهُم واحَد، <sup>2</sup> رَبِيم مع كامَل اللي يُقول: "اللي يامَن بيه ما يُخيبش"، <sup>13</sup> ما كاش فرق بين اليهودي واليوناني خاطر رَبَّهُم واحَد، <sup>2</sup> ربيم مع كامَل اللي يَكَرُكوه"، <sup>13</sup> و"كُل من يَدكُر آسَم الله يَسلك"، <sup>14</sup> بَصَّح كيفاش رايحين يَدُّكُوو اللي ما آمنوش بيه؟ وكيفاش يامنو بالي ما ميكونوش مَبوتين؟ بالي ما ميكون آمَن بشارتنا؟" <sup>17</sup> همّالا، الإيمان يُجي بالبشارة والبشارة بكلهة الله. <sup>18</sup> بَصَّح نقول، بَلاكَ ما عرفش؟ بالعكس، "وْصَل صوتهُم لكامَل الأَرض وكُلامُهم لطرف الدَنيا"، <sup>19</sup> ويْقول، بَلاك إسرائيل ما عرفش؟ "غَرس يُحَوّسو عليَّ يَلقاوني، وضُهرت للي ما طَلبونيش"، <sup>19</sup> ويْقول على إسرائيل: "مَدّيت يَدّي "خَلِيت اللي ما كانوش يُحَوّسو عليَّ يَلقاوني، وضُهرت للي ما طلبونيش"، <sup>19</sup> ويْقول على إسرائيل: "مَدّيت يَدّي "خَلِيت اللي ما كانوش عُرس وراسُو خُسِّين."

#### 11

#### الله، ما قْبُلَش شَعبو القْديم؟

الله سُمَحش في شَعبو اللي عَرفو من قُبل. ما راكُش عارفين واش يُقول النُّخَاب على إيلِيًّا، كي شُكا لله من شَعب ما شُمَحش في شَعبو اللي عَرفو من قُبل. ما راكُش عارفين واش يُقول النُّخَاب على إيلِيًّا، كي شُكا لله من شَعب إسرائيل؟ 3" يا رَب، قَتلو الأنبيا مْتاعك، وكَسّرو مْدابحك، وبْقيت أنا وَحدي وراهُم حابّين يَقَّتلوني؟" 4 واش كان جواب الكُلام الرَّباني؟: "خَلِّيت لِيَّ سَبع آلاف راجَل ما رَكعوش لبَعل." 5 في هاد الزمان تاني، بْقا شْرِيّة عُثيَّر بالنَعمة، 6 وَلاَّ كان هاد الشي بالنَعمة، يَعني ماشي بالعْمال، وَلاَ ماكاش النَعمة ما تُولِيش نَعمة. 7 همّالا واش؟ اللي حَوَّس عليه إسرائيل ما نالوش، بَصَّح المُختارين نالوه والأخرين تُفَسّاو، 8 كيما راهو مَكتوب: "عُطالهُم الله روح الرُقاد، عينين باش ما يُشوفوش ووَدنين باش ما يَشعوفوش وَيَعكل مْهروش ويَعكل مْهرهم دايًا مَخي."

#### سلاك الأمّات

11 نقول هِمَّالاً، بَلاك عَرو باش يُطيحو؟ حاشا! بَصَّح بالعَلطة مْتاعهُم وْصَل السْلاك للأَمَّات باش هومَ يُغيرو. 
12 وَلاّ الغَلطة مْتاعهُم غْنات الدَنيا والنَقص مْتاعهُم غْنا الشْعوب، هِمَّالاً، واش يُدير إيمانهُم الكامَل؟ 13 نُقولَلكُم ليكُم أنتومَ الشُعوب اللي ماشي يُهود: طول ما راني رْسول ليكُم، ثُمَجَّد الخَدمة مْتاعي، 14 بَلاك يُغيرو اليُهود اللي كيما أنايَ ونُسَلَّك شُوية منهُم، 15 خاطر وَلا كان السُماح فيهُم صالحَ الدَنيا مع الله، واش يُكون قُبولهُم من غير حْياة من الموت؟ 16 وَلاّ كان الطَرف الأوّلاني مُتاع العجين مُقَدَّس، العْجين كامَل يُكون مُقَدَّس. وَلاّ كانو العُروق

مُقدّسين، الأغُصان تاني يُكونو مُقدّسين، 17 وَلاّ كاين غُصان نُزيرو وأنتَ اللي من زيتونة بَرهوشَة تَلقَّمتُ في مُكانَهُم ووَلِيت تُسال في عْروق الزيتونة المُربية، 18 ما تحسبش روحك على هاد الأغصان. وَلاّ حُسبت روحك، أعرَف باللي ماشي أنتَ اللي راك رافد العْروق، العْروق، المعْروق هومَ اللي راهُم رافدينك. 19 يعني ثقول: "الأغصان نُزيرو باش نَتلقَّم أنايَ"، 20 صَحّة، هومَ نُزيرو كي ما آمنوش وأنتَ حُكَمت بالإيمان. همّالا ما تتكبَّرش وخاف. 21 خاطَر كيما الله ما شفقش على الأغصان الحقّانيّين، بكلك ما يشفقش عليك، 22 شوف المُلاحة والوعارة مُتاع الله، واعر مع اللي طاحو ومُليح معاك ما دامَك تابَت فالمُلاحة، وَلاّ ماكاش يَزَيرك، 23 وهومَ وَلاّ تابو، يتَلقّمو خاطَر الله قادَر باش يُعاوَد يُلقّمهُم، 24 وَلاّ أنتَ نُزيرت من زيتونة آصَلها بَرهوشة وتُلقَّمت في زيتونة مْرَبية أنتَ ماشي من آصَلها، الله من آسَلها،

# رَحمة الله كافية للجْميع

25 راني حابكم يا خاوتي تَعَرفو هاد السَر باش ما تَحَسبوش روحكُم فاهمين، باللي كاين شُوِيّة من بْني إسرائيل طاحو فالقُساوة وهاد الشي يْدوم حَتَّى يَدُّخلو كامَل الشْعوب اللي ماشي يْهود للسْلاك، <sup>26</sup> وهكدا كامَل بْني إسرائيل يَسَلّكو، كيما يْقول الكتّاب: "يْجي السْلاك من صَهيون ويْنَجِّي دْنوب بَني يَعقوب، <sup>27</sup> ويْكون هَدا عَهدي معاهُم كي يَسَلّكو، كيما يْقول الكتّاب: "علي جال جُدودهُم، تَحي دُنوبهُم." <sup>82</sup> من شوفة الإنجيل، هوم عَديان علي جالكُم، ومن شوفة التخيار هوم حْباب علي جال جُدودهُم، <sup>92</sup> خاطر الله ما يَدَمش على الهبات مْتاعو وعلى دَعَّوتو، <sup>30</sup> وكيما أنتوم عُصيتو الله من قُبل، ودُرك نَلتو الرَحمة على جال عَصيانهُم، <sup>31</sup> هكدا هوم تاني عُصاو باش يْنالو الرَحمة هوم تاني برَحمَتُكُم، <sup>32</sup> خاطر الله حْبَس كامَل الناس فالمَصيان باش يَرحم كامَل الناس.

# تُسبيح الله

33 شُخالَ غامَق غْنا الله وحكَّمتو وعَلمو، شْكون يَفهَم حْكامو وَلاَّ يَعرَف طُرقانو، 34 خاطَر شْكون عْرَف تَخام الله؟ وشْكون دَّبَر عليه؟ 35 وشْكون سْبَق عْطالو باش الله يْرَدِّلو؟" 36 خاطَر منّو وبيه وليه كُل شي، ليه المجَد للأَبد. آمين.

#### 12

بایح حیین

العَيْمَ هَذَا نُسَجَّعَكُم يَا الخاوة، بَرَحَمَة الله، أَوَهبو داتَكُم ضُحِيّة حَيّة، مُقَدّسة، تَرضي الله، وتُكون عبادة تُليق من عندكُم، 2 ما تُتَبَّعوش هاد الزّمان، أَتَبدّلو بتَجديد العُقول باش ثَمّيّزو مُراد الله الخير، المُليح، والكامَل. 3 نقول بآسَم النّعِمَة اللي نُوهبتلي، لكُل واحَد فيكُم باش ما يحسبش روحو فوق ما يَستَهل، بَصَّح يُكون عاقل في تُخامو على حُساب الإيمان اللي قَسمو الله لكُل واحَد. 4 وكيما عَندنا في دات واحدة طُراف بَرَّاف، وماشي كامَل عَندهُم خَدمة واحدة، 5 هكذا، حُنا بَرَّاف بَصَّح دات واحدة فالمسيح، نسالو كُل واحَد في بَعضنا بَعض. 6 عَندنا هبات ماشي واحدة كيف على حُساب النّعمة اللي تَعطاتَلنا، اللي عَندو هبة النُبُوّة، يَتَنبَّأ على حُساب إيمانو، 7 اللي عَندو دَعوة الخَدمة، يَتعَلَق بالخَدمة، اللي يُعَلَّم يُشَد فالتَعليم، 8 اللي يُسَجَّع فالتَسجيع، اللي يُمَد يُكون حُريم كي يُمَد، اللي يُسَيَّر يُسيَّر بالطَبع واللي يَرحَم بالفرح.

9 الحَجَّة لازَم تُكون بلا تُدوفيق، أَكَّرِهو الشَر وأتعلّقو بالخير، 10 حَنّو على بَعضُكُم بَعض بُمْحَبّة الخاوة. كُل واحَد يُقادَر خوه ويُقَدّمو على نَفسو. 11 كونو شاطرين وماشي فَنيانين، شخونين فالروح، عابدين الرَب، 12 فَرحانين فالرْجا، صابرين فالشَدّة، مُداومين فالصْلاة، 13 مُعاونين للقدّيسين، مسترحبين بالبرانيين. 14 باركو اللي يَحَشّروكُم، باركو وما تتَعلوش، 15 أقَر حو مع الفَرحانين وأبكيو مع الباكيين، 16 كونو مَتفاهمين بيناتُكُم، ما تُحوّسوش على الحاجات البُجار، وشدو فالحاجات الصغار، وما تحصَّبوش روحكُم فاهمين. 17 ما تُردّو الشَر بالشَر لحتى واحَد، حَوّسو على الخير لكامَل الناس. 18 ديرو مجهودكُم باش يُكون السُلام بينكُم وبين كامَل الناس. 19 ما تنتقموش لنْفوسكُم يا الحباب وحَلّيو الزُعاف يُجوز، خاطَر مكتوب: "أنا اللي نَنتَقَم وأنا اللي نُغازي، يُقول الرَب." 20 بَصَّح "وَلاّ جاع عُدوك وكلّو، وَلاّ عُطَش أُرويه، خاطَر كي تُدير هَكدا راك تُلمَ جُور النار فوق راسو"، 21 ما تُخلّيش الشَر يغَلبَك وأغلَب الشَر بالخير.

13

# طاعة الحُكّام

أكل واحد لازَم يَنطاع للي يَحُكمو فيه، خاطر ما كان حَتى حاكم ماشي من عَند الله والله هُو اللي دار الحُكام اللي كاينين، ² على هَدا، اللي يْقاوَم الحاكم يْقاوَم آمَر الله، واللي يْقاومو، يَتعاقبو. ³ خاطر الحاكم يْخَوْف اللي يْدير الله عَندوش عْلاش يْخاف. حَبّيت ما تُخافش الحاكم؟ دير المليح يَرضا عليك. ⁴ خاطر الحاكم خَدّام الله لصْلاحك، بَصَّح وَلا دَرت الشَر خاف، خاطر ما راهوش شايد السيف على والو. راهو يَخدَم الله، ويْعاقب اللي يْدير الشَر، ⁵ على هَدا، طبع ماشي بَرك على جال العقاب، على جال الضَمير. ⁵ على هَدا اللي تُخلّصو الغرامة، خاطر الحُكم خَدّامين عَند الله، قايمين على هاد الخدمة. 7 أعطيو لكل واحد حَقّو: الغرامة للي يُسال الديّة، الخوف للى لازَم ثْغافوه، القُدَر للى لازَم ثقادروه.

# التَّبات فالْحُبَّة خاطَر الوَقت قُريب

8 ما تُكونو مَديونين لحتى واحَد من غير بالحُبَّة، خاطَر اللي يْحَب كَبَّل الشَريعة، 9 والفْرايَض: "ما تَزنيش، ما تُقتلش، ما تَسَرَقش، ما تَتَشَهَّاش،..." وكامَل الفْرايض الأخرين يَتلَخَصو في هاد الكَلمة: "حَب قْريبَك كي نَفسَك"، 10 الحُبَّة ما تْضَرش، يَعنى الحُبَّة هِيَ اللي تُكَبَّل الشَريعة.

11 راكم عارفين الوَقت اللي رانا فيه، هَدا هُو الوَقت باش تُنوضو من نْعاسُكم، خاطَر سْلاكنا راهو دُرك قُريب كُتَر من الوَقت اللي آمَّنا فيه. <sup>12</sup> جاز الليل وقْريب يَطلَع النْبار. هَيّا نْبَعّدو من عْمال الضْلام ونَلَّبسو سْلاح النور، أَعَشيو كيما يْليق باللي يَشي فالضو، نَبَعّدو على كترة الماكلة، السَكرة، الفَسق، العيب، الدُواس والحُسَد. <sup>14</sup> إيه، ألَّبسو الرَب يَسوع المَسيح وما تُخَمِّموش على الدات باش تَرضيو شَهواتها.

#### 14

#### الضْعيف والقُوى

ا أَقَبَلو الضْعيف فالإيمان بلا ما تْناقشوه فالتَخمام مْتاعو، ² واحَد يامَن باللي يَقدَر ياكُل من كُل شي، واحَدآخُر ضْعيف ياكُل غير الخُضرة. ³ اللي ياكُل ما لازَمش يَحقَر اللي ما ياكُلش، واللي ما ياكُلش ما لازَمش يَحكَم على اللي ياكُل خاطَر الله قَبَلو، 4 شُكون أنتَ باش تَحَكُم على خَدّام غيرَك؟ يَبقا تابَت وَلاّ يْطيح، هاد الشي يْخُص مولاه. بَصَّح يَبقا تابَت خاطَر الرَب قادَر باش يْنَبَّو. 5 كايَن اللي يْفَرَّق بين اليامات، وكايَن اللي شايَفهُم كامَل كيف كيف، لازَم كُل واحَد يُكون مَقتَنع في عَقلو. 6 اللي يُمَيَّز بين اليامات يُميَّزهُم للرَب، اللي ياكُل ياكُل للرَب خاطَر راه يَحَدو، واللي ما ياكُلش، ما ياكُلش للرَب وهُو تاني يَحَد الله. 7 واحَد فينا ما يُعيش لروحو، وواحَد ما يُموت لروحو. 8 وَلاّ رانا عايشين للرَب وَلاّ مَننا مُموتو للرَب، نعيشو وَلاّ مُوتو، حْنا مْناع الرَب، 9 خاطَر المسيح مات وحْيا، باش يُكون سيد الحيّين والموتى. 10 وأنتَ، عْلاش تَحَكُم على خوك؟ ووَعلاش أنتَ تَحَقَّر خوك؟ ياخي كامَل رايحين نَوَّقنو فالشَرَع قُدام الله. 11 مَكتوب: "أنا حَي، يْقول الرَب، كُل رُكبة تَرَكع قُدّامي وكُل لْسان يَحَد الله"، 2 هَدا، كُل واحَد فينا يُخاسَب قُدّام الله.

# ما ثْخَلِّيش خوك يْطيح بسْبابَك

13 يعني، ما لازَمش نَحَّمُو على بَعضنا بَعض، بَصَّح رَدّو بالكُم باش حَتّى واحَد فيكُم ما يُكُون سَبّة تُعتَّر خوه وَلا تَطَيّحو. 14 راني عارَف ومَقتَنَع فالرَب يَسوع باللي ما كاش حاجة ناجسة في داتها، بَصَّح الحاجة تُكُون ناجسة للي يُشوفها ناجسة ، 15 وَلا على جال ماكلة تُضَر خوك، ما راكش تَمشي على حْساب الحُبّة، ما تُخلِيش ما كَلتَك تُضَيّع هَداك اللي المسيح مات على جالو. 16 الشي اللي تُشوفو مُليح، ما لازَمش يُسيب حَتّى يَتقال عليه الكُلام الدوني، هَداك اللي المسيح مات على جالو، 16 الشي اللي تُشوفو مُليح، ما لازَمش يُسيب حَتّى يَتقال عليه الكُلام الدوني، 17 خاطر مَلكوت الله ماشي الماكلة والشُرب. مَلكوت الله صْلاح، سُلام، وفَرح فالروح القُدّوس. 18 اللي يَخدَم المسيح هَكدا، يرضا عليه الله ويَشُكروه الناس. 19 هيّا نُحوّسو هِمَالا على الشي اللي يُوصَّلنا باش بَنبو بَعض، 20 ما تُهدش خَدمة الله على جال لُقمة، فالصَح، كُل شي طاهر، بَصَّح ماشي مُليح لبنادَم باش يُكون سُباب عَترة على جال الماكلة، 21 مُليح كي الواحَد ما ياكُلش المُخَم، ما يَشرُبش الشراب ويَبَعَّد على الشي اللي يُعتَّد خوه، 22 إيمانك أنت خَليه ليك وَحدُك قُدّام الله، يا سَعد اللي يُدير الشي اللي يُكون مَقتَنع بيه بلا ما يَحكُم على نفسو، 23 إيمانك أنت خَليه ليك وَحدَك قُدّام الله، يا سَعد اللي يُدير الشي اللي يُكون مَقتَنع بيه بلا ما يَحكم على نفسو، 23 بَصَّح اللي يْشَك في ما كُتو، يَقَعَكم عليه خاطر ما راهوش مَقتَنع، وكُل حاجة ما تُجيش بالإ يمان خطية.

#### 15

# أقبَّلو بَعضكُم بَعض

1 حنا اللي قُوِيتِين فالإيمان، لازَم نَرَّفدو ضَعف اللي ماشي قُويتِين، وما نُرَضّيوش روحنا بَرك. 2 كُل واحَد فينا لازَم يَرضي الآخُر، للجنيان، 3 خاطَر المسيح بالدات ما رَضّاش نَفسو، كيما يْقول الكتّاب: "مْعايرات اللي يْعايروك طاحو عْليِّ"، 4 خاطَر كُل شي نَكتَب من قْبَل، نَكتَب باش يَعلَمنا، باش بالصْبَر والغزا مْتاع الكُتوب يُكون عَندنا الرْجا. 5 رَب الصْبَر والغزا يَجعَلَمُ مَتفاهمين باش تْعيشو مع بَعضُمُ بَعض على حْساب المَسيح يَسوع، 6 باش بَنفس واحدة وفُم واحَد تُعضّمو رَب وآب رَبّنا يَسوع المَسيح، 7 على هَدا، أقَبلو بَعضُمُ بَعض كيما قُبلَمُ المَسيح بَغضَم واحدة وفُم واحد تُعضّمو رَب وآب رَبّنا يَسوع المَسيح، 7 على هَدا، أقَبلو بَعضُمُ بَعض كيما قُبلَمُ المَسيح يُعضَمو الله عَنْ عُول النّعاب: "على هَدا نَحتَول بيك ما بين الشُعوب ونْغَنِي لآسمَك"، 10 ويْقول: "مُقول النّجاب: "على هَدا نَحتَول بيك ما بين الشُعوب ونْغَنِي لآسمَك"، 10 ويْقول: "أَمَّات كامل، وأحَّدوه يا شُعوب كامل." 12 إشعِيا تاني "أَمَّات مع شَعبو"، 11 وتاني: "سَبّحو الرَب يا أَمَّات كامل، وأحَّدوه يا شُعوب كامل." 12 إشعِيا تاني

يْقُول: "يْجِي وْليد يَسّى، ويْنوض باش يَحَكُم الأُمّات والأُمّات يَرجاو فيه." 13 رَب الرْجا يْعَمَّرَكُم بكُل فَرح وسْلام فالإيمان باش يْفيض رْجاكُم بقُدرة الروح القُدّوس.

# بولَس خَدَّام الأُمَّات

14 من جيهَتُكُم، يا خاوتي، راني أنا مَتيقَّن باللي قَلبَكُم كُبير، تَعَرفو مْليح كُل حاجة وقادرين تنصحو بَعضكم بَعض. 15 بَصَّح سُمَحت لنفسي وكْتبَتلَكُم في شي حاجات باش نْفَكَّرُكُم فيهُم على جال النعمة اللي تُوهبَتلي، 16 باش نُكون خَدّام المَسيح عَند اللي ماشي يُهود، وأنا مُكَرَّس نفسي لإنجيل الله باش تُكون هبة اللي ماشي يُهود، وأنا مُكَرَّس نفسي لإنجيل الله باش تُكون هبة اللي ماشي يُهود مقبولة، على حُساب اللي تَقدَّسَت بالروح القدوس. 17 نفخر فالمسيح يسوع بالخدمة لله، 18 خاطر ما نقدر ندكر حتى حاجة من غير الشي اللي عَملو المسيح بِيَّ باش يُجيب اللي ماشي يُهود للطاعة بالكُلام وبالفعال. 19 بقُوة المارات والعجايب وبقُوة روح الله كَبَّت التَبشير بإنجيل المسيح من أورشليم والمدارب اللي دايرين بيها حتى لإيليريكون. 20 هكدا حبّت نَبشَّر وين ما تَبرَّح ش بالمسيح باش ما نبنيش على نساس غيري. 21 على حُساب واش يُقول المُكاب: "اللي ما تَبرَّحَلُهُمش بيه يُشوفو واللي ما سَمعوش بيه يَقَهمو." 22 على هَدا، اللي شُحال من مَرّة ما قُدَرتش نُجي لعندكُم.

## بولَس حاب يْروح لروما

<sup>23</sup> بَصَّح دُرك، ما عَنديش خَدمة ثَشَدّني في هاد المدارَب وراني من سنين حاب بَرَّاف نجيتُم، <sup>24</sup> كي نُروح لسْبانيا، نَمَنّا نُجُوز نُسُوفَكُم أُومَبَعد تُوصَّلُوني لَمَّة وَلاَ شُبَعت شُويّة مَنكُم، <sup>25</sup> دُرك، راني رايج لأورشَليم باش نَخدَم القَدّيسين، <sup>26</sup> خاطر ناس مَقدونية وأخّائية حَبّو يْعاونو القَدّيسين القُلالين اللي في أورشَليم، <sup>27</sup> هَكدا حَبّو، وكانو مَديونينَلهُم، خاطَر وَلاَ شاركوهُم فالحاجات الروحيّين، لازَم يْعاونوهُم فالحاجات الإنسانيّين. <sup>28</sup> بَعد ما نُكَلَّل هاد الخَدمة ونُوصَّل الأمانة، غُبُوز عليكُم ونُروح لسْبانيا. <sup>29</sup> راني عارف باللي كي نُجي لعَندكُم، نُجي ببركة كاملة من المَسيح، <sup>30</sup> نُسَجَعكُم يا الخاوة، برَبّا يَسوع المَسيح، وبمُحبّة الروح باش تُكافحو معاي وتُصَلِّيو لله على جالي، <sup>31</sup> باش المَسيح، من اللي ماشي مومنين فاليَهوديّة وباش الأمانة اللي نَدّيها لأورشليم تُكون مَقبولة عَند القَديسين، <sup>32</sup> وباش نُجيكُم فَرحان وَلاّ هَدا مُراد الله وْرْبَّح عَندكُم شُويّة. <sup>33</sup> رَب السُّلام مُعاكُم كامَل. آمين.

#### 16

سلام

ا نُوَصَّيكُم على فيبي، خُتنا اللي راهي تَخدَم في كَنيسة كَنخريا، ² باش تَستَقبلوها فالرَب كيما يْليق بالقَدّيسين، وتْعاونوها في كُل شي تَسحَقَكُم فيه، خاطَر هِيَ عاونَت ناس بَرَّاف وأنا واحَد مَنهُم.

3 سَلَّمُو عَلَى بُرِسَكًا وأكِلا اللي عاونوني في خَدمة المَسيح، 4 وسَبّلو حْياتَهُم عَلَى جال حْياتِي. ماشي غير أنا اللي الشُكُوهُم، كَامَل كُنايَس اللي ماشي يْهود يَشُكروهُم، 5 سَلّمو تاني على الكَنيسة اللي راهي في دارهُم. سَلّمو على حْبيبي أينتوس، أَوَّل مَسيحي في آسيا. 6 سَلّمو على مَريَم اللي تَعبَت بَزّاف على جالكُم، 7 سَلّمو على أندرونيكوس ويونياس، مُولِيَّ وصْحابي فالحَبس. مَعروفين هومَ بين الرُسُل وآمنو بالمَسيح قَبَل مَنيّ، 8 سَلّمو على أمبِلياس، حْبيبي فالرَب. وسَلّمو على أمبِلياس، شبيبي فالرَب. وسَلّمو على أبلُس اللي بَرهَن على تْباتو و سَلّمو على أبلُس اللي بَرهَن على تْباتو

فالمَسيح، سَلَمو على دار أرِستوبولوس، <sup>11</sup> سَلَمو على هيروديون اللي يُكونلي، سَلَمو على المومنين اللي في دار نَركيسوس، <sup>12</sup> سَلَمو على بُرسيس الحْبيبة اللي تَعبَت بَرَّاف في خَدمة الرَب، سَلَمو على بُرسيس الحْبيبة اللي تَعبَت بَرَّاف في خَدمة المَسيح، <sup>13</sup> سَلَمو على أسينكريتس، وفليغون، وهَرمَس، المَسيح، <sup>13</sup> سَلَمو على أنا تاني، <sup>14</sup> سَلَمو على أسينكريتس، وفليغون، وهَرمَس، وبَروباس، وهَرماس والخاوة اللي مُعاهُم، <sup>15</sup> سَلَمو على فيلولوغوس وجوليا ونيريوس وخْتو وأولمباس والقَديسين اللي مُعاهُم، <sup>16</sup> سَلَمو على بَعضُكُم بَعض بيوسة مُقَدِّسة، كامَل كتايَس المَسيح يُسَلَمو على بَعضُكُم بعض بيوسة مُقدِّسة، كامَل كتايس المَسيح يُسَلَمو على بُعضُكُم بعض بيوسة مُقدِّسة،

وصاية

17 نُوصِيكُم يا الخاوة باش تُردّو بالكُم من اللي يُعبّو يْدَخّلو العْداوة والعَترة ويَخَلَقو تَعليم مخالَف للتَعليم اللي تُعلّمتوه. بَعّدو عْليهُم، 18 خاطَر هاد الناس ما يَخَدموش رَبنا المَسيح، يَخَدّمو حُروشهُم وبكُلامهُم المُليح وهَدرَتهُم المُعسّلة يَغويو قُلوب النّوايا. 19 كامَل سَعو بطاعَتكُم، وأنا راني فَرحان بزّاف بيكُم، غُمِّكُم تُكونو شاطرين فالخير وصافيين من الشَر، 20 رَب السّلام قُريب يعفس الشيطان تَحت رَجليكُم، نَعمة رَبّهُم يَسوع معاكُم، آمين.

<sup>21</sup> تيموتاوَسُ اللي راهو يَخدَم معايَ ولوكيوس وياسون وسوسيباترُس اللي يُكونولي راهُم يْسَلّمو عْليكُم. <sup>22</sup> وراني أنا تَرتيوس اللي تُكبَت هاد البْرِيّة، نْسَلَّم عْليكُم فالرَب، <sup>23</sup> يْسَلَّم عْليكُم غايوس اللي راهو مْضَيَّفني أنا والكَنيسة كامَل، أراستُس أمين صَندوق المُدينة والأخ كوارتُس يْسَلّمو عليكُم. <sup>24</sup> نعمة رَبّنا يَسوع المَسيح مْعاكُم، آمين.

تسبيح

25 للي يُقَدَر يَتَبَتَكُم على حُساب إنجيلي والبُشارة بيَسوع المَسيح، على حُساب مَعرِفة السَر اللي بْقا خُبِّي زْمان طُويل، <sup>26</sup> واللي بان دُرك بكْتوب الأَنبِيا، على حُساب آمَر الله الأَبَدي واللي نَعرَف عَند كامَل الأَمَّات باش يُجيو لطاعة الإيمان، <sup>27</sup> الله الحُكيم وَحدو، ليه المجَد للأَبَد بيَسوع المَسيح. آمين.

# رِسَالَةُ بُولُسَ ٱلرَّسُولِ ٱلأُولَىٰ إِلَىٰ أَهْلِ كُورِنْتُوسَ

كورَنتوس مْدينة صْغيرة من المْدايَن المُهِمّين مْتاع اليونان، مْرَفّهة على جال الزوج مَرسات اللي عَندها. كان فيها عْبيد وڤالالين بَرّاف وناسها كانو عايشين هكداك بَرك، يْتَبّعو الفْكايَر اللي جاو وعَندهُم دِيانات من كُل نوع.

أُسَّس بولَس كنيسة كورَنتوس فالسْفَر مْتاعو التاني. اللي وَلآو مَسيحِيّين، بْقاو حايرين في حاجات يُخَصَّو المُجتَمَع والعَلاقات مع الدِيانات الأخرين )عْمال الرُسُل 18: 1-17). جاو خْبارهُم لبولَس وواجَب عليهُم في بْرِيّتو الأولى لكورَنتوس. •

فالفُصول من 1 ل 4، هْدَر بولَس على الدُّواس اللي وَصَّل الكَنيسة حَتَّى نُقَسَمَت: كان كُل واحَد يُتَبَّع اللي بَشَّرو وعَلَّهو ويَوقَف ضَد الأُخرين. وقال باللي البشارة هِيَ الصَح: "المَسيح اللي تُسَمَّر على الصْليب"، ومَرسولين الله ما هُم غير خَدّامين عَند الله يَخَدمو كامَل لله. •

من الفَصل 5 للفَصل 11 الآية 16 يَهدَر على سيرة المومَن ويْفَسَّر "حُرِيَّة المَسيحي:" الواحَد ما يَتَسَمَّاشُ مَسيحي ويْدير الغْلاط، هاد الشي الكَنيسة ما لازَمش تَقَّبلو. ويُكَلَّل يَهدَر على الزُّواج، وكيفاش الواحَد يْقابَل عْوايَد الدِيانات الأخرين ويْقول باللي في كُل شي المومَن لازَم يحَتَرُم الأخرين ويْحَوَّس على فايدَتُهُم. •

من الفَصل 11 الآية 17 للفَصل 14: يَهدَر بولَس على الحْياة فالكَنيسة، يُورِّي الشي اللي يَقسَمها والشي اللي يُوحَّدها: كُل واحَد فالكَنيسة عَندو قيمتو والمُسيحِيِّين دات واحدة، كُل طَرف فيها يْفيد الباقي والحُبِّة، نَشيد هاد البْرِيَّة، هِيَ اللي تُسَيَّر الحيْاة فالكَنيسة. •

الفَصل 15 يُفكَّر باللي الله حْيا يَسوع من الموت ويْجي النّهار اللي يْنوضو فيه الموتى الأخرين. وَلاّ كانو المَسيحِيّين يامنو بهاد الشي، حْياتُهُم وإيمانُهُم يْكُون عَندهُم مَعنى والفَصل 16 يْكَلَّل بخْبار وسْلام كيما البْراوات الأُخرين. الكورَنتِيّين ما كانوش مُسيحِيّين كاملين، وهكداك بولس شْكَر الله على جالهُم. النّكايَس كامَل فيهُم المَشاكل والغَلطات، والله يَعطيهُم خيرو ويَهدي المومنين للوْفا والصْفا.

أ بولَس، المَدعو باش نُكون رَسول يَسوع المَسيح، بمُراد الله، والأَخ سوستانيس، ² لكَنيسة الله اللي في كورَنتوس،
 للّي تُقدّسو فالمَسيح يَسوع، المَدعُوّين باش يُكونو قدّيسين، ولكامَل اللي يَدُّكُرو في كُل مْكان آسَم رَبّنا يَسوع المَسيح،
 رَبّهُم ورَبّنا، 3 نَعمة وسْلام ليكُم من الله بابانا والرَب يَسوع المَسيح.

#### شکر

<sup>4</sup> نَحَمَد إِلَمِي دايمًا عليكُم على جال نَعمة الله اللي نَعطاتَلكُم فالمسيح يَسوع، <sup>5</sup> خاطَر فيه نَغنيتو بكُل شي، بكُل كَلمة وكُل مَعرِفة، <sup>6</sup> على حْساب اللي تَبتَت فيكُم شْهادة المسيح، <sup>7</sup> باش ما ثُخَصَّكُم حَتّى موهِبة، وأنتومَ نَستَنَّاو رَبّنا يَسوع المسيح، <sup>8</sup> الله حْلالي المَسيح، <sup>8</sup> الله عُلالي دُعاكُم للشَركة مع وْليدو يَسوع المسيح، رَبّنا.

نقَسَمتو النَّاتِجَعَمُ يَا الخَاوة بَآسَم رَبَّنَا يَسُوع المَسيح باش تُكُون هَدَرَتَكُم واحدة وما تَنقَسموش. كونو مَتوَحَّدين، بعْقَل واحد وتَّخام واحَد، 11 خاطَر يا خاوتي، راني شَمَعت عليكُم من ناس دار خُلوي باللي كايَن الدُّواس ما بيناتكُم، 12 يَعني نقول هاد الشي، خاطَر كُل واحَد فيكُم يُقول "أنا من بولس"، "أنا من أبلّوس"، "أنا من صَفا"، "أنا من المَسيح"، 13 المَسيح تقسَم؟ بولَس نصَلَب على جالكُم ولا بآسَم بولَس اللي تُعَمَّدت بَا تَحَد الله اللي ما عَدّت حَقّى واحَد فيكُم من غير كريسبوس وغايوس، 15 باش واحَد ما يُقول باللي تَعَمَّدتو بآسمي. 16 عَمَّدت تاني عايلة أستفاناس، ومن غيرهُم ما نَدَكُش اللي عَمَّدت كاش واحَد، 17 خاطَر المَسيح ما بُعَتنيش باش نُعمَّد، بُعتني باش أستفاناس، وما في العُقل اللي فالكُلام باش صْليب المَسيح ما يُكونش باطل.

# المُسيح حِكمة الله وقَوَّتو

18 إيه، مُنطَق الصْليب ما عَندو حَتَى مَعنى للي رايحين في طُريق الهْلاك، بَصَّح لِينا حْنا اللي ماشيين في طُريق السُلاك، هُوَ قُدرة الله، 19 خاطَر مَكتوب: "نَمحي عْقَل الحُكما وَرُوي فْهامة الفاهمين"، 20 وين راه الفاهم؟ وين راه الكاتب؟ وين راه اللي يْناقش في هاد الزّمان؟ عْلاش؟ الله ما رَدش عْقَل هاد الدّنيا جْياحة؟ 21 كي الدّنيا بالعْقَل مْتاعها ما عَرفَتش الله بحِكمة الله، حَب الله يْسَلَّك المومنين بهبال البْشارة، 22 الْيهود يَطَّبو مارات، واليونانيين يُحوسو على الحِكمة، 23 عْنا نُبرَّحو بالمُسيح المُصلوب، عَترة لليهود وهبال عَند الكُفّار، 24 بَصَّح للمدعوِّين، يهود وَلا يونانيين، المُسيح هُو قُدرة الله وحِكمة الله، 25 خاطر هبال الله عاقل على بْني آدَم وضَعف الله قُوي على بْني آدَم، وما كانش بَرَّاف اللي عْنا بُني عَنادهُم اللهُونَة وما كانش بَرَّاف اللي من العايلات النُّبار، 27 بالعكس، الله خَيَر الجياحة فالدّنيا باش يُحَشَّم الحُكما والضَّعاف فالدّنيا باش يُحَشَّم اللي عَندهُم القُوّة، 28 وخَيَّر الصُغير والحَقور واللي ما عَندوش قيمة فالدّنيا، باش يُكسَّر والمُعاطيتلو الدّنيا قيمة، 29 باش حَتَّى مُخلوق ما يُحسب روحو قُدّام الله، 30 بيه اللي رائمُ فالمسيح يَسوع، اللي وَلا عاطيتلو الدّنيا من عَند الله، وصلاح وقداسة وفْدا. 31 همَّالا، كيما يُقول النُكاب: "اللي يَتباها، يَتباها فالرَب."

2

أ وأنا كي جيتكُم يا الخاوة، ما جيتكُمش بالكالام الصْعيب والحكمة نْخَبَّرُكُم بسَر الله، 2 وعَوَّلت ما نَعرَف وأنا عَندكُم حَتّى شي من غير يَسوع المَسيح، ويَسوع المَسيح مَصلوب، 3 وكُنت وأنا عَندكُم ضْعيف وخايَف تَتَرعَد. 4 الخُطبة متاعي وبْشارتي ما كانوش يْقنّعو بكُلايم الحِكمة، كانو قايمين على برُهان الروح والقُوّة، 5 باش يْكون إيمانكُم بقُدرة الله ماشي بحِكمة بْني آدَم.

# حِكمة الروح القُدّوس

6 وهكداك، هَدي الحِكمة اللي نَهَّدروها للناس الراشدين، بَصَّح ماشي حِكمة هاد الدَنيا، وَلا سْياد هاد الدَنيا اللي رايحين للهْلاك. 7 نَهَّدرو بحِكمة الله الحُجْبيّة فالسَر، اللي غُحَجبَت، واللي سْبَق وَجَّدها الله قْبَل الزْمان لجَحدن، <sup>8</sup> وما عُرَفها حَتَّى واحَد مِن سْياد هاد الدَنيا، خاطَر لو كان عَرفوها ما كانوش صَليو رَب الجَد، <sup>9</sup> كيما يْقول النُّكاب: "اللي ما عين راتو، وَلا وْدَن سَمعاتو، وَلا جا في بال بْنادَم، هَداك اللي وَجَدو الله للّي يُحْبّوه." <sup>10</sup> لينا اللي كَشفو الله

بالروح، خاطر الروح يَفحص كُل شي، حَتَى غُوامَق الله، 11 شُكون من الناس هِمّالا يَعرَف أُمور بْنادَم من غير روح بْنادَم اللي فيه؟ هكداك واحَد ما يَعرَف ما فالله من غير روح الله، 12 حْنا ماشي روح الدَنيا اللي نَلنا، نَلنا الروح اللي جاي من الله باش نَعْرفو الحاجات اللي وْهَبُهمَّنا الله، 13 وما نَهَّدروش على هاد الشي بالكُلام اللي يُعلّمهولنا الروح، وهكدا نَفَسرو شيّ الروح بكُلام الروح، 14 بْنادَم بمنطق بْنِي آدَم، نَهَّدرو عليه بالكُلام اللي يُعلّمهولنا الروح، وهكدا نَفَسرو شيّ الروح بكُلام الروح، 14 بنادَم بمنطق بْنِي آدَم ما يَقدَرش يَقهَمهُم خاطَر الروح اللي يُميَّزهُم، 15 بَعْت الروحي، يُميَّز كُل شي بَصَّح واحَد ما يَقدَر يُميَّزو، 16 خاطَر "شْكون عْرَف تَخام الرَب؟ شْكون يَقدَر يُعلِو؟ حْنا عَدنا عَقلية المسيح.

3

## الكنيسة تنقسَم

ا أنا يا الخاوة، ما قْدَرتش نْكَلَّمْكُم كيما نْكُلِّم ناس روحِيّين، كَلَّمتكُم كيما نْكَلّْم ناس جَسَدِيّين، دْراري صْغار فالمُسيح، 2 شَرَّ بتكُم حْليب، ماشي ماكلة صحيحة، خاطَر ما كُنتوش تَقَدرولها وللآن ما تَقَدروش، 3 خاطر مازالكم جَسَدِيّين. كي كَايَن بيناتَكُم الغيرة والدّواس، ماشي جَسَدِيّين أنتومَ؟ وتْعيشو على حْساب الدات؟ 4 كي الواحَد يْقول: "أنا من بولَس"، والآخُر: "أنا من أبْلُوس"، ماشي آدَمِيين أنتومَ؟ 5 واش يْكون أبْلُوس؟ واش يْكون بولَس؟ خَدَّامين آمَنتو على يَدَّهُم، كُل واحَد فيهُم على حْساب ما عْطاه الله. 6 أنا غْرَست، أبْلُوس سْقا، بَصَّح الله هُوَ اللي كَبَّر. 7 الصَح ماشي فاللي يَغرَس وَلاّ فاللي يَسقي، الصَح فالله اللي يُكبَّر، 8 اللي يَغرَس واللي يَسقي كيف كيف وكُل واحَد يَدّي آجرو على حْساب خَدَّمتو. 9 حْنا نَخَّدمو سُواسوة عَند الله، أنتومَ بْحيرة الله، بَنيان الله، 10 على حْساب نَعمة الله اللي نُوهبَتلي، كي البَنّاي الشاطر حَطّيت اللساس، وواحَدآخُر بْنَا فوقو، بَصَّح لازَم الواحَد يْرَد بالو كيفاش يَبني، 11 خاطَر واحَد ما يَقدَر يْحَط نْساس واحَدآنُر من غير اللي راهو محطوط اللي هُوَ يَسوع المَسيح. 12 الواحَد يَبني فوقو بالدُّهَب، الفَضَّة، الجوهَر، الحُطَب، الحُشيش وَلاَّ الكَّران، 13 خَدمة كُل واحَد تْبان، النَّهار يْبَيُّهَا. خَدمة كُلُ وَاحَد، كيما كان نوعها، النار ثُجَّرَّ بها. <sup>14</sup> الواحَد اللي تَبقا الخَدمة اللي بْناها، يَدّي الآجَر. <sup>15</sup> اللي تْغَرَق خَدَّمتو، يَخسَر الآجَر، هُوَ يَسلَك بَصَّح كي اللي يْجوز فالنار. 16 ماً راكُمش عارفين باللي أنتومَ مَعبَد الله وروحً الله ساكن فيكُم؟ 17 اللي يْهَد مَعبَد الله، الله يُهدُّو، خاطَر مَعبَد الله قُدُّوس يَعني أنتومَ. 18 واحد ما يْغر نَفسو، وَلاَّ واحَد فيكُم حْسَب روحو حْكيم في هاد الزْمان، غير يْكون جاهَل باش يْوَلِّي حْكيم، 19 خاطَر حَكمة هاد الدَنيا جْهُولِيّة عَند الله، خاطَر مَكتوب: "اللي يَدّي الحُكُمّا في حيلَتَهُم"، 20 وتاني: "الرَب يَعرَف تَخام الحُكَم باللي باطَل"، 21 هِمَالا ما يْغَرَّكُم حَتَّى واحَد، خاطَر كُل شي ليكُم. <sup>22</sup> بولَسْ، وَلاَّ أَبْلُوس، وَلاَّ صَفا، وَلاَّ الدَّنيا، وَلاَّ الحْياة، وَلاَّ الموت، وَلاَّ أُمور الحاضَر والجاي، كُل شي ليكُم، 23 وأنتومَ للمَسيح، والمَسيح لله. ا همّالا، غير يَحَسبونا خَدّامين ومُوكَلين على سْرار الله، 2 المَطلوب من المُوكَلين قُبَل كُل شي يُكونو حْلاليّين. 3 أنا ما يُهَمّنيش كيفاش تَحَكَمو عليَّ أنتومَ وَلاّ كيفاش يَحكَم عليَّ الشّرَع مْتاع بْنادَم. أنا تاني ما نَحَكُمش على نَفسي، 4 أنا ما عَندي في ضَميري حَتَّى شي ضَد نَفسي، بَصَّح في هاد الشي اللي تُبرَّرت. اللي يَحكُم عليَّ هُو الرَب، 5 همّالا ما تَحَكُموش قُبَل الوَقت، قُبَل ما يُجي الرَب ويُورِّي فالضو الشي الحُتِّي فالضّلمة ويُبيَّن نيِّات القُلوب. داك الوَقت الله يَمدَ كُل واحَد على حْساب ما يَستاهل.

6 هاد الحاجات دُرك يا الخاوة، مَتَلَت بيهُم علي وعلى أبّولوس على جالكُم، باش تَعَلّبو منّا "ما تُجوزوش حُدود الكُتوب"، وما تتكبّروش وأنتوم دايرين الصف مع واحد ضَد الآخر، <sup>7</sup> واش يُميّزك على واحداّنُو؟ واش عَدك من عَدَك ما نلتوش؟ وَلا تلتوش؟ ولا تلتوش؟ والله عَندك ما نلتوش؟ ولا تلتوش؟ ولا تلتو وعلاش تتباها كي اللي من عَدك وما نلتوش؟ ه خلاص شبعتو، خلاص شبعتو، خلاص شبعتو، خلاص شبعتو، خلاص شبعتو، على الله حَطّنا وليتو سلاطن بلا بينا. لو كان خير تُكونو سلاطن باش حنا تاني نكونو معاكم، وخاطر راني نشوف باللي الله حَطّنا حنا الرُسل مع الأخّر، كي اللي محكموم عليهم بالموت، خاطر بثهينا فُرجة للدّنيا، للمَلايكة وللناس. 10 خنا جُهالا على جال المسيح، وأنتوم حُكما فالمسيح، عنا ضعاف وأنتوم قوايا، أنتوم مُكرّمين وحْنا مَنهانين، 11 لهاد الساعة ما زلنا بغريو وونعطشو ونتعرّاو ونتضربو وتنشرّدو، 12 وتتعبو وحنا نخلّد مو بيدّينا، يُسبّونا، نباركو، يحَقّرونا، نجينونا، نوسّت فالدنيا، الزبل اللي يَرميوه الناس للآن. 14 ما رانيش نكتب هاد الشي باش نحشّمتُم، حبيت نوسّقُكُم كي ولادي الغزاز، 15 خاطر كي يُكون عَدلكُم ألوف الشيوخة فالمسيح، ما عَدلكُمش باباة غيري خاطر أنا ولدتكم فالمسيح يسوع بالإنجيل. 16 نشجَعكم همّالا تديرو بحالي، 17 على هَدا، بْعَلّدكُم سيوتاوس وليدي الغزيز، والأمين فالرَب، هُو يُفكّرُكم بسيرتي فالمسيح يَسوع كيما نعلَه همّالا تُديرو بحالي، 17 على هَدا، الثماليس. 18 كاين اللي تُكبّرو، نعرف قوَّتُهم، ماشي رائح غُي لعَدلكُم، 19 قرْيب غُيكُم ولا عرف ماشي برك كلام هدو اللي تُكبّرو، نعرف قوَّتهم، ما عندكُم ملكوت الله ماشي بالهُدرة، 12 واش غُتَو؟ غُيكُم بالحَطبة وَلا بالحُبّة والروح والحنانة؟

5

# كيفاش تْدير الكَنيسة مع واحَد اللي يَزني

1 الحَصون، يَتِقال باللي عَندُمُ الفَسق، وواحَد الفَسق عَند الكُفّار ما كانش. لحَد اللي الراجَل خادي مَرت باباه، 2 وهكداك تُكَبَّرَو. في عوض ما تَحَزَنو حَتّى يَنقطَع منكُم اللي دار هاد العَملة؟ 3 أنا، راهي داتي غايبة عليكُم بَصَّح روحي حاضرة، وحْكَمت كي اللي راني معاكم على اللي دار هاد الشي، 4 بآسَم رَبّنا يَسوع، وحْنا مجتَمعين كيف كيف، أنتوم وروحي مع قُدرة رَبّنا يَسوع المَسيح، 5 سَلّمو هاد الراجَل للشيطان لهْلاك الدات باش تَسلَك الروح في يوم الرَب. 6 ما حَقّكُمش تتكبّرو، ما راكُمش عارفين باللي شُويّة خميرة تُطلّع العجينة كامَل؟ 7 أرميو عليكُم الخميرة بقلّت بالله تُكونو عُجينة جُديدة كيما راكُم، فطير، خاطر المَسيح، الفَصح مُتاعنا، نَديَج. 8 هَكدا لازَم تُديرو الحَفَلة، بفُطير الصْفا والحَق ماشي بخيرة قديمة، وَلا بخميرة الحيلة والشَر. 9 كُتبَتلكُم فالبْريّة باش ما تُعاشروش الفاسقين، بفُطير الضفا والحق ماشي بخورة في هاد الدَنيا والطَمّاعين والسَرّاقين واللي يَشَركو بالله، خاطر هكدا لازَم تَخْرُجو من الدَنيا، 11 كُتبَتلكُم دُرك باللي ما تعاشروش واحَد مُسمّي روحو مومَن وهُو فاسَق، وَلا طَمّاع، وَلاّ يَشرَكُ بالله، وَلاّ

يْسَب وَلَاّ يَسَكَرُ وَلَاّ يَسَرَق، وحَتَّى مَا تاكلوش مع واحَد كيما هَدا. 1² واش عَندي فاللّي خارَج الكَنيسة باش نَحَكُم عليهُم؟ أنتومَ ماشي على اللي فالكَنيسة اللي تَحَكَّمو؟ 1³ اللي خارَج الكَنيسة، الله اللي يَحَكُم عليهُم. نَحَيو المَشرار من وَسطكُم.

6

الشْرَع بين المومنين

1 يُوصَلَ الواحَد فيكُم كي تُكون عَندو مُشكِلة مع واحَدآخُر، يُروح يُشارعو عَند الكُفّار وماشي عَند القَدّيسين؟ ما راكُمش عارفين باللي القَدّيسين رايحين يُحاكمو الدّنيا؟ وَلاّ رايحين ثُحاكمو الدّنيا، ما تَقَدروش تَحَكمو في حاجات صغار؟ دَ ما راكُمش عارفين باللي رايحين غُحاكمو المَلايكة؟ شبق باش نُحَكمو فالمَشاكل مْتاع المُعيشة، تُحقّو ناس الكنيسة ما عاطيتَّلهُم حَتّى قيمة باش هومَ يَحَكمو! 5 راني نقول هاد الشي باش نَبيَّن عاركُم. يَعني ما كان بيناتُكُم حَتّى واحَد عاقل يَقدَر يَفري مُشكِلة بين خاوتو؟ 6 الخو يُشارَع خوه، وعَند اللي ماشي عاركُم. يَعني ما كان بيناتُكُم حَتّى واحَد عاقل يقدّر يفري مُشكِلة بين خاوتو؟ 6 الخو يُشارَع خوه، وعَند اللي ماشي مومنين؟ 7 فالأصَل، راكُم خاسرين مادام كاين بيناتُكُم الشّرَى. ما تَقَدروش تَحَلو الضّلم؟ ها بالعكس. أنتومَ اللي تَصَّلمو وتَعَلطو، وفي شُكون؟ الخاوة. 9 وَلاّ ما راكُمش عارفين باللي الضالمين ما يُورتوش مَلكوت الله؟ ما تَنفرّوش: لا الفاسقين، لا اللي يَشَركو بالله، لا الزانيين، لا الرّجال اللي يُشبّه روحهُم يُورتوش مَلكوت الله. 11 كاين فيكُم اللي كانو هكدا، بَصَّح نَعسَلتو، ثقدّستو وتَبَرَّرتو بَاسَم الرَب يَسوع المَسيح وروح إلمَانا.

كَرِّمُو الله في داتكُم وفي روحكُم.

12 كُل شي يُجوزلي بُصَّح ماشي كُل شي يَصلَح لِيَّ، كُل شي يُجوزلي بَصَّح ما نُخلِّي حَتَّى شي يَحَكَّم فيَّ. 13 الماكلة للكَرش والكَرش للماكلة والله رائح يَفنيهُم في زوج. بَصَّح الدات ماشي للفَسق، الدات للرَب، والرَب للدات. 14 الله اللي حيا الرَب من الموت يَحيينا حْنا تاني من الموت بقُدَّرتو. 15 ما راكُمش عارفين باللي اللي يُقرَّب لفاسقة يُكون المَسيح؟ ناخُد طُراف المَسيح ونُردَّهُم طُراف فاسقة؟ أبدًا. 16 وَلاّ ما راكُمش عارفين باللي اللي يُقرَّب لفاسقة يُكون دات واحدة معاه؟ خاطَر تُقال، "زوج يُولِيّو دات واحدة"، 17 اللي يُقرَّب لله يُكون روح واحدة معاه، 18 بعَدو على الفَسق. كُل خُطية يُديرها بْنادَم هِي خارجة على داتو، بَصَّح الفاسَق يَخطي في داتو. 19 وَلاّ ما راكُمش عارفين باللي داتكُم هِيَ مَسكَن الروح القُدّوس اللي فيكُم واللي جايكُم من الله وباللي أنتومَ ماشي مَلك نَفسكُم؟ 20 خاطَر بنو بسومة غالية، هِمّالا كرّمو الله في داتكُم.

7

الزواج

ا على الشي اللي تُتبتوه، مْليح للراجَل لو كان ما يُمسش مْرا، 2 بَصَّح باش الواحَد ما يْطيحش فالفَسق، خير لو كان كُل راجَل تْكون عَندو مَرتو، وكُل مْرا عَندها راجَلها. 3 لازَم الراجَل يَعطي للمْرا واش تْساللو والمْرا تاني تَعطي للراجَل واش يْسالَلها، 4 المْرا ما عَندهاش الحُكمة على داتها، الحُكمة تُكون لراجَلها، ومن جيهة أخرى، الراجَل ما عَندوش الحُكمة على داتو، الحُكمة تُكون لمرتو. 5 واحَد ما يَمنَع روحو على الآخُر، غير وَلاَ تْفاهَمتو لُوقت باش تُخَصَّصو روحكُم للصْلاة. أومبَعد، وَلَيْو كيف كيف يعْود يَغويكُم الشيطان كي ما تَقَدروش تَنحُكُمو في نَفسكُم. 6 نُقول هاد الشي تَسَريح، ماشي آمَر. 7 راني حاب كامَل الناس يُكونو كيما أنايَ، بَصَّح كُل واحَد كيفاش أدّا موهبة من الله: واحَد موهبتو طُبَع، الآخُر قَصّة.

8 نقول للي ماشي مُتزَوّجين وللهْجاجَل: خير لهُم لوكان يَبقاو كيما أناي، 9 بَصَّح وَلا كانو ما يَتَحكّوش في نَفسهُم، يَزَوَّجو خير، خاطَر الواحَد يَتزَوَّج خير من اللي يُجَرَق. 10 وللمُتزوِّجين، ماشي أنا اللي نقول، الله يُقول: الله يُعرَق لازَمش تَنفرَق على راجَلها، 11 وَلا نَفرقت، تَبقا بلا زُواج وَلا تتصالح مع راجَلها، والراجَل ما يَنفرَقش على مَرتو. 12 للأُخرين، أنا نقول ماشي الرَب: وَلا كان الخو المومن مَتزَوَّج بمُرا ماشي مومنة، وهاد المراجَل حاب يَبقا معاها، خير لو كان ما يَنفرَقش عليها، 13 وَلا كانت المُوا مُتزَوِّجة براجَل ماشي مومن، وهاد الراجَل حاب يَبقا معاها، خير لو كان ما يَنفرَقش علي راجَلها، 14 خاطر الراجَل اللي ماشي مومن يتقدَّس بمرتو، والمُوا اللي ماشي مومنة تتقدَّس براجَلها المومن، خاطر لو كان ماشي هكدا، ولادكُم يُكونو ناجسين. بالعكس، ولادكُم مُقدّسين. 15 وَلا اللي ماشي مومن حَب يْفارَق، غير يْفارَق. الخو المومن ولا الخي تالمومنة يُكونو حْرار هكدا، الله دْعاكُم باش تُعيشو فالسلام. 16 وين راكي عارفة يا مرا ولا ما راكيش رايخ المي المؤسنة يُكونو حْرار هكدا، الله دْعاكُم باش تُعيشو فالسلام. الشيك مَرتك؟ 17 يعني، كُل واحَد يْعيش فالحالة اللي قُسَمهالو الرَب، واللي كان فيها كي دْعاه الله، هكدا نامَر في كامل النُكايس. 18 جاتو الواحد الدَعوة وأمو ومُو مُنتَقلَقُش من هاد الشي، بَصَح لو كان تَقدَر تُولِي حُرة من الرَب، كيف كيف، الحُر اللي جاتو الدَعوة عَبد للمَسيح. 23 خاطر العبد اللي جاتو الدَعوة فالرَب، غَرَّر من الرَب، كيف كيف، الحُر اللي جاتو الدَعوة عَبد للمَسيح. 23 فتشريتو بسومة غالية، ما تُكونوش عُبيد لبْنِي آدَم. 24 كُل واحَد، يا الخاوة، يَبقا مع الله فالحالة اللي كان فيها كي جاتو الدَعوة الرَب، عَرَّر من الرَب، كيف كيف، الحُر اللي جاتو الدَعوة عَبد للمَسيح. 33 كُل واحَد، يا الخاوة، يَبقا مع الله فالحالة اللي كان فيها كي جاتو الدَعوة .

# العْواتَق والهَجَّالات

<sup>25</sup> الغواتى، ما عَنديش عليهُم آمَر من الرَب، بَصَّح ثَمَد رايي على حْساب اللي راني برَحمة الله راجَل حْلالي. والحي، مُليح لكُل واحَد لو كان يَبقا كيما راه. <sup>27</sup> مَتزَوَّج بمْرا، ما ثُحُوَّسش على مْرا. <sup>82</sup> وَلا تُزَوَّجت، ما راكش تُدير خُطِيّة، وَلا العاتَى تُزَوَّجت، ما راكش تُدير خُطِيّة، وَلا العاتَى تُزَوَّجت، ما راكش تُدير خُطِيّة، بَصَّح ناس هَكدا، يُكونو عَندهُم عْليَن فالدات، راني حاب نَبعَدهُم عليهُم. <sup>29</sup> هاو واش راني حاب نُقول، يا الخَلوة، الوقت ضَيَّق، من دُرك لازَم اللي عَندهُم نْسا يُكونو كي اللي ما عَندهُمش، <sup>30</sup> اللي ما راهُمش يَكيو كي اللي ما عَندهُمش، والله ما ما راهُمش يَبكيو، اللي يَقْرحو كي اللي ما راهُمش يَقْرحو، اللي يَشريو كي اللي ما عَندهُمش، <sup>31</sup> اللي ما عَندهُمش، <sup>32</sup> اللي ما ما راهُم يَتفادو من الدَنيا كي اللي ما راهُمش يَعجَب الرَب، <sup>33</sup> ما راهُم اللهَ عَندهُم الدَنيا هَدي ما اللهِ ما اللهِ عاليه الدَنيا، عَدَلُم الهُم، اللي ماشي مَتزَوَّج يَلْتَها بشِي الرَب، عُوَّس كيفاش يَعجَب الرَب، <sup>33</sup> المَب، اللي ماشي مَتزَوَّج يَلْتها بشِي الرَب، عُوَّس كيفاش يَعجَب الرَب، <sup>34</sup> المُهم، اللي ماشي مَتزَوَّج يَلْتها بشِي الرَب، عُوَّس كيفاش يَعجَب الرَب، <sup>34</sup> المُهم، اللي ماشي مَتزَوَّج يَلتها بشِي الرَب، عُوَّس كيفاش يَعجَب الرَب، <sup>34</sup> المُهم، اللي ماشي مَتزَوَّج يَلتها بشِي الرَب، عُوَّس كيفاش يَعجَب الرَب، <sup>34</sup> المُهم، اللي ماشي مَتزَوَّج يَلتها بشِي الرَب، عُوَّس كيفاش يَعجَب الرَب، المَعْد الدَنيا عندهُم المَهم المُهم الله ماشي مَتزَوَّج يَلتها بشِي الرَب، عُوْس كيفاش يَعجَب الرَب، المَّهم المَهم المَهم المُهم المَهم المَهم المُهم المُهم المَهم المَهم

يْحُوَّس كيفاش يَعجَب مَرتو، <sup>34</sup> ويْنَقسَم. كيف كيف، المْرا اللي بلا راجَل، كيما العاتَق، تُلْتها بشي الرَب، باش تْكُون مْقَدَّسة فالدات وفالروح. المَتَزَوَّجة تُلْتها بشي الدَنيا، ثْحَوّْش كيفاش تَعجَب راجَلها.

35 راني نْقول هاد الشي في فايدَتكُم، ماشي باش نْديرلَكُم فَخَّة، باش نْديرو اللازَم وتَتَعَلَّقُو بالرَب وَحدو وما تْكُونُوشْ مَقسومين؟ 36 وَلاّ الواحَد شاف روحو بَلاك يَغلَط مع العاتَق مْتاعو، وَلاّ كان مُحروق، وشايَف باللي لازَم يَتَزَوَّج، يْدير كيما حَب، هَدي ماشي خْطِيَّة، غير يَتَزَوَّجو. <sup>37</sup> بَصَّح اللي تابَت مْليح في قَلبو، ماشي مُحتاج، ونَفسو ماشي مَتحكّمة فيه، وعَوَّل في قَلبو يُحافض عالعاتَق مْتاعو، يَعمَل مْليح. 38 هَكدا، اللي يُزُوَّج العاتَق مْتاعو يَعمَل مْليحٌ واللي ما يَزَوَّجهاش يَعمَل خير. <sup>39</sup> المْرا تْكون مَربوطة ما دام رَاجَلها حَي، بَصَّحَ وَلاّ الراجَل مات، تُكون حُرَّةً باش َتَزَوَّج مع من ثُحَب، هات بَرك يُكون على حْساب مُراد الله، <sup>40</sup> بَصَّح على حْسابي أنا، تُكون مُهنَّية كُتَر لو كان تَبقا كيما راهي. وأنا تاني نْشوف باللي عَندي روح الله.

## اللحُم المْضَحى للأصنام

1 على الشي اللي يْخُص الدُّبائحِ اللي للأصنام، رانا عارفين باللي كامَل نَعْرِفو. العَلم يْنَقْخ بالتّكَبُّر بَصَّح الْحَبَّة تَبني. 2 اللي شايَف روحو يَعرَف حاجة، ما يَعرَفش كيما لازَم يَعرَف، 3 بَصَّح اللي يُحَب الله، هَداك مَعروف من الله. 4 هِمَّالاً، على الشي اللي يُخَص ماكلة الدُّبائِج اللي للأصنام، رانا عارفين باللي الصْنام ما كاش منهُم فالدَنيا، وما كايَن حَتّى إِلَه من غير واحَد. 5 خاطَر، صَح كايَن اللي يْعَيّطولهُم آلِمة فالسّما وَفَالأرض، -حَتّى لو كان كايَن بَرّاف آلِمة ورْباب- 6 بَصَّح لينا، كايَن غير إلَه واحَد، الآب، اللي كُل شي جاي منّو وحْنا فيه. ورَب واحَد، يَسوع المَسيح، اللي بيه كُل شي وحْنا بيه. 7 بَصَّح ماشي كامَل يَعَّرفو هاد الشي، بَصَّح كايَن اللي ما زالهُم للآن مُوالفين الأصنام، وعلى حْساب اللي ياكلو الدْبايج اللي للأصنام، ضَميرهُم الضْعيف يْتنَجَّس. 8 هِيَ ماشي ماكلة اللي رايحة تْقَرَّبنا من الله، وَلاّ ما كُليناش منها، ما يَنقُص فينا والو، وَلاّ كُلينا منها، ما يْزيد فينا والو. 9 بَصَّح رَدّو بالكُم يْعود حَقّكُم يُكون حَجِرة تُعَتَّر الضَّعاف فيكُم، 10 وَلاَّ شافَك واحَد، أنتَ اللي تَعرَف، على الميدة في هَيكَل الأصنام، ضَميرو الضْعيف ما يْسَجّعوش باش ياكُل لْحَمَ مْضَحّي للأصنام؟ 11 هَكدا، الضْعيف يْضيع بَمَوِفتَك أنتَ، وهاد الضْعيف هُوَ الخو اللي مات عليه المَسيح. 12 كي تَغَلطو هَكدا فالخاوة، وتَجَرَّحو ضَميرهُم الضْعيف، راكُم تَغَلطو فالمَسيح. 13 على هَدا، وَلاّ كَانَت ماكلة تُطَيَّح خويَ، عَمري ما ناكُل الْحُم، باش ما نْكونش سْباب طيحة خويَ.

حُق الرُسول

1 أنا ماشي حُر؟ ماشي رَسول؟ ما شَفتش يَسوع رَبّنا؟ أنتومَ بالدات، ماشي خَدَّمتي فالرَب؟ 2 وَلاّ الأخرين ماشي شايفينني رَسول، أنتومَ بالقْليلة تَستَعرفو باللي أنا رَسول، خاطَر أنتومَ الطابَع مْتاع رُسولِيّتي فالرَب. 3 هاو كيفاش نّحامي على روحي قُدّام اللي يَتَّهموني: <sup>4</sup> ما عَندناش الحَق ناكلو وَنَشُّربو؟ <sup>5</sup> ما عَندناش الحَق نَدّيو معانا خُت تُكون زوجة لينا، كيما يْديرو الرُسل الأخرين، خاوة الرَب وصَفا؟ 6 وَلاّ غير حْنا، أنا وبَرنابا، اللي ما عَندناش الحَق مَا نَخَدُموش؟ 7 شْكُون يْكُون يْحَارَب في جيش ويَصرَف من عَندو؟ شْكُون يَغرَس دالية وما ياكُلش من غَأَتْها؟

شْكُونُ يَرِعا الغْنَمُ وما يَشرُبش من حْليبهُم وما ياكُلش منهُم؟ 8 راني نَهدَر غير بَمنطَق بْني آدَم وَلاّ الشَريعة تاني ما تْقُولش كيف كيف؟ 9 إيه، مَكتوب في شَريعة موسى: "ما ثَّحَطش النَّمامة على فُم الفَرد وهُوَ يَدرَس." الله كان يُغَمَّم على الفْراد؟ 10 ماشي على جالنا اللي قال هاد الشي؟ إيه، على جالنا اللي نكتَب هاد الشي، خاطَر اللي يَحرَت لازَم يَحرَت وهُو راجي، واللي يَدرَس يَدرَس يَدرَس وهُوَ طامَع يَدّي. 11 وَلاّ زْرَعنا فيكُم الحاجات الروحيّين، بزّاف علينا لوكان نَحَّصدو منكُم الحاجات الماديّين؟ 12 وَلاّ الأخرين عَندهُم هاد الحَق عليكُم باش يْشاركوكُم، حْنا ماشي سْبَق؟ وهَكَداك، حْنا ما أَدّيناش هاد الحَق. بالعَكس، نَعَملو كُل شي باش ما نْصَعّبوش الطْريق لْبشارة المَسيح. 13 ما راكُمش عارفين باللي اللي يَخَّدمو فالمَعبَد يَدّيو الماكلة من المَعبَد، واللي يَخَّدمو فالمَدَبح يَستَنّاو يَدّيو من اللي على المَدبَح؟ 14 كيف كيف، الرَب آمَر باش اللي يُبَشِّرو بالإنجيل يْعيشو من الإنجيل. 15 بَصَّح أنا ما سْتَفَدتش من هاد الشي كَامَل، وأنا راني نَكتَب هاد الشي باش يَطَّبَّق علِيَّ. خير لي ثموت وَلا واحَد يُنقَّص من القيمة اللي عَندي في هاد الشي، 16 خاطَر بْشارتي بالإنجيل ماشي للزوخ، هاد الآمَر مُحْتَم عليَّ، ويا ويلي لو كان ما نُبشَّرش بالإنجيل. 17 لو كَانَ خَيَرَت نْدَيْرِهَا، كَانَ يُكُونَ عَندي آجَر، بَصَّح كِي نْفُرضَتْ عَلِيَّ، وَلاّت مَسؤوليَّة تُآمَنت عليها. 18 واش هِمَّالا يْكون آجري؟ كي نْبَشَّر بالإنجيل بلا ما نَدّي والو، وهَكدا ما نَستفادش من حَقَّى فالإنجيل. 19 خاطَر والو أنا حُر من كُل واحَد، دَرت روحي عَبد لكُل واحَد باش نكسَب قَد ما نَقدَر منهُم، 20 مع الْيهود، كُنت كي الْيهودي باش نَرَبَح الْيهود، مع اللي خاضعين للشَريعة، كي اللي خاضَع للشَريعة باش نَرَبُح الخاصَعين للشَريعة، والو أنا ماشي خاضَع للشَريعة، 21 مع اللي ما عَندهُمش شَريعة كي اللي ما عَنديش شَريعة، باش نَرجح اللي ما عَندهُمش الشَريعة، والو أنا عَند الله ما رانيش بلا شَريعة، أنا محكوم بشَريعة المَسيح، 22 كُنت ضْعيف مع الضُعَفا، باش نَربَح الضُعَفا، كُنت كُل شي لكُل واحَد، باش كيما كان الحال نْسَلَّك شي ناس. 23 وهَدا كامَل، نْديرو على جال الإنجيل، باش نْسال فيه. 24 ما راكُمش عارفين باللي اللي يَجريو فالمَلعَب يَجريو كامَل بَصَّح واحَد بَرك اللي يَدّي الجايزة؟ أجريو هَكدا باش تَرَّبحو. <sup>25</sup> اللاعَب اللي يَتنافَس، يَتدَرَّب باش يَتحَكَّم في نَفسو في كُل شي. هاد الشي باش يْنالو تاج فاني، بَصَّح حْنا تاجنا ما يَفناش. 26 أنا نُجري ماشي بلا ما نَعرَف وين نْروح، نَضرَب بَصَّح ماشي كي اللي يَضرَب الريح، 27 بالعكس، نَقسا على داتي ونْطَوَّعها نْعود بَعد ما بَرَّحت للأخرين، أنا ما نَنقبَلش.

#### 10

العُبرة من تاريخ إسرائيل

1 ما يَخفاش عليكُم يا الخاوة، جْدودنا كانو كامَل نَحت السْحاب، وكامَل قَطعو البْحَر، <sup>2</sup> كامَل تُعمّدو لموسى فالسْحاب وفالبْحَر، <sup>3</sup> كامَل كُلاو ماكلة روحِيّة واحدة، <sup>4</sup> كامَل شَربو مَشروب روحي واحَد، خاطَر كانو يَشَّربو من صَخرة روحِيّة كانت تُبَعَّهُم، هاد الصَخرة هِيَ المَسيح، <sup>5</sup> بَصَّح على حْساب اللي الكُترة منهُم ما رَضّاوش الله، طاحو فالخلا. <sup>6</sup> هَدو مْتال لينا، باش ما نَتشَهَّاوش الشَر كيما تُشهَّاوَه هومَ، <sup>7</sup> ما تَشَّركوش كيما دارو شي ناس منهُم، على حْساب ماهو مَكتوب: "الشَعب قُعد باش ياكُل ويَشرُب، أومبَعد ناضو باش يَزهاو"، <sup>8</sup> ما نُسلّبوش روحنا للفَسق كيما سَبّو روحهُم للفَسق ناس منهُم وماتو منهُم تْلاتة وعَشرين ألف في يوم واحَد. <sup>9</sup> ما غُرّبوش المُسيح كيما جَرّبوه ناس منهُم حَتّى قَتلوهُم الحُنوشة، <sup>10</sup> ما تُدَمدموش كيما دَمدمو ناس منهُم حَتّى جاهُم الهُلاك،

11 هاد الشي صْرالهُم عَبرة، ونَكتَب باش يْقَرّىنا، حْنا اللي لْحَق علينا آخَر الدَنيا. 1² هَكدا هِمّالا، اللي راهو شايَف روحو واقَفٌ، يْرَد بالو يْعود يْطيح، 13 من جْميع تَجرُبة جاتكُم تَقَدَر ثْجِي لكُل بْنادَم، بَصَّح تيقو فالله اللي ما يُخلِّي حَتَّى تَجَرُبة تْجِيكُم تْكُون فوق طاقَتَكُم، ومع كُل تَجَرُبة يَعطى الحَل والقُدرة باش تَحَّلو.

14 على هَدا يا حْبابي، بَعَدو من الشَرك، 15 راني نَهدَر مع ناس عاقلين، أحَّكُمو أنتومَ بالدات على الشي اللي راني نْقول فيه، 16 كاس البَركة اللي نْباركوه، ما راهوش شَركة بدَم المَسيح؟ الخُبز اللي نَقَسموه، ماشي شَركة بدات المُسيح؟ 17 على حْساب اللي كايَن خُبز واحَد، والو حْنا بَرَّاف، حْنا دات واحدة خاطَر كامَل نَتقاسمو خُبز واحَد. <sup>18</sup> شوفو شَعب إسرائيل، الَّلي ياكلو الدُّبايَح ماشي شاركين فالمَدبَح؟ <sup>19</sup> واش راني نْقول؟ باللي اللُّحَم الْمَضَحّي حاجة والصَنمَ حاجة أخرى؟ <sup>20</sup> لالا، بَصَّح الدْبيحة مْضَحية للشْياطَن ماشي لله، وأنا ما رانيش حابَّكُم تْكونو في شَركة مع الشْياطَن. 21 ما تَقَدروش تَشَربو كاس الرَب وكاس الشْياطَن، ما تَقَدروش تَقَعدو على ميدة الرَب وعلى ميدة الشَّياطَن، 22 وَلاَّ رانا حابِّين نْغَيَّرو الله؟ حْنا أقوى منَّو؟

23 كُل شي مَسموح بَصَّح ماشي كُل شي يْفيد. كُل شي مَسموح بَصَّح ماشي كُل شي يَصلَح للبَنيان. 2<sup>4</sup> واحَد ما لازَم يُحُوَّس على صْلاحو، الواحَد لازَم يُحُوَّس على صْلاح الأخرين. 25 كولو كُل شي يَنباع فالسوق، بلا ما تُسَقسيو باش تْرَضّيو الضّمير، <sup>26</sup> خاطَر الأرض وما فيها للرَب. <sup>27</sup> وَلاّ عْرَضَكُم واحَد ماشي مومَن وحَبّيتو تْروحو، كولو واش يْسَربيلكُم بلا ما تْسَقسيو باش تْرَضّيو الضَمير، <sup>28</sup> بَصَّح وَلاّ واحَد قالَلكُم: "هَدي ضْحيّة"، ما تاكلوش، على جال اللي نَبَّكُم وعلى جال الضَمير. <sup>29</sup> كي نْقول "على جال الضَمير"، نَقصَد ضَميرو هُوَ، ماشي ضَميركُم أنتومَ، خاطَر عْلاش نْخَلِّي ضَمير واحَدآخُر يَحَكُم على حُرِيّتي؟ 30 وَلاّ كُنت نَحَد وأنا ناكُل، وَعلاش نتلام على الشي اللي نَحَمَد عليه؟ <sup>31</sup> هِمّالا، تاكلو وَلاّ تَشُربو وَلاّ تْديرو واش تْديرو، لازَم يْكون كُل شي لجَد الله. <sup>32</sup> ما تُكونو سْباب عَترة لا لليْهود، لا لليونانيّين وَلا لكَنيسة الله. <sup>33</sup> كيما أنا، نْحَوَّس نَعجَب كُل واحَد في كُل شي، وما نْحَوَّسش على صْلاحى، نْحَوَّس على صْلاح الأخرين، باش يَسَّلكو.

#### 11

# واش يْليق فالعِبادة

 ديرو بْحالي كيما أنا نْدير بْحال المسيح. ² راني فَرحان بيكُم اللي تَذْكُروني في كُل شي، وشَدّيتو فالعوايد اللي عْطيتُهَمَّلَكُم، 3 بَصَّح راني حابُّكُم تَعَّرفو باللي راس كُل إنسان هُوَ المَسيح، راس المْرا هُوَ الراجَل، وراس المَسيح هُوَ الله. 4 كُل راجَل يْصَلِّي وَلاّ يَتَنبَّأُ وراسو مْغَطِّي، يْجِيب العار لراسو، 5 كُل مْرا تْصَلِّي وَلاّ تَتَنبَّأُ وراسها مَكشوف، تْجِيب العار لراسها، كي اللي راهي مْحَقّْفة قُرعة. 6 وَلاّ المْرا ما غَطَّاتش راسها، غير تْحَقَّف قُرعة، بَصَّح على حْساب

اللي عار على المْرا تْقَطَّع شْعَرها وَلاّ تّْحَقَّفو قُرعة، لازَم تُغطّى راسها.\* 7 الراجَل ما لازَمش يُغطّى راسو، خاطَر هُوَ صِفة وَمَجد الله، والمرا هِيَ مَجد الراجَل. 8 خاطَر ماشي الراجَل اللي تُكَوَّن من المْرا، المْرا هِيَ اللي تُكَوِّنَت منّو. º وماشى الراجَل اللي نَخلَق من المْرا، المْرا هِيَ اللي نُخلَقَت منّو. ¹¹ عَلى هَدا، المْرا لازَم تُكون عَندُها على راسها مارة الحُكمة على جال المَلايكة، 11 والو فالرَب، المُرا ما تُكونش بلا الراجَل وَلا الراجَل بلا المُرا، 12 وكيما المُرا هيَ من الراجَل، الراجَل هُوَ من المْرا، وكُل شي من الله. 13 أحَّكُموا أنتومَ بداتكُم: يْليق بالمْرا تْصَلّى لله وهِيَ مكشوفة؟ 14 الواحَد بطْبيعتو ما يْشوفش باللي عار على الراجَل يْطَوَّل شَعرو؟ 15 بَصَّح المْرا، لو كان تْكون مْكَسية بشْعَر طُويل، هَدا شان ليها. خاطَر الشُّعَر الطُّويل، نَعطالها في عوض اللُّعاف. 16 وَلاَّ واحَد حَب يْغالَب في هاد الشي، ما عَندناش عادة كي هَدي، لا حْنا وَلا ثْكَايَسِ الله.

#### عْشا الرك

17 رایج نَعطیکُم هاد الفَرض، وأنا ماشی فَرحان بیکُم خاطَر کی راکُم تَتَلَمُّو، تَتَلَمُّو ماشی باش تُولّیو خیر، باش تُولّیو عُر. <sup>18</sup> الأوَّل، كي تَتلَمَّو، شُمَعت باللي كايَن فيكُم اللي مَقسومين، وهاد الشي راني شُويَّة مْآمنو، <sup>19</sup> ولازَم يُكونو عَندُكُم مُداهَب باش يْبانو الْحَيْرِين فيكُم! 20 همّالا، كي تتلبّو في مُكان واحَد، ماشي باش تاكلو العشا مْتاع الرَب، 21 خاطَر في وَقت الماكلة، كُل واحَد يْخَف ياكُل عْشاتو، وواحَد جيعان والآخُر سَكران. 22 ما عَندَكُمش دْيار باش تاكلو وتَشْربو؟ وَلاّ حْقَرتو كنيسة الله وهَنتو اللي ما يَمَّلكو والو؟ واش نْقولَلكُم؟ نفرَح بيكُم؟ ما نَفرَحش بيكُم في هاد الشي. <sup>23</sup> خاطَر أنا نَلت من الرَب الشي اللي عْطيتهولكُم. الرَب يَسوع، فالليلة اللي تْسَلَّم فيها، خْدا خُبز، <sup>24</sup> وبَعد ما شْكَر، قَسمو وقال: "هَدي داتي اللي ليكُم، ديرو هكدا تَفكيرة لِيَّ"، 25 كيف كيف، بَعد ما تُعَشّا، خْدا الكاس وقال: "هاد الكاس هُوَ العَهَد الجْديد بدَمّي، ديرو هَكدا كُلّها تَشُّ بوها تَفكيرة لَىّ"، <sup>26</sup> خاطَر كُل ما تاكلو هاد الخُبز وتَشَربو هاد الكاس، ثُخَبّرو بموت الرَب حَتّى وين يْجِي، <sup>27</sup> على هَدا، اللي ياكُل الخُبز ويَشرُب كاس الرَب بلا قْدَر، يْكُون خاطي في دات ودَم الرَب. 28 هِمّالا، كُل واحَد يْقَلَّب روحُو أُومبَعد ياكُل من الخُبز ويشرُب من الكاس، <sup>29</sup> خاطَر اللي ياكُل ويَشرُب بلا ما يْمَيَّز الدات، ياكُل ويَشرُب حُكم على روحو. <sup>30</sup> على هَدا اللي كايَن في وَسطكُم بَرَّاف من المَرضي والعايبين، وبَرَّاف اللي ماتو. 31 لو كان نْقلّبو روحنا، ما نَتحاكموش، 32 بَصَّح الله كي يَحَكُم علينا، نَتَنضمو باش ما يْغَكَمْش علينا مع الدَنيا. ³3 هِمّالا يا خاوتي، كي ثْجيو كيف كيف باش تاكلو، أستَنّاو بَعضَكُم بَعض، 34 وَلا كان واحَد جيعان، يَسبَق ياكُل في دارو، باش ما تْكونش لَمَتْكُم سْباب الحُكم عليكُم، المُشاكل الأخرين، نْحَلّْهُم كي نْجِي.

12

#### الهبات الروحيين

 على الهبات الروحِيّين، ما رانيش حاب يَخفا عليكُم يا الخاوة. 2 رائمُ عارفين باللي كي كُنتو كُفّار، كُنتو تَغبَدو مَعمِيّين للأصنام العْڤافَن، 3 على هَدا، نَعلَمُكُم باللي واحَد ما يَهدَر بالروح القُدّوس ويْقول: "يَسوع مَنعول"، وواحَد

<sup>\* 11:6</sup> يهدر الكاتب هنا على واحد العوايد اللي كانو معروفين في مدينة كورنتوس. كان عيب على المرا تقطع شعرها خاطر كانو غير النسا اللي يخدمو في معابد الشرك اللي يقطعو شعرهم وكانت المرا الشريفة تطوّل شعرها وتغطيه كي تخرج باش تكرم راجلها وتبين باللي راهي منطاعة ليه.

ما يَقَدَر يْقُول: "يَسُوع رَب" مَن غير بالروح القُدّوس. 4 هبات النَعمة بَزَافَ بَصَّح الَروح واحَد، 5 الخَدَمات بَرَّاف، بَصَّح الرَب واحَد، 6 الفُعال بَرَّاف بَصَّح إلَه واحَد اللّي يْشَغَّل كُل شي فالكُل. 7 كُل واحَد نَعطالو باش يْبان فيه الروح للفايدة، 8 واحَد مَعطيتًاو بالروح كُلام الحِكمة، واحَدآخُر كُلام المُعرفة، على حْساب روح واحَد، 9 واحَدآخُر الإيمان في روح واحَد، واحَدآخُر هبات الشْفا في روح واحَد، 10 لواحَدآخُر القُدرة باش يْبر العجايَب، لواحَدآخُر النُبوَّة، لواحَدآخُر باش يُبَرَجَم اللُغات، لواحَدآخُر باش يُبَرَجَم اللُغات، المُعات، لواحَدآخُر باش يُبرَجَم اللُغات، 11 هَدا كامَل يْشَغّلو روح واحَد وْحيد، يَقسَم لكُل واحَد وَحدو كيما يُحَب.

## دات واحدة وطْراف بَزَّاف

12 خاطَر كيما الدات واحدة والطْراف بَرَّاف، وكيما طْراف الدات والو بَرَّاف بَصَّح هومَ دات واحدة، هَكَدَاكَ المُسيح. 13 خاطَر حْنا كامَل -يهود وَلاّ يونانيّين وَلاّ عْبيد وَلاّ حْرار- تْعَمَّدنا في دات واحدة بروح واحَد وكامَل نَروينا بروح واحَد، 14 خاطَر الدات ماشي طَرف واحَد، بَرّاف. 15 لو كان الرْجَل تْقول: "كي أنا ماشي اليَد، هِمَّالاً أنا ماشي من الدات"، صَح هِيَ ماشي من الدات؟ 16 لو كان الوْدَن تْقول: "كي أنا ماشي عين، هِمَّالا أنا ماشي من الدات"، صَح هِيَ ماشي من الدات؟ 17 لو كان الدات كامَل عين، وين يُكون السْمَع. لُو كان كَامَل شْمَع، وين يُكون الشّم؟ 18 فالواقَع، الله حَط كُل واحَد من الطْراف فالدات كيما حَب. 19 لو كان كامَل طَرف واحَد، وين تُكون الدات؟ <sup>20</sup> بَصَّح دُرك كايَن طْراف بَرَّاف ودات واحدة، <sup>21</sup> العين ما تَقدَرش تُقول لليَد: "ما نَسَّحقكَش"، وَلا الراس يْقول للرَجلين: "ما نَسَحقكُمش"، 22 حَتَّى طْراف الدات اللي يْبانو ضْعاف على الأخرين لازمين، 23 وطْراف الدات اللي حاسبينهُم عيب، نْلْتَهاو بيهُم كْتَر، ونْقومو الكُترة باللي نَحَّشمو بيهُم، ونَعطيولهُم شان كْتَرَ، 24 خاطَر اللي يْليقو ما يَسَّحقوش نْلتَهاو بيهُم هَكَدَاك. الله رَتَّب الدات وعْطاً شان كْتَر لٰلى مخصوص شان، <sup>25</sup> باش ما تُنْقَسَمش الدات، وكامَل الطْراف يْرَدّو بالهُم على بَعضهُم بَعض. <sup>26</sup> ولو كان يَتوجَّع طَرف من الدات، كامَل الطْراف يَتَوجّعو معاه، ولو كان يَتكرَّم طَرف، يَفرَح مع كَامَل الطْراف. <sup>27</sup> أتتومَ دات المَسيح، أنتومَ طْرافو، واحَد واحَد. <sup>28</sup> والله حَط فالكَنيسة ناس: واحَد الرُسُل، تُنين الأنبيا، ثَلاتة الشّيوخة، أومبَعد كايَن العْجايَب، أومبَعد هِبات الشَّفا، المُعاونة، التَدبير، نْواع اللُّغات. 29 كامَل رُسُل؟ كامَل أَنبِيا؟ كامَل شيوخة؟ كامَل يْديرو العْجَايَب؟ 30 كامَل عَندهُم هِبات الشُّفا؟ كامَل يَهَّدرو لُغات؟ كامَل يْتَرجمو؟ 31 أتَشَوَّقو للهِبات الكُبار، ودُرك نُورّ يلكُم الطّريق الْمُخَيَّرة.

13

المحبّة

ا لو كان نَهدَر لُغات بْنِي آدَم والمَلايكة، وما عَنديش الحُبَّة، نْكون حْديد يْطَنطَن وَلاّ طْبَل يْدَندَن، <sup>2</sup> لو كان تُكون عَندي النُبُوَّة ونَعرَف كامَل الأسرار والعَلم بِكَالو، لو كان يُكون عَندي كامَل الإيمان اللي بيه نَتقُل الجبْال، وما عَنديش الحُبَّة، ما نُكون والو. ³ كي نْصَدَّق كامَل مْلاكِي، ونْسَلَّم داتي باش تَنحوَق، وما عَنديش الحُبَّة، ما خُسَبت والو. ⁴ الحُبَّة تَصبَر، الحُبَّة مْليحة، ما تْغيرش، ما تْزوخش، ما تَتكبَّرش، ⁵ ما تْديرش اللي ما يْليقش، ما تُحَوَّسش على صْلاحها، ما تَزعَفش، ما تَعَفُدش، ٥ ما تَفرَحش بالضَلم وتَفرَح بالحَق، 7 تَسَتَر كُل شي، تامَن كُل

شي، تَرَجا كُلُ شَي، تَحَلَ كُلُ شي، 8 الحُبَّة ما تَفَشَلش. النُبُوات يَعَبِسو، اللُغاَت يَنَفَطُعو، العَلم يْزول، 9 نَعُرفو نَص وَلَتَنَبَّوْو نَص، 10 بَصَّح كي يُجي الْمُهال، يْزول النَص. 11 كي كُنت صْغير، كُنت نَهدَر كي الصْغير، أَخَمَّم كي الصْغير، أَنَه الشيعير، نَفَهَم كي الصْغير. كي وَلِّيت راجَل، بَطَّلت الشي اللي يُخُص الصْغير. 12 اليوم رانا نُشوفو في مْراية، مُضَبَّب، بَصَّح داك الوَقت نَعرَف بالمُهال كيما نعرَفت. مُضَبَّب، بَصَّح داك الوَقت نَعرَف بالمُهال كيما نعرَفت. 13 هاد التّلاتة اللي يْدومو: الإيمان، الرْجا والحُبَّة بَصَّح الصَح فيهُم هِي الحُبَّة.

#### 14

## النُبُوَّة واللُغات

 أحوّسو على الحُبّة، وأتشَوّقو للهِبات الروحِيين، وبخْصاص باش تَننبؤو، ² اللي يَهدَر لُغات يَهدر مع الله ماشي مع الناس خاطَر واحَد ما يَفهَملو، ويُكون يْقول سْرار بالروح، 3 اللي يَتَنَبّأ، يَهدَر مع الناس، يَبني، يْسَجّع ويُعزّي. 4 اللي يَهدَر لُغات يَبني روحو بَصَّح اللي يَتنَبّأ يَبني الكَنيسة، 5 ماداييّ كامَل تَهَّدرو لُغات بَصَّح خير لو كان تَتنبّؤو. اللي يَتَنَبَّأْ كُبير على اللي يَهدَر لُغات، غير وَلاّ كَان يْتَرَجَم، باش الكنيسة تَتَّبنا. 6 دُرك يا الخاوة، فاش نْفيدكُم لو كان نْجِيكُمْ نَهَدَر لُغات في عوض ما نْقُولَلكُمْ وَحِي وَلاّ عَلَم وَلاّ نُبُوَّة وَلاّ دَرس؟ 7 فالجوق مَتلاً، لو كان الزَّمَّارة ما تُديرش صوت مُخالَف على الڤيتارة، كيفاش نْفَرّقو بين نُعمة الزّمّارة ونَعمة الڤيتارة؟ 8 ولو كان صوت البوق ما كانش واضّح، شْكونِ يْوَجَّد روحو للحَرب؟ <sup>9</sup> أنتومَ تاني، وَلاّ ما تْقولوش باللّغة كْلام عَندو مَعنى، كيفّاش يْنُعرف واش تْقال؟ تْكُونُو تَهَّدُرُو فَالرَبِح. 10 قَد مَا كَايَن فَالدَنيا لُغَات، واحدة فيهُم ماهي بلاً مَعنى. 11 لو كان ما نَفهَمش المَعنى مْتاع كاش لُغة، نُكون بَرّاني على اللي راهو يَتكَلَّم بيها وهُو يُكون بَرّاني علِيَّ، 1² أنتومَ تاني، كي راكمُ مَتشَوّقين للحاجات الروحِيّين، حَوّسو دايمًا يْكُونو عَندَكُم كُتَر، بَصَّح لَبَنيان الكَنيسة. 13 اللي يَهدَر لُغات يَدعي باش يُولّي يْتَرَجَم، 14 خاطَر كي نْصَلّى باللُّغة، روحي تْكون فالصْلاة، بَصَّح عَقلي يْكون بلا فايدة، 15 واش هِمّالا؟ نْصَلّى بالروح بَصَّح نْصَلِّي بالعْقَل، نْرَنَّم بالروح ونْرَنَّم بالعْقَل. 16 خاطَر، كي تْسَبَّح غير بالروح، كيفاش يَقدَر اللي يُكون قاعَد مع الغاشي يْقول "آمين" للشُكر اللي شْكَرتو وهُوَ ماشي فاهَم واش راك تْقول؟ 17 أنتَ، تُكون مْتَبَّت باللي راك تَشَكُر مْليح، بَصَّح هاد الشي ما يَبنيش الآخُر. 18 نَحَد الله اللي نَهدَر لُغات كُتَر منكُم كامَل، 19 بَصَّح فالكَنيسة، خير نْقول خَمس كَلمات بَعَقلي باش نَعلَم الأخرين وَلا عَشر آلاف كَلمة باللُّغة. 20 يا الخاوة، ما تُكونوش صْغار فالتَخمام، كونو صْغار فالشَر بَصَّح فالتَخمام كونو نْجار. 21 مُكتوب فالشَريعة: "بلُغات أخرين، بفَم البْراوِيّة، رايح نُكُمَّ هاد الشَعب، وهَكداك ما يَشَمعوليش، يْقول الرَب"، <sup>22</sup> يَعني، اللُّغات هومَ مارة لغير المومنين ماشي للمومنين، بَصَّح النُبُوَّة مارة للمومنين ماشي لغير المومنين. <sup>23</sup> كي تَتَلَم الكَنيسة كامَل، وكامَل يْكونو يَهَّدرو لُغات، ويَدُّخلو ناس ماشي مومنين، ماشي يْقولو عليكُم مْهابَل؟ <sup>24</sup> بَصَّح لو كَان يْكونو كامَل يَتَنَبَّؤو، ويَدخُل واحَد ماشي مومَن وَلاّ واحَد ما يَعرَفش، يَقتَنَع منهُم كامَل ويْعاوَد حْساباتو، 25 يَنكَشفو سْرار قَلبو ويْطيح ساجَد، يَعبَد الله ويَستَعرَف باللي الله صَح في وَسطَّكُم. 26 واشْ هِمَّالاً يا الخاوة؟ كي تتكبُّو، واحَد عَندو مَزمور، واحَد عَندو دَرس، واحَد عَندو وَحي، واحَد عَندو لُغة، واحَد عَندو تَفسير، لازَم يْكُون كُل شي للبَنيان. 27 وَلاّ كانَت الهَدرة باللُغة، يَهَّدرو زوج وَلاّ كَتّرو ثلاتة بالدالة، أومبَعد واحَد يْتَرَجَم. <sup>28</sup> بَصَّح وَلاَّ ما كانش اللي يْتَرَجَم، اللي يَهدَر اللُّغة غير يَسكُت فالكنيسة، ويَهدَر بينو وبين روحو ومع الله. 29 والأنبيا، يَهَّدرو زوج وَلاّ ثلاتة والأخرين يْميّزو، 30 وَلاّ واحَدآنُر حاضَر عَندو وَحي، يَسكُت الأولاني، <sup>31</sup> خاطَر تَقَدرو تَتنَبؤو بالواحَدُ باش الأخرين كامَل يَعَلمو ويَتسَجّعو، <sup>32</sup> رْواح الأنبيا خاضعين للأنبيا، <sup>33</sup> خاطَر الله ماراهوش إله هَملة، الله إله سُلام. كيما في كامَل كْنايَس القَدّيسين، <sup>34</sup> لازَم النْسا يَشُكتو فالْكَايَس، خاطَر ماشي مَسموحَلهُم يَهَّدرو، لازَم يُكونو خاضعين كيما تْقول الشَريعة. <sup>35</sup> وَلاَّ يْحَبَّو يَتَعَلَّمُو، يْسَقسيو رْجالهُم فالدار، خاطَرَ عيب المْرا تُهدَر فالكَنيسة. 36 من عَندُكُم اللي خْرَج كُلام الله؟ وَلاّ غير ليكُم اللي وْصَل؟ <sup>37</sup> وَلاّ كايَن واحَد شايَف روحو نَبي وروحي، يَستَعرَف باللي الحاجات اللي راني نَكتَبهمَّلكُم آمَر من الرَب، <sup>38</sup> وَلاّ ما عُرَفش، يَبقا ما يَعرَفش. <sup>92</sup> همّالا يا خاوتي، أتشَوّقو باش تَتَنبَّوو وما تَمَّنعوش الهَدرة باللُّغة، <sup>40</sup> بَصَّح كُل شي لازَم يْكُون بالطْبَع وبالنِضام.

15

#### قيامة يَسوع

<sup>1</sup> نَعَلَمُكُم يا الخاوة، باللي الإنجيل اللي بَشَّرتَكُم بيه، اللي قَبْلتوه واللي راكُم تابتين فيه، ² واللي بيه تْنالو السْلاك لو كان تُشَدّو فالكُلمة اللي بَشَّرتُكُم ّبيها، غير وَلاّ آمَنتو في باطَل. ³ قَبَل كُل شي عْطيتَكُم الشي اللي سْبَقت قْبلتو أنا، باللي على حْساب الكْتوب، المُسيح مات على جال دْنوبنا، 4 نَدفَن وقام فاليوّم التالَتُ على ّحْساّب الكْتوب. 5 شافوّ صَفا والتَلاميد الطْناش، 6 أومبَعد شافوه كْتَر من خَمس مْية خو على مَرّة، الكُترة منهُم ما زالهُم حَيّين للآن وكايَن اللي ماتو، <sup>7</sup> أومبَعد شافو يَعقوب أومبَعد كامَل الرُسُل. <sup>8</sup> مع الأخَّر كامَل، شَفتو أنا تاني، أنا اللي كي الصْغير المَطروح. <sup>9</sup> خاطَر أنا العُرّة فالرُسُل، وما نَستاهَلش نَتسَمّا رَسول كي حْقَرت كنيسة الله. <sup>10</sup> بنَعمة الله نْكون واش نْكون، ونَعَّمتو ما كانَتش بلا فايدة، بالعكس، خْدَمت كْتَر منهُم كامَل، ماشي أنا على كُلِّ حال، نَعمة الله اللي معايَ. 11 أنا وَلاَّ هومَ، هَدي هيَ بْشارَتنا، وهَدا واش آمَنتو.

#### قيامة الموتى

12 وَلاَّ نْبْرَّحو باللي المَسيح قام، كيفاش كايَن منكُم اللي يْقولو باللي القِيامة من الموت ما كانش منها؟ 13 وَلاّ ما كانش القِيامة من الموت، هِمَّالا المُسيح تاني ما قامش. 14 وَلاَّ المُسيح ما قامش من الموت، هِمَّالا بْشارَتنا باطلة، وإيمانكُم تاني باطَل. 15 وحْنا وَلَّينا شُّهود زور فالله كي شْهَدنا فالله باللي حْيا المَسيح وهُوَ ما حْياهش، وَلاّ صَح الموتَّى ما يُحياوش. <sup>16</sup> خاطَر وَلاَّ الموتى ما يْقوموش، هِمَّالا المَسيح تاني مَّا قامش. <sup>17</sup> وَلاَّ المَسيح ما قامش، هِمَّالا إيمانَكُم باطَل، ومازالكُم في دْنوبكُم، <sup>18</sup> واللي ماتو وهومَ مومنين بالمَسيح ضاعو. <sup>19</sup> وَلاَّ رْجينا فالمَسيح غير عَلَى جال هَاد الحْيَاة، هِمَّالا حْنا المْغابَنُ فالناس. 20 بَصَّح دُرك المُسيح قام، وهُوَ البُّكرَ مْتاع اللي ماتو. 1 وكيما كانَت الموت بْبْنادَم، القِيامة من الموت تاني بْبنادَم، <sup>22</sup> خاطَر كيما كامَل يْموتو بآدَم، كيف كيف كامَل يْقومو بالمَسيح، 23 بَصَّح كُل واحَد في مْقامو: المَسيح البُكر، أومبَعد اللي ليه، كي يْجي. 24 أمبَعد تْجي الآخرة، كي يْسَلَّم المَلك لله الآب، بَعد ما يْكون هَد كُل رْياسة وحُكمة وقُوَّة، 25 خاطَر لازَم يَملَك حَتَّى يُحَط كامَل عَديانو تَحت رَجليه، <sup>26</sup> والعْدو الأخراني اللي يَنهَد هُوَ الموت. <sup>27 صَح،</sup> حَط كُل شي تَحْت رَجليه. كي يْقول باللي كُل شي نْطاعلو، مَعلوم من غير اللي طَوَّعلو كُل شي. <sup>28</sup> وكي يَّنطاعلو كُل شي، داك الساع الإبن هُوَ بالدات يَنطاع للى طَوَّعلو كُل شي باش يْكون الله كُل شي في كُل شي.

29 وَلاّ ما كاش، واش يْديرو اللي تُعَمّدو في عوض الموتى؟ وَلاّ الموتى ما يْقوموش، وَعلاش يَتَعَمّدو في خاطَرهُم؟ <sup>30</sup> وحْنا، وَعلاش في كُل ساعة مْسَبّلين؟ <sup>31</sup> وحَق فَحْري بيكُم فالمَسيح رَبنا يا خاوتي، كُل يوم نْموت. <sup>32</sup> وَلاّ بَمَنطَق بْنِي آدَم اللي قاوَمت الهْوايَش في آفسُس، واش هيَ الفايدة مْتاعى؟ وَلاّ الموتي ما يْقوموش، ناكلو ونَشُر بو كى غَدوة نْموتو. 33 ما تَنغَرّوش، العَشرة الشينة تْفَسَّد التْرَبية الزينة. 34 وَلَيْو للصّواب، وبَطّلو من الدّنوب، خاطَر كَايَن فيكُم اللي ما يَعَرفوش الله، نْقول هاد الشي باش نْحَشَّمكُم.

<sup>35</sup> بَصَّح الواحَد يْقول: كيفاش يْقومو الموتى؟ وكيفاش تْكون الدات اللي يْجيبو فيها؟ <sup>36</sup> يا الجايَج، اللي تَزَّرعو ما يُولّيش يَحيا قْبَل ما يُموت، <sup>37</sup> اللي تَزَّرعو، ما تَزَّرعوش فالدات اللي رايج يْنوض بيها، أنتَ تَزرَع زَرّيعة، لَمَح وَلاّ زَرّيعة أخرى. <sup>38</sup> والله يَعطيلها الدات اللي يْحَب، كُل زَرّيعة يَعطيلها الدات مْتاعها. <sup>39</sup> كُل دات وَحّدها، دات بْني آدَم وَحَّدها، دات الهْوايَش وَحَّدها، دات الطْيور وَحَّدها ودات الحوت وَحَّدها. 40 وكايَن دات سْماويّة ودات أرضيّة، بَصَّح كل واحَد وَحدو. السَّماوي عَندو بها، والبُّها مْتاع الأرضي ماشي كيف كيف. 41 البّها مْتاع الشَمس وَحدو، مْتاع القْمَر وَحدو ومْتاع النْجوم وَحدو، حَتّى النْجوم كُل واحدة وبْهاها. <sup>42</sup> هَكداك القيامة من الموت. يَنزرَع يَفسَدُ، يْقُوم ما يَفسَدش، 43 يَنزرَع فالْمهانة، يْقوم فالشّان، يَنزرَع فالضّعف، يْقوم فالقُوّة، 44 يَنزرَع دات نَفسانِيَّة، يْقوم دات روحانيَّة. وَلاّ كايَن دات نَفسانيِّة، كايَن تاني دات روحانيَّة. <sup>45</sup> على هَدا اللي مَكتوب: "آدَم، الإنسان الأوَّل، وَلاَّ نَفس حَيَّة، وآدَم الأخراني روح تَحيي." <sup>46</sup> ماشي الروحاني الأوَّل، يَسبَق النَفساني باشٰ يْجِي الروحاني. <sup>47</sup> الإنسان الأولاني من الأرض وَخَلوق مَن التْراب، الإنسان الأخراني من السْما، <sup>48</sup> اللي من التّراب يْكونو كيما اللي نَخلَق من التّراب والسّماوي يْكون كيما السّماوِيّين، 49 وكيما رْفَدنا صِفة اللي من التراب، رايحين نَرَّفدو صِفة السَّماوي. <sup>50</sup> هاو واش راني نْقول يا الخاوة، الدَم واللَّحَم ما يَقَدروش يَوَّرتو مَلَكُوت الله، والفاني ما يُورَتش اللي ما يَفناش.

51 نْقُولَلَكُمْ سَر: ماشي كامَل رايحين نْمُوتو بَصَّح كامَل رايحين نَتَبَدَّلو، 52 تَم تَم، في رَمشة عين، مع البوق الأخراني. خاطَر رايح يُبوَّق، والموتى يْقومو ما يَفناوش، وحْنا نَتبَدّلو. 53 لازَم اللي بطْبيعتو يَفسَد يَلبَس واش ما يَفَسَدش واللي بطْبيعتو يْموت يَلبَس واش ما يْموتش. 54 كي اللي بطْبيعتو يَفسَد يَلبَس واش ما يَفسَدش واللي بطْبيعتو يْموت يَلبَس واش ما يْموتش، داك الساع يَتَحَقَّق الكَّلام المكتوب: "نْبَلَعَت الموت فالنُصرة"، 55 وين راهي نُصَرتك يا موت؟ وين راهو مَهمزَك يا موت؟ <sup>56</sup> مَهمَز الموت هيَّ الخُطيَّة، وقُوَّة الخُطيّة هيَ الشَريعة، <sup>57</sup> بَصَّح الحَمدُ لله اللي يَعطيلنا النُصرة بَرَبّنا يَسوع المَسيح. قُعُ هَكدا، يا خاوتي العْزاز، كونو تابتين، ما تَتَزَعزعوش، كَتّرو دايمًا الخدمة للرَب، وأُعَّرفو باللي شْقاكُم ماشي باطَل فالرَب.

# صَدَقة لمْعاونة كَنيسة أورشَليم

ا باش تُلَبّو الصَدَقة للقَدّيسين، ديرو أنتومَ تاني كيما وَرّيت لكْنايَس غَلاطية، 2 كُل واحَد فيكُم، فاليوم الأوَّل من كُل جَمعة، يُحَط بجيهة ويْلُم على حْساب مُقدورو، باش ما تَستَنَّاوش حَتَّى وين نُجِي وتْلَبّو. 3 كي نَوصَل، نَبعَت اللي تُكونو خَيِّرتوهُم ومعاهُم ْبراوات، يَدّيو صَدَقتَكُم لأورشَليم، 4 وَلاّ كان لازَم نْروح أنا تاني، يْروحو معايَ.

#### بولَس يُوْصِّي على حاجات

<sup>5</sup> نُجوز على مَقدونية وغْبي لعَندَكُم خاطَر راني جايَز لتَمة. 6 بَلاك نَبقا عَندَكُم وغْبَوَّز حَتى الشّتا، باش أنتومَ تُوصلّوني باش نُكَلَ السّفَر مْتاعي. 7 هاد المَرّة، ما رانيش حاب نشوفكُم بَرك في طريقي، نَتَنَا نَبقا عَندَكُم شُوِيّة، وَلا حَب الرَب. 8 راني رائج نَبقا في آفسس حَتَى ليوم الخمسين، 9 خاطَر باب تُدبيرة نُحَلَّت قُدّامي وفيها بشارة خير والعديان بَرّاف.

13 رَدّو بالكُم، شَدّو فالإيمان، كونو رْجال، كونو ڤوِإيا، 14 كُل شي لازَم يَندار عَندكُم بالحُبّة.

15 نُوصَّيكُم يا الخاوة، تَعَرفو باللي عايلة سْتَفاناس هِي باكورة أخّائية، وباللي خَصَّصو روحهُم باش يَخَدمو القَديسين. 16 أنطاعو لناس كيما هَدو ولكامَل اللي يُخَدمو معاهُم ويشقاو. 17 راني فَرحان بمْجي سْتَفاناس وفُرتوناتوس وأخائيكوس، نَسَّاوني غْيابكُم، 18 وهَدنولي روحي وروحكُم. لازَم تَعَرفو قيمة ناس كي هَدو.

#### سْلام

<sup>19</sup> كْتَايَس آسيا يْسَلّمو عليكُم، أكيلا وبريسكلا والكنيسة اللي في دارهُم يْسَلّمو عليكُم بَزّاف فالرَب، <sup>20</sup> الخاوة كامَل يْسَلّمو عليكُم، سَلّمو علي بَعضكُم بَعض ببوسة مْقَدّسة. <sup>12</sup> السْلام مني بيّدي أنا بولَس، <sup>22</sup> مَنعول اللي ما يُحبش الرَب، يُسلّم عليكُم، سَلّمو عليكُم، <sup>24</sup> فَحْبَتي ليكُم كامَل في يَسوع المسيح.

# رِسَالَةُ بُولُسَ ٱلرَّسُولِ ٱلتَّانِيةُ إِلَى أَهْلِ كُورِنْتُوسَ

بَعَد بْرِيّتُو الأُولانِيّة لَيهُم، بْقا بولَس والكورَنتِيّين يَتراسلو بَصَّح العَلاقة بينهُم فَسدَت، وعلى هَدا، بْعَتَّلُهُم هاد الْبرِيّة باش يْرَقَّع الحالة قْبَل ما يْزيد يْروح لعَندهُم. •

فالفُصول من 1 ل 7: بولَس يُحامي على رُسولِيّتو، هَدي هِيَ خَدَّمَتو وراهو حاب يُغَبَّر على الله الآب ويَسوع المَسيح في كُل مْكان. وفي هاد الخَدَمة اللي تُكَلَّف بيها، والو راهو مْسَبَّل، والو كايَن بَرَّاف الصُعوبات، والو يَتعَدَّب، يَحَمَل كُل شي وهُوَ صابَر. بولَس كان حاب يْقَنَّع الكورنِتيّين يَقَبلوه ويَقَبلو التَعليم مْتاعو. •

الفُصول 8 و 9: كي كُتب بولس هاد البريّة، كورَنتوس كانت من البَدان الْمُرفّهين مْتاع هَداك الزْمان، التجارة كانت كاترة فيها والدْراهَم كانو بقيمَتُهُم، على هَدا، طْلَب بولس من المومنين مْتاع كورَنتوس يُكونو كُرام فالصَدقة اللي كان حابهُم يبَّعتوها للمومنين مْتاع أورشَليم، لازَم اللي عَندهُم الزّيادة يَتقاسمو مع اللي مخصوصين. هاد الفُصول يُعلّمو كيفاش لازَم يَترافدو الناس، • من الفُصل 10 للفُصل 13: بولس يْقارَن بين زوج وْجوه للرُسوليّة، كنيسة كورَنتوس كانت مُهوّلة على جال ناس كانو يُدرّسو شي مُخالف لبولس، هاد الناس كانو يبيّنو روحهُم بزّاف، هَدرَتُهُم ساهلة، ناجين، يَشُكرو روحهُم باللي بشْطارَتُهُم اللي هومَ ناجين، كانو يَتصرّفو كيما صُحاب الديانات اللي كانو كاينين في كورَنتوس داك الوقت وناس الكنيسة كانو حابين هاد الناس، بَصَّح بولس وَرّا وَجه آخُر للرَسول: رَسُول المُسيح كان يُصغّر روحو باش يُكبَّر بالأخرين، يقبَل يُكون ضْعيف ويستنا الله يعطيه القُرّة، ما يطلب حَقّ شي لنفسو، لا مال وَلا شان، بولس فَكَرهُم باللي هُو ما طْلَبش الدْراهَم باش يَبْشَر بالإنجيل، باش يَعَرفو باللي مُحبَّة شي لنفسو، لا مال وَلا شان، بولس فَكَرهُم باللي هُو ما طْلَبش الدْراهَم باش يَبْشَر بالإنجيل، باش يَعَرفو باللي مُجَبَّة لله هبة من الله والله ما يستَنَاش من بْنادَم باش يُغلّصو.

ا بولَس، رَسول المَسيح يَسوع بمُراد الله، وتيموتاوَس الأَخ، لكَنيسة الله اللي في كورَنتوس، ولكُل القَدّيسين اللي في كامَل أَخائِية، <sup>2</sup> نَعمة وسْلام ليكُم من عَند الله، بابانا، والرَب يَسوع المَسيح.

إلهَ العْزا

قَ مُبارَكُ الله باباة رَبّنا يَسوع المَسيح، مول الرَحمة وإلَه كُل عْزا، 4 اللي يُعزّينا في كُل شَدَّتنا، باش نَقَدرو حْنا نُعزّيو اللي يُكونو فالشَدّة بالغزا اللي نُنالوه حْنا بالدات من الله، 5 خاطَر قَد ما يَكْترو وْجاع المَسيح فينا، قَد ما يَكتر بلكسيح عْزانا. 6 وَلاَ كُنَّ اللهِ يُغلِّيهُ مُعلو اللهِ عَزانا. 6 وَلاَ كُنَّا مُعزّيين، هاد الشي لغزاكم اللي يُغلِّيكم تُعملو الوْجاع اللي رانا حْنا تاني نُقاصيوهُم. 7 ورْجانا ليكم تابَت، عارفين باللي كيما شَّالو فالوْجاع، شَّالو تاني فالعْزا. 8 وما راناش حابين يا الخاوة، نُخبَيو عليكم الشَدّة اللي جَوَّزناها في آسيا، واللي قُوات علينا وكانت فوق طاقتنا، حَتى آيَسنا بنَقا حَيْق وَاللهُ عَلَيْم اللهِ اللهِ عَرْد اللهِ عَلى موحنا، ويُكون تُكانا على الله اللي يُرَد بَعلنا اللهِ عَلى اللهِ اللهِ يَرد يُسلَّكنا من موت كي هَدي، فيه اللي حَطَينا رْجانا باش يْزيد يُسلَّكنا. اللي أتنوم تُعاونونا بالصْلاة لينا، ناس بَرَّاف يَقَدرو يَحَدو الله في خاطَرنا على جال كَترة الهِبات اللي يَعطاولنا بصْلاتُكم.

12 خاطَر الشي اللي نَفَخرو بيه هُوَ شُهادة ضَميرنا، باللي مُشينا في هاد الدَنيا، وبخْصاص معاكُم، بالصْفا والنِيّة مْتاع الله وبَعَمة الله ماشي بحِكمة الدات، 13 ما نَكَّتبولكُم غير الشي اللي تَقَدرو تَقراوَه وتَقَهموه. نَتَنَّا تَقَهمو مُليح مُليح، 14 كيما سْبَق وفْهُمتو والو شْوِيّة، باللي بينا اللي تَفَخرو كيما نَفَخرُو بيكُم في يوم رَبّنا يُسوع.

15 بهاد التيقة اللي عَوَّلت من الأُوَّل نُجْيكُم باش نْزيدلكُم فَرحة أخرى، 16 ومن عَندكُم نْروح لمَقدونية ونعاوَد من مَقدونِية نْجى لَعَندَكُم وأنتومَ تُوصَّلوني لليَهودِيَّة. 17 كي عَوَّلت على هاد الشي، بَنت ما نُخَمَّمش، وَلاّ نَتصَرَّف على هُوا الدات، وكْلامي فيه "إيه" و"لالا"؟ <sup>18</sup> يَشهَد الله باللي كْلامنا ليكُم ما راهوش "إيه" و"لالا"، <sup>19</sup> خاطَر، ابن الله، يَسوع المَسيح، اللي بَرَّحنا بيه ليكُم، أنا وسلوانَس وتيموتاوَس، ماكانش "إيه" و"لالا"، فيه ما كايَن غير "إيه." 20 خاطَر فيه ال"إيه" لكامَل وْعود الله، وعلى هَدا فيه اللي نْقولو "آمين" لمَجد الله بينا. 11 اللي يُتبَّنا معاكمُ فالمَسيح واللي دْهَننا هُوَ الله، <sup>22</sup> هُوَ تاني اللي طْبَعنا بخاتمو، وعْطا عَربون الروح في قْلوبنا. <sup>23</sup> نْشَهَّد الله، على رَقَّبتي، اللي ما جيتش لكورَنتوس غير باش نْحافض عليكُم. 24 ما راناش سْياد على إيمانكُم، رانا نْعاونو فيكُم لفَرحكُم، خاطَر بالإيمان اللي راكم تابتين.

 أوأنا، عَوَّلت ما نزيدش نروح لعندكم وأنا حزين، ² خاطر ولا أنا غْبنتكم، شكون يْفرَّحني من غير اللي نغبن مَني، ؟ 3 كْتَبت واش كْتَبت باش ما نَنغَبَنش كي نْجي من الناس اللي لازَم يْفَرّحوني. راني مَتيَقَّن من جيهَتُكم، باللي فَرحتى هِيَ فَرَحَتكُم كامَل. 4 خاطَر وأنا في شَدّة كْبيرة، والقَلب ضَيَّق، وببَزّاف الدْموع اللي كُتبتَلكُم، ماشي باش تَحَزُّنُو بَصَّح باش تَعَّرِفُو مُحَبِّتِي الكُّبيرة ليكُم.

الغُفران للتايَبِ 5 وَلاّ كان واحَد تُسَبَّب فالحُزَن، ما حَرَّنبيش أنا، حَزَّنكُم أنتومَ كُلكُم... شْوِيّة، باش ما نُمَرَّفهاش. 6 هاد الراجَل، اللوم اللي جاه من الكُترة فيكُم يكفيه. 7 دُرك بالعكس، لازَم تْسامحوه وتْعَزّيْوَه يْعود يَنتكل من كُترة الحْزَن. 8 هِمّالا، نْسَجَّعَكُم تَبَيّنولو الحّبّة، 9 خاطَر على هَدا تاني اللي كْتَبَتَلَكُم، باش غُجّرَبُكُم ونْشوف وَلاّ طاعَتُكُم كاملة في كُل شي. <sup>10</sup> اللي تْسامحوه في حاجة، أنا تاني نْسامحو، خاطَر أنا وَلاّ ساعَت في شي، نْكون ساعَت على جالكُم قُدَّام المُسيح، 11 باش ما يَدغُلناش الشيطان، خاطَر نِيْتُو ماشي خافية علينا.

# النُصرة فالمَسيح

12 كي جيت لتَرواس باش نْبشَّر بإنجيل المُسيح، والو غُحَّلتلي باب فالرَب، 13 روحي ما رْتاحَتش خاطَر ما لْقيتش خويَ تيطُس. هِمَّالا بَقَّيتُهُم على خير ورُحت لمَقدونية.

-14 الحَمد لله اللِّي يْقُوّْدنا دايمًا في نُصَّرتو، فالمَسيح، واللي يْعَبَّق بينا ريحة مَعرِفتو في كُل مْكان، <sup>15</sup> خاطَر قُدّام الله، حْنا ريحة المَسيح للسالكين وللهالكين، <sup>16</sup> لهَدو ريحة مُوت للموت وللأخرين ريحة حْياة للحْياة. وشْكون يَقدُر على هاد الشي؟ 17 حْنا ماشي كيما الكُترة اللي يْتاجرو بڭلام الله. حْنا بالصْفا، من عَند الله، قُدّام الله وفالمَسيح اللي

#### خَدَّام العَهَد الجُدْيد

أنزيدو تاني نَشُكرو روحنا؟ وَلا نَسَّحقو كيما شي ناس نُجيبولكُم براوات يُوصّيو فيهُم علينا ونديو منكُم براوات تُوصّيو فيهُم علينا؟ 2 أنتومَ بْرِيَّتنا، المكتوبة في قُلوبنا، مَعروفة ومَقرِيّة من كُل الناس، 3 بايَن باللي أنتومَ بْرِيَّة المَسيح وحْنا اللي وَصَّلناها، نُكتبت ماشي بالحُبر، نُكتبت بروح الله الحي، ماشي على لُواح الحُجر، على لُواح اللهم، 4 هَدي هي التيقة اللي عَندنا بالمَسيح عَند الله، 5 ماشي محسوب حْنا بالدات قادرين نْديرو حاجة من عَندنا، قُدرتنا جايّة من عَند الله، 6 مأو اللي رَدّنا قادرين نْكونو خُدّام العَهَد الجُديد، ماشي مْتاع الحَرف، مْتاع الروح، خاطر الحَرف يَعيى.

#### مُجِد العَهَد الجُديد

<sup>7</sup> وَلا ّ خَدْمة الموت المَنقوشة فالحَجْر كان عَندها الْبها، حَتّى كانو بْني إسرائيل ما يَقَدروش يُحقّقو في وَجه موسى على جال بْها وَجهو واللي كان زايل، 8 بْها خَدمة الروح ما يُكونش حُتَر؟ 9 وَلا خَدمة الحُمْم بالموت كان عَندها البْها، بْها خَدمة الصلاح ما يُكونش حُتَر؟ 10 همّالا، حتّى اللي كان مُبّهي ما وَلاّش هَكداك قُدّام هاد البْها الزايد.
11 خاطر وَلا الزايل نطبع بالبها كيفاش همّالا يُكون الدايم؟

12 وعلى حُساب اللي عَندنا هاد الرْجاً، نتعامَل بتيقة كاملة، 13 ماشي كيما موسى اللي كان يُحط حُجاب على وَجهو، باش الإِسرائيليّين ما يشوفوش البُها الزايل يُروح، 14 بَصَّح تَخامُهم عاصي، خاطَر الحُجاب ما زالو تحطوط عَندهُم وما ثُخَّاش للآن كي يَقراو العَهَد القُديم خاطَر فالمَسيح اللي يَتنجًا، 15 وللآن، كي يَقراو شَريعة موسى، كايَن عُجاب على قُلوبهُم، 16 بَصَّح كي نَستَرجعو للرَب يَتنجًا الحُجاب، 17 الرَب هُو الروح ووين يُكون روح الرَب، تُكون الحُجِية، 18 حْنا كامَل، اللي مُنحّي الحُجاب من وَجهنا، نشوفو كي اللي في مْراية بْها الرَب، ونَتَبدّلو لهَديك الصِفة بالدات، من بْها لْبُها كيما يُكون من الرَب، الروح.

4

# كَنز في مْواعَن طين

1 على هَدا، ما دام عَندنا هاد الخدَمة، اللي نَلناها بالرَحمة، ما لازَمش نَفْشلو. 2 ما نَقَبلوش العار اللي يَندار فالحُفّا، ما نُسيروش بالخُدَع وما نُزَوّروش كُلام الله. بالعكس، كي نُبيّنو الحَق، نَشَهدو لروحنا في ضُماير كُل الناس، قُدّام الله. 3 بَصَّح، وَلاّ بشارة إِنجيلنا ما زالت مُحجوبة، راهي مُحجوبة عَند اللي راهُم رايحين يْضيعو، 4 اللي إله هاد الزُمان عُمالهُم تُخامُم، اللي ماشي مومنين، باش ما يشوفوش نور بْها إنجيل المسيح، اللي هُو صِفة الله. 5 خاطر، حْنا ما راناش نُبرّحو برُواحنا، رانا نُبرّحو باللي يَسوع المَسيح هُو رَب، وحْنا خَدّامينكُم على جال يَسوع. 6 خاطر الله اللي قال: "من الضّلام يْضَوّي النور"، هُو اللي ضَوّا في قُلوبنا، باش تَبرَق مَعرِفة بْها الله على وَجه المَسيح.

<sup>7</sup> عَندنا هاد الكَنز فينا حْنا مْواعَن الطين، باش يْبان باللي هاد القُوّة الهايلة من الله، ماشي منّا. <sup>8</sup> رانا مْضَيقين من كُل جيهة بَصَّح ماشي مَعفوسين، مُهوّلين بَصَّح ماشي قاطعين لِيّاس، <sup>9</sup> مَعقورين بَصَّح ماشي مَسموح فينا، طايحين بَصَّح ماشي مِيتين، <sup>10</sup> دايمًا مْسَبّلين للموت كيما يُسوع، باش تْبان فينا تاني حْياة يُسوع، <sup>11</sup> خاطَر، حْنا

اللي رانا حَيّين، رانا دايمًا مْسَلّمين للموت على جال يَسوع، باش حْياة المَسيح تاني تْبان في داتنا الفانية، 12 هكدا، الموت تَخدَم فينا، والحْياة فيكُم. 13 وكي عَندنا روح إيمان واحدة، على حْساب ماهو مَكتوب: "آمَنت وعلى هَدا هْدَرت"، حْنا تاني نامنو وعلى هَدا نَهَّدرو، 14 عارفين باللي اللي عاوَد حْيا الرَب يَسوع، يَحيينا حْنا تاني مع يَسوع ويْوَقَفْنا معاكُم قُدَّامو. 15 خاطَر، كُل شي على جالكُم، باش كي تْفيض النّعمة على ناس بَزَّاف، تْفَيَّض الحَمد لمجَد الله. 16 على هَدا، ما نَفَشلوش. والو يَفنا البْنادَم منّا من بَرّا، من الداخَل يَتَجَدَّد يوم بَعد يوم، 17 خاطَر الشَدَّة مْتاع هاد الوَقت جايزة وخْفيفة، قُدّام المَجد الهايَل والدايَم اللي تُوجَّدهولنا. <sup>18</sup> على هَدا، ما لازَمشٰ نْشوفو للشي اللي بايَن، لازَم نْشوفو للشي المَخفي، خاطَر البايَن جايَز بَصَّح المَخفي دايَم.

## السُكنان السماوي

أ خاطَر رانا عارفين باللي، وَلاّ سُكناننا فالأرض، واللي ماهو غير خيمة، رايح يَنهَد، عَندنا سُكنان فالسْما، دار دايمة وماشي مَخدومة بَيدّين بْني آدَم. 2 على هَدا رانا نْنازعو هَكدا، مَتشُوّقين باش نَلّبسو سُكناننا السْماوى، 3 هات بَرك نْبانو لابسين وماشي عَريانين. <sup>4</sup> على هَدا، وحْنا في هاد الخيمة، رانا نْنازعو كي اللي رافدين التُقيل، خاطَر حابّين، ما نَتعَرّاوش، نَلَّبسو باش الحيّاة تَبلَع واش راهو فاني فينا. 5 اللي وَجَّدنا لهاد الشي هُوَ الله، وهُوَ اللي عُطالنا عَربون الروح. ٥ واتقين هِمَّالا في كُل وَقت، عارفين باللي ما دامنا ساكنين فالدات، رانا مَتغرَّبين بْعيد على الله. <sup>7</sup> خاطر، نَمشيو بالإيمان، ماشي بالشوفة، <sup>8</sup> رانا واتقين وحابين خير لو كان نْهاجرو من الدات ونَشْكنو قُدّام الله، 9 على هَدا، نْديرو مَجهودنا باش نْنالو رْضاه، ساكنين وَلاّ مْهاجرين. 10 خاطَر، لازَم كامَل نَنكَشفو في دار شْرَع المُسيح، باش كُل واحَد يَحصَد واش دار بداتو، مُليح وَلاَّ دوني.

#### خُدمة المُصالحَة

11 على حْساب اللي نَعَّرفو الخوف من الله، رانا حابّين نْقَنّعو بْني آدَم. حْنا مَكشوفين لله، ونَتَنّا نْكونو مَكشوفين تاني في ضْمايرَكُم. 12 ما راناش حابّين نْزيدو نَمَّدحو روحنا ليكُم، بَصَّح رانا حابّين نَعطيوكُم السّبة باش تَتباهاو بينا، باش تَلقاو واش تْواجبو اللي يَتباهاو بالوَجه ماشي بالقَلب. 13 خَاطَر، وَلاّ ما عَندناش العْقَل، هاد الشي يُخُص الله، وَلاَّ عَندنا العْقَل، هاد الشي يُخصِّكُم. 14 خاطَر مُحبَّة المَسيح تُسيطَر علينا، مَقتَنعين بهاد الشي، واحَد مات على الكُل، هِمَّالا كَامَل ماتو، 15 ومات على الكُل، باش الحيّين ما يْزيدوش يَحياو ليهُم، يَحياو للي مات وعاوَد حْيا على جالهُم. 16 همّالا، حْنا من دُرك، ما لازَم نَحُكُمو على حَتّى واحَد على حْساب الضاهَر، والو عْرَفنا المَسيح على حْساب الضاهَر، دُرك ما وَلّيناش نَعَّرفوه بهاد الصِفة. 17 يَعني، وَلاّ الواحَد هُوَ فالمَسيح، هَدي خْليقة جْديدة، القُديم جاز، هاو الجْديد. 18 وكُل شي جاي من الله اللي صالحَنا معاه بالمَسيح، واللي عْطالنا كَلافة المُصالحَة. 19 خاطَر الله كان فالمَسيح، يْصالحَ الدّنيا مع روحو، بلا ما يَحسَب غْلاطهُم، وحَط فينا كَلافة المُصالحة، 20 هِمّالا حْنا سُفَرا للمَسيح، كي اللي الله يُسَجَّع بينا. نَترَجَّاوكُم بآسم المَسيح، أتصالحو مع الله. 21 اللي ما دارش الخْطِيّة، رَدّو ضُحِيّة خُطِيّة على جالنا، باش فيه نْوَلَّيو صْلاح الله.

ا على حُساب اللي نَخَدمو مع الله، نَطَّلبو منكُم ما ثُخَلِّيوش النَعمة اللي نَلتوها من الله بلا فايدة، <sup>2</sup> خاطَر يْقول: "فالوَقت المْليح سْتاجَبتلَك. في يوم السْلاك، نَجِيّتك. هاو دُرك الوَقت المْليح، هاو دُرك يوم السْلاك."

## شْدایَد بولَس

3 ما نَعطيو السَّبة فالعَترة لحتى واحد، باش خَدَمَتنا ما تَتلامش. 4 بالعكس، في كُل شي نُبيّنو روحنا خَدّامين الله ، بالصُبَر الكُبير فالشّدايد، فاللازمات، فالتَهوال، 5 فالضّرابي، فالحُباس، فالهول، فالعُيا، فسَهرات الليل، فالصّيام، 6 بالصّفا، بالعُم، بتَسعة الخاطَر، بالمُلاحة، بالروح القُدّوس، بمْحَبّة بلا تنوفيق، 7 بكُلام الحق، بقُدرة الله، بسْلاح الصّلاح فالهَجمة والحُامية، 8 فالشان والمُهانة، مَدكورين بالمُليح وَلاّ بالدوني، شايفيننا خَدّاعين والوحقّانيين، 9 غُرابا والو مَعروفين، فالمَمات والوحّيّن، مُعاقبين بَصَّح هانا ماشي مَقتولين، 10 مُعَبّين بَصَّح دايمًا فَرحانين، فُلالين بَصَّح نغنيو الأخرين، ما عَندنا والو بَصَّح مالكين كُل شي.

11 صارَحناكُم يا الكورنتيين، حَلينالكُم قلبنا، 1² ما راكُمش فالضيق عَندنا، في قُلوبكُم اللي راكُم تُحَسّو هَكدا.
 13 كافيونا، راني نَهدر معاكُم كي وْلادي، أتوسعولنا أنتومَ تاني.

# ما تُكونوش تَحت مُضمَض مع اللي ماشي مومنين

14 ما تُروحوش تَخَطّو مع الكُفّار تَحت مَضمَض بَرّاني. خاطر فاش يَشرَك الصْلاح مع الشَر، وفاش يَشرَك الضو مع الضُلام؟ 15 واش من العْقَد بين المسيح وإبليس وواش هُو نصيب المومَن مع الكافر؟ 16 واش من العْقَد بين هَيكل الله والأصنام؟ خاطر حْنا هَيكل الله الحي كيما قال الله: "نَسكُن في وَسطهُم وفي وَسطهُم مُشي، ونكون أنا إلَحهُم وهومَ يُكونو شَعبي، 17 على هَدا، أنتُرجو من وَسطهُم وأنفَرقو عليهُم، يْقول الرَب، ما تُمسوش الناجَس وأنا نَقبَلكُم، 18 نُكون باباكم وتُكونو وْلادي وبْناتي." يْقول الرَب القادر.

#### 7

#### فُرحة بولَس

أَ على حُسابِ اللي نَلنا هاد الوْعود، يا الحْباب، هَيّا نَتَطَهّرو حْنا بالدات من كُل خْماج مْتاع الدات والروح، وَكُلُو تَقَدّسو فالخوف من الله. 2 ديرولنا مْكان، ما ضَرّينا حَتّى واحَد، ما فلَسنا حَتّى واحَد، ما فلَوت وفالحْياة. 4 عَندي واحَد، 3 ما رائيش نُقول هَكَدا باش نَحَكُم عليكُم، خاطَر قُلتها من قَبل: راكُم فِي قُلوبنا فالموت وفالحْياة. 4 عَندي تيقة كْبيرة فيكُم، نفَخَر بَرَّاف بيكُم، نُسَجَّعت بَرَّاف وراني طاير بالفرحة مع كامل الشَدة مْتاعنا. 5 فالصَح، من اللي وْصَلنا لمَقدونية، ما رَيَّعناش. تُضايَقنا من كُل جيهة، الدُواس داير بينا والخوف في قُلوبنا، 6 بَصَّح الله اللي يُعزِّي المُنواضعين، عَرِّا قُلوبنا بالحجي مْتاع تيطس، 7 وماشي بَرك بالحجي مْتاعو، بَصَّح بالعْزا اللي تْعزّا منكُم. وَصَّلَلنا شوقتُكُم الكُبير، ودُموعكُم، وغيرَتكُم عليَّ حَتِي أنا زادَت كَبرَت فَرحتي. 8 خاطر وَلا حَرَّتكُم بَرْيَتِي، ما رائيش نادَ،. حَتّى الو كان نُدَمت، راني شايف باللي هاد البْريّة والو حَرِّتكُم في ساعة، 9 دُرك نَفرَح، ماشي على جال اللي حُزنتو، بَصَّح على جال اللي حُزنتو لتوبة. اللي عُزتو للتوبة اللي تُوصَّل للسلاك بلا نُدامة، بَصَّح الحَزَن مْتاع الدَنيا يَدّي للموت. 11 هاوليك على حساب مُراد الله، يَدّي للتوبة اللي تُوصَّل للسلاك بلا نُدامة، بَصَّح الحَزَن مْتاع الدَنيا يَدّي للموت. 11 هاوليك

هِمَّالاً هَدا حْزَنُكُم بالدات اللي كان كيما يُحَب الله واش دار فيكُم: واش من الحَمَاس، واش من طْلَب السَّماح، واش من النَّدامة، واش من الخوف، واش من الشوق، واش من الغيرة، واش من المحاسبة. بيَّنتو بكُل صِفة باللي أنتومَ صافيين في هاد الدَعوة. 12 هِمّالا، كي كُتبَتكُمُ، ما كان هاد الشي لا على جال اللي ضْلَم وَلا على جال اللي نَصْلَم، بَصَّح باش تْبان عَندَكُم غيرَتَكُم علينا قُدَّام الله. 13 على هَدا، تَعْزَّينا. زيد على هاد العْزا، زَدنا فْرَحنا كْتَر بفَرحة تيطَس على جال الهٰنا اللي نالو منكُم في روحو، 14 خاطَر وَلاّ كُنت زُخت عليه بيكُم، راني ما تُحَسَّمتش، بَصَّح كيما قُلنالكُم الصَح في كُل شي، زوخنا بيكُم قُدَّام تيطَس تاني كان مَبنى على الصَح، 15 وزادَت عُحبَّتو ليكُم، مَتفَكَّر طاعَتكُم كامَل، كيفاش لاقيتوه بالخوف والرَعشة. 16 راني فَرحان اللي نَقدَر نَتكُل عليكُم في كُل شي.

#### النبام فالصدقة

 أنَّعلَّموكُم يا الخاوة، بنَعمة الله اللي نَعطات الْخَايَس مَقدونِية، 2 في كامَل الشَّدّة اللي عْجَوّزينها، فَرحَتُهُم كانَت كبيرة وكانو ݣرام بالزّيادة والو ڤْلالين بَرّاف، 3 مَدّو بمْحَبّة خاطَر على حْساب مَقدورهُم، نَشَهَد، وحَتّى فوق مَقدورهُم، 4 طَلبو ووَكَّدو علينا باش يُكون ليهُم النَّصيب في مْعاونة القَدّيسين. 5 دارو كْتَر مَّا ثَمَّنيّنا، ووَهبو روحهُم للرَب قْبَل، أومبَعد لينا بمُراد الله. 6 على هَدا، سَجَّعنا تيطَس يْكَبَّل عندكُم هاد الخَدَمة كيما كان سْبَق وبْداها. 7 وكيما عَندُكُم كُل شي بالزّيادة، الإيمان، فَن الكُلام، العَلم، كُل صِفة حَماس، والْحَبَّة اللي زْرَعناها فيكُم، كونو كُرام في هاد الخَدَمة بالزَّيادة. 8 ما رانيش نامَرُكُم، بَصَّح حَبَّيت نُغَيَّرُكُم بالحَماس مْتاع الأخرين باش يْبان الصَح مْتاع عُبَّتَكُم. 9 خاطَر تَعَرفو نَعمة رَبّنا يَسوع المَسيح، هُو اللي كان مْرَفَّه ووَلاّ قُلّيل على جالكُم، باش تَتَرفّهو بالفقر مْتاعو. 10 نَعطي راي في هَدا، هاد الشي يْليق بيكُم، خاطَر أنتومَ اللي ماشي بَرك بْديتو، بَصَّح كُنتو الأولانيّين اللي حَبيّتو تْلَمّو الصَدَقة من العام اللي فات. 11 دُرك كَبُّلو باش كيما تُحمَّستو كي عَوَّلتو تُكونو هَكداك كي تُطَبَّقو على حُساب مَقدوركُم. 12 فالصَح، كي يْكُون الواحَد مْعَوَّل، يْنَقْبَل مَنَّو على حْساب واش عَندو ماشي على حْساب واش ما عَندوش، 13 خاطَر ماشي باش تُعاونو الأخرين، تَبقاو أنتومَ فالحوج. لازَم تُكونو مَتساويين. 14 في هاد الضُروف، اللي يْشيط عليكُم يْكَمَّل واش يْخَصَّهُم، باش اللي يْشيط عليهُم تاني يْكَمَّل واش يْخَصَّكُم وتْكونو مَتساويين، 15 على حْساب ماهو مَكتوب: "اللي عَندو بَرَّاف ما شاطش عليه، واللي عَندو شُويَّة ما نْخَصَّش."

# خُدمة تيطُس في كورَنتوس

16 الحَمد لله اللي حَط في قلب تيطَس بْحال هاد الحَماس ليكُم، 17 خاطَر كي سَجَّعناه قْبَل وتُّحَمَّس كُتَر من العادة وراهو رايح يْجِيكُم بْمُحَبّة خاطرو، 18 بْعَتنا معاه الأَخ اللي كامَل النَّكايَس يَمّدحوه على جال خَدَّمتو للإِنجيل. 19 زيد بزْيادة، عَيّنوه النَّخايَس باش يْرافَقنا فالسْفَر كي نَدّيو الصَدقة. هاد الخَدَمة اللي تُكَلَّفنا بيها لمجد الرَب، شهادة على حَماسنا. <sup>20</sup> ما راناش حابّين كاش واحَد يْلومنا على جال الصَدَقة الكْبيرة اللي رانا مْكَلّفين بيها، <sup>21</sup> حابّين نْديرو الصَح ماشي بَرك قُدّام الرَب، وتاني قُدّام الناس. <sup>22</sup> بْعَتنا معاهُم الأَخ اللي جَرَّبنا حَماسو في شُحال من سَبّة واللي راهو مَتَحَمَّس كُتَر هاد المَرّة على جال تيقتو الكْبيرة فيكُم. <sup>23</sup> من جيهة تيطَس، هُوَ رْفيقي ومْعاوني فالشي اللي يْخَصّْكُم،

ومن جيهة الخاوة، هومَ مَرسولين من الثّنايَس، مَجد المَسيح. <sup>24</sup> وَرّيو هِمّالا النّبوت مْتاع عْحَبْتُكُم قُدّام الثّنايَس وباللي عَندنا الحَق كي نْزوخو بيكُم.

9

## الزْيادة في فْعال الخير

أَ فِي آمَرِ الصَدَقَة للقَدّيسين، ماشي لازَم نَكتَبَّلُمُ، ² خاطر نَعرَف شُطارَتُمُ اللي نَبَاها بِها قُدّام المَقدونِيِين. أخائية راهي واجدة من العام اللي فات والكُترة نعداو من حَماسكُم. ³ بَعَتَلُمُ الخاوة باش زوخنا بيكُم في هاد الشي ما يُكونو واجدين مْليح، ⁴ نعودو لو كان يُجيو مْعاي المَقدونِيِين وما يَلقاوكُمش واجدين، نَبُخصو باش ما نُقولش تَنبُخصو، على اللي كُنّا واتقين فيكُم. ⁵ خَمَّمت اللي لازَم نَطلَب من الخاوة يَسَبقونا لعَندُكُم ويُوجَدو مِن قُبل البَركة اللي وْعَدتو بيها، باش تُكون واجدة كونها بَركة وماشي شُخة. ٥ هكدا، اللي يزرع بالشَحّة يَحصَد تاني بالشَحّة يَحصَد تاني بالشَحة، واللي يَزرَع بالزَّيادة يَحصَد تاني بالزَّيادة، ٦ كُل واحد همّالا يُقد كيما سْبق عَول في قابو، ماشي فوق قَلبو وَلا بالسيف عليه، خاطر الله يُحب اللي يُمَد وهُو فَرحان، 8 والله قادر يُفيَّض عليكُم الخير من كُن نوع، باش يكون عندكُم في كُل وقت واش لازَمَّلكُم وتكون عَدلكُم الزَيدة لفعال الخير، 9 كيما نكتب: "فَرَق للهِ مَن نكب اللي يَعطي الزَريعة للفلاح، والخُبز للقوت، يَعطيكُم الزَريعة ويُكتَرها البَركة، مَد للفُلالين، صُلاحو باقي للدُوام." 10 اللي يَعطي الزَريعة للفلاح، والحُبر للقوت، هِي تاني تُكتَر الحَد لله، ويُكبر غَلَة صُلاحكُم، 11 وتَبرَفَهو في كُل شي باش تُكونو حُرام وهاد الشي يُجيب الحَمد لله من الناس اللي نُوصلولهُم ويُكبر غَلة صُلاحكُم، 12 خاطر هاد الصَدقة ماشي بَرك ثنوب على القَديسين في حوجهُم، هِي تاني تُكتَّر الحَد لله، ويكبر معاهُم ومع الكُل، 14 وفي صُلاتَهُم ليكُم، يُبيّنو مُعزَّتُكُم على جبال نَعمة الله الفايضة عليكُم. 15 الحَمد لله على هبتو خيركُم معاهُم ومع الكُل، 14 وفي صُلاتَهُم ليكُم، يُبيّنو مُعزَّتُكُم على جال نَعمة الله الفايضة عليكُم. 15 الحَمد لله على هبتو خيركُم معاهُم ومع الكُل، 14 وفي صُلاتَهُم ليكُم، يُبيّنو مُعزَّتُكُم على جال نَعمة الله الفايضة عليكُم. 15 الحَمد لله على هبتو خيركُم معاهُم ومع الكُل، 14 وفي صُلاحة من عَدلكُم، 15 وفي صُلاحة من علي مؤلك المؤلك 16 وفي ص

10

## يَسُوع يُحامي على خَدَّمتو

1 أنا بولَس بَنفسي، المَتواضَع وأنا بيناتكُم والواعر وأنا غايَب عليكُم، نَطلَب منكُم على وَجه حْنانة ومْلاحة المَسيح، 
2 نَتَرَجّاكُم، باش ما نَتعامَلش معاكُم بالقباحة كي نَحضر عَندكُم، كيما راني مُعوَّل نُدير وأنا مَني صَح مع اللي يَتَهمونا 
باللي حْنا نُسيرو على حْساب الدات. 3 خاطر صَح رانا عايشين فالدات بَصَّح ما نُحاربوش بمَنطَق بْنِي آدَم، 4 خاطر 
السُلاح اللي نُحاربو بيه ماشي سُلاح بْنِي آدَم. بالعكس، سُلاحنا عَندو القُدرة من الله باش يُهد الحُصون. نُكسِّرو 
العَقليَّات المَتكبِّرين، 5 وكُل قُدرة عالية تَوقَف ضَد مَعِ فة الله، وفَحَّكُمو كُل تَخام باش نَدَيوه مُكتَّف لطاعة المَسيح. 
6 رانا واجدين باش نَعفَّلو على كُل عَصيان غير تُكون طاعَتكُم كاملة.

<sup>7</sup> شوفو الحاجات كيما راهُم. وَلا كان واحد مَقتَنَع في روحو باللي هُوَ للمَسيح، لازَم يْعاود حْسابو في هاد الشي، باللي كيما هُو للمَسيح، هَكدا حْنا تاني. <sup>8</sup> وحَتى لو كان نْكون نَفَخر كُتَر من اللازَم بالحُكمة اللي عْطاهالنا الله لبنيانكم وماشي لهلاككم، ما رانيش حَشمان بهاد الشي. <sup>9</sup> ما تَحَسبونيش حاب نْخَوَّفكم ببراواتي، <sup>10</sup> خاطر

يْقولو، بْراُواتو قاسَييْن وواْعرين، بَصَّح كي يْكون حاضَر بداتو، ضْعيف وكَلمتو مَهيونة. 1¹ لازَم يَعرَف، اللي يَهدَر هَكدا، باللي كيما هومَ قُوالنا في بْراواتنا وحْنا غايبين، هَكداك فْعالنا وحْنا حاضرين. 12 خاطَر، ما نَقَدروش نْساويو وَلاَّ نْقارنو روحنا مع هَدوك اللي حاسبين روحهُم، وهومَ يْقيسو روحهُم بروحهُم ويْقارنو روحهُم بروحهُم، ما يَّقُهموش. 13 وحْنا، ما راناش رايحين نَعطيو قيمة لروحنا فوق الحَد. بالعكس، قيمتنا هي على حْساب الخَدمة اللي قْسَمهانا الله ووَصَّلنا حَتَّى لعَندَكُم. 14 ما راناش نَتعَدَّاو حْدودنا كي اللي ما وْصَلناش لعَندَكُم، خاطَر وْصَلنا حَّتى لعَندُكُم ببْشارة المَسيح. 15 ما نزوخوش بلا طُبَع بخَدمة الأخرين، بَصَّح نَتَنَّاو، وَلاَّ زاد إيمانكُم، نَكَّبرو عَندُكُم على قيس خَدَمَتنا كْتَر وْكْتَر، 16 وَنْبَعَّدو بخْبَر الإِنجيل في مْدارب تانيين، ماشي نْزوخو بالشي اللي نْدار في حْدود ناس أخرين. 17 اللي يْزوخ، يْزوخ فالرَب. 18 خاطَر الْحْنَيُّر ماشي اللي يَمدَح روحو، اللي يَمَّدحو الرَب.

بولَس والرُسُل الخَدَّامين

ا لُو كَانَ بُرك تُحَمَّلُو منّي شُوِيّة هْبال، بَصَّح راكُم تَحَملوني، ² خاطَر نْغير عليكُم غيرة الله، وخْطَبتكُم لراجَل واحَد باش نْقَدَّمكُم للمَسيح كي العَضرة الطاهرة. 3 راني خايَف، لو كان، كيما الحُنْش غَر حَوّة بالحيلة مْتاعو، يْضيع تَخامَكُم بْعيد على الصْفا والوْفا للمَسيح. 4 وَلاّ الأولاني اللي يْجِي يْبَرَّح بيَسوع آنُر من غير اللي بَرَّحنا بيه، وَلاّ تْنالو روح آخُر من غير اللي نَلتوه، وَلاّ إِنجيل آخُر من غير اللي قُبلتوه، تُعَمّلو مْليح. 5 نْشوف باللي ما راني ناقَص في حَتّى شي على هاد خْيار-الرُّسُل. 6 وَلاّ كُنت ضْعيف فالكُلاّم، ما رانيش هَكداك فالعَلم، وبانلكُم هاد الشي في شْحال من مَرّة وفي كُل حاجة قُدّام الكُل. 7 وَلاّ دَرت خْطِيّة كي هَبَّطت روحي باش تْكونو طالعين، وبَرَّحتَلكُم بالإنجيل باطَل؟ 8 عَرّيت ثْكَايَس أخرين وقْبَلَت منهُم خْلاص على خَدَمَتَكُم، 9 وكي كُنت عَندَكُم ونْخَصّيت، ما فارَصت في حَتّى واحَد، والخاوة اللي جاو من مَقدونِية هومَ اللي تُكَفّلو بواش خَصني، وما قْبَلَت نُكون في كَلافة حَتّى واحَد عَندَكُم، وما رانيش رايَح نَقبَل. 10 وحَق المَسيح اللي فِيَّ، ما كاش اللي يْغَيِّلي هاد الشيعة في جْوايَه أخائية. 11 عْلاش؟ خاطَر ما نُحَبِّكُمش؟ الله يَعلَم. 12 الشي اللي راني نْديرو، نْكَبَّل نْديرو، ونْنَحِّي السَبَّة للي راهُم يُحوَّسو على السَّبَّة باش يْكونو مْساويينا فالشي اللي يْزوخو بيه، 13 ناس كي هَدو، هومَ رُسُل كَدَّابين، خَدَّامين خَدَّاعين، يُمتلو باللي هومَ رُسُل المَسيح. 14 ماشي موغريبة، خاطَر الشيطان بالدات يُمتَّل روحو مْلاك النور، 15 ماشي حاجة حُبيرة وَلاَّ الخَدَّامين مْتَاعُو تَانِي يْمَتَّلُو رُوحَهُم خَدَّامين الصْلاح، هُومَ اللِّي تَخلاص عليهُم على حُساب فْعالهُمْ.

# بولَس يَتباها بشدايدو

<sup>16</sup> نُعاُودُ نُقُول، حَتَّى وَاحَد ما يَحسَبني مَهول، وَلاَّ أَقَّبلوني هَكدا مَهول باش أنا تاني نَقدَر نَمدَح روحي شْوِيّة. 17 اللي راني نْقُول فيه، ما رانيش نْقُول فيه على حْساب الرَب، بَصَّح كي اللي في هْبال، وأنا شايَف روحي قادَر نْزوح. 18 كي كاين بَرَّاف اللي يَمَّدحو روحهُم على حْساب الدات، أنا تاني نَمدَح روحي. 19 تَحْملو مْليح الْمهابَل، أنتومَ العاقلين، <sup>20</sup> تَحَمَّلو لو كان واحَد يَستَعبَدُكُم، لو كان واحَد ياكُلكُم، لو كان واحَد يْفارَص فيكُم، لو كان واحَد يَتَكَبَّر عليكُم، لو كان واحَد يَضرَبكُم للوَجه، <sup>21</sup> نْقولها، هَدا عار، شْحال كُنّا ضْعاف. بَصَّح باش قادرين يَتباهاو هومَ -راني نَهدَر كي المَهبول- أنا تاني نَقَدَر نَتباها، 22 عَبرانِيّين هومَ؟ أنا تاني. إسرائيلِيّين هومَ؟ أنا تاني. من دَريّة إبراهيمُ

هومَ؟ أنا تاني. 23 خَدّامين المَسيح هومَ؟ راني نَهدَر كي الجايَح، أنا كُتَر منهُم. بالعْيا؟ كُتَر، مَضروب؟ بَرّاف، فالحْباس؟ كْتَر، مَسبَّل للموت؟ شَحال من مَرّة، <sup>24 خم</sup>س مَرّات أدّيت من الْيهود رَبعين جُلدة غير واحدة، <sup>25</sup> تلَت مَرّات وأنا نَنضرَب بالْحْطَب، مَرّة نَرجَمت بالحَجْر، تَلت مَرّات والبابور يَغرَق بِيَّ، جَوَّزت ليلة ونْهار في وَسط البْحَر، 26 سْفَر على رَجليٌّ؟ شِّحال من مَرّة. مُسَبَّل في هٰلاك الويدان، هْلاك السَرّاقين، هْلاك زَرّيعتي، هْلاك الكُفّار، هْلاك الْمَدينة، هْلاك الخُلا، هْلاك الْبِحَر، هْلاك الخاوة الكَدَّابين، 27 العْيا والشُّقا، شُّحال من ليلة بلا رْقاد، فالجوع والعُطَش، فالصْيام شَّحال من مَّرة، فالبَرد والعْرا، 28 بلا الحاجات الأخرين: تَخامي مْتاع كُل يوم، هَم كامَل الكَّايَس، 29 شَّكُون يَضَعَف وأنا ما نَضَعَفش؟ شُكُون يْطيح وأنا ما نَخرَقش؟ 30 وَلاَّ لازَم يَنزاخ، أنا نْزوح بضَعفي. 31 الله باباة الرَب يَسوع، المْبارَك للدُّوام، يَعرَف باللي ما رانيش نَكدَب. 32 في دِمَشق، حاكم السَلطان الحارَت حُط عَسّاسين على مْدينة الدَمَشقيّين باش يَحَّكُموني، <sup>33</sup> وهَبّطوني من الطاقة في سَلّة على حيط الصور باش سْلَكت من يَدُو.

#### 12

#### مْنامات بولَس وشوكتو

الازَم يَنزاخ؟ هاد الشي بلا فايدة. بَصَّح نُروح لرُؤيات ووَحى من الرَب. 2 نَعرَف إنسان فالمسيح، من رْبَعطاشَن سْنة -ما نَعرَف وَلاّ في داتو وَلاّ بغير داتو، الله يَعرَف- نَخطَف هاد الراجَل حَتّى للسْما التالتة. 3 وراني عارَف باللي هاد الإِنسان، في داتو ولا بغير داتو -ما نَعرَف، الله يَعرَف-، 4 باللي نَخطَف للجَنَّة، وسْمَع ݣلايَم ما يَّتَنطقوش، ماشي مَسموح للإِنسان باش يْقولهُم. 5 بهاد الراجَل نْزوخ، بَصَّح بِيَّ أنا ما نْزوخش، ومَّا نْدير قَيمة لروحي غير في ضَعفي. 6 لو كان حَبّيت نْدير قيمة لروحي، ما نْكونش ناقَص عْقَل، خاطَر نْقول الصَح. بَصّح ما نَسَمَحش لنَفسي، باش الواحَد يُقَيَّمني على حْساب واش يْشوف فيَّ وواش يَسمَع منّى وماشي كْتَر، 7 وعلى جال هاد الوَحي الهايَل. على هَدا، وباش ما نَتكَبَّرش، نُحَطَّت في داتي شوكة، مُرسول من الشيطان باش يَضرَبني باش ما نَتَكَبَّرْش. 8 في هاد الآمَر، تْرَجَّيت الرَب تلت مَرّات باش يُبَعَّدها علَّى، 9 بَصَّح قاللي: "تَكفيك نَعَمتي، خاطَر القُدرة تَكَلَ فالضَعف." خير هِمَّالا نْدير قيمتي في ضَعفي باش ثْجي علِّيَّ قُدرة المَسيح. 10 علي هَدا، نَفرَح بالضَعف، بالسَبّان، باللازمات، بالحُقُرة، بالتَهوال، على جال المَسيح، خاطَر كي نْكون ضْعيف، تَم نْكون قْوي.

11 وَلَّيت ناقَص عْقَل، أنتومَ اللي وَصَّلتوني. كان لازَم أنتومَ اللي تَمَّدحوني خاطَر ما راني ناقَص في حَتّى شي على هاد خْيار-الرُسُل، حَتَّى وأنا والو. <sup>12</sup> مارات الرَسول نْدارو قُدّامكُم بشْحال من الصْبَر: مارات وغْجايَب ومُعجِزات. 13 واشَن هُوَ الشي اللي نَلتوه قَل من النَّخايَس الأخرين، من غير اللي ما صْرفتوش علِّي؟ أغَّفرولي هاد الباطَل. 14 هاي هَدي المَرّة التالتة، راني مْعَوَّل نْجي لعَندَكُم وما رانيش رايح نْخَلّيكم تَصَّرفو علِيَّ، خاطَر ما رانيش نْحَوَّس على شِيُّكُم، راني غُوَّس عليكُم. خاطَر ماشي الدْراري اللي لازَم يُتوَّلو للوالدين، الوالدين هومَ اللي يُتوَّلو للدْراري. <sup>15</sup> وأنا بالفَرح نَصرَف عليكُم، ونَصرَف روحي على جال نْفوسكُم. وَلاّ أَنا غُجبُكُم بالزّْيادة، نَخَب قَلَ؟ 16 صح، ما كُنتش في كَلافَتَكُم، بَصَّح جَوَّاح كيما أنايَ، جَبتكُم بالحيلة. 17 كايَن واحَد من اللي بْعَتُهُمَّاكُم، خَليْتكُم تَصَّرفو عليه؟ 18 وَكَدت

على تيطَسُ وبْعَتَتَ معاهُ الأَخ َ اللي دُكَرَتو، تيطَس خَلاّ كُم تَصَّرفو عليه؟ ماشي بروح واحدة اللي مُشينا؟ ماشي في طْريق واحدة؟

19 مَن مُدّة وأنتومَ ثُخَمّه باللي عنا نحاميو على روحنا قُدّامكُم. قُدّام الله فالمَسيح نَهْدرو، هَدا كامَل لبَنيانكُم يا الحُباب. 20 نُخاف فالصَح نُعود كي نَوصَل ما نَلقا كُمش كيما نُحَب، وما تَلقاونيش كيما ثُحَبّو. بَلاك يُكون بيناتكُم دُواس، غيرة، زْعاف، مُشاحنة، تَقطاع، نميمة، تُعيدير، هَملة، 21 نُزيد تاني كي نَوصل يُدلّني الله قُدّامكُم ونُحَرَن على بُزّاف منكُم اللي خُطاو من قُبُل وما تابوش على اللي داروه من النْجاسة والزنا والفَسق.

13

حاضَر وَلاّ غايَب

أ هَدي هِيَ المَرَّة التالتة اللي رايح نجي لعندكُم، كُل دَعوة تَفرا على حْساب كُلام زوج شُهود وَلا تُلاتة. 2 قُلت من قُبَل، ودُرك نَسبَق نقول وأنا غايب، كيما قُلت وأنا حاصَر عَندكُم فالمَرَّة التانية، للي غَلطو من قُبل وللأخرين كامَل. لو كان نُزيد نجي، ما نشفقش. 3 كي رائم نُحوّسو على الثبوت باللي المسيح يَهدَر فِيَّ، وهُوَ ماشي ضْعيف عَندكُم، بالعكس، يَبيَّن قُدَّرتو في وَسطكُم، 4 والو نَصلَب على جال الضَعف، بَصَّح راهو حَي بقُوّة الله. وحْنا فالصَح ضعاف فيه، بَصَّح راهو حَي بقُوّة الله. وحْنا فالصَح جُرِبو روحكُم. وَلا ما تَعْرفوس أنتوم بالدات باللي المسيح فيكُم؟ غير وَلا كُنتو حُسرتو. 6 نَتَنا تَستَعرفو باللي حْنا ما خُسرناش. 7 تَرَجَّاو من الله ما تُديرو حَتَى شَر، ماشي باش نبانو حْنا رابحين، بَصَّح باش تُديرو الخير والو نكونو حُسرناش. 8 نظره ما عَندنا حَتَى قُدرة صَد الحَق، عَندنا القُدرة غير للحَق. 9 نَفَرحو كُل مَرَة نكونو ضْعاف خُسرناش بالله اللهي اللهي نظابوه هُو كَالكُم، 10 على هَدا، نكتب هاد الحاجات وأنا غايب، باش وأنا حاصَر، ما نتعوم الله الله عُطاهالي الله للبنيان ماشي للهَدّان.

سلام

الحَصون، يا الخاوة، كونو فَرحانين، أَخَّدمو لِكَالكُم. أَنَسَجّعو، يُكون عَندَكُم تَخام واحَد، عيشو في هْنا، وإلله الحَجّة والهْنا يُكون معاكُم.
 يَسوع المُسيح، وهْجَبّة الله، وشَركة الروح القُدّوس معاكُم كامَل.

# رِسَالَةُ بُولُسَ ٱلرَّسُولِ إِلَى أَهْلِ غَلَاطِيَّةَ

كْتَب بولَس هاد البْريَّة لْكَايَس جايِّين في شَمال آسيا الصُغرى )التُرك.( أَسَّس هاد النُّكَايَس فالسْفَر مْتاعو التاني والتالَت، بَصَّح من بَعدو، جاو ناس يْقولو كُلام آخُر.

كانو كْتَايَس غَلاطية فيهُم مومنين آصَلهُم يْهود وواحَدُخرين آصَلهُم ماشي يْهود. اللي آصَلهُم يْهود بْقاو شادّين في عُوايَد الشَريعة اليَهوديّة اللي تْقول باللي ما لازَمش ياكلو مع غير اليْهود ولازَم يَخَتّنو، ولازَم قَبَل ما الواحَد يامَن بيَسوع المَسيح يَسَبَق يَتَبَّع الشَريعة اليَهودِيّة. هاد الكُلام كان عكس بْشارة المَسيح وعلى هَدا كُتَب بولَس هاد البُرية:

· فالفُصول من 1 ل 2: حْكا حْكايتو، والو كان يْهودي، كانَت دَعوتو لغير اليْهود والرِيّاس في كنيسة أورشَليم كانو راضيين على هاد الدَّعوة خاطَر فَهمو باللي الإيمان بيّسوع المَسيح هُو اللي يُخَيِّى المومَن مُقبول عَند الله ماشي تَطبيق الشَريعة. · الفُصول من 3 ل 4: يَدكُر بولس آيات من العَهد القَّديم اللي تُبيَّن باللي وَعد الله اللي تُحقَّق بالمَسيح جا قُبُل الشَريعة وباللي الله ما يُقرَّقش بين بْنِي آدَم على جال لونهُم وَلا جَنسُهم وَلا دينهُم. · فالفُصول من 5 ل 6: حَتّى واحَد ما لازَم يَبقا يُخَمَّم كيفاش يُبرّي روحو قُدّام الله خاطر المَسيح هُو اللي يُبرّي المومن.

الإيمان بيَسوع المُسيح هُوَ بَرك اللي يُحَقَّق للمومَن عَلاقة صْحيحة مع الله وفالمَسيح المومنين يَتَوَحَّدو مع الله ومع بَعضُهُم بَعض.

1 بولَس، رَسول لا من عَند الناس، وَلا من عَند بْنادَم، بَصَّح من عَند يَسوع المَسيح والله الآب اللي حْياه من الموت، 2 وكامَل الخاوة اللي معاي، لْكَايَس غَلاطية، 3 نَعمة ليكُم وسْلام من عَند الله بابانا والرَب يَسوع المَسيح، 4 اللي سَلَّم روحو على جال دْنوبنا باش يْسَلَّكنا من هاد الزْمان الدوني على حْساب مُراد الله بابانا، 5 ليه المَجد للدْوام، أمين.

#### الإنجيل الواحُد

أَ نَسْتَغَرَب اللي هَكَدا بالخَف بَعَدتو على اللي دْعاكُم بنَعمة المسيح ودرتو إنجيل واحداتُر. 7 فالصح، ما كانش إنجيل واحداتُر، بَصَّح كلين اللي راهُم يْهَوّلو فيكُم وحَبّو يُحرّفو إنجيل المسيح. 8 منعول اللي يبرَّحَلكُم بإنجيل ماشي كيما الإنجيل اللي برَّحنالكُم بيه، يا لوكان نُكونو حْنا وَلا ملاك من السْما، 9 كيما قُلنا من قَبل، ودُرك تاني نزيد نقول: لو كان يْجي واحد يُبرَّحَلكُم بإنجيل ماشي كيما اللي تَبشَّرتو بيه، يُكون مَنعول. 10 دُرك همّالا، نُحوَّس نُرضي الناس وَلا الله؟ وَلا الله؟ وَلا تُعجَب الناس؟ لوكان مازلني نَعجب الناس، لوكان ما رانيش خادم المسيح.

#### دُعوة الله لبولَس

النقولَكُمُ يا الخاوة، الإنجيل اللي برَّحتَّلُكُم أنا بيه ما راهوش من بْنادَم، 1² خاطَر ما أدِّيتوش وما تُعلَّمتوش من عَند بْنادَم، بَصَّح جاني بوَحي من يَسوع المسيح. 1³ ياخي شَمَتو كيفاش كانت سيرتي في دين اليَهوديّة، كيفاش كُنت شاحن نَحقَّر في دين اليَهوديّة كُنتَ من بَرَّاف اللي كانو نتاجي

ومن زَرَّيعَتِي، وَكُنت شَاد بَرَّاف في عْوايَد جْدودي. <sup>15</sup> بَصَّح، كي حَب اللي خَيَّرَ في من اللي كُنت في كَرْش يَمّا، ودْعاني بنَعَمتو، <sup>16</sup> يْضَهّرلي بْنو، باش نْبرَّح بيه عَند اللي ماشي يْهود، تَم تَم، ما شاوَرت لا الدات وَلا الدَم، <sup>17</sup> وما طُلعَش لأورشَليم عَند اللي كانو رُسَل قْبَل منيّ، بَصَّح رُحت لبْلاد العْرَب وعاوَدت وَلَيت لدَمَشق. <sup>18</sup> أومبَعد، بعد تلت سْنين، طُلعَت لأورشَليم، باش تَتعرَّف ببُطرُس وقْعَدت عَندو بْهَسطاشَن يوم، <sup>19</sup> وما شفت حَتَّى رَسول واحَد آخر من غير يَعقوب، خو الرَب. <sup>20</sup> ما رائيش نَكدَب فالشي اللي راني نكتبَّلكُم فيه، الله شاهَد. <sup>12</sup> أومبَعد، رُحت لَجْوايَه سوريّة وكيلكيّة، <sup>22</sup> بَصَّح وَجهي ما كانش مَعروف عَند كُليَس اليَهودِيّة اللي فالمَسيح. <sup>23</sup> كانو بَرك يَشَعو يَتقال: اللي كان يَحَفَّر فينا، دُرك راهو يُبرَّح بالإيمان اللي كان من قْبَل يُحَوَّس يْهَدُّو، <sup>24</sup> وكانو يُسَبّحو الله على جالي.

2

الرُسُل يَقَبَلو خَدمة بِولَسِ

أ أومبَعد، بَعد رُبَعطاشَن سَّنة، طُلَعت من دارة وجْديد لأورشَليم مع بَرنابا وأدّيت مْعايَ تيطَس تاني. <sup>2</sup> طُلعت لَيّة بَعد ما جاني وَحي. وَرّيتَلهُم الإِنجيل اللي راني نُبرَّح بيه عَند اللي ماشي يْهود، وَرّيتو بالخُصوص للي عَندهُم الشان فيهُم يْعود يْكون الجْري اللي راني نَجري فيه واللي جْريتو في باطَل. <sup>3</sup> وتيطَس اللي مْعاي، اللي كان يوناني، ما نُسَيَّفش عليه باش يَحَتَّن، <sup>4</sup> على جال اللي دَخلو بيناتنا من اللي دايرين روحهُم خاوة، واللي دَخلو روحهُم بيناتنا باش يْعَسو الحُرِيّة اللي عَندنا فالمسيح يَسوع ويشوفو كيفاش يْعَطونا تَحت عُبوديّة الشَريعة، <sup>5</sup> واللي دْقيقة واحدة ما خلّيناهُمش يَقْلبُونا باش يَتبَتَّلُكُم الحَق مْتاع الإِنجيل. <sup>6</sup> اللي عَندهُم الشان -مَهما كانو زْمان، هاد الشي ما يْهَمّنيش، الله ما يْفَرَقش بين الناس- اللي عَندهُم الشان ما فَرضو علي والو، <sup>7</sup> بالعكس، كي شافو باللي تُسَلّمتي البُشارة بالإِنجيل للي ماشي عُتَّنين كيما تُسَلّمت لبُطرُس للمُحتّين، <sup>8</sup> صَح، -اللي خُدَم في بُطرُس للرُسولِيّة عَند المُحتّين، خُدَم في للي ماشي يْهود و ويعقوب وبُطرُس ويوحَنا اللي يَعَسبو هومَ العُرَس، كي شافو النعمة اللي نعطاتلي، عُطاولنا أنا وبرنابا اليَم الدين، مارة مْتاع الشَركة، باش نُروحو حْنا للي ماشي يْهود وهومَ للمُختّين. <sup>10</sup> وَصّاونا بَرك باش نتفكّرو الفُلالين، وهاد الشي كان على قلي باش نُديرو.

بوِلَسِ يَوقَف لَبُطْرُس

11 بَصَّح كي جا بُطرُس لأَنطاكيا، وْقَفَتلو فالرَجه، خاطَر كان غالط. 12 خاطَر قَبَل ما يُحيو ناس من عَند يَعقوب، كان ياكُل مع اللي ماشي يْهود، وكي وَصلو، تُهرَّب وجْبَد روحو خاطر خاف من الخُتنين. 13 اليْهود الأُخرين تاني دَخلو مْعاه في هاد اللَعب، حَتَى بَرنابا طاح فالتنوفيق مْتاعهُم، 14 بَصَّح كي شَفْتُهم ما راهُمش يَمشيو تابتين على دُحساب حَق الإِنجيل، قُلت لبُطرُس قُدّامهُم كامَل، وَلاّ أنتَ اللي يْهودي راك تْعيش كي اللي ماشي يْهودي ماشي كي اليه ماشي يْهودي ماشي كي اليه ماشي يْهودي ماشي كي اليهودي، كيفاش تُحب اللي ماشي يْهود يَهود وَ 15 عنا اللي أَصلنا يُهود، ماشي من الأمات الخاطيين، 16 تَعرفو تاني باللي بْنادَم ما يْنالش الصْلاح بفْعال الشَريعة، غير بالإيمان بيسوع المسيح اللي يْنال الصْلاح، وحْنا بالمسيح يَسوع اللي آمّنا باش ننالو الصْلاح بالإيمان بالمسيح، ماشي بفْعال الشَريعة، خاطَر حَتَى واحَد ما يْنال الصْلاح بفْعال الشَريعة ما وَلاّ ثُكّا ما زَلنا خاطيين، مَعنَها المُسيح خادَم الشَريعة. 17 بَصَّح، فالوَقت اللي رانا نُحَوِّسو ننالو الصْلاح فالمُسيح، ولاّ ثُكّا ما زَلنا خاطيين، مَعنَها المُسيح خادَم

الخُطِيَّة؟ حاشا. <sup>18</sup> خاطَر وَلاَّ عاوَدت بْنيت الشي اللي هَدَّيتو، مَعنتَها راني داير روحي مُخالُف لَلشَريعة. <sup>19</sup> إيه، أنا بالشَريعة مَت للشَريعة، باش نْعيش لله. نَصلَبت مع المَسيح، <sup>20</sup> راني عابَش، بَصَّح ماشي أنا، المَسيح هُوَ اللي راهو عايَش فِيَّ، اللي راني عايشو فالدات دُرك، راني عايشو فالإيمان بابن الله اللي حَبْني وسَلَّم روحو على جالي. <sup>12</sup> ما نَنكُرش نَعمة الله، خاطَر لو كان الصْلاح يْجي بالشَريعة، هِمَّالا المَسيح مات على باطَل.

3

## الإيمان وَلاّ فْعال الشَريعة

أ يا الغَلاطيّين الجايحين، شُكون شُحَرُمُ بَعد ما نَرسَم قُدّامَمُ يَسوع المَسيح مَصلوب؟ 2 راني حاب نعرَف هاد الشي بَرك مَنكُم: نَلتو الروح بفْعال الشَريعة وَلا كي شمعتو بإيمان؟ 3 جايحين أنتومَ؟ بَعد ما بْديتو بالروح، دُرك تُكَلو بالدات؟ 4 كامَل واش تُعدَّبتو على باطَل؟ وَلا على باطَل، 5 اللي يَعطيلكُم الروح ويْدير المُعجِزات في وَسطكُم، يُدير هاد الشي خاطَر تُطَبّقو الشَريعة وَلا خاطَر تامنو بالبْشارة؟ 6 كيما إبراهيم آمَن بالله ونَحَسَبلو هاد الشي صلاح، أعَّر فو باللي الله يَد الصلاح الأُمّات بالإيمان، سَبقو خَبّرو إبراهيم بهاد البشارة "كامَل الأُمّات يَبَاركو فيك"، 9 محسوب، اللي يالله يَتداكو مع إبراهيم المومَن. 10 خاطَر كامَل اللي يُشدّو في فعال الشَريعة راهُم تَحت النَعلة، خاطَر مَكتوب: "مَنعول كُل واحَد ما يَبَال الصلاح قُدّام الله يَبْبَش في كامَل واش مَكتوب في تُخاب الشَريعة باش يُطَبّقو"، 11 بايَن باللي حَتّى واحَد ما ينال الصلاح قُدّام الله بالشَريعة خاطَر الصالح يَحيا بالإيمان، 12 الشَريعة ماشي قايمة على الإيمان، بَصّح "اللي يُطَبَّقها يْعيش بها"، 13 المُسيح يَسوع، باش ننالو وَعد الروح بالإيمان.

#### الشُريعة والوَعد

أد يا الخاوة، نُقول بَمَنطَق بْني آدَم، واحد ما يُبطَّل عْقَد بَمضي وَلا يْزيد فيه والو إنسان اللي دارو. أا الوْعود ثقالو لإبراهيم ولْدَرِّيتو. ما ثقالش: "لَلدَرِّيّات مْتاعو"، كي شْغُل كاين بزّاف، واحدة بَرك "لدَرِيّتك" اللي هي المسيح. أم حبيّت نُقول: الشريعة اللي جات رَبع مْية وثلاتين سْنة بَعد عَهد مْتَبَّت من عند الله ما تَقدرش تَبطّلو وتَمحي الوَعد، مُتاعو، ألا خاطر ولا الوَرت يُجي من الشريعة، مَعنتها ماشي من الوَعد، بَصَّح الله عْطا نَعمة لإبراهيم بالوَعد.

#### عْلاش الشَريعة؟

و1 همّالاً عُلاشٌ كاين الشريعة؟ الشريعة زادَت جات على جال المعصيات، مابيد ثجي الدَرِّية اللي نْدارَلها الوَعد. هاد الشريعة وَصَلوها الملايكة على يَد وْسيط. 20 والوْسيط ماشي وْسيط لواحَد بَرك، بَصَّح الله واحَد. 21 همّالا الشَريعة راهي ضَد وْعود الله؟ حاشا، لو كان أثمَّدت شَريعة تقَدَر تَحيي، لو كان الصلاح كان صَح يْجي من الشَريعة، 22 بَصَّح الكُتوب حَبسو كُل شي تَحت سيطرة الخطيّة، باش بالإيمان بيسوع المسيح، يَتَمد الوَعد للمومنين. 23 قبل ما يْجي الإيمان، كُمَّا محبوسين تَحت العَسَّة مْتاع الشَريعة، حَتّى وين يَنكشف الإيمان، 24 هكدا، الشَريعة هِي اللي هودّتنا للمَسيح، باش نالو الصلاح بالإيمان، 25 وكي جا الإيمان، ما وَليناش مَلزومين بهاد القوّاد.

وُلاد الله

<sup>26</sup> كَامَل أنتومَ وْلاد الله بالإيمان بالمَسيح يَسوع، <sup>27</sup> أنتومَ كامَل اللي تْعَمَّدتو فالمَسيح، لَبُستو المَسيح، <sup>28</sup> ما كايَن لا يُهودي وَلا يوناني، لا عَبد وَلا حُر، لا دُكر وَلا نْتى، خاطَر كامَل راكمُ واحَد فالمَسيح يَسوع، <sup>29</sup> وَلاّ كُنتو من المَسيح، مَعنتَها راكمُ دَرِّيّة إبراهيم، وعلى حْساب الوَعد تَوَّرتو.

#### 4

ا هِمّالا نُقول: قَد ما يَبقا الوارَت صْغير، ما كانش فَرَقَ بينو وبين العَبد، والو هُوَ مول الشي كامَل، ² يَبقا مَنطاع لُواصيين ومُوكَلين حَتّى للوَقت اللي يُكون باباه حَدّدو من قْبَل. ³ حْنا تاني، كي كُمّا صْغار، كُمّا مَنطاعين للحاجات مُتاع الدّنيا، ⁴ بَصَّح كي وْصَل الوَقت، بْعَت الله وْليدو، مَزيود من مْرا، مَزيود تَحت سيطَرة الشَريعة، ⁵ باش يَفدي اللي كانو تَحت سيطَرة الشَريعة، باش نْنالو التَبني. 6 وعلى حْساب اللي أنتومَ وْلاد الله، بْعَت الله روح وْليدو في قُلوبنا، يُعيَّط: "آبا الآب." 7 هَكدا، ما راكش عَبد، أنتَ إبن، وَلاّ أنتَ إبن، مَعنَها تَورَت بنعمة الله.

#### بولَس يَتَقَلَّقُ على ناس غلاطِية

8 بَصَّح، زْمان، قَبَل ما تَعَرَفُو الله، كُنتو مَنطاعين لآلِمة ماشي مْتاع الصَح، 9 بَصَّح دُرك بَعد ما عَرفتو الله، بَعد ما عُرفتُم الله، كيفاش ثعاودو تُوليّو للحُوليّة الله، كيفاش ثعاودو تُوليّو للحُوليّة الله، كيفاش ثعاودو تُوليّو للحُوليّة الله عا عَندهُم حَتّى فايدة واللي رائم حابّين ثعاودو تُوليّو تتطاعولهُم؟ 10 ثعَسّو اليامات، الشهور، المؤاسّم والعُوام. \* 11 ثخاف عليكُم نعود نكون خُدمَت على جالكُم في باطل. 12 يا الخاوة، نُحَلّلُكُم، كونو كيما أنا، خاطَر أنا تاني كيما أنتومَ. وأنتومَ ما ضَرّيتوني في حَتّى شي، 13 راكمُ عارفين باللي على جال مَرض فالدات اللي بَشَرتُكُم بالإنجيل المَرّة الأولى، 14 ووالو كان المَرض اللي في داتي تَجَرِبة ليكُم، ما حُقُرتوني ما عَفتوني. سُتقبَلتوني كي مُلاك الله، كي المَسيح يَسوع، 15 وين راهي فَرحَتكُم بِيّ؟ نَشَهَدًلكُم باللي لو كان قُدرتو كُنتو نُخيّو عينيكُم وتَعطيوهُملي، 16 وَلِيّت عُدوكُم كي نُقوللكُم الصَح؟ 17 عندهُم الغيرة عليكُم، بَصَّح ماشي للخير، حابّين يَعَزلوكُم باش تغيرو عليهُم، 18 مُليح تُكون الغيرة للخير دايمًا وماشي غير كي نُكون أنا عَندكُم. 19 يا النبرة مُناعي، خاطر راني مُستَعْرَب فيكُم.

#### مْتُل هاجَر وسارة

<sup>21</sup> قولولي، أنتومَ اللي راكمُ حابِّين تَبقاو تَحت سيطَرة الشَريعة، ما تَفَّهموش الشَريعة؟ <sup>22</sup> مَكتوب باللي إبراهيم شعا زوج وْلاد: واحَد مالعَبدة والآخر مالمُرا الحُرَّة، <sup>23</sup> وْليد العَبدة زاد على حْساب الدات، ووْليد المُرا الحُرَّة جا بالوَعد. <sup>24</sup> هادو رُموز: إيه، هاد النُسا هومَ زوج عْهود: الأولى مْتاع جْبَل سينا، زَيَّدَت لَلعُبوديّة وهِيَ هاجَر، <sup>25</sup> إيه، هاجَر هَدي هيَ جْبَل سينا في بْلاد العْرَب، وتَرَمَز لأُورشَليم مْتاع دُرك، صَح راهي مَستَعبدة مْع وْلادها. <sup>26</sup> أورشَليم الفوقانيّة حُرَّة، وهِيَ يمّانا، <sup>27</sup> إيه، مَكتوب: "أُفَّري يا العافرة، يا اللي ما وْلدَتيش، نَفزي من الفرحة وعَيْطي يا اللي ما عْرَفتيش الوْجاع، خاطَر وْلاد المَهجورة كْتَر من وْلاد اللي عَدها راجَل." <sup>28</sup> أنتومَ يا الخاوة،

<sup>\* 4:10</sup> يهدر الرسول هنا على شي يهود ولاو تابعين للمسيح بصح بقاو يتبعو في واحد العوايد متاع اليهود اللي شايفين باللي كاين يامات مقدسين كتر من الأخرين كيما السبت، كيما الليوم اللي يكل فيه القمر واليوم اللي يبان فيه الهلال وغيرهم.

وْلاد الُوعَد كَيْماً إسحاقُ، <sup>29</sup> بَصَّح كيما كان اللي نْزاد على حْساب الدات يَحَقَّر اللي نْزاد على خُساب الروح، دُرك تاني كيف كيف. <sup>30</sup> بَصَّح واش يْقول الكِمَّاب: "حاوَز العَبدة ووْليدها، خاطَر وْليد العَبدة ما يَورَتش مْع وْليد المُرا الحُرَّة، الْاع الخاوة، حْنا ماشي وْلاد العَبدة، حْنا وْلاد المْرا الحُرَّة.

5

الحُرُيَّة فالمَسيح

المَسيح حَرَّرنا للحُرِّيَّة، هِمَّالا أَتَّبَتو مُليح وما تُعاودوش تَّجَبَسو روحكُم تَحَت السيطرة مْتاع العُبودِيّة، <sup>2</sup> شوفو، أنا بولس نُقولَلكُم باللي لو كان تَتَخَتَّنو، المَسيح ما يُفيدكُم في والو. <sup>3</sup> نُعاوَد نَشهَد تاني باللي كُل واحَد يَخَتَّن، لازَم عليه يُطبَّق كامَل الشَريعة، <sup>4</sup> نَفرَقتو على المَسيح، أتتومَ اللي راكُم تُحَوَّسو تْنالو الصْلاح بَالشريعة، <sup>4</sup>سَرتو النَعمة، <sup>5</sup> إيه، أنتومَ اللي راكم تُحَوِّسو نُالو الصُلاح بالشريعة، ولا غير الخُتانة اللي عندو القيمة، <sup>7</sup> كُنتو تَجريو مُليح، شُكون اللي مُنعكُم باش تُطيعو عندهُم قيمة، الإيمان اللي يُبان بالحُبّة هُو اللي عَندو القيمة، <sup>7</sup> كُنتو تَجريو مُليح، شُكون اللي مُنعكُم باش تُطيعو الحَقَّرَ؟ <sup>8</sup> هاد الدُبارة الدونيّة ماشي من عَند اللي يَدعيكُم. <sup>9</sup> شويّة نُعميرة تُخَرَّر العُجين كامَل، 10 أنا عَندي التيقة فيكُم فالرَب باللي ما رايَحش يُكون عَندكُم راي آخُو، اللي راهو يُهوَّل فيكُم، يُكون واش يُكون، رَبِّي يُعاقبو، 11 أنا يا الحاوة، وَلا ما زَلِني نُبرَّح بالخُتانة، عُلاش هِمَالا ما زَلني مَحقور؟ هِمَّالا، خُلاصَت العَترة اللي فالصْليب. <sup>12</sup> نشا الله يُربو يَقطَعوهوم تاني اللي راهم مَهَوِّلو فيكُم.

أنتوم، دْعاكُم الله للحُرِية يا الخاوة، بَصَّح ما تُردوش هاد الحُرِيّة سَبّة باش تْعيشو على حْساب الدات، بَصَّح أَخَّدمو بَعضكُم بَعض بالحُبّة. 14 كامَل الشَريعة تُكَلَّت في كَلمة واحدة، في: "تُحَب قُريبَك كي نَفسَك"، 15 بَصَّح وَلاَ تُعضّو وتاكلو بَعضكُم بَعض، رَدّو بالكُم تُعودو تَفنيو بَعضكُم بَعض.

الروح والدات

16 نُقُولَلُكُم بالعكس، سيرو على حُساب الروح، داك الوَقت ما تُزيدوش كامَل تُتبَّعو شَهوة الدات، 17 صح، الدات تَنشَهّا عكس الروح والروح عكس الدات، هَدو مَتعاكسين بيناتهُم، باش ما تَحَسبوش روحكُم تَقَدرو تُديرو والس تُحَبِّو. 18 وَلاّ راكم تُسيرو بالروح، ما راكمش تَحت الشريعة. 19 فعال الدات باينين: زنا، نُجاسة، فَسق، 20 شَرك، سُحَر، كُوه، عْداوة، غيرة، دُواس، مْعاندة، فُراق، بَدعات، 21 حْسَد، سَكرة، مْفارصة فالماكلة وحاجات كيما هَدو. نُحَدَّركُم كيما حَدَّرتكُم من قبَل: اللي يُديرو هاد الشي ما يَوَّرتوش مَلكوت الله. 22 غَلّة الروح عُبّة، فرحة، سَلام، صُبَر، مُلاحة، خير، إيمان، 23 خانة، والواحد يُكون يَتَكَثَّم في نَفسو. الشَريعة ماشي ضَد هاد الشي. 42 مُتاع المُسيح صَلبو الدات بهْواها وشَهواتها. 25 وَلاّ نُعيشو بالروح، بالروح نُسيرو، 26 ما لازَمش نُكونو مَغرورين، نُغيرو مِن بَعضنا بَعض، نُغيرو من بَعضنا بَعض.

6

كامُل نْديرو الخير

اً يا الخاوة، لو كان يَتَّحَكَم واحَد وهُوَ يْدير في غَلطة، أنتومَ الروحِيّين رَدّوه للطْريق بالمْلاحة. رَد بالك خاطَر أنتَ بالدات تَقدَر تَتَغوا. ² أَرَّفدو بَعضُكُم بَعض وهَكدا تُكونو راكُم تُكَلّو شَريعة المَسيح. 3 وَلاّ كايَن واحَد حاسَب روحو حاجة، َ وهُوَ وَالو، راهُو يْغَرَ فِي نَفسو. <sup>4</sup> كُل واحَد يْمَيَّز فْعالو، هَكدا يَفخر بروحو وماشي بواحَداَّأُخر، <sup>5</sup> خَاطَر كُل واحَد رايج يَرفَد مْمالتو هُوَ.

اللي يَتَعَلَّم الكَلمة لازَم يَقسَم شَيَّو كامَل مع اللي يْعَلَمُو، 7 ما تَخَدعوش روحكُم، ما يَقدَر حَتَى واحد يَتَسخَر بالله. واش يَزرَع بْنادَم، هَداك اللي يَخَصدو، 8 خاطَر اللي يَزرَع فالدات، يَحصد من الدات الفساد، اللي يَزرَع فالروح، يَحصد من الروح الحياة الدايمة. 9 ما لازَمش نَكَرهو من فْعال الخير، خاطَر لوكان ما نُوليوش نَعَجزو، نَحَصدو فالوَقت المُوالَم. 10 هكدا، قد ما مازال عَندنا الوَقت، لازَم نَخَدمو الخير للناس كامَل، بالخُصوص الخاوة فالإيمان.

#### الخليقة الجديدة

11 شُوفو شُخالُ بْجَارِ الحْرُوف اللي كُتبَتلَكُم بِيَدِي، 12 كامَل اللي يُحبَّو يُورَّيو روحهُم من جيهة الدات، هَدوك يَلزمو عليكُم باش تَعَتَّنو، غير باش ما يَخفُروش على جال صْليب المَسيح، 13 خاطَر الحُتَّنين هومَ بالدات ما يُتبَّعوش الشَريعة، بَصَّح يُحبَّوكُم تَعَتَّنو، باش يْروخو بروحهُم بالدات مُتاعكُم، 14 أنا، ما نْزوح بحَقّ شي من غير صْليب رَبّنا يَسوع المَسيح اللي الدَنيا نُصَلبَت عليه لِيَّ وأنا ليها. 15 خاطَر، ماشي حاجة الواحَد يُكون مُختَّن وَلاّ ماشي مُختَّن، الصَح كي يُكون خُليقة جْديدة، 16 كامَل اللي يُسيرو على حُساب هاد القانون، سْلام ورَحمة ليهُم وعلى إسرائيل الله. 17 الحَصون، حَتَّى واحَد ما يُزيد يْزَعَّفني، خاطَر راني رافَد في داتي المارات مْتاع يَسوع.

18 نَعمة رَبّنا يُسوع المُسيح مع روحكُم يا الخاوة، آمين.

رِسَالَةُ بُولُسَ ٱلرَّسُولِ إِلَى أَهْلِ أَفَسُسَ

بلا شَك، البْرِيّة اللي نُكتبَت لآفسُس، نُكتبَت لنْكايَس بَرّاف مْتاع آسيًا الصُغرى )التُرك دُرك.( نُكَتبَت فالحَبَس لَمسيحيّين آصَلهُم ماشي يْهود ولَمَّت ولَخَصَت الدُروس الأخرانيّين اللي دَرَّسَهُم بولَس لهاد النّكايَس.

في هاد البُرِيَّةُ، هْدَر بولَس الكُترة على مَشروع الله، السَر اللي كان عُنبِّي واللي كَشفو يَسوع. هاد المَشروع كان كايَن من زْمان، وغُخَقِّق بيَسوع المَسيح. يُخُص الخلَق كامَل، السْماوات والأَرض. يُوحَّد بْني آدَم بيناتَهُم ويُوحَّد بْني آدَم مع الله. في هاد المَشروع، الكَنيسة عَندها قِيمة خُبيرة.

كَاتُبُ الْبِرِيَّة يَهِدَر على واقَع كانو النُخايَس عايشينو ويَستَعمَل مُقارنات بَرَّاف: الكَنيسة دات المُسيح، وهاد الدات غير تَكبَر. الكَنيسة دار مَبنيَّة، لُساسها المَسيح، والمُسيحيَّين يُكَبَّلُو يَبنيوها. الكَنيسة مَتوَحَّدة مع المُسيح كيما المُرا مع راجَلها.

فالفُصول من 1 ل 3: يُوَكَّد الكاتب على الوَحدة اللي ما وَلاَّتش مُحال بَعد ما مَد يَسوع حْياتو على الصْليب. المُسيحيِّين اللي آصَلهُم ماشي يُهود شَعب واحَد مع اللي آصَلهُم يُهود. يُنالو الخير من عَند الله كيف كيف. المُسيح كَسَّر حيط الكُره ولاقا اللي كانو مَفروقين، وهَكدا جاب السَّلام للكُل.

فالفُصول من 4 ل 6: يُسَجَّع المَسيحيّين باش يَتَبتو فالإيمان، الوَحدة والسّلام اللي نالوهُم من الله. يُسَجَّعهُم باش يُعيشو عْياة جْديدة وينصَحهُم فالشي اللي يُخُص العَلاقات فالعايلات. كي قال للرْجال يْحَبّو نْساهُم هَكداك وقال للرِيّاس باللي عَندهُم رايس فالسّما، بولس قال حاجة جْديدة. باش الواحَد يَفهَم نَصايحو، لازَم يَعرَف كيفاش كنو عايشين في داك الوَقت.

1 من بولَس، رَسول المَسيح يَسوع، بمُراد الله، للقَدّيسين اللي في آفسُس، والمومنين فالمَسيح يَسوع. 2 نَعمة وسْلام ليكُم من عَند الله بابانا والرَب يَسوع المَسيح.

بركات روحِيّة فالمَسيح

\$ مْبَارَكُ الله باباة رَبّنا يَسوع المَسيح، اللي باركنا بكُل بَركة روحيّة فالسْماوات العاليين فالمَسيح، 4 على حْساب اللي خَيْرنا فيه قَبْل ما تَتَأْسَس الدَنيا باش نُكونو قَدّيسين وكاملين قُدّامو فالحُبّة، 5 وعَوَّل من قَبْل باش يَتبنّانا ليه بيسوع المُسيح، على حْساب ما حَب في مُرادو، 6 باش يَتسَبَّح بجد نَعْمتو اللي نُعْم علينا بيها فالحبْيب، 7 اللي نَلنا فيه الفُدا بدَمّو وعُفُران الدُنوب على حْساب غْنا نَعْمتو، 8 اللي فَيْضها علينا بكُل حكمة وفْهامة، 9 وكْشَفَّلنا سَر مُرادو اللي قُصْد يُحقّقو برْضاية خاطرو، 10 كي يُوصَل الوَقت ويْلُم كُل شي فالمَسيح، اللي فالسْماوات واللي فالأرض. 11 فيه تاني اللي نلنا الوَرت اللي خَيْرنا ليه من قُبَل، على حْساب قَصدو، هُو اللي يُدير كُل شي كيما يُحَب مُرادو، 12 باش نُسبّحو مجَدو، حنا اللي رْجينا المَسيح من قُبَل، 13 فيه شَمَعتو كَلمة الحَق، إنجيل سُلاككُم، بيه آمَنتو ونْطبَعتو بطابَع روح الوَعد القُدّوس، 14 عَريون الوَرت مُتاعنا، للفُدا مُتاع اللي كُسَبُهم الله، باش يُسبّحو مَجدو.

15 على هَداً، أنا تاني كي شمّعت بإيمانكم بالرَب يَسوع وعْبَتْكُم لكامَل القَدَّيسين، 16 ما حْبَستش وأنا نَشُكُر على جالكُم و تَتَفَكَّرُكُم في صَلُواتي، 17 باش إلَه رَبّنا يَسوع المَسيح، آب الجَد يَعطيلكُم روح حكمة ووَحي باش تَعَرفوه، اللهُ ويَتُور عينين قُلوبكُم باش تَعَرفو واشَن هُو الرْجا في دَعُوتو، وواشَن هُو كَنز مَجد ميراتو للقَدَيسين، 19 والقُدرة مُتاعو الكُبيرة اللي بيَّنها فالمَسيح، كي حياه من الموت وقعدو على يُمينو فالسَّماوات العالمين، 21 فوق كُل رِياسة وحُكمة وقُدرة وسِيادة وفوق كُل آسَم يَتسَمّا، ماشي بَرك في هاد الزُمان، فالزُمان الجاي تاني، 22 ودار كُل شي تَحت رَجليه وحَطّو راس للكَنيسة، 23 داتو، كما اللي يُعمّر الكُل فالكُل.

2

# الحَيّين مع المُسيح

أ وأنتومَ، كي مَتّو من جيهة خطيّاتكم و دنوبكم، اللي كُنتو أسيرو فيهُم من قبَل على حُساب زْمان هاد الدَنيا، وعلى حُساب أمير قُدرة الهُوا، الروح اللي راهو دُرك يُخدَم في وُلاد العَصيان، اللي حْنا زْمان كُنّا كامَل مَنهُم، عايشين في شَهوات الدات، دايرين رايها مُتبّعين الفُكايَر الدونيّين، وكُنّا بالطبيعة وْلاد الزْعاف كيما الأخرين. 4 بَصّح الله برَحّمتو الواسعة، على جال الحُبّة الكُبيرة اللي يُعبّنا، 5 حَتّى كي كُنّا مَيّتين بالدنوب، حيانا مع المَسيح، - بالنَعمة الله برَحْمتو الواسعة، على جال الحُبّة الكُبيرة اللي يُعبّنا، 5 حَتّى كي كُنّا مَيّتين بالدنوب، حيانا مع المَسيح، - بالنَعمة الله برائم مالكين - 6 وحيانا من الموت معاه وقعّدنا فالسُماوات فالمَسيح يَسوع، 7 باش يُبيّن فالزُمان الجاي، شُعال كُبيرة نَعَمتو فالمُلاحة مُتاعو معانا فالمَسيح يَسوع. 8 خاطَر راكم بالنَعمة سالكين بالإيمان، وهاد الشي ماشي من عندكُم، هَدي هِبة الله، 9 وماشي بالفُعال باش واحَد ما يَفخَر. 10 خاطَر حْنا صَنعة يَدّو، خُلَقنا فالمَسيح يَسوع لفُعال مُلاح وَجَدهُم الله من قُبَل باش سُيرو فيهُم حْنا.

# واحُد فالمُسيح

11 أشفاو باللي زْمان، أنتومَ اللي ماشي يْهود، اللي، الْحُتّنين فالدات باليَد يْقولوللكُم الماشي عُتّنين، 12 كُنتو داك الوَقت بلا المَسيح، محرومين من حَق السُكنة في إسرائيل، ما نُسالوش في عْهود الوَعد، بلا رْجا وبلا آلهة فالدَنيا. 13 بَصَّح دُرك، فالمَسيح يُسوع، أنتومَ اللي كُنتو من قْبَل بْعاد، وَلِيْتو قْراب في دَم المَسيح. 14 خاطر هُو سُلامنا، هُو اللي رَد الزوج واحَد، وكَسَّر حيط الفراق اللي فالوَسط، الكُره. وفي داتو، 15 بَطَّل الشَريعة بفْرايَضها وحْكامها باش من زوج يُخلق في روحو بالسُّلام إنسان واحَد جْديد، 16 وباش يْصالح الزوج في دات واحدة لله بالصليب اللي قْتَل فيه الكُره، 17 وجا يْبَرَّح بالسُّلام ليكُم أنتومَ البُعاد، وليكُم أنتومَ القُراب، 18 خاطر بيه نَقَدرو في زوج نَقَرَّبو في روح واحَد للآب. 19 ومنّا للفوق ما كان لا برّانيّين لا غُرابا. أنتومَ راكُم نُسالو مع القَدِيسين، مُوالين دار الله، 20 مَبنيّين على نُساس الرُسُل والأنبيا، وحَجرة الزاوية هُو المَسيح يَسوع، 21 اللي فيه كُل بَنيان يْشَد ويكبَر ويُؤتّي مَعبَد مُقَدَّس فالرَب، 22 واللي فيه راكُم مَبنيين كيف كيف باش تكونو سُكان لله فالروح.

1 على هَداً، أنا بولَس مُجوس المُسيح يَسوع ليكُم أنتوم اللي ماشي يْهود، 2 بَلاك سُمَعتو بالنَعمة الَلي عُطاهاً لي الله على جالكُم، 3 وكُشَفلي السَر كيما سُبقت وكُتبتو في زوج كَلمات، 4 تَقَدرو، كي تَقراوَه، تَقَهمو مَعرِفتي لسَر المَسيح، 5 اللي ما عَرفوهش الجيْال الأخرين كيما نكشف دُرك بالروح للرُسُل مْتاعو القَديّسين والأنبيا. 6 هاد السَر: اللي ماشي يْهود يَشَّركو فالوَرت، هوم دات واحدة مع الأخرين، ويْسالو فالوَعد اللي في يَسوع المَسيح بالإنجيل، 7 اللي تُعيّنت باش نَخَدمو على حُساب هبة نَعمة الله، اللي عُطاهالي بالقُدرة مْتاعو، 8 أنا الصْغير فالقَديّسين كامَل. نعطاتلي هاد النَعمة باش نُبشَّر اللي ماشي يُهود بغنا المَسيح اللي ما يَقدَرش الواحَد يَتصورو، 9 ونَبيَّن السَر المُخيِّي من زُمان فالله، من اللي خُلق الكون، 10 باش بالكنيسة يَعَرفو الرِيّاس والسُلاطَن فالسُماوات حكمة الله المَتنوعة، 11 على فساب الحُطّة اللي وَجَدها من زُمان واللي حَقَّقها فالمَسيح يَسوع رَبّنا، 12 فيه عَدنا الحَقَ باش بالإيمان به نُقَرّبو وحْنا واتقين. 13 فيه عَدنا الحَق باش ما مَلَهُ مُوسود على جال الشُدايد اللي نُجَوِّرهم على جالكُم، خاطر هوم المُجد مُتاعكم،

## صْلاة لناس آفسُس

<sup>14</sup> على هَدا اللي نَحني رْكايبي قُدّام الآب، <sup>15</sup> اللي تَتسمّا بيه كُل عايلة فالسماوات وعلى الأرض، <sup>16</sup> باش يَعطيلكُم على حُساب غنا الجَد مْتاعو، باش تَعقّواو من الداخل بقُدرة الروح، <sup>17</sup> ويْسكَّن المَسيح بالإيمان في قلوبكُم، وتُكونو مَتأسسين ومَتأصلين فاخْبّة، <sup>18</sup> وتَقدرو تَقَهمو مع كامَل القَدّيسين واشَن هُو العَرض، الطول، العلو والغُمق، <sup>19</sup> وتعرفو عُبّة المَسيح اللي ما تَقدروش تتصوّروها، وهكدا تتعمّرو بكمال الله، <sup>20</sup> للي يَقدر يُفيَّض بالقُدرة مْتاعو اللي تَخدم فينا فوق ما نَطَّلبو وَلا نُحمّمو، <sup>12</sup> ليه الجَد فالكنيسة وفالمسيح يَسوع في كُل جيل، للدوام، آمين.

4

## واحَد في دات المُسيح

1 نطلَب منكُم، أنا المحبوس فالرَب، باش تُعيشو مُعيشة تُليق بالدَعوة اللي جاتكُم. 2 كونو مَتواضعين وضْراف، صابرين، أَحَملو بَعضكُم بَعض فالحُبّة، 3 ديرو بَجهودكُم باش تَحَفّضو وَحدة الروح فالسَّلام، 4 دات واحدة، روح واحد، كيما جاتكُم الدعوة تاني لرْجا واحَد، 5 رَب واحَد، إيمان واحَد، مَعموديّة واحدة، 6 إله واحَد، آب الكُل، فوق الكُل، للكُل وفالكُل، 7 بَصَّح كُل واحَد فينا نال نَعمة، على حُساب هِبة المَسيح، 8 على هَدا تُقال: "طلّع للعُلالي، حُكم محبوسين، ودار هِبات للناس"، 9 واش مقصود ب "طلّع"؟ ماشي باللي هُبط عَبط اني للمُدارَب السَفلانيّين مُتاع الأَرض؟ 10 اللي هُبط هُو بالدات اللي طلّع فوق السَّماوات باش يُعمَّر كُل شي، 11 وهُو عُطا رُسُل وأنبِيا ومُبشرين وراعيين وشيوخة، 12 باش يُوجَّد المُقدّسين لخدمة الله، لبنيان دات المسيح، 13 حَتَى نَوَّصلو كامَل لوَحدة وعنار. الريح اللي يُجي يَدّينا فالتَعليم القايَم على حيلة الناس والخدّع اللي يَدّي لفَخّة الضْياع. 15 بالحق والحُبّة، نكَّبرو ليه في كُل شي، هُوَ الراس، المَسيح، 16 اللي مَنو تَتَرَكّب الدات محكومة ومَتلاصقة بكُل مَفصَل على حُساب قُدرة ليه في كُل شي، هُوَ الراس، المَسيح، 16 اللي مَنو تَتَرَكّب الدات محكومة ومَتلاصقة بكُل مَفصَل على حُساب قُدرة عجود كُل طرف باش تَوصَل الدات باش تَبّنا فالحُبّة.

17 هاو واش نقول ونَشَهَد فالرَب: ما لازَمش تُزيدو تُعيشو كي الكُفّار، اللي يَمشيو على حُساب الباطَل مْتاع عُقولهُم، 18 عُقلهُم مَضلام، برَّانِين على حْياة الله على جال الجُهَل اللي فيهُم وفْساوة قُلوبهُم. 19 ما وَلاَوش يُحَسّو، عُقولهُم، 18 عُقلهُم مَضلام، برَّانِين على حْياة الله على جال الجُهَل اللي فيهُم وفْساوة قُلوبهُم، ماشي هَكدا تُعلَّمُتو المَسيح، سَلّمو نُفوسهُم للفَسق باش يُديرو كُل نوع مُتاع اللي في يَسوع، 22 تُخلِّيو السيرة اللي كانَت عَندَكُم، مُتاع الإنسان القُديم اللي فَسّدوه الشَهوات الخَلّاعين، 23 وتَتَجَدّدو في روح عُقولكُم، 24 وتلَّبسو الإنسان الجُديد، المُخلوق على صفة الله في صلاح وقداسة اللي يُحيو بالحق. 25 على هَدا، أرميو عليكُم الكُدَب، وأهَّدرو بيناتكُم بالحق، خاطر حْنا طُراف بعضنا بَعض. 26 وَلاَ تَغَشَّشتو، ما تُديروش الدُنوب، وما تُخلّيوش الشَمس تَغرَب على زْعافكُم، 27 ما تُخلّيوش السَبة لا بليس. 28 وَلاَ كُل كان يَسرَق، لازَم يُحبَّس السَرقة ويُخدَم ويُدير حاجات مُلاح بيديه باش يَقدَر يَعاون الحُتاج، لا بليس. 28 مَل كُمّة ما لازَم تُخبَّس اللي نَطبَعتو بيه ليوم الفُدا، أدَم أَنْ في وَسطكُم حَتَّى مُرارة، حَتَّى عُقد، حَتَى عُلكُم، عَل وَلو كُلام مُديح يَخدَم البَيان ويُوصَّل نَعمة للي يَسَمعوه، عَش، حَتَى عُياط، حَتَى مُرارة، حَتَى نوع مُتاع الشَر، 26 كونو رُحَا مع بَعضكُم بَعض ونْسامحو كيما سامحكم الله فلكسيح.

5

كونو كيما الله كي الولاد الحجوبين، ² سيرو فالحجبّة، كيما حَبّنا المسيح وسَلّم روحو على جالنا ضحيّة ودبيحة لله
 ريحتها مليحة.

<sup>8</sup> الزِنا وكُل غُجاسة والطُمَع، ما لاَزَمش حَتَى يَندُكُو بيناتَكُم، كيما يُليق بالقَدّيسين، <sup>4</sup> الكُلام الخاطي، والهَدرة بلا مَعنى والقُصرة الشينة ما يُليقوش، الحَمد هُو اللي يُليق، <sup>5</sup> راكُم عارفين باللي حَتَى زاني وَلاّ ناجَس وَلاّ طَمّاع وَلاّ مُشرك م مُشرك ما عَندو الوَرت في مَلكوت المَسيح والله، <sup>6</sup> ما يُغَرِّكُم حَتَى واحَد بكُلام فارغ، خاطَر على جال هاد الشي اللي يُجي زْعاف الله على ولاد العصيان، <sup>7</sup> ما تشاركوهُمش. <sup>8</sup> كُنتو زْمان ضْلام، ودُرك راكم نور فالرَب، أمشيو على سيرة ولاد النور، <sup>9</sup> خاطَر عَلَة النور الخير والصلاح والحق. <sup>10</sup> مَيّزو هكدا الشي اللي يُرضي الرَب، <sup>11</sup> وما يَشَركوش في فعال الضّلام اللي بلا فايدة، بالعكس، أَكَشفوهُم، <sup>21</sup> خاطَر الشي اللي راهو يَندار بالتّخبيّة، عيب حَتَى باش الواحَد يَهدَر عليه، <sup>13</sup> بَصَّح الشي اللي يُنكشَف يَضَهر فالنور، <sup>14</sup> وكامَل اللي يَضهَر هُو نور، وعلى هَدا تشافرن يا الواقد وقوم من الموت، يْضَو يَلك المَسيح."

15 هِمَّالا، رَدُّو بَالكُمْ مُلِيحِ كيفاش شَيرُو، ماشي كي الجايحين، كي العاقلين 16 اللي يُفارصو فالوَقت خاطَر اليامات مَشرارين، 17 على هَدا، ما تُكونوش جايحين وأفَّهمو مُراد الرَب. 18 ما تَسَكَرُوش بالشُراب اللي يُوصَّل لخُرجان الطريق، أتعَمَّرو بالروح، 19 كَلَّهو بَعضُكُم بَمَزامير وأناشيد وترانيم روحيّة، غَنيّو وحْتَفُلو برَبّكُم، 10 أشَّكُرو دايمًا على كُل شي في آسَم رَبّنا المَسيح، الله والآب. 21 أخَّضعو لبَعضكُم بَعض في خوف المَسيح.

النسا والرجال

<sup>22</sup> النْسا لازَم يْكونو مَنطاعين لرْجالهُم كيما للرَب، <sup>23</sup> خاطَر الراجَل هُوَ راس المْرا كيما المَسيح راس الكَنيسة، هُوَ سَلاّك الدات. <sup>24</sup> وكيما الكَنيسة مَنطاعة للمَسيح، هَكدا لازَم يْكونو النْسا مَنطاعين لرْجالهُم في كُل شي. <sup>25</sup> يا رُجال، حَبِّو نْسَاكُم، كيما حَب المُسيح الكنيسة وَسَلَم نَفُسو على جالها، <sup>26</sup> باش يُقَدَّسَها ويْطَهَرها بَمَعموديّة الما وبالكَلمة، <sup>27</sup> باش يُقَدَّمها لنفسو كنيسة تجيدة، ما فيها حَتَّى وْسَخ وَلا تَكميش وَلا حاجة هَكداك. بالعكس، تُكون مُقدّسة ما فيها حَتَّى نقص. <sup>28</sup> هَكدا، لازَم على الرْجال يُحبّو نساهُم كيما يُحبّو داتهُم، اللي يُحب مَرتو يُحب نفسو. <sup>29</sup> واحَد ما يَكرَه داتو، بالعكس، يُطعَّمها ويُلتها بيها كيما يُدير المسيح للكنيسة، <sup>30</sup> خاطر حْنا طُراف في داتو، <sup>31</sup> على هَدا، "يُخلِّي الراجل باباه ويمَّاه ويلَمَّق في مَرتو ويُولِّيو دات واحدة"، <sup>32</sup> هاد السَر كُبير، راني نَهدَر على المُسيح وعلى الكنيسة، <sup>33</sup> وأتتوم، كُل واحَد فيكُم لازَم يُحب مَرتو كيما يُحب نفسو، والمُرا لازَم تُهاب راجَلها.

6

### الدْراري والوالدين

1 يا وْلاد، طيعو والديكُم فالرَب، خاطَر هَدا حَق، 2 "كَرَّم باباك ويَمَّاك"، هَدي هِيَ الْوصِيَّة الأولى ومعاها وَعد: 3 "باش تَسعَد وتْعيش بَرَّاف فوق الأرض"، 4 وأنتومَ يا الوالدين، ما تْزَعّفوش وْلادَكُم، وَرَبَّيوهُم فالتَّربية والتَعليم مْتاع الرَب.

## العْبيد والأسياد

أي العبيد، طيعو سيادكم على حساب الدات، بالخوف والرَهبة والقَلب الصافي كيما تطيعو المسيح، 6 ماشي غير قُدّام عينيهُم باش بَرك تُرضّيو الناس. كونو كي عبيد المسيح، دايرين مُراد الله من قُلوبكم. 7 أخّدمو بنية صافية كي اللي رائح تُخّدمو الرَب ماشي الناس، 8 وأعّرفو باللي كل واحد، حُر وَلا عَبد، لو كان يُدير الخير، يُنال الآجر من عَند الرَب. 9 وأنتومَ يا الأسياد، سيرو معاهُم كيف كيف. ما تُهدّدوهُمش، وأعَّرفو باللي كي أنتومَ كي هوم، سيدكم راهو فالسْما وهُو ما يُديرش الفراق.

# سْلاح الله الكامَل

10 الحَصون، أَتَقَوّا و فالرَب و في قُوّة القُدرة مْتاعو، 11 ألّبسو كامَل سُلاح الله باش تَقَدرو تَتَبتو قُدام فَخَخ إبليس، 12 خاطَر ما راناش نحاربو الخَم والدم، حَربنا راهي مع الريّاس والسُلاطَن وحُكّام هاد الدَنيا مْتاع الضْلام ورْواح الشَّر اللي فالسْماوات. 13 على هَدا، أرَّفدو سُلاح الله باش تَقَدرو ثقاومو في يوم الشَر وتَتَبتو بَعدما تُكونو حاربتو حَقّى للآخَر. 14 أبقاو واقفين، عُخِزَمين كُلاويكُم بالحَق، لابسين دَرع الصْلاح، 15 ألبَّسو في رَجليكُم القْفازة لبْشارة السُلام، 16 شَدّو كُل ما ثوالم دَرف الايمان باش تَقَدرو ثطفيو النشاشب الشاعلين مُتاع الحيلي، 17 أدّيو كاسك السُلاك، وسيف الروح اللي هُو كُلمة الله، 18 أتَبتو فالروح في كُل وَقت بكُل صْلاة وتحلال. أتَبتو في هاد الشي وصَلّيو لكامَل القَدّيسين، 19 وصَلّيولي أنا تاني باش يُعطالي الكُلام كي غُلَ فَيّي باش غُنَبَر عيناني بسَر الإنجيل، 20 اللي راني ليه سَفير فالسناسَل، وباش نقدَر نَهدَر عليه عيناني على حُساب اللي يَلزَم عليَّ نُبرَّح بيه.

## سْلام ومحْبَة

21 وباش تَعَرفو تاني الشي اللي يُخصَّني وواش راني ندير، هاد الشي كامَل يُخبَّرُكُم بيه تيشيك خوي الحبيب والخدّام الحلالي فالرَب، 22 راني بْعَهولكُم على هاد الشي، باش تَعَرفو حوالنا وباش يْفَرَّح قْلوبكُم.

رسالة مَا النَّسَولِ بَوْلُسَ رِسَالَةُ عَمَّا اللَّهِ الْآبُ وَالرَّبِ يَسُوعَ الْمَسِيح، <sup>24</sup> النَّعمة مع كَامَل اللّي يُحْبَّو رَبّنا يُسُوع الْمَسِيح، <sup>24</sup> النَّعمة مع كَامَل اللّي يُحْبَّو رَبّنا يَسُوع الْمَسِيح عُجْبّة ما تُزولش.

# رِسَالَةُ بُولُسَ ٱلرَّسُولِ إِلَى أَهْلِ فِيلِبِّي

بولَس أَسَّس كَنيسة فيلِيّي فالسْفَر مْتاعو التاني. كانَت هَديك هِيَ الكَنيسة الأولى اللي أَسَّسها بولَس في أوروبا. مْدينة فيليّي جايّة في شَمال شَرق اليونان، في بْلاد مَقدونية.

بْرِيّة بولَس للمَسيحِيّين مْتاع فيلِيّ تُبَيَّن العَلاقة القُوِيّة اللي كانَت بين بولَس والكَنيسة واللي حَب بولَس يُقوِّيها كُتَرَ، راهو فالحَبس، يَتعَدَّب على جال اللي ما يَقدَرش يَخدَم الفيلبِّيين، يْقولَلهُم باللي يُحْبَهُم وباللي راهو مُحَيَّر عليهُم خاطر ناس واحَدُخرين برَّحولهُم بالمَسيح بنِيّة ماشي صافية وحَبّو يَدُّغلوهُم. يَتَمَّن بولَس يَبعَتَّلهُم اللي يَخَدَّمو معاه باش يُوقفو معاهُم ويُجيبولو خْبارهُم. من جيهَهُم، المَسيحِيِّين مْتاع فيلبِّي بَعتو هْديات لبولَس وهُو بْعَت يَشكُرهُم، يَنصَحهُم ويُسجَعهُم في إيمانهُم.

بولَس يُحط قُدَّام عينين الفيلِبِيين حْياة وموت الرَب يَسوع، يَسوع خَلاَّ كامَل واش عَندو، وعلى هَدا حَطّو الله فوق كُل شي وكُل واحَد. بولَس تاني خَلاَّ الشي اللي كان كاسبو من الدين اللي كان فيه وقْبَل يَتعَدَّب على جال يَسوع المَسيح، راهو فالحَبس واجَد باش يْسبَّل حْياتو ويْقول للفيلبِّين يْديرو كيما هُوَ.

في كامَل بْرِيَّتُو، يَحَكِي بُولَس على الفَرحة اللي لْقاها فالإيمان، يْسَجَّع الفيلبّيين باش يْعيشو في هاد الفَرحة اللي تَبقا في وَقت الشّدايَد والحُمايَن كي يْكُونُو المُسيحِيّين مَتَوحّدين بيناتُهُم ومع الرَب يَسوع.

1 من بولَس وتيموتاوَس، خَدَّامين المَسيح يَسوع، لكامَل القَدَّيسين فالمَسيح يَسوع اللي راهُم في فيلبِّي، اللي يُسَيِّرو واللي يْعاونو، 2 النَّعمة ليكُم والسَّلام من عَند الله بابانا والرَب يَسوع المَسيح.

شُكر وصْلاة

<sup>6</sup> تَحَدَ رَبِّي عليكُم كُل ما نَدَكُرُكُم، <sup>4</sup> دايمًا، كُل ما نُصليّلكُم، نُصليّلكُم كامَل بالفَرحة، <sup>5</sup> خاطَر شْركتو فالتَبشير من النُهار الأوَّل حَتَّى لدُرك. <sup>6</sup> راني مَقتَنع بهاد الشي، باللي اللي بْدا فيكُم خَدمة مْليحة، يُكَلَّها حَتَّى لليوم مْتاع يَسوع المَسيح. <sup>7</sup> من حَقِّي نُخَمَّم هَكَدا فيكُم كامَل، خاطَر راني رافَدكُم في قابي، أنتوم اللي تَشْركوني فالنَعمة في سْناسلي وكي نْدافَع ونْتَبَّت الإنجيل، <sup>8</sup> والله يَشَهد عليَّ شُحال راني مَتوَحَّشكُم كامَل في مُحَبَّة المَسيح يَسوع، <sup>9</sup> وراني نَطلَب في صلاتي هاد الشي: باش تُريد عُبَّتَكُم كُتَر وَكْتَر فالمَعرِفة الحقانية والفهامة، <sup>10</sup> باش تُميزو الصَح، وتُكونو صافيين، ما فيكم حَتَّى نُقص في يوم المَسيح، <sup>11</sup> وتُكونو مُعمَّرين بعَلة الصْلاح اللي بيسوع المَسيح لمَجد وتَسبيح الله.

شاع الإنجيل على جال سْناسُل بولَس

12 رآني حابكُم تَعَرفو يا الخاوة باللي على جال واش صْرالي زاد شاع الإنجيل، 13 خاطَر نَعرَف في دار الشْرَع وكامَل المُدارَب الأُخرين باللي راني فالحبَس على جال المُسيح. 14 بَرَّاف من الخاوة فالرَب، اللي زادَت تيقَتُهُم كي شافوني فالسْناسَل، وما وَلاّوش يُخافو يُبرَّحو بكُلام الله، 15 صَح كلين اللي راهُم يْديروها غيرة، وكليَن اللي يُحبَّو يُغالبو بَصَّح كلين اللي نيَّتُهُم غير باش يُبرَّحو بالمُسيح. 16 كلين اللي عَندهُم الحُبَّة وعارفين باللي راني هنا باش نْدافَع على

الإنجيل، 17 وكابَن اللي نِيَّتُهُم ماشي صافية ويْبرَّحو بالمَسيح غيرة، حاسبين باللي يْزيدولي الهَم وأنا فالحبَس. 18 واش؟ على كُل حال، بنيّة صافية وَلا بنيّة ماشي صافية، راهو يَتبرَّح بالمسيح، وهاد الشي فَرَّحني ويْزيد يْفَرَّحني، 19 خاطَر راني عارَف باللي هاد الشي يْفيد لسْلاكي، على جال صْلاتكُم ومْعاونة روح يَسوع المَسيح، 20 على حْساب مُنايَ ورْجايَ: نشا الله ما نَحشَم بحقّ شي، ويَبقا الله دُرك ودايًا يَتَعشَّم عيناني في داتي، فالحيْاة وَلا فالمَماة، 21 خاطَر أنا عندي الحيْاة هِي المَسيح والموت رُبّح، 22 بَصَّح وَلا كانَت الحيْاة فالدات هِي غَلَة خَدَّمتِي، ما رانيش عارَف واش غُنيَّر؟ 23 راني مَقسوم بين زوج: راني حاب نُروح ونُكون مع المَسيح، وهاد الشي خير لي، 24 بَصَّح على جالكُم، خير لو كان نَبقا فالدات. 25 راني واتَق باللي رائع نُقعَد ونَبقا مُعاكُم باش يَتَقدمو وتَقَرحو فالإيمان، 26 باش على جال اللي نُعاوَد نُكون معاكمٌ ثريدو تَقَحرو فالمَسيح يَسوع.

27 سيرو بَرك قُدَّام الناس بصِفة تْليق بإنجيل المَسيح، باش وَلاَّ جيت وشَفتكُم وَلاَّ بْقيت غايَب، نَسَمَع عليكُم باللي راكُم تابتين بروح واحدة ونَفَس واحدة، ثَجاهدو كيف كيف على جال الإيمان اللي فالإنجيل، <sup>28</sup> وما ثُخافو في والو من العَديان. ليهُم بَرهان المُلاك وليكُم بَرهان السُلاك من عَند الله. <sup>29</sup> خاطَر نَعطالكُم فالمَسيح ماشي يَرك باش تامنو بيه، باش تتَعَدَّبو على جالو تاني، <sup>30</sup> وتُجاهدو كيما شَفتوني أنا وكيما راكُم تَسَّمعو على.

2

# المُسيح المُتواضَع

أَ وَلا كَايَن فالمَسِيح العْزا، التَسجيع فالحُبَّة، الشَرِكة فالروح، الحُنانة والرَحمة، 2 همّالا كَبُلو فَرحتي وخَلَيو عَندَكُم سيرة واحدة، عُبَّة واحدة، نَفس واحدة وتَخَام واحَد. 3 ما تُديرو والو بقَصد اللي تحبو تكونو خير من الأُخرين، وَلا على جال الزوخ. كونو مَتواضعين مع بَعضكُم بَعض، وكُل واحَد شايَف الأُخرين خير مَنّو. 4 ما تُخمّوش غير على مَصلَحتَكُم، خَمّو على مَصلحة الأخرين تاني، 5 كونو هكذا بيناتكُم، كيما لازَم يُكون اللي في يَسوع المَسيح، 6 هُو، اللي كان في صِفة الله، وما حَوِّسش يْساوي الله، 7 بالعكس، عَرّا روحو وأدّا صِفة العَبد ووَلا يْشَبّه للناس، صِفتو صِفة بْنادَم. 8 هَبَّط روحو هُوّ بالدات، وكان طايع حَتّى للموت، موت الصُليب. 9 على هَدا اللي طَلّعو الله وعُطالو الآسَم اللي فوق كُل آسَم، 10 باش بآسَم يَسوع كُل رُكبة فالسُما وَلا فالأرض وَلا تَحَت الأرض تَركع، 11 وكُل لُستَعرف باللي يَسوع المَسيح هُو الرب لمجَد الله الآب.

## نُوَّرو الدَّنيا

12 وهَكَدَا يَا حْبَابِي، كَيْمَا كُنتُو دَايَمًا طَايِعِين، أَبْقَاوِ طَايِعِين ماشي غير كِي نُكُون حَاضَر. بالعَكْس، طَيْعُو كُثَر فِي غَيْايِي وَأَخَّدُمُو لُسُلاكُمُ بَخُوف ورَهْبَة، 13 خَاطُر الله هُو اللي يُحَط فَيْكُم خُبّة وفَعَل الخير. 14 ديرو كل شي بلا شْكَاوِي وبلا مْغَالْبَة، 15 باش ما يُكُون فَيْكُم حَتَى نَقْص وتُكُونُو صَافِين، وْلاد الله بلا عيب في وَسط جيل مُعَوَّج وفاسَد، تُضَوِّيو بيناتَهُم كِي المُشَاعَل فالدَنيا، 16 شادّين في كُلِمة الحياة حَتَّى ليوم المَسيح باش نَفخَر أنا باللي ما جُريتش وما تُعَبّش باطَل. 17 إيمانكُم دْبِيحة وخَدمة لله، حَتَّى لو كان يْسيل دَمِّي فوق هاد الدْبيحة، راني نَفْرَح بهاد الشي ونَفْرَح معاكُم كامَل. 18 أَفَرَحو أتنومَ تاني بهاد الشي وأَفَرحو معايَ.

تیموتاوَس و أبفَرودیتَس

19 نَمْنَنَا فَالرَب يَسوع ما نُطَوَّلُش وَنَبَعَتَلَكُمْ تَيُمُوتاُوس، باش أنا تاني نَسَجَع كي نَسَمَع بحُوالكُم، 20 خاطر ما عَنديش اللي عَندو القَلب عليكُم كيما أناي ويُخَمَّم بالصَح على حُوالكُم، 21 خاطَر كامَل يُحَوَّسُو على مُصالحَهُم ماشي على مُصالحَ يَسوع المَسيح. 22 بَصَّح تَيُوتاُوس، تَعَرفو واش يَسوا، خُدَم معاي للإنجيل كي الوُلَد مع باباه، 23 هُو اللي نَمَّنَا نَبعَتَهُولكُم غير ثبان دَعَوتِي، 24 وراني مَقتَنَع فالرَب باللي أنا تاني قُريب نُجي، 25 بَصَّح شَفت باللي لازَم نَبعَتَلكُم وَتَقَلَق أَيْفُود يَنَس، الخو، الخَدّام معاي ورْفيقي فالحَرب، اللي بعتتوهولي ووصّيتوه باش يُلتَها بِيّ، 26 خاطَر ثوَحَشُكُم وتَقَلَق كي عُرَفتو باللي كان مُريض. 27 صَح كان مُريض وقريب مات، بَصَّح الله شُفق عليه، وماشي بَرك عليه، علي أنا تاني باش ما نزيدش حُزن فوق حُزن. 28 هِمَالا نُغاوَل نَبعَتهولكُم باش تُعاودو تَشَرحو كي تُشوفوه ويَنقَص الحُزن مُتاعي. 29 أستَقبلوه فالرَب بكُل فَرح وكَرَّمُو اللي بُعالو، 30 خاطَر على جال خَدمة المَسيح اللي قُريب مات وسَبَّل حَياتو باش، في غيابكُم، يَغَذمني في مُكانكُم.

3

## الواحُد ما يَتكَلش على الدات

المحكون يا خاوتي، أفَّر حو فالرَب. ما غُلش وأنا نعاود نكتبَّلكُم هاد الحاجات، وهاد الشي مُليح ليكُم. ² ردّو بالكُم من الكُلاب، ردّو بالكُم من اللي خْتانَتُهم ماشي حَقانيّة، ³ خاطر المُختّنين حْنا اللي نَعْبَدو الله بروح الله، تَتكلو على يَسوع المسيح وما نَفْخروش بالدات. ⁴ نقدر أنا تاني نفخر بالدات، وَلا واحَدآخر حُسَب روحو يَقدَر يَفخر بالدات، أنا كُترَ مَنّو: ⁵ وَلا على الخْتانة، خُنتَّن فاليوم التامَن، من سُلالة إسرائيل، من فيبيم ورحو يَقدَر يُفخر بالدات، أنا كُتر مَنّو: ⁵ وَلا على الخْتانة، خُنتَّن فاليوم التامَن، من سُلالة إسرائيل، من الشَّريعة، ما كانش واش تُقولو فِيَّ، 7 بَصَّح الشي اللي كُنت شايفو رْبَح، وَلِيت نُشوفو حُسارة في خاطر المسيح، الشَّريعة، ما كانش واش تُقولو فِيَّ، 5 بَصَّح الشي اللي كُنت شايفو رْبَح، وَلِيت نُشوفو حُسارة في خاطرو الشَيع، فاطرو خسرت كُل شي وحُسَبتو رْبَل باش نَرْبَع المَسيح، و ونْكون فيه ماشي بصْلاحي، الصْلاح مُتاع الشَريعة، نُكون فيه بالصُلاح اللي بالإيمان بالمَسيح، الصُلاح اللي يُجي من الله وقايَم على الإيمان، 10 باش نَعْرفو هُو وَقُدرة قيامتو والشَركة في عْدابو، ونْكون بْعالو في موتو، 11 باش بَلاك ننال القِيامة، اللي من الموت.

# الواحَد يُجري باش يُوصَل

12 ماشي مَعنَتها راني وْصَلت وكَمَّلت، بَصَّح راني نَجري باش نَملَك كيما مْلكني المَسيح يَسوع. 13 يا الخاوة، ما رانيش حاسب روحي رْبَحت، بَصَّح حاجة واحدة تُهمّني، نَسا واش كايَن موراي ونَمشي للقُدّام، 14 نَجري للشي اللهي حبّيت نلحق ليه، على جال جايزة دَعوة الله العالية فالمسيح يَسوع. 15 لازَم علينا كامَل حْنا اللي كاملين ثُخّمو اللهي حَداد، وَلاّ كان عَندَكُم راي واحَدآنُحر، الله يَهديكُم في هاد الشي تاني، 16 بَصَّح للحَد اللي وْصَلنالو، غير نَكَّلو في طْريق واحدة.

17 ديرو كيما أناي كامل يا الخاوة وحَطّو بالكُم على اللي راهُم يَشيو في سيرَتنا، 18 خاطر كايَن بَرّاف اللي يْسيرو سيرة عَديان صْليب المسيح، شخال من مَرّة هْدَرتلكُم عليهُم، ودُرك راني نَهدَر عليهُم وأنا نَبكي، 19 آخرَتهُم الهٰلاك،

إِلَمْهُمْ كُرُوشُهُمْ، يَفَخرُو بعارهُم ويُخَمِّمو غير في شي الدَنيا. <sup>20</sup> بَصَّح حْنا، بْلادنا راهي فالسَّما، ومن تَمَ اللي نَسَتَناو السَلاّك، الرَب يَسوع المَسيح، <sup>12</sup> اللي رايح يَبْدَّل داتنا الضْعيفة ويْرَدَّها كيما دات الجَد مْتاعو على حْساب قُوّة القُدرة اللي عَندو واللي يَقدَر بيها يُحَط كُل شي تَحت يَدّو.

4

1 هِمَّالاً يا خاوتي العْزاز اللي تْوَحَّشتُهم، أنتومَ فَرحي وتاج راسي، أبقاو تابتين هَكدا فالرَب يا حْبابي.

بولَس يَنصَح حْبابو

<sup>2</sup> نَطَلَب من أَفُودِيَّة ونَطَلب من سِنتيخي باش يُكون تَخامكُم واحَد فالرَب، ³ ونَطَلَب منَّك أَنتَ تاني، يا شْريكي الحَقَاني، عاوَنهُم هومَ اللي جاهدو معايَ في خاطر الإنجيل، مع أكليمَندَس تاني والأُخرِين اللي خَدمو معايَ واللي أسماواتهُم راهُم في ثُمَّاب الحْياة.

<sup>4</sup> أَقَرَحو فالرَب في كُل وَقت، نزيد نقولَكُم، أَقَرحو. <sup>5</sup> لازَم مْلاَحَتكُم تُكون مَعروفة عَند كامَل الناس، الرَب راهو قْريب. <sup>6</sup> ما تَتَقَلقو على والو، وخَبَرو الله بحاجَتكُم في كُل شي بالصْلاة والتَحلال والحَمد، <sup>7</sup> وهْنا الله اللي فوق ما يَقدر يَفهَم العْقَل، يَحفَض قْلوبكُم وتَتَخامكُم فالمَسيح يَسوع.

8 الحَصونُ، يا الخاوة، كُل ماهو ُحق، كُلُ ماهو جَّليل، كُل ماهو صالحَ، كُل ماهو طاهَر، كُل ماهو يْفَرَّح، كُل ماهو مَعروف بالمْلاحة، كاش فْضيلة، كاش مْديج، في هاد الشي شَغلو بالكُم، <sup>9</sup> الشي اللي تُعَلَّمتوه ونَلتوه وسُمَعتوه وشَفتوه عَندي، ديروه وإلَه الهْنا يْكون معاكمُ.

# يَشَكُّرُهُم على تَخامِهُم عليه

10 فُرَحتُ فَالرَب بَرَافُ اللي عاودتو وَلَيْتو تُحُمِّمو عِليَّ، كُنتو تُحَمِّمو بَصَّح ما جاتش السَبة، 11 ما رانيش نَهدَر على جال الحوج، خاطَر تَعَلَّمت نُكُون فَرحان فالحالة اللي راني فيها، 12 نَعرَف نُكُون فالضيق ونَعرَف نُكُون فالوْسَع، في جال الحوج، خاطَر تُعلَّمت نُكُون فالمسَبعة والجوع، نُكُون فالوُسَع ونُكُون فالضيق، 13 نَقَدَر على كُل شي بالله كُل شي بالله يُقوِّيني، 14 بَصَّح عُملتو مُليح كي شاركتوني في عُحَّتي، 15 رائمُ عارفين تاني أنتومَ يا ناس فيليّي باللي فالبَدية مْتاع بشارة الإنجيل، كي رُحت من مَقدونيّة، حَتّى كنيسة ما دَخلَت معايَ في حُساب المَدخول والمَصروف من غيركُم، أَنْ خَوَل والمَحروف من غيركُم، أَنْ الزايدة في حُسابُكُم، 18 كُل شي وْصَلني وراني فالوْسَع، تُعَمَّرت بالشي اللي وَصَّلهولي أَبْفرود يَلَس من عَدلكُم، كي البُخور اللي ريحتو مُليحة، صُحيّة مَقبولة، تُرضّي الله، 19 وإلَحي رائح يُوفِي كامَل حاجَتُكُم، على حُساب غُناه فالجَد فالمَسيح يَسوع. 20 لإكفنا وبابانا الجَد للدُوام.

شلام

<sup>21</sup> سَلَّبُو عَلَى كُل قَدَّيس فالمَسيح يَسوع، يُسَلَّبُو عليكُم الخاوة اللي راهُم معايَ، <sup>22</sup> كامَل القَدَّيسين يُسلَّبُو عليكُم، بخْصاص مْتاع دار قَيصَر. <sup>23</sup> نَعمة الرَب يَسوع المَسيح مع روحكُم.

# رِسَالَةُ بُولُسَ ٱلرَّسُولِ إِلَى أَهْلِ كُولُوسِّي

كولوسي مْدينة جايّة في غَرب آسيا الصُغرى )التُرك دُرك.( بْلا شَك بولَس عَمرو ما راح للكَنيسة اللي فيها، وأَبفراس صاحبو فالخَدَمة هُو اللي أسَّسها. عْرَف بولَس باللي كايَن ناس كانو يْغَرّو المَسيحيّين في كَنيسة كولوسي ويَعطيوَلهُم تَعليم ضَد بْشارة يَسوع المُسيح. كانو حابيّنهُم يُتَبعو العوايد القُدَم ويَعَبدو الأرواح اللي عَندهُم حُكمة فالدُنيا. بولَس كان فالحَبس وما كانش قادَر يُروح لعَندهُم، همّالا كُتَبْلهُم.

هاد البُرِيّة تَوصَف المَسيح اللي خَيْرُو الله وبَعتو باش يُسَلَّك بْني آدَم. في كولوسي كانو الناس يْخافو من الأرواح بَصَّح بولَس حَب يْبَيَّنَالُهُم باللي المَسيح قُوي عليهُم كامَل. كي مات على الصْليب نَحَا القُوّة لخطيّة بنادَم والله نَحَا الحُكمة لكُل قُوَّة وكُل قُدرة كي رَد الحْياة للمَسيح وْليدو. المَسيح هُو راس الكَنيسة والكَنيسة هِي دات المَسيح. هُو رايس المومنين مَعنتَها هُو اللي يُقُوَّدهُم في حْياة جْديدة مع الله. بالمَعموديّة المومنين يْشاركو في مَماة وحْياة المَسيح، ويُوليو بْني آدَم جْدَد.

الشي اللي قالو بولَس في بْرِيّتو للكولوسِيّين ما زالو صحيح في هاد الزْمان: المَسيح يْسَلَّك بْنِي آدَم من كُل قُوّة شَرَّانِيّة، ويْحَرَّرُهُم من كُل شي يَقسَمهُم ويْفَرَّقُهُم.

ا من بولَس رَسول المَسيح يَسوع بمُراد الله والأخ تيموتاوَس، ² للقَدّيسين والخاوة المومنين فالمَسيح. نَعمة وسْلام ليكُم من عَند الله بابانا.

#### شكر وصْلاة

قَنَّحُدُو الله بَابَاةَ رَبنا يَسوع المَسيح، ونْصَلّيو دايمًا على جالكُم، 4 كي شَمَعنا على إيمانكُم بالمَسيح يَسوع وغُحَبَّتُكُم لكامَل القَدّيسين، 5 على جال الرْجا اللي تُوَجَّدُ لكُم فالسْماوات، اللي شُمَعتو بيه من قُبَل في كُلام الحَق تَع الإنجيل، 6 اللي سُمَعتو وصُل ليكُم كيما وصَل لكامَل الدّنيا، وراهو يُجيب فيها غَلَّة ويُكبَر كيما راهو يُجيب غَلَّة ويُكبَر فيكُم من اللي سُمَعتو وعُرفتو نَعمة الله فالحق، 7 كيما تُعلَّتو من أبقراس الحبيب اللي يَخدَم معانا واللي هُو عَندُكُم خَدّام حْلالي للمَسيح، 8 واللي وَرّالنا عُجَبَّتُكُم فالروح، 9 على هَدا، حْنا تاني من اليوم اللي شُمَعنا بهاد الشي وحْنا غير نُصليو ونَطَّلبو باش تُعمَّرو بَعمِوفة المُراد مُتاعو في كُل حِكمة وفْهامة فالروح، 10 باش تَمَشيو كيما يْلِيق بالرَب باش تَعَجبوه في كُل شي وتُجيبو غلّة في كُل فعل خير وتكَبَّرو في مَعرِفة الله، 11 بكُل قُوّة وتُوليو قادرين على كُل شي على حُساب قُوة بَحدو للنّبات والصُبَر مع الفَرح، 12 وتَشُكُرو الآب اللي رَجَّعكم قادرين يُكونَلكُم النّصيب في ميرات القَدّيسين فالنور، 13 هُو اللي سَكَمًا من قُدرة الشّدام وأدّانا لمَلكوت وليدو الحبيب، 14 واللي فيه عَدنا الفّدا، عُفران الدُنوب.

## قيمة وشان المُسيح

15 هُوَ صورة الله اللي ما يَنشافش، البُكر في كامَل الخلَق. <sup>16</sup> خاطَر فيه اللي نَخلَق كُل شي، فالسْماوات وعلى الأَرض، اللي يَنشاف واللي ما يَنشافش، عْروش وَلاّ سْياد وَلّا رِيّاس وَلّا سْلاطَن، كُل شي بيه وليه نَخلَق،

17 هُو قَبَل كُل شي وكُل شي يَحيا بيه. <sup>18</sup> هُوَ راس الدات، مْتاع الكَنيسة، هُوَ البَدية والبُكَر مَن بين الموتى،\* باش يُكون هُوَ الأوَّل في كُل شي، <sup>19</sup> خاطَر فيه اللي حَب يَسكُن كُل كَال، <sup>20</sup> وباش يُصالحَ بيه كُل شي مع نَفسو، كي أسَّس السَّلام بدَم صْليبو مع اللي على الأرض واللي فالسَّما.

<sup>21</sup> وأنتومَ اللي زْمان وَّليتو غُرَابا وَعَديان بالتَخمام فالْفعال الدونيِّين، <sup>22</sup> بَصَّح دُرك صالحَ بيناتكُم بالموت في داتو مْتاع بْنادم، باش يْقَدَّمكُم مْقَديسين، بلا عيب ولا لوم عليكُم، <sup>23</sup> هات بَرك تَبقاو فالإيمان اللي تُأسستو فيه وتتَّبتو وما تُبعدوش على رْجا الإنجيل اللي سُمَعتوه، اللي تُبَرَّح بيه لكامَل الخَلق تَحت السَّما، واللي وَلِّيت أنا بولَس خْديم ليه.

## خُدمة بولَس في خاطَر الكَنيسة

<sup>24</sup> دُرك نَفرَح بالعْداب اللي في خاطَرَكُم، ونُكَبَّل أنا تاني في داتي اللي بْقا من وْجاع المَسيح على جال داتو اللي هي الكَنيسة، <sup>25</sup> اللي وَلِيّت ليها خْديم على حْساب مُراد الله لِيَّ، باش نَكَّل نُوصَّلْلَكُم كَلمة الله، <sup>26</sup> السَر الخَبِّي من زُمان الزَمان ومن جْيال واللي دُرك نكشف للقَدّيسين مْتاعو. <sup>27</sup> ليهُم اللي حَب الله يَبيَّن غْنا مجد هاد السَر عَند اللي ماشي يْهود، واللي هُوَ المَسيح فيكُم، رْجا الجَحد، <sup>28</sup> اللي حْنا نُخبَرو بيه ونْحَدّرو كُل إنسان ونْعَلّموه بالعْقَل باش نُقَدَّموه كامَل فالمَسيح، <sup>29</sup> وعلى هَدا تاني، نَعَب ونْجاهَد بالقُدرة مْتاعو اللي تَخَدَم فيَّ بقُوّة.

#### 2

أ إيه، راني حابكُم تَعَرفو واش راني غُحارَب على جالكُم، اللي في لاودكيّة وكامَل اللي ما شافوش صِفة وَجهي، 2 باش يَهَدنو قُلوبهُم ويَتَوَحدو فالحُبّة باش يَوْصلو لغْنا كْمَال الفْهامة ويَعَرفو سَر الله، اللي هُوَ المَسيح، 3 فيه اللي راهُم غُنبيين كُنوز العُقَل والمَعرِفة. 4 نُقول هاد الشي باش واحَد ما يْغَرَّكُم بالكُلام المُعسَّل، 5 خاطَر والو راني غايب بالدات، بَصَّح بالروح راني معاكُم، فَرحان كي نُشوف نِضامكُم وتْبات إيمانكُم فالمَسيح.

## الحيَّاة مع المُسيح

<sup>6</sup> همّالا كيما قبلتو الرب يسوع المسيح، تبعو سيرتكم على حسابو، <sup>7</sup> كونو متأصلين ومَبنيّين فيه وتابتين فالإيمان على حُساب واش تُعلَّمتو، مُكَترين فالشُكر. <sup>8</sup> ردّو بالكم يْعود كاش واحَد يْطَيَّحكُم فالفَخة بالفَلسَفة ويْغرَكُم بالباطَل بعوايَد بْني آدَم وأُمور هاد الدّنيا، واللي ما راهيش على حُساب المسيح، <sup>9</sup> خاطر فيه يسكُن كمال الألوهيّة، في داتو، <sup>10</sup> وأنتوم فيه، مُعَمرين مُليح، هُو راس كُل رِياسة وسَلطان، <sup>11</sup> وفيه اللي ثُغتَّنتو بختانة ما نْدارَتش بيد بْنادَم، ختانة تُغيّي عليكُم طبيعة الدات، هكدا هي ختانة المسيح. <sup>12</sup> نُخطيتو فالقبر معاه بالمعموديّة، وفيه تاني اللي عاودتو حييتو بالإيمان في فعل الله اللي عاود حياه من الموت. <sup>13</sup> وأنتوم اللي كُنتو موتى بالدْنوب وداتكُم ماشي مُختنة، حياكُم معاه، وغْفَرَّلكُم كامَل دْنوبكُم، <sup>14</sup> ومُحا العْقَد المكتوب ضَدنا بقُوانَ الشَريعة، واللي كان عْدونا، ونَحّاه كامَل كي معاه، وغْفَرَّلكُم كامَل دْنوبكُم، <sup>14</sup> ومُحا السُلطَن وحَطهُم فالكشفة مَفضوحين، وكَرَّكُوهُم مَنصور عليهُم.

<sup>\* 1:18</sup> يعني الأول اللي قام من الموت، وكيما يتسما الولد الأول اللي يزيد عند مواليه "البكر"، هكدا تاني تسما المسيح اللي كان قام الأول من الموت. فالكتاب المقدس، يسوع المسيح ما كانش أول واحد يقوم من الموت، بصح غير قيامتو اللي كان عندها معنى النصرة على الموت وهدية الحياة للي يامنو

أمر عيد وَلا أوَّل الشْهَر وَلا على الماكلة وعلى الشراب ولا في آمر عيد وَلا أوَّل الشْهَر وَلا على السَبت، 17 خاطر هَدو مارات الشي اللي راهو جاي، الصَح فالمسيح. 18 ما تُخلّيو حَتّى واحد يُفشَّلكُم بالتَواضُع المدغول وعبادة الملايكة، كيما زَعما هَدا شاف مْنامات و يَتنَفَّخ في باطل بتَخمامو اللي على حْساب مَنطق بْنادَم، 19 وما شَدش فالمسيح اللي هُو الراس وبيه اللي تَحكم الدات بالمفاصل والعروق وتَتغَدّا وتكبر كيما يُحَب الله.

20 وَلاّ مَتّو مع المَسيح على أمور الدَنيا، وَعلاش راكُم تْقاصيو من هاد القُوانَن كي اللي راكُم عايشين فالدَنيا: <sup>21</sup> ما تَديش، ما تُدوقش، ما تُمَسش. <sup>22</sup> هَدو كامَل يْخُصّو حاجات يَفناو كي الواحَد يَستَعمَلهُم، هَدو فْرايَض وقْوانَن مْتاع بْنِي آدَم، <sup>23</sup> يْبانو زَعما مَنطِقيّين، خاطَر عِبادة بمْحَبّة خاطَر وتَواضُع وقْساوة على الدات، بَصَّح ما عَندهُم حَتّى قيمة، يُرضّيو الدات.

3

# سيرة المُسيحي

أ هِمّالا وَلا عاودتو عييتو مع المسيح، حَّوسو على الحاجات مْتاع الفوق، وين راهو المَسيح قاعَد على بمين الله،
 أ خَمّمو على الحاجات مْتاع الفوق، ماشي على مْتاع الأرض، 3 خاطر مَتّو وحْياتكُم راهي مُخبية مع المسيح فالله،
 أ وكي يَضهر المسيح، حْياتكُم، تَضَّهرو أنتوم تاني معاه فالمجَد.

<sup>5</sup> هِمّالا أَقْتَلُو طْبَايِعَكُمُ اللِي على الأرض، الزِنا، النْجاسة، الفَسق، الشَهوة الشينة، الطْمَع اللي هُو شَرك، <sup>6</sup> اللي على جالهُم يْجِي زْعاف الله على وْلاد العَصيان. <sup>7</sup> هَكَدَا كُنتو تاني تُسيرو زْمان كي كُنتو عايشين بهاد الحاجات، <sup>8</sup> بَصَّح دُرك، خَيّو عليكُم هاد الشي كامَل: الغُش، الزْعاف، الشَر، النَيمة، الكَلام العيب من فَكُم، <sup>9</sup> ما تَكَدبوش على بعضكُم بَعض، بَعد ما نَحَيّتو عليكُم الإنسان القُديم وفْعالو، <sup>10</sup> ولْبَستو الجُديد اللي يَتَجَدَّد للمَعرِفة على صورة خالقو، <sup>11</sup> وين ما كاين لا يوناني وَلا يْهودي، لا خْتانة وَلا ماشي خْتانة، لا برّاني وَلا وْليد البْلاد، لا عَبد وَلا حُر، وين المَسيح هُو الكُل وفالكُل.

12 همّالا، على حْساب اللي أنتومَ مُختارين الله، مْقَدّسين وَحَبوبين، أَلَبْسو الرَّحَة، الْملاحة، التَواضُع، الحْنانة والصْبَر، أَنَّ أَمَّملو بَعضكُم بَعض وأتسامحو ما بيناتكُم ولّا كان واحَد عَندو مُشكِل مع واحَدآخُر. كيما سامحكُم الرَب، سامحو أنتومَ تاني. 14 زيد على هاد الحاجات كامَل، الحُبة، يَعني الكُمال فالعَلاقات، 15 وسْلام المَسيح يَملُك على قُلوبكُم، ليه اللي نَدعيتو باش تُكونو دات واحدة وكونو شاكرين.

أَ كُلام السيح، لازَم يَسكُن فيكُم بغناه. أتعلّبو ونبّهو بَعضكُم بَعض بالعْقَل، بمزامير أناشيد وترانيم روحيّة. فالنّعمة، غَنيو لله من قلوبكُم، 17 وكُل شي تديروه، بالقوال وَلاّ بالفْعال، ديروه بآسَم الرَب يَسوع، وأحمّدو بيه الله الآب.

## دار المُسيحى

18 يا نْسا، أنطاعو لرْجالكُم كيما يْليق بالرَب، 19 يا رْجال، حَبّو نْساكُم وما تَقساوش عليهُم، <sup>20</sup> يا الوْلاد، طيعو والديكُم في كُل شي، خاطَر هاد الشي مْليح عَند الرَب. <sup>21</sup> يا البابات، ما تْضَيقوش على وْلادَكُم باش ما يَكَرهوش، <sup>22</sup> يا الغبيد، طيعو في كُل شي سْيادكُم على حْساب الدات، ماشي بَرك قُدّام عينيهُم باش تْرَضّيو الناس، بَصَّح <sup>22</sup>

بطيبة الخاطَر، خايفين الرَب، <sup>23</sup> وكامَل واش تْديرو، أخَّدمو من قْلوبكُم، كي اللي راكُم تَخَّدمو للرَب، ماشي للناس، <sup>24</sup> وأُعَّرفو باللي تْنالو من الرَب آجَر من الوَرت. كونو خَدّامين للرَب المُسيح، <sup>25</sup> خاطَر اللي يَضَلَم، يْنال على حْساب الضَلم مْتاعو، ما كاش الوْجوه.

> 4 يا الأسياد، عاملو العْبيد بالحق والعَدل، عارفين باللي أنتومَ تاني عَندُكُم سَيَّد فالسْما.

> > بولَس يُوْصَى حْبابو

داومو على الصْلاة وأسهرولها بالشُكر، 3 صَلّيولنا تاني، باش يَفتَحَّننا الله باب الكُلام باش نَبشّرو بسَر المَسيح، اللي راني عَبوس على جالو، 4 باش نَبيّن هاد السر بالكُلام اللي يَلزَم. 5 سيرو بالعْقَل مع اللي برّا، وفارصو فالسَبّة كي تُكون، 6 كلامكم لازَم يُكون ضْريف، مْدوزَن بالملح، باش تَعرفو كيفاش لازَمَّلكُم تُجاوبو كُل واحد.

#### شلام

7 الحاجات اللي يُخصَّوني يُخبَّرُمُ بيهُم تيخيكُس، خوي الحبيب، والخديم الحالالي، عَبد الرَب كيما أنا. 8 بُعتتو لعَندكُم على هَدا بالدات، باش تَعَرفو حالتنا ويَهَدنو قُلوبكُم، 9 هُوَ وأونسيموس، الأخ الحالالي والحبيب واللي راهو واحد منكُم. هومَ يُخبَّرُوكُم بكامَل الحاجات مْتاع هْنا. 10 يُسلَّم عليكُم أُرِستَرخَس، رْفيقي فالحبَس، وتاني مَرقَس اللي يُكون لبَرنابا، )اللي جاتكُم عليه الوصاية، وَلا جا لعَندكُم، رَحبو بيه(، 11 ويسوع اللي يُعيطولو يسطُس، هومَ وحَدهُم من بين الحُتنين اللي يَخَدمو معاي للكوت الله، وهومَ اللي نَعّاو على خاطري. 12 يُسلَّم عليكُم أَبفراس، وهُو واحَد منكُم، وعَبد للمسيح يسوع. دايمًا يُحارَب في خاطركُم فالصّلاة، باش تُكونو واقفين، كاملين وطايعين في كُل مُراد الله، 13 خاطر نشهَدلو باللي يشقا بَرَّاف على جالكُم، أنتومَ وناس لاودكيّة وناس هيرابوليس، 14 يُسلَّم عليكُم لوقا الطّبيب الحبيب وديماس، 15 سَلّمو على الخاوة مْتاع لاودكيّة وعلى نَمفا وعلى الكنيسة اللي في دارها، 16 وكي تنقرا البريّة عَندكُم، خلّيوها تَنقرا تاني في كنيسة اللاودكيّة وعلى نَمفا وعلى الكنيسة اللي في دارها، 16 وكي تنقرا الله نِلم السّلام بيَدّي أنا بولَس، أتفكرو باللي راني فالحبَس، النعمة معاكُم.

رِسَالَةُ بُولُسَ ٱلرَّسُولِ ٱلأُولَى إِلَى أَهْلِ تَسَالُونِيكِي

فالسْفَر مْتاعو التاني، بَعد فيلِيّ، راح بولس لتيسالونيكي اللي كانَت مْدينة من الأَمبراطوريّة الرومانيّة، جايّة فالشّمال الشَرقي مْتاع اليونان، جيهة مَقدونية وتَم أَسَّس كَنيسة، وتيسالونيكي كانت مْدينة تجاريّة، يَشْكنو فيها بَرّاف البراوِيّة، والكُترة منهُم يْهود. من هاد اليْهود، كايَن اللي ما عُجبُهُمش تَعليم بولَس وحاوزوه، هِمّالا كُتَب بولَس للبّسالونيكيّين اللي آمنو بالمَسيح باش يُكَمَّلَهُم التَعليم مْتاعو.

· الفُصول من 1 ل 3: يُورَّيُولنا العَلاقة اللي كانت بين بولَس والتيسالونيكيِّين، جاوَه خْبار مْلاح من عَندهُم ومادابيه يْعاوَد يْزورهُم. · فالفُصول من 4 ل 5: يْسَجَعهُم باش يَكَّبرو فالحيْاة المَسيحيّة ويْفَسَّرَّهُم حاجات كانو محيّرينهُم. المومنين الأولانيِّين كانو حاسبين المُسيح قُريب يُولِّي، بَصَّح كايَن منهُم اللي ماتو والمَسيح ما زال ما وَلاش، واش يَصرا للمومنين كي يُموتو؟

حَتّى واحَد ما يَعرَفُ وَقتاش يْجِي الرَب بَصَّح كُل مومَن راهو يَستَنّاه يَعرَف باللي مادامو حَي لازَم يْسير على حْساب مُرادو.

# شُكر على المومنين مْتاع بِسالونيكي

أ من بولس وسلوانس وتيموتاوس، لكنيسة التسالونيكيين فالله الآب وفالرَب يَسوع المَسيح، نعمة وسْلام ليكُم. وَشَكُرو الله دايمًا عليكُم كامَل وَنَدُّكُرُوكُم في صْلاتنا، 3 وفي كُل وَقت تَتَفَكّرو الحَدَمة مْتاع إيمانكُم، والشّقا مُتاع مُحَتَكُم والصّبر مْتاعكُم فالرْجا في رَبّنا يَسوع المَسيح، قُدّام الله إلهنا وبابانا، 4 عارفين يا الخاوة المحبوبين من الله باللي أنتوم محتارين، 5 خاطر بْشارتنا ليكُم بالإنجيل ما وْصلَتكُمش غير بالكُلام بَرك، بَصَّح تاني بالقُوّة وبالروح القُدّوس وبيقين كامَل، كيما راكم عارفين كيفاش كُمّا حْنا معاكم، على جالكُم، 6 ووَليتو ثديرو بحالنا حْنا والرَب على حْساب اللي قُبلتو كلمة الله فالشَدّة الكُبيرة بالفَرح مْتاع الروح القُدّوس، 7 حَتّى وَليتو مْتَل لكامَل المومنين مْتاع مَقدونيّة وأَخَائيّة. أيليه من عَندُكُم شاعت كلمة الرّب، ماشي بَرك في مَقدونيّة وفي أَخَائيّة، بَصَّح إيمانكُم بالله شاع في كُل مُكان، حَتّى ما وَليناش نَسَّحقو نَهَدرو في هاد الشي. 9 خاطر هوم يَحكيو علينا كيفاش قُبلتونا وكيفاش رْجَعتو لله وبعَدتو على الصنام باش تُكونو خُدّام الله الحيّ والحقّاني، 10 وتَستَنّاو وْليدو الجاي من السّماوات، اللي حياه من الموت، الموت، اللي حياه من الموت، والمي سَلّكا من زعاف الله الجيّ والحقّاني، 10 وتَستَنّاو وْليدو الجاي من السّماوات، اللي حياه من الموت، الله سَلّكا من زعاف الله الجيّاف الله الجيّاف.

2

## خَدمة بولُس في تِسالونيكي

أ أنتومَ بالدات، يا الخاوة، تَعْرفو باللي عْجينا عَندَكُم ما كانش على باطَل، 2 كيما راكُم عارفين، بَعد ما تُعدّبنا ونْسَبّينا في فيليّي، شَدّينا فالله باش نُكَلّموكُم على إنجيل الله في جِهاد كْبير، 3 خاطَر، دَعَوتنا ليكُم ما كانتش مَبنيّة على الغْلاط وَلاّ صْوالح دونِيّين وَلاّ على الإنجيل بَعد ما جَرّبنا، نَهْدرو

باش نْرَضّيو الله اللي يْجَرَّب قْلوبنا ماشي باش نْرَضّيو الناس. 5 راكم عارفين، عْمَرنا ما كُنّا في ݣالام القْزوب وَلا كان الطْمَع سَبَّتنا والله شاهَد، 6 وَلا حَوَّسنا الشُّكر من عَند الناس، لا من عَندُكُم وَلا من غيركُم، 7 كُنّا قادرين، على حْساب اللي حْنا رُسُل المَسيح، نَفَرضو حَقّنا عليكُم، بَصَّح حْنا صَغّرنا روحنا معاكُم، وحَنيّنا عليكُم كيما ثْحَن اليمات على وْلادها. 8 شْحال حَبّيناكُم حَتّى حَبّينا ماشي بَرك نَعطيوكُم إنجيل الله بَصَّح نَعطيوكُم حَتّى حْياتنا من كَترة اللي وَلّيتو عْزاز علينا. <sup>9</sup> ياخي تَشفاو يا الخاوة على شْقانا وتَعبنا وحْنا نَخَّدمو ليل ونْهَار باش مَا نَتقّلو على حَتّى واحَد كي بَشَّرناكُم بإنجيل الله، 10 راكم شاهدين والله شاهَد كيفاش كانَت سيرَتنا معاكمُ أنتومَ المومنين مْقَدَّسة، وصالحة وما كانش واش تْقولو فيها، 11 كيما راكم عارفين، كُنّا لكُل واحَد فيكُم كي الباباة مع وْلادو، 1<sup>2</sup> نْسَجّعوكُم ونْعَزّيوكُم ونْوَصَّيوكُم باش تُكون سيرَتكُم تُليق بالله اللي دْعاكُم للَّكوتو وَمَجدو.

13 وعلى هَدا تاني، نَشَّكرو الله دايمًا اللي كي شَمَعتو منّا كُلام الله، قُبلَتوه ماشي كي اللي كُلام بْني آدَم، قُبلَتوه كيما هُوَ مْتاع الصَح، ݣَلام الله اللي راهو تاني يَخدَم فيكُم أنتومَ المومنين، 14 إيه يا الخاوةً، وَلَيتُو كيما كُنايس الله اللي راهُم فاليَهوديّة في يَسوع المَسيح، خاطَر أنتومَ تاني عانيتو من الحاجات اللي عاناو هومَ منهُم، أنتومَ من ناس بْلادَكُم وهومَ من الْيهود، <sup>15</sup> اللي قَتلو الرَب يَسوع والأَّنبيا وشَّضو علينا، ما يْرضَّيوش الله ومْعاديين جْميع الناس، <sup>16</sup> على حْساب اللي ما يْخَلّْيوناش نَهَّدرو للكُفَّار باش يَشَّلكو، وهَكدا زادو كَبّلو على غْلاطهُم، بَصَّح مع الأَخّر لْحَقَهُم زْعاف

# شوق بولَس باش يُشوفهُم

17 وحْنا يا الخاوة، بَعد ما بَعَدنا عليكُم وَقت قْصير، كُنتو بْعاد على العين بصح ماشي على القَلب، زَدنا تْشَوَّقنا كُتَر باش نْشوفو وَجهكُم. 18 على هَدا حَبّينا نْجيو لَعَندَكُم، أنا بالدات، بولَس، شّعال من مَرّة حَبّيت نْجي بَصَّح الشيطان مْنَعني. 19 إيه، خاطَر شْكون هُوَ رْجانا وفَرَحَتنا وتاج الجَد مْتاعنا قُدّام رَبّنا يَسوع كي يْجي؟ ماشي أنتومَ؟ 20 إيه، أنتومَ المَجَد مْتاعنا وفَرحَتنا.

<sup>1</sup> هِمَّالا، كي ما قُدَرناش نَصَّبرو، شَفنا مْليح لوكان نَبقاُّو وَحَّدنا في أتينا، ² وبْعَتنالكُم تيموتاوَس، خونا وخَدَّام الله معانا في بْشارة إنجيل المَسيح باش يْقُوّيكُم ويْسَجَّعكُم في إيمانكُم، 3 باش واحَد ما يَتَزَعزَع في هاد الشْدايَد. خاطَر راكُم عارفين باللي هاد الشي مْقَدَّر علينا. 4 ياخي كي كُنّا عَندَكُم، قُلنالكُم باللي رايحين نَتهَوّلو، وهَدا اللي صْرا، راكُم عارفين. 5 على هَدا، ما صْبَرَتش وبْعَتَّلَكُم باش نَستَخبَر على إيمانكُم، يْعود يْكون الغاوي غَرَّكُم وراح جَهدنا خْسارة.

# خْبار تیموتاوَس تْسُجّع بولَس

6 بَصَّح دُرك، وْصَل تيموتاوَس من عَندُكُم وخَبَّرنا بإيمانكُم وعْبَتَّتُكُم وباللي مازالكُم تَتفَكّرونا مْليح، وتْشُوَّقتو باش تْشوفونا كيما رانا حْنا تاني مَتشُوّقين ليكُم. 7 هَكدا، تْهَنّينا من جيهَتكُم في وَسط شَدَّتنا ومْحايننا وهَدا على جال إيمانكم، 8 خاطَر دُرك حْيينا كي راكمُ تابتين فالرَب. <sup>و</sup> كيفاش نَقَدرو نَشُكرو الله عليكُم، على كامَل الفَرحة اللي فَرَّحتونا قُدّام إلهَنا؟ 10 ليل ونْهار وحْنا غير نْصَلّيو باش نْعاودو نْشوفو وَجهكُم ونْكَلُّو واش يْخَص في إيمانكُم. 11 نْشا الله الله بابانا بالدات ورَبْنا يَسُوع يْسَهْلُولنا الطَّرِيق لِيكُم، <sup>12</sup> ويُكَبَّرِكُم الرَب أنتومَ، ويْفَيَّض غُبَّتَكُم لَبَعضُكُم بَعض ولكامَل الناس كي غُبَّتَنا لِيكُم، <sup>13</sup> يُثَبَّت قُلُوبكُم باش تُكُونو فالقَداسة بلا عيب قُدّام إلَهنا وبابانا كي يَرجَع رَبِّنا يَسُوع المَسيح مع كامَل القَدّيسين. آمين.

4

# الحيْاة اللي تْرَضِّي الله

أ الحَصونَ، يا الخَاوة، على حساب اللي تَعَلَّمتو منّا كيفاش لازَم شيرو وتُرَضّيو الله، كيما راكم تُديرو، نَطَّلبو منكم ونْسَجّعوكُم فالرَب يَسوع باش تُزيدو تَتَقَدَّمو في هاد السيرة. 2 ياخي تَعَرفو واشَن هومَ الفرايَض اللي عُطيناهُمَّلكُم من عَند الرَب يَسوع، 3 خاطَر مُراد الله هُو قَداسَتُكُم، وتَبَعّدو على الفَسق، 4 كُل واحَد فيكُم يَعرَف يَحفَض داتو فالقَداسة والشَّرَف، 5 وما يُتَبَعَش هُوى الشَّهوة كي الكُفّار اللي ما يَعَرفوش الله، 6 وواحَد ما يَسرَق خوه ويَدُّغلو في هاد الآمَر خاطَر الرب ينتقَم في هاد الحاجات كيما قُلنالكُم وشْهَدنالكُم من قُبَل. 7 خاطَر الله ما دْعاناش للنَجاسة، الله دْعانا للقَداسة، 8 هكدا، اللي يَنكُر هاد الفْرايَض، ما راهوش يَنكُر بْنادَم، راهو يَنكُر الله اللي عُطالكُم روحو القُدّوس.

وما تَسَّحقوش نَكتبَّلَكُم على الحُبَّة اللي لازَم تُكون بين الخاوة، خاطَر أنتومَ بروحكُم تُعلَّمتو من الله غُجَّبو بَعضكُم بَعض، 10 وهكدا اللي راكم تعاملو كامَل الخاوة اللي في مَقدونية، بَصَّح نُسَجّعوكُم يا الخاوة باش تُزيدو تَكَّبرو كُتَر وَكَثَر. 11 ديرو مجهودكُم باش تعيشو فالهنا، كل واحد يُلتها بصوالحو، وأرَّبحو مُعيشتكُم بعرق جبينكُم كيما وصّينا كُم، 12 باش تُكونو حْلاليّين قُدّام اللي ماشي مومنين وما تَتَحَوَّجو لحتى واحد.

# مْجِي الرَب

13 يا الخاوة، ماراناش حابيّنكُم تُكونو جاهلين في آمَر الموتى باش ما تَحَّنوش كيما الناس الأخرين اللي ما عندهُمش الرْجا، 14 خاطَر وَلا نامنو باللي يَسوع مات وقام، نامنو باللي اللي ماتو وهومَ يامنو بيَسوع، الله يَحييهُم باش يُجيو مع يَسوع، 15 هاو واش نُقولولكُم على حْساب كُلام الرَب: حْنا الحيّين الباقيين لجْي الرَب، ما نَسَّبقوش الميتين، 16 خاطَر الرَب بالدات، كي ثَجي الإشارة، ويتَسمَع صوت رايَس المَلايكة، ويَبوَّق بوق الله، يَهبَط من السما، الموتى فالمسيح يُقومو هومَ الأوّلين، 17 أومبَعد، حْنا اللي مازلنا حَيِّين، نَخَطفو معاهُم فالسُحاب باش نُلاقيو الرَب فالهُوا، وهَكدا نَبقاو دايمًا مع الرَب. 18 سَبِّعو بَعضكُم بَعض بهاد الكُلام،

5

1 ما تَسَّحقوش يا الخاوة باش يَتَكتَبَّلُكُم على آمَر الوَقت والزْمان، 2 خاطَر أنتومَ بالدات تَعَرفو مُليح باللي يوم الرَب يُجي كي السَرّاق فالليل، 3 كي يُقولو: سلام وهنا، على غَفلة يُطيح عليهُم الْفنا، كيما يَهدَف الوْجاع على المُرا اللي بالجوف، وما يَقدروش يَهرّبو، 4 بَصَّح أنتومَ يا الخاوة، ما راكُمش فالضَلمة باش يَهدَف عليكُم هَداك اليوم كي السَرّاق. 5 إيه، أنتومَ كامَل وْلاد النور، وْلاد النهار. ماراناش من صُحاب الليل وَلاّ صُحاب الضَلمة، 6 ما لازَمش نَرُقدو كيما الأخرين، لازَم نَسَّهرو ونكونو صاحبين، 7 خاطر اللي يَرُقدو قالليل، واللي يَسَّكرو يَسَّكرو يَسَّكرو فالليل، 8 بَصَّح حْنا، صُحاب النهار، لازَم نَبقاو صاحبين، لابسين دَرع الإيمان والحُبِنّة وعَندنا كاسك الرْجا فالسُلاك،

وخاطر الله ما قَدَّرش علينا الزعاف، عطانا باش ثنالو السلاك بربّنا يَسوع المسيح، 10 اللي مات على جالنا، باش صاحبين وَلا راقدين كي يْجي، نَحياو كيف كيف معاه، 11 على هَدا، أتسَجّعو بَعضكُم بَعض وأبنيو بَعضكُم بَعض كيما راكم تْديرو.

# بولَس يُوْصِّي حْبابو

12 نَطَّلبو مَنكُم يَا الخاوة تَستَعرفو بالناس اللي راهُم يَخَدَّمو في وَسطكُم ويْسيّرُوكُم فالرَب ويْوصّيوكُم، 13 أعطيولهُم قيمتُهُم بالحُّبة على جال خَدَمَتُهُم، عيشو هانيين مع بعضكُم بَعض، 14 نَطَّلبو مَنكُم يا الخاوة، حَدرو اللي عايشين فالهَملة، سَجّعو اللي خايفين، أحَّملو الضّعيف، وَسعو خاطَركُم مع كامَل الناس، 15 رَدّو بالكُم كاش واحَد يَرد الشَّر بالشَر، ديرو الخير دايمًا، بيناتكُم ومع كامَل الناس، 16 كونو دايمًا فرحانين، 17 صَليو دايمًا، 18 أشُّكرو في كُل حاجة، خاطر هدا هُو مُراد الله ليكُم فالمسيح يَسوع، 19 ما تُطفّيوش الروح القُدّوس، 20 ما تَستَهزاوش بالنُبوات، 21 حَقّقو في كُل شيء، وشَدّو فالمُليح، 22 بَعَدو على كُل شَر. 23 نشا الله، إله السَلام بالدات يُقَدَّسكُم بكُالكُم ويحَفَض روحكُم ونفسكُم وداتكُم باش ما يُكون عليكُم حَتّى لوم كي يْجِي رَبّنا يَسوع المَسيح، 24 اللي دْعاكُم حُلالي وهُو اللي يُحَقَّق هاد الشي. 25 صَليولنا يا الخاوة، 26 سَلّمو على كامَل الخاوة ببوسة مُقدّسة، 27 نُحَلِقُكُم بالرَب تَقراو هاد البُرِيّة لكامَل الخاوة، 28 نَعمة رَبّنا يَسوع المُسيح معاكُم.

# رِسَالَةُ بُولُسَ ٱلرَّسُولِ ٱلتَّانِيةُ إِلَى أَهْلِ تَسَالُونِيكِي

الوَقت راهو يْجوز، والمَسيح ما زال ما جاش؟ كايَن اللي راهُم يْقولو "وْصَل يوم الرَب"، واللي يْقولو "ما كان لاه نَخَّدمو، الرَب قْريب يْجي..." التِسالونِكيِّين تْهَوَّلو وعلى هَدا كْتَبَّلْهُم بولَس البْريّة التانية.

في هاد البُريّة، فَسَّر بولَس مْليح آمَر مْجِي الرَب بَصَّح هاد الشي ما لازَمش يُخَلِّي المومَن يَهرَب من المَسؤوليّة. بالعَكس، لازَم يَبقا يْشوف للقُدّام، تابَت، صابَر ومْكَمَّل خَدَّمتو، رْجاه فالله بيَسوع، حَتَّى يُولِّي المَسيح.

ا بولَس وَسَلوانَس وَتيموتاوَس، لكَنيسة التِسالونيكِيِّين فالله بابانا وفالرَب يَسوع المَسيح، ² نِعمة وسْلام ليكُم من الله بابانا ومن الرَب يَسوع المَسيح.

### شكر وصْلاة

ق واجَب علينا نشكرو الله عليكم دايمًا يا الخاوة، كيما لازَم خاطر إيمانكم راهو يكبَر بَرَّاف، ومُحبّة كُل واحَد فيكم كامَل للأُخرِين راهي ثفيض، 4 على هَدا، رانا نَفَخرو بيكم في ثكايَس الله على جال تُباتكم وإيمانكم في وَسط الحُقرة والشّدايَد اللي راكم تُجَوّزو فيهم، 5 وهدا يُبيَّن حُكم الله العادل، باش يْرَد كُم مَستاهلين مَلكوت الله اللي راكم تُعقدبو على جالو. 6 حَق عَند الله باش يْرَد العُداب للي يُعقبوكُم، 7 ويعطيلكم الراحة ليكم أنتوم المُعقبين ولينا حنا تاني مُعاكم، كي يَضهَر الرَب يَسوع وهُوَّ جاي من السُما مع مَلايكة القُدرة مْتاعو، 8 في وَسط نار اللهيب، وينتقَم من اللي ما يَعرفوش الله واللي ما يُطيعوش إنجيل رَبّنا يَسوع. 9 هَدوك عقابُهم يُكون الهُلاك الدايم بعيد على وَجه الرَب وبعيد على جَد قُوتو، 10 كي يُجي في هَداك اليوم باش القَديسين مُتاعو يُسبَحوه و ينبَهرو بيه كامَل اللي آمنو معاكم أنتوم تاني خاطر آمَنتو بشْهاد تنا ليكُم. 11 على هَدا تاني، نُصَلّيو دايمًا على جالكُم، باش إلهنا يُرَدّ كُم تَستاهلو الدَعوة مُتاعو ويُكبًل بالقُدرة مْتاعو كُل مَقصود للخير وكُل خَدمة جايّة من الإيمان. 12 هكدا يَتَسَبَّح آسَم رَبّنا يَسوع فيكُم وأنتومَ فيه، بالقُدرة مْتاعو كُل مَقصود المُسروع المُسيع، على حُساب بَعمة إلهُنا ورَبّنا يَسوع المُسيع المُسيع.

2

# مْجِي الرَب

أ فالشي اللي يُخَص عُجي رَبّنا يَسوع المَسيح ولمَّتنا مْعاه، نَطَّلبو مَنكُم يا الخاوة، ² باش ما تَدَّبدبوش في عْقَلكُم بالحَف، وما تُخافو لا من روح، لا من كَلمة، لا من بْريّة زَعمة جايّة من عَندنا، كي شْغُل خْلاص جا يوم الرَب. ³ ما لازَم حَتّى واحَد يْغَرَّكُم بكاش حاجة، يَسبق قَبَل يُجي الكُفر، ويَضهَر البْنادَم المَشرار، اللي رائج الله يَهْلكو، ⁴ اللي يَوقَف ويَحسَب روحو على كُل ما يَتسمّا إِلَه وَلا مَعبود، ويَوصَل حَتّى يَقعُد في مَعبَد الله، ويَحسَب روحو هُو الله. ⁵ ما تَشفاوش باللي قُلتَلكُم هاد الشي كي كُنت ما زالني عَندَكُم؟ 6 ودُرك رائم عارفين واش يُشَدّو باش ما يَضهَرش حَتّى يُوصَل وَقتو، 7 إيه، سَر الشَر بْدا يَخَدَم، حَتّى وين يُبَعَّد اللي ما زال شادّو، 8 داك الساع، يَضهَر المُشرار اللي يَقضي عليه الرَب يَسوع بنَسفة من فَقُو، ويَفنيه وهُو ضاهَر فالحْي مْتاعو. ° الحجي مْتاع المَشرار يكون،

بقُدرة الشَيطُّانُ بَكُل نوع من عُمال الْقَوَّة، المارات والعجايب الخَدَّاعين، 10 وجْميع غُوايَّاتُ الشَر للي يَهلكُو خاطُر ما قَبلوش عُخَبّة الحَق باش يَسَّلكو. 11 على هَدا يَبعَتَّلهُم الله قُوّة التّلاف باش يامنو الكُّدَب، 12 باش يُنْحَكُم على كامَل اللي ما آمنوش الحَق بَصَّح سْتَبَنّو الباطل.

أتبتو

13 بَصَّح حْنا لازَم علينا نَشُكرو الله دايمًا على جالكُم يا الخاوة المحبوبين من الرَب، خاطَر الله خَيَرَكُم أنتومَ الباكورة للمُسلاك بتَقديس الروح والإيمان بالحق، <sup>14</sup> لهاد الشي تاني دْعاكُم ببْشارَتنا باش تْنالو بَجد رَبّنا يَسوع المَسيح. <sup>15</sup> هِمّالا يا الخاوة، أُتَّبتو وشَدّو فالعوايد اللي عَلَمناهُمَلكُم بكُلامنا وَلا بَبْرِيّة من عَندنا. <sup>16</sup> ونشا الله، رَبّنا يَسوع المَسيح بالدات، والله بابانا، اللي حَبّنا وعْطالنا بالنَعمة عْزا دايم ورْجا صالح، <sup>17</sup> يُعزّي قُلوبكُم ويْنَبَّتُهُم في كُل خَدمة خير وكُل كَلمة خير،

3

صَليُّو

ا الحَصَون، صلّيولنا يا الخاوة، باش كلمة الرب تُكَلَّل تشيع وتتكرَّم كيما راهي تاني عندكُم، 2 وباش نَسَلكو من الناس المَشرارين والدونيّين، خاطر ماشي كامَل الناس عندهُم الإيمان. 3 بصَّح الرب حْلالي، هُو اللي يَتَبَتُكُم ويَحْفَضُكُم من المَشرار. 4 عَندنا التِقة فالرب من جيهتكُم، خاطر رائم تديرو ورايحين تديرو الشي اللي نُوصِّيو عليه، 5 نشا الله الرب يَهدي قلوبكُم لحُبّة الله وصْبَر المَسيح.

رَدُّو بالكُم من الهاملين

٥ نُوصَيوكُم يا الخاوة، بآسَم رَبّنا يَسوع المسيح، تَجَبّدو روحكُم من كُل أخ هامَل وما يَمشيش على حْساب العادة اللي أدّيتوها من عَندنا، 7 أنتومَ تَعَرفو كيفاش لازَم تْعاندونا، خاطَر ما كانَش عَندنا حْياة مْتاع هَملة كي كُمّا مُعاكُم، 8 ما كُلينا خُبز حَتّى واحَد باطَل، بَصَّح خْدَمنا فالشْقا والتَعب ليل ونْهار، باش ما نتقلو على حَتّى واحَد فيكُم. 9 ماشي خاطَر ماكانش عَندنا الحق في هاد الشي، بَصَّح باش نعطيولكُم فينا مْتَل تُنبّعوه. 10 ياخي، كي كُمّا عَندكُم، كُمّا نُوصِيوكُم هَكدا: اللي ما يُحبش يَخدَم، ما ياكُلش. 11 إيه، رانا نَسمعو يَتقال باللي كاين فيكُم اللي عايشين فالهَملة، ما يَخَدّمو ما يُخَدّم في كُل شي، 12 نُوصّيو ونُسَجّعو هاد الناس فالرَب يَسوع المسيح، باش يَخَدّمو بالمُعقَل ويا كلو خُبزهُم هومَ. 13 وأنتومَ يا الخاوة، ما ثَمَلُوش من خَدمة الخير. 14 وَلا كاش واحَد ما طاعش كَلمتنا في هاد البْرِيّة، تَجَلوه وما تَتعاملوش معاه، باش يَحْشَم، 15 ما تَحَسبوهش عْدو، بَصَّح نَبّوه كي الخو المومَن.

سُلام

16 رَب السَّلام بالدات يَعطيلكُم السَّلام، في كُل وَقت، وبكُل صِفة. الرَب مْعاكُم كامَل.

<sup>17</sup> السُّلام بيَدّي أنا بولَس، هُوَ الإِمضا مْتاعي في كُل بْرِيّة، هَكدا نَكتَب. <sup>18</sup> نَعمة رَبّنا يَسوع المَسيح مْعاكُم كامَل. رِسَالَةُ بُولُسَ ٱلرَّسُولِ ٱلْأُولَى إِلَى تِيمُوتَاوُسَ

آسَم تيموتاوَس مَدكور بَرَّاف في ٽُٽاب عْمال الرُسُل وفي بْراوات بولَس، باباه يوناني ويمَّاه مَسيحِيَّة آصَلها يْهوديَّة، کان رْفيق بولَس فالخَدمة وکان بولَس يْعزَّو کي وْليدو ويَعكَل عليه بَرَّاف.

تيموتاوَس راهو دُرك مَسؤول فالكَنيسة وفي هَداك الوَقت كانو شي مَسيحِيّين غالطين فالتَعليم مْتاعهُم. كانو شايفين الدَنيا دونيّة بكُل ما فيها وعلى هَدا كانو ما يَقَبلوش الزْواج وما ياكلوش كُل شي وكان لازَم على تيموتاوَس يُصَحَّج هاد العَقليّة.

بولَس كُتبَلو يْسَجّعو يَبقا خادَم حْلالي للمَسيح وكَلّمو في أمور ثّخُص الكَنيسة باش يَعرَف كيفاش يْسَيَّرها. المومنين لازَم يَتعلّمو يُكونو مْنَضمين وتاقيين ويْعيشو هانيين فالدَنيا خاطَر الإيمان والعِبادة ما يَمَنْعوش الواحَد باش يَتَتَّع بالحاجات المُلاح اللي خْلَقَهُم الله.

ا بولَس، رَسول المَسيح يَسوع على حْساب أمر الله سَلاّكنا والمَسيح يَسوع رْجانا، ² لتيموتاوَس، وْليدي الحَقّاني فالإيمان. نَعمة، رَحمة، سْلام من عَند الله الآب والمَسيح يَسوع رَبّنا.

رَدُّو بالكُم من الكَدَّابين

\$ كي كُنتُ أنا رايح لمقدونيّة، وصّيتك تَبقا في آفسُس، باش تُوصّي شي ناس ما يُعلّبوش تَعليم واحَداّخُر، 
\$ وما يُشَدّوش فالخُرَّ يفات والأصول والفُصول اللي ما يَخلاصوش، اللي يَدّيو للهَدرة في عوض خُطّة الله فالإيمان. 
\$ المَقصود من الوْصاية الحُجَّة اللي جايّة من قلب صافي ومن ضَمير صالح ومن إيمان بلا تنوفيق، 6 كابَن اللي بعَدو على هاد الحاجات، وضاعو فالهَدرة اللي على باطل. 7 حَبّو يُكونو شيوخة فالشَريعة، وهومَ ما يَقَهمو لا واش يُقولو وكل الشي اللي يُوكدو شيوخة فالشَريعة، وهومَ ما يَقَهمو لا واش يُقولو الشي، باللي اللي يُوكدو اللي على باللي الشَريعة ماشي مَديورة للصالح، بَصّح للي يُديرو الشَر وللعاصيين، اللي ما يُخافوش رَبِّي والخاطيين، اللي ما عَندُهُمش الدين وما يُديروش القُدَر للشي المُقدّس، اللي يُقتلو البابات ويَقُتلو اليَّات، للقَتّالين، 10 للفاسقين، للرْجال اللي يَزيو مع الرْجال، للي يُتاجرو فالرْجال، للكَدّابين، للي يَحَّتو ولكُل ما هُوَ عكس التَعليم الصُحيح، 11 على حساب إلجيل مَجد الله المُبارَك واللي وَكَلني عليه.

# بولَس يَشَكُر الله على نَعَمتو

12 أَشَكُّرُ اللِي ُقَوَّانِي، الْمَسِحُ يُسُوع رَبِّنا، خاطَر شافني نَستاهَل التيقة ودارني فالخَدمة، أَنا 13 اللي كُنت من قُبَل كَافَر، وحَقَّار وقْبِيح بَصَّح نَلت الرَحمة، خاطَر كُنت جاهَل وتْصَرَّفت بلا إيمان. 14 نَعمة رَبِّنا فاضَت مع الإيمان والحُبَّة فالمَسيح يَسوع جا للدَنيا باش يُسلَّك الخاطيين والحُبَّة فالمَسيح يَسوع جا للدَنيا باش يُسلَّك الخاطيين اللي أَنا هُوَ الأَوَّل فيهُم، 16 بَصَّح على هَدا نلت الرَحمة، باش يَسوع المَسيح يُورِّي فِيَّ أَنا الأَوَّلانِي المُتَل مُتاع كامَل الوُسَع مُتاع خاطرو للي يُجيو للإيمان بيه على جال الحيْاة الدايمة، 17 لسَلطان الدُوام، اللي ما يَفناش، ما يَنشافش، للهُ الواحَد الكَرامة والمُجد للدُوام. آمين.

18 هاي الوْصاية اللي غُخَلَيْلَك يا وْليدي تيموتاوَس، على حْساب النُبُوّات اللي تْقالو من قْبَل عليك، باش تُحارَب بيهُم الحَرب الزينة، <sup>19</sup> بإيمان وضَمير صالح، اللي كايَن اللي خَلاّوهُم وغَرقو من جيهة الإيمان، <sup>20</sup> ومن بينهُم هِبنايوس وشكَندَر، اللي سَلَمْتُهُم للشيطان باش يَتعَلّمو ما يْزيدوش يَكُفرو.

2

صَلُوات

أ نَطلَب هِمّالا، قبْل كُل شي، باش يَندارو طَلبات، صَلوات، تَحلال، وشُكر على جال كامَل الناس، ² للسْلاطَن وكامَل اللي مَرسَمهُم عالي، باش غُجّرزو حْياة هادية وهانية، بتقوى وكَرامة. ³ هاد الشي زين ومليح عَند سَلاّكنا الله، ⁴ اللي يُحب كامَل الناس يَسَّلكو ويْجيو يَعْرفو الحَق. ⁵ إيه، كاين إِله واحَد وواحَد اللي يْدير العَلاقة بين الله والناس، الإنسان المسيح يَسوع، ٥ اللي عْطا روحو فدية للجْميع، هَدي هِيَ الشهادة اللي جات في وقتها، 7 واللي خُعَطَّيتَاها أَنا بَشير ورَسول. نُقول الصَح، ما نَكدَبش، نَعَلَّم الأُمّات الإيمان والحق.

8 راني حاب الناس يُصَلِّيو في كُل مْكان، رافدين يَدِّين مْقَدِّسين بْلا زْعاف وَلا دْواس، 9 وراني حاب النْسا تاني بلْباس حُرِي، بالحْيا والرْزانة، ما يَتَزيّنو لا بالشْفاير، لا بالدْهَب، لا بالجوهر وَلا باللْباس الغالي، 10 ويَتَزيّنو بعْمال صالحين كيما يْليق بالنْسا اللي يَستَعرفو بالخوف من الله. 11 المْرا لازَم تَتَعَلَّم بالسْكات وهِي مَنطاعة كامَل، 12 ما نَسمَحش للمْرا باش تُعلَّم وَلا باش تاخُد الحُكمة على الراجَل، لازَم تَقعُد ساكتة، 13 خاطَر آدَم نَخلق الأوَّل، ومَن بَعد حَوَّة، 14 وآدَم ما نَغواش، بَّصَح المُرا اللي، مَغوية، غَلطَت، 15 بَصَّح تَسلَك بَالأمومة، لوكان تَتَبت فَالإيمان والحُبَّة والقَداسة بالرْزانة.

3

الراعى

الهاد الكلمة صحيحة، وَلا حَب واحَد خَدمة الراعي، راهو حاب خَدمة مْليحة، 2 همّالا لازَم يْكون الراعي بلا عيب، مْزَوَج بمْرا واحدة، ما يَسكَرش، عاقل، مْرَتَّب، يْضَيَّف، قادَر باش يْعَلَّم، 3 ما يُكونش سوكارجي، ما يَضّارَبش، خاطرو واسَع، ما يَدّاوَسش، ماشي طَمّاع، 4 يُسيَّر دارو مْليح، حاكم وْلادو فالطاعة وقْدَر كامَل، 5 خاطَر، وَلا واحَد ما عْرَفش يْسَيَّر دارو، كيفاش يَنتَهلا في كَنيسة الله، 6 وما يُكونش مومَن جْديد، يْعود ينعما بالتّكثر ويْطيح قَل حكم فالمعايرة وخَقة إبليس.

#### الشُمَّاس

8 ولازم يُكونو الخدّامين عَندهُم الهيبة، ما عَندهُمش زوج وْجوه، ما يَشَكروش، وما يَطَّمعوش يَرَّبحو بالحْرام، والمادّين في سَر الإيمان في ضَمير صافي. 10 لازَم ثُجَرّبوهُم قُبَل، ومن بَعد يَخَدّمو وَلاّ ما كانش عليهُم اللوم، 11 والنسا تاني، لازَم يْكونو مْتاع القدَر، ماشي مْتاع القيل والقال، ما يَشَكروش، حْلاليّات في كُل شي. 12 الخدّامين لازَم يُكونو مَتزوّجين كُل واحَد بمْرا واحدة، يُسَيّرو مُليح وْلادهُم ودْيارهُم، 13 خاطَر اللي يَخَدّمو مُليح يْنالو لروحهُم مَريح مِراف فالإيمان اللي بالمَسيح يَسوع.

14 نكتبَلك هاد الشي، وأنا مَتمني نْروح لعندَك بالخَف، 15 بَصَّح وَلا بْطيت، تَعرَف كيفاش شَير في بيت الله، اللي هي كنيسة الله الحَي، العَرصة وَالرُكيزة مْتاع الحَق. 16 مَستَعرفين جْميع باللي سَر التَقوى خبير، هُو اللي ضُهر فالدات، شْهَدلو الروح بالصْلاح، نْشاف من الملايكة، تُبرَّح بيه عَند الكُفّار، تآمَن بيه فالدَنيا، نَرفَع فالمجَد.

4

# بولَس يْوَصِّي تيموتاوَس

الشياطن، 2 بتنوفيق الكدّابين اللي في الوقات الأخرين، كاين اللي يكُفوو بالإيمان، ويُشدّو في رُواح عُرّارين وتعليم الشياطن، 2 بتنوفيق الكدّابين اللي نُطبعو فالضّمير مْتاعهُم بالحْديد الحْمر، \* دْ يُحرّمو الزّواج، ويَتَعو شي مُواكل خُلقهُم الشّياطَن، 2 بتنوفيق الكدّابين اللي يأمنو واللي يَعرفو الحق، 4 خاطر كُل خَلق الله مُليح، وحاجة ما لازم ما تنقبَلش مادام تتاخد بالشُكر، 5 خاطر راهي مُقدّسة بكلهة الله والصّلاة، 6 كي تُبيّن هاد الشي للخاوة، تكون خادم مُليح للمسيح يسوع، مُغَدّي بكُلام الإيمان والتعليم المليح اللي تبّعتو كيما لازَم. 7 أُرمي عليك الخرَّيفات الباطلين مُتاع النسا العجايز ودَرَّب روحك على التقوى. 8 فالصّح، تدريب الدات يَنفع في حاجة قُليلة بَصَّح التقوى تَنفع في كُل شي، على حساب اللي عَندها الوَعد بالحيْاة الحاضرة والجايّة. 9 هاد الكلام يستاهل يتّامن وينقبَل كامل، 10 إيه، على هاد الشي اللي رانا نتَّعبو وغُاربو، خاطَر رْجينا فَالله الحي، اللي هُو سَلاّك كامَل العباد، بَخْصاص المومنين، على هاد الشي وعلم.

12 ما لازَم حَتَى واحَد يَحَقَّر صُغرَك، بَصَّح كون مْتَل للمومنين فالكُلام، فالسيرة، فالحُبَّة، فالإيمان، فالصْفا، 13 ومابيد نْجِي، أُتبَت فالقُراية، والتَسجيع والتَعليم، 14 ما تَنساش موهِبة النَّعمة اللي فيك واللي نَعطاتلَك بالنُبُّوّة وحَطّان يَدِّين جْماعة الشَّيوخ، 15 أَلتها بهاد الشي، حَط فيه كامَل بالك باش كامَل يْبانَلهُم باللي راك تَتَقَدَّم، 16 رَد بالك على روحَك وعلى التَعليم، أَتبَت في هاد الشيء إيه، كي تُدير هَكَدا، تُسَلَّك روحَك واللي يُسَّمعولَك تاني.

5

# الشْيوخة، الهَجَّالات، العْبيد

1 ما تُعيَّطش على شيخ، بَصَّح سَجّعو كي البابات، والشُبّان كي الخاوة، 2 النّسا النّجار كي اليمّات والصْغار كي الخواتات بكُل صْفا. 3 كَرَّم الهَجّالات اللي صَح هَجّالات، 4 ولاّ كانَت هَجَّالة عَندها الدّراري ولاّ الحَفضان، لازَم يَتعَلّمو قُبُل يُكُونو تاقيين مع دارهُم، ويُردّو الخير لمُواليهُم، خاطَر هاد الشي مُليح عَند رَبّي. 5 الهَجّالة مْتاع الصَح، اللي بْقات وْحيدة، تَرجا فالله وتَبَبَت تَطلَب رَبّي وتْصَلّي ليل ونْهار، 6 بَصَّح الهَجّالة اللي تُعيش فالزُهو، مَيّتة والو حَية، 7 هاد الشي تاني وصّي عليه باش ما يخلّيوش اللوم عليهم. 8 ولا واحد ما تُهلاس في ناسو، بخصاص ناس دارو، راه نُكر الإيمان وراهو كُتر من اللي ماشي مومَن، 9 باش تُكون هَجّالة مْسَجّلة، ما لازَمش يُكون عَندها قَل من سَتّين سْنة وتُكون تَزَوَّجَت براجَل واحَد، 10 مَعروفة بعْمال مُلاح، رَبّات دْراري، ضَيَفَت، غَسلَت رَجلين القَدّيسين، عاونَت اللي فالشَدّة، وكُل خَدمة خير دارتها، 11 بَصَّح ما تَقبَلش الهَجّالات الصْغار، خاطَر كي تَعَلَمُه شَهُوتَهُم، يُحبَّو يَتَرَوَّجو ويُخلّيو المَسيح، 12 ويْجيبو لروحهُم الدُنوب خاطَر سَمحو في إيمانهُم الأوَّل، 13 ويَعمَلمو تاني شَهوَ يَترَوَّجو ويْخلّيو المَسيح، 12 ويْجيبو لروحهُم الدُنوب خاطَر سَمحو في إيمانهُم الأوَّل، 13 ويَعمَلو تاني

<sup>\* 4:2</sup> كانو زمان يسخنو الحديد ويطبعو العبيد على جبايههم وتبقالهم شامة باش ما يقدروش يتخباو ولا يهربو وباش يبان حق مولاهم فيهم.

يَبقاو بلا خَدمة، يَجريو من دار لدار. ما كُفاش اللي راهُم بلا خَدمة، يْزيدو يُكَتّرو الهَدرة، والكُلوف ويْقولو الشي اللي ما لازَمش. <sup>14</sup> على هَدا، نُحَب الصْغارات يَترَوجو، يْجيبو الدْراري، يْسَيّرو دْيارهُم وما يُخَلّيوش السَبّة للعْدو باش يْسَبّهُم، <sup>15</sup> خاطَر كايَن مَنهُم اللي ضاعو وهومَ يْتَبّعو فالشيطان. <sup>16</sup> وَلاّ كانَت واحدة مومنة وعَندها هَجّالات، لازَم تُلْتها بِيهُم هِيَ باش ما تَقعُدش كَلافَتُهُم على الكنيسة، والكَنيسة تَستكلَف بالهَجّالات مْتاع الصَح.

17 الشيوخة اللي يُسيّرو مُليح لازَم يُكونُ ليهُم قُدَر زْيادة بخْصاص اللي يَتَّعبو للكَلمة والتَعليم، 18 خاطر النُمّاب يُقول: "ما تُحَطش كمامة على فَم الفَرد وهُو يَدرَس الزَرْيعة"، و: "الخَدّام يَستاهَل خْلاصو"، 19 وما تَقبَلش شكاية على واحَد من الشيوخة غير وَلا كانت بشهادة زوج ولا تلت شهود. 20 عَيَّط على الخاطيين قُدّامهُم كامَل باش الأخرين تاني يُخافو، 21 نَطلَب مَنَّك قُدّام الله والمُسيح يَسوع والمَلايكة المُختارين، تُطبَّق هاد الحاجات بلا ما تُدير الوْجوه وبْلا ما تاخُد الصَف، 22 ما تَحَطش اليَدّين بالخَف، وما تُشاركش فالدْنوب مْتاع واحَدآخُر، وأحْفَض روحَك صافي.

<sup>23</sup> وما تْزيدش تَشرُب غير الما، خود شْرِيّة شْراب عْلى جال كَرشَك ومَرضَك اللي مَنّا اللَهنا يْجيك. <sup>24</sup> كايَن ناس دْنوبهُم يْبانو قْبَل ما يْجوزو فالشْرَع، بَصَّح واحَدُخرين دْنوبهُم يْبانو من بَعد، <sup>25</sup> العْمال الصالحين تاني باينين واللي ماشى هَكداك ما يَقَدروش يَخَبّاو.

6

العبيد اللي تَحت السيطرة، لازَم يشوفو سيادهُم يَستاهلو كُل قَدر باش ما يُجيبوش السَبّان لآسَم الله والتعليم، واللي عَندهُم سياد مومنين، ما لازَمش يَحَقَّروهُم كي هومَ خاوة. بالعكس لازَم يَخَدمولهُم كتر خاطر هومَ مومنين وحْباب، عَلَم هاد الشي وسَجَّع.

#### مُحبَّة المال

\$ وَلا واحَد عَلَم تَعليم آخُر وما شَدَّس في كُلام رَبّنا يَسوع المَسيح الصْحيح، والتَعليم اللي يُوافَق الإيمان مُتاعنا،

4 يُكون تَنْعما بالتَكَثّر، ما راهو عارف والو، مْريض بالنِقاشات ودْواس الكُلام، من تَم يْجِي الحْسَد، الشَقْلالة،

4 أيكون تَنْعما بالتَكَثّر، ما راهو عارف والو، مْريض بالنِقاشات ودْواس الكُلام، من تَم يْجِي الحْسَد، الشَقْلالة،

4 أسبّان، الشَك اللي ماشي مُليح، و الخلافات الدايمين اللي بين ناس عَقليَّتُهم فاسدة، اللي ما عَرفوش الحَق وحاسبين يَرفهو بالتَقوى. 6 التَقوى صَح تَجْيب فايدة كُبيرة كي تُكون مُع القناعة، 7 خاطر ما جَبنا حَتَّى حاجة للدَنيا، وما نَقَدرو نَدّيو حَتِّى حاجة، 8 هِمّالا يُكون عَدنا القوت والكَسوة، نَستَقنعو بهاد الشي، 9 بَصَّح اللي يُحبَّو يَترفّهو، يُطيحو فالغواية وغُ بَرّاف الشّهوات التافهين واللي يُضَرّو، اللي يُغرّقو الناس فالهلاك والضْياعة. 10 إيه، السَبّة مْتاع هاد الوْجاع كامَل هِيَّ عُبّة المال، اللي كي حَوّسو عليه ضاعو بْعيد على الإيمان وجَوّزو على روحْهُم وْجاع بَرّاف.

### الحرَب الزينة

11 بَصَّح أَنتَ يا راجَل الله، أُهرَب من هاد الحاجات، وحَوَّس على الصْلاح، التَقوى، الإيمان، الحُبَّة، الصْبَر، والْملاحة. 12 حارَب الحرَب الزينة مْتاع الإيمان، أَحكَم الحَياة الدايمة، اللي نَدعيت ليها واللي سْتَعَوَفَتَلها عْتراف زِن قُدَّام شُهود بَزَّاف. 13 نُوصِّيك قُدَّام الله اللي يَعطي الحَياة لكُل حاجة، والمَسيح يَسوع اللي شُهَد قُدَّام بيلاطَس البُنطي شُهادة شابّة، 14 أَحفَض أَنت الفَرض وكون بْلا عيب وما تَكلامش، حَتّى يَضَهَر رَبّنا يَسوع المَسيح، 15 اللي

في وَقتو يْبَيّنو المُبارَك والأَعلى الوْحيد، سَلطان السْلاطَن ورَب الأرباب، <sup>16</sup> اللي هُوَ بَرك ما يْموتش، ساكن في نور واحَد ما يَقدَر يَوصَل ليه، حَتّى بْنادَم ما شافو، ما يَقدرَ يْشوفو. ليه الكَرامة والقُدرة الدايمة. آمين.

17 وَصِّي الْمَرْفَهِين مْتاع هاد الزْماْن، باش ما يُكونوش مَتكَبَّرين، وما يَرجاوش فالغْنا اللي ماشي دايَم، ويَرجاو فالله اللي يَعطيلنا كُل شي بالزْيادة باش نَتمَّعو، 18 يُديرو الخير، يُكونو مْرَفَهين بالعْمال الصالحين، يُكونو ݣُرام كي يُمَدّو، يَقَسمو مع الأُخرين، 19 يْلَبُو لروحهُم راس مال شْباب للمُستقبل، ويَحَكمو الحْياة الحَقَانيّة.

20 يا تيموتاوَس، حافَض على الأمانة، أُخطيك من الهَدرة الباطلة ودْواس العَلم الْمُزَيَّف، <sup>21</sup> خاطَر كايَن اللي دارو روحهُم عَندهُم هاد العَلمِ وبَعَّدو على الإيمان. النَّعمة مْعاكُم.

# رِسَالَةُ بُولُسَ ٱلرَّسُولِ ٱلتَّانِيةُ إِلَى تِيمُوتَاوُسَ

البْرِيّة التانية مْتاع بولَس لتيموتاوَس تْشَبَّه للوْصِيّة. بولَس كان فالحَبَس، كايَن يَزّاف اللي خَلّاوَه وكان عارَف باللي قْريب يْموت. راهو يْوادَع في رْفيقو اللّي يْحَبَّو كي وْليدو ويْوَصّيه للمَرّة الأخرانيّة.

ين هاد البُريّة، بولس يَدكُر عياتو، التَعليم مُتاعو والعْداب اللي جَوّزو في خاطَر البْشارة. يَنصَح تيموتاوَس، ويُسَجّعو يَسبَق يَدّي نُصيبو فالعْداب في خَدمة المُسيح، ويُوصّيه يْنَبَّع سيرة الشْهود الأولانيِّين مْتاع يَسوع اللي غابو، يَحفَض التَعليم اللي أدّاه منهُم ويقرا الكْتوب المُقدسين باش يَعَلَّم الحَق، يَفتنَع بالحُلال، يْصَحَّح الغْلاط ويَتكَوَّن لحياة الإيمان الصْحيحة.

1 بولَس، رَسول المَسيح يَسوع بمُراد الله، على حْساب وَعد الحْياة فالمَسيح يَسوع، 2 لتيموتاوَس وْليدي الحْبيب. نَعمة، رَحمة، سْلام من عَند الله الآب والمَسيح يَسوع رَبّنا.

#### الأمانة محفوضة

آ نَشَكُر الله اللّي نَعَبدو كيما عَبدوه جْدودي بضَمير صافي، كي دايمًا نَتَفَكّرَك في صْلاتي ليل ونْهار، 4 نَتَفَكّر دموعَك، وحاب بزّاف نْشوفك باش نَفرَح، 5 نَتَفَكّر إيمانك الحقّاني، اللي سْكَن قْبَل في مّانك لوئيس وفي يمّاك أَفنيكي واللي راني مَتيَقَّن راه فيك أَنتَ تاني. 6 على هَدا، نْفكرَك باش تْعاود تَشعَل موهبة الله اللي راهي فيك من اللي حَطّيت يَدِّي عليك، 7 خاطر الله ما عْطالناش روح الخوف، أعطالنا روح قُدرة وخْجَبة ورْزانة.

8 هِمّالا ما تَحَشَمش بشْهادة رَبّنا، وَلا بِيَّ أَنا المَحبوس فيه، بَصَّح أَتعدَّب معايَ على جال الإِنجيل على حُساب قُدرة الله، 9 اللي سَلَّكنا ودْعانا دَعوة مْقَدْسة، ماشي على حُساب فْعالنا بَصَّح على حُساب قَصدو والنَعمة اللي نَعطاتلنا فالمسيح يَسوع، اللي هَد الموت من جيهة ومن فالمسيح يَسوع، اللي هَد الموت من جيهة ومن جيهة أخرى نَوَّر الحَياة والخُلُود بالإِنجيل، 11 اللي تُكلَّفت ليه أَنا بَشير ورَسول وشيخ، 12 وعلى هاد السَبّة تاني اللي جيه أخرى نَوَّر الحَياة والخُلُود بالإِنجيل، 11 اللي تُكلَّفت ليه أَنا بَشير ورَسول وشيخ، 21 وعلى هاد السَبّة تاني اللي مُو راني نقاصي هاد الحاجات بَصَّح ما رائيش حَشمان، خاطر راني عارف بشْكون آمَنت، وكُنت مَتيَقَّن باللي هُو قادَر يَخفَضلي أَماني حَتَّى لَمَداك اليوم.

أدّ أُدّي العَبرة من الكالام الصْحيح اللي سْمَعتو منّي فالإيمان والْحَبّة اللي فالمسيح يَسوع، 14 وأحْفَض الأمانة الزينة بالروح القُدّوس اللي ساكن فينا.

15 تَعرَف هاد الشي، كامَل مْتاع آسيا خَلاّوني، مَنهُم فيجلُّس وهَرموجينَس. 16 نُشا الله الرَب يَعطي الرَحة لدار أونيسيفورَس، خاطَر شُخال من مَرّة ريَّخني وما حْشَمش بالسْناسَل مْتاعي. <sup>17</sup> بالعكس، كي وْصَل لروما، دار بَجهودو باش حَوَّس علِيَّ ولْقاني. <sup>18</sup> نُشا الله الرَب يَعطيلو باش يَلقا الرَحمة عَند الرَب في هَداك اليوم. أَنت تَعرَف كُتَر من واحَدآنُحُ كَامَل المْزِيّات اللي دارهُملي أونيسيفورَس في آفسُس.

1 أَنتَ هُمّالا يَا وْلِيدَي، أَتَقُوا فالنَعمة اللي فالمسيح يَسوع، 2 واللي سُمَعتو مَني بشْهُود بَرَّاف، هَداك أُعطيه لناس حُلاليِّين، قادرين يُكونو هومَ تاني شْيوخة، 3 أَدّي نْصيب فالعداب كي العَسَّكري الزين مْتاع المَسيح يَسوع، 4 ما كانش واحَد يُخدَم عَسَّكري يُقَلَّق روحو بأُمور الدنيا وَلا حَب يْرَضِي اللي جَنَدو، 5 وتاني لو كان واحد يْدير ريّاضة، يُتوجوه غير لوكان يْديرها على حُساب القُوانَ، 6 الفَلاّح اللي يَتعَب، يَسبَق يَدّي حَقّو فالغَلّة، 7 أَفهَم واش راني نُقول، إيه الرّب يَعطيلك النهامة في كُل شي. 8 أَتفكَّر يَسوع المَسيح، اللي قام من الموت، من سُلالة داود، على حُساب الإنجيل مْتاعي، 9 اللي على جالو راني نتعدّب حَتّى للسْناسَل كي الجَرَم، بَصَّح كَلهة الله ما راهيش مُسنسلة، على هَدا، نَعَل كُل شي على جالو المُختارين، باش هومَ تاني يُنالو السُلاك، اللي فالمَسيح يَسوع معَ الجَد الدايم. 10 على هذا، نَعَل كُل شي على جال المُختارين، باش هومَ تاني يُنالو السُلاك، اللي تقول: "وَلاّ مَتنا مْعاه، نَحياو تاني معاه، 12 وَلاّ حُمَلنا معاه، ثَلَكو تاني معاه، وَلاّ نُكُوناه، هُو يَبقا حُلالِ خاطَر ما يَقدَرش يَكُر روحو."

# الخادَم المُقبول عَند الله

14 فَكَرَّهُم بهاد الشي وأَنتَ تَطلَب قُدّام الله باش ما يَضّاربوش على الكَلايَم اللي ما يَنفْعو في والو من غير هْلاك اللي يَشَعوه 15 دير مجهودَك أنتَ بالدات باش تَوقَف قُدّام الله راجَل مُجرَّب، خَدّام ما عَندوش باش يَحشَم، يُعلَّم كُمة الحَق تَعليم صحيح. 16 أَخطي القُصرة بلا مَعنى، خاطَر اللي يُشَدّو في هاد الشي يْزيدو غير يْبَعَدو على التَقوى، 17 وكُلامُهُم ياكُل كي الواكلة. مَنهُم هيمنايوس وفيليتوس، 18 اللي بَعْدو على الحق، وقالو باللي القيامة قامَت وهَدّو الإيمان مْتاع شي ناس، 19 بَصَح اللساس الصحيح مْتاع الله يَبقا واقف بهاد الطابَع: "الرب يَعرف اللي ليه"، و"لازَم يْبَعَد على الشَر كُل من يَدكُر آسَم الرب." 20 في دار حُبيرة، ما كانش غير مُواعَن مْتاع الدْهَب ومْتاع الفَضّة، كاين تاني مْتاع الحُطّب والطين. مْتاع الدْهَب والفَضّة للشان والأخرين لواش عليّ. 21 همّالا، لو كان واحد يُطهّر روحو هُو بَالدات من هاد الحاجات، يُكون ماعون للشان، مُقَدَّس، نافع لمولاه وواجَد لكُل خَدمة مُليحة.

22 أَهرَب مَن شَهوات الصُّغُر، حَوِّس على الصْلاح، الإيمان، الحُبَّة، السَّلام معَ اللي يَدُّكُوو الرَب بقَلب صافي. <sup>23</sup> بَعَد على المُناقشات الجايحين وبْلا مَعنى، خاطر راك عارف باللي يُجيبو الدُّواس، <sup>24</sup> ما لازَمش عَبد الرَب يَداوَس، بالعكس لازَم يْكون ضْريف معَ كامَل الناس، قادر يْعَلَّم ويَحَل القْباحة، <sup>25</sup> يْفَهَّم اللي يُخالفوه بالمُلاحة، بَلاك رَبِّي يَعطيلهُم التوبة باش يَعَرفو الحَق، <sup>26</sup> ويَرَّجعو لَعْقَلهُم، خارَج خَفَّة إبليس اللي حُكَمَهُم باش يُديرو واش يُحب.

3

## الشَر فاليامات الأخرانييّن

أَعرَف هاد الشي، فاليامات الأخرانيين، يُجيو وقات صْعاب، ² خاطَر الناس يُولِيّو يُحبّو نفوسهُم، يُحبّو الدراهَم، وَوَات صْعاب، ² خاطَر الناس يُولِيّو يُحبّو نفوسهُم، يُحبّو الدراهَم، وَوَاخين، مَتكَبّرين، ماشي خاضعين لوالديهُم، نكّارين الخير، ما عَندهُمش الدين، ³ ما يُحسّوش، ما يُسامحوش، مُنامين، منضمين، خشان، عَديان الخير، ⁴ خايين، زادمين، مَعميّين بالتكبّر، حباب المتعة في عوض ما يُكونو حباب الله عنصمين، غبّو يُبانو تاقيين، بَصَّح نكرو قُوّة التقوى. هَدو تاني بَعَد عليهُم. أو إيه، كاين منهُم اللي يتسَحبو للديار،

ويَحَكَمُو فِي شْباكهُم النَّسَا اللي ضْعاف ومْعَمَّرِين بالدُنوب، يْقُوّدوهُم شَهوات من كُل نوع، <sup>7</sup> دايمًا يَتَعَلَّمُو، وغْمَرهُم ما يَقَّدرو يْجيو لَمَعِوفَة الحَق. <sup>8</sup> هَكَدا، كيما خالفو يَّيْس ويَمبِرِيس موسى، هَدو يْخالفو الحَق. ناس عْقولهُم فاسدين، ما يَصَّلحوش للإيمان، <sup>9</sup> بَصَّح ما راهُمش رايحين يْزيدو يَتَقَدمو خاطَر جْياحَتُهُم رايحة تْبان لكامَل الناس، كيما بانَت جْياحة هَدوك.

# بولَس يْوُصِّي تيموتاوَس

10 بَصَّح أَنتَ تَبَّعت مُليح التَعليم مْتاعي، السيرة، المَقصود، الإيمان، الصْبَر، الحُجَّة، النَّبات، 11 والحُقُرة والوْجاع اللي صْراولي في أَنطاكية وإيقونيّة ولِسترة وشُحال من حُقرة جَوَّزت وكامَل سَلَكني مَنهُم الرَب. 12 بَصَّح كامَل اللي عُبَو يْعيشو بالتَقوى فالمَسيح يَسوع رايحين يَغَفُرو، 13 بَصَّح الناس اللي ماشي مُلاح والخَدّاعين يَتقَدّمو فالدوني، يُضَيّعو ويْضيعو. 14 أَنتَ، أَبقا فاللي تُعلَّت واللي تَنقَّت مَنّو، وأنتَ عارَف من عَند من تُعلَّت، 15 ومن صُغرَك يُخيوف المُحتوب المُقدّسين اللي يَقَدرو يُردّوك حُكيم للسُلاك بالإيمان اللي فالمَسيح يَسوع، 16 كُل تُحَاب أَتُوحا من الله، يُصلَح للتَعليم، الموم، للتَصحيح، للتَّربية فالصْلاح، 17 باش راجَل الله يُكون كامَل، واجَد لكُل خَدمة مُليحة.

#### 4

أنطلب مَنَك قُدّام الله والمسيح يَسوع اللي رايح يُحاسب الحيّين والموتى بضهورو والملك مْتاعو، ² برَّح بالكَلمة، وكَّد كي تُكون السبّة وبْلا ما تُكون، لوم، عَيط، سجَّع بكُل صبر وبالتعليم، ³ خاطر رايح يْجي وَقت وين ما يَحملوش التَعليم الصّحيح، بَصَّح ياكلوهُم وَدنيهُم باش يَسَّمعو حاجات يَعَجبوهُم ويْلبو لروحهُم شيوخة على حساب شَهواتهُم.
4 من جيهة، يَبعّدو الودن على الحق، ومن جيهة أخرى يْدورو للخُرَّيفات. ⁵ بَصَّح أنتَ كون فايَق في كُل شي، أحمل العْداب، أخدَم خَدمة البَشير، وَفِي خَدَّمتَك.

6 إيه، أنا خْلاص راني ضُحِيّة يْسيل دَمّها، ووْصَل الوَقت باش يْطَلّعو مخطافي، 7 حارَبت الحَرب الزينة، كَمَّلت الجْري، حْفَضت الإيمان، 8 مَن دُرك، تاج الصْلاح نْحَطّلي بجيهة، رايح يَعطيهولي الرَب، القاضي العادَل، في داك اليوم، وماشي غير لِيَّ، بَصَّح تاني لكامَل اللي حَبّو يْشوفوه يَضهَر.

# بولَس يُطلَب حاجات من تيموتاوَس

<sup>9</sup> غاوَل أَرواح لعَندي بالخَف، <sup>10</sup> إيه، ديماس خَلاّني خاطَر حَب هاد الزْمان، وراح لتسالونيكي، كُريسكيس لغلاطيّة وتيطَس لدَمَاطيّة. <sup>11</sup> لوقا راهو وَحدو معاي. شَد مَرقَس وجيبو معاك خاطَر يْفيدني فالخدمة، <sup>12</sup> تيخيكَس بْعتّو لأآفسُس. <sup>13</sup> كي ثْجي، جيب البَرنوس اللي خَليّتو في تَرواس عَند كاربَس، والكْتوب بخْصاص المخطوطات. <sup>14</sup> سُكندر الحَدّاد دارلي بَرَاف الشَر، رَبِي يْردّلو على حْساب فْعالو، <sup>15</sup> أنت تاني رَد باللَك مَنّو بَرَّاف خاطَر جا ضَد كلامنا. <sup>16</sup> المَرة الأولى اللي دافَعت على روحي، واحد ما وْقَف معاي، كامل خَلاّوني، نشا الله ما يَتَّعسَبش عليهُم هاد الشي، <sup>17</sup> الرَب عاونّني وقوّاني باش تَكَل البشارة بِيَّ وكامَل الكُفّار يَسَمعو، وسْلكت مَن فُم السْبَع. <sup>18</sup> الرَب يُجّيني من كُل فعل دوني ويْسَلَكني لملكو السْماوي، له المجَد للدْوام، آمين.

<sup>19</sup> سَلَّم عَلَى بْرِسُكا وأَكيلا وُدار أونيسيفورَس، <sup>20</sup> أراستَس بْقا في كورَنتوس، تْروفيمُوس َخَلَيْتو مْريضُ في ميليتَس، ٰ 21 دير مجهودَك ثجي قْبَل الشْتا. إيوبولَس، وبوديس، ولينوس، وڭلوديا وكامَل الخاوة راهُم يَسَلّبو عليك. 22 الرَب مع روحَك، النّعمة معاكم. رِسَالَةُ بُولُسَ ٱلرَّسُولِ إِلَى تِيطُسَ

تيطَس كان رْفيق بولَس فالخدَمة، ووْقَف بَرَّاف معاه فالوْقات الصْعاب اللي جَوَّرْهُم في كورَنتوس. كي وَصلاتو هاد الْبِريَّة، كان تيطَس في كُريت، يْعاوَن الجْماعات المُسيحِيَّة باش يَتَنضمو.

بولَسْ فَكَّر تيطَس فالوْصايَف اللي لازَم يْكونو عَند المَسَوُول فالكَنيسة وكيفاش لازَم تْكون العَلاقة مع الكْبير والصْغير فيهُم ويَختَم بالنَعمة اللي تُسيَّر المومَن باش يْعيش على حْساب الإِنجيل.

ا بولَس، عَبد الله، رَسول يَسوع المَسيح، لإِ يمان مُخْتارين الله ومَعرِفة الحَق اللي على حْساب التَقوى، <sup>2</sup> ورْجا الحْياة الدايمة، المُوعودة قُبَل الزْمانات القْدَم من الله اللي ما يَكدَبش، <sup>3</sup> بَيَّن كَلمتو في وَقتها بالتَبشير اللي لُقيت روحي مُآمَن عليه على حْساب إيماننا اللي كيف كيف. نَعمة وسْلام من عَند الله الآب والمَسيح يَسوع سَلاكاً.

## خُدمة تيطُس في ݣريت

<sup>5</sup> على هاد الشي اللي خَلِيتَك في حُريت، باش تُكَلَّل تَنْضَّم اللي بْقا، وتْدير في كُل مْدينة شيوخ كيما آمرتك. <sup>6</sup> وَلاّ كان واحَد ما عليه حَتَّى لوم، مَتزَوَّج بمْرا واحدة، وْلادو مومنين، ماشي مَهومين بالفساد وماشي عاصيين، <sup>7</sup> خاطر، لازَم يُكون اللي يُسيَّر الكَنيسة راجَل ما عليهش اللوم، كي وْكِل الله، ماشي حاسب روحو، ما يَزعَفش بالخف، ماشي سوكارجي، ما يَدّاوسش، ما يَطمَعش في مال الحُرام، 8 بَصَّح لازَم يُكون حُريم يُحَل بابو، يُحب الخير، رْزين، صالح، قُدّوس، مَتحكَم في نفسو، 9 شاد فالكلمة اللي على حُساب التَعليم اللي يْليق بالإيمان، باش يْكون الخير، رْزين، صالح، قُدّوس، مَتحكَم في نفسو، 9 شاد فالكلمة اللي على حُساب التَعليم اللي يْليق بالإيمان، باش يْكون عادرين، عَلَى ما لازَمش على عُضاص الحُنتين، 11 اللي لازم يُنعَلَقُهُم فَهُم، هومَ اللي يْخَرّبو دْيار كاملين وهوم يْعلّبو الشي اللي ما لازَمش على جلل مال الحُرام. <sup>12</sup> واحَد مَهُم، رَسُول تَعهُم بالدات، قال: "الكريتيّين دايًا كَدّابين، وْحوش مَشرارين، حُروش كسلانين." 13 هاد الشهادة صحيحة، على هَدا لازَم تُعيَّط عليهم بالشدّة باش يُكونو صحاح فالإيمان، أَنجَس واللي ماشي عن خُرّايفات اليهود وقُوانَن الناس ويَبعّدو على الحَق. <sup>15</sup> كُل شي صافي للصافيين، بَصَّح للي تُنجَسو واللي ماشي مومنين حاجة ماهي صافية، تُنجَس العُقَل والضَمير تَعهُم، <sup>16</sup> يُقولو باللي يَعَرفو الله، بَصَّح يَكْرُوه بفْعالهُم، مَكروهين، عاصين، ماشي قادرين يَعملو حاجة مُليحة.

2

# بولَس يْوُصِّي تيطُس على المومنين

ا بَصَّح أنتَ، قول الشي اللي يْليق بالتَعليم الصْحيح، ² قول للشْيوخة يْكونو قْنوعِيّين، عَندهُم الهَمّة، رْزان، صُحاح فالإيمان، الحُجبّة، الصْبَر، ³ النْسا النُجارات تاني سيرَتُهم لازَم تُكون تْليق بالحاجات المُقدّسين، ماشي نمّامات، ماشي حاكم عليهم يُكترو من الشراب، ويَنهيو للخير، ⁴ باش يْعلّبو الصْغارات يحبُّو برْجالهُم ووْلادهُم، ⁵ رْزان، عَفيفات، نُسا تَع الدار، مُلاح، مَنطاعين لرْجالهُم باش ما تَنسَبّش كَلمة الله. 6 زيد وَصّي الصْغار باش يْسيرو بالعْقل 7 في كُل

شي. أنتَ بالدات بَيَّن روحك مْتَل تَع العْمال الصالحين، عَندَك تَعليم صافي، شَريف، 8 كَلمة صْحيحة، ما كانش اللي يَقدَر يُلوم عليك، باش يُنبَخُص اللي يُجي ضَدَّك وما يَلقا حَتَى شي دوني يْقولو علينا. 9 العْبيد يُكونو مَنطاعين السيادهُم في كُل شي، مْرَضينهُم وماشي مُخالفينهُم، 10 ما يَسْرقوش، بالعكس، يْبيّنو إيمان مْليح باش يْشَرّفو في كُل شي تَعليم سَلاّكا الله، 11 خاطر بانَت نعمة الله السَلاّك لكامَل بَني آدَم. 12 تُعلَّمنا باش نَبعَدو على الكُفر وشهوات الدَنيا ونْعيشو زْمان دُرك بالعُقَل وَالصْلاح وبالتَقوى، 13 مَستَنيين الرْجا المْبارَك ويْبان مَجد الله الكُبير وسَلاّكا يَسوع المَسيح، 14 اللي مَد روحو على جالنا، باش يُسَلَّكا من كُل دَنب ويْطَهَّر لروحو شَعب مُتار، مَتحَمَّس للفُعال المُلاح. 15 أهدَر على هاد الشي، سَجَّع، حاسَب بكُل حُكمة، حَتّى واحَد ما لازَم يَحَقَّرَك.

3

أعَمَّلُو كُل شي مْليح

1 فَكَرَّهُم يُكُونُو مَنطاعين للرِيّاس والسْلاطَن، طايعين، واجدين لكُل فَعل صالحَ، 2 ما يْسَبّو حَتَى واحَد، ما يَدّاوسوش، مَتواضعين، مْلاح مع كامَل الناس، 3 خاطَر حْنا تاني كُمّا زْمان جايحين، عاصيين، مْبحّرين، حاكمين علينا شُهوات ونشوات بَرَّاف، غُبُّوزو الوقت فالشَر والحْسَد، مَكروهين ونَكَرهو بَعضنا بَعض، 4 بَصَّح كي ضَهرَت من سَلاّكنا الله المُلاحة والحُبّة لكامَل الناس، 5 ماشي على جال عُمال الصْلاح اللي نُكونو دَرناهُم، بَصَّح على حْساب رَحَّتو، سَلَّكنا بَعَموديّة الزَيادة التانية وتَجديد الروح القُدّوس، 6 اللي فيضو علينا بيسوع المسيح سَلاّكنا، 7 باش، مُبريين بَنعَّمتو، نُوليّو وارتين على حْساب رْجا الحياة الدايمة. 8 هاد الكَلمة صُحيحة، وماداييَّ تُكون شُديد في هاد الشيء، باش يُحطّو بالهُم المومنين فالعمال الصالحين باش يُديروهُم، هاد الحاجات مُلاح ونافعين للناس. 9 بَصَّح البُحوت الجايحين، سَجرات السُلالات، الدُواس، المُناقشات على الشَريعة، أَخطيك منهُم خاطَر بلا فايدة وفي باطَل. اللي عارَب الدي بعد ما تنهيه المَرّة الأولى والتانية، 11 خاطَر راك عارَف باللي اللي بُعلو راهو خُرَج الطريق، يَخطى وهُو اللي حَلَرَج الدين بَعد ما تنهيه المَرّة الأولى والتانية، 11 خاطَر راك عارَف باللي اللي بُعالو راهو خُرَج الطريق، يَخطى وهُو اللى حُكَم على روحو.

# بولَس يْوُصِّي تيطَس

12 كي نَبَعَتَكُ أَرِتَمَاس وَلا تَيخِيكُس، دير مَجهودَك باش تُجيني لنيكوبوليس، خاطَر عَوَّلت نُجُوَّز الشَّتا تَمَة. 13 مَد واش لازَم لسْفَر زيناس شيخ الشَريعة وأَبُلُوس باش ما يُخْصَّهُم والو. <sup>14</sup> لازَم ناسنا تاني يَتَعلَّبو يُكونو الْحُيِّرين فالعْمال الصالحين، باش يُقابلو اللازمة وما يُكونوش بْلا نْفَع. <sup>15</sup> اللي راهُم معايَ كامَل يُسلّبو عليك، سَلّبو على اللهي يُخَبِّونا فالإيمان. النَعمة معاكم كامَل.

# رِسَالَةُ بُولُسَ ٱلرَّسُولِ إِلَى فِلِيمُونَ

فْليمون كان صاحَب بولَس، كان مومَن وبولَس هُو اللي بَشرو بالإنجيل، كان راجَل مْرَفَّه وعَندو عْبيد. في هَداك الوَقت، كان اقتصاد الإمبراطوريّة الرومانيّة واقَف على العُبوديّة. نَص سُكّان البْلاد كانو عْبيد وكان عقاب العَبد اللي يَهرَب قاسي بَزّاف ويَوصَل حَتِّي للموت.

أونسيموس واحَد من عْبيد فْليمون هْرَب منّو وتْلاقا مع بولَس فالحَبس، وهُوَ تاني آمَن. بولَس عاَود بَعتو لمولاه وبْعَت معاه بْرِيّة كْتَبها لْفْليمون ولكامَل جْماعة المومنين اللي كانو يَتلاقاو عَندو.

قال لوتَر: "بولَس دار قُدّام فْليمون على جال أونسيموس واش دار المَسيح قُدّام الله على جالنا: شْفَق، تُشْفَع، رْفَد الدّيون."

 أ بولس، محبوس المسيح يسوع والأخ تيموتاوس، لشريكنا فليمون الحبيب، 2 وللأخت أبفية، وأرخيبوس رفيقنا فالحرب وللكنيسة اللي في دارك، 3 نعمة وسلام ليكم من عند الله بابانا والرب يسوع المسيح.

شُكر وصْلاة في خاطَر فْليمون

<sup>4</sup> نَحمد إِلَمي دايمًا وأنا نَدُّكُرَك في صْلاتي، <sup>5</sup> خاطر شمَعت بالحُبّة والإيمان مْتاعَك للرَب يَسوع ولجميع القَدّيسين.
 أشا الله تُكون شَرِكة إيمانك بالفايدة، وتَعرَف الخير اللي فينا للمَسيح.

## بولَس يُطلَب شي لأونسيموس

<sup>7</sup> حَسِّيت بَفَرِحة تُجيرة وعْزا على جال عُجَبَّك، خاطر بيك اللي تُهدّنو قُلوب القَديْسين يا خويَ. 8 على هَدا، والو عندي فالمسيح الحق باش نام َك بالشي اللي لازم، 9 على جال الحُبّة، خير نطلَب مَنَّك وأنا كيما راني، بولَس، شيخ ودُرك تاني محبوس فالمسيح يَسوع، 10 نطلَب مَنَّك على جال وْليدي اللي وْلدَتو وأنا فالسْناسَل، أونسيموس، 11 اللي زمان ما كانش يَنْفعك، بَصَّح دُرك راهو يَنْفعك أنتَ كيما يَنفعني أنا، 1² راني نعاود نبعتهولك، هو الكَبدة تعي، زمان ما كانش يَنفعك، باش يُحَدَمني في عوض ما يَحَدَّمك وأنا في سْناسَل الإِنجيل، 14 بَصَّح ما حَبيّت ندير والو بلا ما ناخُد رايك، باش مُزيَك تُكون برْضاوة خاطرك ماشي بالسيف. 15 بلاك نفرق عليك وقت باش يُكون ليك للدوام، 16 ماشي كي العَبد، بَصَّح خير من العَبد، خو محبوب عندي، وليك عُتَر، فالدات وفَالرَب؟ 17 وَلا كنت حاسبني رْفِقك، أستَقبلو كي شُغُل أنَّا، 18 وَلا كاش ما دارلَك حاجة دونيّة وَلا عَدو دين، أحسب هاد الشي عليَّ، 19 أنا بولس راني نكتب بيدي، أنا غُظَّص، باش ما نقوللكش باللي أنتَ تاني مَديون بنفسَك ليَّ. 10 إيه يا خوي، لو كان نَدّي مَنَك مْزِية فالرَب: هَدَّن قابي فالمَسيح، 12 راني نكتبلك وأنا واتَن في طاعتك، وعارف تاني يا باللي راني نقول.

<sup>22</sup> وَزيد وَجَّدلي مَسكَنَ، خاَطر نَتمَنّا بصْلاتَكُم يَعطيوني نَعمة باش قْريب نُخرَجَّلَكُم. <sup>23</sup> راهو يْسَلَّم عليك أَبفراس، رْفيقي فالحَبَس فالمَسيح يَسوع، <sup>24</sup> ومَرقَس، أَرَستَرخَس، ديماس، لوقا، اللي يَخَّدمو معايَ. <sup>25</sup> نَعمة الرَب يَسوع المَسيح مع روحكُم.

# اَلرِّسَالَةُ إِلَى ٱلْعِبْرَانِيِّينَ

في هاد البْرِيّة، ما مَدكور لا آسَم الكاتَب وَلا آسَم الناس اللي نُكْتَبَتَّلُهُم. الكاتَب عَندو تَقافة يونانِيّة بَصَّح يَعرَف مُليح كُتوب العَهَد القُديم. باين باللي كُتَب لناس مَسيحِيّين آصَلهُم يْهود، وهاد المَسيحِيّين كانو بْداو يُشْكُو فالشي اللي آمنو به معَ الأوَّل وكايَن منهُم حَتَّى اللي عَوَّلو يُبطَّلو يامنو.

الكاتَب بْعَتَّاهُم هاد البْرِيَّة باش يُكَمَّلَلُهُم التَعليم اللي نالوه ويْرَجَّعَلهُم التيقة فالإيمان. المَسيح هُوَ ابن الله، يَعني هُوَ تاني إلَه، ووَلَّا بْنادَم باش كي مات، نَحَّا القُوّة لروح الشَر.

المُسيح كْبير على المَلايكة وعلى موسى ويَشوع وَريّاس رْجال الدين مْتاع العَهد القْديم. واللي يَفهَم المَعنى مْتاع الضْحِيّة فالعَهد القْديم يَفهَم مْليح قيمة ضْحِيّة المَسيح.

بالمَسيح اللي يَقدَر بْنادَم يَدخُل في عَلاقة معَ الله.

### الإبن خير من المُلايكة

أشحال من مَرّة وبشحال من صِفة، زْمان، كُلَّم الله الجدود بالأنبيا. 2 فالأَخْر مْتاع هاد اليامات، كُلَّمنا بوليدو، اللي دارو وارَت لكُل شي، واللي بيه تاني خْلَق الزْمانات، 3 هُو بْريق بهاه، وهُو الرَسم مْتاع واش يُكون الله، رافَد كُل شي بكلهة قُدَّرتو، وبَعد ما طَهَّر من الدنوب، قُعد فالعلالي على يْمين جْلالة الله، 4 ووَلا كْبير على الملايكة ووْرَت آسَم خير من آسَمهُم.

أن أطر ليمن من الملايكة سبق قال: "أنت وليدي، أنا اليوم ولدَتك"؟ وزاد: "أنا نْكون باباه، وهُو يْكون وليدي"،
 ويْزيد، كي بْعَت البُّكر فالدَنيا المسكونة، يْقول: "لازَم كامَل مَلايكة الله يَسَّجدولو"، 7 وعلى الملايكة يْقول: "يُرد الملايكة مْتاعو رْياح، والخدّامين مْتاعو لهيب نار"، 8 بَصَّح لوليدو يْقول: "عَرشَك يا الله للدوام، ومَلكك تحكمُ فيه بالحق، 9 حَبيّت الحق وكُرَهت الباطل، على هَدا، دَهنك الله إلهَك بزيت الفَرحة، وخَيرَك على صحابك"، 10 و: "أنت من الأول يا رَب حَطّيت لساس للأرض، والسَّماوات صَنعة يَديك، 11 هومَ يَفناو وأنت تْدوم، كامل يَقدامو كي اللباس، أنت كيما أنت، وعُوامَك ما يَخلاصوش." كي اللباس، أنت كيما أنت، وعُوامَك ما يَخلاصوش." 13 ليمن من الملايكة سبق قال: "أقعد على يْعيني، حَتّى خُط عَديانك تَحت رَجليك؟" 14 ماشي كامَل أرواح يَخَدمو الله عَد يانك عَم جال اللي لازَم يَوْرتو السَّلاك؟

2

# اللي ما يُقبَلش المُسيح

ا على هَدا لازَمَّلنا نَنتَهو كُتَر وكُتَر للحاجات اللي شُمَعناهُم، باش ما نْروحوش نْضيعو، <sup>2</sup> خاطَر وَلاّ الكُلام اللي خَبّرو بيه المُلايكة تَبت، ووَلاّ كُل خُطِيّة وكُل مَعصِيّة نالو العِقّابِ الحِقّانِي، ³ كيفاش نَسَّلكو حْنا لو كان نْفُرطو في سْلاك كْبير كي هَدا، اللي مع الأَوَّل تُبرَّح بيه مَن عَند الرَب، أومبَعد اللي سَمعوه تبتولنا عليه، <sup>4</sup> والله شُهَدَّهُم بمارات وتاني بآيات ومَعجِزات من كُل نوع وبمَوهِبات الروح القُدّوس على حْساب مُرادو؟

يَسُوع يَشُبَّهُ لخاوتو

خاطر ما حَطش الدَنيا المسكونة الجايّة اللي رانا نَهَّدرو عليها تَحت يَد المَلايكة، 6 شُهَد واحد في واحد المُكان وقال: "شكون هُو الإنسان باش تَدُكرو، وَلا وليد الإنسان باش تعبا بيه؟ 7 هَبَطتو شُوية على المَلايكة، وتَوَّجتو بالبُها والشان، 8 حَطّيت كُل شي تَحت يَدّو، ما خَلا حَتّى شي ماشي تَحت يَدّو. 2 نشوفو هَداك اللي ثنزًل شُوية على المَلايكة، يَدّو. 2 نشوفو هَداك اللي ثنزًل شُوية على المَلايكة، يَدو، 2 نشوفو باللي كُل شي راهو تَحت يَدّو. 9 نشوفو هَداك اللي ثنزًل شُوية على المَلايكة، يسوع، على جال عُداب الموت، تَتَوَّج بالبُها والشان، باش، بنعمة الله، داق الموت على جال كُل واحد. 10 خاطر لاق باللي ليه كُل شي وبيه كُل شي، وهُو أَدّاي شُخال من وْلَد للمَجد، باش يُوصَّل بالوْجاع مولى سُلاكهُم للمُكال. 11 خاطر اللي يُقدَّس واللي راهُم يَتقدّسو كامَل من آصَل واحَد. على هاد السَبّة، ما يَحشَمش يَعيَطْلهُم خاوتو، 12 ويُقول: "غَنَبَّر اَسَكَ خاوتي، في وَسط الجماعة نُسَبّحَك"، 13 ويْزيد: "أنا نُكون تاكل عليك"، ويُزيد: "هاني أن والولاد اللي عُطاهُملي الله." 14 همّالا، على حُساب اللي الدُراري شَركو فالدَم واللّحَم، وهُو تاني شُركهُم في هاد الحاجات، باش بالموت، سحق هداك اللي عندو قُدرة الموت، يعني إبليس، 15 وحَرَّر هَدوك اللي من الخوف من الموت، طول حْياتُهم وهومَ فالعُبوديّة. 16 خاطر فالصَح ما جاش يْعاون المَلايكة، جا يْعاون دَرِّيّة إبراهيم، 17 على الموت، طول حْياتُهم وهومَ فالعُبوديّة. 16 خاطر فالصَح ما جاش يْعاون المَلايكة، عا يْعاون دَرِّيّة إبراهيم، 17 على الموت، على دُنوب الشعب. 18 على حْساب اللي هُو بالدات تُعدَّب وجَوَّز التَنجرُبة، وَلاّ قادَر باش يْعاون اللهي يُحُوّر وفَوْ التَبجرُبة، ولاّ قادَر باش يْعاون اللهي يُحَوِّز وفالتَبجرُبة، ولاّ قادَر باش يْعاون اللهي يُحَوِّز وفالتَبحرُبة، ولاّ قادَر باش يْعاون اللهي يُحْوَد يُجْوَرُو وفالتَبحرُبة،

3

### المُسيح يُسُوع خير من موسى

أ هَكداً هِمّالاً، يا الخاوة القَدّيسين، على حُساب اللي تُسالو في دَعوة سُماويّة، مَيّزو اللي نَستَعرفو باللي هُو رَسول ورايَس الكاهنين: يَسوع، ² حُلالي مع اللي عَيّنو كيما موسى تاني في كامَل دارو. ³ بَصَّح هُو سُتاهَل مَجد كُتَر من موسى كيما واحد اللي يَبني دار عَندو الشان كُتر من الدار اللي بناها، <sup>4</sup> خاطَر كُل دار عَندها اللي بناها، واللي بنا كُل شي هُوَ الله. ⁵ وموسى كان حُلالي في كامَل دار الله، على حُساب اللي هُو خَدّام يُشهَد للحاجات اللي كانو رايحين يَتقالو، 6 بَصَّح المَسيح، كان حُلالي على دارو على حُساب اللي هُو وْليد الدار، ودارو هِي حْنايا وَلا شَدّينا والتيقة وفي خَو الرُجا.

# اللي ما يامَنش

<sup>7</sup> على هَدا، كيما يْقول الروح القُدّوس: "اليوم، وَلا شَمَعتو صوتو، 8 ما تُقسّيوش قْلوبكُم كيما في قْصِيّة العَصيان نْهار خُجَرْبتو فالخلا، 9 كي جَرِّبوني جْدودكُم بامتحان وشافو عْمالي، 10 مُدَّة رَبعين سْنة، زْعَفت على هاد الجيل وقُلت: "قلوبهُم دايمًا ضايعين، هومَ ما عَرفوش طُرقاني، 11 حَتّى حْلفت في زْعافي، وَلا رايحين يَدُّخلو في راحتي." أك ردّو بالكُم يا الخاوة، عَمرو ما يُكون عَند واحَد فيكُم قَلب شَرّاني، بلا إيمان يْعود يْبَعَد على الله الحي. 13 بالعكس، سَجّعو بعضكُم بَعض كُل يوم، مادام ما زال يَتقال "اليوم"، باش ما يَتقاسًا حَتّى واحَد فيكُم بغواية الخطية. 14 خاطر وَلينا شركا مع المسيح، هات بَرك نشدو فالتيقة اللي بْدينا بيها وتَنَّبتو حَتّى للأخْر، 15 فاللي ثقال: "اليوم وَلا سُمَعتو صوتو،

ما تُقَسَّيوش قُلوبكُم كيما في قُصِيَّة العَصيان." <sup>16</sup> خاطَر شْكون اللي عْصاو بَعد ما سَمعو؟ ماشي كامَل اللي خَرجو من مَصَر مُقُوَّدهُم موسى؟ <sup>17</sup> عَليمَن زْعَف رَبعين سْنة؟ ماشي على اللي خْطاو، واللي طاحو موتى فالخْلا؟ <sup>18</sup> وليمَن حُلَف باللي ما يَدُّخلوش في راحتو، وَلاَّ ماشي لهاد العاصيين؟ <sup>19</sup> ونَشَهمو باللي ما قَدروش يَدُّخلو على جال نَقص الإيمان.

4

### راحة لشُعب الله

الازم همّالا نخافو، ما دام الوَعد بالدَخلة لراحتو باقي، يُعود كاش واحد فيكُم يَحسَب باللي ما صَتَّلُوش، أو خاطَر خنا لَلنا البْشارة كيما هومَ تاني، بَصَّح الكُلام اللي سَمعوه هومَ ما فادهُمش، خاطَر ما شَركوش اللي سَمعوهُم فالإيمان، قاخاطَر، خنا المومنين نَدُخلو فالراحة، على حُساب اللي قال: "كيما حُلفت في زْعافي، وَلا يَدُّخلو في راحتي"، والو غالو كانو كَلو من اللي نُدار اللساس للدَنيا، أو خاطَر قال في واحد الآية في آمَر اليوم السابَع هكدا: "ورَجَّ الله فاليوم على السابَع بَعد كامَل عُمالو"، أو وهَدا تاني: "وَلا يَدُّخلو في راحتي." أو همّالا كي عَوَّل باللي كاين اللي يَدُّخلو فيها، ومع الأوَّل كامَل اللي نالو البشارة ما دَخلوش، على جال العَصيان، ألا عَالَي يَوم، وقال بَعد مُدة طُويلة على لسان داود، "اليوم"، كيما سْبَق تُقال: "اليوم، وَلا سُمَعتو صوتو، ما تُقَسِّوش قُلوبكُم"، 8 خاطَر، لو كان يَشوع ضُمَنَّهُم الراحة، ما كانش يَهدَر بَعد هَدا على يوم آخر، وهمّالا، ما زال غُنِي يوم راحة لشَعب الله، أن خاطر اللي دُخل في الراحة، ما كانش يَهدَر بَعد هدا على يوم آخر، وهمّالا، ما زال عُنِي يوم راحة لشَعب الله، أن نظو في هَديك الراحة، بأس واحد ما يُطيح في بُعال هَداك العَصيان، أن خاطر كلام الله حَي، ويُحَدَم، قاطع حُمَّر من كُل سيف مُتاع زوج مُواس، يَفصَل حَتَّى بين النَفس والروح، المُفاصَل ومُخ العُضَم، ويُثَيَّز تَخام ونِيّة القَلب. 13 على هدا، ما كان حَتَى غَليقة مُخفية قُدّامو، كُل شي عَريان ومكشوف لعينيه، هُو اللي نُخاسبو قُدّامو.

# يُسوع، رايُس الكاهنين

14 على حساب اللي عَندنا رايس كاهنين عبير، قطع السماوات، يسوع ابن الله، لازَم نشدو مليح في شهادة الإيمان، 15 خاطر ما عندناش رايس كاهنين ماشي قادر يَرفَق بضَعفنا، هُو جَرَّب كُل شي كيما حنا من غير ما يبير الدنوب، 16 هيّا ندَّناو هِمّالا بتيقة كاملة لعَرش النعمة، باش ثنالو رَحمة ونَعمة ونَلقاو مْعاونة مْوالمة.

5

ا خاطَر، كُل رايَس كاهنين كان يَتّاخَد من بين بْني آدَم، مْعَيَّن في خاطَر بْني آدَم، فالشي اللي يُخُص الله باش يُقَدَّم هِبات وضْعِيَات على الدْنوب، <sup>2</sup> قادَر يَفهَم الجاهلين والضايعين، على جال اللي هُوَ بالدات ضْعيف، <sup>3</sup> وعلى هاد الضَعف، اللي لازَم يُقَدَّم ضُعِيَات ليه كيما للشَعب على جال الدُنوب، <sup>4</sup> وما كاش اللي يَقدَر يَدّي هاد الشان لروحو، لازَم يُكون مَدعي من الله كيما هارون. <sup>5</sup> هَكدا المَسيح تاني ما مَدش لنفسو شان اللي يُولِّي هاد الشان لروحو، لازَم يُكون مَدعي من الله كيما هارون. <sup>5</sup> هَكدا المَسيح تاني في آية أخرى: "أنتَ كاهَن رايَس الكاهنين، بَصَّح اللي قاللو: "أنتَ وُليدي، أنا اليوم وْلدَتك"، <sup>6</sup> كيما يْقول تاني في آية أخرى: "أنتَ كاهَن للدُوام بصِفة مَلكيصادَق"، <sup>7</sup> هُو اللي، كي كان فالدات، صَلاً وتُرَجّا اللي كان قادر يُسَلكو من الموت بعياط حُبير

ودْموع، وسْتَجابلو على جال التَقوى مْتاعو، <sup>8</sup> ووالو كان وْليدو، تْعَلَّم الطاعة من الشي اللي تْعَدَّب منّو، <sup>9</sup> وكي وْصَل لكْمالو، وَلاّ لكامَل اللي يْطيعوه، سْباب سْلاك دايم، <sup>10</sup> مْسَمّي من الله رايَس الكاهنين بصِفة مَلكيصادَق.

#### تْقال باش تَفَّهمو

11 في هَاد الْآمَر، كُلامنا طُويل باش يَتقال وواعَر باش يَتفَسَّر، خاطَر وَلَيْتو ثقال باش تَقَهمو، 12 وفي عوض ما تُكونو وَلِيتو شُيوخة مع الوَقت كيما كان لازَم، تَشَحقو الواحَد يْعاوَد يْدَرَّسَلكُم من البَدية اللساس مْتاع كُلام الله، ووَلِيْتو تَشْحقو الحُليب، ماشي مُجَرَّب كُلام الصلاح، الله، ووَلِيْتو تَشْحقو الحُليب، ماشي مُجَرَّب كُلام الصلاح، خاطَر هُو وَلَد صْغير، 14 بَصَّح النُجَار، ليهُم الماكلة الصْحيحة، وهومَ مع اللي يْطَبقو، يُولِيّو قادرين يُميّزو بين الخير والشر.

6

1 على هَدا، غُغَلَيو البَدية مْتاع تَعليم المَسيح، وتَقَدَّمو لكْمَال الراشدين، وما نُعاودوش غُطُو النُساس مْتاع التوبة من العُمال الميتين، والإيمان بالله، 2 وتَعليم المَعموديّات، وحَطّان اليَدّين، وقيامة الموتى، والحُساب الأخراني، 3 وهَدا واش رايحين نُديرو وَلاّ حَب الله. 4 خاطَر مُحال للي بَعد ما نالو النور، وداقو الهبة السُماويّة، ووَلاّ ويُسالو فالروح القُدوس، 5 وسُتبنّو كَلمة الله المُليحة، وقُوّات الزّمان الجاي، 6 وطاحو، مُحال يْعاودو يُجَدّدو التوبة، خاطر يُعاودو يُعدّدو التوبة، خاطر يُعاود يُوسَنو في خاطرهُم ابن الله على الصُليب، ويُوصَّلوه للمُعايرة، 7 خاطر الأرض اللي تَشرُب الشّتا اللي تُصَب عليها شُعال من مَرّة، وثُمَد حشيش يُفيد اللي نُفلَحت على جالهُم، ثنال نُصيبها من بَرَكة الله، 8 بَصَّح اللي ثَمَد شوك وقُرنينة، تُكرون بلا فايدة وقُريب تُولِي مَعولة، ومع الأخر تَنحرَق.

و والو رانا نَهَدرو هكدا، قْتَنَعنا في آمَرَكُم يا الحباب، باللي الحاجات المُخيّرين ليكُم، ومنهُم السلاك، 10 خاطر الله ماشي ضالم باش ينسا خَدَمَتُكُم والحُجّة اللي بيَّنتوها لآسمو. خْدَمتو القَدّيسين وما زالكُم تُخَدّموهُم. 11 نَتَمّنّاو كُل واحد فيكُم يَبيَّن حَتّى للأخَر بْحال هاد المجهود لثُمال الرْجا، 12 باش ما تُوليّوش كسلانين. بالعكس، تُديرو كيما اللي بالإيمان والصْبَر يَوَّرتو الوْعود.

#### وُعد الله الصادُق

13 خاطَر كي وْعَد الله إبراهيم، على حْساب اللي ما كان حَتَى واحَد كُبير عليه باش يَحلَف بيه، حْلَف بنَفسو، 14 وقال: "صح بالبَركة نْباركُك، وبالكُترة نْكتَّر مَنْك"، <sup>15</sup> وهكدا كي صْبَر، نال الوَعد، <sup>16</sup> خاطر بْني آدَم يَحَلَفو بالكُبير كامَل، وكُل نِقاش بيناتهُم عَندو حَد بضْمانة اليُمين، <sup>17</sup> وعلى هَدا، كي حَب الله يُبيَّن مْليح مُليح للوَراتا مُتاع الوَعد باللي قَصدو ما يَتبَدَّلش، تَبَتو باليُمين، <sup>18</sup> باش بزوج حْقايَق ما يَتبَدَّلوش، اللي مُحال الله يَكدَب فيهُم، نَسَجَّعو مْليح ونْشَدَّو وتَتَبتو فالرْجا اللي عَندنا، <sup>19</sup> اللي هُو كي المخطاف الصْحيح والتابَت لنفسنا، يَدخُل مور الحُباب، <sup>20</sup> وين سْبَق دْخَل يَسوع على جالنا، ووَلاّ رايس الكاهنين للدوام بصِفة مَلكيصادَق.

7

### مُلكيصادَق الكاهَن

الله الله عَدا مُلكيصادَق كَان سَلطان سَلام، كاهَن الله العالي، اللي راح لاقا إبراهيم وباركو كي وَلاّ بَعد ما غُلَب الله السُلاطَن، 2 واللي عْطالو إبراهيم العْشور من كُل شي. فالبَدية، من جيهة آسمو يَتَرَجَم سَلطان الصْلاح، أومبَعد، من

جيهة أخرى هُو َتاني سَلطان سَلام يَعني سَلطان الهْنا. ³ لا باباة، لا يَمّاة، لا سُلالة، لا بَدية لياماتو، لا الأخر لحياتو. كي بُحال إبن الله، باقي كاهَن للدوام. ⁴ شوفو شُحال كبير هَداك اللي عُطالو الجَد إبراهيم العْشور من الخَيَّر فالعَنيمة. أد الكاهنين من بَني لاوي، اللي نالو الكَهَنوتيّة، مأمورين على حُساب الشَريعة باش يَديو العْشور من الشَعب، يَعني من خاوَتُهُم، والو هومَ من دَرِيّة إبراهيم، 6 ومَلكيصادَق اللي ماشي مَدكور في سُلالتَهُم، فُرَض العُشور على إبراهيم، وبارك اللي نال الوعود. 7 بلا حَتى نقاش، الصُغير يَتبارك من الكُبير، 8 هُنا اللي يَدّيو العُشور هومَ ناس رايحين يُموتو، بَصَّح تَمَّة واحَد مَشهودلو باللي حَي اللي أدّا العُشور، 9 حَب يْقول، لاوي اللي يَدّي العُشور، مَد العُشور من يَد إبراهيم، 10 خاطَر كان في إبراهيم على حُساب اللي كان رايح يُكون من دَرِيّة، كي إبراهيم ثلاقا مع مَلكيصادَق.

# الرَب يُسوع ومُلكيصادَق

11 لوكان همّالا، الكمّال ثُحقَّق بالكَهَنوتية مْتاع لاوي، خاطَر الشَعب حَط عليها النَّساس مْتاع الشَريعة، وَعلاش يْزِيد يْجِي كاهَن واحَداّخُر يَتقال عليه بصِفة مَلكيصادَق وماشي بصِفة هارون؟ 12 خاطَر كي تَبَدَّل الكَهَنوتية، لازَم تَبَدَّل الشَريعة تاني. 13 خاطَر اللّي تْقالو عليه هاد الحاجات يْكون لقْبيلة واحَدُخرى، واحَد فيها ما خْدَم فالمَدَنج، 14 خاطَر مَعروف باللّي رَبِّنا جا من يَهودا، وهاد القبيلة موسى ما قال عليها والو في آمَر الكَهَنوتيّة. 15 وهَدا يَبان كُتَر كي كاهن واحَداّخُر يْجِي بْحال مَلكيصادَق، 16 على حْساب قُدرة حْياة ما تْزولش، وماشي على حْساب فرض مْتاع بْنادَم، 17 على حْساب اللي مَشهود باللي "أنتَ كاهَن للدْوام بصِفة مَلكيصادَق."

18 من جيهة ، الفَرض الأوّلاني بْطَل على جال ضَعفو وقلّة فايَدتو، 19 خاطَر الشَريعة ما وَصَلَت حَتَى شي للمُجال، ومن جيهة أخرى، توجاد لرْجا خير بيه نُقَرّبو لله، 20 وهَدا ما كانش بلا يُمين، الأُخرين وَلاّو كاهنين بلا يُمين، لا يُمين، الأَخرين وَلاّو كاهنين بلا يُمين، 12 هُو يُمين اللي قال: "حُلَف الرّب وما يَلدَمش، أنتَ كاهن للدُوام"، 22 وهكذا وَلاّ يَسوع ضامَن لعَهد خير. 23 برّاف اللي وَلاّو كاهنين خاطَر الموت ما خَلاّت حَتّى واحَد يْدوم، 24 بَصَّح المَسيح، على جال اللي هُو باقي للدُوام، بْقاتلو الكَهنوتية. 25 على هَدا، هُو قادر يْسَلُّك بالثمّام اللي يُقرّبو بيه لله، دايمًا حَي باش يَشفَعلُهُم. 26 خنا كلهن كيما هُو اللي يُليقلنا، قُدّوس، ما فيهش عيب، طاهر، مَفروق على الخاطيين، ومُعلِّي فوق السُماوات، 27 هُو اللي ماشي لازَم كُل يوم، كيما ريّاس الكاهنين، يُقدَّم ضُعيّات على جال دُنوبو، ويْزيد على جال دُنوب الشَعب، خاطَر دار هاد الشي على مُرّة كي قدَّم روحو. 28 الشَريعة تُسمّي ناس عَندهُم ضَعف ريّاس كاهنين، بَصَّح كَلمة المُين اللي بَعد الشَريعة، حَطَّت إبن كامَل على الدُوام.

8

## المُسيح رايُس الكاهنين مْتاع العَهَد الجُديد

الصَح فالحاجات اللي تْقالو، عَندنا رايس كاهنين هَكدا، قْعَد على يْمين عَرش الجلالة فالسْماوات، ² خادَم الهَيكل الْمَقدَّس والخيمة الحقّانيّة، اللي بْناها الرَب وماشي بْنادَم. ³ خاطَر كُل رايس كاهنين، يَتسَمّا باش يُقَدَّم هِبات وضْحِيّات، وعلى هَدا اللي لازَم تْكون عَندو حاجة يْقَدَّمها. 4 لو كان هِمّالا كان فالدَنيا، ما كانش رائج يُكون حَتى كاهَن، خاطر كاين اللي يُقدمو هِبات على حْساب الشريعة، 5 واللي يَعَبدو نُسخة وتَصويرة لأمور السْما، كيما

أَتُوحا لموسى كي كان رايح يَبني الخيمة، خاطَر قال: "شوف ودير كُل شي على حْساب الرْشام اللي تْوَرّالَك فالجبُل." 6 دُرك، المَسيح نال خَدمة خير على حْساب اللي هُوَ وْسيط لعَهد خير قايَم على وْعود خير.

<sup>7</sup> خاطر لو كان العَهد الأوَّل كان ما فيهش عيب، ما كانش يَلزَم يْتَحَوَّس على عَهد تاني، <sup>8</sup> خاطر يْقول الله وُوهُ يْلوم فالشّعب مْتاعو: "هام يْجيو يامات، يْقول الرّب، ونَقطَع مع دار إسرائيل ومع دار يَهودا عَهد جْديد، <sup>9</sup> ماشي كيما العَهد اللي دَرتو مع جْدودهُم نْهار اللي شَدّيتُم من يَدهُم باش نُخَرَّجهُم من أرض مَصر، خاطر هوم ما بْقاوش على عَهدي، وأنا تاني سْمَحت فيهُم، يْقول الرّب، <sup>10</sup> خاطر بهاد العَهد اللي نَقَطعو مع بني إسرائيل بَعد هاد اليامات، يْقول الرّب، غَط شْرايعي في عْقَلهُم، ونَكتَبُهم في قاوبهُم، ونْكون إلَمهُم، ويُكونو شَعبي، <sup>11</sup> وواحد ما يْدَرَّس وْليد بْلادو وَلا خوه ويْقول: "أعرَف الرّب"، خاطر كامَل رايحين يَعَرفوني من الصْغير فيهُم للمُبير، ما يُدرَّس وْليد بْلادو وَلا خوه ويْقول: "أعرَف الرّب"، خاطر كامَل رايحين يَعَرفوني من الصّغير فيهُم للمُبير، <sup>12</sup> خاطر نُكون رْحيم من جيهة غْلاطهُم وعَمري ما نْعاود نَدكُر دْنوبهُم." <sup>13</sup> كي قال على العَهد التاني "جْديد"، <sup>21</sup> خاطر نُكون الْوَل الْوَيم"، واللي يَقدام رايح يْزول.

9

### العبادة فالخيمة متاع الدنيا

الأولانية واسمها القُدس، وفيها كابن الشندال والميدة وخُبز التقدمة. 3 مور الحجاب التاني، كابن الجيهة التانية واسمها القُدس، وفيها كابن الشندال والميدة وخُبز التقدمة. 3 مور الحجاب التاني، كابن الجيهة التانية متاع الخيمة وواسمها قُدس الأقداس، 4 فيها ناخ البنخور تخدوم بالدهب وصندوق العَهد مَطلي كامَل بالدهب، وفالصندوق ماعون متاع الدهب فيه المنة وعصا هارون اللي دارت النوار ولواح العَهد، 5 فوق صُندوق العَهد، مَلايكة المجَد مُغطيين الغطا بالضَل مُتاعهُم، آمَر ماشي وقتو باش يَتقال بالتفصيل. 6 هاد الحاجات نُحطّو هكدا، وكانو الكاهنين يَدُّخلو في كُل وقت للجيهة الأولانية متاع الحيمة يَخَدمو خَدَمَهُم، 7 وفالجيهة التانية، كان غير رايس الكاهنين اللي يَدخُل مَرة فالعام يُمد الدَم في خاطر دنوبو ودنوب الشعب، 8 الروح القُدوس يَبيّن بهاد الشي باللي طريق القُدس ما زال ما كانتش تحلولة، ما دامَت الخيمة الأولانية كاينة، 9 هَدا مُتَل على الوَقت مُتاع دُرك، اللي على حسابو، الهبات والضّحيّات اللي يَمَدّو ماشي قادرين على حساب الضّمير يُوصّلو العابَد للمُجال. 10 كانو فرايض في آمَر الماكلة والشراب والغسيل، والشي اللي يُغتُص الدات، وبثقاو هكداك حَتّى لزمان التَبديل.

# المُسيح وْسيط العَهَد الجْديد

11 جا المَسيح، رايَس الكاهنين مْتاع الخير الجاي فالخيمة الْمُخَيرة والمَكمُولة، ماشي المُخدومة بَيدّين بْني آدَم، يَعني ماشي مْتاع هاد الخَلق. 12 ودْخَل مَرّة واحدة لقُدس الأقداس، ماشي بدَم الْعْتارَس والفُراد، دْخَل بَدمّو ونال سُلاك دايم. 13 خاطَر وَلا دَم العْتارَس والفُراد ورْماد الوَكريفة المَرشوش على الناجسين يُقَدَّس ويَعطي الصْفا للدات، 14 دَم المَسيح كْتَر، هُوَ اللي بروح دايَم وْهَب روحو لله بلا عيب، باش يْصَفِّي ضَميرنا من العْمال الميّتين وَخَدَمو الله الحَي.

15 على هَدا اللي هُو وْسيط عَهَد جْديد، باش، على حْساب اللي صارَت موت كَفّارة على الدنوب اللي نْدارو فالعَهَد القديم، يْنالو المدعِيّن الوَرت الدايم اللي نُوعدو بيه، 16 خاطر كي تُكون وْصِيّة، لازَم تَبَت موت المُوصّي،

17 خاطَر الوْصِيّة يَتَّعمَل بيها غير وَلَا كانت الموت، وما يَتَّعمَلش بيها مادام الموصي حَي. 18 وعلى هَدا، العَهد الأولاني ما نْدارش بلا ما سال الدَم. 19 وموسى بَعدما قُرا على الشّعب كامَل فْرايض الشّريعة، خْدا دَم الفُراد والعُتارَس مع الما وصوف حْمَر والزوفا ورَش النُّكاب بالدات وكامَل الشّعب، 20 وقال: "هَدا دَم العَهد اللي آمَرَكُم بيه الله"، 21 ورَش الخيمة وكامَل دوزان العِبادة تاني بالدّم، 22 على حْساب الشّريعة، قُريب كُل شي يَتطَهَّر بالدّم، وبلا ما يْسيل الدّم ما كانش غُفران.

23 همّالا، على حْساب اللي الرُموز اللي يُمتلو الحاجات مْتاع السْما كان لازَم يَتطَهّرو بهاد الصِفة، لازَم الحاجات مُتاع السُما هوم بالدات يتطهّرو تاني بضحيّات خير من الأخرين، <sup>24</sup> خاطر المَسيح ما دْخَلَش لبْيوت مْقَدسين عَدومين بيَدّين بْني آدَم، يُشْبَهو للحَقّانيّين، دْخَل للسْما بالدات، باش يَوقَف دُرك في خاطرنا قُدّام الله. <sup>25</sup> وماشي باش يْضَحّي بنفسو شُخال من مَرّة، كيما رايَس الكاهنين اللي يَدخُل كُل عام لقُدس الأقداس بدَم ماشي دَمّو، باش يُضَحّي بنفسو شُخال من مَرّة، كيما رايي الكاهنين اللي يُدخُل كُل عام لقُدس الأقداس بدَم ماشي دَمّو، الزَمان باش يَبطَّل الدُنوب بضحيّة نفسو. <sup>27</sup> وكيما نقسَم لبْني آدَم يُوتو مَرّة واحدة أومبَعد يُجي الحُساب، <sup>28</sup> هكدا المُسيح تاني، بَعد ما ضَحّا مَرة واحدة باش يَرفَد دُنوب ناس بَرَّاف، رايج يُجي مَرّة أخرى بلا دُنوب لسْلاك اللي المُسيح تاني، بَعد ما ضَحّا مَرة واحدة باش يَرفَد دُنوب ناس بَرَّاف، رايج يُجي مَرّة أخرى بلا دُنوب لسْلاك اللي راهُم يَستَناو فيه.

#### 10

## المُسيح الدْبيحة الأولى والدايمة

أ خاطر الشريعة كان عَدها كي اللي تصويرة للخير الجاي، وما كانتش تَقدَر تُورِّي الصَح، وعلى هَدا، ما كانتش تَقدَر تُورِّي الصَح، وعلى هَدا، ما كانتش تَقدَر تُورِّي الصَح، وعلى هَدا، ما كانتش كانو يُحبِّسو يُمدِّو اللهي كانو يُطبِّقوها باش يُقرِّبو من الله، وهوم يُمدو صُفاو على مَرة وَما يَبقاوش رافدين الدُنوب في كانش كانو يُحبِّسو يُمدو الشُورد والشّعارَس يُخيي الدُنوب، صُميرهُم، ق بَصَّح الدُبليَج كانو في كُل عام يُفكّرو بالدُنوب، أو خاطر مُحال باش دَم الفُراد والمُعتارَس يُخيي الدُنوب، أعلى هَدا، قال المَسيح كي دْخُل للدَنيا: "ما حَبيت لا ضُحيّة وَلا هِبة، بَصَّح شَكَّاتيٰ في دات، 6 ما عَبك لا مُحروقة وَلا ضُحيّة دَنب، 7 همّالا قُلتك: "هاني نُجي، باش نُديريا الله مُرادَك، هَدا هُو المكتوب عليَّ فالكتاب."" 8 بَعدما قال: "ما عَبوكش الضُحيّات والحُرايق وضُعيّات الدُنوب"، وهَدوك كانو على حُساب الشَريعة، وزاد قال: "هاني نُجي باش نُدير مُرادَك"، وحَبَّس العَهد الأولانِي وحَط عَهد تاني، 10 وبمُراد الله هَدا، وَلِينا مُقدسين بهبة دات يَسوع المَسيح مَرة واحدة.

11 كان كُل كَاهَن يَوقَف كُل يوم يَخدَم خَدَّمتو ويْعاوَد يْمَد ضُعِيّات كيف كيف، وهَدوك الضْحِيّات ما كانوش يَقَدرو يْخَيّو الدْنوب، وقْعَد للدْوام على يْمين الله، 13 يَستَنَا كانوش يَقَدرو يْخَيّو الدْنوب، وقْعَد للدْوام على يْمين الله، 13 يَستَنا من دُرك حَتَى يَخَطّو عَديانو تَحَت رَجليه، 14 خاطر بهبة واحدة، وَصَّل المُقدسين للكمال للدوام. 15 والروح القُدوس تاني يَشهَد، خاطَر بَعد ما قال: 16 "هَدا هُوَ العَهد اللي نَقَطعو معاهُم بَعد هَدوك اليامات، يْقول الرَب، نَعطي شْرايعي في قُلوبهُم ونكتَبهُم في عْقولهُم، 17 وعَمري ما نَتفكَّر دْنوبهُم وسِيّاتهُم." 18 خاطَر كي يْكون غُفران الدْنوب، ما كان لاش تُكون هِبة على جالهُم.

19 هِمَّالا، يا الخاوة، على حْساب اللي رانا واتقين باللي قادرين نَوَّصلو للمَقدَس بدَم يَسوع، 20 بالطْريق الجُديد والحَي اللي حَلهولنا فالحُجاب اللي هُوَ داتو، 21 وعَندنا كاهَن كُبير قايَم على دار الله. 22 هَيَّا فَقَضو الرُّجا اللي نَستَعرفو مُعمَّر بالإيمان، بَعدما تُطهَرو قُلوبنا من الضَمير الدوني ونُغَسلَت داتنا بالما الصافي. 23 هَيَّا نَقَضو الرُّجا اللي نَستَعرفو بيه وما نَفَسلوش، خاطَر اللي وْعَد حْلالي، 24 ونُرَدّو بالنا على بَعضنا بَعض، ونُسَجّعو بَعضنا بَعض المُحبّة وفْعال الخير، 25 وما نُفَليوش جْماعتنا كيما هي عادة شي ناس. بالعكس، أتسجّعو بغُصاص وأنتوم شايفين يوم الرب قُريب، 26 خاطَر وَلا عَمَّدنا فالدُنوب بَعد ما عُرفنا الحَق، ما تَبقاش تُفيد ضُعِيّة على دُنوبنا. 27 بالعكس، نَبقاو فَريب، 26 خاطَر وَلا عَمَّدنا فالدُنوب بَعد ما عُرفنا الحَق، ما تَبقاش تُفيد ضُعِيّة موسى، يُموت بلا رَحمة بشهادة وَرج شُهود وَلاّ ثلاثة، 29 شُحال في بالكُم يُكون صُعيب العقاب اللي يَستاهلو اللي يَعفَس على ابن الله ويَحسَب دَم العَهد اللي تُقَدَّس بيه ناجَس ويْهين روح النَعمة؟ 30 ياخي نَعْرفو اللي قال: "أنا اللي نَعلَف التار وأنا اللي نُجازي"، العَهد اللي تُقَدَّس بيه ناجَس هُعبو." 18 يا ويل اللي يُطيح في يَد الله الحَي.

<sup>32</sup> أَتَفَكّرو اليامات الأولانيِّين، اللي بَعدما تَنُوَّرتو، قاصيتو فيهُم وْجاع حَرب كْبيرة. <sup>33</sup> من جيهة كي كُنتو فُرجة فالمُعايرات والحُقُرة، ومن جيهة أخرى كي وْقَفتو مع اللي صْرالهُم كيفكُم، <sup>34</sup> خاطر وْقَفتو مع الحَبوسين، وقُبلتو بالفَرحة السَرقة مْتاع شِيكُم، عارفين باللي عَندكُم كَنز خير ودايَم. <sup>35</sup> ما تَسَمحوش فالتيقة اللي عَندكُم، خاطر فيها آجر كُبير، <sup>36</sup> تَسَّحقو يُكُونَ عَندكُم الصْبَر باش تُديرو مُراد الله ويَتَحَقَّقلكُم الوَعد. <sup>37</sup> مازال شْوِيّة، شْوِيّة وَقت بَرك ويْجي اللي رائج يْجي وما يَبطاش. <sup>38</sup> "الصالح يَجيا بالإيمان، ولوكان يكفَر نفسي ما تَرضاش بيه"، <sup>39</sup> وحْنا ماشي صُحاب الكيفر النهس.

#### 11

#### الإيمان

الإيمان يَعني الواحد يُكون ضامَن الحاجات اللي يَترَجّاهُم، وعَندو اليَقين بِعْقايَق ما يْشوفهُمش، <sup>2</sup> خاطَر بالإيمان اللي نالو القُدَم شْهادة الله. <sup>3</sup> بالإيمان اللي نَشْهمو باللي الدَنيا شُخلقت بكلمة الله، يَعني الشي الضاهر تُكون من حاجات ماشي ضاهرين. <sup>4</sup> بالإيمان اللي قَدَّم هابيل شُخية لله خير من قايين، وبيه اللي نَشَهدلو باللي هُو صالح، كي شْهد الله للتقدمات متاعو، وبالإيمان اللي مازالو يَهدَر والو ميَّت. <sup>5</sup> بالإيمان اللي نَرفَع أُخنوخ بلا ما يُجوَّز الموت، وما لقاوهش خاطر الله رَفعو. ياخي قُبل ما يُنرفَع نَشَهدلو باللي نال رْضاية الله. <sup>6</sup> مُحال نُرضيو الله بلا إيمان، ولازَم اللي يَتقرَّب من الله يامَن باللي الله كاين ويُجازي اللي يُحوّسو عليه، <sup>7</sup> بالإيمان اللي نوح كي نوحالو بالشي اللي رائيح يَصرا، خاف الله وبنا فلك لسلاك دارو وهكدا اللي حُكم على الدَنيا ووْرَت الصلاح المَبني على الإيمان. <sup>8</sup> بالإيمان اللي كان رائيح يَوْرتو، خُرَج بلا ما كان عارف وين راهو رائيح. <sup>9</sup> خُرَج وسُكن في أرض الوَعد كي اللي في أرض غُريبة، سُكن فاخليم مع إسحاق ويَعقوب، الشَركة راهو رائيح. <sup>9</sup> خُرَج وسُكن في أرض الوَعد كي اللي في أرض غُريبة، سُكن فاخليم مع إسحاق ويَعقوب، الشَركة منتيا المدينة اللي يَنتيها. <sup>11</sup> بالإيمان اللي سارة بالدات، <sup>10</sup> خاطر كان يَستَنَا المُدينة اللي عَندها اللساس، واللي الله هُو المُهندَس مُتاعها وهُو اللهي يَنتيها. <sup>11</sup> بالإيمان اللي سارة بالدات وهِي عافرة، نالتَ القُدرة باش ثُجيب الدَريّة والو حُبيرة فالعُمَر، خاطر

شافَت باللي اللي وْعَدها يَستاهَل تامنو، <sup>12</sup> وهَكدا وَلدَت من واحَد بَعد ما ماتَت فيه القُدرة باش يَسعا الدْراري، دَرِيّة كي فْجوم السما في كُتَرَتها وكي الرْمَل اللي على شَط الْبحَر، ما يْنَحَسَبش.

13 هَدُو كَامَلِ ماتو وهومَ مومنين قُبُلِ ما يَتَحَقَّق الوَعد، بَصَّح شافوه من البْعيد وآمنو بيه وسْتَعترفو باللي في هاد الدَّنيا ما كانو غير مْسافرين غُرابا. <sup>14</sup> هَدو وهومَ يْقولو هاد الشي، يْبيَّنو باللي يْحَوَّسو على البْلاد الحقّانيّة، <sup>15</sup> ولوكان تُفكّرو البْلاد اللي خَرجو منها، كان عَندهُم الوقت باش يَرَّجعولها، <sup>16</sup> بَصَّح هومَ كانو مَتشُوقين لبْلاد خير،البْلاد السُماوِيّة. على هَدا الله ما يَحَشَمش بهُم كي يْعَيَّطولو إلهُهُم. ياخي هُوَ وَجَّدَّهُم مْدينة.

17 بالإيمان قَدَّم إبراهيم إسحاق وْليدو كي تُجَرَّب، قَدَّم هَداك اللي بيه كان الوَعد، وْليدو اللي ما يَسعا غير هُو، الله وَتْقَاللو: "تْكُون عَندَك الدَرِيَّة من إسحاق." 19 حْسَب إبراهيم باللي الله قادر يُحيي الموتى، على هَدا رْجَعلو وْليدو، وكان كايَن رَمز في هاد الشي. 20 بالإيمان تاني اللي بارك إسحاق يعقوب وعيسو في آمر المُستَقبَل، 21 وبالإيمان اللي بارك يعقوب كي كان رايح يموت كُل واحد من ولاد يوسف وشجد وهُو مُتكّى على راس العصا مُتاعو، 22 بالإيمان اللي يوسف يعد ما اللي يوسف كي كان قريب يُموت، دُكر خروج بْني إسرائيل ووصّاهُم في آمر عضامو، 23 بالإيمان اللي موسى بعد ما نزاد، خَبّاوه والديه تلت شهور، خاطر شافوه شباب وما خافوش قانون السَلطان، 24 بالإيمان اللي كي كُبر موسى، شمّح في آسم "وْليد بَنت فَرعون"، 25 بالعكس، خَيَّر يَنهان مع شَعب الله خير من اللي يُكون عَدو الزُهو الزايَل مُتاع الدُنوب، 26 وشاف باللي عار المَسيح أعلى من خُيَوز مَصر، خاطر كان عينو فالآجر. 27 بالإيمان اللي خُرج موسى، موسى من مَصر وما خافش من زُعاف السَلطان وحْمَل وهُو صابَر على جال الشي المَخفي اللي كان شايفو، 28 بالإيمان اللي غرج اللي دار الفَصح ورش الدَم باش الهالك ما يُسش بُكارهُم، 29 بالإيمان اللي قَطعو بَني إسرائيل البُحَر الأحمر كيما اللي دار الفَصح ورش الدَم باش الهالك ما يُسش بُكارهُم، 29 بالإيمان اللي قطعو بَني إسرائيل البُحر الأحمر كيما عليهم مُدّة سَبع أيّام. 31 بالإيمان اللي ما هَلكَتش راحاب مع العاصيين، بَعدما دخّلَت لدارها المُبعوتين باش يُشوفو عليهُم مُدّة ورَحبَت بيهُم.

<sup>32</sup> واش نزيد نقول؟ خاطر الوقت ما يكفينيش باش نَهدَر على جَدعون وباراق وشَمشون ويَفتاح وداوَد وصَموئيل تاني والأنيبا، <sup>33</sup> اللي بالإيمان غَلبو مَهلكات، وحكمو بالحق، ونالو الوْعود وسَدّو فوام السبوعة، <sup>34</sup> وطَفَاو النار بقَوَّتها، وسَلكو من حَد السيوفة، وعاودو وقفو قُوايا بَعد الضَعف وكانو سَجعان فالحَرب وهَربو منهُم الجيوش الأخرين، <sup>35</sup> والنسا عاودو رَجعو الموتى مُتاعهُم بالقيامة، وكاين اللي حَملو العْداب وما قَبلوش يَسَّلكو باش يْنالو بالقيامة حياة خير، <sup>36</sup> وكاين اللي ثُمروو وهوم كاين اللي ثُمَّلو المُهانة والضَرب وحَتَّى السناسَل والحَبس، <sup>37</sup> ماتو مَرجومين، مُقطعين بالسيوفة، وكاين اللي تُشردو وهوم مستورين غير بجَلد النُّجاش والمُعيز، مُحرومين، مَضلومين ومَنهانين، <sup>38</sup> هومَ اللي الدَنيا ما كانتش تَستاهَلهُم، وتاهو فاخلًا والجُبال والغيران ونُهوف الأرض، <sup>39</sup> هومَ كامَل والو نَشَهَدَّلُمُم بالإيمان، ماشي كامَل حَضرو كِي تُحَقَّق الوَعد، <sup>40</sup> خاطَر الله وَجَدَّلنا حاجة خير، وما حَبُهُمش يَوَّسُلو للنُهال بلا بينا.

أ هكدا همّالا، حْنا تاني، على حْساب اللي كاينة جْماعة من الشهود ساير داير بينا كي السْحابة، لازَم نَرميو علينا كل حاجة تْقيلة والدْنوب اللي يَعْرفو كيفاش يلَّصقو فينا، باش نَقدرو نَجريو فالجْري اللي قُدّامنا، ² وعينينا شايفين ليسوع اللي بْدا فينا زَرع الإيمان وهُو اللي يُكَمَّلو، واللي تُحمَّل الصليب وما تُحرواش في عارو في خاطر الفَرح اللي كان يَستَنّا فيه، وقْعَد على يُمين عَرش الله. ³ مَيرو هَدا اللي حْمَل عْداوة كي هَدي من عَند الخاطيين باش ما تُعيّيوش نُفوسكم وتَفْشلو.

4 مازال ما قاوَمتوش حَتى للدَم وأنتومَ تُحاربو فالدْنوب، 5 نُسيتو كيفاش سَجَّعُكُم الله وكَلَّمَكُم كي وْلادو: "يا وْليدي، ما تَسَتَهزاش بَرَبية الرَب وما تَفَسَّلش كي يْلومَك، 6 خاطر الرَب يْرَبِّي اللي يُحْبَو، ويْعاقَب اللي يَحْسبو وْليدو." 7 أَحَمُلو باش تَرَبّاو خاطَر الله يْعامَلكُم كي وْلادو. واش من الوْلد اللي ما يْرَبّيهش باباه؟ 8 وَلا ما شركتوش فالتَربية اللي كامَل نالوها، يَعني أنتومَ وْلاد حْرام وماشي وْلاد شَرعِيّن. 9 ياخي مُوالينا على حْساب الدات رَبّاونا وكُمّا نُقادروهُم، وباباة الأرواح، ماشي لازَم نُطيعوه كُتَر باش نَحياو؟ 10 هومَ رَبّاونا لوَقت قُصير على حْساب ما شافوه مُليح، بَصَّح الله يْرَبينا لفايدَتنا باش نَشَركوه في قداستو. 11 التُربية فالحاصَر ما تْبانش آمَر يْفَرَّح، تْبان ثُحَزَّن، بَصَّح من بَعد، تُجيب للي يْنالوها الهُنا مع عَلّة الصْلاح. 12 على هَدا، اليّدين الفشلانين والرُكايَب المَرخِيّن لازَم يَتَقَوّاو، من بَعد، تُجيب للي يْنالوها الهُنا مع عَلّة الصْلاح. 12 على هَدا، اليّدين الفشلانين والرُكايَب المَرخِيّن لازَم يَتَقَوّاو، من سَعد، تُجيب للي يْنالوها الهُنا مع عَلّة الصْلاح. 12 على هَدا، اليّدين الفشلانين والرُكايَب المَرخِيّن لازَم يَتَقَوّاو، من سَلم الطُرقان تُحَت رَجليكُم، الكَعوان ما لازَمش يْعيب، بالعكس، يْبرا.

# اللي ما يُقبَلش الله

14 تَبعو إلَهٰنا مع كامَل الناس والقداسة اللي بلا بيها واحَد ما يشوف الرَب، 15 رَدّو بالكُم يْعود كاش واحَد يُغَرَم من نَعمة الله، وتْعود تَكَبَر بيناتُكُم زَرِّيعة المْرارة وتُسَبَّب الهول حَتَّى تَخَاج الجُمْاعة. 16 ما يُكونش بينكُم فاسَق وَلا واحَد يَستهزا بالشي المُقَدَّس كيما عيسو اللي باع حَق البُكار مْتاعو على جال طَبسي مْتاع الماكلة. 17 ياخي راكم عارفين باللي من بَعد، كي حَب يَورَت البَرَكة ما نَقبَلش وحَوَّس يَبَدَّل هاد الشي بالدُموع بَصَّح ما قُدَرش.

18 ما قَرَّبُوش من حاجة مَلموسة ونار شاعلة وعَتمة وضْلام وريح عاصفة، 19 وَلا صوت بوق وَلا حَس كُلام خَلاّ السامعين يَطَّلو ما تُزيد تَنقالَلهُم حَتَّى كُلمة. <sup>20</sup> خاطَر ما حَلوش الشي اللي تآمرو بيه: "حَتَّى الهايشة لو كان تُمَّس الجُبْل، تُنْرَجَم." <sup>21</sup> الشي اللي تُورّالهُم كان واعَر لحَد اللي موسى قال: "راني مَرعوب ونَتَّرعَد." <sup>22</sup> أنتوم قَرَّبُتو لجُبْل صَهيون، لمُدينة الله الحيِّ، أورشَليم السُماوية، ولآلاف المَلايكة الجَموعين باش يَحتَفلو، <sup>23</sup> جُماعة البُكار المُسجَّلين فالسُماوات، ولله حاكم الكُل، ولأرواح الصالحين الواصلين للكَمال، <sup>24</sup> وليسوع وْسيط العَهد الجُديد، وللدَم المَرشوش اللي يَتكلَم خير من دَم هابيل.

<sup>25</sup> رَدّو بَالكُم تُعودو ما تَشَّبلوش اللي راهو يَتكلَّم، خاطر وَلاّ هَدوك اللي ما قَبلوش اللي نُطَق بالكَّلام على الأرض ما سَلكوش، كيفاش نَشَّلكو حْنا وَلاّ ما قُبلناش اللي يَتكلَّم من السْما، <sup>26</sup> واللي في داك الوقت صوتو زَعزع الأَرض ودُرك وْعَد وقال: "مَرّة أخرى، راني راني راني رائي نُزعزع ماشي غير الأَرض، وحَتى السْما." <sup>27</sup> كي قال "مَرّة أخرى"، بيَّن باللي الحاجات اللي يَتزَعزعو يَتبَدّلو كونهُم مَخلوقين باش يَبقاو غير اللي ما يَتزَعزعوش. <sup>28</sup> على هَدا، على حْساب اللي ننالو مَلكوت ما يَتزَعزعش، لازَم نُشَدّو في هاد النَعمة اللي بيها نُخَدّمو الله بصِفة تُرضَيه، بتقوى وخوف، <sup>29</sup> خاطر إلهنا نار تاكل.

#### صآت

ألَّرَمْ تَبقا الحْبّة بين الخاوة، ² ما تنساوش الضّيافة، خاطر بيها كاين اللي ضَيفو مَلايكة بلا ما عَرفو. ³ أَتفكّرو الحَبوسين كي اللي را تُم عَبوسين معاهُم، والحَقورين على حْساب اللي أنتومَ تاني عَندَكُم دات وقادرين تَتحقرو. ⁴ لازَم يُكون الزّواج مُكَرَّم عَند كامَل الناس، وفْراش المَترَوجين طاهَر، خاطر الله يْحاسَب الفاسقين والزانيين. ⁵ لازَم تكون سيرتَكُم خالية من عُبّة المال، وأقتعو بالشي اللي عَندتُم، خاطر الله بالدات قال: "عَمري ما غُخليّك، عَمري ما نَضمَح فيك." 6 حَتَى نَقدرو نقولو: "الله يْعاونني وما نْخافش، واش يَقدر يْديرلي بْنادَم؟"

7 أَتَفَكَّرُو قُوَّادَكُمُ اللَّى وَرَّاوَلَكُم كُلمة الله، مَيَّزو كيفاش كَمَّلو سيرَتُهُم وتَّبعو إيمانهُم.

8 المُسيح هُو هُو، البارح واليوم وللدُّوام. 9 ما تَنغَرَّوش بتَعليم مُخالُف وغْريب، خاطَر خير للقَلب يَتبَت بالنَعمة وماشي بمُواكل ما نَفعوش اللي خُداوهُم. 10 عَندنا مَدبح، اللي يَخَدَّمو فالخيمة ما عَندهُمش الحَق ياكلو منّو، 11 خاطَر الهُوايَش اللي يَدخُل رايَس الكاهنين بدَمهُم لقُدس الأقداس على جال الدنب، داتهُم تَنحرَق برَّا على المُكان اللي غُيمين فيه. 12 على هَدا، يَسوع تاني، باش يُقَدَّس الشَعب بدَمّو، مات بَرَّا على المُدينة. 13 هَكدا، هَيّا همّالا نُخَرَّجو نَلقاوَه بَرًا على المُدينة وحنا رافدين المُهانة مْتاعو، 14 خاطَر هْنا ما عَندناش سُكان دايَم، رانا نُحوَّسو على السُكان الجاي. 15 بالمسيح اللي نُقَدّمو لله دْبيحة تَسبيح في كُل وقت، يَعني غَلّة اللسان اللي يَستَعرَف بآسمو. 16 ما تَنساوش الخير والمُعاونة بيناتكُم، خاطَر هَدو هومَ الدُبايَح اللي يَفرَح بيهُم الله.

<sup>17</sup> طيعو ڤُوّادكُم وخودولهُم الراي، خاطَر هومَ اللي يْعَسّو على نْفوسكُم على حْساب اللي يَتحاسبو عليكُم، باش يْديرو هاد الشي بالفَرحة وماشي وهومَ يَشتكيو، هاد الشي ماشي في فايدَتكُم.

أن مَليولنا خاطر رانا مَتيقنين باللي عَندنا ضَمير صافي، وحابين نسيرو مليح في كُل شي. 19 نُوكَد عليكُم تديرو هكدا باش نَرجَعَلكُم بالخف.

#### صْلاة

<sup>20</sup> إِلَٰهُ السَّلام اللي رَجَّع راعي الخَرفان الكْبير من الموت، بدَم العَهد الدايَم، رَبَّنا يَسوع، <sup>21</sup> يُقَدَّرَكُم على الخير باش تْديرو مُرادو، ويْدير فينا واش يْرضِّيه بيَسوع المَسيح، اللي ليه الجَد للدْوام، آمين.

#### سلام

22 نَتَرَجُّاكُم، يا الخاوة، أَتَحَلّو كُلام التَسجيع، خاطَر ما طَوَّلتش فاللي كُتَبتهولكُم، <sup>23</sup> أَعَّرفو باللي خونا تيموتاوَس طَلقوه، وَلاّ جا بالخَف غْجي نْشوفَكُم معاه. <sup>24</sup> سَلّمو على كامَل ڤُوّادكُم وكامَل القَدَّيسين، ناس الطاليان يْسَلّمو عليكُم. <sup>25</sup> النَعمة معاكم كامَل.

# رِسَالَةُ يَعْقُوبَ

بْرِيّة يَعقوب عاملة كي الخُطبة: تُعلَّم وتُسَجَّع النُخالِس في كُل مْكان. هاد النُخايَس اللي كُتبَّاهُم يَعقوب هوم بلا شَك مَسيحِيّين آصَلهُم يُهود وعايشين قُراب من التَقافة اليونانيّة اللي كانت شايعة في كامَل الإمبراطوريّة الرومانيّة. هاد البْرِيّة تُقول باللي بْنادَم ما يَقدَرش يُكون في عَلاقة مع الله وهاد الشي ما يْبانش عليه، خاطَر الإيمان يْبان فالفعال.

1 يَعقوب عَبد الله والرَب يَسوع المَسيح، سْلام للعْشايَر الطّْناش المَتشَتتين.

### تَجَارُب ومْحَايَنَ

<sup>2</sup> يا خاوتي، لازَم نشوفو التَجارُب المَتنوّعين اللي تطيحو فيهُم، سَبّة لفَرحة عُبيرة، <sup>3</sup> عارفين باللي كي يَجَرَّب إيمانكُم، يُخلَق الصْبَر، <sup>4</sup> ولازَم يْدوم الصْبَر حَتَّى يكل المُراد باش تكونو كاملين ومْكَلين وما يُخَصَكُم والو. <sup>5</sup> بصَّح وَلاّ كاش واحَد فيكُم ما عَندوش العْقَل، غير يَطلب من الله اللي يُمدَ للجِّميع برْضاوة الخاطر وبلا ما يُلوم، ويَعطيلو. <sup>6</sup> لازَم يَطلَب بالإيمان، بلا ما يُشك، خاطر المَشكاك كي موجة البُحر اللي يْهزها الربح ويرفدها. <sup>7</sup> هاد الإنسان ما لازَمش يُخَمَّم باللي رائح يْنال كاش حاجة من عَند الرب، <sup>8</sup> إنسان ماشي تابَت في رايو في كامَل طُرقانو، مُنين جا الرخي يَديه. <sup>9</sup> الأخ القُليل لازَم يَفرَح كي يَتَّرفَع، <sup>10</sup> المُرفَّة بالعكس، يَفرَح كي يَخطر، خاطر رائح يُزول كي الحشيش بعد ما يُنوَّر، <sup>11</sup> خاطر كي تَشرَق الشَمس مع هُواها السْخون، يَببَس الحُشيش، ونُوارو يُطيح ويْضيع زينو والشي بعد ما يُنوَّر، <sup>11</sup> خاطر كي تَشرَق الله وعَد بيه الله الله المشاريع مُتاعو. <sup>12</sup> يا سَعد الإنسان اللي يُحَمَل التَجرُبة، خاطر بعد ما يُكوّن عُبَوَّر، <sup>11</sup> ينال تاج الحيْاة اللي وعَد بيه الله الله يُخبّوه.

13 ما لازَم حَتّى واحَد يْقول وهُوَ جايَز في تَجَرُبة: "الله هُو اللي راهو يْجَرَّب فيَّ"، خاطَر الله ما يَتَجَرَّب من الشَر وهُوَ ما يْجَرَّب حَتّى واحَد. 14 كُل واحَد يَتَجَرَّب كي يْنَبَّع ويَخندَع بالشَهوة مْتاَعو، 15 أومبَعد، الشَهوة كي تْغَر مولاها، تُطيّحو فالدَنب، والدَنب كي يَكَل يَدّي للموت. 16 ما تْضيعوش يا خاوتي الحبْاب.

17 كُل هْدِيّة صالحة وكُل هِبة كاملة هَبطَت من الفوق، من عَند آب الأنوار، اللي ما يَتَبَدَّل، ما يَتَحَوَّل. 18 كي حَب هُو، وْلَدَنا بَكَلَمة الحَق باش نُكونو بُكار خْلايقو.

# أشمعو وأعمَّلو

19 أعَّرفو يا خاوتي الحْباب باللي لازَم كُل واحَد فيكُم يُكون خْفيف باش يَسمَع، تُقيل فالهَدرة وما يَزعَفش بالخَف، 20 خاطَر زْعاف الإنسان ما يَدِيش لصْلاح الله، 21 على هَدا، أرميو عليكُم كُل خماج والشَر الزايَد وأقَّبلو بالمُلاحة الكَلمة المُغروسة اللي تَقَدَر نُسَلَّك نُفوسكُم، 22 كونو خَدّامين للكَلمة ماشي غير سامعينها وخادعين روحكُم، 23 خاطَر اللي يَسمَع الكَلمة وما يَعمَلش بيها، هَدا بْعال إنسان يشوف وَجهو فالمْراية، 24 ياخي شاف روحو وبَعَّد وتَم تَم نُسا كيفاش عامَل. 25 اللي يُحَوَّس على الشَريعة الكاملة، شَريعة الحُرِيّة، ويَتَبَت وما يُكونش سامَع ناسي، ويَعمَل بالكلمة، يا سَعدو هَدا بُخَدَّمتو. 26 اللي يُضَن روحو مَتدَيَّن وما يُشدش نُسانو، هذا قَلبو مُخدوع والتَدَيْن مُناعو

باطَل. <sup>27</sup> الدين الطاهَر والمُقي عَند الله الآب هَدا هُوَ: زْيارة اليْتامى والهَجَّالات في ضيقَتَهُم، والواحَد يْصون نَفسو من فْساد الدَنيا.

2

### ما تْديروش الوْجوه

1 يا خاوتي، أنتوم اللي عَندُكُم الإيمان برَبنا يَسوع المَسيح، رَب الجَد، ما تُديروش الوْجوه، 2 يعني لو كان يَدخُل للمَجمَع عَندُكُم راجَل بُخْواتَم مْتاع الدْهَب ولْباس يَبرَق، ويَدخُل تاني واحَد قُلْيل بلْباس قَديم، 3 وَمَيْرَتو اللي يَلبَس للمَجمَع عَندُكُم راجَل بُخْواتَم مْتاع الدُهب ولْباس يَبرَق وقُلتولو: "أنتَ، أقعُد هْنا فالمُكان المُليح"، وقُلتو للقُلّيل: "أنتَ أقعُد واقَف ثَمَاكُ وَلا أقعُد فالأرض عَند رَجليًّ"، 4 ما راكُمش تُديرو الفُراق في قُلوبكُم، ووَلتّيو حُكّام تَخامُهم دوني؟ 5 أسَّعو يا خاوتي الحُباب، ماشي الله خيّر الفُلالين مْتاع هاد الدّنيا وهوم مُرَفّهين بالإيمان ووراتا للمَلكوت اللي وْعَد بيه اللي يُحبّوه؟ 6 بَصّح أنتوم هنتو الفُليل. ماشي اللهُ راهُم يَضَّلو فيكُم ويَدّيوكُم لَدْيار الشْرَع؟ 7 وهومَ اللي راهُم يُسبّو فالآسم الزين المَدكور عليكُم؟ 8 وَلاّ كُنتو تُديرو الوْجوه، هَدا دَب اللي راكُم تُديروه، والشَريعة تلومكُم كونكُم عُخالفينها. 10 خاطر اللي يَحفَض الشَريعة كامَل، ويْخالَف فَرض واحَد، يُكون مَتعدّي عليها كامَل، 11 خاطر اللي قال: "ما تَزيش"، قال تاني: "الشَريعة كامَل، ويْخالَف فَرض واحَد، يُكون مَتعدّي عليها كامَل، 11 خاطر اللي قال: "ما تَزيش"، قال تأتيش بصّح تُقتَل، راكُ تُعدّيت على الشَريعة. 12 هَكدا أهَدرو وهكدا أعمَلو على حساب شريعة الحُرِيَّة كي اللي رايحين تَخاسبو بيها. 13 خاطر الحُكم يُكون بلا رَحمة للي ما يَعامَلش بالرَحمة، والرَحمة فوق شَريعة الحُرِيَّة كي اللي رايحين تَخاسبو بيها. 13 خاطر الحُكم يُكون بلا رَحمة للي ما يَعامَلش بالرَحمة، والرَحمة فوق

### الإيمان والعْمال

14 واش من الفايدة يا خاوتي، لو كان واحَد يْقُول عَندي الإيمان، وهُو مَا عَندوش الفْعال؟ الإيمان يَقَدَر يُسْلَكو؟ 15 لوكان أخ وَلا أُخت يُكُونو عَريانين ومخصوصين في قوت يومهُم، 16 وواحَد فيكُم يْقُوللهُم: "روحو هانيين، أَدفاو وأشَّبعو"، وما يَعطيلهُمش واش يَلزَم لداتهُم، واش من الفايدة؟ 17 هَكدا الإيمان تاني، بلا فْعال مِيَّت. 18 بَصَّح يْقُول الواحَد: "أَنتَ عَندَك الإيمان، وأنا عَندي الفْعال، وَرِّيلِي إيمانك بلا فْعال، وأنا نُورِيلك بِفْعالي الإيمان باللي الله واحَد؟ تَعمَل مُليح، الشّياطن تاني يامنو ويتَّرعدو، 20 ثُحَب تَعرَف يا الإنسان الباطل باللي إيمانك بلا فْعال بلا فايدة؟ 21 جَدنا إبراهيم ماشي بفْعالو اللي بان صْلاحو كي وْهَب إسحاق وْليدو فوق المَلدَع؟ 22 راك تُشوف باللي الإيمان خُدَم مع فْعالو، وبالفْعال وَصَّل الإيمان باش تُكَلَّل، 23 وتُحَقَّق واش مَكتوب الله يقول: "آمَن إبراهيم بالله ونحسبلو هَدا صْلاح وشُما خُليل الله." 24 راكُم تُشوفو باللي الإنسان يْبان صْلاحو الله عالى مُلتوب بالفْعال وماشي غير بالإيمان بَرك، 25 كيف كيف راحاب الزانية، ماشي بالفْعال اللي بان صْلاحها، كي رَحبَت بالمْراسَل وخَرَّجَتُهُم من طُريق واحدوخرى؟ 26 خاطَر كيما الدات بلا روح مِيتة، هَكدا تاني الإيمان بلا فْعال بلا فْعال

1 يا خاوتي، ما يُكونوش بَزّاف فيكُم اللي يُدَرّسو، وأعَّرفو باللي حْنا اللي نْدَرّسو نَتَحاسبو كُتَر، 2 خاطَر كامَل نَغَلطو بَزّاف. لو كان واحَد ما يَغلَطش فالكُلام، هَدا إنسان كامَل، وقادَر تاني يَتَحَمَّم في كُل داتو. 3 كي نديرو اللجام في فُم العُواد، نَضَّمنو طاعَتُهُم لينا، ونُسيَرو داتهُم كامَل. 4 هام تاني البابورات، قَد ماهُم بُجار، والرياح اللي يُدَفّعوهُم قاويين، ثُقُودهُم دَفَّة صْغيرة وين يْحَب القُبطان. 5 هَكَدا تاني اللسان، طَرف صْغير و يَتباها بحاجات بُجار. هاي نار صغيرة تَشَعَل في غابة كبيرة. 6 اللسان تاني نار، دَنيا مُتاع الشَر، اللسان طَرف من طُرافنا، مُحلوط في داتنا، يُخَبِّمها كامَل بالفُساد، يُلَهَّب دايرة الكون، ويَشعَل من جَهَنَّمة. 7 كامَل نُواع الوْحوش والطيور والزُواحَف وهُوايَش البُحَر يَطَوَّعو، وجنس بنادَم هُو اللي يُطَوَّعهُم، 8 بَصَّح اللسان، واحَد من بْني آدَم ما يَقَدَر يُطَوِّعو، شَر ما يُخَكَمُش، مُعَمَّر بالسَم القاتل، 9 بيه نُباركو الرّب والآب، وبيه تَنعلو بْني آدَم اللي غُنَلقو في شَبه الله. 10 من فُم واحَد تُخرَج البَرَكة والنَعلة، ما لازَمش يا خاوتي يُكون الشي هَكدا، 11 عَنصَر واحَد، يَعطي من عين واحدة ما حُلو وما مُر؟ يا يا خاوتي، تَقَدَر الكرمة ثُمَد الزيتون والدالية البخصيص؟ وَلا عَنصَر واحَد، يَعطي من عين واحدة ما حُلو وما مُر؟ يا يا خاوتي، تَقَدَر الكرمة ثُمَد الزيتون والدالية البخصيص؟ وَلا عَنصَر واحَد يَمُد ما مالحَ وما حُلو؟

### كاينَ عْقَل وعْقَل

13 شْكُون العاقَلُ والفاهَم بيناتُكُم؟ لازَم يَبيَّن فعالو بالسيرة الزينة، بالعْقُل المُتواضَع. 14 بَصَّح وَلا كَان عَندُكُم الغيرة المُرَّة، وعَندُكُم المُعاندة في قُلوبَكُم، ما تَحَسبوش روحكُم وتَكَّدبو على الحَق، 15 ماشي هَدا هُوَ العْقَل اللي يَهبَط من الفوق من عَند الله، هاد العُقَل مُتاع الدّنيا، مُتاع بنادَم، مُتاع الشيطان. 16 خاطَر وبن تُكون الغيرة والمُعاندة، تُكون الهَملة وكُل شي دوني. 17 بَصَّح العْقَل مُتاع الفوق، الأوَّل طاهَر، أومبَعد مُهنِّي، يَرفَق، طايَع، مُعمَّر بالرَحمة والفُعال الصالحين، ما يْديرش الصَف وما يَتَوفَقَش. 18 غَلَة الصُلاح تَنزع في السُلام من عَند اللي يُسَببو السُلام.

4

#### طيعو الله

أمنين جاو الحروب والدواس بيناتكم؟ ماشي من تمّة؟ من المُتعات اللي يَتداربو في داتكم؟ 2 تَتشهّاو وما تَمَّلكوش، تَقْتلو وَتَحَسدو وما تَقَلبوش، 3 تَطَّلبو وما تُتالوش، خاطر طلبتكم دونِيّة، باش تَنفقو على مُتعَتكم.

<sup>4</sup> يا الزانيين، ما راكمش عارفين باللي مخبّة الدنيا هِي كُره لله؟ يَعني اللي يُحَب يُكون صاحَب للدنيا، يُكون عْدو لله. وَ تَحَسبو باللي النّخاب يَهدَر في باطل كي يْقول: "الروح اللي سَكّنو فينا يفيض بالغيرة"؟ 6 بالعكس، يَعطي نَعمة كبيرة كُترَ وعلى هدا يْقول: "الله يْقاوم المتكبرين ويَعطي نَعمة للمتواضعين"، 7 أنطاعو همّالا لله، قاومو إبليس وهُو يَهرَّب منكُم، نقيو يَدّيكُم يا الخاطيين، طَهرو قُلوبكم يا اللي مْنين جا الريح يَدّيكُم، وأحَرْ ورَحْم حْزَن، 10 أتواضعو قُدّام الرب وهُو يَرفَعكُم.
و أحزنو ونوجو وأبكيو، خليو ضَعككُم يُؤلِي نُواح وفْرحكُم حْزَن، 10 أتواضعو قُدّام الرب وهُو يَرفَعكُم.

11 ما تَهَّدروش بالشَر على بَعضكُم بَعض يا الخاوة. اللي يَهدَر بالشَر على خوه وَلاَّ يَحَكُم على خوه كي اللي يَهدَر بالشَر على الشَريعة ويَحكُم على الشَريعة، راك عليها قاضي. الشَريعة ويَحكُم على الشَريعة، ولاَّ أنتَ تَحكُم على الشَريعة، ماراكش تُطَبَّق الشَريعة، راك عليها قاضي. 12 كايَن واحَد بَرك اللي هُو يُحُط الشُرايَع وهُوَ القاضي، اللي يَقدَر يُسلَّك ويْضَيَّع. بَصَّح أنتَ شُكون يا اللي تَحكُم على خوك؟

ما تَتباهاوش بغُدوة

13 أنتومُ هِمَّالًا اللي تُقولو: "اليوم وَلاّ غُدوة نُروحو للمدينة الفُلانيّة، وغُجُوّزو عام تَمّة، نتاجرو ونَرَّبحو"، 14 أنتومَ اللي ما تَعَرفوش واش كايَن غُدوة. واشَن هِيَ حْياتَكُم؟ دُخّان أنتومَ، يْبان في دْقيقة أومبَعد يْروح. <sup>15</sup> في عوض ما تُقولو: "وَلاّ حَب الرَب، نْعيشو ونْديرو هَدا وهَداك"، <sup>16</sup> بَصَّح أنتومَ دُرك تَباهاو فالزوخ مْتاعَكُم، دوني زوخ كي هَدا. <sup>17 ه</sup>مّالا، اللي يَعرَف يْدير الخير وما يْديرش، حْرام عليه.

5

يا المْرُفهين

الهمّ جايّين، ² ترفاهكُم فسد، ولباسكُم كالاتو العَتة. الدَهُب والفَضة متاعكُم فسد، ولباسكُم كالاتو العَتة. الدَهُب والفَضة متاعكُم تُصددو، والصديد متاعهُم رائج يَشهَد صَدَكُم وياكُل مُحمكُم كي النار، لمّيتو الملاك لليامات الأخرانيين، ² هاو آجَر الخدّامين اللي حَصدو حُواشكُم وما عُطيتوهولهُمش راهو يَعيَّط، وعْياط الخدّامين وْصَل لوَدنين رَب الجنود، ⁵ عَشتو مَتنَعمين على الأرض، وعَشتو فالحَطّة، شَبَّعتو قُلوبكُم كي الفَرد ليوم الدبيحة، 6 حاكمتو وقتلتو الصالح، وهُو ما يْقاومكُمش.

الصبر فالضيق

<sup>7</sup> أصَّبرو يا الخاوة حَتى يْجي الرَب. هاو الفَلاّح، يَستَنّا الغَلة الغالية مْتاع الأرض، يَصبَر عليها حَتى تَشرُب من الشُتا الأولانيّة والأخرانيّة، <sup>8</sup> أتتومَ تاني أصَّبرو، تَبَتو قُلوبكُم، خاطَر قَرَّب عْجي الرَب. <sup>9</sup> ما تَشتكيوش يا الخاوة من باش ما تَتَحاسبوش، هاو القاضي واقف قُدّام الباب، <sup>10</sup> أدّيو المُتل يا الخاوة من عْداب وصْبَر الأنبيا اللي تُكلّمو بآسَم الرَب. <sup>11</sup> رانا نْقولو يا سَعد اللي صَبرو. شَمَعتو على صْبَر أيّوب وشَفتو قصد الله، خاطر الرَب رَحَّمتو كبيرة وهُو يَشَفَق.

2ً قُبُل كُل شي يا خاوتي، ما تَحَلفوش: لا بالسْما، لا بالأرض، لا بيْمين آخُر. لازَم يُكون "إيه" مْتاعكُم "إيه" و"لالا" "لالا"، باش ما تَتَحاسبوش.

#### صلاة الإيمان

13 كَايَن فَيْكُم واحَد راهو يَتَعَدّب؟ يْصلّي. كَايَن اللي راهو مْتسَجَّع بَرَّاف؟ يْغَنِّي الْتَرانِيم؟ 14 كَايَن فيكُم واحَد مْريض؟ يْعَيَّط لشْيوخ الكَنيسة ويْصَلّيولو ويَدَّهنوه بالزيت بآسَم الرَب، 15 والصْلاة اللي بالإيمان تَشفي المْريض والرَب يَرَّفدو. وَلاّ دار الدْنوب، يَنغفرولو. 16 أستَعرفو بالدْنوب لبَعضُكُم بَعض، وصَلّيو لبَعضكُم بَعض باش تَبراو. صُلاة الصالح تُخَدَم بقُوّة كُبيرة. 17 إيليًا كان بْنادَم يُحَس كيما حْنا، رْفَع صْلاة لله باش ما تْصَبش الشّتا وما صَلّت على الأرض مُدّة تلت سْنين وسَت شْهور، 18 وزاد صَلاً، وعُطات السّما الشّتا وطَلّعَت الأَرض عَلَّتَها.

19 يا خاوتي، وَلا واحد بيناتكُم ضاع بْعيد على الحق، لازَم واحدآنُر يْردّو، 20 أعَّرفو باللي اللي يْرد الخاطي من طريق الضّياعة مْتاعو، يْسَلَّك حْياتو من الموت ويسَتر بَرّاف من الدنوب.

# رِسَالَةُ بُطْرُسَ ٱلرَّسُولِ ٱلْأُولَى

الْبِريَّة الأولى مْتاع بُطرُس مَكتوبة لمَسيحيِّين ساكنين في خَمس بُلدان رومانيِّين جايِّين في شَمال وشَرق آسيا الصُغرى )التُرك. (كانو هاد المَسيحيِّين من آصَل دِيانات بَرَّاف ودُرك راهُم عايشين كي البراويّة على جال إيمانهُم. سيرَتهُم ما كانتش كيما سيرة جُدودهُم، وَلا كيما سيرة الناس اللي عايشين في وَسطهُم، ماشي مَقبولين من ناس البُلاد، يَحَقُروهُم، يَتَهموهُم بالباطَل ويْبَددوهُم. بَصَّح هومَ شَعب الله والإيمان والرْجا اللي عندهُم فالمَسيح يُخلَّهُم يَحَملو الباطَل اللي كانو عايشين فيه.

كُتَبَّلَهُم بُطرُس باش يْسَجَّعهُم يَتَّبتو في هاد الإيمان ويْشَدُّو في هاد الرْجا.

أ من بُطرُس رَسول يَسوع المسيح للمُختارين العايشين فالخارَج مَتشَتتين في بُنتُس وغَلاطية وكَبَدوكِيّة وآسيا وبيتينيّة، المُختارين ² على حْساب عَلم الله الآب السابق في تكريس الروح للطاعة ورَشّان دَم يَسوع المسيح، نَعمة وسُلام ليكُم بالكُترة.

## الحَمَدُ لله على الرْجا الجاي

<sup>3</sup> مبارك الله باباة رَبنا يَسوع المَسيح، اللي على حْساب رَحَّتو الكُبيرة، وْلَدَنا من تارة وجْديد، لرْجا حَي، بقيامة يَسَوع المَسيح من الموت، <sup>4</sup> لوَرت ما يَفَسَد، ما يَتَنجَّس، ما يَخلاص، محفوض لِيكُم فالسْماوات، <sup>5</sup> أتتومَ الحَميّين بَقُوة الله بالإيمان لسْلاك واجَد باش يْبان فالوَقت الآخراني. <sup>6</sup> بيه اللي تَقَرحو، والو لزَم عليكُم دُرك تَحَزنو شي وَقت بنْواع من الحُهايَن، <sup>7</sup> باش إيمانكم الجُرَّب، الغالي عُتَر من الدُهب الفاني، الجُرَّب فالنار، يْبال المُديح والجَد والتَكريم كي يضهر يَسوع المَسيح، <sup>8</sup> اللي ثُجَوه والو ما شَفتوهش، وتامنو بيه والو ما راكُمش تشوفوه، فرحانين فَرحة كبيرة، ما تنوصفش، <sup>9</sup> نايلين مَقصود إيمانكُم: سُلاك ثفوسكُم، <sup>10</sup> هاد السُلاك اللي حَوَّسو وفَتَشُو بَرَّاف عليه الأنبيا، وتَنْبؤو على النَعمة اللي ليكُم، <sup>11</sup> عُوّسين مُليح وَقتاش وكيفاش يُكون الوَقت اللي عَرَّف بيه فيهُم روح المَسيح اللي شُهَد من قبُل على عُدابات المَسيح والأمجاد اللي بَعدهُم، <sup>21</sup> واللي بانلهُم باللي ماشي ليهُم، ليكُم اللي كانو يَخَدمو الشي اللي دُرك ثقالَلكُم من الناس اللي بشروكُم بالروح القُدّوس المَبعوت من السْما، اللي المَلايكة يَتشَوقو يْطَلَو عليه.

#### كونو قديسين

13 عَلى هَدا، خَلّيو عُقولَكُم فاطنين، وابْقاو فايقين، ويْكون عَندُكُم رْجا كامَل فالنَعمة اللي رايحة تُجيكُم كي يْبان يَسوع المَسيح، 14 وكيما الوْلاد الطايعين، ما تُتبعوش الشَهوات اللي كانو عَندُكُم كي كُنتو جاهلين، 15 بَصَّح كيما القُدّوس اللي دْعاكُم، أتتومَ تاني، وَلَيو قَدّيسين في كامَل سيرَتكُم، 16 خاطَر مَكتوب: "تُكونو قَدّيسين خاطَر أنا قُدّوس." 17 وَلاّ كُنتو تُسَمّيوَه الآب اللي يَحَكُم على حُساب فَعل كُل واحَد، بلا ما يُدير الوْجوه، همّالا جَوّزو زُمان غُربَتكُم بالخوف، 18 عارفين، باللي ماشي بحاجات فانيين، فَضّة وَلاّ دْهَب، اللي نَفديتو من سيرَتكُم الباطلة اللي وُرَّتوها من جْدودُكُم، 19 نَفديتو بالدَم الغالي، مْتاع المَسيح، كي خروف صافي بلا عيب، 20 مَعروف من قَبَل، قَبَل

ما ثُخَلق الدَنيا، ومْبَيَّن في آخَر الزْمان في خاطَرَكُم، <sup>21</sup> اللي بيه تامنو بالله، اللي عاوَد حْياه من الموت وعْطاه الجَد، باش يُكون إيمانكُم ورْجاكُم فالله. <sup>22</sup> بَعد ما طَهَّرتو نُفوسكُم بطاعة الحق باش تُكون عَندكُم خْبَة أُخويّة بلا ثنوفيق، حَبّو بَعضكُم بَعض بَزَّاف وبقلب صافي. <sup>23</sup> بَعد ما نولَدتو من تارة وجْديد، ماشي من زَرِّيعة تفسَد، من الزَرِّيعة اللي ما تَفسَدش، كَلمة الله الحيّة والدايمة، <sup>24</sup> خاطَر، الدات كي الحشيش، ومجَدها كي نُوار الحشيش، الحشيش يَيبَس والنُوار يُطيح، <sup>25</sup> بَصِّح كَلمة الرّب تَبقا للدْوام، هَدي هِي الكَلمة اللي جاتكُم بُخْبَر بْشارة الخير.

#### 2

أخّيو عليكُم هِمّالا كُل شَر وكُل حيلة، الثنوفيق والغيرة وكُل نميمة، 2 وكيما الدْراري اللي هَدا وين نْزادو، أَتُشَّاو حْليب الكَلمة اللي ماشي مَدغول، باش بيه تَكَّبرو للسلاك، 3 وَلاّ دُقتو باللي الرَب مْليح.

# الحُجْر الحَيَ والشَعب المُختار

4 اللي تُقرّبو ليه، هُو الحَجرة الحيّة، ماشي مَقبولة من بْني آدَم، بَصَّح مُختارة عَند الله، حُريمة. 5 وأنتومَ تاني، كي الحَجْر الكُريم، كونو مَبنيّين، دار روحيّة، لكَهَنوت مُقدَّس، باش تَهديو ضُحيّات روحيّين مَقبولين عَند الله بيَسوع المَسيح. 6 على هَدا، كَايَن فالكُتوب: "هاني نُحُط في صَهيون جَرة زاوية مُختارة، حُريمة، واللي يَبني عليها إيمانو، مُحال يُخيب." 7 ليكم همّالا الكرامة يا المومنين، بَصَّح اللي ما يامنوش، الحَجرة اللي ما قبلوهاش البنّايّين، هي اللي وَلات راس الزاوية، 8 جَجرة زَدمة، وصَغرة عَترة. اللي يَعترو كي ما آمنوش كُلام الله، هَدا هُو مَصيرهُم المُكتوب. وبَصَّح أنتوم، سُلالة مُختارة، جُماعة مُلوكية مْتاع رْجال الدين، أُمّة مُقدسة، شَعب مَلكو الله باش تُبرَّحو بفضايل اللي دْعاكُم من الضّلام لنورو الهايل، 10 أنتوم اللي زْمان ما كُنتوش شَعب، بَصَّح دُرك رائم شَعب الله، اللي كُنتو ما نَلتوش الرَحمة بَصَّح دُرك نَلتو الرَحمة.

# طيعو الحُكَّام

11 يا الحُباب، أنتومَ الضْياف والمَتغَربين فالدَنيا، نُسَجَّعكُم تَبْعَدو على شَهوات الدات اللي يُحاربو النَفس، 12 لازَم تُكُون سيرَتكُم زينة قُدّام اللي ماشي مومنين، باش والو يُجَرَّمو عليكُم باللي فاعلين الشَر، يْشوفو فْعالكُم المْلاح ويْسَبَّحو الله في يوم زْيارتو. <sup>13</sup> كونو مَنطاعين لكُل حُكمة بْنادَم، في خاطَر الرَب. للسَلطان اللي مَرسمو هُو العالي، <sup>14</sup> للحُكّام كي اللي مَبعوتين من عَند الله باش يْعاقبو المَجرمين، ويْجازيو الناس المْلاح، <sup>15</sup> خاطَر هَكدا هُوَ مُراد الله، باش بفَعل الخير، تُسَكّتو الناس الجاهلين والجايحين. <sup>16</sup> كونو حُرِّين، وما تُكونش حُرِّيتُكُم هُجاب تَسَّترو بيه الشَر، كونو عْبيد الله. <sup>17</sup> أَكَرمو السَلطان.

18 الخدّامين فالدّار، لازَم تُكونو مَنطّاعين لسْيادَكُم بكُل خوف، ماشي بَرك للمْلاح منهُم والحنْان، حَتَّى للقاسيين. 19 خاطَر هَدي نَعمة كي الواحَد يَتَحَمَّل على وَجه الله الحزّان ويَتعَدَّب وهُوَ مَضلوم، <sup>20</sup> خاطَر واش من المْزيَّة عَدكُم، لوكان تُديرو المُليح، وتَتعَدبو وتَتَّعلو، هَدي نِعمة عَند الله. عَدكُم، لوكان تُديرو المُليح، وتَتعَدبو وتَتَّعلو، هَدي نِعمة عَند الله. <sup>21</sup> لهاد الشي ياخي اللي نَدعيتو، خاطَر المَسيح تُعدَّب على جالكُم، وخلّالكُم المُتل باش تُبَعو سيرتو، <sup>22</sup> هُو اللي ما دارش دَنب، وَلا كان الخُدْع في فَيّو، <sup>23</sup> اللي سَبّوه، ما سَبش، مَعدَّب، ما هَدَّدش، بَصَّح كان مُوكَّل أمرو

للقاضي بالحَقَ. <sup>24</sup> هُوَ اللي رْفَد دْنوبنا في داتو على الحْطَب، باش ثْموتو من جيهة الدْنوب ونَحياو للحَق، وهُو اللي بْريتو بجَرحو، <sup>25</sup> خاطَر كُنتو كي النْعاج ضايعين، بَصَّح دُرك وَلّيتو لراعي وحارَس نْفوسكُم.

3

المَتزَوجين والمَتزَوجات

ا النُساَ تاني، طيعو رُجالكُم، باش حَتى لو كان فيهُم اللي ما يَقَبلوش يامنو كُلام الله، بسيرة النْسا، بلا كُلام يَرَبحو، <sup>2</sup> شايفين سيرَتَكُم طاهرة وبالقُدَر. <sup>3</sup> أتشبّحو ماشي من بَرّا، بضْفيرة الشْعرَ وسْناسَل الدْهَب وَلا بزينة كَسوة اللهاس، <sup>4</sup> أتشبّحو بالزينة الخُجية في قلب بْنادَم، في روح هادي وهاني ما يَفسَدش، هاد الشي قيمتو خُبيرة قُدّام الله، <sup>5</sup> خاطر، هَكدا كانو رْمان النُسا القَدّيسات، راجيين فالله، مُزينين روحهُم، مَنطاعين لرْجالهُم، <sup>6</sup> كيما كانت سارة تُطيع إبراهيم وتُسْمّيه سيدها. وأنتومَ وَلَيتو بْناتها، دايرين المُليح وما خايفين حَتّى شي.

## الوْجاع للي يْديرو الخير

<sup>7</sup> الرْجال تاني، عيشو مع نْساكُم فاهمين باللي المرا شريك ضْعيف عليكُم. أكَّرموهُم على حْساب اللي هومَ تاني يوَّرتو معاكُم نَعمة الحْياة، باش حاجة ما تَمنع صْلاتكُم. <sup>8</sup> كونو كامَل مَتفاهمين، حاسين ببَعضكُم بَعض، مَتخاويين، رُحما، مَتواضعين، <sup>9</sup> ما تُردوش الشَر للشَر، والسَبّان للسَبّان. بالعكس، باركو، خاطَر على هَدا اللي نَدعيتو، باش توَّرتو البَركة. <sup>10</sup> خاطَر، اللي بْغا يْحَب الحْياة ويْشوف يامات هانيين، لازَم يَحفَض نْسانو من الشَر وفَّو من كُلام الخَدَع، البَركة. <sup>11</sup> يَبعد على الشَر ويْدير الخير ويْحَوَّس على الهْنا ويْنَبَعو، <sup>12</sup> خاطر عينين الرَب على الصالحين، يَسمَع لصْلاتَهُم، بَصَّح وَجه الرَب ضَد اللي يْديرو الشَر.

13 شكون اللي يُدير الشَر ضَدكُم وَلَا كُنتو مَتَحَمَسين للخير؟ 14 بَصَّح وَلا كان لازَم تَتَعَدبو على جال الحَق، يا سَعدكُم. ما ثخافو منهُم وَلا تَتَهولو. 15 قَدَّسو الرَب المَسيح في قُلوبكُم وكونو دايمًا واجدين باش تُجاوبو اللي يَطلَب منكُم تَفسير على رْجاكُم، 16 بصَّح بالهُداوة والقُدر، وبضَمير مْقي، باش فالحاجة اللي تُكونو فيها مَهومين، يَخزاو اللي يُقطّعو فيكُم على جال سيرَتكُم المُليحة فالمَسيح، 17 خاطر خيرلكُم، وَلا حَب مُراد الله، تَتَعدبو وأنتومَ تُديرو الخير، وَلا وأنتومَ تُديرو الشَر، 18 خاطر المَسيح تاني، تُعَدَّب مُرّة واحدة على جال الدُنوب، هُو الصالح في خاطر العاصيين، وأنتومَ تُديرو الشَر، 18 خاطر المُعامن عَين الله الله والله والمُوات منطاعيناو.

4

الحياة لله

أ همّالا، على حْساب اللي المُسيح تَعدَّب فالدات، أنتومَ تاني أتسلّحو بهاد الفكرة: اللي تُعدَّب فالدات، قُطَع مع الدنوب، 2 باش ما يُعيشش الوَقت اللي بقا فالدات لشَهوات بني آدَم، يْعيش لمُراد الله، 3 خاطر يكفي الوَقت اللي فات واللي نُدار فيه مُراد الكُفّار، والسيرة فالفَسق، الشَهوات، السكرات، المفارصة، الشراب، والشَرك بلا طُبع،

الشي اللي خَلّاهُم مَستَغربين كي ما راكمش تَجريو معاهُم في هاد الفْساد الفايَض، يَكَّفرو. 5 رايحين يَتحاسبو عَند اللي راهو واجد باش يُحاسب الحيّين والموتى، 6 على هَدا، ياخي وَصلَت البشارة للموتى باش يَحاسبو كيما بْني آدَم فالدات ويحياو على حْساب الله فالروح.

7 آخرة كُل حاجة راهي قُريبة. هَمَّالا سيرو بالعُقَل، كونو فايقين باش تْصَلّيو. 8 قُبَل كُل شي، تُكون عَندَكُم عُبّة كْبيرة لَبَعْضَكُم بَعْض، خاطَر الْحُبّةَ تَسَرَ بَرَّاف الدْنوب، 9 ضَيّفو بَعْضَكُم بَعْض بلا شْكاوي، 10 كُل واحَد يَخَدَم الأُخرين على حْساب الموهِبة اللي نالها، كي المُوكلين الصالحين على نَعْمة الله المَتنوعة. 11 اللي يَهدَر، يُكون كُلامو كي كُلام الله، اللي يَخدَم، كي اللي يَخدَم بالقُوّة اللي نالها من الله، باش في كُل شي، يَتَسَبَّح الله بيَسوع المَسيح، اللي ليه المَجد والسَلطان للدوام.

# الشَركة في وْجاع المَسيح

12 يا الحُباب، ما تَستَغربوش من الحْريق اللي جا يُجَرَّبُكُم كي اللي صْراتلَكُم حاجة موغريبة، 13 بَصَّح على قيس النْصيب اللي يُكون عَندَكُم في عداب المسيح، أقَّرحو باش كي يْبان الجَحَد مْتاعو تْزيدو تَشَّرحو وتَسَّعدو، 14 وَلا عايروكُم على جال آسَم المَسيح، يا سَعدَكُم، خاطَر روح الجَحد والله غُحَط عليكُم. 15 واحَد فيكُم ما لازَم يُكون قتّال وَلا سَرّاق وَلا سَرّاق وَلا يَدَخَل روحو في أمور غيرو، الواحَد ما لازَمش يَتعَدَّب على هاد الشي، 16 بَصَّح لو كان يَتعَدَّب كونو مَسيحي، ما لازَمش يَحشَم. بالعكس، يْسَبَّح الله على آسمو، 17 خاطر هَدا الوَقت باش يَبدا الحُساب ويَبدا من بَيت الله. ولا سُبق بينا، كيفاش هِي آخرة اللي ما قبلوش يامنو بإنجيل الله؟ 18 وَلا الصالح بالسيف باش سُلك، وين يْبان الكافر والخاطي؟ 19 هَكَدا تاني، اللي يَتعَدّبو على حْساب مُراد الله، يُسَلّمو نفوسهُم بفَعل الخير لله الخالق الحُلالي.

5

## بُطرُس يْوَصِّي الشَّيوخة والمُصاغَر

أَ نُوصَي هِمَالاً القُدَم بيناتَكُم، أنا القديم تاني والشاهَد على عْداب المسيح والشْريك تاني فالجَد اللي رايح يْبان، أرعاو قُطيع الله اللي في وَسطكُم. ماشي على بالسيف، برْضاوة الخاطَر، على حساب الله. بالحَماس، ماشي على جال الفايدة الشينة. 3 ما تُكونوش سْياد مسيطرين على اللي يْطيحو في نْصيبكُم، كونو مْتَل للقْطيع، 4 وكي يْبان الراعي الكْبير، تْنالو تاج الجَد اللي ما يَفناش.

أنتومَ تاني يا المُصاغَر، طيعو القُدَم، وكامَل مع بَعضكُم بَعض، أتَحَزَّمو بالتَواضُع، خاطَر الله يْقاوَم المَتكبرين بَصَّح المَتواضعين، يَعطيلهُم النَعمة. 6 أتواضعو هِمَّالا تَحَت يَد الله القويّة، باش يْعَلَيْكُم فالوَقت الحُدَّد، 7 أرميو كامَل هَمُكُم عليه، خاطَر هُو يَلتها بيكُم.

- 8 كونو فايقين، أسَّهرو. عْدوكُم إبليس يْدور كي السبع اللي يَزهَر، يْحُوَّس شْكون يَبلَع. 9 قاوموه وأنتوم صْحاح فالإيمان، عارفين باللي خاوتكُم راهم يَحَملو عْداب كيف كيف فالدنيا.
- أَ إِلَه كُل نَعمة، اللي دْعاكُم لَجَدو الدايَم فالمسيح، بَعدما تْعَدَّبتو شْوِيّة، هُوَ يُوقَّفَكُم ويْتَبَّتُكُم ويْكَم ويْكَنْكُم،
  11 ليه القُوّة للدوام. آمين.

سْلام 12 كْتَبَتَكُمُ بِيَد سَلوانَس، اللي حاسبو أخ حْلالي، هاد الزوج كَلمات، باش نْسَجَّع ونَشَهَد باللي هَدي هِيَ نَعمة 12 عَبَّدَتَكُمُ بِيَد سَلوانَس، اللي حاسبو أخ حْلالي، هاد الزوج كَلمات، باش نْسَجَّع ونَشَهَد باللي هَدي هِيَ الله الحُقَانِيَّةِ اللِّي راكُم شادّين فيها تابتين. 3 تُسَلُّم عليكُم اللي في بابل، المُختارة معاكم ووليدي مَرقَس، 14 سَلَّمو على بَعضَكُم بَعض ببوسة الْحُبّة السلام ليكُم كامَل يا اللي فالمسيح.

# رِسَالَةُ بُطْرُسَ ٱلرَّسُولِ ٱلتَّانِيَةُ

هاد البُرِيَّة مَكتوبة لكامَل المَسيحيَّين وعاملة كيما الخُطبة مْتاع واحَد راهو يْوادَع. الكاتَب يْقول فيها باللي قْريب يموت وراهو يُكتَب للمومنين اللي يَشفاو على التَعليم مْتاعو.

يَطلَب منهُم في هاد الْبِرِيّة يُحافضو على الطْبايَع المُلاح اللي نالوهُم من الإيمان ويَبقاو تابتين فالتَعليم اللي تَعلموه. من جيهة أخرى، يْقَاوَم الشَّيوخة اللي يْدَرَّسو الكَدَب واللي سيرَتهُم ماشي قبالة. يَتكلَّم تاني على اليوم اللي يَرجَع فيه الرَب خاطر المَسيحيِّين مْتاع الجيل الأوَّل ماتو ويسوع كان ما زال ما رْجَعش وهاد الشي خَلاّ الناس يَعَيِّرو وما يَقَهموش واش صْرا. بَصَّح، فالوَقت اللي المومنين يَستَنَّاو رَبهُم، الله يَستَنَّا الناس اللي ما زال ما آمنوش باش هومَ تانى يْبالو الحيْاة الدايمة.

َ باش يَتَبتو المَسيحِيِّين فالإيمان، عَندهُم كْتوب الأَنبيا مْتاع العَهَد القْديم، وعَندهُم تاني شْهود يَسوع المَسيح وبْراوات بولَس اللي كانو نْعَرفو فالوَقت اللي كْتَب فيه بُطرُس هاد البْرِيَّة. ما لازَمش الواحَد يْجَرَب يَفَهَم ويْفَسَّر الكُتوب وَحدو، لازَم يَتعاوَن مع المَسيحيِّين الأخرين ويَتَّكلو كامَل على الروح القُدُوس.

ا من سَمعان بُطرُس عَبد ورَسول يَسوع المَسيح للي نالو إيمان غالي بْحال إيماننا بصْلاح إلَهنا وسَلاّ كنا يَسوع المَسيح، نَعمة وهْنا ليكُم بالكُترة في مَعرِفَتكُم لله ويَسوع رَبنا.

## دَعوة الله وتَخيارو

<sup>3</sup> خاطر القُدرة الإلهِيّة وَهبَتَّانا كُل شي لازَم للحيْاة والتَقوى بكامَل المَعرِفة للي دْعانا بالجَد والفَضيلة. <sup>4</sup> بيهُم اللي نعطاوَلنا الوْعود الغاليين والنَّجار باش بيهُم تُولَيو تُسالو فالطبيعة الإلهَية، هَربانين بْعيد على الخُاج اللي فالدَنيا بالشَهوة. <sup>5</sup> ولهاد الشي بالدات، ديرو مجَهودكُم باش تْزيدو لإيمانكُم الفَضيلة، وللفَضيلة المَعرِفة، <sup>6</sup> وللمَعرِفة ضَبط النَفس، ولضَبط النَفس الصْبَر، وللصْبَر التَقوى، <sup>7</sup> وللتَقوى مْعزّة الخاوة، ولمُعزّة الخاوة الحُجَّة. <sup>8</sup> خاطر هاد الحاجات وَلا كانو فيكُم وكانو كاترين، يْردّوكُم مَتحمَّسين وقادرين تَعرفو رَبّنا يسوع المَسيح. <sup>9</sup> خاطر اللي ما عَندوش هاد الحاجات على وما يشوفش للبعيد، نسا يُطهَّر روحو من دُنوبو الفايتين، <sup>10</sup> على هَدا يا الخاوة، ديرو مجهود كُتَر باش تُردّو دَعوَتكُم وتَخياركُم تابتين، خاطر كي تُديرو هاد الشي عُمركُم ما تَعَترو. <sup>11</sup> هَكَدا ياخي يَثَدَّلكُم بالشَبعة الدْخول للمَلكوت دَعوَتكُم مِناع رَبّنا وسَلاّكا يَسُوع المُسيح.

## الوَحي المْقَدَّس

12 على هَدا، لازَم على دايما نْعاَود نْفَكَّرُكُم بهاد الحاجات والو تَعَرفو وتْبتّو فالحَق اللي حْضَر عَندَكُم. 13 نُشوف باللي حَق، ما دامني في هاد الدات، نَبقا نْفَكَّرُكُم باش تَبقاو فايقين، 14 وراني عارَف باللي قْريب غُخَلَي الدات مْتاعي، كيما وَرّالي رَبّنا يَسوع المَسيح. 15 همّالا، نْدير مجهودي باش بَعد ما نْروح تَبقاو تَتفَكّرو هاد الحاجات في كُل سَبّة، 16 خاطَر ما تَبّعناش خُرَّيفات مُعقّدين باش عَرَّفنالكُم قُدرة وعجي رَبّنا يَسوع المَسيح، بَصَّح كُنا شُهود شَفنا بعينينا شُول هُو كَبير، 17 خاطَر نال من عَند الله الآب الكرامة والجَد، وجاه صوت كي هَدا من الجَد الجُليل: "هَدا

هُوَ وْليدي الحْبيب اللي فْرَحت بيه"، 18 وحْنا سُمَعنا هاد الصوت جاي من السَّما كي كُمَّا معاه فالجَبَل المُقدَّس، <sup>19</sup> وتَبتَت الكَلمة النَبَوِيّة عَندنا كُتَر، هاد الكَلمة اللي تَعَملو مُليح لو كان تُردّو بالكُم ليها، كي الفانوس اللي يْضَوّي في مُكان مُضلام، حَتَّى يُطلَع النَّهار وتْضَوّي نَجمة الصِّباح في قُلوبكُم. <sup>20</sup> أُعَّرفو قُبل هاد الشي، باللي حَتَّى نُبُوة فالنُّمَاب ما جات من تَفسير واحَد على حْسابو، <sup>21</sup> عُمَرها النُبُوّة ما جات بمُراد إِنسان، بَصَّح ناس مُقُوّدين بالروح القُدّوس تُكَلمو من عَند الله.

2

## هْلاك الشْيوخة الكَدَّابين

ا وكيما كانو كاينين أنبيا كدّابين، يْكونو تاني في وَسطكُم شْيوخة كَدّابين، يْدُّخلو بيناتكُم بَدعات للهلاك وهومَ يُّتُكرو حَتَّى السِيَّد اللي شراهُم ويْجيبو لرواحهُم هْلاك بالخَف، ² ويَزَّاف اللي رايحين يْتَبَّعو الفَسق مْتاعهُم، واللي يْجيبو السّبّان لطريق الحَق، 3 وعلى جال الطّمَع، يُتاجرو بيكُم بالكلام المَدغول. هَدوك حْسابَهُم واجَد من زُمان ومّا يَبطاش وهْلاكهُم راهو يَوجَد، 4 خاطَر الله اللي ما رْحَمش المَلايكة اللي غَلطو ورْبَطهُم في سْناسَل الضَلمة وسَلَّمَهُم ورْماهُم في جَهَنَّمة وين راهُم مَحكومين ليوم الحْساب، 5 وما رْحَمش الناس القْدَم وحْفَض غير نوح التامَن بين اللي سَلكو واللي كان يْبرَّح بالصْلاح كي جا الطوفان اللي أدّا الناس الفاجرين، 6 وحُكَم على مْدايَن سَدوم وعمورة بالهْلاك ورَدهُم رْمَاد باش يْكُونو مْتَل للنْفوس الفاجرين، 7ُ وسَلَّك لوط الصالح اللي كان مُغموم من سيرة الفَسق مْتاع اللي مَا عَندهُمش الدين، 8 خاطَر كي كان هُو الصالح ساكن في وَسطهُم، كان يوم بَعد يوم يْتَعَدَّب في نَفسو على جال واش كان يْشوف ويَسمَع من عْمالهُم المَمنوعين. 9 الرَب يَعرَف يْسلَّك التاقيين من التَجرُبة، ويْخلِّي العاصيين باش يَتعاقبو في يوم الحُساب، 10 بخْصاص اللي يُتَبعو الدات في شَهوة الخْماج ويْهينو الحُكمة. وَجههُم صْحيح، مَتكبّرين وما يْخافوش يْسَبُّو صْحاب المَجد. 11 والو المَلايكة اللي هومَ كْتَر منهُم فالقُوَّة والقُدرة ما يَحَكموش عليهُم قُدَّام الرَب بالدوني، 12 بَصَّح هومَ، ما عَندهُمش العُقَل كي الهوايَش. نُوَلدو باش يَنحَكمو ويَنهَلكو، يُسَبَّو اللي ما يَعَّرفوهش، ويَنهَلكو في فْسادهُم، 13 مَتعَدبين بآجَر الباطَل، يَمَتّعو بالفَسق عيناني في وَسط النّهار، خامجين، ناجسين ومَتحررين، فَرحانين بضْياعهُم ودايرين وَليمة معاكُم، 14 عينيهُم مْعَمّرين بالفَسق، ما يَشّبعوش من الدْنوب، يَخَدعو النْفوس اللي ماشي تابتين، قَلبُهُم مْرَبِّي على الطْمع، وْلاد مَنعولين. 15 خَلاُّو الطْريق القْبالة وضاعو وهومَ يُتبّعو في طريق بَلعام بَن بَصور اللي حُب آجَر الباطَل. 16 نال اللوم على عَصيانو وهايشة عَقْونة نَطقَت بصوت بنادَم وَحَبَّسَت هبال النَّبي. 17 هَدو عْناصَر بلا ما، شحابات دايينهُم العُواصَف، ليهُم اللي تُوَجَّدت عَتمة الضَلمة. 18 يْقولو ݣالام ݣبير فَارَغ، يَخَدُّعُو بِشَهُوةِ الدات وبالفَسق اللي هَدا وين سَلكو من اللي مُشاو فالغْلاط. 19 يَوَّعدوهُم بالحُرِيَّة وهومُ عْبيد الفْساد، خاطَر الواحَد عَبد للي يْسيطَر عَليه. 20 خاطَر وَلاّ بَعد َّما سَلكو من نْجاسات الدَنيا بَمعرِفة رَبّنا وسُلاّكنا يَسوع المُسيح، عاودو وَلاّو لَتهاو وطاحو تَحت السيطَرة مْتاع هاد النْجاسات، هِمّالا وَلاّت حالَتُهُم الأخرانيّة عَر من الأولانيِّة، 21 خاطَر لو كان ما عَرفوش طْريق الصْلاح، خيرلهُم من اللي يَعَّرفو أومبَعد يُبَعدو على الفَرض المُقدّس اللي تُمَدَّلُهُم. 22 صْرالهُم الشي اللي يْقولو المْتَل الصْحيح: "الكَلبُ وَلاّ لفْيَّاه والحَلُّوفة المَغسولة ثُمَّرَغَت فالغَرقة."

# مْجي الرَب

المُحاري يا الحُباب البِريّة التانية اللي نكتبَهالكُم، فيهُم حَبيّت نُفَكَّرُكُم باش نُفيَّق فيكُم التَخمام الصْحيح، 2 باش تَنفَكُرو الكُلام اللي قالوه من قبَل الأنبيا القَدّيسين والفَرض مْتاع رَبّنا وسَلاّكما اللي قالوهولكُم الرُسُل مْتاعكُم، 3 عارفين هاد الشي قبَل، باللي رايَح يُجي فاليامات الأخرانيّين ناس يَستَهزاو ويَمشيو على حُساب شَهواتهُم، 4 ويقولو: "وين راهو الوَعد مْتاعو باش يُجي؟ خاطر من اللي ماتو جْدودنا، كُل شي باقي على حالو كيما كان كي نَخلَق الخلَق فالبَدية." خاطَر خُفا عليهُم بمُرادهُم باللي السْماوات كانو من زْمان والأرض قامَت على الما وبالما، وهَدا كامَل بكلمة الله، 6 وبيهُم اللي نْهَلَكَت الدَنيا مْتاع داك الوقت كي فاض عليها الما. 7 بَصَّح السْماوات والأرض مْتاع دُرك، كَلمة الله هَديك بالدات اللي راهي غُليَتُهُم للنار في يوم الحُساب وهْلاك الناس الفاجرين.

<sup>8</sup> كاين حاجة ما لازمش تَخفا عليكُم يا الحباب، باللي يوم واحد عند الرَب كيما ألف عام وألف عام كي يوم واحد. والرَب ما يبطاش باش يُحقَّق وَعدو، كيما يَحسبو شي ناس باللي بْطا، بَصَّح هُو يَصبَر عليكُم ماشي حاب ناس يَهلكو. بالعكس، حاب كُل واحد يُجي للتوبة. <sup>10</sup> يوم الرَب يُجي كي السَرَّاق، فيه يُزولو السماوات بصوت كبير، ويَخفّو الحاجات اللي تُكرنَت منهُم الدُنيا مُحروقين، والأرض والعمال اللي فيها ينكشفو.

اله همّالا، على حساب اللي كل شي يَنحَل، واش من الناس لازَم تُكونو وأنتومَ ماشيين فالقَداسة والتَقوى، الله مستنين ومَزروبين باش يُجي يوم الله، اللي فيه يَنحَلو السْماوات لاهبين ويْدوبو الحاجات اللي تُكونَت منهُم الدَنيا عَروقين. 13 نَستَناو سْماوات جْدَد وأرض جْديدة يَسكُن فيهُم الحَق على حْساب وَعدو.

14 على هَدا، يا الحباب، وأنتومَ تَستَنَاو هاد الشي، ديرو مجهودُكُم باش يَلقاكُم هانيين، بلا عيب وَلا لوم، 15 وأحَّسبو الصْبَر مْتاع رَبنا سَبّة للسْلاك، كيما كُتبَّلَكُم خونا الحبيب بولَس على حْساب العْقَل اللي نَعطالو، 16 كيما في كامَل البُراوات اللي يَهدَر فيهُم على هاد الشي، وفيهُم حاجات واعرين باش يَنفَهمو، وكايَن ناس جاهلين وماشي تابين حَرّفوهُم كيما دارو للكُتوب الأخرين، هاد الناس تُسَببو في هلاكهُم.

أنتومَ همّالا، يا الحباب، اللي فْهَمتو، ردّو بالكُم تعودو تنغرّو بضياعة اللي ما عَندهُمش الدين وتطيحو بَعد تْباتكُم، الله عَمد عُمرو فالنّعمة ومَعرفة رَبنا وسلاّكما يَسوع المسيح. ليه الجَد دُرك وللدوام. آمين.

# رِسَالَةُ يُوحَنَّا ٱلرَّسُولِ ٱلْأُولَى

كايَن تَلَت بْراوات فالعَهَد الجْديد مَعروفين بآسَم بْراوات يوحَنَّا. فالبْرِيَّة الأولى الكاتَب ما دُكَرُش آسمو وفالبْرِيَّة التانية والتالتة سَمَّا روحو "الشيخ." فالأولى ما دُكَرش آسَم الناس اللي ثُكتبَّلَهُم، فالتانية ثُكتَب "للمْرا اللي الله خَيَّرها هِيَ ووْلادها" وفالتالتة لواحَد مومَن واسمو "غايوس."

البراوات التلاتة مَكتوبين لناس يَعَرفو مْليح إِنجيل يوحَنّا. كانت فاتَت مُدّة من اللي سَمعو الناس ببشارة يَسوع المُسيح المَرّة الأولى، والمُسيحيّين اللي قراو من بَعد هاد الإِنجيل ما فَهموهش مْليح وبزّاف اللي بَعّدو على الكنيسة. ما حَبّوش يامنو باللي المُسيح جا في صفة بنادَم وما قَدروش يَقَهمو فاش يَسَّحقوه خاطر حْياتو وموتو ما كان عَندهُم حَتّى مَعنى ليهُم. كانو يُقولو: "حْنا ماشي خاطيين، نَعَرفو الله ورانا عايشين فالنور"، بَصَّح سيرَتهُم كانت تَيْنَ العكس.

يوحَنّا في بْراواتو يْوَصِّي المَسيحِيّين باش ما يْتَبعوش هاد الفْكايَر الغالطين في آمَر الله ويَسوع. وْلاد الله لازَم يامنو باللي يَسوع المَسيح صَح جا في صِفَة بْنادَم، واللي يْقولو العَكس هومَ عَديان المَسيح. لازَم المومنين يْشَدّو فالبْشارة اللي سَمعوها من الأُوَّل ويْكون الشّي اللي يْعيشوه المومنين مْوافَق مع الشّي اللي يامنو بيه ويَعَرفو باللي: مُحَبَّة الله والمَسيح يَعني عُجَّة الناس.

#### كُلمة الحيَّاة

اللي كان من البدية، اللي شمَعناه، اللي شَفناه بعينينا، اللي ريناه ومَسّيناه بَيَدّينا في آمَر كَلمة الحياة، 2 الحياة بانت، وشَفنا ونَشَهدو ونُخَبَروكُم بالحياة الدايمة اللي كانت عَند الآب وبانت لينا، 3 اللي شَفناه وشَمعناه، خُخَبَروكُم بيه تاني، باش أنتومَ تاني تُكون عَندكُم الشَركة معانا. والشَركة مْتاعنا حْنايَ راهي مع الآب ومع وْليدو يَسوع المسيح، وهاد الشي حْنا نَكَّتبوه باش الفَرحة تْولِّي كاملة.

#### السيرة فالنور

5 وهَدا هُوَ الخُبْرِ اللي شَمَعناه مَنَو، واللي نُخَبروكُم بيه، باللي الله نور وما كانش كامَل فيه الضَلمة، 6 لوكان نُقولو: عَندنا الشَركة معاه، وتَمشيو فالضْلام، رانا نَكَّدبو وما راناش نَفَّعلو الحَق، 7 لو كان تَمشيو فالنور كيما هُو فالنور، عَندنا الشَركة مع بَعضنا بَعض، ودَم يَسوع وْليدو يْطَهَّرنا من كُل دَنب، 8 لوكان نْقولو باللي ما عَندناش الدَنب، نَخَّدعو روحنا والحَق ما كانش فينا، 9 لوكان نَستَعرفو بدْنوبنا، هُوَ صادَق وعادَل، باش يَغفَرَّلنا دْنوبنا ويْطَهَّرنا من كُل شَر، 10 لوكان نْقولو باللي ما دَرناش الدَنب، نُردّوه كَدّاب وكَلمتو ما راهيش فينا.

#### 2

ا يا وْلادي، نَكَتَبَّلُكُم هاد الشي باش ما تَغَلطوش، ولوكان واحَد يَغلَط، عَندنا شْفيع قُدّام الله، يَسوع المُسيح الصالح. ² وهُوَ الكَفّارة لدْنوبنا، ماشي بَرك دْنوبنا حْنا، دْنوب كامَل الدَنيا.

<sup>3</sup> وفي هاد الشي اللي نَعَرفو باللي عُرفناه، لوكان نَعَفضو فْرايضو. <sup>4</sup> اللي يْقول عْرَفتو وما يَحفَضش فْرايضو كَدّاب وما فيهش الحَق، <sup>5</sup> اللي يَحفَض كَلمتو، مْتاع الصَح عُجّة الله تُكَلَّت فيه. بهاد الشي اللي نَعْرفو باللي حْنا مَتوَحدين معاه. <sup>6</sup> اللي يْقول باللي هُو باقي تابَت فيه، لازَم يَمشي على حْساب سيرتو. <sup>7</sup> يا الحبْاب، ما رانيش نكتبَّلكُم فَرض جُديد، هَدا فَرض قْديم كان عندكُم من البَدية، الفَرض القُديم هُوَ الكَلمة اللي سُمَعتوها. <sup>8</sup> ومن جيهة أخرى، نكتبَّلكُم فَرض جُديد، اللي فيه الحَق عليه وعليكُم: خاطر الضَلمة تُفوت والنور الحَقّاني بْدا يْضَوّي. <sup>9</sup> اللي يْقول باللي راهو فَرض يُرَق خوه، مازالو فالضَلمة للآن، <sup>10</sup> اللي يُحبَ خوه، يَبقا فالنور وما كانش فيه السَبّة باش يَعتَر. <sup>11</sup> هَدا اللي يكرَه خوه، راهو فالضَلمة، ويَمشي فالضَلمة، وما يَعرَفش وين يْروح خاطَر الضَلمة عُماتلو عينيه.

12 نكتباًكُم يا وْلادي خاطر نْغَفرو دْنوبكم في خاطر آسمو، 13 نكتباًكُم يا البابات خاطر عْرَفتوه من البَدية، نكتباًكُم يا المُصاغر خاطر غْرَبتكُم يا البابات خاطر عْرَفتوه من البُدية، كتبتلكُم يا البابات خاطر عْرَفتوه من البُدية، كتبتلكُم يا المُصاغر خاطر أنتومَ فويين وكلمة الله باقية فيكُم وغْلبتو الدوني.

## مَا تُحْبَوُّشُ الدُّنيا

15 ما لازَمش غُبَّو الدَنيا وَلا اللي فالدَنيا. اللي يُحب الدَنيا، عُبَّة الآب ما راهيش فيه، 16 خاطر كامَل اللي فالدَنيا، شَهوة الدات وشَهوة العينين والرْضاوة الزَّواخة بالمُعيشة، ماشي من الآب، هاد الشي من الدَنيا، 17 الدَنيا تُزول هِيَ وشَهوتها، بَصَّح اللي يُدير مُراد الله يَبقا للدُوام.

### ضَد-المُسيح

18 يا وْلادي، راهي الساعة الأخرانيّة، وكيما شَمَعتو باللي رائج يْجِي ضَد-المَسيح، ودُرك كايَن بَرَّاف اللي هوم ضَد-المَسيح، من هَدا نَعْرفو باللي جات الساعة الأخرانيّة، 19 خَرجو من بيناتنا بَصَّح ما كانوش من عَندنا، خاطَر لوكان كانو من عَندنا، لوكان بْقاو معانا، بَصَّح باش يْبان باللي ماشي كامَل من عَندنا، 20 أنتومَ عَندَكُم مَسحة من عَند القُدّوس وكامَل تَعْرفو، 21 أنا ما كُتبَتلكُمش خاطَر ما تَعْرفوش الحَق، بالعكس خاطَر تَعْرفوه وتَعْرفو باللي عَند القُدّوس من الحَق، عَدا هُو صَد-المَسيح، اللي يَنكُر باللي يَسوع هُو المَسيح؟ هَدا هُو صَد-المَسيح، اللي يَنكُر الآب والإبن، عَندو الآب تاني، يَنكُر الآب والإبن، عَندو الآب تاني، واللي يَستعرف بالإبن، عَندو الآب تاني،

<sup>24</sup> أنتوم، الشي اللي شمَعتوه من البدية، لازَم يَبقا فيكُم، لوكان يَبقا فيكُم الشي اللي شمَعتوه من البدية، تَبقاو تاني فالإبن وفالآب، <sup>25</sup> وهَدا هُو الوَعد اللي وْعَدَكُم بيه، الحياة الدايمة. <sup>26</sup> كْتَبَتَلَكُم هاد الشي في آمر اللي راهُم يْضَيّعو فيكُم، <sup>26</sup> وأنتوم، المَسحة اللي نلتوها مَنّو، باقية فيكُم، وما تَسَّحقوش كاش واحد يْعلَّكُم. كيما تُعلَّكُم المَسحة مْتاعو في كُل شي، وهِي صَح ماشي كُدَب، على حُساب ما تُعلَّكُم، أثبتو فالله.

#### وُلاد الله

28 ودُرك، يا وْلادي، أَتَّبتو فيه، باش لو كان يْبان فالوَقت اللي يَرجَع فيه، نْكونو مْهَنيين وماشي حَشمانين.
29 وَلا تَعْرفو باللي هُو صالح، أعَّرفو تاني باللي كُل واحد يْطَبَق الصْلاح مَزيود منّو.

أ شوفو المحبّة اللي عُطاهالنا الآب، حَتّى تُسَمّينا وْلاد الله، وحْنا هَكَدَاك. على هَدَا الدَنيا ما تَعرَفناش، خاطَر ما تَعَرفوش. <sup>2</sup> يا الحْباب، دُرك رانا وْلاد الله، ومازال ما بانش واش رايحين نُكونو. نَعَرفو باللي لوكان يْبان، نُكونو بُخالو، خاطَر نُشوفوه كيما راهو. <sup>3</sup> وكُل من عَندو هاد الرْجا فيه، يْطَهَّر نَفسو كيما المَسيح طاهَر، <sup>4</sup> كُل من يُدير الدَّن، الدَنب هُو الشَر، <sup>5</sup> وتَعَرفو باللي المَسيح جا باش يُخَيّى الدُنوب، وما كانش فيه دَنب. <sup>6</sup> كُل من يَبق فيه، ما يَدنَب، كُل من يَدنَب، ما شافوش وَلا عَرفو.

<sup>7</sup> يا وْلادي، ما لازَم حَتّى واحَد يْضَيَّعكُم، اللي يْطَبَق الصْلاح صالح كيما المَسيح صالح، 8 اللي يْدير الدَنب، هُو من إبليس، خاطَر إبليس من البَدية يَدنَب. على هَدا اللي جا إبن الله، باش يْهَدم عْمال إبليس. 9 كُل من نَولَد من الله ما يْديرش دَنب، خاطَر زَرِّيعة الله تَبقا فيه وما يَقدرش يَدنَب، خاطَر نَولَد من الله. 10 في هاد الشي اللي ينانو وْلاد الله ووْلاد إبليس: اللي ما يْديرش الصْلاح، ماشي من الله، اللي ما يْحَبش خوه تاني.

# حَبَوّ بَعَضَكُم بَعَض

الخاطر هَدا هُو الخبر اللي شَمَعتوه من البدية، باللي لازَم نَحبو بَعضنا بَعض، 12 ماشي كيما قايين اللي كان من الدوني ودْبَح خوه. وعلاش دبحو؟ خاطر عْمالو كانو دونيّين وعْمال خوه صالحين.

13 وما تَستَعجبوش يا الخاوة لوكان تَكرَهكُم الدَنيا. 14 نَعَرفو باللي فَتنا من الموت للحياة خاطَر نُحبّو الخاوة، اللي ما يُحبَش باقي فالموت. 15 كُل من يكرَه خوه، قاتل. وتَعَرفو باللي كُل قاتل ما عَندوش الحياة الدابمة باقية فيه. 16 في هاد الشي اللي عُرَفنا الحُجبّة، خاطَر المسيح مَد حْياتو في خاطَرنا، ولازَم علينا ثُمَدّو حْياتنا في خاطَر خاوَتنا. 17 كُل من عَندو مال فالدَنيا ويشوف خوه مَحتاج وما يَشْفَقش عليه، كيفاش مُحبَّة الله باقية فيه؟ 18 يا وْلادي، ما لازَمش نُحبّو غير بالكُلام واللسان، لازَم خُبّو بالعْمال وبالصَح. 19 في هاد الشي اللي نَعَرفو باللي حْنا من الحَق ونُهَدّنو قُلوبنا قُدّام الله، 20 خاطَر وَلا حُكمَ علينا، الله كُبير على قَلبنا ويَعرَف كُل شي.

<sup>21</sup> يا الحْباب، وَلاّ قَلِبنا ما حْكَمْش علينا، عَندنا الآمان قُدّام الله، <sup>22</sup> والشي اللي نَطَّلبوه، نْنالوه مَنّو خاطر نَحَّفضو فْرايضو، ونْديرو الحاجات اللي يْرَضّيوَه. <sup>23</sup> وهَدا هُوَ الفَرض مْتاعو، باللي نامنو بآسَم وْليدو يَسوع المَسيح، وغُجَّو بَعضنا بَعض كيما فْرَض علينا. <sup>24</sup> واللي يَحفَض فْرايضو، يَبقا هُوَ فالله والله فيه، وفي هاد الشي اللي نَعَرفو باللي هُوَ باقي فينا، بالروح اللي عُطاهولنا.

4

# جُرّبو الأرواح

1 يا الحباب، ما تامنوش بكُل روح، بَصَّح جَرَّبو الأرواح وَلاَّ هومَ من الله، خاطَر كايَن بَرَّاف الأَنبيا الكَدَّابين الكَدَّابين الله خَرجو فالدَنيا. 2 في هاد الشي تَعْرفو روح الله، كُل روح يَستَعرف باللي يَسوع المَسيح جا فالدات، هُو من الله، 3 وكُل روح ما يَستَعرفش بيَسوع، هُو ماشي من الله، هَدا من ضَد-المَسيح اللي شَمَتو باللي رائح يُجي، وراهو من دُرك فالدَنيا. 4 أتتومَ من الله يا وْلادي، وغْلَبَوهُم خاطَر اللي فيكُم حُبير على اللي فالدَنيا. 5 هومَ من الدَنيا،

على هَدا يَهَّدرو على حْساب الدَنيا والدَنيا تَسمَعهُم. 6 حْنا من الله، اللي يَعرَف الله يَسمَعَّلنا واللي ما يَعرَفُش الله ما يَسمَعَّلناش. بَهدا اللي نَعَّرفو روح الحَق وروح الغلاط.

### لله محبّة

<sup>7</sup> يا الحْباب، لازَم غُجَّو بَعضنا بَعض، خاطر الحُجَّة من الله، وكُل من يْحَب مَولود من الله ويَعرَف الله. 8 اللي ما يْحَبش، ما عْرَفش الله خاطر الله عُجَّة. 9 في هاد الشي اللي بانت عُجَّة الله بيناتنا، خاطر الله بْعَت وليدو اللي سُعا غير هُو للدنيا باش نَحياو بيه. 10 الحُجَّة في هاد الشي، ماشي فاللي حْنا حَبِّينا الله، بَصَّح فاللي هُو حَبنا وبْعَت وليدو كفّارة على جال دْنوبنا.

11 يا الحُباب، وَلا الله حَبّنا هكدا، لازَم حْنا تاني غُبّو بَعضنا بَعض. 12 عَمرو ما واحَد شاف الله بَصَّح لوكان غُبّو بَعضنا بَعض، الله يَبقا فينا، وعُجبتو تَنكَّل فينا. 13 في هاد الشي اللي نَعْرفو باللي حْنا باقيين فيه وهُو فينا، هُو عُطالنا من روحو، 14 وحْنا شَفنا وَنُشَهدو باللي الآب بْعَت وْليدو سَلاك فالدّنيا. 15 اللي يَستَعرف باللي يَسوع هُو إِن الله الله بالله يَبقا فالله، 16 وحْنا عْرَفنا وآمنًا الحُبّة اللي عَندو الله لينا. الله عُبّة، واللي يَبقا فالحُبّة يَبقا فالله، والله يَبقا فالحُبّة بيناتنا، باش يُكون عَندنا الآمان في يوم الحُساب، خاطر كيما هُو الله يَبقا فيه. 17 في هاد الدّنيا. 18 ما كانش الخوف فالحُبّة. الحُبّة المُجبّة الله على الله وهُو يَكِره خوه، كَدّاب، خاطَر ولا كان ما يُحبّش خوه اللي شافو، ما يَقدَرش يُحب الله اللي ما يُفول أنا نُحب الله وهُو يَكِره خوه، كَدّاب، خاطَر ولا كان ما يُحبّش خوه اللي شافو، ما يَقدَرش يُحب الله اللي ما شافوش. 21 وهَدا هُو الفَرض اللي نُشَدّوه منو، باللي اللي يُعب الله، يُحب خوه تاني.

5

#### أغَّلُم الدَّنيا

أكل من يامَن باللي يَسوع هُوَ المَسيح مَولود من الله، وكُل من يْحَب اللي وْلَد لازَم يْحَب تاني اللي نَولَد مَنّو.
في هاد الشي اللي نَعْرفو باللي نُحَبّو وْلاد الله، كي نُحَبّو الله ونَعْملو بفْرايضو. 3 خاطر هَدي هِي عُجبّة الله، كي خَفضو فْرايضو، وفْرايضو ماشي واعرين، 4 خاطر كُل واحد مَولود من الله يَغلَب الدَنيا، وهَدي هِيَ النُصرة اللي تَغلَب الدَنيا، إيماننا. 5 شُكون هُو اللي يَغلَب الدَنيا من غير اللي يامَن باللي يَسوع هُو إبن الله؟

# شْهادة الله ليَسوع المَسيح

6 هَدا هُوَ اللي جا بالما والدم، يَسوع المَسيح. ماشي بَرك بالما، بالما وبالدَم. والروح هُو الشاهَد، خاطَر الروح هُو الحَق. 7 خاطَر الشهود ثلاتة: 8 الروح والما والدَم، والثلاتة شُهادَتَهُم واحدة. 9 وَلا نَقَبلو شُهادة بْني آدَم، شهادة الله عُبيرة كُتَر، خاطَر هَدي شُهادة الله اللي شُهد بيها في آمَر وْليدو، 10 اللي يامَن بابن الله، عَندو الشهادة فيه، اللي ما يامَنش الله، رَد الله كَدّاب خاطَر ما آمَنش بالشهادة اللي شُهد بيها الله في آمَر وْليدو، 11 وهدي هِي الشّهادة: الله عُطالنا الحيْاة الدايمة، وهاد الحيْاة راهي في وْليدو. 12 واللي عَندو الإبن عَندو الحيْاة. اللي ما عَندوش إبن الله، ما عَندوش الحيْاة.

13 كُتبتَلكُمُ هاد الشي يا المومنين بآسَم ابن الله باش تَعَرفو باللي عَندَكُم حْياة دايمة، 14 وهَدا هُو الآمان اللي عَندنا قُدّام الله، لو كان نَطَّلبو حاجة على حْساب مُرادو، يَسمَعَّلنا، 15 وَلا ّكُمَّا نَعْرفو باللي يَسمَعَّلنا واش نَطَّلبو، نَعْرفو باللي يَسمَعَّلنا واش نَطَّلبو، نَعْرفو باللي يَسمَعَّلنا واش يُطلَب ويَعطيلو الحيْاة، نَنالو الحاجات اللي طْلبَناهُم مَنّو، 16 لو كان واحَد يْشوف خوه يْدير دَب ما يَدّيش للموت، يَطلَب ويَعطيلو الحيْاة، هاد الشي للي يْدير دَب ما يَدّيش للموت، كايَن دَب يَدّي للموت، ماشي في آمَر هَدا اللي راني نُقول لازَم يْصَلِي. 17 كُل باطل دَب، وكايَن دَب ما يدّيش للموت. 18 نَعْرفو باللي كُل مَن نَولَد من الله ما يَدنبش، المَولود من الله يَحفَض نَفسو والدوني ما يُمسّوش، 19 نَعْرفو باللي حْنا من الله، والدَنيا كامَل راهي فالدوني. 20 نَعْرفو من جيهة أخرى باللي ابن الله جا وعُطالنا العْقَل باش نَعْرفو الحَقّاني، ورانا فالحَقّاني، في وْليدو يَسوع المَسيح، هُو الله الحَقّاني والحياة الدايمة، 12 يا وْلادي، أَحْفضو نُفوسكُم من الشّام.

رِسَالَةُ يُوحَنَّا ٱلرَّسُولِ ٱلتَّانِيَةُ

كايَن تلت بْراوات فالعَهَد الجْديد مَعروفين بآسَم بْراوات يوحَنّاً. فالبْرِيّة الأولى الكاتب ما دُكُش آسمو وفالبْرِيّة التانية والتالتة سَمّا روحو "الشيخ." فالأولى ما دُكُش آسَم الناس اللي كْتَبَّلَهُم، فالتانية كْتَب "للمْرا اللي الله خَيَّرِها هَى ووْلادها" وفالتالتة لواحَد مومَن واسمو "غايوس."

ُ الْبراوات التّلاتة مَكتوبين لناس يَعَرفو مْليح إِنجيل يوحَنّا. كانَت فاتَت مُدّة من اللي سَمعو الناس ببْشارة يَسوع المَسيح المَرّة الأولى، والمَسيحيّين اللي قراو من بَعد هاد الإِنجيل ما فَهموهش مْليح وبَرّاف اللي بَعّدو على الكنيسة. ما حَبّوش يامنو باللي المَسيح جا في صفة بْنادَم وما قَدروش يَقَهمو فاش يَسَّحقوه خاطَر حْياتو وموتو ما كان عَندهُم حَتّى مَعنى ليهُم. كانو يْقولو: "حْنا ماشي خاطيين، نَعْرفو الله ورانا عايشين فالنور"، بَصَّح سيرَتهُم كانت تَيَنَّ العكس.

يوحَنّا فِي بْراواتو يْوَصِّي المَسيحيِّين باش ما يْتَبعوش هاد الفْكايَر الغالطين في آمَر الله ويَسوع. وْلاد الله لازَم يامنو باللي يَسوع المَسيح صَح جا في صِفَة بْنادَم، واللي يْقولو العكس هومَ عَديان المَسيح. لازَم المومنين يْشَدّو فالبْشارة اللي سَمعوها من الأَوَّل ويْكون الشي اللي يْعيشوه المومنين مُوافَق مع الشي اللي يامنو بيه ويَعَرفو باللي : مُحَبّة الله والمَسيح يَعني عُبّة الناس.

ا الشيخ، للمُرا الحُتَارَة ولوْلادها، اللي أنا نُحَبَّهُم فالحَق، وماشي غير أنا، وكامَل اللي عَرفو الحَق تاني، <sup>2</sup> على جال الحَق الباقي فينا، ورايَح يُكون معانا للدْوام. <sup>3</sup> نَعمة تُكون معانا، ورَحمة وهْنا من عَند الله الآب ومن عَند يَسوع المَسيح إبن الآب فالحَق والحُجَّة.

السيرة بالحقَ والمُحبَّة

<sup>4</sup> فَرَحت بَرَّاف كي لْقيت شْوِيّة من وْلادَك ماشيين بالحَق، على حْساب الفَرض اللي نَلناه من الآب. <sup>5</sup> ودُرك نَطَبَ مَنَّك يا مْرا، ماشي كي اللي نَكتبَلك فَرض جْديد. هَداك اللي كان عَندنا من البَدية، باللي نُخبَّو بَعضنا بَعض.
 <sup>6</sup> وهَدي هِيَ الحُبَّة، باللي تَمشيو على حْساب فْرايضو، هَدا هُوَ الفَرض كيما شُمَعتو من البَدية، باللي تَمشيو فيه.

رَدُّو بالكُم من الغَوَّاييِّن

<sup>7</sup> خاطر كاين غوّايين بزّاف شاعو فالدنيا، اللي ما يَستَعرفوش باللي يَسوع المَسيح جا فالدات، هَدا هُو الغاوي وضد-المَسيح. 8 ردّو بالكُم على روحكُم، باش ما تُضيّعوش واش دَرنا، وتْنالو آجَر كامَل. 9 كُل من يَعقدّا وما يَبقاش في تَعليم المَسيح، ما عَندوش الله، اللي يَبقا فالتَعليم، هَدا عَندو الآب والإبن. 10 لو كان واحد يُجي لعَندكُم وما يُجيبش هاد التَعليم، ما تَقَبلوهش في داركُم وما شُللوش عليه، 11 خاطر اللي يْسَلَم عليه يَشرَك في فْعالو الدونيّين.

سلام

12 والو عندي شي بزّاف نكتبهولكم، ما حبيتش نْكَلَمْكم بالوْرَق والمداد. نَتَمَنّا نْجي لعندكم ونْكلّمكم فُم لفّم باش تكلّ فرحتنا. 13 يُسلّمو عليك وْلاد أختك المختارة.

رِسَالَةُ يُوحَنَّا ٱلرَّسُولِ ٱلتَّالِتَةُ

كايَن تَلت بْراوات فالعَهَد الجْديد مَعْروفين بآسَم بْراوات يوحَنّا. فالبْرِيّة الأولى الكاتب ما دُكُوش آسمو وفالبْرِيّة التانية والتالتة سَمّا روحو "الشيخ." فالأولى ما دُكُوش آسَم الناس اللي كْتَبَّلَهُم، فالتانية كْتَب "للمْرا اللي الله خَيَّرُها هِي وَوْلادها" وفالتالتة لواحَد مومَن واسمو "غايوس."

البراوات الثلاتة مكتوبين لناس يَعَرفو مُليح إِنجيل يوحَنّا. كانت فاتَت مُدّة من اللي سَمعو الناس ببشارة يسوع المُسيح المَرّة الأولى، والمُسيحيّين اللي قُراو من بَعد هاد الإِنجيل ما فَهموهش مُليح وبَرّاف اللي بَعّدو على الكنيسة. ما حَبّوش يامنو باللي المُسيح جا في صفة بنادَم وما قَدروش يَفّهمو فاش يَسَّحقوه خاطَر حْياتو وموتو ما كان عَندهُم حَتّى مَعنى ليهُم. كانو يُقولو: "حْنا ماشي خاطيين، نَعَرفو الله ورانا عايشين فالنور"، بَصَّح سيرَتهُم كانت تُبيَّنَ العكس.

يوحَنّا في بْراواتو يْوَصّي المَسيحِيّين باش ما يْتَبعوش هاد الفْكايَر الغالطين في آمَر الله ويَسوع. وْلاد الله لازَم يامنو باللي يَسوع المَسيح صَح جا في صِفة بْنادَم، واللي يْقولو العكس هومَ عَديان المَسيح. لازَم المومنين يْشَدّو فالبْشارة اللي سَمعوها من الأَوَّل ويُكون الشي اللي يْعيشوه المومنين مُوافَق مع الشي اللي يامنو بيه ويَعَرفو باللي : مُحَبّة الله والمَسيح يَعني مُحَبّة الناس.

الشيخ لغايوس الحبيب اللي نُحبَّو فالحَق.

<sup>2</sup> يا الحَّبيب، نَمَّنَا تَعَجَح في كُل شي وتْكون صْحيح في داتك وفي نَفسَك. <sup>3</sup> فْرَحت بَرَّاف كي لَحقو الخاوة وشَهدو بالحَق اللي فيك، وبالحَق اللي أنتَ تَمشي فيه، <sup>4</sup> ما عَنديش فَرحة حُبيرة كُتَر من اللي نَسمَع باللي وْلادي راهُم يَمشيو فالحَق.

غايوس

أ يا الخبيب، أنتَ حْلالي في كُل شي تْديرو للخاوة وحَتى للبْراويّة، أاللي شَهدو بمُحَبتَك قُدّام الكنيسة، واللي تَعمَل مْليح لو كان تْعاوَنهُم فالشي اللي لازَمَّلهُم للسْفَر كيما يْليق بالله. 7 ياخي في خاطر آسمو اللي راحو يَخَدمو وما أدّاو والو من الكُفّار.
 أدّاو والو من الكُفّار.

ديو تريفوس

و عُتَبَرَتَ وَاللَّهِ مَا يَقْبَلُونَ وَاللَّهِ عَلَى اللَّهِ عَلَى اللّهِ عَلَى اللَّهِ عَلَى اللَّهُ عَلَى اللَّهِ عَلَى اللَّهُ اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ اللَّهُ عَلَى اللّهَ عَا عَلَمْ اللّهُ عَلَى اللّهُ عَلَمَ اللّهُ عَلَمَ اللّهُ عَلَى ال

ديمِتريوس

12 ديمتريوس شَهدولو كامَل والحق بالدات شْهَدلو وحْنا تاني نَشَّهدو وراك عارَف باللي شْهادَتنا حَقّانية. 13 كانو عَندي حاجات بَرَّاف نَكتَبُهمَك، بَصَّح ما رانيش حاب نَكتَبلك بالمداد والريشة.

سُّلام 14 نَتَمَّنَا قُريب نْشُوفَك ونَهَّدرو فُم لَفُم. <sup>15</sup> يْهنيك، الحْباب يْسَلَمُو عليك، سَلَمَّ على الحْباب كُل واحَد بآسمو.

# رِسَالَةُ يَهُوذَا

بْرِيَّة يَهودا مَكتوبة لكامَل المَسيحيّين وتْشُبَّه للبْرِيّة التانية مْتاع بُطرُس.

الكاتب يُحارَب اللي سيرَتُهُم مْعَوِّجة ويْدَرَّسُو الكُدَب. يَدَكُّ حْكايات من العَهَد القَّديم ويُجبَد منهُم تَعليم يْفيد المُسيحِيِّين اللي كانو في وَقتو، ويَدكُر تاني حْكايات من الكُتوب مْتاع الْيهود واللي ماشي كاينين فالكِمَّاب المُقَدَّس. من جيهة أخرى، يَوصَف كيفاش الله يْعاقب اللي ما يَقَبلوش بْشارتو بَصَّح يْقول تاني باللي لازَم الواحد يَشفَق عليهُم ويْعاوَنَهُم باش يَسَّلكو من زْعاف الله.

يَهودا واعَر وقاسي في بْرِيَّتُو وهاد الشي باش يَمنَع الشَر والْهلاك ويْسَجَّع للإيمان والسْلاك.

1 يَهودا، عَبد يَسوع المَسيح، خو يَعقوب، للمَدعُوّيين المَحبوبين فالله الآب والمَحفوضين ليَسوع المَسيح، 2 رَحمة ليكُم وهْنا وهُحَبّة بالكُترة.

# دْنُوبِ الْمَشْرارين والحُكُمُ اللِّي عليهُم

ذيا الحباب، وأنا داير مجهودي باش نكتبَّلكُم في آمر السلاك اللي نَشَركوه، لْزَم عليَّ نكتبَّلكُم باش نُسَجَّعكُم تُديرو مجهودكُم في خاطَر الإيمان اللي نَعطا على مَرّة لكامَل القَدّيسين. 4 خاطَر شي ناس تُسَحّبو بيناتكُم، هومَ اللي الحُكم عليهُم سْبَق ونْسَجَّل من زْمان، فاسدين، يْفارصو في نَعمة الله باش يْحَلّلو الفَسق، ويَنكرو سيدنا ورَبنا اللي ما عَندناش غيرو، يَسوع المُسيح.

5 راني حاب نُفَكِّرُمُ والو تَعَرفو كُل شي، باللي الرَب سَلَك مَرَة الشَعب من مَصَر، والمَرّة التانية هْلك اللي ما مَروش مَرسَمُهُم، وخلاو سُكانهُم، حُكَهُم بالسْناسَل الدايمِن فالضَلمة للحُكم مْتاع اليوم المُعبر. 7 هَكدا سَدوم وعَورة والمُدايَن اللي دايرين بيهُم اللي زْناو بُحالهُم وراحو يْنبّعو شَهوات طَبع آنُر، راهُم باقيين عَبرة وهومَ مُجُوزين عْداب النار الدايمة. 8 كيف كيف ياخي تاني، يَعَلّمو بحاجات يْكبروهُم، يْخَسو الدات، يْهينو الحُكمة، ويْسَبّو صُحاب الجَد. 9 حَتّى رايس المَلايكة ميخائيل، كي كان يَتناقَش مع إبليس، ويتكلَّم معاه في آمر دات موسى، ما تُجُرَّاش يُحَط عليه حُكم فيه مُعايرة بَصَّح قال: "قادر الرَب يُحاسبك." 10 هَدو من جيهة يُسبّو الشي اللي ما يعرفوه ساب ومن جيهة أخرى يَهلكو فالشي اللي يعَرفوه بالغريزة كي الهوايش اللي بلا عُقَل. 11 يا ويلهُم، اللي ما يعرفوهش، ومن جيهة أخرى يَهلكو فالشي اللي يعَرفوه بالغريزة كي الهوايش اللي بلا عُقَل. 11 يا ويلهُم، خاطر راحو في طُريق قايين، وسَلّمو روحهُم للضياعة على جال الآجر كيما بلعام، وهَلكو بالعصيان مُتاع قورَح. ما، هازهُم الربيء، شَعور غريف بلا غَلَة، شابعين موت، مُقلّعين من العُروق، 13 موجات بُحَر هايجين تَرمي العار مناعهُم، غُوم ضايعين، عَتمة الضّلام عُنبَيتَلُهُم للدُوام، 14 وثنبًا عليهُم أنوخ، السابع بعد آدم وقال: "هاو يُجي الرب مع القدّيسين الألوف مُتاعو، 15 باش يُعاسب كامَل الناس ويْقَتَع كُل نَفس في آمَر كامَل فعال الباطل مُتاعهُم اللي داروهُم وفي آمَر كامَل الكلام القاسي اللي قالوه عليه الخاطيين، فاعلين الباطل." 16 هَدو ناس يُضلّو يُشتكيو وماشي راضيين بيْصيبهُم، يَشيو على هُوا شَهواتُهم، فَهُم ينطق مَتكَبَر بالكلام، ويُحبّو الناس على مَصلَتحَهُم.

أتبتو

17 بَصَّح أُنتومَ يا الحْباب، أشفاو على الكَّلام اللي تُقال من قَبَل من عَند رُسُل رَبِّنا يَسوع المَسيح، 18 اللي قالوهولكُم، باللي في آخَر الزْمان يُكونو ناس يَتَسخرو، يَمشيو على هْوا شَهواتَهُم، فاعلين الباطَل، 19 هَدوك هومَ اللي يَتَسَبِّبو للأُخرِين باش يَنقَسمو، يَمشيو بغَريزَتُهُم، ما عَندهُمش حْياة روح.

<sup>20</sup> أنتومَ يا الحباب، أبنيو روحكُم على إيمانُكُم المُقدَّس بَرَّاف، وأنتومَ تْصَلّيو بالروح القُدّوس. <sup>21</sup> أَحَفضو روحكُم في عُبّة الله وأنتومَ تَسَنّاو رَحمة رَبّنا يَسوع المَسيح للحياة الدايمة. <sup>22</sup> من جيهة، كاين اللي لازَم تَشَّفقو عليهُم خاطَر ما زالهُم يْشَكّو، <sup>23</sup> من جيهة أخرى، كاين اللي لازَم تَخَطفوهُم من النار وتُسلّكوهُم، ومع الأُخَّر، كاين اللي لازَم تَشَّفقو عليهُم مع الخوف وكارهين حَتِّى اللباس اللي تُغَيِّس بلْحَمهُم.

تسبيح

<sup>24</sup> للي يَقدر يَحَفَضكُم من العَترة، ويُوقَقكُم قُدام مجدو ما فيكُم حَتّى عيب وزاهيين، <sup>25</sup> لله الواحد، سَلا كنا بربنا يَسوع المسيح، المجد، الجَد، الجُلالة، القُوّة، الحُكمة من قبل ما يَبدا الزْمان ودُرك وللدْوام. آمين.

# رُؤْيَا يُوحَنَّا ٱللَّاهُوتِيّ

عُنوان هاد النَّمَاب باللُّغة الإغريقِيّة يَعني "يَكشَف." هاد النَّمَاب يَهدَر على حاجات كانو مُغنّبين ونُكشفو. والله أعلَم، نْدار ثْمَاب "الرُّوْيا" مَع الآخَر مْتاع القَرن الأَّوَّل بَعد الميلاد. في هَداك الوَقت، كان القَيصَر الروماني يْحَب يَعبَد كي الإلَه والمَسيحيّين كانو محقورين، كاين اللي صَبرو وكاين اللي ما قَدروش.

هاد الثّناب مْعَمَّر بالرُموز، اللي كانو يَقراوَه فالوَقت اللي نكتَب فيه كانو يَقْهموه. كاين اللي يْشوفو باللي هاد الثّناب مكتوب للمسيحيِّين اللي كانو محقورين في هَداك الوَقت، وحَب الله يْبَيَّنَّلُهُم باللي راهو رائح يَهلَك الشَر والشَرّاني، وباللي واحد ما يَقدَر يمنَع وْعودو بسْلاك حْبابو باش يَتَحققو؛ وكاين اللي يْشوفو باللي هاد الثّناب، من الفَصل 4، يَهدَر على مُستَقبَل الكَنيسة والدّنيا.

كي تقرا هاد النّماب تحبّس تلت مَرّات: • فالفُصول من 1 ل 3: تلقا سَبع بْراوات لَسَبع ثْمَايَس. هاد النّماب كامَل يَهدَر مع هاد السَبع ثْمَايَس. • فالفُصول من 4 ل 20: الكاتب يَتَرفَد للسْما، يشوف حاجات ويوصَفهُم. يُورِّي مع الأوَّل كيفاش يَسوع يُحَلِّي ثَمتوب العَهد القَّديم يَحَلَّو وينَفهمو، ويُورِّي تاني باللي بشارة الإنجيل تُخص كامَل الشُعوب. أومبَعد يَحكي على الحَرب الكُبيرة ضَد قُوَّات السَّر. يَسوع الحَي يْبان في صِفة الخُروف وهُو اللي يَغلَب. • فالفُصول من 21 ل 22: تشوف الحَلق الجُديد اللي يُوجِّدو الله. في هاد الخلق، كايَن مُدينة، أورشليم اللي تَهبَط من السُما هُديّة من عَند الله. هاد الزوج فُصول هومَ اللي يُكّلو الرُؤيا وهومَ اللي تَكَل بيهُم خُطّة الله اللي بُدات فالبَدية مْتاع النُّكاب المُقدَّس: فالتكوين 3. ،24 المَلايكة عَلقو الطُريق اللي تَدّي لسَجرة الحيَّاة، وفالرُؤيا 22. عُرة النّاس.

كْتَاب الرُّؤيا نَكتَب فالوَقت وين كان الشَر يْبان قْوي بَرَّاف. هاد النُّكَاب يْسَجَّع المومنين باش يْقاومو الشَر ويَستَنَّاو نُصرة الله الأخرانِيّة.

أ وَحي يَسوع المَسيح اللي عْطاهولو الله باش يَبيَّن لْعبادو الشي اللي رايَح يَصرا بالخَف، واللي بَعت مْلاكو باش يُخبَّر بيه عَبدو يوحَنّا، 2 اللي شْهَد بكلهة الله وبشْهادة يَسوع المَسيح، كُل ما شاف. 3 يا سَعد اللي يَقرا واللي يَسَمعو كُلام النبوة، اللي يَخقضو الشي اللي نُكتب فيها، خاطر الوَقت قْريب.

## سْلام للسَبع ثْنَايْس

4 من يوحَنّا للكّايَس السَبعة اللي في آسيا: نَعمة ليكُم وسْلام من عَند الكايَن واللي كان والجاي، ومن عَند الأرواح السَبعة اللي راهُم قُدّام عَرشو، <sup>5</sup> ومن يَسوع المَسيح، الشاهَد، الأمين، بُكر اللي قامو من الموت ورايَس سْلاطَن الأرض، اللي يُحبّنا وسَلَّكنا من دْنوبنا بَدمّو، <sup>6</sup> ورَدّنا مَملكة، رْجال دين لإلهُو وباباه، ليه الجَد والقُوّة للدْوام، آمين. <sup>7</sup> هاو جاي مع السُّحاب، كُل عين تُشوفو حَتّى اللي تَقبوه، ويْنوحو عليه كامَل قْبايَل الأرض، إيه، آمين. <sup>8</sup> أنا الألف واليا، يْقول الرَب الإِلَه، الكاين واللي كان والجاي، القادَر.

<sup>9</sup> أنا يوحَنّا، خوكُم وشْريككُم فالتَجرُبة والمُلككوت والصْبَر في يَسوع. كُنت فالجَزيرة اللي يُسَمَّيوها بَطمُس علي جال كَلمة الله وشْهادة يَسوع. <sup>10</sup> كُنت فالروح في يوم الرَب، وشْمَعت مورايَ صوت قْوي كي صوت البوق، <sup>11</sup> يُقول: أكتَب واش تُشوف في ثُكّاب وأبَّعتو للتُكايَس السَبعة في آفسُس وسْميرنا وبَرغامَس وتِياتيرا وساردَس وفيلادَلفِيا ولاودكيّة.

12 دَرت باش نُشوف الصوت اللي كَلَّني، وكي دَرت شَفت سْبَع شَندالات مْتاع الدْهَب، 13 وفي وَسط الشَندالات واحَد يُشْبَّه لْبنادَم، كان لابَس لْباس حَتَّى للرَجلين وعُزَّم صَدرو بحْزام مْتاع الدْهَب، 14 راسو وشَعرو بَيْن كي الصوف البيضة، كي اللي راهو فالنار، وصوتو بيّض كي الصوف البيضة، كي اللي راهو فالنار، وصوتو كي صوت ماء قوي، 16 عَندو في يَدّو البيني سَبع نُجوم، وخارَج من فَقو سيف قاطَع من زوج جُوليه، ووَجهو يَبرَق كي الشَمس في قُوَّتها. 17 وكي شَفتو، طَحت عَند رَجليه كي الميّت. حَط يَدّو البيني عليَّ وقال: "ما تُخافش، أنا الأوَّل والآخَر، 18 والحَي، كُنت ميّت وهاني حَي للدُوام، حاكم مُفاتح الموت ومَسكن الموتى. 19 أكتب الشي اللي شَفتو، اللي كاين واللي رايح يَصرا من بَعد. 20 لُغز النّجوم السَبعة اللي شَفتهُم في يَدّي البيني والشَندالات السَبعة من مُناع الدُهب: الشبعة. والشَندالات السَبعة هومَ المُكايَس السَبعة.

2

## بْريَّة لآفسُس

أ أُكتَب لْملاك كنيسة آفسُس: "هاو واش يُقول اللي حاكم النْجوم السَبعة في يَدّو اليُمنى، الماشي في وَسط الشَندالات السَبعة مْتاع الدْهَب: 2 نَعرَف فْعالَك، وَجَهودَك، وصَبرَك وباللي ما تَقَدَرش تَحَلَ الدونيّين، جَرَّبت اللي يُقولو باللي هومَ رُسُل وهومَ ماشي رُسُل ولْفيتَهم كَدّابين، 3 عَندَك الصْبَر، هْملت على جال آسمي وما عْييتش، 4 بَصَّح نُلومَك على اللي سْمَحت في حُبَّك الأوَّل. 5 أشفا همّالا وين طُحت وتوب ودير فْعالَك الأولانيّين، وَلا ماكاش، نُجِي ليك، نُخِي الشَندال مْتاعك من مْكانو لو كان ما تنوبش. 6 بَصَّح عَندَك هاد الشي، تَكَّرَه فْعال النيقولاوِيّين اللي نَكرَهُهُم أنا تاني.

7 اللي عَندو وْدَن، غير يَسمَع واش يْقول الروح للثْكايَس. اللي يَغلَب، نَعطيلو ياكُل من سَجرة الحْياة اللي راهي في جَنّة الله."

## بْرِيَّة لسْميرنا

8 وأكتبَ لمُلاك كنيسة شميرنا: "هاو واش يْقول الأوَّل والآخَر، اللي كان مِيَّت وراهو حَي: <sup>9</sup> نَعرَف الشَدَّة والفقر مْتاعك، بَصَّح أنتَ مْرَفَّه، والكُفر مْتاع اللي راهُم يْقولو باللي هومَ يْهود وهومَ ماشي يْهود، هومَ جَمَع الشيطان. 
10 ما ثخافش واش رايح تْقاصي. هاو إبليس رايَح يَرمي ناس منكمُ فالحَبس باش تَتَجَرَّبو، وتْجوز عليكُم شَدّة مْتاع عَشر أيّام. كون تابَت حَتّى للموت ونَعطيلَك تاج الحيْاة."

11 اللي عَندو وْدَن، غير يَسمَع واش يْقول الروح للنْخايَس. اللي يَغلَب، مُحال تْقيسو الموت التانية."

12 وأكتب لملاك كنيسة برغامس: "هاو واش يُقول اللي عَندو السيف القاطَع من زوج جُوايَه: 13 نَعرَف وين يَسكُن، تَسكُن، تَسكُن وين راهو عَرش الشيطان. وهكداك شَدّيت مُليح في آسمي وما نُكُرت الإيمان بِيَّ حَتَى في يامات أنتيباس، الشاهد الحلالي مْتاعي، اللي نْقتَل عَندكُم، تَمّة وين يَسكُن الشيطان. 14 بَصَّح كاين حاجة صْغيرة نُلومَك عُليها، عَندَك تَمّة من اللي شادّين في تعليم بلعام اللي كان يُعلَّم بَلاق يَرمي سْبَب العَترة قُدّام بْني إسرائيل، باش ياكلو اللهم المُضحّي للأصنام وباش يَزنيو. 15 وأنتَ تاني عَندَك ناس شادّين في تعليم النيقولاوِيّين. 16 توب وَلاّ نُجي ليك بالحَف وغُاربهُم بالسيف مْتاع فُمّي."

اللي عَندو ودن، غير يَسمَع واش يْقول الروح للكْماليس. اللي يَغلَب نَعطيلو من المَنّة الحُخبَية، ونَعطيلو حَجرة بيضة، وفوق هاد الحَجرة مكتوب آسَم جْديد، واحَد ما يَعرفو من غير اللي ياخدو."

### بْرِيَّة لِتياتيرا

18 وأكتب لملاك كنيسة تياتيرا: "هاو واش يْقول بْن الله، اللي عينيه كي لهيب النار ورَجليه كي النْحاس؛ 
19 نَعرَف فْعَالَك وعُبَنَك وإيمانك وخَدَّمتك وصَبرك، وفْعالَك الأخرانيين اللي زادو على الأوّلانيين. <sup>20</sup> بَصَّح نُلومَك 
على اللي راك عْخَلِي المْرا إيزابَل اللي تُقول باللي هِي نَبِيّة وهِي تُعَلَّم عْبادي يَزييو ويا كلو اللَّحَم المُضَحي للأصنام وتُضَيَّعهُم. 
<sup>21</sup> عُطيتَلها الوَقت باش تُعوب وما حَبَّتش تُعوب من الزِنا مْتاعها. <sup>22</sup> رائح نَرميها في فْراش، واللي يَزييو معاها في شَدّة 
كبيرة غير وَلا تابو من فْعالها، <sup>23</sup> ونَقتَل وْلادها. ويَعَرفو كامَل النُكايَس باللي أنا اللي نَفحَص الكُلاوي والقُلوب 
وتَعطيلكُم كُل واحَد على حْساب فْعالكُم.

<sup>24</sup> نُقُول للباقيين في تياتيرا، اللي ما شَدَّيتوش في هاد التَعليم وما عُرَفتوش العُموقات مْتاع الشيطان، كيما يُقولو. أنتوم، ما نُحَمَّلُكُمش حاجة أخرى، <sup>25</sup> شَدَّو بَرك فالشي اللي عَندكُم حَتَّى نُجِي. <sup>26</sup> اللي يَعلَب واللي يَحفَض عْمالي حَتَّى للأَخَّر، مَعطيه حُكمة على الأمَّات، <sup>27</sup> ويرعاهُم بعْصا مْتاع الحْديد، ويَتكسَّرو كي مْشامَم الفَخَّار، <sup>28</sup> كيما نَلت أنا تانى من عَند بابا، نَعطيه نُجمة الصْباح."

29 اللي عَندو وْدَن، غير يَسمَع واش يْقول الروح للنْخايس."

3

#### بْريّة لساردَس

أ وأكتب لمُلاك كنيسة ساردَس: "هاو واش يقول اللي عَندو السَبع أرواح مْتاع الله والسَبع نُجوم: نَعرَف فْعالك، أنتَ مَعروف باللي حَي بَصَّح أنتَ مَيْت. 2 رَد بالَك وتبَّت الباقي اللي راهو قْريب يُموت، خاطَر ما لْقيتش فْعالك كاملين قُدّام إلَمي، 3 أشفا همّالا كيفاش نَلت وسْمَعت وأحفَض وتوب. لوكان همّالا ما تُردش باللك، نُجي كي السَرّاق وما تَعرفش واش من الساعة نُجيك، 4 بَصَّح عَندَك شي آسماوات في ساردَس ما وستخوش حوايَجهُم، هومَ رايحين يَمشيو معايَ بالأبيض، خاطر يَستاهلو، 5 اللي يَغلَب هَكدا يُلبسّلو حُوايَج بْيوضة، مُحال نَحجَب آسمو من كاب الحياة ونستَعرف بآسمو قُدّام بابا وقُدّام المَلايكة مْتاعو."

6 اللي عَندو وْدَن، غير يَسمَع واش يْقول الروح للنْخايس."

7 وأكتب لم للاك كنيسة فيلادلفيا: "هاو واش يقول القُدّوس، الحق، اللي عَندو مَفتاح داود، اللي كي يُحل واحد ما يَقدر يغلقها، واحد ما يقدر يغلقها، على عُطيتلك باب محلولة واحد ما يقدر يغلقها، خاطر عَندك قُوة قليلة وحْفَضت كلمتي وما نُكرتش آسمي، وهاني نعطي من مجمّع الشيطان اللي يُقولو باللي هوم يُهود وهومَ ماشي يُهود، يَكَدبو، هاني غُيبهُم يَرَّكعو قُدّام رَجليك ويَستَعرفو باللي أنا حَبيتك. 10 على حساب اللي حْفَضت كلمتي وصْبَرت، أنا تاني خَفْضك في ساعة التَجرُبة اللي رايحة نُجي على كامَل الأرض المسكونة باش تُجرَّب اللي يشكنو فوق الأرض. 11 راني جاي بالخف: شَد مُليح واش عَندك باش واحد ما يَدَّيلك تاجك. 12 اللي يَغلَب، نديرو عَرصة في مَعبَد إلهي وأسمي الجُديدة اللي تَبط من السّما من عَند إلهي وأسمي الجُديدة اللي تَبط من السّما من عَند إلهي وأسمي الجُديدة اللي عَبط من السّما من عَند إلهي وأسمي ما المُديد."

13 اللي عَندو وْدَن، غير يُسمَع وَاشْ يْقُول الروح للنْخَايَس."

### بْرِيّة للاودِكِيّة

14 وأكتب لَمْلاك كنيسة لاودكيّة: "هاو واش يْقول الآمين، الشاهَد الحُلالي والحَق، آصَل خَلق الله: 15 نعرَف فعالك، ما راك لا بارد لا شخون. لو كان خير جيت بارد وَلا شخون، 16 هَكدا، على جال اللي أنتَ فاتر، ما شخون ما بارد، رائيح نتقيّاك من فُتي. 17 خاطر تُقول أنا مْرَقَّه وتْرَقَّهت وما نَسحَق والو، وماراكش عارف باللي أنتَ مَغبون ومَسكين وفَليَّل وغمى وعريان. 18 نتصحَك تشري من عَندي دْهَب مْصَفِّي بالنار باش تَرَفَّه، وحُوائِج بيوضة باش تَستر وما يُبانش عار العرا مْتاعك، ودْوا تَدهَن بيه عينيك باش تشوف. 19 أنا كامَل اللي نَحَبَّم نلومُهم ونْعاقبَهُم، أَتُحَسَّس وتوب، 20 شوف، أنا نوقف عَند الباب ونطبطب، ولا واحد شمّع صوتي وحَل الباب، ندخُل لعندو، تتعشّا معاه وهُو مُعايَ. 12 اللي يَعلَب، نعطيلو باش يُقعد معاي على عَرشي، كيما أنا غُلبت وقْعَدت مع بابا على عَرشو." 21 اللي عَندو وْدَن، غير يَسمَع واش يُقول الروح للمُكايَس."

4

## العُرش فالسّما

أ بَعد هَدا شَفت، وهاي وين باب خُلَّت فالسْما والصوت اللي سْمَعتو مع الأَوَّل كي البوق كَلَّمني وقال: "أطلَع اللَهنا ونُورِّيلَك واش رايح يَصرا بَعد هاد الشي." 2 تَم تَم ولَّيت في دَنيا الروح، وشَفت عَرش فالسْما، وواحد قاعد عليه، 3 واللي كان قاعد كانت صفتو كي خُجر اليشب والعقيق، وسايَر داير على العَرش قوس قُرْح صفتو بحال الزُّمُّرُد، 4 وسايَر داير على العَرش رَبعة وعشرين شيخ قاعدين لابسين خوايج بيوضة وعلى ريسانهُم تيجان مثاع الدُهب. 5 ومن العَرش كانو يَخُرجو بروق وصوت ورْعود، وسُبع كانيكات مُتاع النار كانو شاعلين قُدّام العَرش، هوم الأرواح السَبعة مُتاع الله. 6 قُدّام العَرش كي بْحَر مُتاع الزُجاج بُحال البَلور. وفي وَسط العَرش وسايَر داير عليه رَبع حَيَّات مُعمّرين بالعينين من القُدّام ومن اللور. 7 الحيّة الأولى تُشَبَّه للشُبع، الحيّة التانية للوكريف، الحيّة التالتة عَندها وَجه كي مُتاع بنادَم والحيّة الرابعة تُشَبَّه لعْقاب طايَر. 8 والحيّات في رَبعة، واحدة واحدة، كُل واحدة كان عَندها سَت جْناحتين سايَر داير ومْعَمّرين بالعينين من الداخَل، ما يُريّعو في رَبعة، واحدة واحدة، كُل واحدة كان عَندها سَت جْناحتين الله القادَر، اللي كان والكاين والجاي. لا لي لا نهار وهومَ يُقولو: قُدّوس، قُدّوس، قُدّوس الرّب، الله القادَر، اللي كان والكاين والجاي.

وكُل ما كانو الحيّات يْسَبّحو ويْكَرّمو ويَحمدو القاعد على العرش، الحي على الدْوام، 10 كانو الرَبعة وعشرين شيخ يَرَّكعو قُدّام القاعد على العرش ويُستجدو قُدّام الحي على الدْوام، ويَرميو تيجانهُم قُدّام العرش ويْقولو: 11 تَستاهَل يا رَبّنا وإلهَنا تاخُد المجَد، الكَرامة، والقُدرة خاطَر خْلَقت كُل شي وبمُرادَك كانو ونْخَلقو.

5

### الثتاب والخروف

1 وشَفت على يُمين اللي كان قاعَد على العَرش ثُكَاب مَكتوب من الداخَل ومن القُفا ومُختوم بَسَبع خْتوم. 2 وشَفت مْلاك قْوي يْبَرَّح بالزور: "شْكون اللي يَستاهَل يَفتَح النُّكاب ويْعَل خْتومو؟" 3 وما كان واحد لا فالسما، لا على الأرض وَلا تَحت الأرض قادر باش يَفتَح النُّكاب ويْشوفو. 4 بُكيت بَرَّاف خاطَر واحَد ما كان يَستاهَل يَفتَح النُّكاب ويْشوفو. 5 وواحَد من الشيوخة قاللي: "ما تَبكيش، هاو غْلَب سْبَع قْبيلة يَهودا، اللي من سُلالة داوَد، باش يَفتَح النُّكاب وخْتومو السَبعة."

6 وشَفت في وَسط العَرْش والحيّات الرَبعة وفي وَسط الشّيوخة خْروف واقَف كي اللي مَدبوح، وعَددو سَبع فُرون وسَبع عينين هومَ أرواح الله السَبعة اللي نُبعتو على كامَل الأرض. 7 جا وخْدا الثّناب من اليُمني مْتاع القاعَد على العَرْش. 8 كي أدّا الثّناب، الحيّات الرَبعة والشّيوخة الرَبعة وعَشرين سَجدوا قُدّام الخْروف، كُل واحد فيهُم عَدو فيطارة وكيسان دْهَب مْعَمّرين بالبْخور، وهاد البْخور هومَ صَلَوات القَدّيسين، 9 وكانو يْعَنّيو ترنيمة جْديدة: "أنتَ تَستاهَل تاخُد الثّناب وثّمَل ختومو، خاطَر نَدبَّعت وشْريت لله بدّمَّك من كُل قبيلة ولُغة وشَعب وأمّة، 10 ودَرت منهُم لإلهَنا مَلكة ورْجال دين يَملكو على الأرض. 11 وشَفت وسْمَعت صوت مَلايكة بزّاف ساير داير على العَرش وحيّات وشيوخة، وكانو مُلاين مُتاع المُلاين وألوف الألوف، 21 يْقولو بالزور: "يَستاهَل الحُروف اللي نَدبَع يْنال القُدرة والترفيه والحكمة والقُوّة والكرّامة والمجَد والتسبيح." 13 وسْمَعت كُل خْليقة فالسَّما وعلى الأرض وَقَالبُحر وكُل مَا فيهُم يْقولو: "للقاعَد على العَرش وللخُروف التَسبيح والكرّامة والمجَد والتُوق للدُوام" 14 والحَيّات الرَبعة يْقولو: "آمن"، والشّيوخة سَجدو وعَبدو.

6

## السَبع خْتوم

المَّنَفَت كِي حَلَ الخُرُوف واحَد من الخُتوم السَبعة، وشْمَعت واحدة من الحيَّات الرَبعة يْقول بصوت كي الرَعد: "أرواح." 2 شَفت، وهاو عود بَيْض، واللي راكبو عَندو قوص، ثُمَّدُلو تاج وخْرَج غالَب وباش يَعْلَب.

3 وكي حَل الخاتَم التاني، سْمَعت الحيّة التانية تْقول: "أرواح" 4 وخْرَج عود واحَدَآخُر حْمَر واللي راكبو ثُمَدّلو باش يْخَى السْلام من الأرض، باش الناس يَدَّبحو بَعضهُم بَعض، وثُمَدّلو سيف كْبير.

وكي حَل الخاتَم التالَت، شَمَعت الحيّة التالتة تْقول: "أرواح." وشَفت عود كُمَل، واللي راكبو عَندو ميزان في يَدّو. 6 وشَمَعت كي شْغُل صوت من وَسط الحيّات الربعة يْقول: "كيلة مْتاع القَمح بدينار وتلَت كيلات مْتاع الشَّعير بدينار، بَصَّح الزيت والشراب ما نُخَسَّرهُمش."

7 وكي حَل الخاتَم الرابَع، شُمَعت صوت الحيّة الرابعة يْقول: "أرواح"، 8 وشفت عود خْضَر مَسفار ُوآسَم اللي راكبو الموت، ومَسكن الموتى يْتَبّعو، وثْمَدَّتلو القُدرة على رْبَع الأرض، باش يُقتَل بالسيف والجوع والموت ووْحوش الأرض.

<sup>9</sup> كي حَل الخاتَم الخامَس، شَفت تَحت المدبَح نُفوس اللي نْدَبحو على جال كَلمة الله وعلى جال الشّهادة اللي حَفضوها. <sup>10</sup> وكانو يُعيّطو بالزور ويْقولو: "لوقتاش يا سيدنا القُدّوس والحق، ما ثَحاسَبش وما تَنتقمش لدّمّنا من اللي يَسُّكنو فالأرض؟" <sup>11</sup> وأتَّعطات لكُل واحد فيهُم جَلابّة بيضة وتْقاللهُم يْزيدو يَبقاو شْوِيّة مْرِيّحين، حَتَّى يَلَّحقوهُم اللي خَدمو معاهُم وخاوتَهُم، هَدوك اللي رايحين يَنقُتلو كيما هومَ.

12 وشَفت كي حَل الخاتَم السادَس، جات زَنزلة كْبيرة والشَمس وَلاّت كَلة كي الهيدورة الكَحلة والقُمَر وَلاّ كَامَل كي الدّم، 13 وطاحو نُجوم السْما على الأرض كيما كي يَضرَب الكَرمة ريح قْوي وتَرمي عَلَّتَها خَضرة، 14 ونُجبَدَت السْما كيما النُمّاب كي يَعلوا، وكل جْبَل وجْزيرة تْزَعزعو من مُكانهُم، 15 سْلاطَن الأرض والنُبار وقيّاد الجيش والمُرقق مين واللي عَندهُم القُوّة وكُل عَبد وكُل حُر ثُخَبّاو فالغيران وفي صْخور الجُبال، 16 وهومَ يُقولو للجُبال وللصْخور: "طيحو علينا وخَبيونا من وَجه القاعَد على العَرش ومن زْغاف الخُروف، 17 خاطَر جا اليوم الكُبير مُتاع زْعافهُم، وشُكون يَقدَر يُشَد؟"

7

## الخاتَمُ على عْباد الله

# الغاشي الكْبير

- 9 بَعد هَدا شَفت غاشي كْبير، واحَد ما يَقدر يَحَسبو، من كُل أُمّة وقبايَل وشْعوب ولُغات واقفين قُدّام العَرش وقُدّام الخُروف، لابسين جْلالَب بْيوضة وفي يَدّيهُم وْرَق مْتاع النْخَل. 10 وكانو يْعَيَّطو بالزور: "السْلاك من عَند إلحْروف."
   إلحَنا القاعَد على العَرش ومن عَند الخُروف."
- ال وكامَل المَلايكة كانو ساير داير على العَرش ومعاهُم الشيوخة والحيّات الربعة وسَجدو قُدّام العَرش عابدين الله، ووحم يُقولو: "آمين، التَسبيح والحجد والحِكمة والشكر والكَرامة والقُدرة والقُوة لإلهَنا للدوام، آمين."

13 وواكد من الشيوخة كَمَّني وقال: "اللي راهُم لابسين جْلالَب بْيوضة، شْكُون هُومَ وَمْنين جاو؟" 14 قُلتلو: "سيدي، أنتَ تَعرَف"، قاللي: "هَدو اللي جاو من التَجرُبة الكْبيرة، غَسلو جْلالَبهُم وبيّضوهُم في دَم الخُروف، الله عَدا اللي راهُم قُدّام عَرش الله، يَعَّبدوه ليل ونْهار فالمَعبَد مْتاعو والقاعَد على العَرش يُحَط خيمتو عليهُم، المُ ما يْزيدو لا يُجوعو وَلا يَعطشو، ما تَضرَبهُم الشَّمس وَلا تَحَرَقهُم السُّخانة، 17 خاطَر الخُروف اللي راهو في وَسط العَرش يَرعاهُم ويُقُودهُم لعْناصَر الما الحَي، والله يَسَح كُل دَمعة من عينيهُم."

8

الخاتم السابع

وكي حُل الخاتُم السابَع، طاح السُكات فالسْما واحَد النَص ساعة، ² وشَفت المَلايكة السَبعة الواقفين قُدّام الله، وأتَّعطاوَلهُم سَبع بْواق.

3 وجا مُلاك واحَدآنُر عَندو مْرَش مْتاع الدْهَب ووْقَف فوق المَدَنِح، وأَتَّعطاولو بْخُور بَزَّاف، باش يَهديهُم مع صَلَوات القَدَّيسين كامَل على مَدَبَح الدُّهَب قُدَّام العَرش، 4 وطْلَع دُخَّان البْخور مع صَلَوات القَدّيسين من يَد المُلاك قُدَّام الله، 5 وخْدا المُلاك المُرش وعَمَّرو بنار المَدَبَح ورْماه على الأرض، وجاو رْعود وصْوات وبْروق وزْنازَل.

# الأبواق

<sup>6</sup> والمَلايكة السبعة اللي كان عَندهُم البواق السبعة وَجّدو روحهُم باش يَوْقو. <sup>7</sup> كي بَوَّق الأوّلاني بالبوق، تَبروري ونار عُخَلَطين بالدَم أتَرماو على الأرض، وتَلت الأرض نَحَرَق وتَلت السُجَر نَحَرَق وكامَل الحُشيش الأخضَر نَحَرَق.

8 وكي بَوَّق الملاك التاني بالبوق، كي اللي جْبَل عْبير نَحرَق بالنار وأتَّرما فالبْحَر وتَلت البْحَر وَلا دَم، 9 وماتو تَلت الخلايق اللي عايشين فالبْحَر، وتَلت البابورات تُكسِّرو.

أن بَوَّق المْلاك التالَت بالبوق، وطاحَت من السما نجمة كبيرة تَحرَق كي المَشعَل، وطاحَت على تلت الويدان وعْناصَر الما، 11 آسَم النَجمة يْقولولو العَلقَم. وتلت الما وَلا كي العَلقَم، وماتو بَزَّاف الناس على جال هاد الما، خاطر ولا مُر.

12 وبَوَّق الملاك الرابع بالبوق، وتلت الشمس نَضرَب، وتلت القْمَر وتلت النْجوم حَتَّى التلت منهُم ضْلام وتلت النْهار ما وَلاَش يْضَوِّي والليل كيف كيف.

الويل، الويل الي يَشكنو على الأرض على الأرض على الأرض على الأخرور: "الويل، الويل، الويل الي يَشكنو على الأرض على جال الأصوات الأخرين متاع بواق الملايكة الثلاتة اللي رايحين يْبَوْقو بالبْواق."

#### 9

الملاك الخامَس بوَّق وشَفت نَجمة طاحَت من السْما على الأرض، وثَمَّدَّها مَفتاح بير مَسكَن الموتى، 2 وكي حَلَّت بير مَسكَن الموتى، طْلَع دُخّان من البير كي الدُخّان مْتاع كوشة كْبيرة، وضْلامَت الشَمس وكحَال الهُوا من الدُخّان مْتاع البير، 3 وخْرَج من الدُخّان جْراد على الأرض وأتَّعطاتَلهُم قُدرة كيما القُدرة اللي عَند عْقارَب الأرض. 4 وتْقاللهُم باش ما يْضَرّو لا حشيش الأرض، لا الخُضرة، لا السْجَر. يَدَّناو غير للناس اللي ما عندهُمش

طابع الله على جُبينُهُم. <sup>5</sup> وأتَّعطالهُم باش ما يُقتلوش هاد الناس، ويْعَدّبوهُم خَمس شُهور. العْداب مْتاعَهُم عامَل كي عْداب العَقْرَب كي يُقرَص بْنادَم. <sup>6</sup> وفي هَدوك اليامات، يْحَوِّسو الناس على الموت وما يلقاوهاش، ويَتَمَنّاو يُموتو والموت تَهرَب منهُم. <sup>7</sup> هاد الجُراد يْشَبَّه لعُواد واجدين للحَرب، وعلى ريسانهُم كي اللي تيجان، كي مْتاع الدْهَب ووْجوههُم كي وْجوه بْنِي آدَم. <sup>8</sup> وكان عَندهُم شُعر كي شُعر النسا وسْنانهُم كانو كي سْنان السبوعة، <sup>9</sup> وكان عَندهُم دُروع على صْدورهُم كي دُروع الحُديد، وكان صوت جُناحتيهُم كي صوت شَريطات وعُواد بَرَّاف يَجريو للحَرب. <sup>10</sup> عَندهُم زْعاكي كي العُقارَب وإيباري، وفالزْعاكي مْتاعهُم القُدرة باش يْعدّبو الناس مُدّة خَمس شُهور. <sup>11</sup> عَندهُم سَلطان عليهُم، هُو مُلاك مَسكن الموتى، آسمو بالعَبريّة "أبدّون" وباليونانيّة "أبولّيون."

12 "المُصيبة" الأولى جازَت، مازال يْجيو زوج مُصايَب.

13 بَوَّق المُلاك السادَس فالبوق وسْمَعت صوت من الرَبع قُرون مْتاع مَدَنج الدْهَب اللي قُدّام الله، 14 يُقول للمُلاك السادَس اللي عَدو البوق: "أطلق المَلايكة الرَبعة اللي راهُم مَربوطين فالواد الكُبير، الفُرات." <sup>15</sup> ونْطَلقو المَلايكة الرَبعة اللي كانو واجدين للساعة واليوم والشْهَر والعام باش يُقتَّلو تَلت بْني آدَم. <sup>16</sup> كانو الفُرسان ميتين مَليون، سُمَعت شُّال هومَ، <sup>71</sup> هَكدا شَفت عُواد فالرُوْيا، اللي قاعدين عليهُم عَندهُم دْروع مْتاع النار والأسمانجون والكبريت، وريسان العُواد كي ريسان السُبوعة، ويُخرُج من فَمَّهُم نار ودُخّان وكبريت. <sup>18</sup> من هاد التَلت ضَربات، نُقتلو تلت بْني آدَم، من النار، الدُخّان، والكبريت اللي خَرجو من فُم العُواد، <sup>19</sup> خاطر قُوَّة العُواد في فُمَّهُم وزْعاكيهُم، وزْعاكيهُم، وزْعاكيهُم، وزْعاكيهُم، وزْعاكيهُم،

وبْني آدَم الباقيين، اللي ما نُقتلوش من هاد الضربات، ما تابوش من فعال يَدّيهُم، وما حَبْسوش من عْبادة الشياطن والصْنام مْتاع الدْهَب والفَضّة والنحاس والحُجْر والحُطّب اللي ما يَقَدرو لا يُشوفو، لا يَسَّمعو، لا يَمشيو،
21 وما تابوش من القُتل والسُحر والفَسق والسْرقة.

#### 10

# الملاك والثكاب الصْغير

أ وشَفت مْلاك واحَدآنُر قُوي هابَط من السَّما مْغَطّي بالسَّحاب وعلى راسو قوص قُزَح ووَجهو كي الشَّمس ورَجليه كي الغرَص مْتاع النار، 2 وفي يَدّو كُتاب صْغير محلول، وحَط رَجلو اليُّني على البُّحر واليُسرى على الأرض، قوعيَّط بالزور كيما يَزهر السَّبَع. وكي عَيَّط، هَدرو السَّبع رْعود بصوتهُم. 4 وكي هَدرو السَّبع رْعود، كُنت رائِح نكتب وسُمَعت صوت من السَّما يُقول: "خَبِي الشي اللي قالوه السَّبع رْعود وما تكتبوش." 5 والمُلاك اللي شُفتو واقف على البُّحر وعلى الأرض رْفَد يَدُو اليُمنى للسَّما، 6 وحُلف بالحيي على الدُوام، اللي خُلق السَّما وما فيها، والأرض وما فيها والبُّحر وما فيه باللي ما بْقاش وَقت. 7 بَصَّح في يامات صوت المُلاك السابَع، كي يَوصَل باش يَبُوق بالبوق، يَحَقَّق سَر الله، كيما بَشَّر خَدّامينو الأنبيا،

8 والصوت اللي شُمَعتو من السْما زاد هْدَر معايَ وقال: "روح، خود النُمّاب المَحلول في يَد الْملاك الواقَف على البُحَر والأرض." 9 ورُحت للمْلاك وقُلتلو يَعطيني النُمّاب الصْغير. قاللي: "خود وكولو، يْرَد دْواخلَك مُرّين بَصَّح

في فَمَّك يْكُون حْلو كي العْسَل" <sup>10</sup> خْديت النُمَّاب الصْغير من يَد المْلاك وكْليتو، وكان في فَبِّي حْلو كي العْسَل وكي كُليتو مْرار داخَل منِّي. <sup>11</sup> وقالولي: "لازَم تْزيد تَنَبَأ على شْعوب وأُمّات ولُغات وسْلاطَن بَزَّاف."

#### 11

# الزوج شْهود

أَ عُطاولي قُصِة عاملة كي العصا وقالو: "نوض وقيس مَعبَد الله والمَديَّ واللي ساجدين فيه، 2 وخَلِي الساحة اللي برا وما تُقيسهاش خاطَر نعطات الأُمَّات ورايحين يَعْفسو المُدينة المُقدِّسة مُدَّة تْين ورَبعين شْهَر. 3 نعطي الشهودي الزوج باش يتَنبَّا و مُدّة أَلف وميتين وسَتين يوم وهوم الابسين الخيشة. 4 هَدو هوم الزوج سَجرات مُناع الزيتون والزوج شَندالات اللي جايين قدّام رَب الأرض. 5 ولو كان كاش واحد يُحَب يْضَرَّهُم، نار تُخرَج من فَمَّهُم وتاكل عديانهُم. ولا واحد حَب يْضَرَّهُم، لازَم يَنقتل هكدا. 6 هَدو عندهُم القُدرة باش يَعْلقو السْما، باش ما تُصَبّش الشّتا فاليامات اللي يَتبَاّو فيهُم، وعَندهُم القُدرة على الما باش يَردوه دُم، وباش يَضَربو الأرض بكُل مُصيبة كل ما يُخبّو. 7 وكي يُكَلو شهادتهُم، الهايشة اللي تَطلع من مَسكن الموتى ثُعاربُهم وتَعْلَبهُم وتُقتلهُم. 8 وتَبقا داتهُم في ساحة المُدينة الكُبيرة، اللي يرَّمزولها باسَم سدوم ومَصَر، ثمّة تاني وين نصلب رَبّهم، 9 ناس من الشعوب والقبايل ساحة المُدينة الكُبيرة، اللي يرَّمزولها باسَم سدوم ومَصَر، ثمّة تاني وين نصلب رَبّهم، 9 ناس من الشعوب والقبايل والمُؤسّ ويقرحو، ويبَّعتو هُديّات لبَعضهُم بَعض خاطَر هاد الزوج أَنبيا عَدّبو سُكان الأرض. 11 وبَعد التلت أيّام ونص ويَقَرحو، ويبَّعتو هُديّات لبَعضهُم بَعض خاطَر هاد الزوج أَنبيا عَدّبو سُكان الأرض. 11 وبَعد التلت أيّام ونص، دْخَل فيهُم نفس الحيّاة من عَد الله ووقفو على رَجليهُم، وطاح خوف خبير على اللي كانو يشوفو فيهُم. 12 وسَمء وصوت خبير من السُما يُقولَلهُم: "أَطّلعو اللهنا." طلعو للسُما فالسُحابة وعَديانهُم يشوفو فيهُم، 13 وفي هَديك الساعة، ضَربَت زَناة خبيرة وطاح عُشر المُدينة، ونَقَتلو فالزَنانة سَبع آلاف بْنادَم واللي بْقاو خافو وسَبّحو إله السُما.

# البوق السابع

15 بَوَّق الْملاك السابَع بالبوق، وجاو صْوات ثَجَار فالسَّما يُقولو: "جاز المَلك من الدَنيا لرَبِّنا ومَسيحو، ورايج يَملَك للدْوام، 16 الشّيوخ الرَبعة وعَشرين القاعدين على عْروشُهم قُدَّام الله طاحو على جْبايَههُم وسَجدو قُدَّام الله، 17 وهوم يُقولو: "تَحَدوك أنتَ يا رَب، الإلَه القادَر، الكاين واللي كان، خاطَر خْديت قَوْتَك الكْبيرة ومْلَكت. 18 الأُمَّات زَعفو، وجا زْعافَك ووَقت الموتى باش يَخاسبو، تُكافي عْبادَك والأنبيا والقَدّيسين واللي يْخافو آسمَك صْغار وْبجار، وتَهلَك اللي هَلكو الأرض." 19 ونْحَل مَعبَد الله اللي فالسَّما، وضْهَر صَندوق العَهَد مْتاعو فالمَعبَد مْتاعو، وجاو بْروق وصُوات ورْعود وزَنزلة وتَبروري قُوي.

#### 12

#### المرا والتَّنين

أ مارة كبيرة ضَهرَت فالسما، مرا مُلحفة بالشَمس والقْمَر تَحت رَجليها وعلى راسها تاج مْتاع طْناشَن نَجمة،
 كانَت بالجوف وتْعيَّط، ثقاصي من الوْجاع ومْعَدّبة رايحة تَولَد. 3 وضَهرَت مارة واحدوخرى فالسْما، هاو تتين كبير حْمَر، عَندو سْبَع ريسان وعْشَر قْرون، وعلى ريسانو سْبَع تيجان، 4 وزَعَّكتو تُكرَكَر تلَت نُجوم السْما، رْماهُم على

الأرض. التَنَّين وْقَف قُدَّام المْرا وهِيّ رايحة تَولَد باش كي تَولَد ياكُل صْغيرها. 5 وَلدَت وْلَد دُكَر، هُو اللي رايَح يَرعا كامَل الأُمَّات بعْصا مْتاع الحْديد. أَتَّرَفَد صْغيرها لعَند الله ولعَند عَرشو، 6 والمْرا هَربَت للخْلا، وين عَندها مْكان وَجَدهولها الله، باش تَمَّة يْطَعّموها مُدَّة آلَف وميتين وسَتين يوم.

7 وصْرات حَرِب فالسَّما، ميخائيل والمَلايكة مْتاعو حاربو التَنَّين والتَنَّين حارَب مع الملايكة مْتاعو، 8 بَصَّح ما غَلبوش وما بْقاش ليهُم مْكان فالسَّما، 9 أَتَّرما التَّنِين الكُبير، الحُنَّش القُديم اللي يَتَسَمّا إبليس والشيطان، اللي ضَيَّع الأرض المَسكونة كامَل، أتَّرما على الأرض والمَلايكة مْتاعو أتَّرماو معاه، 10 وسَّمعت صوت كُبير فالسَّما يْقول: "دُرك جا السَّلاك والقُدرة والمَلك مْتاع إلهَنا، وحُكمة المَسيح مْتاعو، خاطَر أتَّرما اللي يَتَهم خاوتنا، اللي يَتَهمهُم قُدَّام إلهٰنا نْهار وليل، 11 وهوم غَلبوه بدَم الخروف وبكُلمة شهادَتهُم، وما حَبوش نفسهُم لحد الخوف من الموت. 12 على هَدا، أقَّرحويا سُماوات ويا اللي رائحُ ساكنين فيهُم. يا ويل الأرض والبْحَر، خاطَر هُبَط إبليس عَندكُم، وهُو زَعفان بَرَّاف وعارَف باللي عَدو وَقت قَليل.

13 وكي شاف التَنين باللي أتَّرما على الأرض، بْدا يَنَبَّع فالمْرا اللي زَيِّدَت وْلَد. 14 وأتَّعطاو للمْرا الزوج جْناحتين مُتاع العُقاب الكْبير، باش تُطير للخُلا لمُكانها وين يْطَعموها وَقت ووْقات ونُص وَقت بْعيد على الحُنْش. 15 رُما الحُنْش من فَمَّو ما كي الواد مور المْرا باش يَدِّيها الواد، 16 بَصَّح الأرض سَلّكَت المْرا، وحَلَّت فَمَّها وبَلَعَت الواد اللي رْماه التَنين من فَمَّو. 17 رُعَف التَنين من المْرا وراح يُحارَب اللي بْقا من سُلالتَها واللي يُتَبَّعو فْرايَض الله واللي شَدِّين في شَهادة يَسوع، 18 ووْقَف على رْمَل البْحَر.

#### 13

### الهايشة الخارجة من البْحُر

1 وشَفت هابِشة طالَعة من البُحر، عَندها عْشَر فُرُون وسْبَع ريسان، وعلى فُرُونها عْشَر تيجان، وعلى ريسانها آسماوات كُفر. 2 والهابِشة اللي شَفتها نَّشَبَّه للفَهد، ورَجليها كي رَجلين الدُب، وفُها كي فُم السْبَع. عُطالها التنّين وَتَو وعَرشو وقُدرة حُبيرة. 3 واحَد من ريسانها كان كي اللي مَدبوح رائح يُموت، بَصَّح الجَرح اللي كان رائح يُسبَّبلها الموت بْرا. الأرض كامَل كانت مَستَعجبة وهي تُنَّع فالهايشة، 4 وسَجدو الناس قُدّام التنّين خاطر عُطا القُدرة للهايشة، وسَجدو قُدّام الهايشة وهومَ يْقولو: "شْكون بُعال الهايشة وشْكون يُعارَبها؟" 5 وأتَعطالها فَم يْقول كلام عيب وكُفريّات، وأتَعطالها القُدرة باش تتَصرَّف مُدّة تْبين ورَبعين شْهَر. 6 وحَلَّت فَيها بكُفريّات ضَد الله، كُل فبيلة وشَعب ولُغة وأُمّة. 8 وكامَل اللي يَشْكنو الأرض رايحين يَسَّجدولها، اللي آسَمهُم ماشي مَكتوب من اللي تُنسَسَت الدَنيا في تُكاب الحياة مُتاع الخُروف اللي نُديَح. 9 وَلاّ واحَد عَندو وْدَن، غير يَسَمَع، 10 اللي للعَبس، يُروح للجَبس؛ اللي لازَم ينقتَل بالسيف، يَقتَل بالمَنوا فَرَن يَقتَل بالسيف، يَقتَل باليف يَقتَل باليف يَقتَل بالسيف، يَقتَل بالسيف، يَقتَل بالسيف، يَقتَ

# الهايشة الخارجة من الأرض

أن وشَفت هايشة واحدوخرى طالعة من الأرض، كان عندها زوج قْرون كي الخروف وكانت تَهدَر كي التنّين. أن وشَفت هايشة واحدوخرى طالعة من الأرض، كان عندها روج قْرون كي الخروف وكانت تَستَعمَل كامَل القُدرة مناع الهايشة الأولى اللي قُدّامها، وتعامَل الأرض واللي يَشْكنو فيها باش يَعّبدو

الهايشة الأولى اللي برا الجرح اللي كان رائج يَسَبَّبها الموت. 13 وكانت تُدير مارات بُجار باش تاني تَهبَط نار من السُما على الأرض قُدّام الناس. 14 وضَيّعت اللي يَشُكنو على الأرض بالمارات اللي أتَّعطالها باش تُديرهُم قُدّام الهايشة، وهِي تُقول اللي يَشُكنو على الأرض يُديرو تَصويرة المهايشة اللي كان عَندها الجَرح مْتاع السيف وهِي ما زالها عايشة. أو أتَّعطالها باش ثُمّد روح لتَصويرة الهايشة باش تاني تَصويرة الهايشة تَهدَر وباش ثُمّتًم على كامَل اللي ما يَعَبدوش تَصويرة الهايشة بَهدَر وباش ثُمّتًم على كامَل اللي ما يَعَبدوش تَصويرة الهايشة يَنقَتلو. 16 وشُمّتًا على كامَل اللي ما يَعبدوش في يَدهُم البُمني وعلى جُبايَهُم، 17 وباش واحَد ما يَقدر يُبيع وَلا يَشري غير وَلا عَدو الشامة، آسَم الهايشة وَلا يَل يُمرع غير وَلا عَدو الشامة، آسَم الهايشة وَلا الرَقَم مْتاع آسَمها. 18 هُنا راهو العُقَل. اللي عَندو فهامة، يَحسب رَقَم الهايشة، هُو رَقَم بْنادَم، ورَقَمها سَت مُية وسَتّين.

#### 14

# الخروف واللي مْعاه

1 وشَفت وهاو الخُروف واقَف على جْبَل صَهيون، ومعاه مْية ورَبعة ورَبعين أَلف عَندهُم آسمو وآسَم باباه مَكتوبين على جْباَيَهُم. 2 وشَمَعت صوت جاي من السْما كي صوت ماء قوي وكي صوت رَعد كُبير، والصوت اللي شَمَعتو كي اللي الآلجِيّة وهومَ يَضَّربو فالڤيتارة مُتاعهُم. 3 وكانو يْغَنّيو كي شْغَل ترنيمة جْديدة قُدّام العَرش وقُدّام الرَبع حَيّات والشيوخة، وواحَد ما قُدَر يَتعَلَّم التَرنيمة من غير المية ورَبعين أَلف اللي نَشراو من الأرض. 4 هَدو هومَ اللي ما تُنجَسوش مع النسا، خاطر هومَ عُرّاب، هومَ اللي يُنبّعو الخُروف وين يْروح. هَدو نَشراو من بين بْني آدَم، باكور لله وللخُروف، 5 وما اتَّلقاش في فَمَّهُم الكُدَب، ما عَندهُم حَتّى عيب.

# التُلت مُلايكة

وَشَفَت مْلاكُ واحَدَآخُر يْطير في وَسط السَّما، عَندو إنجيل دايم باش يْبشَّر سُكَّان الأرض وكُل أُمّة وقبيلة ولُغة وشَعب بالإنجيل، 7 ويُقول بالزور: "خافو الله وسَبّحوه، خاطر جات ساعة المحاسبة مْتاعو، وأشَّجدو قُدّام اللي دار السَّما والأرض والبُّحر وعْناصر الما."

8 مْلاك تاني واحَدآخُر زاد جا وقال: "طاحَت، طاحَت بابَل الكْبيرة اللي شَرَّبَت كامَل الأُمَّات من شْراب كُترة الزنا مْتاعها."

وزاد تَبَعهُم مْلاك تالَت واحداتَّحُر وهُوَ يُقول بالزور: "اللي يَعبَد الهايشة وتصويرتها ويْنال شامة على جَبَهتو وعلى يَدو، 10 هُو تاني يَشرَب من شْراب زْعاف الله، اللي تْفَرَّع ماشي مُخلَّط في كاس زْعافو، ورائيح يَتعَدَّب في نار وكبريت قُدّام المَلايكة القَدّيسين وقُدّام الحُروف.\* 11 ويطلع دُخّان عْدابهُم على الدْوام، وما عَندهُم راحة لا نْهار لا ليل اللي يَعَبدو الهايشة وتصويرتها، واللي نال الشامة متاع آسَمها. 12 هنا راهو تْبات القَدّيسين اللي شادّين في فرايض الله والإيمان بيسوع."

\_

<sup>\* 14:10</sup> كانو زمان بعد ما يعصرو العنب يخليوه يخمر باش يخدمو الشراب، بصح قبل ما يشربوه، يزيدولو الما ويخلطوه خاطر يكون خاتر بزاف. "شراب زعاف الله، اللي تُقرَّع ماشي غُلَّط في كاس"، يعني زعاف كبير "خاتر."

13 وشْمَعت صوت من السْما يْقول: "أكتَب: يا سَعد الموتى اللي يْموتو فالرَب† دُرك، إيه، قال الروح، غير يْرَيّحو من شْقاهُم خاطَر فْعالهُم يْرافقوهُم."

# حْصاد الأرض

14 وشَفت وهاي سُحابة بيضة، وفوق السُحابة قاعد بُحال بْنادَم، عَندو على راسو تاج مْتاع الدْهَب وفي يَدّو مَنجَل قاطَع، 15 ومْلاك واحَدآنُر خْرَج من المَعبَد، يْعَيَّط بالزور للي قاعَد على السُحاب: "أبعَت المَنجَل مْتاعك وأحصَد خاطَر جات ساعة الحُصاد، خاطَر القَمح وْجَد للحُصاد." 16 رْما القاعَد على السُحاب المَنجَل مْتاعو على الأرض وخُصدَت الأرض.

17 ومْلاك واحَدَآنُر خْرَج من المَعبَد اللي فالسَّما وهُوَ تاني عَندو مَنجَل قاطَع. 18 ومْلاك واحَدَآنُر خُرَج من المَدَجَ، عَندو اللَّذَجَ، عَندو اللَّذَجَ، عَندو اللَّذَجَ، عَندو اللَّذَجَ، عَندو اللَّذَجَ اللَّذِور للي كان عَندو المَنجَل القاطَع: "أَبعَت المَنجَل القاطَع مْتاعك وأقطَف عْنَب عْناقَد الدالية مْتاع الأرض خاطَر طاب العْنَب مْتاعها." 19 رْما المُلاك المنجَل مْتاعو على الأرض وقْطف عْنَب الدالية مْتاع الأرض ورْماها في مَعصرة زْعاف الله الكُبير. 20 ونْعَفسَت المَعصرة خارَج المُدينة، وخْرَج الدَم من المَعصرة حَتّى لَجْامات الخيل على طول ألف وسَت مْية غَلوة. \$

15

# سْبُعَ ملايكة وسْبُعَ ضَربات

أ وشَفت فالسَّما مارة كبيرة وغِيبة، سُبَع مَلايكة عَندهُم سَبع مُصايَب، الأَخرانيِّين، خاطَر بيهُم اللي خُلاص زُعاف الله. 2 وشَفت كي اللي بُحَر مْتاع الزْجاج، تُخلَّط بالنار. وشَفت اللي غَلبو الهايشة وتصويرتها ورَقَم آسَمها، واقفين فوق بُحَر الزْجاج، والڤيتارات اللي عْطاهُملَّهُم الله عَندهُم، 3 ويْغنيّو تَرنيمة موسى، عَبد الله، وتَرنيمة الحُروف ويُقولو: "عُمالك ثَجار وهايلين يا الرَب الإلَه القادر، طُرقانك حَقّانيّين وصح يا سَلطان الأَمّات، 4 شكون ما يُخافكش يا رَب وما يُسَبَّحش آسمَك؟ خاطر وَحدَك أنتَ القُدّوس، خاطر كامَل الأُمّات يُجيو ويسَّجدو قُدّامَك، خاطر حُكامَك بانو."

و وبَعد هَدا شَفت وغْلَ هَيكُل خيمة الشهادة فالسْما، 6 وخَرجو من الهَيكُل السْبَع مَلايكة اللي عَندهُم السْبَع مُطايَب، وكانو لابسين كَتَّان مُقي يَبرَق، ومُحَزمين روحهُم من الصْدر حَتَى للحْزام بحْزامات مْتاع الدْهَب. 7 وواحد من الرْبَع خْليقات عْطا للسْبَع مَلايكة سْبَع كيسان مْتاع الدْهَب مْعَمّرين برْعاف الله الحي للدْوام. 8 وتُعمَّر الهَيكل مَتّى يَخلاصو السبع مُصايَب مْتاع السبع مَلايكة.

16

# سْبُع كيسان من زْعاف الله

<sup>† 14:13</sup> هوم اللي يموتو وهوم مومنين بالرب ومسلمينلو حياتهم، واللي يبقاو تابتين والو ينحفرو ويتعدبو على جال إيمانهم، واللي يموتو شهدا يعني ينقتلو على جال إيمانهم. 

‡ 14:20 يعنى الحرب كانت قاسية وسال فيها بزاف الدم.

أ وسُمَعت صوت قْوي جاي من الهَيكل يْقول للسْبَع مَلايكة: "روحو وفَرّغو السْبَع كيسان مْتاع زْعاف الله على الأرض." 2 راح الأولاني وفرَّغ كاسو على الأرض، وجات قُرحة خبيتة وتَوجَع على الناس اللي عَندهُم صِفة الهايشة واللي كانو يَسَّجدو قُدّام تصويرتها.

<sup>3</sup> والتاني فَرَّغ كاسو على البُحر، ووَلا كي دَم المِيَّت، وكُل نَفس حَيّة فالما ماتَت، فالبَحر. <sup>4</sup> والتالَت فَرَّغ كاسو فالويدان وغناصَر الما، ووَلاّو دَم. <sup>5</sup> وشَّمَعت مْلاك الما يُقول: "أنتَ صالح، الكايَن واللي كان، القُدّوس، خاطَر حاكَمت هاد الحاجات، <sup>6</sup> خاطر هومَ سَيّلو دَم القَدّيسين والأنبيا، وأنتَ الدَم عَطيتَلهُم باش يَشَّربوه، يَستاهلو" <sup>7</sup> وشَّمَعت المَدَنج يْقول: "إيه، يا رَب الإلَه القادَر، حْكامَك حَقّانيّين وصالحين"

8 والرابَع فَرَّغ كاسو على الشَمس، وأتَّعطالها باش تَحرَق الناس بالنار، 9 ونْحَرقو الناس بحْريق كْبير، وسَبّو آسَم الله اللي عَندو القُدرة على هاد المْصايَب، وما تابوش وما سَبتحوهش.

10 والخامَس فَرَّغ كاسو على عَرش الهايشة ووَلاّت مَلكتو مَضلامة، وكانو يْعَضّو لْسانهُم من الوْجاع، 11 وسَبّو إله السما على جال وْجاعهُم والقُرحات مْتاعهُم وما تابوش من فْعالهُم.

12 والسادَس فَرَّغ كاسو على واد الفُرات الكْبير، ونْشَف الما مْتاعو، باش يَتَوَجَّد طْريق السْلاطَن اللي من المَشرَق. 13 وشَفت من فَم التنَّين، ومن فَم الهايشة ومن فَم اللأَنبيا الكَدَّابين، تَلت أرواح ناجسين كي المُقُرقُوات، 14 ياخي هومَ أرواح الشّياطَن اللي يْديرو المارات، ويْروحو لسْلاطَن الأرض المُسكونة كامَل، باش يْلتُوهُم لحرَب اليوم الكْبير مْتاع الله القادَر. <sup>15</sup> "وهاني جاي كي السَرَّاق. يا سَعد اللي يَسهَر ويَحفَض حْوايجو باش ما يَمشيش عَريان ويشوفو عارو." 16 ولمَّهُم في مْكان يْعيَّطولو بالعَبريّة: "هُرَجِدّون"

17 والسابَع فَرَّغ كاسو على الهْوا، وخْرَج صوت قْوي من الهَيكُل، من قُدّام العَرش يْقول: "صْرات." 18 وكانو بُروق وصْوات ورْعود وضَربَت زَنزلة خْبيرة ما ضَربَتش بْعالها زَنزلة خْبيرة قَد هَدي من اللي جا بْنادَم على الأرض. 19 ونْقَسمت المْدينة الخْبيرة على تْلاتة، وطاحو مْداينَ الأُمّات، ونْدكرَت بابَل الخُبيرة قُدّام الله باش يَعطيها كاس شراب كَترة زْعافو. 20 وكُل جْزيرة نَخفات والجْبال ما بْقاوش. 21 وتَبروري خْبير يَوزَن قْريب رَبعين كيلو، طاح من السَّما على بْنِي آدَم، وسَبّو الناس الله على جال مُصيبة التَبروري خاطر هاد المُصيبة خُبيرة بَرَّاف بَرَّاف.

#### 17

# المرا الزانية والهايشة

أ وجا واحَد من السْبَع مَلايكة اللي عَندهُم السْبَع الكيسان وكلَّبني وقال: "أرواح نُورَيلُك الحُكُم مْتاع الزانية الكُبيرة، اللي قاعدة على الما الكاتر، <sup>2</sup> اللي زْناو مْعاها سْلاطَن الأرض وسَكرو سُكّان الأرض بشْراب زْناها" وَحْكَني الروح وأدّاني للخْلا، وشَفت مْرا قاعدة على هايشة لونها حْمَر حامَق، مُعمّرة بآسماوات السّبّان وعَندها سُبَع ريسان وعَشر قُرون، <sup>4</sup> والمُرا كانت لابسة حْمَر حامَق ومُصِيّعة بالدْهَب، والحُجَر الحُر والجوهر وعَندها كاس مْتاع الدُهَب في يَدها مُعمَّر بالنّجاسة والخُماج مْتاع زْناها، <sup>5</sup> وعلى جْبينها آسَم مَكتوب، لُغز بابَل الكُبيرة، يمّاة الزانيات والنّجاسات مْتاع الأرض. <sup>6</sup> وشَفت المُرا تَسكَر بدَم القَدّيسين ودَم شْهود يَسوع. ونَدهَشت كي شَفتها دَهشة كُبيرة،

7 وقاللي الملاك: "وعلاش تندهش؟ أنا نقوللك لغر المرا والهايشة اللي رافدتها، اللي عندها السبع ريسان والعشر فرون، 8 الهايشة اللي شفتها كانت وما راهيش كاينة، ولازم تطلع من مسكن الموتى وتروح للهلاك، واللي ساكنين على الأرض يتدهسو، اللي من نكتبش آسمهم على ثخاب الحياة من اللي تأسس الكون، كي يشوفو الهايشة خاطر كانت وما راهيش كاينة والو راهي حاضرة. 9 هنا العقل اللي عندو الفهامة. الريسان السبعة هوم سبع جبال، تمة وين المرا قاعدة عليهم، والسلاطن السبعة هوم : 10 خمسة طاحو، واحد كاين، الآخر مازال ما جاش، وكي يجي، لازم يبقا وقت قصير. 11 والهايشة اللي كانت، وما راهيش كاينة، هي التامن وهي واحد من السبعة وراهو رايح للهلاك. 12 والعشر قرون اللي شفتهم، هوم عشر سلاطن، وما زال ما أداوش الملك باش يكونو سلاطن بصبح للهايشة. 13 يكونو متفاهمين ويعطيو القدرة والحكمة متاعهم للهايشة. 14 يديرو الحرب صَد الخروف والخروف يغلبهم، خاطر هو رب الأرباب وسلطان السلاطن، واللي معاه مَدعُوين وعنتارين ومومنين." 15 وقاللي: "الما اللي شفته مو الماشية ويرد وها الزانية، هوم الشعوب والغاشي والأمات واللغات، وعنتارين ومومنين." 3 وقالهم باش يُحققو مُرادو، ويُحققو مُراد واحد ويعطيو مَلكهُم للهايشة حَتَى يُتَم كُلام الله. 18 والمر الله صَفتها، هي المدينة الكبيرة، السلطانة على سلاطن الأرباب وسلطان المهايشة حَتَى يُتَم كُلام الله. 18 والمر الله صَفتها، هي المدينة الكبيرة، السلطانة على سلاطن الأرباب.

#### 18

### طيحة بابل

أ بَعد هَدا، شَفت مْلاك آخر هابَط من السْما، عَندو قُدرة كبيرة والأرض ضْوات بالْبها مْتاعو. 2 وعَيَّط بصوت قُوي وقال: "طاحَت، طاحَت، بابَل الكْبيرة، ووَلاّت سُكنان للشْياطن وغار لكُل روح ناجَس وغار لكُل طير ناجَس وغار لكُل هايشة ناجسة ومُكروهة. 3 خاطَر من شْراب الزْعاف مْتاع زْناها، شَربو كامَل الأمّات، وسْلاطَن الأرض زْناو معاها وتُجَّار الأرض تْرفّهو من كَترة غْناها."

<sup>4</sup> وشمَعت صوت آخُر من السما يْقول: "أُخرَج منها يا شَعبي، باش ما تَشَركوش في دْنوبها وما تَنقاسوش بمْصايَبها، <sup>5</sup> خاطر دْنوبها وَصلو حَتّى للسْما والله تْفكَّر الباطل مْتاعها، <sup>6</sup> جازيوها كيما جازات هي تاني، رَدّولها فعالها بالتاني والمَتني، والكاس اللي عَمَّراتو، ديرولها فيه زوج كيلات. <sup>7</sup> قَد ما حَسبَت روحها وفرَّشَت غْناها، قَد ما تَعطيولها من العْداب والحُزن. خاطر في قلبها تْقول: "راني قاعدة سَلطانة، أنا ماشي هَجَّالة ومُحال ثْجَوَّز الحُزن" <sup>8</sup> على هَدا، في يوم واحَد يْجيو مْصايَبها، موت وحْزَن وجوع، وبالنار تَنْحَرَق، خاطر قُوي الرَب اللي يْحاسَبها.

ورايحين يَبكيو عليها ويَخَبطو في صدورهُم سلاطن الأرض اللي زناو معاها وتمتّعو بغناها كي يشوفو دُخّان حريقها. 10 ويَبقاو بْعاد عليها خايفين من عدابها ويْقولو: "الويل، الويل، المدينة الكْبيرة، بابل القويّة، خاطر في ساعة واحدة جات المحاسبة مْتاعك."" 11 تُجّار الأرض يَبكيو ويَبقاو فالحزّن عليها، خاطر ما بْقا حَتّى واحد يَشري سَلعَتُهُم، 12 سَلعة الدهب والفَضّة والحجر الكريم والجوهر والكَمّان والقُماش الزاروقي والحرير والقُماش الحمر الحامق وكُل حاجة مْتاع الحطب الغالي والنْحاس والحديد والرْخام، 13 والقرفة والبُهارات والروايح والمرواك والشريطات والعبيد

والناس، 14 "راحَت عليك شَهوة نَفسك لغَلّة الموسَم وضاعو مَنَّك الكُنوز والحَطَّات، وعَرك ما تعاودي تَلقايهُم"، 
15 تُجَّار هاد الحاجات اللي تُرفّهو منها يَبقاو بعاد عليها من الخوف من عْدابها، يَبكيو ويَحَّرنو عليها، 16 ويْقولو: "الويل، 
الويل، المدينة الكُبيرة اللي كانت تلبَس الكَّان والزاروقي والحَمْر الحامَق واللي كانت مُصِيعَة بالدُهَب والحَجْر الكُريم 
والجوهَر، 17 خاطَر في ساعة واحدة، ضاع كامَل هاد التَرفاه." وكامَل اللي يْصوڤو البابورات والمُسافرين والبَحَّارة 
وقفو بْعيد عليها، 18 وكانو يعيطو وهومَ يشوفو دُخّان حْريقها ويْقولو: "شكون بُحال المُدينة الكُبيرة؟" 19 وكانو يَرميو 
التُراب على ريسانهُم ويْعَيطو ويَبكيو ويَعَزنو ويْقولو: "الويل، الويل، المُدينة الكُبيرة، اللي من تَرفاهها تُرفهو فيها 
كامَل اللي عَندهُم بابورات فالبُحَر، خاطَر في ساعة واحدة تُعرّات. 20 أَستشفاي فيها يا السْما، والقَدّيسين والرُسُل 
والأُنبيا خاطَر الله حاسَبها على ما دارَبَّلكُم."

<sup>21</sup> ورْفَد مْلاك قْوي حَجرة كي اللي رْحيوة كبيرة ورْماها فالْبْحَر وقال: "هَكدا بضَربة واحدة تَتَرَما بابَل المْدينة الكْبيرة وما يْزيدوش يَلقاوها، <sup>22</sup> وصوت اللي يَضَّربو الڤيتارة، والموسيقين واللي يْجَوَّقو بالزمّارة واللي يْجَوَّقو البوق ما يْعاودوش يَنسَمعو فيك، وما يْعاودوش يَلقاو فيك صانع صَنعة، وَلا تاني يَنسمَع فيك صوت الرْحيوة، <sup>23</sup> ونور الشَّمَع ما يْعاودش يْبان فيك، وصوت العروس والعروسة ما يْعاودش يَنسمَع فيك، خاطر تُجَّارَك كانو هومَ النَّجار فالأرض، خاطر بَسَحرَك ضاعو كامَل اللي نْدَبحو على الأرض.

#### 19

# التَسبيح فالسما

1 بَعد هَدا، شَمَعت صوت عالي فالسَّما كلّي جاي من غاشي كبير يُقول: "هَللويا، السَّلاك والجَد والقُدرة لإِلَمنا، وخاطر حْكامو حَقّانِيّن وصالحين، خاطر حاسب الزانية الكْبيرة اللي فَسَدَت الأرض بزناها ورَد تار دَم عُبادو منها." 3 ومَرّة تانية قالو: "هَللويا، دُخّانها يَطلَع للدُوام." 4 وركعو الشيوخة الرَبعة وعشرين والخَلايق الرَبعة وسَجدو قُدّام الله القاعد على العَرش وهومَ يُقولو: "آمين، هَللويا." 5 وصوت خُرَج من العَرش يُقول: "سَبّحو إِلَهنا، يا عُبادو كامَل واللي يُخافوه، الصُغار والجُبار." 6 وسُمت كي صوت غاشي كُبير وكي صوت ما قاوي، وكي صوت رُعود قاويين، يُقول: "هَللويا، خاطر الرَب إِلهنا مُلك، القادَر، 7 هَيّا نَشَرحو ونَسَّعدو ونُسَبّحوه خاطر جا عُرس الخُروف، ومَرتو وَجَدت رَوحها، 8 أَتَّعطالها باش تَلَبس كَتَّان رُقيق يَبرَق صافي، خاطر الكَتَّان هُو الفُعال الصالحين مُتاع القَديسين."

ُ وقاللي: "أَكتَب: يا سَعدهُم اللي نُعَرضو لعْشا عُرس الخُروف." وقاللي: "هَدو كْلايَم الله الحَقّانِيّن." <sup>10</sup> وطُحت قُدّام رَجليه باش نَسجَدلو، وقاللي: "بَلاك، أنا عَبد كيما أنتَ وخاوتك اللي عَندهُم شْهادة يَسوع، أَسجَد قُدّام الله، خاطر شْهادة يَسوع هِي روح النُبُوّة."

# الراكب على العود الأبيَض

أا وشَفت السَّما غُلَّت وهاو عود بَيْض واللي قاعَد عليه يْعيقطولو الحُلالي والحقّاني، يَحكُم ويْحارَب بالحَق. 1 عينيه
 كي لهيب النار، وفوق راسو تيجان برَّاف، عَندو آسَم مُكتوب، واحد ما يَعَرفو من غيرو. 13 كان لابس برنوس مُشَمَّخ بالدَم، وآسمو عَيقطولو: "كَلمة الله." 14 الجيوش اللي فالسَّما كانو يْنَبَعو فيه فوق عُواد بْيوضة، لابسين كَتَان

رْقِيق بَيْض صافي، <sup>15</sup> ومن فَمَّو كان يُخرَج سيف قاطع، باش يَضرَب بيه الأُمَّات، ويَرعاهُم بعْصا مْتاع الحْديد، وهُو َيعَفَس في مَعصرة شْراب الزْعاف الكْبير مْتاع الله القادَر. <sup>16</sup> وعَندو فوق بَرنوسو وفوق خَلَدو آسَم مَكتوب: "سَلطان السْلاطَن ورَب الأرباب"

17 وشَفت مْلاك واقَف فالشَمس، عَيَّط بالزور لكامَل الطُيور اللي يْطيرو في وَسط السْما: "أرواحو، أَتلَمَّو للعْشا الكْبير مْتاع الله، 18 باش تاكلو لحَم السْلاطَن ولْحَم قِيَّاد الجْيوش، ولْحَم القْوايا ولْحَم العْواد واللي راكبينهُم، ولْحَم كامَل الأحرار والعبيد تاني، صْغار وْبَار."

19 وشَفت الهايشة وسْلاطن الأرض وجْيوشُهُم مَتلَمَّين باش يْديرو الحَرب ضَد اللي قاعَد على العود وضَد الجيش تعو. 20 نُحكمَت الهايشة ومعاها النّبي الكَدّاب اللي كان يْدير مارات قُدّامها، واللي ضَيَّع بيهُم اللي عَندهُم شامة الهايشة واللي كانو يَسَّجدو قُدّام تَصويرَتها، أتَّرماو حَيِّين في واد النار، الشاعَل بالكَبريت، <sup>21</sup> واللي بْقاو نْقَتلو بالسيف الخارَج من فَم اللي قاعَد فوق العود، وكامَل الطيور شَبعو من لخَمهُم.

#### 20

### مُلك المُسيح

أ وشَفت مْلاك هابَط من السَّما، عَندو مَفتاح مَسكن الموتى وسَنسلة عُبيرة على يَدّو، 2 وحُكم التَّنين، الحُنش القديم، اللي هُوَ إبليس والشيطان ورَبطو لمَّدة أَلف عام، 3 ورْماه في مَسكن الموتى وغْلَق عليه وخْتَم، باش ما يْزيدش يْضَيَّع الأُمَّات حَتَّى يَخلاصو الأَلف عام. بَعد هَدا، لازَم يَتسَرَّح لمُدّة قْصيرة.

4 وشَفت عْروش، قَعدو عليهُم نْفوس اللي نْدَبحو بالشاقور على جال شْهادة يَسوع وعلى جال كُلام الله، واللي ما سَجدوش قُدّام الهايشة وَلا قُدّام تَصويرتها، واللي ما نالوش الشامة على جْبينهُم وعلى يَدهّم، وأتَّعطالهُم الحُكم وعاشو ومَلكو مع المَسيح مُدّة أَلف عام. أَ الموتى الباقيين ما عاودوش حْياو حَتّى خْلاصو الأَلف عام. هَدي القيامة الأولى. 6 يا سَعدو ومْقَدَّس اللي عَندو نْصيب فالقيامة الأولى، هَدو الموت التانية ما عَندهاش قُدرة عليهم، يُكونو رْجال دين الله والمَسيح ويَمَّلكو معاه فالأَلف عام.

#### محاسبة الشيطان

<sup>7</sup> وكي يخلاصو الألف عام، يتسرَّح الشيطان من الحبس متاعو، <sup>8</sup> ويُخرَج باش يْضَيَّع الأَمَّات اللي فالأطراف الربعة متاع الأرض، جوج وماجوج باش يْلمَوهم للحَرب، وهومَ بَرَّاف كي رْمَل البْحَر. <sup>9</sup> وطلعو على الأرض بطولها وحاصرو جيش القديسين والمدينة المحبوبة، وهَبطَت نار من السما وكُلاتهُم. <sup>10</sup> وإبليس اللي ضَيَّعهُم أَتَّرما في واد النار والكَبريت وبن تاني الهايشة والنبي الكَدّاب، ورايحين يتَعَدّبو نْهار وليل على الدوام.

### محاسبة الموتى

أا وشَفت عَرش كْبير بْيَض واللي قاعد عليه، واللي هَربَت من قُدّامو السْما والأرض وما أتَلقاش مْكان ليهُم.
 وشَفت الموتى، النّجار والصْغار، واقفين قُدّام العَرش، وغْكَلّو كْتوب، ونْمَاب آخُر غْكَل هُو ثَمَّاب الحيْاة، وتُحاسبو الموتى على حْساب وفعالهُم. أن ومَد البْحَر الموتى اللي فيه، والموت على حْساب والله كنه والموت

ومَسكَن المُوَتى مَدّو الموتى اللي فيهُم، وتُحاسبو كُل واحَد على حْساب فْعالهُم. 14 والموت ومَسكَن الموتى أُتَّرماو في واد النار. هَدي الموت التانية وهِيَ واد النار. <sup>15</sup> وَلاّ واحَد ما أَتَّلقاش مْسَجَّل فِي ثُمَّابِ الحْيَاة، يَتَّرما في واد النار.

21

# السما الجديدة والأرض الجديدة

1 وشَفت سُما جْديدة وأَرض جْديدة. خاطَر السَّما الأولى والأرض الأولى راحو، والبُحَر ما وَلاَّس كاين. وَشَفت المُدينة المُقدسة أروشَليم الجُديدة، هابطة من السَّما من عَند الله، مُوجَدة كي العُروسة كي تُكون مْزَيّنة لراجَلها. 3 وسُمَعت صوت ثبير خارَج من العَرش يْقول: "هاو مَسكَن الله مع بْني آدَم، يَسكُن معاهُم وهوم يُكونو شعوبو، والله بالدات يُكون معاهُم، إلهَهُم، 4 ورايَج يَمسَح كُل دَمعة من عينيم، والموت ما تُولِيش كاينة. لا حْزَن، لا عْياط، لا وْجاع ما يُولِي كاين، خاطر الحاجات القُدَم راحو. 5 وقال القاعَد على العَرش: "هاوليك، ندير كُل شي جْديد." وقال: "أكتب، خاطر هَدا هُو الكُلام الحَقاني واللي فيه الآمان" 6 وقاللي: "صْرا، أنا هُو الأَلف والياء، البُدية والأَخْر. أنا للعَطشان نعطي من العَنصَر ما حَي باطَل. 7 اللي يَغلَب يَورَت هاد الشي، ونكون إلهُو وهُو يُكون وْليدي، 8 بَصَّح للخَوّافين والخَدّاعيين والفاسدين والقتّالين والزانيين والسَحّارين والمُشركين ولكامَل الكَدّابين، نصيبهُم فالواد اللي يَعرَق بالنار والكَبريت، واللي هُو الموت التانية."

# أورشَليم الجُدْيدة

º وجا واحَد من السُّبَع مَلايكة اللي عَندهُم السُّبَع كيسان، المُعَمرين بالمُصايَب السَّبعة الأُخرانِيِّين وهْدَر معايَ وقال: "أرواح نُورّيلَك العْروسة، مَرت الخْروف." <sup>10</sup> ورْفَدني الروح وأدّاني لجبُل كْبير وعالي وورّالي المْدينة المْقَدَسة أورشَليم الهابطة من السَّما من عَند الله. 11 عَندها مَجد الله، بَّهاها بْحال الحَجرة الكْريمة كامَل، كَي اليَشب البَلُّوري، 12 عَندها صور كُبير وعالى، عَندها طْناشَن باب وفوق البيبان طْناشن مْلاك وأسماوات مَكتوبين، هومَ أسماوات القْبايل الطْناش مْتاع بْني إسرائيل. <sup>13</sup> فالشَرق تلَت بيبان، وفالشَمال تَلَت بيبان، وفالجَنوب تلَت بيبان، وفالغَرب تَلت بيبان. 14 وصور المدينة عَندو طْناشَن حَجرة مْتاع اللْساس، وعليهُم طْناشَن أَسَم مْتاع الطْناشَن رَسول مْتاع الخُروف. 15 واللي كان يَهدَر معاىَ كان عَندو كيل، قَصبة مْتاع الدْهَب، باش يْقيس الْمدينة وبيبانها والصور مْتاعها. 16 والْمُدينة تَمَّة مْرَبعة، طولها قَد عَرضها. وقاس المُدينة بالقَصبة ولْقا طْناشَن أَلف غَلوة، الطول والعَرض والْعلو مْتاعها مَتساويين. 17 وقاس الصور مْتاعها، مْية ورَبعة ورَبعين دْراع، دْراع بْنادَم على حْساب الْملاك. <sup>18</sup> وكان الصور مْتاعها مَبنى باليَشب والمْدينة بدْهَب صافي بْحال الزْجاج الصافي. <sup>19</sup> وحْجَر اللْساسات مْتاع صور المْدينة كانو مْزَينين بكُل حَجرة كْريمة. اللَّساس الأُوَّل باليَشب، التاني بالياقوت الأزرَق، التالَت بالعُقيق الأبيَض، الرابَع بالزُّمُّـرُد، <sup>20</sup> الخامَس بالعْقيق الغامَق، السادَس بالعْقيق الأحَمَر، والسابَع بالزُّبرَجَد، التامَن بالجزّع، التاسَع بالياقوت الأصفَر، العاشَر بالعْقيق الأخضَر، الحْداش بالفيروز، والطّناش بالجَمُّست. 21 والبيبان الطّناشُ طْناشُن جوهرة، واحدة واحدة، كُل باب كانَت بجوهرة واحدة، وساحة الْمدينة بالدُّهَب الصافي كي الزُّجاج الصافي. 22 وما شَفت فيها حَتَّى مَعبَد، خاطَر الرَب الإله القادَر هُوَ مَعبَدها، هُوَ والحْروف. 23 والمْدينة ما كانَت تَسحَق لا شَمَس وَلا قْمَر باش يْضَوّْيوها، خاطَر مَجد الله ضَوّاها والخروف هُوَ شَمَعَتها. 24 الأُمّات يَمشيو بنورها، وسلاطن الأرض يْجيبولها خيرهُم، 25 ويبيانها عْمَرهُم ما يَنغلقو فالنهار، خاطَر ما يْكونش تَّمَّة الليل، 26 ويْجيبولها خير وشان الأُمَّات، <sup>27</sup> وعَمرو ما يَدخُلها الناجَس وَلاّ اللي يْدير الفْساد والكْدَب. ما يَدُّخلوها غير اللي مْسَجلين في <sup>\*</sup>كتاب الحْياة مْتاع الخْروف.

#### 22

#### واد الحيْاة

أوورّالي واد مْتاع ما الحْياة، صافي كي البَلاّر، خارج من عَرش الله والخروف. 2 في وَسط الساحة مْتاعها وفالواد، مَنّا ومن الهيك، سَجرة الحياة ثُمد طْناشَن غَلّه، كُل شُهر ثُمد غَلَّتها، ووْرَق السَجرة بيه يَبراو الأُمّات، 3 حَتّى نَعلة ما تُوكيّ كاينة، وعَرش الله والخروف يْكون فيها، وعْبادو يَعبدوه، 4 ويشوفو وَجهو وآسمو على جْبايَهُم، 5 والليل ما يُولّيش كاين وما يُولّيوش يَشَحقو الضو مْتاع الشْمَع والضو مْتاع الشَمس، خاطَر الرَب الإله يْضَوّي عليهُم، ويَملّكو للدُوام.

6 وقاللي: "هَدا هُوَ الكَّلام الحَقَّاني واللي فيه الآمان"، والرَب، إلَه أرواح الأنبيا، بْعَت مْلاكو يُورَّي لعْبادو واش رائح قْريب يَصرا.

# قْريب يْجِي الْمَسيح

7 "هاوليك، قْريب غْجِي، يا سَعد اللي يَحفَض كْلام النُّبُوَّة مْتاع هاد النَّمَابِ" قْريب غْجى

8 أنا هُو يَوحَنّا اللي شَمَعَ وشاف هادّ الشي. وكي شُمَعت وشَفَت، رُكَعت باش نَسجَد قُدَّام رَجلين المُلاك، اللي وَرّالي هاد الشي، <sup>9</sup> وقاللي: "رَد بالَك تْدير هَكدا، أنا عَبد كيما أنتَ وخاوتَك الأَنبيا واللي يَحَّفضو كُلام هاد النُكّاب، أَعَجد قُدّام اللهُ:" 10 وقاللي: "ما تَختَمش كُلام النُبُوّة مْتاع هاد النُكّاب، خاطر الوَقت قُريب. <sup>11</sup> الضالمَ غير يْزيد يَضَلَم، والمُوسَّخ غير يْزيد يَقدَّس،

<sup>12</sup> هاوليك، نجْي بالخَف، والآجَر مْتاعي معايَ باش نْرَد لكُل واحَد كيما هِيَ خَدَّمتو. <sup>13</sup> أنا هُوَ الأَلف والياء، الأَولاني والأخراني، البَدية والأَخَر. <sup>14</sup> يا سَعد اللي يَغْسلو ثْنادَرهُم، باش يُكون عَندهُم الحَق في سَجرة الحُيَاة ويَدَّخلو للمُدينة من البيبان. <sup>15</sup> بَرَّا الكُلاب والسَحّارين والزانيين والقَتّالين والمُشرِكين وكامَل اللي يُحْبَو ويْديرو الدْعُل."

16 "أنا يَسوع بْعَثت مْلاكي، باش نَشْهَدَّلَكُم بهاد الشي على الكْثاليَس. أنا أصَل ودَرِيَّة داوَد، النَجمة الضَوّاية مْتاع الصْباح.

17 الروح والعُروسة يُقولو: "أرواح "، واللي يَسمَع يْقول: "أرواح"، والعَطشان غير يْجي، واللي يْحَب غير ياخُد ما الحْياة باطًا.

أنا نَشَهَد لكُل من يَسمَع كُلام النُبُوّة مْتاع هاد النّكاب. وَلا واحد زاد على هاد الشي، يْزيد الله عليه المُصايَب المكتوبين في هاد النُّقاب، <sup>19</sup> وَلا واحد نَقَص من كُلام النُّقاب مْتاع هاد النُبُوّة، يْنَقَص الله نْصيبو من سَجرة الحياة ومن الله نَقدسة، المكتوبين في هاد النَّقاب."

20 يْقُول اللِّي يَشْهَد بهاد الشِّي: "إيه، نْجِي بالخَف"، "آمين، أرواح يا رَب يَسوع"

21 نَعمة الرَب يَسوع مع الكُل.